


Ebe-No-Pfuase Ishobo
Onogbo



New Testament in Ivbie North-Okpela-Arhe (NI:atg:Ivbie
North-Okpela-Arhe)

Ebe-No-Pfuasẹ Ishobọ Onogbọ

New Testament in Ivbie North-Okpela-Arhe (NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files dated 29 Jan 2022
03be06b0-68fd-500b-b9a9-6bca4b63979a

Contents

iMatiu	1
iMaki	48
iLuku	78
iJoni	126
Ikanya	163
iRoma	208
1 iKoritia	229
2 iKoritia	249
iGalesha	262
Efisha	269
iFilipia	277
iKolosha	282
1 iTesalonia	287
2 iTesalonia	291
1 iTimoti	294
2 iTimoti	300
iTato	304
iFilemō	307
Iburu	309
ijemhisi	325
1 iPita	330
2 iPita	336
1 iJoni	340
2 iJoni	345
3 iJoni	346
iJudu	347
Irokhase	349

Usomhi Onete oyi iJesu iKirisiti ni IMatiu O keke

Unuekpẹ oyi iJesu iKirisiti (iLuk 3.23-38)

¹ Ona o khi akeke shi eke abi unuekpẹ oyi iJesu iKirisiti Omi iDefidi ni o khi Omi Aburaamu o li ze.

² Aburaamu o bia Aziki, Aziki o bia iGiekopu, iGiekopu o bia iJuda ali inyoghuo oli nya.

³ iJuda o bia iPerẹzi ali iZera, okpotso ni o bia we,

a lu iTama. iPerẹzi o bia Ezironi. Ezironi o bia iRamu.

⁴ iRamu o bia Aminadabu. Aminadabu o bia iNashoni, iNashoni o bia iSalimoni.

⁵ iSalimoni o bia iBoazi,

okpotso ni o bia iBoazi, a lu iRe-abu. iBoazi o bia Obedi ni a lu inyoli iRutu. Obedi o bia iJese.

⁶ iJese o bia iDefidi ni o khi oghie. iDefidi o bia iSolomoni ni inyoli o kpe khi ughue Uraya.

⁷ iSolomoni o bia iReobuamu. iReobuamu o bia Abija. Abija o bia Asa.

⁸ Asa o bia iJeoshafati. iJeoshafati o bia iJeoram, iJeoram o bia Uzaya.

⁹ Uzaya o bia iJotamu. iJotamu o bia Aazi. Aazi o bia Ezekaya.

¹⁰ Ezekaya o bia iManase, iManase o bia Amoni. Amoni o bia iJosaya.

¹¹ iJosaya o bia iJekonaya ali inyoghuo oli nya eghẹghẹ ni a ro muno egbo iZireni ighumha je iBabilo.*

¹² Abi e ke ro rote iBabilo jele, iJekonaya o bia iShalitiēni. iShalitiēni o bia iZerubabeli.

¹³ iZerubabeli o bia Abiudu. Abiudu o bia Eliakimu. Eliakimu o bia Azori.

¹⁴ Azori o bia iZadoki. iZadoki o bia Akimu. Akimu o bia Eliudu.

¹⁵ Eliudu o bia Eliaza. Eliaza o bia iMataani. iMataani o bia iGiekopu.

¹⁶ iGiekopu o bia iJosefu, ni o rue iMeli inyi iJesu shi ni a lu iKirisiti.

¹⁷ Rote eghẹghẹ Aburaamu bhale eghẹghẹ iDefidi, e khi agbhotu igbene. Ke rote eghẹghẹ iDefidi bhale eghẹghẹ ni a ro muno egbo iZireni ighumha je iBabilo, e khi agbhotu igbene. Ke rote eghẹghẹ iBabilo bhale eghẹghẹ ni a ro bia iJesu iKirisiti, e gbo li khi agbhotu igbene ghọ.

Abi a li bia iJesu iKirisiti (iLuk 2.1-7)

¹⁸ Abi a li bia iJesu iKirisiti na. Neni iMeli inyoli o ngeli na iJosefu ni o o gue oli. A bhale ya e khi iMeli o o me omo ni o rote obo oyi Ayemhe-nopfuase bhale.†

¹⁹ Itobo khi iJosefu ughuoli, o khi ogbo ni o gue angeli, o o sali shi udu khi loli ya kuegbe-a ri imeli shi eke, ini loli khi yeghe oia ukpeloe agbo.

²⁰ Abi o lii sa ona shi udu, ageni o bhale deba li alo elena, o o li, "iJosefu omi iDefidi, khi ke ze ni ulishi o mu e abi u li ya rue iMeli shi ughue, irari khi omo ni o o me, obo oyi Ayemhe-nopfuase o te bhale.

²¹ O ya bia omo omo, eva ni u ya lu oni omo khi iJesu, irari khi o ya mie egbo eyoli olamhe pfuese."‡

²² Eri a me enana ni a ro bhe ya e khi ingmemhi ni Eshinegba o rote unu oyi omekeguele ngme, ni e bhale ya tse. Ni o o,

²³ "Ghe khe! Omueshi ni o a le deba omo ghue o ya ke me omo, o bia omo omo, eva oyoli a ya ke lu iManueni."§

* 1:11 Li ze 2 Ighie 24.14-15; 2 Okhe 36.10; iJere 27.20 † 1:18 Li ze iLuk 1.27 ‡ 1:21 Li ze iLuk 1.31 § 1:23 Li ze Aza 7.14; 8.8,10

Abi ona o ngme khi, “Eshinegba o nu awa la.”

²⁴ Abi iJosefu o ro guale, o rięle emini Onomhue o mhese na li o rięle, o rue iMeli ughue abi Eshinegba o gueye o li.

²⁵ Eri-tse khi iJosefu o a tigbe le deba iMeli, ramhi ni o ro bia oni omo omo. IJosefu o lu eva oyi oni omo, iJesu.*

2

Epfese ni e rote obini ovo o te e ngale bhale

¹ Eoli ni a lu iBetilemu obini eke iJudia a bia iJesu shi, eghęghę ni oghie ni a lu Erođu o ro khi oghie. Emose elesingme eghuo e rote obini ovo o te e ngale bhale eke iJerusalemu.

² Ee mhila, ee lie, “Obo a bia oni omo ni o ya khi oghie oyi egb o iJu shi? Irari khi anye she me ukpetata oyoli obini ovo o te e ngale, loli o ze khi anye bhale ni anye ya ga li.”

³ Abi oni oghie Erođu o ro suo ona, egbe ea ke sheshe loli ali egb o kpa ni e la iJerusalemu.

⁴ O luno ighie eyi ekpodalo-ugamhi nya ali esese Ishi eyi iMosisi kugbe. O mhila we, o o we, “Obo e khi a ya bia iKirisiti Omiepfuese shi?”

⁵ E gueye o li, “Eoli iBetilemu na eke iJudia lo.” “Irari khi igho emekeguele e keke shi eke khi:

⁶ “iBetilemu na eke iJudia, yeye u ga khi oni o mu eloe ne nya elemhi eoli eniemhi ni e la eke iJudia.

Aye oghie o te ya lasale, ni o ya ri egb o iZireni khase ode.’ ”*

⁷ Igho oghie Erođu o lu eni emose egho ochi, o mhila we, “Eghęghę onoghuo a ro me oni ukpetata?”

⁸ Igho o ghie we je iBetilemu, o o we, “A ke le, a kuegbe-a ya nono o li. A kha da me o li ne, a nyene egbe bhale ya gueye mhe ni mhi li ya ga li.”

⁹ Abi e ro suo abi Erođu o ngme se, e te agho fie lasale. Igho e gbo me oni ukpetata ni e kpe me obini ovo o te e

ngale. O re we khase ode ya ramhi ni o ro migha ukhomhi oni owa ni oni omo o la.

¹⁰ Egbe e mema mu we abi e ro me oni ukpetata. ¹¹ Igho e lo elemhi oni owa. Abi e ro me oni omo ali inyoli iMeli, e wugha e ga li. E khueghie ekuę ni e tsua-a, e rue igolu ali afu ituale ali oili ituale ni e e pfie ni e ghale somhi o li opfa.

¹² Igho Eshinegba o tse agua ye we alo elena e khi gbo nyene egbe ukhokho deba oni oghie. Itobo igho e rote ode olese ya je apfe.

A rue iJesu na je eke ijipiti

¹³ Abi eni emose e ro je se, aģeni oyi Onomhue o gueye iJosefu alo elena, o o li, “Erođu o o nono oni omo ona ni lue gbe o li-a. Rue o li ali inyoli na je eke ijipiti. La agho ramhi eghęghę ni mhi ro ya gueye u rote agho vu.”

¹⁴ Obili o bi, iJosefu o rue oni omo ali inyoli na je eke ijipiti.

¹⁵ Oobo o la ramhi ni oghie Erođu o ro ghu-a. Eri Eshinegba o rięle ona ni a ro bhale ya e khi emini omekeguele o ngme khi o bhale ya tse. Ni o o, “Eke ijipiti mhi te lu omi mhe.”†

Erođu o shi ushi a gbolo eniye enikeke-a

¹⁶ Abi Erođu o ro me khi eni emose ni e rote obini ovo o te e ngale bhale egho khi e di lue, Elemhi ee bi o egbegbo. O shi ushi a gbolo eniye emose enikeke ni e la eoli iBetilemu ali eoli ni e la gasę o li-a nya. Eniye rote ikpe eva tiemhi eke, abi eni epfese e gueye oni oghie eghęghę ni e ro me oni ukpetata.

¹⁷ Abi a li me o li ena, o ri ungmemhi ni omekeguele iJeremaya o ngme bhale ya tse.

¹⁸ “A suo okokohue eke iRama,‡

ni o khi oyi evię, ali evię oya.

IReche o o vię imi o li,

Áa yeę o li,

o a ze yeę, irari

* 1:25 Li ze iLuk 2.21 * 2:6 Li ze iMika 5.2 † 2:15 Li ze Osia 11.1 ‡ 2:18 Li ze iJere 31.15

khi imi ọli e ghulo-a.”

IJosefu ali apfoli e rote eke ijipiti jele apfe

¹⁹ Erodu o ghu-a se, aḡeni oyi Eshineḡba o bhale deba iJosefu alo elena obini eke ijipiti.

²⁰ Oo, “IJosefu, vule, rue omie ali ughue, a ke je eke iZireni irari khi eni ee nono ni wewe e gbe oni omo-a, e she ghuloa.”

²¹ Igho iJosefu o vule, o rue oni omo ali inyoli, o nyene egbe je eke iZireni.

²² Eri-tse khi abi iJosefu o ro suo khi Achelusi o ke shito ukpekhomhi oyi itali shi eke iJudia, ulishi o mu oli oa gbudu je oobo, o ri ochogho ya je obini eke iGalili abi aḡeni o she kpe tse agua ye oli.

²³ O ri iNazareti mele apfe oyoli-a. Irarigho, ungmehi ni emekeguele e ngme, o bhale ya tse. Ni oo. “A ya ke lu oli ongi iNazareti.”§

3

IJonni Oni oo batazi egbo oo tse abo (iMak 1.1-8; iLuk 3.1-18; iJon 1.19-28)

¹ Ikpe ni e bu e dose, iJonni Oni oo batazi egbo o laselle shi elemhi odagbe ifufu na eke iJudia, oo tse abo.

² Oo lie, “A rote olamhe eye e mu pfi irari khi Eghiele oyi Eshineḡba o she ti bhale.”*

³ Ingme oyi iJonni ona, Azaya omekeguele oo ngme abi o ro lie, “Ogbo oghuo o la elemhi

odagbe ifufu e tse, oo lie, ‘Be ode-a na Onomhue rote, be oli sheshe.’”†

⁴ Itsua ni iJonni o ro so, iriria akphere a ro do we. O ri ogbene eku e lamhi mu oku. Initso ali oribo e khi eminale eyoli.‡

⁵ IJerusalemu ali eke iJudia ali edeli ni e mama oke iJodani nya egbo e rote e bhale ni e suo ungmehi oyoli.

⁶ Ola elemhi oke iJodani batazi egbo, ee zono olamhe eyewe laselle.

⁷ Abi iJonni o ro me khi egbo otu iFarisi ali iSadusi ni e bu e bhale deba li o batazi wewe, oo we, “Ee enye ali imi enye! Oghuo o tse agua ye e, a na, khi anasemhe oo bhale ni Eshineḡba o ya ghie ghi e?”§

⁸ A ke ngeli ingeli eni e ya rokhasa khi a she mu pfi.

⁹ A khi ke sa khi a ya na pfue anasemhe ini a da lie, ‘Aburaamu o khi itita anye.’ Itobo khi Eshineḡba o dobe ya rote eche ena woloo eniye laselle na Aburaamu.*

¹⁰ A she to uze so udi oara. Oara ni oa da mo unomhi onete ne, a ya khi oli pfilo erali.†

¹¹ “Ame mhi ro o batazi e memena, irari khi a she mu pfi. Ogboese ni oo bhale ikpukhokho oyemhe, o fu dose mhe. Mhi a fe fute oni o tsua eku e oyoli eke. Loli o ya ri Ayemhe-nopfuase ali erali batazi e.

¹² O mu ukpokpo ni a to akhuli ni o ze epfia so mhue obo oyoli, ni o ro ya ke ghiaghiye we, o pfi e fue ado-a, ashini a la kpishi we. Oo ti we gbili shi ashini a ri eminale e shi, eni efue we egho, o ya ri erali ni ea ya pfua ghue tose we-a.”

Abi iJesu o li batazi

(iMak 1.9-11; iLuk 3.21-22)

¹³ IJesu o ya rote eke iGalili bhale oke iJodani ni iJonni o batazi lu e.

¹⁴ IJonni, oo nono ni loli khu iJesu oni ibatizi, oo iJesu, “Ye ye u kha batazi mhe, se u ke gbo li bhale deba mhe mhi batazi e?”

¹⁵ IJesu o soli o, oo li, “Iiye. Kie ze ni awa lina ri ele oli eghenge ona, ni awa me asha ri oghuemhe oyi Eshineḡba gbe akanya pfo.” IJonni o lama shi oli o.

¹⁶ A batazi iJesu se, khi o lese na rote elemhi oke ngale eso egele, o me khi idane o khueghie a. Igho o me khi Ayemhe oyi Eshineḡba o li abi anekukhu tiemhile bhale ya ma li egbe.

§ 2:23 Li ze iMak 1.24; iLuk 2.39; iJon 1.45 * 3:2 Li ze iMat 4.17; iMak 1.15 † 3:3 Li ze Aza 40.3

‡ 3:4 Li ze 2 Ighie 1.8 § 3:7 Li ze iMat 12.34; 23.33 * 3:9 Li ze iJon 8.33 † 3:10 Li ze iMat 7.19

17 A suọ khi uruli o rọte idane ngme, oọ li, “Omimhe ni mhi nono ingme oyọli na, ni o ri egbe e mu mhe.”‡

4

Imufe oyi iJesu

(iMak 1.12-13; iLuk 4.1-13)

1 Ayemhe o rue iJesu je odagbe ifufu ni Okphaghie o me asha mu oli fe.*

2 Abi iJesu o ro pfi azumhi ogbele egbhueva se, okiamhi oo gbe oli.

3 Igho Okphaghie o bhale deba li, oọ li, “Ini o khia khi Omi Eshinegba u khi, nu eni eche ena ngme ni e mele eminale-a ne ni u le.”

4 IJesu oọ li, “Ebe-no-pfuase o ngme ghọ khi:

“Oa khi eminale tse,
o ri agbo a na ogbo,
ama ungmehi ni
o rọte Eshinegba unu lasela kpa.’
”†

5 Igho Okphaghie o rue iJesu je iJerusalemu, eoli no pfuase. O rue oli ya nga apfiapfiemhi ashini o yagha ne shi Owa Oyi Eshinegba ya migha.

6 Oo iJesu, “Ini o khi Omi Eshinegba u khi, rọte ukhomhi ana ji ya tiemhi ekekhe.” Irari khi Ebe-no-pfuase o ngme oli khi:

“Eshinegba o ya
ri unu na igeni eyoli
e ri eloe shi e egbe
e kpe abo mue,
Ini u khi khi owe
shi eche.’‡”

7 IJesu oọ li, “A gbo li keke o shi Ebe-no-pfuase khi, ‘Khi mu Eshinegba Onomhue oye fe bino.’ ”§

8 Igho Okphaghie o rue iJesu nga ukhomhi ute ni o lolo yagha, o ga ri eghiele ni e la agbo ona nya ali isomhotse oyewe khase oli.

9 Oo li, “Ena nya mhi ya ro ne ini u lese nyese ukhomhi ga mhe.”

10 IJesu oọ li, “Vu mhe alo-a, Okphaghie! Ebe-no-pfuase do lie,

“ ‘Nyese ukhomhi na Eshinegba Onomhue oye,
loughuo kpe wa ke ga.’ ”*

11 Igho Okphaghie o ze iJesu abo, igeni e bhale ya kpaghie oli abo.

IJesu o rọte iGalili gba ikanya eyoli eke le

(iMak 1.14-15; iLuk 4.14-15)

12 Abi iJesu o ro suọ khi a mu iJoni shi owa ighumha, o nyene egbe je edeli iGalili.†

13 Oa migha iNazareti, o je iKapanomu, edeli ni o la ukiekie oke iGalili ni o la eke iZebulo ali iNafutali.‡

14 Eri a me ena ni a ro bhale ya e khi ungmehi ni Azaya omekeguele o ngme, o bhale ya tse, ni o la lie,

15 “Ee eke iZebulo
ali eke iNafutali,
ni a la ini a da oke iJodani lase,
iGalili, ni egbo

iJeta e ngeli, ni o la ode ni o je oke oniemi.

16 Egbo ni e la alo ebili e ya me akpa oniemi.

Oni akpa o ngale na egbo ni o li abine khi eghuli o ti mama we.”*

17 Rote agho vu iJesu o rọte tse abo kia guele, “Ogbo o mu pfi, irari khi Eghiele oyi Eshinegba o she ramhi.”†

IJesu o lu egbifele aane e deba lue

(iMak 1.16-20; iLuk 5.1-11)

18 Abi iJesu o li kia epfefefe oke oniemi iGalili, igho o me iPita ali Aduru, ogbo ali inyoghuo ni e khi egbifele khi e ri aga a gbe ifele oni okeno-khishi.

19 IJesu oọ we, “A bhale deba mhe khi mhi ya sese e abi a ke lie ke lu egbo bhale, ocho ni a ro o gbe ifele.”

20 Aghoagho e ze aga eyewe abo, e deba li.

21 O ke le, o me ogbo ali inyoghuo, ijemhisi ali iJoni imi iZebedi khi e nu itawe la elemhi oko oke ni e lo, e ri ele

‡ 3:17 Li ze Igbae 22.2; Iwolo 2.7; Aza 42.1; iMat 12.18; 17.5; iMak 1.11; iLuk 9.35 * 4:1 Li ze Iburu 2.18; 4.15 † 4:4 Li ze iDeut 8.3 ‡ 4:6 Li ze Iwolo 91.11,12 § 4:7 Li ze iDeut 6.16 * 4:10 Li ze iDeut 6.13 † 4:12 Li ze iMat 14.3; iMak 6.17; iLuk 3.19-20 ‡ 4:13 Li ze iJon 2.12 § 4:15 Egbo iJeta khi egbo ni e la eke agbo ona nya ni ea khi egbo iZireni. * 4:16 Li ze Aza 9.1-2 † 4:17 Li ze iMat 3.2

aga oyewẹ ẹ riẹlẹ. Ijesu ọ lu wẹ e bhale.

²² Aghoaghọ e lase oko-okẹ le, e pfi itawẹ shi agho, e deba li vu.

Ijesu ọ ri eni ẹẹ ghua ze
(iLuk 6.17-19)

²³ Ijesu ọ kia asha kpa eke iGalili ọ la owa ugamhi eyewẹ sese wẹ usomhi onete oyi iloghie, ali ọ ri ẹgbọ ni e mhue ighuamhi ododa ze.

²⁴ Igho a li suo eko ọli ushishi iSiria ogho nya, ya ramhi khi ẹgbọ e tsua eni mhue ighuamhi ali anasemhe ododa, ghe eni e mhue ayemhe okphaghie ali ughuamhi ni ọọ mu ọgbọ pfi gbe ali eni e guoghọ-a bhale deba ijesu. Ọ ga rewe ze nya.

²⁵ Igho ebubu ẹgbọ e rote iGalili ali ẹoli iDikapoli ali iJerusalemu, eke iJudia ali ẹgbọ ni e la ukiẹkiẹ obinokpole oyi okẹ iJodani, e deba li.

5

Osesẹ ni ijesu ọ la esọ ute sese

¹ Abi ijesu ọ ro me oni olele ẹgbọ, ọ ti nga esọ ute denẹ, ọ shito. Eniye odukhokho eyoli e bhale ya shito gase ọli. ² Ọọ sese wẹ, ọọ lie,

³ “Ikhivose o khi oyi ẹgbọ ni e lese khi

Ẹshinegba ọ mhue emhikpa,
wewẹ e mhọli obọ shi
Eghiele oyi Ẹshinegba.

⁴ Ikhivose o khi na ẹgbọ ni ẹẹ vie,*

Ẹshinegba ọ ya yese we.

⁵ Ikhivose o khi oyi ẹgbọ ni e ti egbewe tiemhile,†

Ẹshinegba ọ ya ri
agbọ ona nya na we.

⁶ Ikhivose o khi oyi ẹgbọ ni okiamhi ali okiamẹ igue-ngeli ọọ gbe,‡

Ẹshinegba ọ ya ri
emini ẹ nono na we.

⁷ Ikhivose o khi oyi ẹgbọ ni e mhọli ilelemhi na ẹgbosesẹ,

Ẹshinegba ọ ya

mhọli ilelemhi na we.

⁸ Ikhivose o khi oyi ẹgbọ ni e mhọli udu no pfuase,§
e ya me Ẹshinegba.

⁹ Ikhivose o khi oyi ẹgbọ ni ẹẹ dua ini opfomhe o la ọ,
Ẹshinegba ọ ya lu we imioli.

¹⁰ Ikhivose o khi oyi ẹgbọ ni a mu okhọli vule shi ọ
irari khi e da riẹlẹ
emini Ẹshinegba ọ nono,*

wewẹ e mhọli obọ shi
eghiele oyi Ẹshinegba.

¹¹ “Ikhivose o khi ne, ini ẹgbọ e mu okhọli vule shi ẹ ọ, ẹẹ kie iwali ẹgbhọli ododa me irari khi u mie mhe suo.†

¹² Ze ni u ke ghele, egbe ẹẹ muẹ, irari khi eleli oye ni o la iloghie oo gbẹdi gba. Ina e li mu okhọli vule shi emekeguele ọ ni e kpe bhale khe.‡

Ugbheli ali akpa oyi agbọ a khi
(iMak 1.16-20; iLuk 5.1-11)

¹³ “Eri a li abi ugbheli shi agbọ ọ. Ini ugbheli o wase oviolo oyoli-a, aa ke tigbe mhọli abi a li ya roli gbo mele ugbheli-a. Aa ke roli ya li emhikhoghuo dose a ku ọli kua ni a ri awe lighi ọli eke.

¹⁴ “Eri a li abi akpa shi agbọ ọ. Owa ni a to shi ukhomhi ute ọa ya sheli.§

¹⁵ Aa me ọgbọ ni ọ ya ri akpa ru se, ọ khukhu ọli shi atalabi. Eri ọ ya ri ochoghọ rue ọli nga asha na keghe, ni o ke me eke ni ẹgbọ ni e la oni owa e ke me eke.*

¹⁶ Ligho ze ni akpa oye o ke ge khase ẹgbọ, ni e ro me ikanya enete eye ni e me asha kueghie Ẹshinegba ni ọ la iloghie.†

Osesẹ abi ishi eyi iMosisi o ngme

¹⁷ “A khi dabi khi eri mhi bhale ya shishi Ishi eyi iMosisi eke-a, a khi a dabi khi eri mhi bhale ya shishi emini emekeguele e sese-a. Iiye! Eri mhi bhale ya re we tse.

¹⁸ Ze mhe gueye khi eke ali ukhuli e kha da kie la ọ ne, ukpamhi ingme

* 5:4 Li ze Aza 61.2 † 5:5 Li ze Iwolo 37.11 ‡ 5:6 Li ze Aza 55.1-2 § 5:8 Li ze Iwolo 24.3-4 * 5:10 Li ze 1 iPit 3.14 † 5:11 Li ze 1 iPit 4.14 ‡ 5:12 Li ze 2 Okhe 36.16; Ika 7.52 § 5:14 Li ze iJon 8.12; 9.5 * 5:15 Li ze iMak 4.21; iLuk 8.16; 11.33 † 5:16 Li ze 1 iPit 2.12

okhoghuo ọa ya wa Ishi eyi iMosisi-a, ini emini e keke we shi eke shi nya ẹa li bhale ya tse.‡

19 Itobo igho, ọnini ọ da gbe ushi ni o ga she ne a nya, ni ọ gbolo ẹ sese ẹgbọ e li ligho ne, loli ọ ga ya she ne nya Eghiele oyi Eshinegba, ọnini ọ da riẹle we ni ọ gbolo ẹ sese ẹgbọ eni ishi eyi Eshinegba ne, ọ ya khi ọnofunẹ Eghiele oyi Eshinegba.

20 Mhi gueye ẹ khi ini igue-ngeli oye ọa da dose igue-ngeli oyi esese Ishi eyi iMosisi ali ẹgbọ iFarisi ne, aa ya lo Eghiele oyi Eshinegba.

Osesẹ oyi ingme elemhi ibibi
(iLuk 12.57-59)

21 “A suo khi eghẹghe ni o dose khi a gueye eni egbhali, ẹẹ, ‘Khi gbe ugbeli, ọnini ọ da ligho ne, a ya ri ọli gue ẹzo.’§

22 Ama memena mhi gueye ẹ khi ọni ọ da mhue ofu deba inyoghuo ọli ne, a ya roli gue ẹzo. Ọni ọ da lie inyoghuo ọli, ‘Ye ye ọgbọ afue ọna!’ A ya rue ọli bhale deba enighie. Ọni ọ da lu inyoghuo ọli, ‘Ye ye oye ghe ọna!’ Ọ ya la okhena erali na ilimhi iriere.†

23 “Ini u mhue isomhopfa ni u wa nono ni u ro ghi Eshinegba ukhomhi atete, ni u ro da sato khi inyoghuo ẹ ọ mhue ofu ne shi emini u riẹle ọli ne,

24 ze oni isomhopfa ogho obo shi odalo atete, u je apfe ni ye ye ali ọni inyoghuo ẹ ni a ro riẹle, u tigbe bhale ya ri isomhopfa oye na Eshinegba.

25 “Ini obe ẹ ọ rue ẹ le ikotu, nyanya lema li abi a li la ode ẹ le egho neni a ramhi agho. Ini ọa khi igho, ọ ya rue ẹ na ọso-ẹzo, ọni ọso-ẹzo ọ rue ẹ na ọgbanelemhi, ọ rue ẹ ya khukhu shi owa ighumha.

26 Abi o li mhi li gue ọli ẹ ye ẹ khi, waa ya rote agho lasele ini u waa li ze oko na fiẹ pfo nya.

Osesẹ ingme okia

27 “A suo eghẹghe ni o dose khi a lie, ‘Khi kia okia.’*

28 Ama memena mhi gueye ẹ khi ọnini ọ da ri oghuemhe itsebo bino ọkpotso ne, ọ she kia okia deba ọni ọkpotso elemhi usamhi udu oyoli.

29 Irarigho, ini o khia khi ẹloe na obita oye o ya ze ni u lo owa ere, vuonyo li pfia, irari khi o ti ne ini egbe ẹa gba ne ya lo iloghie, dose khi ye ye nya u lo ilimhi iriere.†

30 Ini o khia khi obita oye o ya ze ni u pfido ya lo owa ere, khi ọli pfia. O tine ni u ze obo oghuo ya lo iloghie dose khi ye ye nya u lo ilimhi iriere.‡

Osesẹ ipfa ughue-a
(iMat 19.9; iMak 10.11-12; iLuk 16.18)

31 “A li ngme ọli shi Ishi eyi iMosisi khi, ‘Omose ọ kha khu ughue ọli, ọ nya ebe ipfa ughue-a na li.’§

32 Ama memena mhi gue ẹ ye ẹ khi, ọni ọ da khu ughue ọli ni o khia khi ọa khi eri ọ kia okia ne, ọ she ye se ọni ọkpotso mele okiokia-a. Omose ni ọ rue ọni ọkpotso ogho, eri ọ li kia okia.*

Osesẹ ironga

33 “A gbo li suo khi a gueye ẹgbọ ena elele, ‘A khi da ironga ni a ro nga, ama emini u romhi Onomhue ro nga, khi da ọ, ligho roli tse.’†

34 Emini mhi ke gue ẹ ye ẹ mena khi, khi ga romhi isheli kpa. Khi romhi idane irari khi oobo ukpekhomhi oyi Eshinegba o la.‡

35 Khi gbo li romhi ekekhe, irari khi loli khi akphawe-nga oyi Eshinegba. Wekhi iJerusalemu, irari khi loli o khi ẹoli oyi Oghie no fune.§

36 Khi ga ri ukhomhi oye romhi ishe, irari khi waa ya dobe ri etsui oghuo kpe bishi a we khi eri u dobe roli ya pfuase-a.

37 Ungmemhi oye o lese migha shi ii, okekhi iye, emini o da dose igho ne, obo oyi Okphaghe o te bhale.

‡ 5:18 Li ze iLuk 16.17 § 5:21 Li ze Okiali 20.13; iDeut 5.17 * 5:27 Li ze Okiali 20.14; iDeut 5.18

† 5:29 Li ze iMat 18.9; iMak 9.47 ‡ 5:30 Li ze iMat 18.8; iMak 9.43 § 5:31 Li ze iDeut 24.1-4; iMat 19.7; iMak 10.4 * 5:32 Li ze iMat 19.9; iMak 10.11-12; iLuk 16.18; 1 iKori 7.10-11 † 5:33 Li ze iLev 19.12; iNoba 30.2; iDeut 23.21 ‡ 5:34 Li ze iJem 5.12; Aza 66.1; iMat 23.22 § 5:35 Li ze Aza 66.1; Iwolo 48.2

Khi ri onobe fali ota onobe
(iLuk 6.29-30)

³⁸ “A suọ khi a kpẹ ngme ọli, khi, ‘A ri ukpẹloẹ fata ukpẹloẹ, ali ẹkọli o fata ẹkọli.’* ”

³⁹ Ama mena, mhi gueyẹ ẹ, a khi riẹlẹ ọgbọ to ọ ini ọ riẹlẹ ẹ onobe. Ini ọgbọ, ọ lase ẹ esọ obita nyenẹ ona ọgbọ na li gbo lase.

⁴⁰ Ini ọgbọ ọọ nono ni lọli luẹ ẹzọ, ni lọli rọ mie ẹ awulu oyẹ, bie gbo gueghie oni u sọ kpọkẹ ma ọ nali.

⁴¹ Ini ọgbọ ọ ri itoto liẹ u tsua itsua na luẹ imali oghuo, tsua wẹ imali eva.

⁴² Ini ọgbọ ọ mhila ẹ emhi, rọna li. Ngmomhi na ọni ọ ye ongmomhi deba ẹ.

Mhọli inono na ebe ẹ
(iLuk 6.27-28,32-36)

⁴³ “A she suọ khi a liẹ, ‘Nono ingme oyi ọnuzi-ava oyẹ, u ke biselemhi ọbe ẹ.’† ”

⁴⁴ Ama mhi gueyẹ ẹ. Nono ingme oyi ọbe ẹ, u gbo sọ iromhi na eni mu okhọli vule shi ẹ ọ.

⁴⁵ U kha lina, eri u wa ngeli abi itẹ na iloghie. Irari khi lọli ọ ri ovọ oyọli ẹ to na ẹgbọ ọkhọlọ ali ẹgbọ enete. Ighọ ọ gbo liẹ ruẹsẹ amẹ na ẹgbọ ọkhọlọ abi ọ liẹ ruẹsẹ ọli na ẹgbọ enete.

⁴⁶ Sẹ u ke li ya mẹ asha mhue eleli obọ oyi Ẹshinegba ini u lẹsẹ nono ẹgbọ ni e nono ingme oyẹ? Egbegbi emionoga e lili ẹ lighọ.

⁴⁷ Ini o khia khi inyoghuo ẹ tşẹ u lẹsẹ ẹ tşẹ, ighe ikhioda ni o la yeyẹ ali eni ẹa miesuọ ọ? Eni ẹa miesuọ e lili ẹ lighọ.

⁴⁸ Itobọ ona, zẹ ni u gba pfo abi Itẹ na iloghie ọ li gba pfo.”‡

6

Osẹsẹ isomhopfa

¹ “Guẹ kia ini u khi riẹlẹ iguẹ-ngeli abamemhẹ ukpẹloẹ ẹgbọ. Ini u wa a lighọ, wa a ya mhue eleli obọ oyi Ẹshinegba Ita ni ọ la iloghie.* ”

² “Ini u ri isomhopfa na ẹgbọ ni ẹa mhue, khi rọli pfi akala ke kiakia,

abi eni ẹa miesuọ ẹẹ li elemhi owa ugamhi ali ifuapfẹ. Eri ẹ lighọ ni ẹgbọ e ba kueghie wẹ. Abi o li mhi li gue ẹ yẹ ẹ, khi, e she mie eleli eyẹwẹ se.

³ Ama rọna ọni ọ la ọmunu, khi zẹ ni ọgbọsẹ ọ lẹsẹ.

⁴ Ẹghẹghẹ aghọ o khi emhi osheli, ni Itẹ ni ọ la iloghie ni ọọ mẹ emini u riẹlẹ elemhi osheli, ọ ri eleli nẹ.

Osẹsẹ abi a liẹ sọ iromhi
(iLuk 11.2-4)

⁵ “Yeyẹ o yẹ ini u ya sọ iromhi khi ya riẹlẹ ọli abi eri ugamhi ku alo ni ẹẹ migha epfẹ odẹ ali elemhi owa ugamhi ini ẹgbọ e ba ke mẹ wẹ. Abi o li mhi liẹ gue ọli ẹ yẹ ẹ khi e she mhue eleli oyẹwẹ gba se.† ”

⁶ Ama ini u ya sọ iromhi, lo elemhi owa oyẹ, u khukhu odẹ, u sọ iromhi ghi Ita ẹ ni ọ la osheli, Itẹ ni ọ la osheli ni ọọ mẹ emini a li osheli, ọ ya ri eleli gba nẹ.

⁷ Ini u ya sọ iromhi, khi ke riẹlẹ ungmemhi oghuo ngme itingmingmẹ, abi eni ẹa miesuọ ẹẹ li. Eri ẹẹ dabi khi ingmemhi ni e bu dọsẹ Ẹshinegba oyẹwẹ ọ rọ suọ wẹ.

⁸ Khi li abi wẹwẹ. Itobọ khi Itẹ ọ shẹ kpẹ lẹsẹ emini u wa nono neni u mhila li.

⁹ “U kha sọ iromhi, ke liẹ:

“Ita anye ni ọ la iloghie,
anye ri ufumhi na
eva oyẹ no pfuase,

¹⁰ zẹ ni Omhẹsẹ oyẹ o bhale.

Zẹ ni a riẹlẹ ọghuemhẹ oyẹ
ekẹ agbọ abi a liẹ riẹlẹ ọli
obini iloghie.

¹¹ Ri eminale ona
ogbe-namo na anye.

¹² Gbe olamhẹ kua na anye,
abi anye liẹ gbe kua
na ẹgbọ ni e lamhẹ shi anye ọ.

¹³ ‘Khi zẹ ni anye
de pfilo imufẹ,
mie anye pfuese obọ oyi ọkphaghie.’

¹⁴ U kha gbekua na eni e lamhẹ shi ẹ ọ, Itẹ na iloghie ọ ya li gbekua nẹ.

* 5:38 Li zẹ Okiali 21.24; iLev 24.20; iDeut 19.21 † 5:43 Li zẹ iLev 19.18 ‡ 5:48 Li zẹ iLev 19.2; iDeut 18.13 * 6:1 Li zẹ iMat 23.5 † 6:5 Li zẹ iLuk 18.10-14 ‡ 6:15 Li zẹ iMak 11.25-26

15 Ama ini u wa a gbekua na eni e lamhẹ shi ẹ ọ, Itẹ na iloghie ọa ya li gbekua ne.‡

Abi a liẹ pfi azumhi

16 “U kha pfi azumhi, khi wushe alo-a shi ukhomhi abi eni ẹa miesuo ẹẹ li. Eri ẹẹ nyenẹ alo zẹ shi ukhomhi ini ẹgbọ e ba lẹsẹ khi ẹẹ pfi azumhi. Abi o li mhi li gue ẹ yẹ ẹ, e she mhue eleli oyewẹ se.

17 Ama u kha pfi azumhi, ri oili shishi ukhomhi rọ dala egbe-a, u pfiono itsu-a shi ukhomhi,

18 ini ẹgbọ e khi lẹsẹ khi azumhi wa pfi. Ama oni Itẹ ni ọọ mẹ osheli nya ọ ya ri eleli nẹ gbodojo.

Ẹpfue ena obini iloghie

(iLuk 12.33-34)

19 “Khi ti ẹpfue ma leghe na egbe ẹ shi elemhi agbọ ona, ni ifu e la le emhi, ni emhi e la mu oghuoghuo-a, ali ni ighiatọ e la dobe ẹ do. §

20 Ochoghọ ti ẹpfue ma iloghie ni ifu ẹa dobe la le emhi, ali ni emhi ẹa la mu oghuoghuo-a wẹkhi ighiatọ e dobe la do.

21 Irari khi asha ni ẹpfue oyẹ o la aghọ udu oyẹ ọọ la.

Ákpá oyi idiegbe

(iLuk 11.34-36)

22 “Ikpamhi alo e khi ákpá ni idiegbe o mhue. Ini ukpẹloẹ oyẹ o dala, egbe eyẹ nya o khi ákpá.

23 Ama ini alo eyẹ ẹa ti, idiegbe eyẹ nya e khi alo ebili. Ini a ke bhale ya ẹ khi ákpá ni o la idiegbe oyẹ o khi obili, sẹ oni obili o ke bẹshi liẹ gba ramhi shi idiegbe oyẹ!

Ẹshinegba ali ẹpfue

(iLuk 16.13; 12.22-31)

24 “Ogbokhoghuo ọa dobe ya ga ega ava. Eri ọ ya nono ingme oyi oghuo, elemhi ọnọkpọle ẹẹ bi ọli. Ọ ya ke suo esọ na oghuo, ọ ri ukpẹloẹ gbe ọnọkpọle. Ogbọ ọa ya dobe ga Ẹshinegba ali ukpaghọlo utoghuo.

25 “Onana o zẹ ni mhi rọ gueye u khi ke sa usamhi emini a le ali emini a da,

wẹkhi usamhi egbe ẹ emini u ya sọ. Agbọ oyẹ ọa fu dọsẹ eminale? Abi khi eri idiegbe oyẹ ọa fu dọsẹ ode?

26 A bino ipfeli ni e la idane, ẹa rọ kọ wẹkhi eri ẹẹ khiẹsẹ tima shi aka. Ama eri Itẹ na iloghie ọ kie ri ẹloẹ ẹ khu wẹ. Aa mu ẹloẹ dọsẹ wẹ?

27 Ongeẹ ọnoghuo ọ dobe ya ri isamhi ali ayele khi iwakati oghuo kpe ma agbọ oyọli?

28 “Elo o zẹ ni a rọ ọ sa usamhi ode ni a rọ ọ ku egbe? A bino idodo ni e la ifui ebuli, khi ẹa ya gbe akanya wẹkhi eri ẹ fia ide zu egbewẹ.

29 Ama mhi gueye ẹ khi ashini Oghie iSolomoni ọ mhue ufumhi ramhi, ọa khue akhue ramhi udodo okhoghuo ena.*

30 Ini Ẹshinegba ọ lina ri ide ku ebuli tse, ni o kha la ọ amo, akọ o to-a, sẹ ọa kẹ liẹ li ri ode ku ẹ? Ẹẹ ẹgbọ ni irudunga oyẹ ọ shẹ.

31 Itobọ ighọ khi ke yele obini u ya mẹ eminale le ali obini u te ya mẹ da, ali obini u te ya mẹ ide ku egbe.

32 Emhi enana eni ẹa miesuo e na khu, ama Itẹ na iloghie ọ lẹsẹ khi a kha mhọli emhi eghoghọ kpa.

33 Ochoghọ kpe zẹ ni Ẹshinegba ọ mhese shi agbọ oyẹ ne, ni u ri eni omhese gbe akanya, khi ọ ya ri emhi enekpọle nya ma ọ nẹ.

34 Irarighọ, khi ke zẹ ni ayele akọ o nase udu amo, akọ o ya sa usamhi egbọli. Ogbẹlẹ ogbogbọ o mhue anasemhẹ oyọli.”

7

Igue ẹgbọ ẹzo

(iLuk 6.37-38, 41-42)

1 “A khi gue ẹgbọ ẹzo, ini Ẹshinegba ọ khi gue ẹ ẹzo.

2 Irari khi abi u li gue ẹgbọese ẹzo, ighọ Ẹshinegba ọ li ya gue ẹzo oyẹ. Emini u rọ mhese na ogbọese a li rọ ya mhese nẹ.*

3 “Elo o zẹ ni u rọ mẹ uku ni o la inyoghuo ẹ ẹloẹ ni u waa rọ mẹ ufolo ọara ni o pfida ẹ ẹloẹ?

⁴ Sẹ u ke liẹ gueyẹ inyoghuo ẹ, 'Zẹ ni mhi rue ẹ uku ẹloe le,' ni yeyẹ oyẹ wa a rọ mẹ ufolo ọara ni o pfida ẹ ẹloe?

⁵ Yeyẹ ọ ri ugamhi ku alo, kpẹ rue ufolo ọara ni o pfida ẹ ẹloe-a ne neni u tigbe ya mekẹ rue oni o la oyi inyoghuo ẹ ọ-a.

⁶ "Khi ri emhi ipfuasẹ na ewa. Khi pfi emini o mu ẹloe abi igolu ghi igulu. Eri e ya wu wẹ ekẹ-a, e sọ alo okhọli ghue ẹ.

Mhila, u nono, u kpheli
(iLuk 11.9-13)

⁷ "Mhila khi a ya rọ nẹ. Nono khi u ya mẹ rue, kpheli obọ odẹ khi a ya khueghie-a nẹ.

⁸ Irari khi oni o mhila, lọli a rọ o na. Ogbọ ni o nono lọli o mẹ ẹ rue. Oni o kpheli obọ odẹ, lọli a khueghie-a a na.

⁹ "Ongeẹ onoghuo o bia ni omiọli o ya mhila li ibuledi ni o ya rue echeli na li?

¹⁰ O kha mhila ẹ afele, ẹnye u ya rue na li?

¹¹ Ini ẹẹ ni a khi egbo ebe a lesẹ abi a li ri eminete ẹ na imi ẹ, sẹ Ita ni o la iloghie o ke beshi li ya ri eminete na egbo ni e mhila li?

¹² Irarigho, abi u nono ni ogbo li riele deba ẹ, yeyẹ li ligho riele deba li. Irari khi emini Ushi oyi iMosisi ali emekẹguele e sesẹ nya na.†

Ode unuekpe na pfi ali ona gbada
(iLuk 13.24)

¹³ "Rọ te ode unuekpe na pfi lo. Irari khi ode unuekpe na gbada ali ode agbala na gbada o khi ode ni o je owa ere, ebubu egbo e rọte o.

¹⁴ Ode ni o je iloghie eri oo riele, ode unuekpe ni a te ẹ je o, oo pfi, ama ikuku egbo e rọte o.

Qara ali ikpamhi eyoli
(iLuk 6.43-44)

¹⁵ "A bẹ ekẹ ma emekẹguele egbhọli. Eri e ri ekue osumha ku egbe, ama elemhi udu oyewe, idumhi ni ẹ nyanọ ogbo le e khi.

¹⁶ Angeli oyewe o rẹ wẹ ẹ khasẹ emini e khi. Okphẹkphẹ ọa ya mọ udumhi

olomu, wẹ khi eri ọọ mọ udumhi okhua eni.

¹⁷ Qara onete ọọ mọ udumhi onete. Qara ni ọa ti ọọ mọ udumhi ni ọa ti.

¹⁸ Qara onete ọa ya mọ udumhi ni ọa ti, wẹkhi eri ọara ni ọa ti o dobe ya mọ udumhi onete.

¹⁹ Qara kpa ni ọa da mọ udumhi onete ne, eri a ya khi ọli pfia, a tose ọli a.‡

²⁰ Itobọ igho emini emekẹguele egbhọli ẹẹ riele, u te ẹ lesẹ wẹ.§

Mhi aa lesẹ oni u khi
(iLuk 13.25-27)

²¹ "Ọa khi ogbokpa ni ọọ lu mhe, 'Onomhue, Onomhue' ọ ya lo eghiele oyi Eshinegba, ama egbo ni ẹ riele oguhemhe oyi Itamhe ni o la iloghie.

²² Ini ele iguezo o ramhi, ebubu egbo e ya lie mhe, 'Onomhue, Onomhue, anye ẹẹ she ri eva oyẹ mẹ ekẹ guele, anye ri eva oyẹ khu egbo iyemhe ebe egbe-a, anye gbo gbe ikanya onyaloa ododa?'

²³ Eghẹghẹ agho mhi ya gueyẹ wẹ gboo, 'Mhi aa lesẹ ẹ. A vu mhe ana le pia, ẹẹ egbo okhọlo ena.'*

Egbo ava ni e to owa
(iLuk 6.47-49)

²⁴ "Ogbokpa ni o da suo ungmehi oyemhe ni o da roli gbe akanya ne, eri o li abi ogbo olesingme ni o to owa nga ukhomhi echẹ.

²⁵ Ini amẹ o rie rue, ni ochikpho o ro tu, khi akpekpeli o rie li gbe oni owa ogho, ọa o ya de, irari khi ukhomhi echẹ a to li nga.

²⁶ Ama ogbo ni o da suo ungmehi oyemhe ni ọa da roli gbe akanya ne eri o li abi oyeghe ni o to owa nga ekhashe.

²⁷ Amẹ o kha rue, ni ochikpho o ro tu, ni akpekpeli o ro li gbe oni owa ogho, oni owa o de kua, o de udemhi osanabe."

²⁸ Abi iJesu o ro ngme se, osesẹ oyoli o ri abo sha eni e legba.

²⁹ Irari khi eri o sesẹ egbo abi ogbo ni o lesẹ emini ọọ sesẹ.†

† 7:12 Li zẹ iLuk 6.31 ‡ 7:19 Li zẹ iMat 3.10; iLuk 3.9 § 7:20 Li zẹ iMat 12.33 * 7:23 Li zẹ Iwolo 6.8 † 7:29 Li zẹ iMak 1.22; iLuk 4.32

8

Omose ashomha
(iMak 1.40-45; iLuk 5.12-16)

¹ Abi iJesu o rote ukhomhi ute tiemhile, ebubu egbo e bhale deba li.

² Igho omose ashomha oghuo o bhale ya wugha iJesu odalo, oo li, “Onomhue, ini o ghole e, u dobe ya re mhe ze.”

³ IJesu o nise obo-a ti oli, oo li. “O ghole mhe, khi oni o ze.” Aghoaghoni omose o ze.

⁴ IJesu oo li, “Khi gueye ogbokhoghuo, ama ka ri egbe e khasa ekpodalougamhi eyi Eshinegba, ni u riela iluasobo ni iMosisi oo a ke riela ini a ri oni efafe mu pfaase.”*

Irudunga ni okholi-okhue o rokhase
(iLuk 7.1-10)

⁵ Abi iJesu o ro lo iKapanomu le, okholi-okhue ni o mhesa na ekholi-okhue egbhuessa oyi iRomu oghuo o bhale ya lema li ikpaghiobo.

⁶ Oo li, “Onomhue, oni oo ga mhe o ga yeshi apfe e ghu-a egbegbo. Eri o guoghona.”

⁷ IJesu oo li, “Mhi ya bhale ya roli ze.”

⁸ Oni okholi-okhue oo li, “Onomhue, iye, lesa ngme oni ungmehi tse, khi oni oo ga mhe o ya ze. Irari khi mhia fu te ni u wa bhale apfe oyemhe.”

⁹ Mhemhe oyemhe, mhi li mholi ekholi-okhue eni e fu dose mhe, mhi li mhue elese ni mhia mhesa na. Mhi kha gueye ona o ke le, oo le, mhi olese o bhale, o bhale. Mhi khe oni oo ga mhe o li ona, o li oli.”

¹⁰ Abi iJesu o ro suo emini oni omose o ngme, abo e sha li. Oo eni e deba li, “Abi o li mhi li gue oli e ye e ena khi mhia me irudunga onabi onana ghue eke iZireni.

¹¹ Mhi gueye e khi ebubu egbo e ya rote obini ovo o te e ngale ali obini ovo o te e lo eko, bhale ya nu Aburaamu ali Aziki ali iGiekopu shito ukue na eghiele na iloghie†.

¹² Ama egbo ni e kha la iloghie, a ya pfi we je eke alo ebili ni e la ke vie, ee le ako ako.”‡

¹³ IJesu oo oni okholi-okhue ogho, “Ke je khi o ya ligo ne abi u li mholi irudunga egho.” Igho oni oo ga li o ze oni eghעה ni iJesu o la ngme oli igho tee.

Ijesu o ri ebubu egbo ze
(iMak 1.29-34; iLuk 4.38-41)

¹⁴ Abi iJesu o ro bhale apfe oyi iPita, o me khi ogo iPita ni okpotso o yeshi khi oo ghu ughuamhi iba.

¹⁵ IJesu o ri obo ti oli, eni iba e lase oli egbe le. O vule o feli oli epfese.

¹⁶ Abi ogbomhi o ro mu eke, ebubu egbo e wolo eni e mholi ayemhe ebe ododa bhale ghi iJesu. Igho iJesu o ri ungmehi unu khu we eni ayemhe ebe egho egbe ku a. O gbo ri eni ee ghua nya ze.

¹⁷ Eri a me enana ni ungmehi ni Azaya omekeguele o ngme o bhale ya tse; Ni oo,

“Lolighuo o mie awa umha-ze, o tsua ighuamhi eyawa ya kua.”§

Emini ideba-iJesu-kia o ya mie ogbo o rue
(iLuk 9.57-62)

¹⁸ IJesu o me olele egbo ni e le gase oli, oo e ze ni wewe e da je ukiekie obini o kpole oyi oke oniemhi iGalili.

¹⁹ Osese Ishi eyi iMosisi oghuo o bhale deba li oo li, “Osese, mhi ya debe ke je obiobini wa je kpa.”

²⁰ IJesu o soli o, oo li. “Inyako e mholi ese, ipfeli e mholi eko, ama Omi Ogbona mholi ashini o de ukhomhi e gbe.”

²¹ Omose olese ni o khi omoo odukhokho oyoli, o lu oli, oo li, “Osese, ze mhe kpe je apfe ya ri itamhe ni o ghu-a to ne.”

²² IJesu o soli o, oo li “Ke deba mhe, ze ni eni e ghu-a e ri eni e ghu-a to.”

Ijesu o pfomhise akpekpeli ukhomhi oke oniemhi
(iMak 4.35-41; iLuk 8.22-25)

* 8:4 Li ze iLev 14.1-32 † 8:11 Li ze iLuk 13.29
Li ze Aza 53.4

‡ 8:12 Li ze iMat 22.13; 25.30; iLuk 13.28 § 8:17

²³ Ijesu o lo elemhi oko-okẹ oniemi, eniye odukhokho eyoli e li lo deba li.

²⁴ Utoghwo-kpe, akpekpeli oniemi oo li oni ukhomhi okẹ oniemi. Ukuku emhi o kpole denẹ ni oni oko-okẹ oniemi oja ro ku luẹ. Ama ijesu o lese-a

²⁵ Eniye odukhokho eyoli e ya guise oli le, e oli, "Onomhue, tsumhi anye! Awa ya pfua!"

²⁶ Oo we, "Elo o ze ni a ro lina na ulishi, Eri irudunga oye o na beshi she?" Igho o vule nu oni akpekpeli ngme, oni okẹ o de ma.

²⁷ Abọ e sha egbo nya ni e la agho, e mhila, "Ogbo nabise onana o khi, egbegbi ozughu oyi okẹ oniemi ali akpekpeli e ga suo eso o na li."

Ijesu o ri emose ava eni e mholi ayemhe ebe ze

(iMak 5.1-20; iLuk 8.26-39)

²⁸ Abi ijesu o ro da je ukiekie obini o kpole oyi okẹ oniemi iGalili obini iGadara, emose ava ni e rote atalimhi lasela e bhale deba li. Eni emose ava ena e mholi ayemhe ebe ni e yese we ngme ni o rewe nono ingme. Egbo ea ke gbudu rote oni ode dose.

²⁹ Eni ayemhe ebe egho ni e la eni emose egbe, e tseşe utoghwo-kpe, e oli, "Elo e ku anye ali yeye gbe, yeye Omi Eshinegba? Eri u bhale ya nase anye neni oni eghẹghẹ o ramhi?"

³⁰ Igulu ni e bu e la epfe agho le eminale.

³¹ Igho eni ayemhe ebe egho e lema ijesu, e oli, "Ini u khu anye ya fie, khu anye ya lo eni igulu egho egbe."

³² Igho ijesu oo, "A ke vu!" Igho e lasela ya lo eni igulu egbe. Eni igulu nya e na ya tiemhi eseso oni ute, ya lo oni okẹ, e ghuloo.

³³ Emose ni e ri eni igulu u kia, e na kua, e je ifui apfe ya guele emini a me ali emini eni emose ni e mholi ayemhe ebe e me.

³⁴ Igho egbo ni e la oni eoli nya e fie lasela deba ijesu. Abi e ro me oli, e lema li o kpekpe o lase wewe eke le.

9

Ijesu o ri emose ni o guoghwo-a ze
(iMak 2.1-12; iLuk 5.17-26)

¹ Ijesu o lo oko-okẹ oniemi, o da oni okẹ iGalili mu egbe pfi je ukiekie obini o kpole, o bhale apfe oyoli obini iKapanomu.

² Emose egho e tsua emose ni o guoghwo-a shi iya bhale. Abi ijesu o ro me irudunga oye we, oo oni emose ni o guoghwo-a, "Ri obo shi udu, omimhe, a she ri olamhe topfa e."

³ Igho esese Ishi eyi iMosisi eghuo e nu egbe we ngme, e lie, "Oni emose ona o pfi unu-a!"

⁴ Ijesu o lese usamhi ni e sa, o mhila we, "Elo o ze ni a ro sa isamhi ebe udu?"

⁵ Onoghwo o kele mhe ya ngme oni emose ne? Ni mhi lie, 'A she gbe olamhe kua ne,' Ali 'Vule ke kia?'

⁶ Ama, ni a ro lese khi Omi Ogbo o mhue afu elemhi eke agbo ni o ro gbe olamhe kua na ogbo." Igho, oo oni emose ni o guoghwo-a, "Vule, rue iya oye u ke je apfe."

⁷ Igho oni emose o vule oo je apfe.

⁸ Abi eni ebubu egbo e ro me ona, abo e sha we. E kueghie Eshinegba ni o ri afu onana na egbo.

Ijesu o lu iMatiu o deba lu
(iMak 2.13-17; iLuk 5.27-32)

⁹ Abi ijesu o rote agho je odalo, o me khi omionoga oghuo ni a lu iMatiu, o shito okhoro ni a la miono oga. Oo li, "Deba mhe." Igho o vule deba li.

¹⁰ Abi ijesu o ro la owa oyi iMatiu le eminale, emionoga eni e bu elese ali ena olamhe e bhale ya ku ma we o, e ga nu oli ali eniye odukhokho eyoli le eminale.

¹¹ Abi egbo iFarisi eghuo e ro me ona, e mhila eniye odukhokho eyoli, ee, "Elo o ze ni esese oye e o ro nu emionoga ali ena olamhe e le eminale?"*

¹² Ijesu o suo ona, oo we, "Oni o toto oja mhue emini o ri obo e li, ama oni odo to oo ye apfe obo.

* 9:11 Li ze iLuk 15.1-2

13 A ka wena emini a ri ona ngme, ikhi, 'Oa khi iluasobo e ghole mhe, ama isomhelemhi' Oa khi egbo eni e pfuase ne mhi bhale ya lu e mu pfi, ama egbo ena olamhe."†

Omhila oyi ingme azumhi
(iMak 2.18-22; iLuk 5.33-39)

14 Eniye odukhokho eyi ifoni Oni o o batazi egbo, e bhale deba iJesu, e mhila li, "Elo o fe ze khi anye ali egbo iFarisi, khi anye e pfi azumhi ni eniye odukhokho eye ea ro pfi?"

15 IJesu o o we, "Emole omose ni o rue omueshi onogbo e famhi ya mhue iyese udu-a ini oni o o rue omueshi o kie la we iteva? Eghenge o o bhale ni a ro ya rue oni omose ni o o rue omueshi onogbo iteva oyewe vu, eghenge agho e ro tigbe ya ke pfi azumhi.

16 "Ogbo oa ya gbela ode onogbo toma onodio, ini a me gh, onodio ogho o ya nyan-a toma onogbo, o fia ese ni o ke fu ne shi o.

17 U ke neta khi eri ogbo o ya ku onyo onogbo kulo akpaba ekue elamhi onodio,‡ ini a me gh, eri oni akpaba o ya ve-a, oni onyo o ku kua, oni akpaba onyo o li opfu-a. Onyo onogbo a ku e shi akpaba onogbo, eghenge agho, oni onyo ali oni akpaba onyo e ga migha."

Omo omueshi ni o ghu-a ali okpotso ni oa ze

(iMak 5.21-43; iLuk 8.40-56)

18 Abi oni ungmehi o kie la iJesu unu, okhemhue iJu oghuo o bhale ya wugha li odalo, o o li, "Kpekpe bhale ya ri ob o ti omimhe ni o lese ghu-a, ni o guale."

19 Igho iJesu o vule deba li vu, eniye odukhokho eyoli e li deba li.

20 Igho okpotso oghuo ni o lia e she ku oli egbe ramhi ikpe igbeva o rote ukhokho ti mama iJesu, o ri ob o ti oli eso ode.

21 Itobo khi o she ngme oli shi udu khi, "Mhi kha da lese ri ob o ti iJesu ode tse ne, mhi ya ze."

22 Igho iJesu o mu egbe nyene, o me oli, o o li, "Kpotso khi ke ze ni ulishi o mu e irudunga ni u mhue o she re ze." Agho agho oni okpotso o ze.

23 Abi iJesu o ro ramhi owa oyi oni okhemhue, o bhale ya e khi egbo e la agho. Ee vie oni omueshi ni o ghu-a agho. Agho oo li nyoghoo.

24 O gueye ogbokpa o lase agho le, khi oni omueshi oa ghu ne khi eri o lese-a. Eni egbo e suo ungmehi ni o ngme, ee gia li.

25 Eni egbo e fie je olase se, iJesu o lo elemhi oni owa, o mu oni omueshi ob o, oni omueshi o vule.

26 Okeke oni ingme ona o gbhiaku asha kpa oni edeli.

IJesu o khueghie ezalo ava alo-a

27 IJesu o ke rote agho vu je odalo, ezalo ava e deba li. Ee tse se lema li, e lie oli, "Mhue isomhelemhi na anye, omi iDefidi."

28 Abi iJesu o ro lo elemhi oni owa, eni ezalo ava e bhale deba li. O mhila we, "A miesuo khi mhi ya do be re e ze?"

E ke oli, "Gueguegue."

29 Igho iJesu o ri ob o ti we alo, o o we, "Alo eye e e khueghie-a abi a mhue irudunga."

30 Ikpamhi alo eyewe e khueghie-a. IJesu o tse agua ye we e khi gueye ogbokhoghoo emini a me.

31 Ama asha ni e ramhi kpa, eri e gueye egbo, e gue ingme oyi iJesu ye egbo asha kpa.

IJesu o ri ungmehi ze

32 Eni emose e vu, a tsua omose oghuo ni o mhue ayemhe ebe bhale, ni oa li ngme unu.

33 IJesu o khu oli oni ayemhe ebe ogho egbe ya lase, oni omose o ngme. Ab o sha ogbokpa e lie, "Anye ea kpe me ingme onana ghue eke iZireni."

34 Ama egbo iFarisi e lie khi oghie oyi iyemhe ebe o ri ekpabo na li. Loli o ze ni o ro do be e khu egbo ayemhe ebe egbe-a. §

† 9:13 Li ze iMat 12.7; Osia 6.6 ‡ 9:17 Akpaba oyi ekue elamhi egbo iJu e ku onyo o shi. § 9:34 Li ze iMat 10.25; 12.24; iMak 3.22; iLuk 11.15

Egbikanya eyi Eshinegba ẹa bu

³⁵ Ijesu ọ kia la ẹoli khi ẹoli sẹsẹ ungmehi oyi Eshinegba elemhi owa ugamhi eyewe, ọ tse abo usomhi onete oyi Eghiele oyi Eshinegba. O ri ẹgbọ ni e mhuẹ ighuamhi khi ighuamhi i ze.*

³⁶ Abi ọ rọ mẹ eni ebubu ẹgbọ, elemhi wẹ e lala li irari khi udu oyewe ọa sheshe itobọ khi ẹa mholi oni ọọ kpaghie wẹ obọ, abi isumha ni ẹa mhuẹ ọrẹwẹkia.†

³⁷ O gueye eniye odukhokho eyoli, “Oni ikhiesẹ oo gbẹdi gba, ama khi eni e khiesẹ wẹ, ẹa bu.”

³⁸ “A sọ iromhi, ni Eshinegba oni o mhuẹ ikhiesẹ, ni o ghie eni e ya khiesẹ oni ikhiesẹ fie lasele.”‡

10*Ijesu ọ ghie ighiusomhi na keẹ ogbava eyoli fie**(iMak 3.13-19; iLuk 6.12-16)*

¹ Ijesu ọ lu eniye odukhokho ogbava eyoli kugbe. O ri afu na wẹ, e ke ya khu iyemhẹ ebe ododa ẹgbọ egbe-a, e gbo ri ẹgbọ ni e mhuẹ ighuamhi ododa ke ze.

² Eva eyi eni ighiusomhi na keẹ ogbava na. Oni odode khi ISamọ ni a gbolo o lu iPita, ali inyoghuo ọli, Aduru. Ijemhisi ali inyoghuo ọli ni a lu iJoni ni e khi imi iZebedi.

³ IFilipu ali iBatolomiu. ITomosi ali iMatiu ni e khi emionoga. Ijemhisi omi Afeusi ali iTadiusi.

⁴ ISamọ ni ingme o ghọ mu egbe ali iJudasi Isikaroti ni ọ ri iJesu de.

*Usomhi ni a ghie eni etuogbava**(iMak 6.7-13; iLuk 9.1-6)*

⁵ Ijesu ọ ghie eniye odukhokho ogbava ena fie, ọ tse agua yewe, ọọ wẹ, “A khi je ẹoli oyi ẹgbọ iJeta wẹkhi ẹoli na eke iSameria.

⁶ Ochoghọ a lẹ deba ẹgbọ iZireni ni e li abi isumha ni e waa.

⁷ Abi a liẹ ke lẹ, a ke tse abo usomhi ona-yewe, a liẹ wẹ, ‘Eghiele oyi Eshinegba o she ti bhale.’

⁸ A ri ẹgbọ ni e mhuẹ ighuamhi ze, a ri eni e mhuẹ efafe ze, a guise eni e ghu-a le, eni e mhuẹ ayemhẹ ebe, a khu wẹ ewẹ egbe lasele. Afue a ri eni ekpabọ ena na e, a rẹ wẹ kpaghie ẹgbọ obọ afue, a khi mie ifata shi ọ.

⁹ Abi a liẹ lẹ ena, a khi tsua ukpagho okhoghuo shi omọ-emhi.

¹⁰ A khi tsua ẹkue pfi sọ, wẹkhi itsua na rọ sọ elese, wẹkhi ekue ni a sọ, wẹkhi ukpokpo na rọ a to ọkpọ, irari khi asha ni ọgbọ ọ la gbe aghọ ọ te e le.*

¹¹ “Eoli oni a da bhale kpa, a kushi ayi ọgbọ nọ da kpe abo mie e, ramhi eghẹghẹ ni a ya rọte aghọ vu.

¹² Neni a ya sọ ukhomhi owa okhoghuo, a kpe liẹ, ‘Opfomhẹ o la oni owa ona.’

¹³ Ini ẹgbọ ne la oni owa e kpe abo mie e, opfomhẹ oyeẹ o ka nu wẹ la, ama, ini ẹa mie e, opfomhẹ oyeẹ o gbo nyene deba e.

¹⁴ Ini a bhale ẹoli, khi ẹgbọ ne la oni ẹoli ẹa da kpe abo mie e ne, a kpe abo ọ-a na wẹ ini a te ọ fie lase.†

¹⁵ Ogbẹlẹ iguezọ, mhi gueye e khi Eshinegba ọ ya mholi isomhelemhi na ẹgbọ iSodomu ali iGomora dọse oni ẹoli ogho.‡§

¹⁶ A sato khi eri mhi ghie e fie lase abi isumha ne la ifuabọ idumhi. Irarighọ, a zẹ ni a lẹse ingme abi enye, ama a mhuẹ ikuegbe-a abi anekhukhu.*

*Okholi ni a ya mu vule shi e ọ**(iMak 13.9-13; iLuk 21.12-17)*

¹⁷ “A mu egbe e tsuke, irari khi ẹgbọ e ya mu e bhale ikotu, odalo egbhali ni eẹ sọ ezọ. E gbe e itali elemhi owa ugamhi eyewe.

¹⁸ E ya ri itobọ eva oyemhẹ muno e bhale deba igovunọ ali enighie, ni a gue usomhi onete oyemhẹ ye wẹ. A

* **9:35** Li zẹ iMat 4.23; iMak 1.39; iLuk 4.44 † **9:36** Li zẹ iNoba 27.17; 1 Ighie 22.17; 2 Okhẹ 18.16; Ezik 34.5; iMak 6.34 ‡ **9:38** Li zẹ iLuk 10.2 * **10:10** Li zẹ 1 iKori 9.14; 1 iTimo 5.18 † **10:14** Li zẹ Ika 13.51 ‡ **10:15** Li zẹ iMat 11.24; Igbae 19.24-28 § **10:15** Li zẹ iLuk 10.4-12 * **10:16** Li zẹ iLuk 10.3

gbo pfi ọtsele oyemhe ye egbo iJu ali egbo iJeta.

¹⁹ A khi yele abi a ya ngme ali abi a ya so we, ini e muno e bhale agbala ezọ. Irari khi emini a ya ngme o ya bhale unu oye e egheghe ni a nono oli shi.

²⁰ Irari khi ingmemhi ni a ya ngme, ea ya khi eye e. Ayemhe-no-pfuase oyi Eshinegba ni o khi ita e, o ya ri ungmehi ni a ke ngme shi e unu.†

²¹ “Egheghe na ngme ena, egbo e ya ri inyoghuo we bhale ni a gbe-a, ita eniye e wolọ imi we bhale na gbolo-a, igho eniye e li ya rue itawe bhale na gbe-a.‡

²² Egbo kpa e ya ke biselemhi e shi irari oyemhe. Ama ogbo ni o da mu irudunga oyoli mhue ramhi ukpese ne, loli a ya mie pfuese.§

²³ Ini a la asheghuo mu okholi vule shi e o, a na je eoli olese. Mhi ze e lese khi, aa ya gbe akanya ona pfo ne eke iZireni neni Omi Ogbo o nyene egbe e bhale.

²⁴ “Omọ odukhokho ọa lese dose ọga oyoli, wekhi eri oni oo ga ogbo o ya fu dose ọga oyoli.*

²⁵ Omọ odukhokho o dobe ya li abi ọga oyoli, oni oo ga ogbo o ya dobe li abi ọga oyoli. Ini a lu odapfe iBezebọ, see a ke beshi e lu eni e la oni omhue-apfe oyoli.†

Oni a ya ke na ulishi oyoli
(iLuk 12.2-7)

²⁶ “Itobọ igho a khi ze ni ulishi o mu e irari khi aa me emini a gba khukhu ni ọa ya khueghie a, wekhi eri a me emini o sheli ni ọa ya lasele.‡

²⁷ Emini mhi gueye e eliyose a ngme oli lasele ini ogbe o gbe-a. Ungmemhi ni a bena gueye e, a la ukhomhi owa ngme oli lase ni egbo e suo gboo.

²⁸ A khi na ulishi egbo ni o khia khi idiegbe e lese dobe ya gbe-a, ni ea dobe ya pfuse ogbo ayemhe-a. Ama

a na ulishi oyi Eshinegba no kha gbe-a se o gbo mhue ekpabo ro ya pfuse ayemhe-a elemhi ilimhi iriere.

²⁹ U lese khi ukpaghuo a ri ipfeli otuava de? Ama aa me ongewe ni o ya ghu-a ni Eshinegba ọa ya lese.

³⁰ Eshinegba o she leli egbegbi itsu ni e la e ukhomhi nya.

³¹ Itobọ igho, a khi ze ni ulishi o mu e, irari khi a mu eloe dose ipfeli ni e bububu.

Eni e migha na ijesu ali eni e kie oli
(iLuk 12.8-9)

³² “Ogbo ni o da gue ungmehi oyemhe ye egbo ne, mhi ya li gue ingme oyoli ye Itamhe ni o la iloghie.

³³ Ama onini o da la ukpeloe egbo kie mhe, mhi ya li kie oli ukpeloe oyi Itamhe na obini iloghie.§

Ijesu ọa ri opfomhe bhale ama okemhi

(iLuk 12.51-53; 14.26-27)

³⁴ “A khi sa khi opfomhe mhi ro bhale eke agbo. Mhi aa ro opfomhe bhale, ama ogbhoro.

³⁵ Eri mhi bhale ya to okhue na “ ‘Omose ali itali,

okpotso ali inyoli,
osamo ali inyodoli.

³⁶ Unuekpe oyi ogbo,
ebe oli e la.”*

³⁷ “Ogbo ni o da nono ingme oyi ita okekhi inyọ dose ingme oyemhe ne, ọa ya dobe khi omọ odukhokho oyemhe. Ogbo ni o da nono ingme oyi omi oli dose mhe ne, ọa ya dobe khi omọ odukhokho oyemhe.

³⁸ Ogbo ni ọa da kpha apfida oyoli tsua ni o ke deba ete-awe oyemhe ne, ọa ya dobe khi omọ odukhokho oyemhe.†

³⁹ Oni o da mu agbo oyoli mhue gagaga ne, o mema ya de oli obọ-a, ama oni rue agbo oyoli obọ-a shi eke itobọ oyemhe ne, o ya me eleli agbo oyoli.‡

† 10:20 Li ze iMak 13.9-11; iLuk 12.11-12; 21.12-15 ‡ 10:21 Li ze iMak 13.12; iLuk 21.16 § 10:22

Li ze iMat 24.9,13; iMak 13.13; iLuk 21.17 * 10:24 Li ze iLuk 6.40; iJon 13.16; 15.20 † 10:25 Li ze

iMat 9.34; 12.24; iMak 3.22; iLuk 11.15 ‡ 10:26 Li ze iMak 4.22; iLuk 8.17 § 10:33 Li ze 2 iTimo 2.12

* 10:36 Li ze iMika 7.6 † 10:38 Li ze iMat 16.24; iMak 8.34; iLuk 9.23 ‡ 10:39 Li ze iMat 16.25; iMak 8.35; iLuk 9.24; 17.33; iJon 12.25

Eleli
(iMak 9.41)

⁴⁰ “Ogbò ni ọ da kpe abọ mie ẹ ne, mhemhe ọ kpe abọ mie. Oni ọ da kpe abọ mie mhe, oni ọ ghie mhe ọ kpe abọ mie. §

⁴¹ Ogbò ni ọ da kpe abọ mie omekeguele oyi Eshinegba ne, ọ ya mhue isomhopfa onayi omekeguele. Oni ọ da kpe abọ mie ogbò ni ọ pfuase ne irari khi ọ da khi ogbò ni ọ pfuase, ọ ya mhue eleli oyi ogbò ni ọ pfuase.

⁴² Ini ogbokhoghuo ọ die amẹ ni e pfohmẹ na egbo eni ẹa mu eloe ena da ne, irari khi e da khi eniye odukhokho eyemhe, mhi gue ọ ye ẹ gueguegue khi eleli oyoli ọa ya de oli obọ a.”

11

Ijesu ali iJoni Oni ọọ batazi egbo
(iLuk 7.18-35)

¹ Abi iJesu ọ rọ gueye eniye odukhokho ogbava eyoli emini e ya rieḽe se, ọ je eoli ni e la eke iGalili ya sese, ọ gbolo tse abọ oni usomhi onete.

² Abi iJoni Oni ọọ batazi egbo ọ rọ la owa ighumha suọ ikanya ni iKirisiti ọọ gbe, ọ ghie eniye odukhokho eyoli ghi oli,

³ E le ya lina mhila li. “Yeḽe u khi oni iJoni ọ ngme khi ọ ya bhale, abi anye ri eloe shi eke ke khe ogbò olese?”

⁴ Ijesu ọ sọ we ọ, ọọ we, “A nyene egbe ya gueye iJoni emini a suọ ni a me.

⁵ Ezalo ẹẹ khueghie alo-a, eni e guoghọ awe-a, e vule ẹẹ kia, a ri eni e mhue ighuamhi ekuẹ idiegbe ododa ze, elesọ ẹẹ suọ esọ, egbo ni e ghu-a, a guise we le. A gbolo ẹ tse abọ usomhi onete ye egbo eni ẹa mhue.*

⁶ Ikhivose o khi na ogbò ni ọa mhọli akhokhomhe shi ingme oyemhe!”

⁷ Eniye odukhokho eyi iJoni ee vu se, iJesu ọọ ngme ingme oyi iJoni khase eni e legba. O mhila we, ọọ. “Abi a rọ fiḽe je odagbe ifufu ni a rọ ya

bino iJoni, ogbò nabise a dabi khi a ya me? Ebuli ifulo ni akpekpeli ọ pfi ẹ nga pfi ẹ tiemhi a dabi khi a ya me?

⁸ Ini ọa khi igho sho, elo a dabi khi a ya me abi a rọ fe fiḽe lase? Omose ni ọ sọ itsua eni e somhi otse a sa khi a ya me? Iiye o! Egbo eni ẹẹ sọ itsua eni e somhotse, apfe oyi oghie ẹẹ la.

⁹ Elo a fe fiḽe lase khi a ya me sho? Omekeguele? Gueguegue, ama mhi gueye ẹ, oni ọ gbo fu dose omekeguele a me.

¹⁰ IJoni ọ khi oni ogbò ni Ebe-no-pfuase o ngme ingme oyoli, ni Eshinegba ọ la lie,

“ ‘Mhi ya kpe ghie aghiusomhi oyemhe ralo ne,
ni ọ ya khueghie ode-a ne.’†

¹¹ Abi o li mhi li gue oli ye ẹ khi, iJoni ọ fu dose ogbokpa ni ọ la agbo ona ghue, ama, ogbò ni ọ ga kpoke nya obini Eghiele oyi Eshinegba, ọ fu dose oli.

¹² Rote egheghe oyi iJoni Oni ọọ batazi egbo ya ramhi ogbe na amo, Eshinegba ọ te ẹ ri ikakabo mhọli omhesẹ oyoli shi agbo oyi egbo, ama ikakabo egbo e ke rọ ọ lo ọ.

¹³ Irari khi emekeguele nya ali Ishi eyi iMosisi, e me guele shi eke ramhi egheghe oyi iJoni.‡

¹⁴ Ini a ya lama shi ọ, iJoni ọ khi oni Elaja ni ẹ khi ọ ya nyene egbe bhale. §

¹⁵ A mhọli esọ, a suọ emini mhia gueye ẹ, ni a rọli gbe akanya.

¹⁶ “Elo mhi ri agbhotu ona ya khokho? Eri e li abi ikuku eniye ni e shito epfepfe oki ni e lu egbe we,

¹⁷ “ ‘Anye pfi ofele na ẹ,
aa lama gbe ishimhi,

anye to uwolo
ni a rọ vie olimhi shi ẹ ọ,
ama aa lama vie.’

¹⁸ Abi iJoni ọ rọ bhale, eri ọọ pfi azumhi, ọa lama da onyo, irarigho egbo e lie khi, ‘Ayemhe Okphaghiẹ oo nase oli.’

¹⁹ Ama Omi Ogbò ọ ke bhale, ọọ le ọọ da, egbo kpa e ke lie khi, ‘Ogbò unu-emhi ali odonyo ọ khi, ni ọ nu

§ 10:40 Li ze iMak 9.37; iLuk 9.48; 10.16; iJon 13.20

3.1 ‡ 11:13 Li ze iLuk 16.16

§ 11:14 Li ze iMala 4.5; iMat 17.10-13; iMak 9.11-13

* 11:5 Li ze Aza 35.5-6; 61.1 † 11:10 Li ze iMala

emionoga ali ena olamhe ẹ mu omole. Emini Eshinegba ọọ riẹle, o ri ilẹsingme oyoli ẹ khase.”

*Emini ẹoli ni ẹa lama mu pfi ẹẹ me
(iLuk 10.13-15)*

²⁰ Igho iJesu o li ze emuebe na egbo ni e la ẹoli ni o la gbe ikanya onyaloa ebubu eyoli, itobo khi ẹa mu pfi, ọọ li.

²¹ “Epfua o khi ne, iKorazi! Epfua o khi ne, iBetisaida! Irari khi ini ikanya onyaloa ni a gbe ifui ẹoli eye ẹ khi a li gbe we iTai ali iSidoni lo, e kha she vie osoli na egbewe shi olamhe eyewe, e te olamhe eyewe mu pfi agboagbo.*

²² Ama mhi gueye ẹ khi, o ya somhi iTai ali iSidoni egbe dose ẹ, ogbele iso-ezo

²³ Yeye iKapanomu, eri a nono ni a ya yase ẹ nga idane ramhi irarogbe? Iiye o! Eri a ya pfi ẹ tiemhi ooke ilimhi iriere. Irari khi ini onyaloa ni a gbe khase ẹ khi a gbe we eke iSodomu lo, o kha la o ramhi amo.†

²⁴ Ama mhi gueye ẹ khi o ya somhi iSodomu egbe dose ẹ, ogbele iso-ezo.”‡

*Bhale deba mhe ni u mholi iyemhea
(iLuk 10.21-22)*

²⁵ Eghẹghe agho iJesu o lie, “Ita, Onomhue, ni o mhue eke ali ukhuli, mhi tse uwegbe khi emini u ro sheli na eguebe, ali eni e fialo-a, khi u rewe khase egbo ni ẹa mu eloe.

²⁶ Igho, Ita, ina o li ghole ẹ shi.

²⁷ “Itamhe o she ri emhikpa nga mhe obo. Ogbokhoghuo ọa la o, ni o lese oni Omọ, se ni Ita. Ogbokhoghuo ọa la o ni o lese Ita se ni oni Omọ, ali eni oni Omọ o lama ri oni Ita khase.§

²⁸ “A bhale deba mhe, ẹẹ nya ni a tsua itsua ni ẹẹ khose ẹ, mhi ya ri iyemhea na ẹ.

²⁹ A ri egbe mie emini mhiẹ a ke riẹle, a rote obo oyemhe wena, itobo khi mhii pfomhe gba, ali khi udu oyemhe o mholi iriegbe-tiemhile, ni a mhue iyemhea.*

³⁰ Irari khi emini mhia lie a riẹle oni o ze ẹ riẹle yeghele lo, ali khi eri itsua eyemhe ee fue.”

12

*Ijesu o khi Onomhue oyi ele iyemhea
(iMak 2.23-28; iLuk 6.1-5)*

¹ Eghẹghe ni a ngme ena, iJesu o rote ifui ishemhi iakpa dose ele iyemhea. Okiamhi oo gbe eniye odukhokho eyoli. Igho e li be eni iakpa, e le we.*

² Abi egbo iFarisi e ro me ona, ẹ oli, “Ghe khe! Eniye odukhokho eye ẹ riẹle emini Ishi eyi iMosisi ọa lama shi a riẹle ele iyemhea.”

³ O so we o, ọọ, “Aa she kpe ze emini iDefidi o riẹle abi okiamhi o ro gbe oli ali apfoli?

⁴ Eri o lo elemhi owa oyi Eshinegba, loji ali apfoli, e ya rue ibuledi oni o pfuase le, ni ushi ọa lama shi e le. Oni ibuledi ona, ekpodalo-ugamhi eyi Eshinegba tse, e lese le oli.†‡

⁵ Abi khi aa rote ebe ushi iMosisi ze oli khi ekpodalo-ugamhi eyi Eshinegba ni e la Owa Oyi Eshinegba, ee gbe ushi-a ogbele iyemhea, ama ogbo ọa ro mu ota so we?§

⁶ Ama mhi gueye ẹ khi ogbo ni o fu dose Owa Oyi Eshinegba o la ana.

⁷ Ini a lese emini a ri oni ungmehi ona ngme shi Ebe-no-pfuase lo, ni ọọ, ‘Ilelemhi o ghole mhe, ọa khi iluasobo,’ aa kha ke pfa ezo mu eni ẹa lue.*

⁸ Irari khi mhemhe Omi Ogbo mhi khi Onomhue oyi ogbele iyemhea.”

*Ijesu o ri omose ni obo oyoli o
cheghẹle-a ze*

(iMak 3.1-6; iLuk 6.6-11)

⁹ Abi iJesu o rote agho vu, o lo elemhi owa ugamhi oyewe.

¹⁰ Igho omose oghuo ni o cheghẹle obo oghuo-a, o la akagho. Egboghuo e la agho ni e nono ni wewe e mu ingme shi iJesu egbe, igho e mhila li. E oli, “O fe ti ni a ri ogbo ze ele iyemhea?”

* 11:21 Li ze Aza 23.1-18; Ezik 26.1-28.26; iJofe 3.4-8; Emo 1.9-10; iZaka 9.2-4 † 11:23 Li ze Aza 14.13-15; Igbae 19.24-28 ‡ 11:24 Li ze iMat 10.15; iLuk 10.12 § 11:27 Li ze iJon 3.35; 1.18; 10.15

* 11:29 Li ze iJere 6.16 * 12:1 Li ze iDeut 23.25 † 12:4 Li ze iLev 24.9 ‡ 12:4 Li ze 1 iSam 21.1-6 § 12:5 Li ze iNoba 28.9-10 * 12:7 Li ze iMat 9.13; Osia 6.6

11 Ijesu oọ wẹ, “Ini ongeẹ o fe mhọli osumha, ni o rọ de pfilo atekẹ ẹle iyemhẹa, wa a ya fe mu ọli o lasele?”†

12 Ogbọ o mu ẹloẹ dọse osumha! Irarigho, Ishi eyi iMosisi o lama shi o, ogbọ o riele onete ogbele iyemhẹa.”

13 Igho oọ oni omose ni o cheghẹle obọ oghuo a egho, “Nise obọ oye-a.” Igho o nise ọli-a. Oni obọ o na ya to abi onokpọle

14 Igho eni egbo iFarisi e fiẹ ya ye ugbamhi abi e li ya gbe ijesu-a.

Oni oọ ga ni Eshinẹgba o zẹ

15 Abi ijesu o ke rọ lese ugbamhi ni e gba, o rọte agho vu je oboese, ebubu egbo e deba li. O ri eni e mhọli umhaze nya ze.

16 O tse agua ye wẹ e khi gueye egbo oni loli khi.

17 Eri a ri ona ri ungmehi ni Azaya omekeguele o ngme bhale ya tse, ni o la lie,

18 “Oni oọ ga oyemhẹ ni mhi ze na,

oni mhi nono ingme oyoli,
ni o ri egbe e mu mhe,

mhi ya ri Ayemhẹ oyemhẹ shi ọli egbe,

o ya ri igue-sọ-ẹzo oyemhẹ khasẹ ishishi nya.

19 Oa ya nu egbo wola

wexhi eri o ya tsesẹ
ni ogbo suo ifui apfe.

20 O ya kuegbe-a

nu eni ẹa mhue ekpabo ngeli,
abi a li kuegbe-a mu ọakpa
ni akpekpeli o pfigbe vule.

O ya le elemhi

eni ẹẹ nono ikpaghiobo,
abi ogbhali ọa lie la apfe

ni amẹ o gbe erali
ni o la umutse pfuse-a,

ya ramhi ni o rọ

ri igue-sọ-ẹzo leghie.

21 Itobo igho egbo iJeta nya e rọ regbenga eva oyoli.”‡

*Ijesu ali iBezebo
(iMak 3.20-30; iLuk 11.14-23)*

22 Igho egbo eghuo e rue omose oghuo ni o mhọli ayemhẹ obe bhale ghi ijesu. O zalo o gbo khi ungmehi. Ijesu o ri oni omose ze. Oo ngme, o gbolo e me eke.

23 Igho abo e sha eni egbo nya, e mhila, e lie, “Abi khi ijesu ona o khi Oni Omiepfuese omi iDefidi ni e khi o ya bhale?”

24 Abi egbo iFarisi e rọ suo ona, e ke, “Ekpabo eyi iBezebo ni o khi oghie oyi iyemhẹ ebe nya, o rọ khu egbo iyemhẹ ebe egbe lasele.”§

25 Ijesu o she lese usamhi oyewe, oọ wẹ, “Eghiele ni o da kemhi shi iku-iku ni o nu egbewe e khọli ne, eri o ya pfua. Igho khi ẹoli ali unuekpe ni e kemhi egbe nu egbewe e khọli, ẹa dobe ya migha.

26 Ini Okphaghie oọ khu Okphaghie lase, o she kemhi egboli. Seẹ eghiele oyoli o ke li dobe ya migha?

27 Ini mhi ri ekpabo eyi iBezebo ẹẹ khu egbo ayemhẹ ebe egbe a, ekpabo eyi oghuo egbo eye e e rọ khu wẹ kua? Emini eni ẹẹ deba e ẹẹ riele o rọkhasẹ khi aa rọte ode.

28 Ama ini o khia khi Ayemhẹ oyi Eshinẹgba mhi rọ o khu ayemhẹ ebe kua, loli o rọkhasẹ khi Eshinẹgba o she e mhese shi e egbe.

29 “Oghuo o fe lese ya vule, o dọse lo apfe oyi omose akama ya tsua li itsua vu. Oa khi eri o kpe ya ge ọli shi eke? O tigbe dobe tsua li itsua owa?

30 “Oni ọa da nu mhe la ne, eri o biselemhi mhe, ali khi oni ọa da nu mhe ti e gbili ne, eri o miatse ku a.*

31 Irarigho, mhi gueye e khi, a ya ri olamhẹ ali ungmehi ipfiunu-a nya topfa ogbo, ama aa ya tigbe ri ungmehi ipfiunu-a ni a ngme deba Ayemhẹ-nọ-pfuase topfa ogbo.

32 A ya dobe rọ topfa onini o da pfi unu-a deba Omi Ogbọ, ama aa ya rọ topfa oni o da pfi unu-a deba Ayemhẹ-nọ-pfuase, elemhi agbo ni a la memena, ghe agbo ni o ke e bhale.†

† 12:11 Li zẹ iLuk 14.5 ‡ 12:21 Li zẹ Aza 42.1-4 9.40 † 12:32 Li zẹ iLuk 12.10

§ 12:24 Li zẹ iMat 9.34; 10.25 * 12:30 Li zẹ iMak

Udumhi ọọra a te ẹ lẹsẹ ọọra
(iLuk 6.43-45)

³³ “Ri ẹloẹ khu ọara, o ya mọ umọmhi onete, ini u waa ri ẹloẹ khu ọara, o mọ umọmhi ni ọa ti. Irari khi umọmhi oyi ọara a te ẹ lẹsẹ emini oni ọara o khi.‡

³⁴ Sẹ ẹ ẹgbọ ebe ni a khọlo abi ẹnye afue, a liẹ ngme ungmehi onete unu? Usamhi ni e vọ ọgbọ udu o rọli ẹ ngme ungmehi rọte unu lasela. §

³⁵ Udu onete ọgbọ onete ọ te ẹ ngme ungmehi onete lasela. Ighọ ungmehi obe o li rọte udu oyi ọgbọbe ẹ lasela.

³⁶ Ama a lẹsẹ khi ọgbọgbọ ọ ya zọno abi ọ li ngme ungmehi afue unu lasela ọgbẹlẹ isọ-ẹzọ.

³⁷ Irari khi ungmehi unu oye a rọ ya pfa ẹzọ nẹ, ungmehi unu oye a gbo rọ ya pfa ẹzọ mu ẹ.”

Irọkhasẹ oyi ijona
(iMak 8.11-12; iLuk 11.29-32)

³⁸ Ighọ ẹgbọ iFarisi ali esesẹ Ishi eyi iMosisi eghuo ẹ ẹ Jesu, “Osese, ri ọlele ọnyalọa oghuo khasẹ anye.”*

³⁹ Ọ sọ wẹ ọ, ọọ, “Eẹ ẹgbọ ọkhọlo ni aa ri igesikia ga ẹshinegba.” Áá mhila mhe ọlele ọnyalọa? Ọgbọkhọghuo ọa ya ri ọlele ọkhọghuo khasẹ ẹ, sẹ ni onabi a rọkhasẹ oyi ijona ọmekẹguele. †

⁴⁰ Irari khi abi ijona ọ li la elemhi oyi afele ọgbẹlẹ ese ẹle ọguota ali ẹle iyose, ighọ Omi Ọgbọ ọ li ya li la elemhi eke ọgbẹlẹ ese, ẹle ọguota ali ẹle iyose. ‡

⁴¹ Ẹgbọ iNineve e ya mu ẹzọ vule shi ẹ ẹgbọ agbhotu ona ọ ọgbẹlẹ iguezo, irari khi e mu nyene abi ijona ọ rọ tse abọ ungmehi oyi ẹshinegba ye wẹ. Ama memena, oni ọ ga fu dọse ijona ọ la akana, ama aa lama mu pfi. §

Abi ayemhe obe o liẹ kia
(iLuk 11.24-26)

⁴² Oghie-ọkpotoso oyi eke iSheba ọ ya mu ẹzọ vule shi ẹ ẹgbọ agbhotu ona ọ ọgbẹlẹ iguezo, ọ pfa ẹzọ mu wẹ. Itobo

khi ọọ rọte obini odonue bhale ya ri esọ kpe osese ilesingme oyi iSolomoni. Ama memena oni ọ fu dọse iSolomoni ọ la akana, ama aa lama pfi esọ shi ọli ọ.*

⁴³ “Ini ayemhe ebe o rọte ọgbọ egbe lasela, eri ọ kpe je eke okhakha ya dudu kia nono ashini ọ je ya yemhe-a. Ama ini ọa me,

⁴⁴ ọ gueye ẹgbọli, ‘Mhi ya nyene egbe ukhokho je owa ni mhi kpe te vu.’ Ini ọ nyene egbe bhale aghọ ni ọ rọ ya ẹ khi aghọ o gboo, khi asha kpa oo pfuase nguene.

⁴⁵ Eghẹghẹ aghọ, ọ fiẹ je olase ya rue ayemhe ebe ishilua elese ni e khọlo dọse ọli bhale ya lo aghọ, e la aghọ. Eghẹghẹ aghọ, ikpukhokho oyi oni ọgbọ ọghọ o ke ya khọlo dọse abi o kpe li. Ighọ o ya li ẹ egbe ẹ ẹgbọ ọkhọlo ena.”

Inyọ Jesu ali inyoghuo Jesu
(iMak 3.31-35; iLuk 8.19-21)

⁴⁶ IJesu ọ kie ghọ nu eni ebubu ẹgbọ ọ ngme, inyọli ali inyoghuo ọli e bhale. E migha olase, e nono ni wewe e nu ọli ngme.

⁴⁷ Ọgbọghuo aghọ, ọọ li, “Inye ali inyoghuo ẹ, e migha olase, ẹ nono ni wewe e nu ẹ ngme.”

⁴⁸ IJesu ọ sọli ọ, ọọ, “Eghuo e khi inyemhe ali inyoghuo-mhe?”

⁴⁹ Ọ nise obọ ghue eniye odukhokho eyọli, ọọ, “Enana e khi inyemhe ali inyoghuo-mhe.

⁵⁰ Onini ọ da ri ungmehi oyi Itamhe na iloghie gbe akanya, lọli ọ khi inyoghuo-mhe oni ọmose ali oni ọkpotoso ali inyemhe.”

13

Okhe irọkhokho oyi oghiale ni ọ kọ ikpamhemhi

(iMak 4.1-9; iLuk 8.4-8)

¹ Ẹle ni a ngme ena, iJesu ọ fiẹ owa ya lase, ọ shito epfe okẹ oniemhi.

² Ebubu ẹgbọ e le gasẹ ọli ramhi ni ọ rọ vu ya lo ọkọ-okẹ oniemhi shito,

‡ 12:33 Li zẹ iMat 7.20; iLuk 6.44 § 12:34 Li zẹ iMat 3.7; 23.33; 15.18; iLuk 3.7; 6.45 * 12:38 Li zẹ iMat 16.1; iMak 8.11; iLuk 11.16 † 12:39 Li zẹ ijona 1.17-2.10; iMat 16.4; iMak 8.12 ‡ 12:40 Li zẹ ijona 1.17 § 12:41 Li zẹ ijona 3.5 * 12:42 Li zẹ 1 Ighie 10.1-10; 2 Okhe 9.1-12 * 13:2 Li zẹ iLuk 5.1-3

eni ẹgbọ nya e migha egele oni oke oni emhi.*

³ O ri okhe irọkhọkhọ gue emhi ebubu u ye we, ọọ we, “A ghe i! Oghiale oghuo o je ishemhi ya ku ikpamhi emhi.

⁴ Abi o li i ku eni ikpamhi emhi egho, eghuo o de de kua epfe ode. Ipfeli e bhale ya sanọ we le.

⁵ Eghuo o, e de nga ukhomhi okpegbhe, ni ọa mhue eke ni e bu. E nyanya ze. Ama itobọ khi oni eke ọa mhue ẹlamhi ni e pfi imhili lo,

⁶ ovọ o gbolo we-a. E khakha-a, irari khi ẹa me asha pfi imhili lo eke egbegbo.

⁷ Ikpamhi eghuo o, e de kulo ashini igba e la. Eni igba e ze, e tono we gbolo-a.

⁸ Ama ikpamhi eghuo, e de shi egbegbi eke, e fu, e nyese ekhe. Eghuo e ri imomhi asha egbhueshe lasese, elese e ri asha egbhueshe lasese, enekpole, asha uye ali igbe. Eghẹghẹ agho e ke ya bu dose emini a kpe ro ko.

⁹ A ze eso, a suo emini mhia gueye e, ni a roli gbe akanya.”

Emini oni okhe irọkhọkhọ o migha shi

(iMak 4.10-12; iLuk 8.9-10)

¹⁰ Eniye odukhokho eyoli e bhale deba li, e mhila li, “Elo o ze ni u ro ri okhe irọkhọkhọ o sese eni egbọ?”

¹¹ IJesu ọọ we, a she mhọli ilese oyi osheli abi Eshinegba o she mhọli omheshe shi e egbe, ama a roli sheli we.

¹² Onini o da kpe mhọli, a ya ro ma o na li, o mhọli gbeku o. Ama oni ọa mhue, a ya mie ọli oni o kpe mhue.†

¹³ Emini o ze ni mhi ro ri okhe irọkhọkhọ nu we ngme khi.

Ini e riẹ bino,

ẹa ya me eke,

ini e riẹ ri eso shi eke,

ọa ya lo we eso.

¹⁴ Lọli o ze khi ungmehi

ni omekeguele Azaya

o ngme o tse shi we egbe

ni o la lie.

“A ya ri eso shi eke khue, ama ọa ya tigbe lo e eso, a feli ofeli khue, aa me emhikhoghuo.

¹⁵ Udu oyewe o bi obili-a.

Itobọ khi eri

eso eyewe e zuse,

e gbo guease alo.

Ini ọa khi igho,

e kha ri alo eyewe

ke me eke,

eso eyewe e kha suo,

udu oyewe o kha

mhọli ileasingme,

ee kha mu pfi

bhale deba mhe,

mhi rewe ze.”

“Eni egbọ e ya ri eso

shi eke khue,

ama ọa ya tigbe lo we eso,

e feli ofeli khue,

ama ẹa me emhikhoghuo.”‡

¹⁶ Ama oyeye ọa khi igho. A me afa gba. A ri alo eye e me eke, a ri eso eye e suo.

¹⁷ Abi o li mhi li gue ọli ye e khi, emekeguele ebubu ali egbọ eyi Eshinegba ebubu, e li dua ini wewe e me emini a me ali ini wewe e suo emini a suo, ama ẹa dobe. §

Emini okhe irọkhọkhọ oyi oghiale o ngme

(iMak 4.13-20; iLuk 8.11-15)

¹⁸ IJesu ọọ. “A ri eso shi eke, ni e suo emini oni okhe irọkhọkhọ o ngme.

¹⁹ Ogbọ ni suo ungmehi omheshe ni Eshinegba o mhọli shi agbo oyi egbọ, ni ọa lo ọli eso ne, lọli o li abi ikpamhi emini e de kua epfe ode. Eri okphaghie ọọ bhale ya sanọ li wewe udu kua.

²⁰ Eni e ze nga ukhomhi okpegbhe, eri e li abi ogbọ ni o kha suo ungmehi, o ga ri oghelẹ mie ọli.

²¹ Ama ọa tiemhi ọli udu, itobọ igho, ọa migha tese. Irarigho, ini omunu o bhale ali ni a ro mu okhọli vule shi ọli o shi itobọ oni ungmehi, o de ode a aghoaghọ.

† 13:12 Li ze iMat 25.29; iMak 4.25; iLuk 8.18; 19.26

‡ 13:15 Li ze Aza 6.9-10

§ 13:17 Li ze iLuk

10.23-24; iJon 8.56; Iburu 11.13; 1 iPit 1.10-12

22 Ikpamhi ni e zẹ shi ifu igba, wẹwẹ e li abi ọgbọ ni ọ kha suọ ungmehi oyi Eshinẹgba, inasẹ-udu shi ingme agbọ ali ọghuẹmhe oyi ẹpfue, e tono oni ungmehi abi igba, ọa dobe mọ umomhi.*

23 Ikpamhi ni e zẹ shi egbegbi eke, e li abi ọgbọ ni ọ kha suọ ungmehi oyi Eshinẹgba o lo ọli esọ. O mọ umomhi. Eghuo e kha mọ imomhi egbhuẹshe, elese mọ egbhuẹse, eghuo ọ uye ali igbe.”

Okhe irọkhokho oyi ebuli ọfaghue ali ado

24 Ijesu ọ gbo zẹ okhe irọkhokho olese khasẹ wẹ, ọọ wẹ, “Eri omhesẹ ni Eghiele oyi Eshinẹgba o li abi omose ọghuo ni ọ kọ ado enete shi ishemhi oyọli.”

25 Eliyosẹ, khi ẹgbokpa e ya lese-a, ọbe ọli ọ bhale ya kọ ebuli ọfaghue sọlo shi ọli ọ, ọ vu.

26 Eni ado e zẹ khi e fu khi e ri itsagha lasese, eni ebuli ọfaghue e li zẹ lasese.

27 “Igho eni ẹẹ ga eyi oni omose e bhale ya gueye ọli, ẹẹ ọli, ‘Oga egbegbi ado ni u kọ shi ishemhi oye, ebuli ọfaghue e nu wẹ zẹ lasese kia sọlo shi wẹ?’

28 “Obe mhe ọ riele ona.

“Eni ẹẹ ga e mhila li, ‘Wa a nono ni anye vuolo eni ebuli ọ kua?’

29 Ọọ wẹ, Iiye! Irari khi ini a vuolo eni ebuli-a, a ya do obọ vuolo eni ado ma eni ebuli.

30 A zẹ ni e ga fu kugbe ya ramhi ẹghẹghẹ ikhiẹse. Eghẹghẹ agho, mhi ya gueye eni ẹẹ khiẹse, e kpe vuolo eni ebuli-a, e gẹ wẹ ikhuli, e tose wẹ-a, e tigbe khiẹse eni egbegbi ado shi aka na mhe.”

Okhe irọkhokho oyi ukpamhi ọara imositadi

(iMak 4.30-32; iLuk 13.18-19)

31 Ijesu ọ zẹ okhe irọkhokho olese khasẹ wẹ. Ọọ wẹ, “Eri omhesẹ ni Eshinẹgba ọ mhọli shi agbọ oyi ẹgbọ o li abi ukpamhi ọara ni a lu imositadi ni omose ọghuo ọ rọ ya kọ ishemhi oyọli.

32 Ukpamhi ọli, o khi oghuo ikpamhi ẹera ni e she ne nya, ama ini o fu vule, loli o ke fu dose emini a kọ shi oni ishemhi nya. O mele ọara oni ofunẹ a. Ipfeli e bhale ya ku eko shi iguabọ eyọli.”

Okhe irọkhokho oyi ifuma (iLuk 13.20-21)

33 Ijesu ọ gbo zẹ okhe irọkhokho olese khasẹ wẹ, ọọ wẹ, “Eri omhesẹ ni Eshinẹgba ọ mhọli shi agbọ oyi ẹgbọ o li abi ifuma ni ọkpotoso ọ rọ ma ifulawa ni o bu wushe, ni o rọli fuma shi ọ.”†

34 Okhe irọkhokho ijesu ọ rọ gue ingme ena yewẹ. Ọa tigbe gue ingme okhoghuo yewẹ ni ọa khi okhe irọkhokho.

35 Eri ona o ya tse shi ungmehi ni omekẹguele ọ ngme. Ni ọọ, “Okhe irọkhokho

mhi rọ ya nu wẹ ngme.

Mhi ya gue ingme

ni a rọte igbaekele

oyi agbọ rọ sheli ye wẹ.”‡

36 Abi ijesu ọ rọ zẹ eni ebubu ẹgbọ obọ, ni ọ rọ ya lo elemhi owa, eniye odukhokho eyọli e bhale deba li. Eẹ ọli, “Gueye anye emini okhe irọkhokho oyi ebuli ọfaghue ogho o ngme.”

37 Ijesu ọọ, “Ogbọ ni ọ ri eni egbegbi ikpamhi emhi ekomhi kọ, ọ khi Omi Ogbọ.

38 Oni ishemhi o khi oni agbọ ona, eni ikpamhi ado enete egho e khi ẹgbọ ni e ya ri egbewẹ na Eghiele oyi Eshinẹgba. Eni ebuli ọfaghue e khi ẹgbọ eyi Okphaghie.

39 Okphaghie ọ khi Obe ni ọ ri eni ebuli kọ ifu ishemhi. Oni ẹghẹghẹ ikhiẹse o khi ikpukhokho agbọ, eni eni ẹẹ ga egho e khi igeni eyi Eshinẹgba.

40 “Ezeze abi a li ti eni ebuli gbili tose-a egho, igho ikpukhokho agbọ o ya li.

41 Omi Ogbọ ọ ya ghie igeni eyọli ya wolọ ẹgbọ ni e yese ẹgbọ pfidọ ali eni e li okholọ elemhi eghiele oyọli lasese.

* 13:22 Li zẹ iMat 19.23; 1 iTimo 6.9-10,17 † 13:33 Li zẹ iLuk 13.20-21; iGal 5.9; Igbae 18.6 ‡ 13:35 Li zẹ Iwolo 78.2

42 A ya pfi wẹ kulo elemhi avuere, agho ẹgbọ e la ya ke viẹ ẹ le akọ akọ.

43 Eghẹghẹ agho ẹgbọ eyi Eshinegba e ya ke gẹ abi ovo elemhi agbọ onogbọ oyi Eshinegba. A mhọli esọ, a suọ emini mhia gueye ẹ ni a rọli gbe akanya.”

Okhe irọkhọkhọ oyi ẹpfue ni a rọ sheli

44 “Eri omhese ni Eshinegba o mhọli shi agbọ oyi ẹgbọ o li abi ẹpfue ni a rọ sheli ifui ishemhi, ni omose o tonọ eke me rue, ni o nyanya gbo rọli sheli. Egbe e mu ọli, o ya ri emini o mhọli nya de, o ya de oni ishemhi ogho.

45 “Eri omhese ni Eshinegba o mhọli shi agbọ oyi ẹgbọ o li abi omose ni o nono ugbhe-ema.

46 Ini o me oni o lo mu ẹloe, o je apfe ya ri emini o mhọli nya de, o de ọli.

Okhe irọkhọkhọ oyi aga

47 “Eri omhese ni Eshinegba mhọli shi agbọ oyi ẹgbọ o gbo li abi aga ni egbifele e pfi lo oke oniemi ni o khishi, e muno ifele ododa.

48 Abi oni aga o rọ vọ, e ti ọli ngale egele. Igho, e shito e sanọ ifele eni e khi egbebewe o kulo ughughu, e tsua eni ẹa ti kua.

49 Igho o ya li ogbele ni o kpe ukhokho. Igeni eyi Eshinegba e ya sanọ ẹgbọ okhọlo ifuabọ ẹgbọ eni e pfuase lasele.

50 E pfi ẹgbọ okhọlo egho kulo owa ere, ni e la ke viẹ, ẹẹ le akọ akọ.

51 “Eni ingmemhi ena nya e she lo ẹ esọ?” E ọli, “Ii.”

52 Oo we, “Irarigho, eri osese ushi nya ni o mele omọ odukhokho-a, ni o da mie Eghiele oyi Eshinegba shi udu, o li abi ẹgbọ ni o mhọli owa, ni o rote elemhi owa ni o ri itsua shi ẹ rue ẹpfue onogbọ ali onodiọ lasele.”

Edeli eyi iJesu e kie ọli

(iMak 6.1-6; iLuk 4.16-30)

53 Abi iJesu o rọ ze eni okhe irọkhọkhọ ena se, O lase agho le.

54 O nyene egbe je ẹoli oyoli. O la owa ugamhi sese, ẹgbọ ni e suọ ọli, abọ e sha we. E mhila, e lie, “Obo o

te mhue ilesingme enana, obo o te me ikanya oshabo ena a gbe?”

55 “Oa she khi omi ikapita na? Oa khi iMeli o khi inyoli, iJemhisi ali iJosefu ali iSamọ ali iJudasi ẹa she khi inyoghuo ọli?

56 Ena ẹa khi inyoghuo ọli eni ikpotso ni e ga nu awa la ana ena? Mhie, Obo o te me enana nya?”

57 Irarigho, o ri elemhi bi we. §

Igho iJesu oo we, “Aa me ashini aa la mu ekpe na omekeguele, se ni apfe oyoli ali unuekpe oyoli tse aa la mu ekpe na li.”

58 Itobo khi ẹa mhue irudunga, ọa la agho gbe ikanya onyaloa ni e bu.

14

Eghuli oyi iJoni Oni oo batazi

(iMak 6.14-29; iLuk 9.7-9)

1 Eghẹghẹ agho, Erodu oghie eke iGalili o suọ eko iJesu.

2 O gueye eni ẹ ga li, oo, “Ijoni Oni oo batazi na, ni o nyene egbe bhale agbọ. Lọli o ze ni o rọ ligho mhọli afu rọ o gbe ikanya onyaloa enana.”

3 Irari khi Erodu o ke kpe ghie ya mu iJoni. Oo, a ri iweghe ge ọli, a mu ọli pfilo owa ighumha shi itobo ingme oyi Erodiasi ughue iFilipu inyoghuo oni Erodu.

4 Eri iJoni o ke gueye Erodu khi ushi oyi ẹgbọ iJu ọa lama shi o ni o rọ rue ughue inyoghuo ọli iFilipu shi.*†

5 Oni eghẹghẹ Erodu o nono ni loli gbe iJoni-a shi oni ingme, ama ulishi oyi ẹgbọ iJu oo mu ọli irari khi o lese khi ẹgbọ kpa e lese khi omekeguele iJoni o khi.

6 Ama, ẹle ni Erodu o ghele shi ogbele ni a rọ bia li, omi Erodiasi o gbe ishimhi khasẹ we ni o ri egbe mu oni Erodu dose.

7 O ri oni Erodu romhi ishe, o neta omose gueye oni omeshi khi loli ya ri emiemi o mhila lue na li.

8 Igho inyoli o ya sese oni omeshi, o ka gueye itali o khi iJoni ukhomhi shi ukpeko na lue.

⁹ Abi ọ rọ ngme ọli ghọ, egbe pfo ọni oghie-a. Ama irari ishe ni ọ romhi ali apfoli ni e nu ọli shitọ, ọọ a ri emini ọ mhila na li.

¹⁰ Ighọ ọ ghie ya khi iJoni ukhomhi ọ elemhi owa ighumha.

¹¹ A khi oni ukhomhi shi ukpeko a ri ọli na ọni ọmueshi, ọni ọmueshi ọ tsua li ghi inyọli.

¹² Eniyẹ odukhokho eyi iJoni e bhale ya tsua ekuli oyọli rọ ya tọ. E vu ya gueyẹ iJesu.

Ijesu ọ ri eminale na ẹgbọ agbele ishe le

(iMak 6.30-44; iLuk 9.10-17; iJon 6.1-14)

¹³ Abi iJesu ọ rọ suọ emini a me, ọ fiẹ aghọ lase. Ọ lo ọkọ-ọkẹ oniẹmhi je asha ni o da-ya ya shitọ. Abi eni ẹgbọ e rọ suọ ona e ri awẹ kia lẹ deba li.

¹⁴ Abi iJesu ọ rọte oni ọkọ-ọkẹ oniẹmhi fiẹ lase, ni ọ rọ me eni ebubu ẹgbọ eghọ, elemhi wẹ e ala li, eni ẹa ze, ọ rẹ wẹ ze.

¹⁵ Ogbomhi o mu eke, eniyẹ odukhokho e bhale, ẹẹ ọli, “Waa ke ze ẹgbọ ena ke je, irari khi oola o nuata shi apfe, ni e je ifu ẹoli ya de emhi le.”

¹⁶ Ijesu ọọ wẹ, “Ọa ti ni e lighọ vu tse, a nono eminale na wẹ le.”

¹⁷ Eẹ iJesu, “Ibulẹdi ishe ali ifeḽe ava e khi emini awa lẹṣe mhue shi ana.”

¹⁸ Ijesu ọọ wẹ, “A rue wẹ bhale ghi mhe ghue.”

¹⁹ Ọọ, ọgbogbo ọ shitọ ukhomhi ebuli. Ọ rue eni ifeḽe ava ali ibulẹdi ishe eghọ, ọ tsua wẹ idane ọ ri ikphẹmhi na Eshinegba. Ọ kholo eni ibulẹdi-a, ọ rẹ wẹ na eniyẹ odukhokho eyọli. Eni eniyẹ odukhokho eyọli e kemhi wẹ na wẹ.

²⁰ Ọgbogbo ọ le, ọ khue, e kpọle. Ighọ eniyẹ odukhokho eyọli e sanọ eni e kpọle vọ ighughu igbeva tsululu.

²¹ Emọse agbeḽe ishe (5,0000) e le eni eminale, ini aa leli ikpotso ali eniyẹ ma ọ.

Ijesu ọ la ukhomhi oke kia

(iMak 6.45-52; iJon 6.15-21)

²² Aghoaghọ iJesu ọ gueyẹ eniyẹ odukhokho eyọli e lo ọkọ-ọkẹ da je

ukiẹkiẹ oke obini o kpọle, ọ gueyẹ eni ebubu ẹgbọ, ọgbogbo ọ ke je.

²³ Ọ vese eni ẹgbọ kua se, ọ je ukhomhi ute ya sọ iromhi. Ogbomhi o mu eke, iJesu lolighuo ọ kie la oobọ.

²⁴ Eghẹghẹ ni a ngme ena, oni ọkọ-ọkẹ o she rote eke lo oni oke kia nuata. Ighọ akpekpeli oniẹmhi oo zughuse oni oke, ni o tsua oni ọkọ-ọkẹ ya nga ya tiemhi.

²⁵ Eḽe uzogbe neni ogbe o gbe-a, iJesu bhale deba wẹ, ọ la oni ukhomhi oke ẹ kia.

²⁶ Abi eni eniyẹ odukhokho e rọ me ọli khi ọ la ukhomhi oni oke ẹ kia, e yila. E tseṣe, e liẹ, “Ayemhe olimi lo!”

²⁷ Ijesu ọ nyanya nu wẹ ngme, ọọ, “A mholi udu, mhemhe lo, a khi ke na ulishi.”

²⁸ IPita ọọ, “Onomhue ini yeye lo igesikia, wẹ mhe mhi bhale debe oni ukhomhi oke.”

²⁹ Ijesu ọọ li, “Bhale.” Ighọ iPita ọ fiẹ oni ọkọ-ọkẹ lasele, ọọ kia ukhomhi oke, ọọ lẹ deba iJesu.

³⁰ Ama abi ọ ke rọ me abi oni ukpokpomhi akpekpeli o li pfiolo, ulishi o mu ọli, ọọ tiemhi elemhi oni oke. Ọ tseṣe, ọọ, “Onomhue tsumhi mhe!”

³¹ Ighọ iJesu ọ nise obo-a ọ mu ọli. Ọọ li, “Elo o ze ni irudunga oyẹ o rọ na she. Elo o ze ni u rọ mhue akhokhomhe?”

³² Ighọ e ga ya lo elemhi oni ọkọ-ọkẹ, oni akpekpeli o pfomhe.

³³ Ighọ eniyẹ odukhokho eyọli e nyese ukhomhi na li ẹẹ ọli, “Igesikia lo khi, Omi Eshinegba u khi.”

Ijesu ọ la iGenesareti ri oni ọọ ghua ze

(iMak 6.53-56)

³⁴ Abi e ke rọ da oni oke ni o khishi, e bhale eke iGenesareti.

³⁵ Abi ẹgbọ ni e la oni eke e rọ lẹṣe khi iJesu lo, e ghie ghi ẹgbọ ni e la ẹoli i kia gasẹ oni ẹoli nya. Egbọ e tsua ẹgbọ eyewe nya ni ẹẹ ghua ghi ọli.

³⁶ E lema li ọ kpekepe ọ lẹṣe ze ni eni ẹ ghua e ri obọ ti esọ awulu ni ọ sọ. Egbọ nya ni e ri obọ ti ọli, e ze.

15

Osesẹ ipfuasẹ na ekelemhi (iMak 7.1-13)

¹ Igho ẹgbọ iFarisi ali esesẹ Ishi eyi iMosisi eghuo e te iJerusalemu bhale ya mhila iJesu, ẹẹ,

² “Elo o zẹ khi eniyẹ odukhokho eye ẹa ya ri osesẹ ni ititawa e rọ shi eke gbe akanya? Ẹa ya kpe abọ-a neni e le eminale!”

³ IJesu oọ wẹ, “Elo o zẹ ni a rọ ri itobọ ushi oyẹẹ gbe ushi oyi Ẹshinegba-a?”

⁴ Irari khi Ẹshinegba oọ liẹ, ‘Ogbọ o ke ri ekpe na itali ali inyọli,’ ali khi, ‘Onini o da ku itse na itali okekhi inyọli ne, a gbe ọli-a.’*

⁵ Ama abi ẹẹ a ke ngme khi, ini ogbọ o mhọli ikpaghọ ni o kha rọ na itali okekhi inyọli, ni o ke rọ liẹ khi eni ikpaghọ eghọ khi lọli mu udu pfi, khi Ẹshinegba lọli ke ri eni ikpaghọ ya na.

⁶ Khi o guẹ kia ini ọa ke riẹ ri ikpaghọ na itali ali inyọli. Ina a li ri eloe ẹ gbe ushi oyi Ẹshinegba ni a ba mẹ asha ke deba osesẹ oyẹ ẹ.

⁷ Ẹẹ e ri ugamhi ku alo! Azaya Omekeguele o kpe lina ngme ọli shi ẹ egbe ni o rẹ,

⁸ “Eni ẹgbọ ena, unu e rọ mu ekpe ẹ na mhe,
ama udu oyẹwẹ o nuata shi mhe o.

⁹ Afuẹ e mema ga mhe,
irari khi osesẹ oyi ẹgbọ ẹẹ sesẹ ẹgbọ,
abinẹ khi ishi eyemhe lo.”†

Emini e ri ogbọ oọ khi oni ọa pfuasẹ (iMak 7.14-23)

¹⁰ IJesu o lu ẹgbọ ni e legba, oọ wẹ, “A ri esọ shi mhe eke, ni a mhue ilẹsingme.

¹¹ Ọa khi emini ogbọ o rọte unu le tiemhi elemhi e rọli ẹ khi oni ọa pfuasẹ, ama emini e te ọli unu ya fiẹ e ri ogbọ khi oni ọa pfuasẹ.”

¹² Igho eniyẹ odukhokho eyọli e bhale deba li e mhila li, ẹẹ ọli, “Uli lẹsẹ

khi ingmemhi ni u ngme amo khi, o ri elemhi ẹ bi ẹgbọ iFarisi?”

¹³ IJesu oọ wẹ, “Ọara ni Itamhe na iloghie ọa da rọ kọ ne, a ya vu ọli eke-a.”

¹⁴ A khi zẹ ni ingme oyẹwẹ o nasẹ ẹ udu. Ezalo ni eri ezalo ẹ kia e khi. Ini ọzalo o mu ọzalo ọnabi lọli obọ rọ o kia, eri wẹwẹ ava e ga de ya pfilo atekẹ.‡

¹⁵ IPita oọ iJesu, “Gueyẹ anye abi oni okhe irọkhokho ena e ngme.”

¹⁶ IJesu oọ wẹ “Aa kie lẹsẹ emini mhia ngme?”

¹⁷ A lẹsẹ khi emini o da te unu ya tiemhi elemhi khi eri a nẹ ọli ẹ kua?

¹⁸ Ama emini o da te unu lasele ne, elemhi udu o te lasele. Ena e khi emini e dobe ri ogbọ o khi oni ọa pfuasẹ.§

¹⁹ Irari khi elemhi udu isamhi ebe e te ẹ lasele. Usamhi abi a liẹ gbe ugbeli, ali abi a liẹ kia okia, abi liẹ do ighiatọ ni a rọ na eta ali iku itsebọ ali iyese ogbọ-a, ali ni a rọ o pfi ọtsẹlẹ ẹgbhue.*

²⁰ Emhi enana e ri ogbọ o khi oni ọa pfuasẹ. Ama ini ogbọ o le eminale ni ọa rọ kpe abọ, ọa ri ogbọ khi oni ọa pfuasẹ.

Irudunga oyi okpotso ọngi iKena (iMak 7.24-30)

²¹ IJesu o te aghọ vu, o bhale eke iTai ali iSidoni.

²² Okpotso ọngi iKena ni o la ukiẹkie eke oghọ o bhale deba iJesu o lema li, oọ li, “Onomhue Omi iDefidi kpekpe mhọli ilẹlemhi na mhe. Omimhe ni omueshi o mhue ayemhe okphaghie. Oo ze mu ọli gba memena.”

²³ Ama iJesu ọa sọ ọli o. Eniyẹ odukhokho eyi iJesu, ẹ iJesu o khu oni okpotso khi oọ kpe okeke deba ewe.

²⁴ IJesu oọ wẹ, “Isumha eyi iZireni ni e waa, a ghie mhe ghi tse.”

²⁵ Oni okpotso o suọ ona, o bhale ya de wugha odalo oyi iJesu, oọ li, “Onomhue kpekpe kpaghie mhe obọ.”

²⁶ IJesu oọ li, “Ọa ti ni a rue eminale oyi eniyẹ pfi ghi ewa.”

* 15:4 Li zẹ Okiali 20.12; 21.17; iLev 20.9; iDeut 5.16 † 15:9 Li zẹ Aza 29.13 ‡ 15:14 Li zẹ iLuk 6.39

§ 15:18 Li zẹ iMat 12.34 * 15:19 Li zẹ iGal 5.19-21; 1 iKori 6.9-10; iRom 14.14

27 Oni ọkpọtso ọọ, “Igho lo gueguegue, Onomhue. Ama ewa ee le eminale ni o rote ukhomhi itebu oyi oni o mholi we de kua eke.”

28 Ijesu ọọ oni ọkpọtso, “Egbegbo u mhue irudunga, a ya ri emini u nono ne.” Aghoagho omi oli o ze.

29 Ijesu o te agho vu, o rote oke oniemi iGalili le. O nga ukhomhi ute ya shito.

30 Ebubu egbo e bhale deba li agho, e tsua egbo ni e guogho awe-a, ali eni e ze alo ali eni e le eso, ali eni e ki shi, ali ingmenu ali ebubu egbo ni e mhue ighuamhi ododa bhale ya shi ufuege oyi ijesu. O ri wewe nya ze.

31 Abọ e sha egbo abi e ro me khi ingmenu ee ngme, egbo ni e guogho a, e vule kia, eni e ze alo e me eke, igho, ee kueghie Eshinegba oyi iZireni.

Ijesu o ri eminale na egbo agbele ene le
(iMak 8.1-10)

32 Ijesu o lu eniye odukhokho eyoli, ọọ we, “Elemhi egbo ena e ga lala mhe irari khi ele-ese na ni e te nu mhe la akana. E a me eminale le. Mhi aa nono ni mhi gueye we e ri elemhi ofue ke je, ini ubi o khi rue we shi ode.”

33 Eniye odukhokho eyoli e mhila li, “Obo a te ya me eminale ni ebubu egbo ena e ya le ifu oyemi ni awa la ena?”

34 Ijesu o mhila we, “Ibuledi ingme a mholi shi agho?”

E oli “Iruli ishilua ali ikuku ifele.”

35 Igho ijesu ọọ eni egbo e shito ekekhe.

36 Igho o rue eni ibuledi egho ali eni ifele o kphemhi na Eshinegba shi o. O khi we a, o rewe na eniye odukhokho eyoli e kemhi we na eni egbo.

37 Ogbokpa o le, o khue. Eniye odukhokho eyoli e sanọ eni e le kpole shi ighughu ishilua e vo tsuulu.

38 Emose agbele ene 4,000 e le eni eminale. Ini ogbo ọa leli ikpotso ali eniye ma o.

39 Ijesu o vese eni ebubu egbo kua se, o lo oko-oke oniemi je ukiekie eke iMagidaleni.

16

E mhila ijesu o ri otele khase ewe
(iMak 8.11-13; iLuk 12.54-56)

1 Egbo iFarisi ali iSadusi eghuo e bhale deba ijesu e ya mu oli fe. E mhila li o ri otele ni o te iloghie bhale khase we.*

2 Ijesu ọọ we, “Ini ogbomhi ọọ mu eke, a guele khi, ‘Ogbe-namo o ma ti irari khi idane o yile-a.’

3 Ele uzogbe, a guele khi, ‘Ame o ya rue amo irari khi idane ọọ yile, o gbo bishi-a.’ A gue bino irarogbe guele abi ogbe o ya li, ama aa dobe e guele emini eghenge ni a la memena o ngme.

4 Ee egbo ebe na agbhotu ona ni aa ri igesikia ga Eshinegba! A mhila mhe otele? Aa ya ri okhoghuo khase e, se ni onayi iJona omekeguele.”†

Igho ijesu o pfi we shi agho vu.

Oyese oyi egbo iFarisi ali iSadusi
(iMak 8.14-21)

5 Abi eniye odukhokho eyoli e ro da oni oke oniemi ni o khi shi je egele ukiekie obini o kpole se, e sato khi wewe e a yelege tsua ibuledi.

6 Ijesu ọọ we a mhue egbhe e shi angeli oyi egbo iFarisi ali iSadusi ni o li abi afuma oyi oyese.‡

7 Eni eniye odukhokho e nu egbewe ngme oli khi itobo khi wewe e a tsua ibuledi bhale ijesu o ro ngme ona.

8 Ijesu o suo emini e ngme, ọọ we, “Eni e a mholi irudunga ena, elo o ze ni a ro gue ezọ eminale?”

9 Aa kie lese ingme? Aa sato abi mhi ro kemhi ibuledi ishe na egbo agbele ishe, ighughu ingme a sanọ eni e le kpole vo?§

10 Ali ibuledi ishilua ni mhi ro na egbo agbele ene le, ighughu ingme a sanọ eni e le kpole vo?*

11 Elo o ze khi aa kie lese khi ọa khi ingme ibuledi mhi nu e gue? Ama,

* 16:1 Li ze iMat 12.38; iLuk 11.16 † 16:4 Li ze iMat 12.39; iLuk 11.29 ‡ 16:6 Li ze iLuk 12.1 § 16:9 Li ze iMat 14.17-21 * 16:10 Li ze iMat 15.34-38

mhię a mu egbe ę shi oyese oyi ęgbọ iFarisi ali iSadusi ni o li abi ifuma.”

¹² Lọli eniye odukhokho eyọli e rọ tigbe leşę khi, ọa khi ingme ifuma ni a rọ nye ibulędi ọ nu wę ngme ę shi, ama ingme osęşę ęgbhọli oyi ęgbọ iFarisi ali iSadusi ọọ ngme.

*IPita ọ guele ọni iJesu ọ khi
(iMak 8.27-30; iLuk 9.18-21)*

¹³ Abi iJesu ọ rọ bhale eke iSize-ria iFilipi, ọ mhila eniye odukhokho eyọli, ọọ wę, “Oghuo ęgbọ e famhi ę lię khi Omi Ogbọ ọ khi?”

¹⁴ Eę iJesu, “Eri ęgbọ eghuo ę khi iJoni Oni ọọ batazi ęgbọ u khi, eghuo ę lu ę, Elaja, eghuo ọ ę khi, iJeremaya u khi, eghuo ę khi, ọọghuo emekeguele u khi.”†

¹⁵ IJesu ọọ wę, “Eę oye ę, ọghuo ę khi mhi khi?”

¹⁶ ISamọ iPita ọ rọ ọli, “Yeyę u khi ọni iKirisiti Omi Eshinęba ni ọ la ọ.”‡

¹⁷ IJesu ọọ li, “Oni a khi vọşę na u khi, iSamọ omi iJona. Ọa khi ọgbọ ọ ri igęsikia ona khaşę ę, obọ oyi Itamhe na iloghie o te bhale.

¹⁸ Mhi gueye, yeyę iPita, (ni u khi ęchę). Oni ungmehi ni u ngme ena mhi ya ma Igbaa oyemhe ni e mie mhe suọ nga, ekpabọ oyi eghuli ọa dobe ya mu ọli ọ le.

¹⁹ Mhi ya rue okpe oyi eghiele oyi Eshinęba ne, emiemini u waa da lama shi elemhi agbọ ona ne, Eshinęba ọa ya li lama shi ọ obini iloghie, emini u da lama shi elemhi agbọ ona ne, ọ ya lama shi ọ obini iloghie.”§

²⁰ IJesu ọ gueye eniye odukhokho eyọli e khi gueye ęgbọ khi lọli khi ọni iKirisiti.

IJesu ọ gue ingme eghuli oyọli le shi eke

(iMak 8.31--9.1; iLuk 9.22-27)

²¹ Rọte ęghęghę aghọ vu iJesu ọ te gueye eniye odukhokho eyọli, ọọ, lię, “Mhi mema ya je eke iJerusalemu ni mhi la ya me osoli ebubu abọ eyi

eni egbhali ali ighie eyi ekpodalougamhi ali esęşę Ishi eyi iMosisi. A mema ya gbe mhe-a, ama ęle nuzi-esę a ya guise mhe le bhale agbọ.”

²² Ighọ iPita ọ lu ọli fię je olase ọ lię ọli ọ khi ke gbo ngme ghọ, “Eshinęba ọ bighi ọli ku a, oghọ ọa ya tşę shi ę egbe!”

²³ IJesu ọ mu egbe pfi ọọ iPita, “Vu mhe ana, ọkphaghie! Ọzuode u khi shi mhe ọ, irari khi waa ya sa isamhi ni e rọte obọ oyi Eshinęba bhale, ama usamhi oyi agbọ.”

²⁴ Ighọ iJesu ọ gueye eniye odukhokho eyọli, ọọ wę, “Ini ọgbọ ọ da nono ni lọli deba mhe ne ọ mema ya kie egbọli ọ tsua apfida oyọli ọọ deba mhe.*

²⁵ Irari khi ọgbọ ni ọ da dua ni lọli tsumhi ayemhe oyọli ne, agbọ onabi oyi Eshinęba o ya de ọli obọ-a, ama ọgbọ ni ọ da ri itobọ oyemhe rue ayemhe oyọli pfi-a ne, ọ ya tsumhi ọli.†

²⁶ Ighe eleli ni ọgbọ ọ ya me ini ọ le ugu agbọ ona nya, ni ayemhe oyọli o rọ de ọli obọ-a? Abi khi elọ ọgbọ ọ dobe rọ ya fali ota rọ to ayemhe oyọli.

²⁷ Irari khi Omi Ogbọ ọ ya bhale elemhi ufumhi oyi Eshinęba lọli ali igęni eyọli, ęghęghę aghọ ọ ya ri eleli na ọgbọgbọ abi ọ li gbe.‡

²⁸ Mhi gueye ę khi ęgbọ eghuo e la ana memena ni ęa ya ghu ne, ni e rọ ya me khi Omi Ogbọ ọọ bhale abi oghie.”

17

*Imamachi oyi iJesu
(iMak 9.2-13; iLuk 9.28-36)*

¹ Ogbęle-esesa o doşę se, iJesu ọ rue iPita ali iJemhisi ali iJoni ikhi inyoghuo iJemhisi, węwęghuo kpe e ya nga ukhomhi ute ni o yagha.

² Ọ la aghọ mu mela-a ukpęloe wę. Alo eyọli e ge abi ovo, itsua ni ọ sọ e ge abi ákpá.

³ O li deņę, ghe khe, e me khi iMosisi ali Elaja khi e nu iJesu ę ngme.

† 16:14 Li zę iMat 14.1-2; iMak 6.14-15; iLuk 9.7-8 ‡ 16:16 Li zę iJón 6.68-69 § 16:19 Li zę iMat 18.18; iJón 20.23 * 16:24 Li zę iMat 10.38; iLuk 14.27 † 16:25 Li zę iMat 10.39; iLuk 17.33; iJón 12.25 ‡ 16:27 Li zę iMat 25.31; iWolo 62.12; iRom 2.6

4 Igho iPita oọ iJesu, “Onomhue, o ma gue ti khi anye la ana! Ini o ghole e, mhi ya to okhologo ese, oghuo o o khi o ye, olese o o khi oyi iMosisi, onokpote o khi oyi Elaja.”

5 Abi o kie li ngme, igho otughunu ni o ge nyanyanya o bhale ya khukhu we-a. E suo khi uruli o rote oni otughunu lie, “Ominhe ni mhi nono ingme oyoli na, ni o ri egbe e mu mhe. A suo emini o gueye e.”*†

6 Abi eni eniye odukhokho e ro suo ona, e de yeshi ta alo rughu, ulishi oo mu we.

7 Igho iJesu o bhale ya ri oboto ti we, oọ we, “A vule, a khi ke ze ni ulishi o mu e.”

8 Abi e ke ro yase alo eke, ea ke me ogbokhoghuo agho se ni iJesu lolighuo kpe.

9 Abi e ro tiemhi oni ute le, iJesu o tse agua ye we, oọ. “A khi gueye ogbokhoghuo emini a me, ini aa li rote eghuli guise Omi Ogboto le.”

10 Eni eniye odukhokho eyoli e mhila li, ee, “Elo o ze khi esese Ishi eyi iMosisi e lie khi Elaja o mema kpe ya bhale?”‡

11 IJesu oọ we, “Elaja o mema kpe ya te ode bhale ya mu egbe emhikpa shi eke.

12 Ama mhi gue e ye e khi Elaja o she bhale ama egbo ea lama khi loli o khi, e li oli abi o ghole we. Igho e ya li na Omi Ogboto osoli.”§

13 Igho eniye odukhokho eyoli e tigbe lese khi ingme oyi iJoni Oni oọ batazi egbo oọ ngme.

Ijesu o ri omoto ze
(iMak 9.14-29; iLuk 9.37-43a)

14 Abi e ro nyene egbe bhale deba eni ebubu egbo, omose oghuo o bhale ya wugha odalo oyi iJesu.

15 Oo, “Onomhue, kpekepe le elemhi omi mhe ni o mhue ughuamhi ni o mu ogbo pfi gbe. O ma nase oli gba. Isheghuo o mu oli e pfilo erali, isheghuo o de pfilo oke.

16 Eri mhi rue oli ghi eniye odukhokho eye, ea dobe roli ze.”

17 IJesu oọ, “Ashi mhi beshi ri abo mu udu na e ya ramhi, ee egbo ni ea mhue irudunga ali iwali egbo, ee ingme mhi ke beshi ri abo mu udu na e ya ramhi? A rue oni omoto ghi mhe ana.”

18 Igho iJesu o mhese na oni ayemhe okphaghiye ogho, o te oli egbe fie ya lase, oni omoto o ze aghoagho.

19 Igho eniye odukhokho e bhale deba iJesu abi o ro kpe lolighuo le, e mhila li, ee oli. “Elo o fe ze khi anye ea dobe khu oni ayemhe okphaghiye ya lase?”

20 IJesu oọ we, “Itoboto khi irudunga oye e oo she lo. Mhi gueye e khi ini a mhue irudunga ni o she abi ukpamhi para imositadi, a ya dobe gueye ute ona, ee oli, ‘Vu ana lasele je ooboto.’ O ligho ne abi u ngme. Aa me emini o ya ze e ke li.”

21 [Ama ode ni a te dobe khu ayemhe obe onana fie lase khi, ode iromhi isoso ali azumhi ipfipfi.]*

Ijesu o gbo gue ingme eghuli oyoli le shi eke

(iMak 9.30-32; iLuk 9.43b-45)

22 Abi eniye odukhokho eyoli e ro bhale iGalili, iJesu oọ we, “Eghege o she ramhi ni a ro ya ri Omi Ogboto na egbo de.

23 E ya gbe oli-a, ama elenuzi-ese a ya guise oli le bhale agbo.” Oni ungemhi o ri egbe pfo we-a.

E mhila iJesu oga oyi Owa ugamhi

24 Abi iJesu ali eniye odukhokho eyoli e ro nyene egbe jele iKapanomu, emionoga na Owa oyi Eshinegba e bhale deba iPita, e mhila li, “Oseso oye e o li fe ze oga oyi Owa oyi Eshinegba?”†

25 IPita oọ we, “Ee.”

Abi iPita o ro lo elemhi owa le ya mhila iJesu, iJesu o kpe ngme. Oo, “ISamoto, eghuo u fe sa khi enighie ena

* 17:5 Li ze Igbae 22.2; iDeut 18.15; iwolo 2.7; Aza 42.1; iMat 3.17; 12.18; iMak 1.11; iLuk 3.22 † 17:5 Li ze iPit 1.17-18 ‡ 17:10 Li ze iMala 4.5 § 17:12 Li ze iMat 11.14 * 17:21 Li ze iMat 21.21; iMak 11.23; 1 iKori 13.2 † 17:24 Li ze Okiali 30.13; 38.26

agbọ ona e famhię mie oga? Emọ-ekẹ abi epfese?”

²⁶ IPita ọọ, “Epfese.”

Ijesu ọ li, “O ti shọ! Oghọ o rọkhasẹ khi ọmọ ekẹ ọa khi ọni ọọ zẹ oga.”

²⁷ “Ama ini awa khi lue na wẹ, je okẹ ya pfi ugba oyẹ pfilo. Afẹlẹ ni u todẹ ya mu, khueghie ọli unu-a, u ya mẹ ọli ukpaghọ unu rue. Rue ọli ni u rọli ya zẹ oni oga oyemhẹ ali oyẹ.”

18

Oghuo ọ funẹ shi Eghiele oyi Eshinegba

(iMak 9.33-37; iLuk 9.46-48)

¹ Eghẹghẹ aghọ, eni eniyẹ odukhokho e bhale deba ijesu, e mhila li, “Oghuo ọ fẹ funẹ shi Eghiele oyi Eshinegba?”*

² Ighọ ijesu ọ lu ukuku ọmọ bhale migha wẹ odalo.

³ Oọ wẹ, “Abi o li mhi li gue ọli ẹ yẹ ẹ, khi, ini aa li mu pfi ni a li abi ikuku eniyẹ, aa ya lo Eghiele oyi Eshinegba.†

⁴ Ogbọ ni ọ ga funẹ shi Eghiele oyi Eshinegba khi, ọni ọ ri egbọli tiemhile abi ukuku ọmọ ọnana.

⁵ “Onini ọ da ri irari eva oyemhẹ mie ọmọ ọnana ne, mhẹmhẹ ọ mie.

⁶ Ama ini ogbọkhoghuo ọ yẹsẹ enana ni e mie mhẹ suọ pfiđo, ini a bie mu iko zu ogbọ oghoghọ uruli tsua pfilo elemhi okẹ oniẹmhi, o ti nẹ.

⁷ “O maa khọlọ mu ẹgbọ ni e yẹsẹ ẹgbọ ọ lamhẹ. Ogbọ ọa dobẹ ya na pfue imufẹ oyi olamhẹ. Ama o ma khọlọ ẹgbọ ni e zẹ khi a mẹ eni imufẹ eghoghọ egbe.

⁸ Ini obọ oyẹ, okekhi owẹ oyẹ, o zẹ ni u lamhẹ, khi ọli pfi-a. Irari khi o ti nẹ ini ogbọ ọ khi ọkhomhi ya lo agbọ na agbọagbọ, ni abọ ali awẹ e gba pfo nali ya lo owa erẹ.‡

⁹ Ini o khia khi ẹloẹ oyẹ o zẹ ẹ lamhẹ, vuonyọ li pfi. O ti nẹ u ri ukpẹloẹ oghuo ya lo iloghie, ni alo e rọ gba nẹ, pfi ẹ ya lo ilimhi iriẹriẹ.§

Okhẹ irọkhokhọ oyi osumha ni ọ wa (iLuk 15.3-7)

¹⁰ “A khi zẹ ni a ri ẹloẹ gbe eni ẹa mu ẹloẹ enana, irari khi eri igeni eyẹwẹ na iloghie ẹ migha odalo oyi Itamhẹ ẹghẹghẹkpa.

¹¹ [Eri mhẹmhẹ Omi Ogbọ mhi bhale ya tsumhi eni e wa-a.]

¹² “Sẹ a sa shi ọ? Ini ogbọ ọ mhue isumha egbhueshe ni oghuo ọ, ọ rọ wa-a. Ọa khi eri ọ ya zẹ oghuo ọa la egbhueshe eghọ obọ, ọ ya nono oghuo ni ọ wa a eghọ?

¹³ Ini ọ mẹ ọli, mhi gue ẹ yẹ ẹ khi egbe e ya mu ọli shi oghuo oghọ doşẹ oghuo ọa la egbhueshe enekpọle ni ẹa waa.

¹⁴ Ighọ Ita ẹ na iloghie ọa li nono eni ẹa mu ẹloẹ enana ni e wa-a.

Inyoghuo ẹ ni ọ pfiđo nẹ

¹⁵ “Ini inyoghuo ẹ ọ lue nẹ, lẹ deba li ka gueyẹ ọli emini ọ li. Ama zẹ ni o khi yeyẹ ali lẹlighuo kpe. Ini ọ ri esọ shi ẹ ekẹ, u she gbo sheshe ọli shi ode.*

¹⁶ Ama ini ọa ri esọ shi ẹ ekẹ, lu ogbọ oghuo abi ava elese, ẹghẹghẹ aghọ ni e khi ọtsẹlẹ abi Ebe-no-pfuasẹ o ngme.†

¹⁷ Ini ọa ri esọ shi ẹ ọ, lẹ ya gue eni ingme nya yẹ ena igbaa oyi eni e mie ijesu iKirisiti suọ. Ini ọa gbo da ri esọ shi igbaa oyi eni e mie ijesu iKirisiti suọ ọ ne, a ti kia nali. A rue ọli shi ogbọ ni ọa miesuọ ali ọmionoga ogbọ ọkhọlọ.

¹⁸ “Abi o li mhi li gue ọli ẹ yẹ ẹ khi emiemini aa da lama shi oni agbọ ona ne, aa ya li lama shi ọ na ẹ obini iloghie. Ali khi emiemini a da lama shi agbọ ona ne, a ya lama shi ọ na ẹ obini iloghie.‡

¹⁹ “Mhi gbo gueyẹ ẹ khi ini ẹ ọtu-ava a da lama shi emhikhoghuo agbọ ona ni a rọ sọ iromhi shi ọ ne, Itamhẹ ni ọ la iloghie ọ ya riẹlẹ ọli na ẹ.

²⁰ Irari khi asha ni ẹgbọ ava o khi aasẹ e da lona kugbe irari eva oyemhẹ ne, mhi nu wẹ la aghọ.”

Okhẹ irọkhokhọ ọni ọaya gbe kua na ogbọ

* **18:1** Li zẹ iLuk 22.24 † **18:3** Li zẹ iMak 10.15; iLuk 18.17; 1 iPit 2.2 ‡ **18:8** Li zẹ iMat 5.30 § **18:9** Li zẹ iMat 5.29 * **18:15** Li zẹ iLuk 17.3 † **18:16** Li zẹ iDeut 19.15 ‡ **18:18** Li zẹ iMat 16.19; iJon 20.23

21 IPita ọ bhale deba iJesu, ọ mhila li, “Iti-ingme inyoghuo-mhe ọ fe ya lue na mhe ramhi ni mhi ro ya gbe kua nali? Iti ishilua?”

22 IJesu ọọ li, “Iiye, ọa khi iti ishilua tse, ama iti egbhuese ali igbe asha ishilua. §* ”

23 “Irari khi eri Eghiele oyi Eshinegba o li abi oghie oghuo ni ọọ eni ee ga eyoli e bhale ya rokhasẹ lue abi e li gbe akanya.

24 Abi ọ ro gho bino na we abi e li gbe na li, a rue omose oghuo ni ọ lo ọli eka idududu bhale.

25 Abi oni omose ọa ro dobe fali eni ikpagho, oni oghie ọọ e mu ọli ali ughue ọli ali imi ọli ya de ni ọ ro fali eni ota.

26 “Oni ọọ ga ogho ọ de ya wugha odalo oyi oni oghie, ọọ li, ‘Kpekpe, rabomudu na mhe, mhi ya fali e eni ikpagho nya.’

27 Igho oni oghie ọ ya mhue isomhelemhi na li, ọ gbe eni ota kua na li, ọ ze ọli vu.

28 “Ama abi oni ọọ ga ọ ro fie lase, ọ me oni ọọ ga nabi loli ni ọ lo ọli ikuku ikpagho. Igho, ọ khi awulu shi ọli uruli, ọọ li, ‘Fali mhe ota ni u lo mhe!’

29 “Onuzava oyoli ogho, ọ de ya wugha, ọọ lema li, ọọ li, ‘Kpekpe rabomudu na mhe, mhi ya fali e.’

30 “Ama ọa lama na li. Ọọ a mu ọli ya shi owa ighumha ya ramhi ni ọ ro ya fali eni ota.

31 Abi eni ee ga enekpole e ro me emini ọ li, elemhi ee bi we. E le ya gue eni ingme nya ye oni oghie ogho.

32 “Igho oni oghie ọ ghie ya lu oni ọọ ga ogho, ọọ li, ‘Ye ye oni ọọ ga ona okholo ona, mhemhe mhi gbe ikpokpomhi ikpagho ni u lo mhe kua ne irari khi u lema mhe,

33 waa khi oni ọ kha li mhue isomhelemhi na onuzi-ava oye abi mhi mhue isomhelemhi ne?’

34 Igho elemhi e bi oni oghie, ọ mu ọli ya shi owa ighumha ni a nali osue ya ramhi ni ọ ro ya fali eni ota ni o lo nya.

35 “Ina Itamhe na iloghie ọ li ya li e ini aa rote ekelemhi udu gbekua na inyoghuo e.”

19

Ipfa-ughue-a (iMak 10.1-12)

1 Abi iJesu ọ ro ngme se, ọ te eke iGalili vu je eke iJudia ukiekie oke iJodani,

2 Ebubu egbo e ve deba li. Ọ rewe la agho ze.

3 Egbo iFarisi eghuo e bhale ya mu ọli fe ni e ba me asha mu ingme ma li obo. E mhila li, “Ushi oyawa o fe lama shi ọ omose ọ ri itobo emhikhoghuo khu ughue ọli?”

4 IJesu ọ mhila we, “Aa ze abi Ebe-no-pfuase o ngme khi eri Eshinegba ni ọ ma egbo te igbaekele, ọ ma egbo omose ali okpotso?*

5 Eshinegba ọ gbolo e, ‘Itobo ona omose ọ ya ze itali ali inyoli obo, ọ to ma ughue-oli ọ, wewe ava e mele ogho oghuo-a.’

6 Eghenge agho ea ke khi ava ama oghuo. Itobo ona, emini Eshinegba ọ she to ma, ogho khi vase ọli-a.”†

7 Eni egbo iFarisi e mhila iJesu, “Elo o ze khi Ushi oyi iMosisi o lama ogho ọ nya ebe ipfa-ughue-a mholi ughue ọli obo, ọ khu ọli?”‡

8 IJesu ọọ we, “Itobo khi aa gbe udu o ze ni Ushi oyi iMosisi o ro lama li na e, ama ọa kpe te igbaekele ligho.

9 Mhi gueye e khi onini ọ khu ughue ọli ni ọa ro khi itobo okia, ni ọ ro ya rue okpotso olese ne, o she kia okia.”§

10 Eniye odukhokho eyi iJesu ee, ini o khia khi ina o bie khi iteva omose ali ughue ọli, o bie ti ne ogho khi rue okpotso shi.

11 IJesu ọọ we, “Ọa khi oghokpa oni osese ona o go lu, se ni eni Eshinegba ọ ri oni afu na e khi rue okpotso.

12 Irari khi emhi ebubu ee ze khi ebubu egbo ea ya rue okpotso, eghuo, itobo khi igho Eshinegba ọ ma we, eghuo, itobo khi egbo e re we khi igho,

§ 18:22 Li ze Igbae 4.24 * 18:22 Li ze iLuk 17.3-4 * 19:4 Li ze Igbae 1.27; 5.2 † 19:6 Li ze Igbae 2.24 ‡ 19:7 Li ze iDeut 24.1-4; iMat 5.31 § 19:9 Li ze iMat 5.32; 1 iKori 7.10,11

elese e ri egbewe mele owali-a ni e me asha ga Eshinegba egbegbo. Ogbō ni o dobe ya ri egbe mie oni osese, o ri egbe mie.”

*Ijesu o lema na eniye enikeke
(iMak 10.13-16; iLuk 18.15-17)*

¹³ Eghēghe agho, egbo eghuo e wolo eniye enikeke bhale ghi ijesu ini o ri obo nga we ukhomhi, ni o so iromhi na we. Ama eniye odukhokho eyoli ee khu we, e ti je ukhokho.

¹⁴ Ijesu oo we “A ze ni ikuku eniye e bhale deba mhe, a khi ke khu we irari khi wewe enana e mholi agbo oyi Eshinegba.”

¹⁵ O ri obo nga we ukhomhi se, o rote agho vu.

*Ozeo ni lolo pfue
(iMak 10.17-31; iLuk 18.18-30)*

¹⁶ Ozeo oghuo o bhale ya mhila ijesu, oo, “Osese onete, elo mhi fe ya li ni mhi ro ya mholi agbo onabi oyi Eshinegba?”

¹⁷ Ijesu oo li, “Elo o ze ni u ro o lu mhe onete? Eshinegba lueghuo kpe o lese ti. Ini u wa nono ni u mholi agbo onabi oyoli, ri ishi eyoli gbe akanya.”

¹⁸ O mhila ijesu, “Ishi eneghuo o?”*

Ijesu oo li, “Khi gbe ugbeli, khi kia okia, khi do ughiatō, khi pfi otsela egbhue mu ogho.”

¹⁹ Mu ekpe na ite ali inye, gbo ze ni, u nono ingme oyi onuzava oye abi u li nono egbe e.”†

²⁰ Oni ozeo oo ijesu, “Te eke vu mhi te ri eni u ga ngme ena nya a gbe akanya, onoghuo o ke kpo mhe le?”

²¹ Ijesu oo li, “Ini u wa nono ni u gba pfo, le ya ri itsua ni u mholi nya de u kemhi eni ikpagho na egbo ni ea mholi, ni u mholi epfue shi obini iloghie. U tigbe bhale ke ya deba mhe kia.”

²² Abi oni ozeo o ro suo ona, egbe e pfo li-a itobo khi oo pfue gba.

²³ Ijesu oo eniye odukhokho eyoli, “Mhi gue oli e ye e khi, o ma munu

ni egbo ni e pfue e ze ni Eshinegba o mhesa na we.

²⁴ Mhi gbo gueye e khi, ni ogho ni o pfue o ro lo eghiele oyi Eshinegba, o ya munu dose, ni ogho ke dua ni loli ri akphere rote ese asuge ya fie.”

²⁵ Abi eniye odukhokho eyi ijesu e ro suo ona, abo e sha we, e mhila li, “Oghuo o ke dobe ya lo Eghiele oyi Eshinegba sho?”

²⁶ Ijesu o bino we, oo, “Ini a ri oyi ogho ngme, ona o ya munu, ama obo oyi Eshinegba, emhikpa o ze oli e riela.”

²⁷ IPita o mhila ijesu, oo li, “Anye ni anye ze emhikpa obo bhale deba e ena, elo anye ya me o rue?”

²⁸ Ijesu oo we, “Abi o li mhi li gue oli e ye e khi ini Omi Ogho o da shito ukpekhomhi ufumhi oyoli eghēghe agbo Onogbo, ee ogbava ni a deba mhe a ya nu mhe shito ikpekhomhi igbeva, a mhesa e na edeli igbeva eyi iZireni.‡

²⁹ Ogbokpa ni o da ze owa oyoli obo, okekhi inyoghuo oli, ni o ze itali ali inyoli obo ali inyoghuo oli ali imioli ali epfue eyoli obo shi itobo oyemhe ne, o ya mhue epfue eghogho asha egbhueshe, o gbo mhue agbo onabi oyi Eshinegba.

³⁰ Ama egbo eghuo ni e ralo e ya kpukhokho eni e kpe ukhokho, e ya ralo.”§

20

Okhe irokhokho oyi egbikanya na elemhi ogba ipfonu

¹ “Eri Eghiele oyi Eshinegba o li abi omose oghuo ni o fie lase ya wolo egbo eluzogbe je ogba ipfonu oyoli ya gbe akanya.

² O lama khi loli ya fali oghogbo ingme ni a mie ogbele. O rewe je ogba era ipfonu oyoli ya gbe akanya.

³ “Elemhi agogo itili eluzogbe, o fie lasele, o me khi emose eghuo e migha elemhi oki ni ea mhue oni ee gbe.

* 19:18 Li ze Okiali 20.13-16; iDeut 5.17-20 † 19:19 Li ze Okiali 20.12; iDeut 5.16; iLev 19.18 ‡ 19:28 Li ze iMat 25.31; iLuk 22.30 § 19:30 Li ze iMat 20.16; iLuk 13.30

4 Oọ wẹ, ‘A je ogba ẹera ipfonu oyemhẹ ya gbe akanya khi mhi ya fali ẹ emini o ti.’

5 Igho e vu.

“Elemhi agogo igbeva ẹlẹ oḡuota ali agogo esẹ ẹlẹ ogbomhi, o gbo ligho ya wolọ emose elese.

6 Agogo ishe o she ramhi, o gbo bhale ya ẹ emose elese ni ẹa li gbe okhoghuo. O mhila wẹ, o wẹ, ‘Elo o ze ni a ro migha ana amo kpa pfuse ẹghẹghẹ-a, ni aa ro gbe okhoghuo?’

7 “E ọli, ‘Irari khi ogbokhoghuo o lu anye shi akanya lo.’

“Oọ wẹ, ‘A je ogba ipfonu oyemhẹ ya gbe akanya.’

8 “Ogbomhi o ke mu eke, oni o mhue ogba ogho, o lu oni o ri egbo ẹ gbe akanya na li, oọ, ‘Lu eni e gbe akanya ni u fali ogbogbo ota. O kpe rote egbo ni e kpe ukhokho bhale fali ota ya ramhi eni e kpe bhale.’* ”

9 “O fali egbo ni e te agogo ishe ẹlogbomhi gba akanya le ukpaghuo.

10 Abi eni e te odode gba akanya le e ro bhale ya mie ifata, e dabi khi ikpagho eyewe e ya bu dose eni e kpe ukhokho bhale oni akanya. Ama a ga fali wẹ abizize.

11 E mie ifata se, ee wolọ oni o mhue ishemhi.

12 E ọli, ‘Emose ena ni a kpukhokho mie, iwakati oghuo e lese gbe akanya, ama rote ẹlẹ uzogbe fiefie anye te ri ukhomhi shi ovo ya ramhi ogbomhi. Ama u ya fali anye abizize!’

13 “Omhuẹ-ishiemi o ro otuoghuo elemhi wẹ, ‘Omue, mhi aa liele. Oa khi ukpaghuo-ghuo a lama na mhe shi akanya gbele?’

14 A mo ikpagho eye ẹ ni a ke je apfe. Onoghuo o de ẹ shi o ini mhi fali omose ni mhi kpukhokho mie abi mhi fali ẹ.

15 Abi khi mhia dobe ya li ikpagho eyemhẹ abi o ghole mhe? Eri a ke kpe ofuma irari khi mhi da khi ogbo ni o somhopfa?’

16 “Ama egbo eghuo ni e ralo e ya kpukhokho eni e kpe ukhokho e ya ralo.”†

Ijesu o gbo gue ingme eghuli oyoli le shi eke

(iMak 10.32-34; iLuk 18.31-34)

17 Abi ijesu o ro o nga iJerusalemu, o lu eniye odukhokho eyoli je asheghuo ya gueye, oọ wẹ.

18 “IJerusalemu ni awa je ena, a ya la oobo ri Omi Ogbo na ighie eyi ekpodalo-ugamhi ali esese Ishi eyi iMosisi de, agho e la ya pfa ezọ igbe- a mu ọli.

19 E tigbe rue ọli na egbo iJeta, e roli li egia, e gbe ọli ite, e ta li ma apfida, ama ẹlenuzi-esẹ, a guise ọli le bhale agbo.”

Emini ughue iZebedi oọ ijesu o ri ele na lue

(iMak 10.35-45)

20 Igho ughue iZebedi o rue imi ọli ava bhale deba ijesu, o wugha li odalo, oọ li o kpekpe o somhi lue opfa.

21 Ijesu o mhila li, “Elo wa nono.”

Oọ li, “Lama na mhe khi imimhe aava ena, khi oghuo o kha shito ẹ obo ita, onokpole o shito ẹ ogobo eghiele oye.”

22 Ijesu oọ wẹ, “Aa lese emini a mhila. A ya dobe da uko osoli ni mhi ya da?”

E ọli, “Anye ya dobe.”

23 Ijesu oọ, “A rote uko ni mhi te da ya da, ama, oa khi mhemhe mhi ya ze oni o ya shito mhe obo ita ali ogobo. Eni ita o ri ele wẹ shi na e mholi wẹ.”

24 Abi eniye odukhokho ogbe enekpole e ro suo, e pfaa na ogbo ali inyoghuo egho.

25 Igho ijesu o lu wẹ tiggibili, oọ wẹ, “A lese khi ighie eyi egbo iJeta eri ẹ jili egbo eyewe. Eni e kpeda e ri omhesẹ ri itoto ẹ sha wẹ ma.

26 Ama, oa khi igho iteva oye ẹ. Oni o da nono ni lolu fu ne, o khi oni oọ ga enekpole.‡

* 20:8 Li ze iLev 19.13; iDeut 24.15 † 20:16 Li ze iMat 19.30; iMak 10.31; iLuk 13.30 ‡ 20:26 Li ze iLuk 22.25-26 § 20:27 Li ze iMat 23.11; iMak 9.35; iLuk 22.26

27 Ini ɔngɛɛ ɔɔ nono ni lɔli khi ɔnodode, ɔ mele ɔni ɔɔ ga ɔyi enekpɔle a. §

28 Ezeze abi Omi Ogbɔ, ɔa li bhale ni a ke ga li, ama ɔ bhale ni ɔ rɔ ga ɛgbɔ ali ni ɔ gbo ri agbɔ oyɔli mie ebubu pfuese.”

*Ijesu ɔ ri ezalo aava ze
(iMak 10.46-52; iLuk 18.35-43)*

29 Ijesu ali eniye odukhokho eyɔli e rɔte iJeriko vu, ebubu ɛgbɔ e we deba li.

30 Emose ezalo aava e shitɔ epfe-ode. Abi e suɔ khi ijesu ɔ rɔte agho dose. E tseɛ, e lie. “Onomhue, Omi iDefidi, le elemhi anye.”

31 Oni ebubu ɛgbɔ e dese we, e khukhu unu, ama e kiele tseɛ leghe, e lie, “Onomhue, Omi iDefidi kpekpe le elemhi anye.”

32 Igho ijesu ɔ migha, ɔ lu we, ɔɔ we, “Elo a nono ni mhi riɛle na e?”

33 Eɛ ɔli. “Onomhue, kpekpe anye e nono ni u khueghie anye alo-a.”

34 Ijesu ɔ mhue ilelemhi na we, ɔ ri obɔ ti we alo, eni alo e khueghie-a, e deba li.

21

Egbɔ e ri ufumhi na ijesu abi ɔ rɔ lo elemhi iJerusalemu

(iMak 11.1-11; iLuk 19.28-40; iJon 12.12-19)

1 Abi ijesu ali eniye odukhokho eyɔli e li ti i mama iJerusalemu, e bhale ikuku ɛoli na lui iBetifagi ni o la Ute ɛera Olivu. Ijesu ɔ la agho ghie eniye odukhokho eyɔli aava je ɛoli ni o la odalo.

2 Oɔ we, “A je ɛoli ni a fe odalo oyee ena, khi a ya me akphere ali omiɔli. A taghie we-a, a mu we ghi mhe ana.

3 Ini ɔgbɔkhoghuo ɔ mhila e emhikhoghuo, a gueye ɔli khi Onomhue ɔ ya rewe riɛle emhi, ɔ gbo ya nyene we bhale lena.”

4 Eri a me enana ni a rɔ bhale ya e khi ungmehi ni emekeguele e ngme, ni e bhale ya tse. Ni ɔɔ

5 “A gueye edeli iZayo,*

‘A bino khi oghie oyɛ e ɔɔ bhale deba e.

ɔ mhɔli ikuegbe-a, ɔ nga ozele akphere, ikhi Omi akphere.’ ”

6 Igho eniye odukhokho eyi ijesu e ye abi ɔ ghie we.

7 Igho e rue ɔni akphere ali omi ɔli bhale, e banɔ ide eyewe egbe nga li egbe, ijesu ɔ nga li shitɔ.

8 Ebubu ɛgbɔ e gueghie itsua eyewe naghie-a shi ode, eghuo e kholo eyamhi naghie-a shi ode.

9 Eni ɛgbɔ ni e ralo ali eni e kpe ukhokho e tseɛ, e kueghie ɔli, e lie, “Tsumhi anye, Tsumhi anye, Omi iDefidi!”

“Ikhivose khi ɔni ɔ ri eva oyi Onomhue bhale.”

Ikuɛghie khi oyi Eshinegba.

“Tsumhi anye.” †

10 Abi ijesu ɔ rɔ lo elemhi iJerusalemu, oni edeli nya o wushe-a, ɛgbɔ e mhila, e lie, “Oghuo ɔni omose onana ɔ fe khi?”

11 Eni ɛgbɔ ni e nu ɔli kia e gueye we, ee “Ona khi ijesu ɔni omekeguele ɔnge iNazareti na eke iGalili, ni a shobo na awa khi ɔɔ bhale, ikhi ɔni awa migha khe.” ‡

*Ijesu ɔ lo elemhi Owa Oyi Eshinegba
(iMak 11.15-19; iLuk 19.45-48; iJon 2.13-22)*

12 Ijesu ɔ lo elemhi Owa Oyi Eshinegba. ɔ khu ɛgbɔ ni e la elemhi ɔli e du oki kua. ɔ ghino we abɔ itebu ni e la ngmomhi ikpagho kua,

ali ibechi oyi eni e ri inekhukhu u e de.

13 Oɔ we “A she keke ɔli shi Ebe-no-pfuase, ‘Owa oyemhe, owa ni a la lema o khi,’ ama a she roli mele owa oyi ighiatɔ-a.” §

14 Ezalo ali eni e guoghɔ awe-a e bhale deba li obini Owa Oyi Eshinegba, ɔ rewe ze nya.

15 Abi ighie eyi ekpodalo-ugamhi ali esese Ishi eyi iMosisi e rɔ me khi

* 21:5 Li ze iZaka 9.9 † 21:9 Li ze Iwolo 118.25,26 ‡ 21:11 Li ze iJon 6.14; 7.40; Ika 3.22; iMak 6.15; iLuk 13.33 § 21:13 Li ze Aza 56.7; iJere 7.11

iJesu ọọ gbe ikanya ọnyaloa ọdọda, elemhi Owa oyi Ẹshinẹgba, ali khi eniye e la akaghọ tsesẹ leghe kuẹghie ọli, e lie, “Ikuẹghie o khi oyi Omi iDefidi,” elemhi e bi we.

¹⁶ Ighọ e mhila iJesu, ẹ ọli “Wa a suọ abi eniye ẹẹ ngme ẹ?”

Ijesu ọọ, “Mhi suọ.” O mhila we, “Aa kpẹ suọ abi Ebe-no-pfuase o ngme ni ọ.

“U she ri eniye ali emofẹ

kuẹghie ikuẹghie ni o gba pfo’ ”*

¹⁷ Ijesu ọ te aghọ vu je iBẹtani. O gbhẹ aghọ ni ogbe o gbe.

*Ijesu ọ ku itse na ọkhua-eni
(iMak 11.12-14,20-24)*

¹⁸ Ẹle uzogbe abi ọ ke rọ nyene egbe ukhokho je iJerusalemu, okiamhi o gbe ọli.

¹⁹ Ighọ ọ mẹ ọkhua-eni epfẹ ode, ọ le ya binọ ọli, ama ọa mẹ udumhi okhoghuo ukhomhi ọ, se ni ebebe. Ighọ ọọ oni ọara oghọ “Wa gbo ya mọ udumhi ghue!” Aghọaghọ oni ọara o ku ebe-a.

²⁰ Abi eni eniye odukhokho eyọli e rọ mẹ ọli, abọ e sha we. E mhila li, ẹẹ. “Sẹ o li kia khi oni ọkhua o rọ ghọ nyanya ku ebe-a?”

²¹ Ijesu ọọ we, “Mhi gueye ẹ khi, ini a mhue irudunga ni aa rọ mhue akhokhomhe, a ya dobe li emini mhi li oni ọkhua ona. Ọa khi onana tse, a ya lie oni ute ona, ‘Vu ya de pfilo oke oniemi,’ oni ute o suọ na ẹ.†

²² Irari khi ini a mhue irudunga, emiemi a sọ iromhi mhila a ya mhọli ọli.”

*A mhila iJesu obini ọ te mhọli afu
(iMak 11.27-33; iLuk 20.1-8)*

²³ Ijesu ọ lo elemhi apfẹ oyi Owa oyi Ẹshinẹgba le, ighie eyi ekpodalougamhi ali eni egbhali e mhila li, “Afu eyi ọghuo u rọ gbe ikanya enana? Ọghuo ọ ri afu ne?”

²⁴ Ijesu ọọ we, “Mhemhe mhi ya li mhila ẹ ogbọ oghuo, ini a da gbaghie ọlia ne, mhi ya gueye ẹ oni ọ ri afu ona na mhe.

²⁵ Mhie i, ibatazi ni iJoni ọọ batazi na egbọ, ọghuo ọ ri afu na li ọ ke batazi egbọ? Egbọ e ri ọli na li abi khi Ẹshinẹgba lo?”

E nu egbewe khako, e lie, “Ini awa ẹ khi ‘Obọ oyi Ẹshinẹgba o te bhale,’ ọ ya mhila awa, ‘Elo o ze ni aa rọ mie ọli suọ?’

²⁶ Ama ini awa ẹ khi, ‘Obọ oyi ọgbọ o te bhale,’ ulishi apfowa ọọ mu awa, irari khi ọgbokpa ọ lese khi ọmekẹguele iJoni ọ khi.”

²⁷ Itobọ ighọ e ke iJesu “Anye aa lese.” Ijesu ọọ we “Mhemhe mhi aa li ya gueye ẹ obini mhi te mẹ afu.”

Okhe irokhokho oyi eniye aava

²⁸ “Sẹ a mẹ ona shi? Omose oghuo ọ mhue eniye emose aava. O bhale deba oni ọgbhali, ọọ li, ‘Omọ ke le ogba ipfonu amo ni u ya gbe akanya.’

²⁹ “Oọ itali, ‘Mhi a ya ye.’ Ama o li denẹ, ọ mu udu pfi, ọọ le oni ogba ipfonu.

³⁰ “Oni itawe ọ gbo le deba onikeke, ọ gbo ngme ọli abi ọ kpẹ ngme oni ọgbhali. Oni ikeke oghọ ọ lama khi loyi ya ye, ama ọa tigbe ye.

³¹ “Onoghuo eniye aava ena ọ riele emini itawe ọ nono?”

Ẹẹ iJesu, “Oni ọgbhali.”

Ijesu ọọ we, “Abi o li mhi li gue ọli ẹ ye ẹ khi emionoga ali idegbe e she pfi ẹ shi ana kpẹ lo Eghiele oyi Ẹshinẹgba.

³² Irari khi abi iJoni Oni ọọ batazi egbọ ọ ọ bhale ya sese ẹ ode ni a ya rọte, ni aa lama mie ọli suọ. Ama emionoga ali idegbe e mie ọli suọ, e mu pfi. Abi a tseku ri eloe oye ẹ mẹ, aa kie mu udu pfi ni a miesuọ.‡

Okhe irokhokho oyi eni a mie shi ogba ipfonu

(iMak 12.1-12; iLuk 20.9-19)

³³ “A suọ okhe irokhokho olese. Omhue-apfẹ oghuo ọ ya laọ ni ọ gua ogba ipfonu shi ukhokho apfẹ oyọli. O khi ogba gasẹ ọli, ọ riele ashini a la nye onyọ shi ọ, O gbo to owa ni o yagha ni a la khe-ekhe shi ọ. O rọli

* 21:16 Li ze Iwolo 8.2 † 21:21 Li ze iMat 17.20; 1 iKori 13.2 ‡ 21:32 Li ze iLuk 3.12; 7.29-30 § 21:33 Li ze Aza 5.1-2

na ẹgbọ e ke ri ẹloe khu ọli, ọ vu ẹoli oboese. §

³⁴ Abi ẹghẹghẹ ikhiẹşẹ o rọ ramhi, ọ ghie eni ẹẹ ga eyọli ghi eni ẹgbọ, e ka mie wẹ eni e khi eyẹluẹ ghi luẹ.

³⁵ “Eni ẹgbọ ni ọ rọ shi oni ogba oghọ, e mu eni eni ẹẹ ga eyọli, e gbe ọghuo, e gbe ọghuo-a, e tonon ọnọkpọle eche.

³⁶ Ighọ oni ọmọşẹ ọ gbo ghie eni ẹẹ ga elese ghi wẹ ni e ke bu dọşẹ eni ọ kpẹ ghie. Ighọ eni e la oni ogba e li wẹ abi e kpẹ li eghọ.

³⁷ Ikpukhokho ọ, ọ ghie omi ọli ghi wẹ. Ọọ, ‘E ya mu ekpẹ na li.’

³⁸ “Ama abi eni e la oni ogba e rọ mẹ khi oni omi ọli ọọ bhale, e lu egbewẹ ochi, ẹẹ egbe, ‘Awa gbe oni omi ọli-a, ni awa le ugu oyọli.’

³⁹ Ighọ e mu ọli e rue ọli je olase oni ogba, e gbe ọli-a.

⁴⁰ “Irarighọ, ini oni ọ mhue oni ogba ipfonu oghọ ọ fẹ bhale, şẹ ẹẹ a sa khi ọ ya li eni ẹgbọ eghọ?”

⁴¹ Ẹẹ iJesu, “Eri ọ ya gbolo eni ẹgbọ ọkhọlọ eghọ-a, ọ ri oni ogba na ẹgbọ elese, eni e ya ke ri eni e khi eyọli ghi ọli.”

⁴² IJesu ọọ wẹ, “Ẹẹ a kpẹ zẹ ọli abi a li kẹkẹ ọli shi Ebe-no-pfuasẹ khi:

“ Ẹche ni itsọna e kie pfi,
lọli o ke ya mele egbegbi ẹche
ni o kẹ mu ẹloe nẹ nya-a.

Ọnọmhue ọ lighọ riẹlẹ ona,

óó ti anye ẹloe gba’ ”*

⁴³ “Irarighọ, ighọ a li ya mie e Eghiele oyi Ẹshinegba obọ, a rue ọli na ẹgbọ ni e riẹlẹ emini Ẹshinegba ọọ a ke riẹlẹ.

⁴⁴ Ọgbọ ni ọ da ya de nga oni ẹche ne, ọ ya guọghọ-a, ama ọgbọ ni oni ẹche o da de nga egbe ne ọ ya mhele-abi ifufu.”

⁴⁵ Abi ighie eyi ekpodalo-ugamhi ali ẹgbọ iFarisi e rọ suọ oni okhe irọkhọkhọ ona, e leşẹ khi wẹwẹ iJesu ọ nu ngme.

⁴⁶ E nono odẹ ni wẹwẹ e tẹ mu ọli ya khukhu, ama ulishi o mu wẹ irari khi ẹgbọ e leşẹ khi ọmekẹguele iJesu ọ khi.

22

Okhe irọkhọkhọ oyi ukue ni á lá rue ọmueshi
(iLuk 14.15-24)

¹ IJesu ọ gbo ri okhe irọkhọkhọ ona nu wẹ ngme, ọọ,

² Eri Eghiele oyi Ẹshinegba o li abi oghie ọghuo ni ọ gbhe ukue na omiọli ni ọọ rue ọmueshi.

³ Ọ ghie eni ẹẹ ga eyọli e ka gueye ẹgbọ ni ọ gbhe oni ukue na e bhale, ama ẹa lama ye.

⁴ “Ighọ ọ gbo ghie eni ẹẹ ga elese, ọọ wẹ, ‘A ka gueye eni a lu shi oni ukue khi mhi she nye ekhe shi eke. Mhi she gbolo ena-a, ena ni e mhue ila, shi elamhako eyemhe, a she mu egbe emhikpa shi eke. A bhale oni ukue ikhuşẹ ọmueshi.’

⁵ “Ama eni ẹgbọ ẹa pfi esọ shi, e vu asha. Ọghuo ọ vu ishemhi, ọleşẹ ọ vu oki.

⁶ Eghuo ọ ni a lu shi oni ukue e mu eni eni ẹẹ ga eghọ, e gbe wẹ, e gbolo wẹ-a.

⁷ Ighọ elemhi e bi oni oghie, ọ ghie ekhọli-okhuẹ eyọli, e ka gbolo eni ẹgbọ ni e gbolo eni ẹẹ ga eyọli-a, e toşẹ wẹ apfe-a.

⁸ “Ighọ oni oghie ọ luno eni eni ẹẹ ga eyọli, ọọ wẹ, ‘A she mu egbe ukue oyemhe shi eke se, ama ẹgbọ ni mhi lu shi ọ, ẹa khi eni a kha lu shi ọ.

⁹ Mena, a ke je ifu ẹoli ikpe ni ebubu ẹgbọ e legba, ọgbokpa ni a da mẹ ne, a lu ọli bhale oni ukue.’

¹⁰ Ighọ eni eni ẹẹ ga e lo ifu ẹoli e luno ẹgbọ ni e mẹ kpa tigbili, ghe ẹgbọ enete ali ikhiakhiamhi ẹgbọ. Oni ashini a gbhe oni ukue shi o vọ ẹgbọ.

¹¹ “Ama abi oni oghie ọ rọ bhale ya bino eni ẹgbọ, ọ mẹ khi ọmọşẹ ọghuo ọ la aghọ ni ọa sọ itsua ukue ni a rọ khuşẹ ọmueshi ye ughue.

¹² Oni oghie ọ mhila li, ‘Ọmue şẹ u li lo ana le ni u wa rọ sọ itsua oyi ukue ni a rọ khuşẹ ọmueshi,’ Oni ọmọşẹ ọa dọbẹ sọli ọ.

¹³ “Ighọ oni oghie ọ gueye eni eni ẹẹ ga eghọ, ‘A mu ọli ge abọ ali awẹ, a

* 21:42 Li zẹ Iwolo 118.22-23 * 22:13 Li zẹ iMat 8.12; 25.30; iLuk 13.28

tsua li pfi je olase alo ebili ni a la vie,
ni a la le akọ akọ.*

14 “Ogbokpa a lu ama ikuku wẹ ni e
mie oni ulumhi, a zẹ.”

*Amhila iJesu ini a ke zẹ oga na iSiza
(iMak 12.13-17; iLuk 20.20-26)*

15 Igho ẹgbọ iFarisi e fiẹ ya gba abi e
li ya ri omhila mẹ asha mu iJesu.

16 E ghie eniyẹ odukhokho eyewẹ
ali eniyẹ odukhokho eyi Erọdu deba
iJesu, ẹ ọli, “Osẹsẹ, anye lẹsẹ khi ọgbọ
igẹsikia u khi, u gbolo ẹ sẹsẹ igẹsikia
oyi ọghuẹmhe oyi Ẹshinẹgba. Wa a ya
na ulishi oyi ọgbokhọghuo, itobọ khi
ẹgbolie ọa la ọnini ọgbọ ọ khi.

17 Gueyẹ anye, sẹ o fẹ li udu oye?
Abi ushi oyawa o ngme, o fẹ ti ni awa
zẹ oga na oghie iSiza abi khi ọa ti?”

18 IJesu ọ lẹsẹ ugbamhi obe ni e gba,
ọọ wẹ, “Ẹẹ eri ugamhi ku alo, elọ o zẹ
ni a rọ nono ni a di mhe mu?”

19 A rue ukpaghuo ni a rọ zẹ oga
khasẹ mhe ghue!” Igho e rue uk-
paghuo bhale ghi ọli.

20 Ọ mhila wẹ “Alo eyi ọghuo na?
Eva oyi ọghuo na?”

21 Ẹ ọli “Eyi iSiza.”

Igho iJesu ọọ wẹ, “Irarigho, a ri
oni o khi oyi iSiza na iSiza a ri oyi
Ẹshinẹgba na Ẹshinẹgba.”

22 Abi e rọ suọ ona, abọ e sha wẹ, e
zẹ ọli obọ, e vu.

*Ingme ughuẹ iruerue ali irọte
eghuli guale*

(iMak 12.18-27; iLuk 20.27-40)

23 Oni ogbẹlẹ ẹlẹgho, ẹgbọ iSadusi ni
ẹ khi iteghuli guale ọa la ọ, e bhale
deba iJesu ya mhila li ogbọ.†

24 Ẹ ọli “Osẹsẹ, iMosisi ọ gueyẹ anye
khi, ini ọmọsẹ ọ ghu-a ni ọa rọ bia
eniyẹ, inyoghuo ọli ọ rue oni ọsamhi
olimhi ni ọ bia eniyẹ na li na inyoghuo
ọli ni ọ ghu-a ọgho.‡

25 Mena inyoghuo etuoshilua e ke
nu anye la ana. Oni ọgbhali ọ rue
ọkpotoso ọ ghua, abi ọa rọ bia eniyẹ, ọ
zẹ oni ọkpotoso obọ na inyoghuo.

26 Igho eghuli o li gbe inyoghuo ọli
onuzava ali onuzasẹ ya ramhi onuzi-
oshilua ẹa ga bia ọmọ ọkhoghuo na oni
ọkpotoso.

27 Ikpukhokho ọ oni ọkpotoso ọ ghu a.

28 Mena, ogbẹlẹ iteghuli guale,
ughuẹ ọghuo ọ fẹ ya khi elemhi ẹwe
nya, aborokhia khi wẹwẹ oshilua e ga
rue ọli shi?”

29 IJesu ọọ wẹ, “Eri a da ode! Itobọ
khi aa lẹsẹ ungmehi oyi Ẹshinẹgba
ali itoto eyọli lọ.

30 Irari khi ini ẹgbọ e rọte eghuli
guale, ẹa ke ya rue ikpotso, wẹ khi
ikpotso e ke ya ke ngeli na emose, eri
e ke ya li abi igeni na iloghie.

31 Ama oyi ingme ite-eghuli-guale
oyi ẹgbọ ni e ghu-a ne, eri aa suọ abi
Ẹshinẹgba ọ ngme ẹ.

32 Ọ khi, ‘Mhemhe mhi khi Ẹshinẹgba
oyi Aburaamu ali Ẹshinẹgba oyi Aziki,
ali Ẹshinẹgba oyi iGiekọpu.’ Ẹshinẹgba
oyi ẹgbọ ni e la agbọ ọ khi, ọa khi
Ẹshinẹgba oyi ẹgbọ ni e ghua.”§

33 Abi eni ebubu ẹgbọ e rọ suọ ona,
abọ e sha wẹ shi osẹsẹ ni ọ sẹsẹ.

Ushi ni o ga funẹ nya

(iMak 12.28-34; iLuk 10.25-28)

34 Abi ẹgbọ iFarisi e rọ suọ khi iJesu
ọ pfi ẹgbọ iSadusi okpe unu, e le gba.

35 Ọghuo ọ elemhi wẹ ni ọ khi osẹsẹ
ushi ọ rọshẹka ni lọli dobe ri ushi mu
iJesu. Ọ mhila li ogbọ.

36 Ọọ li, “Osẹsẹ, Ushi onoghuo o ga
funẹ nya elemhi Ishi eyi iMosisi?”

37 IJesu ọọ li, “ ‘Ri udu oye nya
ali ayemhe oye nya ali usamhi udu
oye nya nono ingme oyi Ọnọmhue
Ẹshinẹgba oye.’* ”

38 Onana o khi ushi onodode ali oni
o ga fu nẹ nya.

39 Eri onuzi-eva o gbo li abi lọli, ni
ọọ li, ‘Nono ingme oyi ọgbọ ọlese abi u
li nono ingme egbe ẹ.’†

40 Ishi eva ena elemhi Ishi eyi iMo-
sisi ali emekeguele nya, e te zẹ.”‡

Omi ọghuo Omiepfuese ọ khi

(iMak 12.35-37; iLuk 20.41-44)

† 22:23 Li zẹ iKa 23.8

‡ 22:24 Li zẹ iDeut 25.5

§ 22:32 Li zẹ Okiali 3.6

* 22:37 Li zẹ iDeut 6.5

† 22:39 Li zẹ iLev 19.18

‡ 22:40 Li zẹ iLuk 10.25-28

⁴¹ Abi ẹgbọ iFarisi e kie li la agho ẹgho, iJesu o mhila wẹ.

⁴² “Sẹ a khokho shi Omiepfuese o? Omi oghuo o fe khi?”

E ọli “Omi iDefidi.”

⁴³ IJesu o wẹ, “Elo o ke ze khi iDefidi o rote elemhi ayemhe lu ọli, ‘Onomhue?’ Irari khi iDefidi o lie,

⁴⁴ “Onomhue gueye Onomhue oyemhe.

Shito mhe ukiekie obita ramhi ni mhi ro ya ri ebe e

shi e ufu ekowe.’§

⁴⁵ “Ini iDefidi o lu ọli ‘Onomhue,’ see oni Omiepfuese o ke gbolo e khi omiomi iDefidi?”

⁴⁶ Ongewe o dobe gbaghie oni ogbo-a. Rote elegho vu ogbo okhoghuo o ke gbo gbudu mhila li ogbo okhoghuo.

23

A mhue egbe shi esese Ishi eyi iMosisi ali iFarisi egbe

(iMak 12.38-39; iLuk 11.43,46; 20.45-46)

¹ Igho iJesu o nu egbo ni e ri eso shi ọli eke ali eniye odukhokho eyoli i ngme.

² Oo wẹ, “Esese Ishi eyi iMosisi ali egbo iFarisi a ri afu na ni e ke guele abi Ushi oyi iMosisi o ngme.

³ Irarigho, a mema ya suo eso na wẹ, a li abi e gueye e a ke li, ama a khi khonya wẹ ngeli ingeli enabi eyewe. Irari khi wewe ẹa ri emini ẹẹ sese egbo gbe akanya.

⁴ Eri e ge itsua ni e kho na egbo tsua. Ama wewe oyewe ẹa lama ri umiesobo da wẹ o kpaghie wẹ tsua eni itsua.

⁵ “Emhikpa e ri abamemhe e riele. E ri ogbene ni a fia otsuotsuo shi mu alukpo ali abo. E pfi emini a rote ebe-no-pfuase keke emhi shi lo eni otsuotsuo. E gbo fia emhi na yayagha na dolodolo shi eso iwulu ni ẹẹ so.*

⁶ Ashini o mhue ekpe ukue ali ikpekhomhi ni e fune oo ghole wẹ ini e bhale owa ugamhi.

⁷ E ma nono ni a ke tse we otse ekpe atuoki, ali ni a gbo ke lu wẹ, ‘Osese.’

⁸ “Ama ee oye e a khi lama ni egbo e lu e ‘Osese,’ irari khi Oga oghuo o ga mholi e nya, a gbo khi inyoghuo.

⁹ A khi lu ogbokhoghuo agbo ona ‘Ita,’ irari khi Ita oghuo kpe a mhue, iloghie o la.

¹⁰ We khi a ze ni ogbo o lu e ‘Osese,’ irari khi Osese oghuo kpe a mhue ni o khi iKirisiti.

¹¹ Oni o ga fune elemhi e, o mema mele oni oo ga oye e a.†

¹² Onini o da ya ti egboli nga ne, a ya ti ọli tiemhile. Ama onini o da ti egboli tiemhile ne, a ya ti ọli nga.‡

¹³ “O ma kholo e egbe, ee esese Ishi eyi iMosisi ali egbo iFarisi erugamhi-ku-alo, ni e pfi okpe ode iloghie zuse egbo shi olase. Ee oye e na, aa lama lo elemhi o wekhi eri a ze ni eni e nono ni wewe e lo, ni e me asha le.

¹⁴ [O ma kholo e egbe, ee esese Ishi eyi iMosisi ali egbo iFarisi! Ee eri-ugamhi ku alo! Eri a li esamhi olimhi le, ni a ri abamemhe a so iromhi ni o nuata. Itobo igho a ya na e osoli egbegbo.]

¹⁵ “O ma kholo e egbe, ee esese Ishi eyi iMosisi ali egbo iFarisi erugamhi-ku-alo! A ga roshaka kia eke ali ukhomhi okpe ye obini odonue ya nono ogbo mu pfi lama shi osese oye e. O kha da tse na e se, osoli ni oni ogbo ogho o ke ya me ilimhi iriere, o ke fu dose oni ee a ya me agbhagbhamhi eva.

¹⁶ “O ma kholo e egbe irari khi ezalo a khi ni a sese egbo. Ee ni a sese khi, ‘Ini ogbo o romhi Owa Oyi Eshinegba o mhue abi o ngme, ama ini o romhi igolu ni o la ukhomhi oni Owa Oyi Eshinegba, oni ishe o ya mu ọli.’

¹⁷ Ee eyeghe, ezalo, onoghuo o fe fune? Igolu abi Owa oyi Eshinegba ni o ri oni igolu ro khi oni o pfuase?

¹⁸ A gbolo e sese egbo khi ini ogbo o romhi atete khi o mhue abi o ngme,

§ 22:44 Li ze iwolo 110.1; Ika 2.34-35; Iburu 1.13; 10.13 * 23:5 Li ze iMat 6.1; iNoba 15.38; iDeut 6.8

† 23:11 Li ze iMat 20.26-27; iMak 9.35; 10.43-44; iLuk 22.26 ‡ 23:12 Li ze iLuk 14.11; 18.14

ama ọ khada romhi emini a rọ luase oni atẹte, oni ishe o ya mu ọli.

19 Eẹ ezalo, onoghuo o fe fune? Em-
ini a rọ luase obo ni o la ukhomhi oni
atete abi oni atete ni o ri oni iluasobo
khi oni o pfuase?

20 Itobo igho, ini ogho o da romhi
atete ne, oni atete ali emini o la
ukhomhi ọli nya o romhi egho.

21 Ini ogho o romhi Owa Oyi
Eshinẹgba, oni Owa Oyi Eshinẹgba ali
Eshinẹgba ni o la o o romhi egho.

22 Ini ogho o romhi iloghie,
ukpekhomhi oyi Eshinẹgba ali oni o
shito o o romhi egho. §

23 “O ma a kholo e egbe, ee esese
Ishi eyi iMosisi ali egho iFarisi. Ee
erugamhi-ku-alo. Aa ze aze-oghuo-
igbe oyi ebe akhokho ali okphasa, ama
a ri eloe e gbe emini e mu eloe shi
elemhi ishi, nabi, umha gbe azeba ali
isomhelemhi ali igbe akanya te ode
igesikia. Enana khi egbegbi emini a
kha riefe, aa kha pfi enana shi eke ni
aa riefe we.*

24 Eẹ ezalo ni a ri egho o kia, a pfiolo
akia onyo-a, ama a to akphere luẹ.

25 “O ma a kholo e egbe, ee esese
Ishi eyi iMosisi ali egho iFarisi, erugamhi-
ku-alo. A kpe ukhokho iko ali itasa-
a, ama emini a ri emhi itoegbe ali ufa
mie e vo elemhi we.

26 Egho iFarisi ezalo! A kpe ke kpe
elemhi uko ali utasa-a ne, eghẹghẹ
aghọ ikhokho we e li pfuase.

27 “O ma a kholo e egbe, esese
Ishi eyi iMosisi ali egho iFarisi, erugamhi-
ku-alo. Eri a li abi uji ni a ri etseli
opfopfo gbolo-a, ni o te odato ọli ti
eloe, ama elemhi we, e vo igua egho ni
e ghu-a ni e ke-a. †

28 Igho a lili e li, eri a rote odato
idiegbe ga li abi egbegbi egho, ama
okholo ali irugamhi ku alo, o vo e
elemhi.

*Ijesu o gue anasemhe oyewe le shi
eke*
(iLuk 11.47-51)

29 “O ma a kholo e egbe ee esese
Ishi eyi iMosisi ali egho iFarisi, erugamhi-
ku-alo! A ga to iji na emekeguele a
riefe iji eyi eni e gue ngeli somhotse.

30 A gbolo o lie, ‘Ini anye la agbo
egheghe oyi itita anye lo, anye a
kha nu we mholi obo shi emekeguele
igbolo-a.’

31 Eri a ri ona pfi otsele mu egbe e
khi a lama shi o khi imimi eni e gbolo
emekeguele-a, a khi.

32 A ke je odalo, ni a pfuse gbe
ikanya ni ititae e gbaekele gbe.

33 “Ee enye ali imi enye, se a dabi
khi a li ya na pfue ilimhi iriere ni o o
bhale? ‡

34 Itobo igho mhi ya gueye e khi
mhi ya ghie emekeguele ghi e ali egho
ni e fialo-a ali esese ni e bu, a ya gbolo
eghuo o-a, a tanọ we ma apfida, else
a gbe we ite elemhi owa ugamhi eye
e, a khu we te eoli oghuo ya je olese.

35 Itobo igho a ya ri oia eyi egho
eni e pfuase nya ni a gbolo-a shi eke
agbo ona mu ota so e, rote idiegbe oyi
Ebẹli ni o mhue abi o li vu, ya ramhi
idiegbe oyi iZakaraya omi iBerẹkaya
ni a gbe-a shi agadamhi eva atete ali
Owa Oyi Eshinẹgba. §

36 Abi o li mhi li gue ọli e ye e khi,
osoli ni a ya me shi ugbeli ni a gbe
idiegbe oyi egho egho, egho na agb-
hotu ona oni osoli o ya de rughu.”

*Inono ni ijesu o mhue na
iJerusalemu*
(iLuk 13.34-35)

37 Ijesu o ro lie, “Eekhue-oo!
iJerusalemu, iJerusalemu! A gbolo
emekeguele-a, a tono eni Eshinẹgba o
ghie ghi e eche gbolo-a. Iti-ingmi-
ingme mhi she roshẹka ni mhi kolo
egbo eye e kugbe, abi okhokho o lie
kolo imioli shi ifui ipfua, ama aa lama
na mhe.

38 Ghe i! Eshinẹgba o ya te Owa oyi
Eshinẹgba oye e vu, o mele afue a.*

39 Mhi gueye e khi rote memena vu,
khi aa ke gbolo ya me mhe ya ramhi

§ 23:22 Li ze Aza 66.1; iMat 5.34 * 23:23 Li ze iLev 27.30 † 23:27 Li ze Ika 23.3 ‡ 23:33 Li ze
iMat 3.7; 12.34; iLuk 3.7 § 23:35 Li ze Igbae 4.8; Iburu 11.4; iZaka 1.1; 2 Okhe 24.21 * 23:38 Li ze
ijere 22.5

ni eghẹghẹ ni a rọ ya ke liẹ, 'Oghẹlẹ o khi ni ọni ọ ri eva oyi Ọnọmhuẹ bhale.'
”†

24

Olẹlẹ oyi ikpukhokho agbọ
(iMak 13.1-2; iLuk 21.5-6)

¹ Abi iJesu ọ rọte oni Owa oyi Eshinẹgba fiẹ lasele, eniyẹ odukhokho eyọli e rọli khasẹ ugbe oyi oni owa.

² IJesu ọ rọ wẹ, “A ga mẹ emhi enana nya, ama mhi gue a yẹ ẹ khi aa mẹ echedi ni a rọ nga egbe egbe rọ to oni owa ona ni aa ya che kua.”

Ozughu ali imu-okholi vule
(iMak 13.3-13; iLuk 21.7-19)

³ Abi iJesu ọ li shitọ ukhomhi Ute ẹera Olivu, eniyẹ odukhokho eyọli e bhale ya ye ọli ochi, ẹẹ ọli. “Gueyẹ anye eghẹghẹ ni eni ingme enana e rọ bhale ya tse, ali emini a ya ke mẹ ni anye rọ ya lẹsẹ khi a she ramhi ukpẹsẹ agbọ.”

⁴ IJesu ọ sọ wẹ ọ, ọọ. “A ke tọkpẹ eke ini ọgbọkhoghuo ọ khi di ẹ.

⁵ Irari khi ebubu ẹgbọ e ya ri eva oyemhẹ bhale, ẹẹ liẹ 'Mhemhẹ mhi khi ọni iKirisiti,' ẹẹ di ebubu ẹgbọ.

⁶ A ya suọ eko okholi ali okeke okholi. Ama a khi zẹ ni ulishi o mu ẹ. A mema ya mẹ emhi eghoghọ, ama ukpẹsẹ agbọ ọa kie ramhi ne.

⁷ Ushishi e ya mu okholi vule shi ushishi ọ, ẹgbọ e mu egbe iku iku nu egbe ẹ khọli. Ukpokpomhi okiamhi o ya ke pfi, eke e ya ke dekulue asha khi asha.

⁸ Eri enana nya e ya li abi khi oku o lẹsẹ to ọkpotoso ni ọ ya bia.

⁹ “Eghẹghẹ aghọ a ya mu ẹ na wẹ ni e nase ẹ, a gbolo ẹ-a. Egbọ na agbọ nya e ya ke biselemhi ẹ, itobọ khi a khi ẹgbọ eyemhẹ.*

¹⁰ Eghẹghẹ aghọ ebubu ẹgbọ e ya de irudunga lasele, e ri egbe ẹ de, ẹẹ biselemhi egbe.

¹¹ Eghẹghẹ aghọ ebubu emekeguele eyi ẹgbhọli e ya lasele, ẹẹ di ebubu ẹgbọ.

¹² Irari khi ọkhọlọ o ya gba eke dọsẹ, imhuẹ-inono na egbe ọa ke lolo ẹ la ọ.

¹³ Ama ọgbọ ni ọ da migha irudunga oyọli gbagbagba ramhi ukpẹsẹ, ọ ya khi ọni a mie pfuese.†

¹⁴ A ya she ri oni usomhi onete oyi oni Eghiele oyi Eshinẹgba onana, tse abọ gasẹ agbọ kpa, ni o khi ọtsẹlẹ na ishishi nya, eghẹghẹ aghọ ukpẹsẹ agbọ o tigbe ramhi.

Ighuighue

(iMak 13.14-23; iLuk 21.20-24)

¹⁵ “ ‘Irarighọ, a kha da mẹ emhi obe ni o vesẹ ẹgbọ ọ kua khi ighuighue ni ọọ vesẹ ẹgbọ kua, ni oo pfi ebemulishi, khi o da ya migha ashini o pfuse ne,’ ẹzẹzẹ abi ọmekẹguele iDanie ọ gue ọli le ne, ọni ọọ zẹ ebe ọ lẹsẹ emini ọ zẹ.‡

¹⁶ Eghẹghẹ aghọ, ẹgbọ ni e la eke iJudia e na ya nga ukhomhi ite.

¹⁷ Ọgbọ ni ọ la ukhomhi owa ọ khi tiemhile ya rue emhikhoghuo elemhi owa.

¹⁸ Ọgbọ ni ọ la ishemhi ọ khi jele apfe ya rue awulu oyọli apfe.§

¹⁹ O ma khọlọ ikpotso ni ẹ mẹ egbe ali eni e ri emofẹ shi egbe.

²⁰ A lema Eshinẹgba ọ khi zẹ ni ẹlẹ unamhi oyẹẹ o khi eghẹghẹ orue wẹkhi ogbele iyemhẹa.

²¹ Irari khi osoli oniemi o ya lasele ọ. Osoli ni ọgbọ aa kpẹ mẹ ghue rọte igbaekele agbọ ya ramhi ogbe ni amo, wẹkhi eri a ke gbolo ya mẹ oghoghọ ghue.*

²² Ini aa rọte eni ogbele eni a ngme ena khi-a, ọgbọkhoghuo ọa ya pfue ọ. Ama itobọ oyi ẹgbọ ni Eshinẹgba ọ zẹ, ọ ya khi eni ogbele-a.

²³ Eghẹghẹ aghọ, ini ọgbọkhoghuo ọọ u, ‘Bino, ghe ọni iKirisiti!’ Okekha khi eri ọ li, ‘Ghe ọli oobọ khe,’ khi mie ọli suọ.

²⁴ Irari khi iromhi emiepfuese ali emekeguele eyi ẹgbhọli e ya lasele, ẹẹ ri ọlẹlẹ oniemi ẹ khasẹ, ali ẹẹ gbe ikanya ọnyaloa rọ ke di egbegbi eni Eshinẹgba ọ zẹ, ini o ya zẹ li lọ.

† 23:39 Li zẹ Iwolo 118.26 * 24:9 Li zẹ iMat 10.22 † 24:13 Li zẹ iMat 10.22 ‡ 24:15 Li zẹ iDan 9.27; 11.31; 12.11 § 24:18 Li zẹ iLuk 17.31 * 24:21 Li zẹ iDan 12.1; Iro 7.14

25 A ghe i, eri mhi gue onana ye ẹ shi eke neni oni ẹghẹghẹ o ya ramhi.

26 “Igho, ini ogbokhoghuo o gueye ẹ, ‘Ghe ọli oobọ, obini odagbe ifufu,’ a khi je oobọ. Okekha khi eri ọo, ‘Ghe ọli ana, elemhi owa aza,’ a khi mie ọli suo.

27 Irari khi eri inyenegbe bhale oyi Omi Ogbọ o ya li abi akphala o lie nyamhise alo nyaa, o rote udi ukhuli ge ya je udi ukhuli, rote obini ovọ o te ẹ ngale ya je obini o te ẹ lo eko.†

28 Itobọ khi ashini elamhako o ke-a shi agho ighuli ẹẹ legba.‡

*Inyenegbe bhale oyi Omi Ogbọ
(iMak 13.24-27; iLuk 21.25-28)*

29 “Eghẹghẹ osoli ogho o kha da lese dosẹ tee,

“ ‘Ovọ o ya bishi alo-a,
uki ọa ke ge

ikpetata e deno ukhuli kule,

ekpabọ ena ukhuli ẹẹ nighise.’§

30 “Eghẹghẹ agho, ọlele irokhasẹ oyi Omi Ogbọ o ya lasela shi ukhomhi idane. Egbọ ni e la agbọ ona nya, e ya ke vie oya abi Omi Ogbọ o li rote irarogbe ẹ tiemhile elemhi ekpabọ ali ukpokpomhi ufumhi.*

31 Eghẹghẹ agho akala onofunẹ o ya de. Omi Ogbọ o ghie igeni eyọli je iguabọ enenene na eke agbọ nya, e ka ti egbọ eyọli ni o zẹ gbili.†

*Owena ni a te ọọra okhua-eni wena
(iMak 13.28-31; iLuk 21.29-33)*

32 “A zẹ ni ọara okhua o sese ẹ ingme. Ini iguabọ eyọli e da tsotsoghọ ne, ni o rọ ta ebe, a lese khi okasẹ o she ramhi.

33 Igho ini a da me emini mhi gue ẹ ye ena ne, a lese khi oni eghẹghẹ o she ti ramhi ana.

34 Abi o li mhi li gue ẹ ye ẹ khi agbhotu ona ọa ya dosẹ ne, ni emhi ena nya e rọ bhale ya tse.

35 Eke ali ukhuli e ya dosẹ, ama ingmemhi eyemhe, ẹa ya de kua.

† 24:27 Li zẹ iLuk 17.23-24 ‡ 24:28 Li zẹ iLuk 17.37

2.10-11,31; 3.15; iZef 1.15; Aza 13.10; 34.4; Iro 6.12-13

† 24:31 Li zẹ 1 iKori 15.52; 1 iTesa 4.16; Aza 27.13; iZaka 9.14 ‡ 24:37 Li zẹ Igbae 6.5-8

Ogbọ ọa lese oni ogbele wekhi oni eghẹghẹ

(iMak 13.32-37; iLuk 17.26-30,34-36)

36 “Ogbokhoghuo ọa lese oni ogbele wekhi oni eghẹghẹ. Egbegbi igeni na iloghie ẹa lese wekhi Omi Ogbọ o lese, se ni Ita lolighuo tse.

37 Abi o ke li eghẹghẹ oyi iNoa, igho ibhale oyi Omi Ogbọ o ya li.‡

38 Neni a me ogbele oyi ochikpho oniemi, eri egbọ e le, e da, eghuo e wolọ ikpotso, a ri ikpotso ye ughue, ya ramhi ogbele ni iNoa o rọ mu oko-oke oniemi nga,

39 Ama ẹa kie lese emini a ya me ramhi ni ochikpho o rọ bhale ya tsua we kua nya. Igho ibhale oyi Omi Ogbọ o ya li.§

40 Emose aava e ya la ishemhi ke gbe akanya, a rue oghuo vu, a zẹ oni o kpole obọ.

41 Ikpotso aava e ya la iko ke mhele emhi, a rue oghuo vu, a zẹ oni o kpole obọ.

42 “A ri ukpeloe shi eke irari khi aa lese ele ni Onomhue oye ẹ o ya bhale.

43 A lese khi ini omhue-apfe o lese eghẹghẹ ni ighiatọ e rọ ya do ọli lo, eri o ya shitọ ni ogbe o gbe-a. Ọa ya zẹ ni ighiatọ e gbe ọli ode-a lo owa le.

44 Itobọ igho, a mema ya mu egbe shi eke, irari khi eghẹghẹ ni aa sa shi, Omi Ogbọ o rọ ya bhale.

*Oni o gue ẹẹ ga ali oni ọa gue ẹẹ ga
(iLuk 12.41-48)*

45 “Oghuo o fe khi oni ọo ga ni ri egbe ẹ nga ni o lese ingme. Ni ọga oyọli o zẹ kpeda na eni ẹẹ ga eyọli, o ri eloe khu omhọapfe oyọli, ni o ke ri emhi na we le shi eghẹghẹ?

46 Oghẹle o khi na oni ọo ga ogho ini ọga oyọli o jele ya ẹ khi ọo riẹle emini o mhesẹ na li.

47 Abi o li mhi li gue ẹ ye ẹ khi ọga oyọli o ya ri emini o mholi nya nga li obọ.

§ 24:29 Li zẹ Iro 8.12; Aza 13.10; Ezik 32.7; iJofe

* 24:30 Li zẹ iDan 7.13; iZaka 12.10-14; Iro 1.7

§ 24:39 Li zẹ

⁴⁸ Ama ini ọ khi ọni ọọ ga ni ọa ya suọ esọ lọ, eri ọ ya ke gueye egbọli, 'Ọga ọyemhẹ ọ ya la oobọ tẹse.'

⁴⁹ Ọọ gbe eni ẹẹ ga ni e kpọle, ọ le, ọ deba edonyọ a da onyọ kia kia.

⁵⁰ Ọga ọyi ọni ọọ ga ọghọ ọ ya jele apfe ogbele ali egheghe ni ọni ọọ ga ọghọ ọa sa shi.

⁵¹ Ọni ọga ọyọli ọghọ ọ ya nase ọli agboagbo, ọ roli je asha ni a ri erugamhi-ku-alo shi. Aghọ ọ la ke vie ọ le akọ akọ.*

25

Okhe irọkhọkhọ imueshi ogbe ni ẹa me ọmose ghue

¹ "Egheghe ni a ngme ena, eri Eghiele oyi Eshinegba o ya li abi imueshi etuogbe ni ẹa me ọmose ghue, ni e ya rue ikpa eyewe, ni e vu ya a lu ọmose ọni ọọ rue ọmueshi ọnọgbọ ode.*

² Imueshi oshe elemhi we e khi eyegehe, oshe eni e kpọle e khi elesingme.

³ Eyegehe ni e la ọ, e wolo ikpa eyewe ama ẹa sato tsua oili olese shi emhi.

⁴ Elesingme ni e la ọ, e wolo ikpa, gbo die oili olese shi emhi.

⁵ Abi ọni ọmose ni ọọ rue ọmueshi eghọ ọa rọ kele ẹ bhale, eni imueshi nya e ri ukhomhi bo, olese o dowe rue.

⁶ "Abi itsotsogbie rọ mu eke, uruli o de leghe, ọọ, 'A ghe khe! Ọni ọọ rue ọmueshi ọ she ẹ bhale o! A vule ni a ya lu ọli ode!'

⁷ "Ighọ eni imueshi e ti vule, e ti ikpa eyewe ngale.

⁸ Ama ikpa eyi eyegehe ni e la ọ, e ẹa ke dobe lala. E le deba eni e khi elesingme, ẹẹ we, 'A kpekpẹ a te oili oyeẹ die na anye irari khi ikpa eyanye e she ẹ pfua.'

⁹ "Ighọ imueshi elesingme eghọ, ẹẹ we, 'Iye e! Ọni anye mhue ena ọa ya lo anye ni o gbolo lo ẹ ọ. A le deba eni e ri oili ẹ de ya de.'

¹⁰ "Ighọ eni imueshi eyegehe oshe eghọ, e le deba eni e rọ de ya a de.

Abi e rọ vu ya de ọni oili, ọni ọọ rue ọmueshi ọ lole. Eni imueshi oshe ni e mu egbe oili olese eghọ e deba li lo elemhi owa ukue. A khukhu ode.

¹¹ "O ke li denẹ, enekpọle e bhale, ẹ ya kpheli ode, e lie, 'Ọga! Ọga! Khueghie ode-a na anye.'

¹² "Ama ọni ọọ rue ọmueshi ọghọ, ọọ we, 'Abi o li mhi li gue ẹ ye ẹ, mhi aa lese ẹ.'†

¹³ "Irarighọ, a ri ẹloe shi eke, itobo khi aa lese ọni ogbele we khi ọni egheghe.

Okhe irọkhọkhọ oyi eni ẹẹ ga etuase (iLuk 19.11-27)

¹⁴ "Egheghe aghọ, eri Eghiele oyi Eshinegba o ya li abi ọmose ọghuo ni ọọ vu asha, ni ọ lu eni ẹẹ ga eyọli, ọ ri epfue eyọli nga we obo.

¹⁵ Ọ kemhi ikpaghọ na ọgbogbo abi e li mhue afu ramhi. Ọ ri ikpeshe na ọghuo, ọ ri ikpeva na ọlese. Ọ ri ukpaghuo na ọnọkpọle. Ọ vu ẹli.

¹⁶ Ọni ọga ọ lese vu se, ọni ọ mie ikpeshe eghọ, ọ nyanya ya ri ikpeshe eyọli du oki, ọ me eleli ikpeshe elese nga ọ.

¹⁷ Ighọ ọni ọ mhue ikpeva eghọ, ọ li ri eyọli du oki, ọ li me eleli ikpeva elese nga ọ.

¹⁸ Ama ọni a ri ukpaghuo na eghọ, ọ vu ya to ọni ukpaghọ eke so.

¹⁹ "O tẹse, ọni ọga ọyewe ọ jele. Ọ lu we ọgbogbo ọ bhale ya guele abi ọ li gbe.

²⁰ Ọni ọọ ga ni ọ mhue ikpeshe eghọ, ọ bhale deba ọga ọyọli, ọọ, 'Ọga, ikpeshe u rọ na mhe, ama mhi she roli du oki, mhi me ikpeshe eleli.'

²¹ "Ọni Ọga ọyọli ọọ li, 'Mu akanya, ye ye ọni ọọ ga ọnete ni ọ mhue igesikia! U she ri igesikia khasẹ shi ukuku emini mhi rọ ngeẹ obo, mhi ya ri emini e bu ngeẹ obo. Bhale ni awa ga la oghẹle!'

²² "Ighọ ọni a ri ikpeva na eghọ, ọọ li, 'Ọga, ikpeva u rọ na mhe, mhi she me eleli ikpeva.'

* **24:51** Li ze iLuk 12.39-46; 1 iTesa 5.2; Iro 3.3; 16.15; 2 iPit 3.10 * **25:1** Li ze iLuk 12.35 † **25:12** Li ze iLuk 13.25

23 “Oni oga oyoli o o li, ‘Mu akanya, yeye oni o o ga onete ni o mhue igesikia! U she ri igesikia khashe shi ukuku emini mhi ro nge obo. Mhi ya ri emini e bu nge obo. Bhale ni awa ga la oghela!’

24 “Igho oni o mie ukpaghwo egho o bhale, o o li, ‘Oga, mhi lese khi uwali ogho u khi; khi ashini u waa gua shi wa je ya khiese, ali khi ashini u waa ri ukpamhi ko, u je ya tima.

25 Itobo igho eri ulishi oye oo mu mhe, loli o ze ni mhi ro ya to ikpago eye eke so. Ghe ikpago eye emhikhoghwo ea li we.’

26 “Oni oga oyoli, o soli o, o o li, ‘Yeye ogho okhoro owaza ona. U lese khi eri mhia khiese emini mhi aa roko, mhi gbo rote asha ni mhi aa pfi ukpamhi shi e khiese.

27 Abi o ro khi igho, wa a ke ri ikpago eyemhe shi ilu ikpago, mhi kha jele, mhi kha bhale ya e khi e gbe nga o.

28 “‘A mie oli oni ukpago, a ri oli na oni o mhue ikpeshe.

29 Irari khi ogho ni o mhue, a ya ro ma o na li, o mhue gbeku o, ama oni o mhue kpa, ukuku o ni o kpe mhue a ya mie oli lue.‡

30 Ama oni ukhiakhiamhi oni o o ga onana, a mu oli pfi lase ya pfia alo ebili, agho o la ke vie o o le ako ako. §

Igwezo ni o kpukhokho

31 “Ini Omi Ogho o bhale abi Oghie Onomhue, ni igeni eyoli nya e ro nu oli bhe, o ya shito eghiele oyoli.*

32 Egho ni e la agbo nya a ya tigbili odalo oyoli. Eghoghe agho o khi we-a asha eva, abi orisumha-kia o lie vase isumha ali elamhi-a.

33 O ya wolo egho ni e pfuase je ukiokie obita. Enekpole e la obogobo.

34 “Igho oni oghie o ya gueye egho ni e la li obo obita, o o we, ‘A bhale ni a ke li agbo elemhi iloghie ni Itamhe o riela na e rote eghoghe ni agbo o te gba eke le. Ee ni Eshinimba o khi vose na.

35 Irari khi abi okiamhi o ro gbe mhe, a ri emhi na mhe le, okiam o gbe mhe, a die am e na mhe da. Abi mhi ro khi ofese, a mie mhe shi owa oye.

36 Abi mhi ro la irumheba a ri itsua na mhe so. Mhi ghua, a ri eloe khu mhe. Mhi la owa ighumha, a bhale ya bino mhe.’

37 “Igho eni egho ni e pfuase egho e ya mhila mhe, e mhe, ‘Onomhue, eghoghe onoghwo anye ro me khi okiamhi oo gbe e ni anye ro ri eminale ne le, ni okiam o ro gbe e ni anye ro ro ne da?

38 Eghoghe onoghwo u ro khi ofese ni anye ro mie lo owa le. Eghoghe onoghwo u ro ban-a ni anye ro ri itsua ne so?

39 Eghoghe onoghwo u ro ghua ni u ro la owa ighumha ni anye ro bhale ya bino e?’

40 “Oni oghie o ya so we o, o we, ‘Abi o li mhi li gue e ye e egho khi, emiemini u da riela na egho ni e khi Inyoghwo-mhe ni e miesuo ni ea mu eloe ena ne, mheme u riela oli na.’

41 “Eghoghe agho oni oghie o ya gueye egho ni e la li ukiokie obo ogho, ‘A vu mhe ana le, ee ni a pfi unu na, a ke je owa ere ni Eshinimba o riela na okphaghe ali igeni eyoli.

42 Irari khi abi okiamhi o re gbe mhe, aa ri emhi na mhe le. Abi okiam o re gbe mhe, aa bo am e na mhe da.

43 Abi mhi ro khi ofese, aa lama ni mhi lo e apfe le. Abi mhi ro la irumheba, aa bo ide na mhe so. Mhi ghua, aa ri eloe khu mhe. Mhi la owa ighumha aa bhale ya bino mhe.’

44 “Eghoghe agho e ya lie mhe, ‘Onomhue, obo anye la me khi okiamhi o gbe e, ni u ro khi ofese, ni u ro la irumheba, ni u ro o ghua, ni u ro la owa ighumha ni anye aa ro kpaghe obo?’

45 “Oni oghie o ya so we o, o we, ‘Abi o li mhi li gue e ye e egho khi, emiemini wa a da riela na egho ena

‡ 25:29 Li ze iMat 13.12; iMak 4.25; iLuk 8.18 § 25:30 Li ze iMat 8.12; 22.13; iLuk 13.28 * 25:31 Li ze iMat 16.27; 19.28

ni ẹa mu ẹloe ni e mie mhe suọ ne, mhemhe wa a riẹle ọli na.'

⁴⁶ "Egheghe agho, e vu ya lo osoli na agboagbo, ama eni e guẹ ngeli, e je agbo na agboagbo."†

26

Ugbamhi ni a gba khe iJesu
(iMak 14.1-2; iLuk 22.1-2; iJon 11.45-53)

¹ Abi iJesu o li sese emhi ena se, oo eniye odukhokho eyoli,

² "A lese khi akopfua khi ukpe iPasova. A ya mu Omi Ogbọ, a gbe ọli-a shi apfida."*

³ Egheghe agho, ighie eyi ekpodalo-ugamhi ali eni egbhali e ya lona agbala oyi iKefasi ni o khi Oga oyi ekpodalo ugamhi nya.

⁴ E la agho gba ugbamhi abi e li ya bena mu iJesu ya gbe-a.

⁵ E gueye egbe khi, ọa ya khi egheghe oyi oni imu, ini egbo khi ri itobọ igho tsua onyaghu lasele.

A la iBetani ku oili shi iJesu egbe
(iMak 14.3-9; iJon 12.1-8)

⁶ IJesu o bhale iBetani, ikhi owa oyi omose oghuo ni a lu iSamọ ni efafe e kpe mu.

⁷ Abi iJesu o li la agho le eminale, okpotso oghuo o tsua ituale ni o lolo ghalẹ shi ukoko alabasita ni a ri eche riẹle bhale. O ya ku ọli shi iJesu ukhomhi.‡

⁸ Abi eniye odukhokho eyi iJesu e ro me ona, e lie, "Elo o ze ni a ro na pfueche oni ituale kua shi afue?" Elemhi e bi we.

⁹ "A kha ri ituale ona de ghale lo, a kemhi eni ikpagho na eni ẹa mhue."

¹⁰ IJesu o lese emini e ngme, o mhila we, o we, "Elo o ze ni a ro nyama oni okpotso ona? Emini o somhi otse o riẹle na mhe."

¹¹ Egheghe kpa eni ẹa mhue e ro a la e ifuabo. Ama aa ya ke me mhe egheghe kpa.‡

¹² Emini o ze ni okpotso ona o ro ku ituale ona shi mhe egbe khi, ni o ro mu mhe egbe khe iroto oyemhe.

¹³ Mhi gueye e khi ashiasini a da la tse abo usomhi onete ona eke agbo ona ne, a ya ngme emini oni okpotso ona o riẹle ro sato ọli egbe."

IJudasi o lama khi loli ya ri iJesu de
(iMak 14.10-11; iLuk 22.3-6)

¹⁴ Igho oghuo eniye odukhokho ogbava eyi iJesu ni a lu iJudasi na Isikaroti, o fie deba ighie eyi ekpodalo-ugamhi.

¹⁵ O mhila we, "Ingme a ya ro na mhe ini mhi ri ode khasẹ e ni a te ya mu ọli?" Igho e leli ikpaghuo-ghuo uye ali igbe na li.§

¹⁶ Rote agho vu, eri iJudasi o ke ri ukpeloe shi eke nono ode ni o te ya ri iJesu na we.

Eminale ogbomhi oyi Onomhue
(iMak 14.12-21; iLuk 22.7-13,21-23; iJon 13.21-30)

¹⁷ Ogbele onodode oyi oni ukpe na ibuledi ni aa ri ifuma wushe o ramhi, eniye odukhokho eyi iJesu e bhale deba li, e mhila li, e ọli, "Obo wa nono ni anye mu egbe shi ni u la le eminale iPasova?"

¹⁸ Oo we "A le deba omose oghuo ni o la elemhi oni ẹoli, a ka gueye ọli khi, 'Osese o khi egheghe oyemhe o she ti ramhi, owa oye, mhemhe ali eniye odukhokho eyemhe anye la le eminale iPasova.'"

¹⁹ Igho eni eniye odukhokho eyi iJesu e riẹle abi o li ghie we. E ya mu egbe oni eminale shi agho.

²⁰ Abi ogbomhi o ro mu eke, iJesu ali eniye odukhokho ogbava eyoli ee shitọ shi eminale.

²¹ Abi e ro le oni eminale, iJesu oo we, "Oghuo elemhi e o ya remhe de."

²² Igho egbe e pfọ we a. Oghuo oghuo o mhila li "Onomhue she khi ọa khi mhemhe we khi o khi?"

²³ IJesu oo we, "Oghuo e ni o nu mhe e so obọ utasa, o ya re mhe de.*

† 25:46 Li ze iDan 12.2; iJon 5.29 * 26:2 Li ze Okiali 12.1-27 † 26:7 Li ze iLuk 7.37-38 ‡ 26:11 Li ze iDeut 15.11 § 26:15 Li ze iZaka 11.12 * 26:23 Li ze iwolo 41.9

24 Omi oḡbọ ọ ya ghu-a abi a keke nali. Ama o ma kholo oḡose ni ọ ri Omi Oḡbọ ya de egbe. O kha bie ti ne ini oḡbọ aa bie bia li.”

25 IJudasi ni ọ ya roli de ọọ li, “Oseṣe, she khi ọa khi mhemhe wekhi o khi?” IJesu ọọ li, “Ii, yeye lo.”

Eminale oḡbomhi oyi Onomhue
(iMak 14.22-26; iLuk 22.14-20; 1 iKori 11.23-25)

26 Abi e li le egho, iJesu ọ rue ibuledi, ọ kphemhi, ọ khi oli a, ọ roli na eniye odukhokho eyoli, ọọ we, “A mo, a le khi idiegbe oyemhe na.”

27 Igho ọ gbo li rue uko, ọ kphemhi, ọ roli na we, ọ we, “Ee nya a rote ọ da.

28 Olia eyemhe ni a ku ro luase obo na eḡbokpa a na, ni o gbe olamhe kua na we. Olia ena Eshinegba ọ ro nu eḡbo eyoli mhue ishobo.†

29 Mhi gueye e khi mhi a ke gbo rote oni ukpamhi ọara upfonu onana ya da rote memena vu. Seṣe ni ele ni mhi ke ya nu e da li ode onogbo Iloghie oyi Itamhe.”

30 Abi e ro to uwolo se, e vu ya je ute eera Olivu.

IJesu ọ guele shi eke khi iPita ọ ya kie lue
(iMak 14.27-31; iLuk 22.31-34; iJon 13.36-38)

31 Abi e li le egho, iJesu ọọ we, “Amioṣe ena, ee nya a ya mhue akhokhomhe shi mhe egbe, a na tsua mhe pfa, irari khi ebe o ngme oli khi. “Mhi ya ri emhi li

orismhaka,
eni isumha
e ya gbhiaku-a.”‡

32 “Ama ini mhi rote eghuli guale, mhi ya ralo na e iGalili.”§

33 IPita ọọ li, “Ini eḡbo nya e tseku mhue akhokhomhe shi e egbe, mhemhe mhi aa ya mhue.”

34 IJesu ọọ li, “Abi o li mhi li gue oli e ye, khi amioṣe ena, neni okpa ọ gbieghe, itese u ya lie khi waa lese mhe.”

35 IPita ọọ li, “Mhi aa ya ngme gho ini o tseku khia khi oni mhi ya nu

e ghu-a lo, mhi aa ya lie khi mhi aa lese.”

Eniye odukhokho enekpole nya e li ngme gho.

IJesu ọ la iGetisemani lema
(iMak 14.32-42; iLuk 22.39-46)

36 Igho iJesu ọ lu eniye odukhokho eyoli, e je ashini a lu iGetisemani, ọọ we, “A shito ana khi mhi ya je oobo ya so iromhi.”

37 Ọ rue iPita ali imi iZebedi aava ma egbe. Ọ vie osoli, egbe ea ke sheshe oli.

38 Ọọ we, “Udu oyemhe o vo osoli ramhi khi mhi ya ghua. A shito ana, a nu mhe ke tokpe.”

39 Ọ ti le deṣe, ọ de yeshi to alo mu eke ọ so iromhi. Ọọ, “Ita, ini o ya tse lo, ze ni u mie mhe uko osoli ona. Ama ọa khi abi o li ghole mhe, ama abi o li ghole e.”

40 Ọ nyene egbe bhale deba eni eniye odukhokho, ọ me khi ee lese. Ọọ we, “Aa doḡe nu mhe tokpe ukuku eḡheḡhe tse?”

41 “A ke tokpe, a so iromhi ini a khi de pfilo imufe. Ayemhe o mu egbe, ama o loṣe idiegbe.”

42 Ọ gbo vu utonuzi-eva, ọ ya lema, ọọ, “Itamhe, ini o khia khi ọa ze li ni uko osoli ona o doṣe, seṣe khi mhi da li, ze ni oḡhemhe oye o tse.”

43 Ọ gbo nyene egbe ukhokho bhale, ọ me khi e lese ea ke doḡe khueghie alo-a.

44 Igho ọ ze we obo shi agho. Ọ gbo ya lema utonuzi-ese, o gbo ngme abi ọ kpe ngme.

45 Igho ọ nyene egbe ukhokho bhale deba eni eniye odukhokho, ọọ we, “Eri a kiele e lese-a, a kiele e yemhe-a? A bino khi eḡheḡhe o she ramhi khi a she ri Omi Oḡbọ na eḡbo olamhe de.

46 A vule ni awa vu! Oni ọ remhe e de ọọ bhale!”

A mu iJesu
(iMak 14.43-50; iLuk 22.47-53; iJon 18.3-12)

† 26:28 Li ze Okiali 24.8; iJere 31.31-34 ‡ 26:31 Li ze iZaka 13.7 § 26:32 Li ze iMat 28.16

47 IJesu o kie ligho ngme, iJudasi ni o khi oghuo eni eniye odukhokho ogbava, o bhale. Ebubu egbo ni e tsua epia ali itakobi e nu oli bhale, eni ighie eyi ekpodalo-ugamhi ali eni egbhali e ghie.

48 Oni o roli de o she ri olele na eni egbo, oo we, "Oni mhi da ya pfpfi egbe ne, loli lo, a mu oli."

49 Oni iJudasi o le deba iJesu, oo li, "Opfomhe o ka nu e la Osese," o pfpfi oli egbe.

50 IJesu oo li, "Omue, nyanya ri ele emini u bhale shi."

Igho eni emose e fie lasele, e mu oli.

51 Ghe i, abi a ro me na, oghuo eni e nu iJesu kia, o ji itakobi emhi lasele. O khi oni oo ga oyi Oga ekpodalo ugamhi eso-a.

52 IJesu oo li, "Rue itakobi oye shi irari khi oni o ji itakobi, o ya li ghu eghuli itakobi.

53 Eri u dabi khi mhi aa dobe ya mhila Itamhe ikpaghiobo, aghoagho o ri igeni ni e dose agbhagbhamhi igbeva ghi mhe.

54 Ama, se Ebe-no-pfuase o ke li bhale ya tse, ni oo khi a mema lina me oli?"

55 Igho iJesu oo eni ebubu egbo egho, "Eri mhi ri egbo e pfi ozughu ni a ro tsua igbhoro ali itakobi bhale ya mu mhe? Ele kpa mhi ro shito Owa oyi Eshinegba e sese, ama aa mu mhe.*

56 Ama eri a me ena nya ni a bhale ya e khi emini emekeguele e ngme shi ebe o bhale ya tse." Igho eniye odukhokho nya e ze oli obo, e na kua.

Igba enighie ni a lu iSaediri e ri iJesu gue ezọ

(iMak 14.53-65; iLuk 22.54-55,63-71; iJon 18.13-14,19-24)

57 Eni e mu iJesu e rue oli je apfe oyi iKefasi ni o khi Oga oyi ekpodalo ugamhi, ashini eni e sese ishi ali eni egbhali e legbe.

58 Ama iPita o tapfia a deba we. O deba we lo ramhi atukpapfe oyi Oga oyi ekpodalo ugamhi. O lo se, o nu

eni ee khe ekhe shito, ni o me abi oni ingme o ke li ya kia.

59 Ighie eyi ekpodalo-ugamhi ali eni iSaediri nya, e nono otsese egbhali ni e ya mu mhali iJesu obo ni e ba me asha gbe oli-a.

60 Ama ea me okhoghuo, abi ebubu egbo e tseku fie lasele ya pfi otsese egbhali.

Ikpukhokho o, emose aava e fie lasele.

61 E li "Omose ona do, 'Mhi ya dobe guogh Owa Oyi Eshinegba-a, mhi gbo ri ele oli to ogbele ese.' "†

62 Oga oyi ekpodalo ugamhi o vule, oo iJesu, "Waa bie mhu e emini u ya ngme shi ezọ ni a gue e shi e egbe ena?"

63 Ama iJesu tsaghie-a.

Igho Oga oyi ekpodalo ugamhi o gbo vule migha, oo iJesu, "Mhi ri eva oyi Eshinegba ni o la o re romhi ishe, gueye anye, ini ye ye u khi Omiepfuese Omi Eshinegba."

64 IJesu oo li, "Igho o khi abi u ngme. Ama mhi gueye ee nya khi, rote memena vu, a ya me khi Omi Ogbọ o shito obita oyi Eshinegba ni o fune nya, o la elemhi otughunu te irarogbe e bhale."‡

65 Igho, Oga oyi ekpodalo ugamhi o nyanọ awulu a shi egbali uruli. Oo, "O she pfi unu-a! Otsese olese awa ke gbolo e nono? Ee a she suo oni ungmehi ipfiunu-a ni o ngme.

66 Se a sa shi o?"

E oli "O she lue, o mema ya ghua."§

67 Igho e tono ete ku iJesu alo, e ri ekpa gbe oli. Eghuo, e lase oli eso.*

68 E lie oli "Me eke na anye ghue ye ye Omiepfuese. Gueye anye ghue oni o ri emhi gbe e."

IPita o kie iJesu

(iMak 14.66-72; iLuk 22.56-62; iJon 18.15-18,25-27)

69 IPita o shito olase, omueshi oghuo oyi Oga oyi ekpodalo ugamhi o bhale deba li, oo li, "Ye ye, u li nu iJesu onge iGalili kia."

* 26:55 Li ze iLuk 19.47; 21.37 † 26:61 Li ze iJon 2.19 ‡ 26:64 Li ze iDan 7.13 § 26:66 Li ze iLev 24.16 * 26:67 Li ze Aza 50.6

⁷⁰ IPita ọ tia li ukpẹloẹ wẹ nya, ọọ li, “Mhi aa fẹ lẹsẹ emini a ngme.”

⁷¹ Ọ ke rọte aghọ fiẹ je unu ode unuẹkpẹ ni a rọte ẹ lo oni apfẹ le, ọkpotoso oni ọọ ga ọlese ọ gbo mẹ ọli, ọ gueyẹ emọse ni e la aghọ, ọọ “Ọmọse ọna ọ nu iJesu na iNazarẹti kia.”

⁷² Ighọ iPita ọ gbo tia li. Utona, ọ romhise ma ọ, ọọ, “Mhi romhi ishe, khi mhi aa lẹsẹ ọni ọmọse ọghọ!”

⁷³ O kẹ li dẹnẹ, emọse ni e migha aghọ e bhale deba iPita, ẹ ọli, “Igesikia lọ khi ọtuoghwo elemhi wẹ u khi. Ungmemhi oyẹ o she ngmasẹ le.”

⁷⁴ Ighọ ọ li sẹ egbọli isheli, ọọ romhi isheli. Ọ liẹ, “Mhi aa ga lẹsẹ ọni ọmọse!”

Utoghwo kpe ọkpa ọ gbiẹghẹ.

⁷⁵ Ighọ iPita ọ sato ungmehi ni iJesu ọ gueyẹ ọli ni ọ rẹ ọli, “Neni ọkpa ọ ya gbiẹghẹ, itesẹ u ya liẹ khi waa lẹsẹ mhẹ.” Ọ fiẹ je olase ya viẹ oya.

27

A mu iJesu ghi iPaleti

(iMak 15.1; iLuk 23.1-2; iJon 18.28-32)

¹ Ogbe o gbe-a ogbeakọlọ, ighie eyi ekpodalo-ugamhi nya ali egbhali e mhẹsẹ abi e li ya gbe iJesu-a.

² E gẹ ọli, e rue ọli vu ghi iPaleti ni ọ khi igovunọ.

Ijudasi ọ gbe egbọli-a *(Ika 1.18-19)*

³ Abi iJudasi ni ọ rọli dẹ, ọ rọ suọ khi a pfa ẹzọ mu ọli khi a ya gbe ọli-a, o ri egbe pfọ li-a, ọ nyenẹ egbe rue ikpaghuo uye ali igbe eghọ ghi ighie eyi ekpodalo-ugamhi ali eni egbhali.

⁴ Ọọ wẹ, “Mhi she lamhẹ, irari khi mhi she ri ọgbọ ni ọa mhọli olamhẹ okhọghuo dẹ,” Ẹ ọli, “Egboli oyi anye onoghwo o ke la oghọ? Yẹyẹ u lẹsẹ.”

⁵ Ighọ iJudasi ọ ku eni ikpaghọ kua eke elemhi Owa oyi Eshinẹgba, ọ vu ya soli egbọli-a.

⁶ Ighọ ighie eyi ekpodalo-ugamhi e sanọ eni ikpaghọ eke, ẹ ọli, “Ikpaghọ ọlia na, awa aa ya ku wẹ ma ikpaghọ ugamhi.”

⁷ E gba ugbamhi nga eni ikpaghọ se, e rẹwẹ ya dẹ eke onayi oni ọọ ma ekhe, ni a ri ilimhi epfese ke tọ aghọ.

⁸ Lọli o zẹ ni a rọ lu ọli Eke Ọlia ramhi ogbe na amo.*

⁹ Ighọ ungmehi ni ọmekeguele ni a lu iJeremaya ọ ngme, o li bhale ya tşẹ. Ni ọọ, “E rue ikpaghuo uye ali igbe ni e khi ikpaghọ ni ẹgbọ iZireni e lama fali shi ọli egbe.

¹⁰ E rue eni ikpaghọ ya dẹ eke emẹ onayi eni ẹẹ ma ekhe, abi Eshinẹgba ọ mhẹsẹ na mhẹ mhi ngme.”†

IPaleti ọ mhila iJesu ogbo

(iMak 15.2-5; iLuk 23.3-5; iJon 18.33-38)

¹¹ IJesu ọ migha odalo oyi igovunọ iRomu, oni igovunọ ọ mhila li, “Yẹyẹ u khi oghie oyi ẹgbọ iJu?” IJesu ọọ li, “Ii, Ighọ o khi abi u ngme.”

¹² Ama ọa mhọli emini ọ sọ shi ingme ni ighie eyi ekpodalo-ugamhi ali egbhali e ngme shi ọli egbe.

¹³ Ighọ iPaleti ọ mhila li, ọọ. “Wa a suọ emini a ngme shi ẹ egbe?”

¹⁴ Ama iJesu ọa lama sọ ọli abikhọghuo, o ga lolo ri abọ sha oni igovunọ.

A pfa ẹzọ igbe-a mu iJesu

(iMak 15.6-15; iLuk 23.13-25; iJon 18.39--19.16)

¹⁵ Ini a da li ukpe iPasova, eri igovunọ ọọ rue ọgbọ ọghuo ni a mu shi owa ighumha obọ-a na ẹgbọ iJu. Ikhi oni e zẹ, a rue igha le na wẹwẹ.

¹⁶ Eghẹghẹ aghọ, a mẹ ọmọse ni a mema lẹsẹ shi ukhiakhiamhi ọgbọ, ni aa khẹna, ni a mu shi owa ighumha, ni a lu iBarabasi.

¹⁷ Ighọ abi eni ẹgbọ e rọ le gba, iPaleti ọ mhila wẹ, “Ọnọghuo elemhi ẹgbọ aava ena a nono ni mhi wolọ abọ-a na ẹ? IBarabasi abi iJesu ni a lu Ọmiepfuese?”

¹⁸ Irari khi ọ she lẹsẹ khi itobọ khi ighie eyi ẹgbọ iJu ẹẹ biselemhi iJesu e rọ mu ọli ghi luẹ.

¹⁹ Abi iPaleti ọ li shito ukpẹkhomehi ẹzọ oyọli, ughuẹ ọli ọ ghie usomhi ghi

* **27:8** Li zẹ *Ika 1.18-19* † **27:10** Li zẹ *iZaka 11.12-13; ijere 19.1-13; 32.6-9*

oli, oḡ. “Khi mhue emini u li omose ni oḡ mhue emini o li egho. Irari khi mhii me osoli elemhi elena ooyose shi ingme oyoli.”

²⁰ Ama ighie eyi ekpodalo-ugamhi ali eni egbhali, e tanḡ shi eni ebubu egbo elemhi, e lie iPaleti o rue iBarabasi obo-a, ama a gbe iJesu-a.

²¹ Igho igovunḡ o mhila we, “Elemhi aava ena, onoghwo o, a nono ni mhi rue obo-a?” Weḡe nya ee.

“iBarabasi!”

²² O mhila we, “Se mhi ya li iJesu ni a lu Omiepfuese ona sho?”

Weḡe nya ee, “A ka ta li ma apfida!”

²³ Ama iPaleti o mhila we, “Elo o ze, onobe onoghwo o rieḡe?”

Ama e kie tseḡe leghe “A ta li ma apfida!”

²⁴ Abi iPaleti o ro me khi loli ea mholi emini loli ke ya li o, khi onyaghu o tigbe te o laselle, o die ame, o kpe abo-a ukpelo we nya, oḡ we “Mhi aa mhue obo shi eghuli oyi omose ona o! Obḡ oyee o la o!”[‡]

²⁵ Eni egbo nya e li, “Olia eyoli e la ukhomhi oyanye ali oyi eniye eyanye.”

²⁶ Igho oḡ rue iBarabasi obo-a na we. Oḡ a gbe iJesu itali, o rue oli na ekhḡli-okhue eyi iRomu e ka ta li ma apfida.

Eni ekhḡli-okhue e ri iJesu li egia
(iMak 15.16-20; iJon 19.2-3)

²⁷ Igho ekhḡli-okhue eyi iPaleti e rue iJesu lo elemhi agbala oyoli, o rue eni ekhḡli-okhue nya le gasḡ oli.

²⁸ Igho e gueghie oli itsua ni o so, e ri itsua oyile so li.

²⁹ E ri igba do arula rughu oli. E ri ukpokpo mholi oli obḡ ita, e wugha li odalo, e ri oli li egia. E lie oli, “Eshineḡba o ze ni u to agbo yeye oghie iJu.”

³⁰ E to ete ku oli, e mie oli oni ukpokpo gbe oli ukhomhi.

³¹ E ri oli li egia se, e gueghie oli itsua eyile ni e ro so li egho, e tigbe ri

itsua eyoli so li. E rue oli je obini a la ya gboli-a.

A ta iJesu ma apfida gbe-a

(iMak 15.21-32; iLuk 23.26-43; iJon 19.17-27)

³² Abi e li le egho, weḡe ali omose ni a lu iSamḡ ongi iZireni e ya lona, e ri itoto mu oli o tsua apfida oyi iJesu.

³³ E bhale asha ni a lu iGḡḡota. Abi iGḡḡota o ngme khi “Asha ugua ukhomhi ogbo.”

³⁴ Agho e la ri onyo ni a ri emhi oyala shi na iJesu da, ama o to unu o bino, oḡ lama da li. §

³⁵ E ta li ma apfida se, e pfi onolo ro kemhi itsua ni o so mholi egbe abo. Onana o ri emini omekeḡuele o ngme bhale ya tse, ni oḡ. “E kemhi iwulu eyemhe, e pfi onolo shi ide eyemhe.”*

³⁶ E rieḡe se, e shito, e khe oli ekhe.

³⁷ E keke emini a gue shi oli egbe shi upepe oara ro kphase kpeda nali. Emi a keke shi o khi, Ona khi iJesu, Oghie egbo iJu.

³⁸ Igho e gbe ighiatḡ aava ma li egbe. Oghwo o la ukiekie obita, onokpḡle o la li ukiekie ogobḡ.

³⁹ Egbo ni ee doḡe, e pfi itsue odḡa manya iJesu. †

⁴⁰ E lie “Yeye ni u ya guḡḡo Owa Oyi Eshineḡba-a, ogbele nuzi-ese u gbo toli pfo. Tsumhi egbe e! Roḡe ukhomhi apfida ona tiemhile sho, ini Omi Eshineḡba u khi.”

⁴¹ Ina ighie eyi ekpodalo-ugamhi, ali eseḡe Ishi eyi iMosisi ali egbhali e gbo li tsue oli.

⁴² E lie, “O tsumhi egboese,” “Ama oḡa doḡe tsumhi egbḡli! Oḡa khi loli khi oghie oyi iZireni? Ini o da te ukhomhi apfida onana tiemhile ne, anye ya mie oli suo.”

⁴³ Eri o ri egbe da Eshineḡba o gbo lie khi, ‘Omi Eshineḡba mhi khi.’ Awa ke bino ini Eshineḡba o ya tsumhi oli mena.”[‡]

⁴⁴ Igho khi ighiatḡ ni a ta ma apfida e li tsue oli.

[‡] 27:24 Li ze iDeut 21.6-9 § 27:34 Li ze iwolo 69.21 * 27:35 Li ze iwolo 22.18 † 27:39 Li ze iwolo 22.7; 109.25 ‡ 27:43 Li ze iwolo 22.8

Eghuli oyi iJesu

(iMak 15.33-41; iLuk 23.44-49; iJon 19.28-30)

⁴⁵ Oguota o mu eke obili o tode bi asha kpa elemhi iwakati ese.

⁴⁶ Agogo ese o de te, iJesu o vie lasela leghe oo "Eloi, Eloi, Lama Sabachi tani?" Abi ona o ngme khi "Eshinegba oyemhe, Eshinegba oyemhe, elo o ze ni u ro pfi mhe eso a?"[§]

⁴⁷ Egbọ eghuo ni e la agho e suo ona, e lie li, "Elaja oo lu."

⁴⁸ Aghoaghọ, oghuo o, o na ya rue isoso, o so li onyo ni o khe-a, o geno li shi ukpokpo nise a ji iJesu unu ni o da.*

⁴⁹ Ama enekpole e oli, "Migha, ze oli obo ni awa me ini Elaja o ya bhale ya tsumhi oli."

⁵⁰ Igho iJesu o gbo vie leghe, o ghua.

⁵¹ Eghoghe agho tee, ode ugbakpi, ni a ro ta pfa ode-a ni o la elemhi Owa Oyi Eshinegba o te odode rote idane kiese-a ya tiemhi eke. Eke agbo o nighise, eche e veno-a.†

⁵² Iji e khueghie-a, ebubu egbo ni e pfuase ni eghuloa e guale bhale agbo.

⁵³ E fieno iji lasela. Abi iJesu o ro rote eghuli guale se, e je elemhi eoli no pfuase, e ri egbe khasa ebubu egbo.

⁵⁴ Abi ekholi-okhue ni a ze e ke khe iJesu ekhe e ro me abi eke o li nighise ali emhi elese ni e me nya, ulishi oo mu we, e lie li, "Egbegbo lo khi Omi Eshinegba omose ona o khi."

⁵⁵ Ikpotso ebubu e la agho ni e ta pfi-a fe. Eri e deba iJesu rote iGalili bhale ni wewe e ri ukpeloeh khu oli.

⁵⁶ Eghuo o khi, iMeli ongi iMagidalen, iMeli inyi iJemhisi ali iJosefu, ali inyi iJemhisi ali iJoni.

Abi a ri iJesu to

(iMak 15.42-47; iLuk 23.50-56; iJon 19.38-42)

⁵⁷ Abi ogbomhi o ro mu eke, omose ni o pfue ongi Arimatia ni a lu iJosefu ni o li khi oghuo eniye odukhokho eyi iJesu,

⁵⁸ o le deba iPaleti ya mhila li olimhi oyi iJesu, o roli na lue ya to. iPaleti o ri unu bhale e ka rue oli na iJosefu.

⁵⁹ Igho iJosefu o rue oli, o ri ode onogbo no pfuase khuli oli.

⁶⁰ O ri oli to uji onogbo oyoli ni a lese to shi elemhi eche. O gheghele eche oniemhi khukhu oni uji unu, o vu je apfe.

⁶¹ Igho iMeli ongi iMagidalen ali iMeli onokpole e shito so alo ghue oni uji.

Ekhekhe ni e la oni uji

⁶² Ogbeakolo, ni o khi ele Iyemhea oyi egbo iJu, ighie eyi ekpodalougamhi ali egbo iFarisi e bhale deba iPaleti, e oli,

⁶³ "Oga, anye sa ya to khi abi oni oloegbhue ogho o ro la agbo o lie khi, 'Mhi ya guale ele-ese.'‡

⁶⁴ Mena ri unu bhale a ke ya khe agho ekhe ramhi ele nuzi-ese, ini eniye odukhokho eyoli e khi bena ya tsua olimhi oyoli, ni e ke gueye egbo khi a she te eghuli guise oli le. Egboli oni o ya kpukhokho ona, loli o ke ya kholo dose oni odode."

⁶⁵ iPaleti oo we, "A rue ekhe-khe, a ze ni e khe ekhe agho. A lolo khukhu oli abi o ti e eloe shi."

⁶⁶ Igho e ya khukhu oni uji egbegbo, e zuse oli, e ze ekhe-khe shi agho.

28*Irote eghuli guale oyi iJesu*

(iMak 16.1-10; iLuk 24.1-12; iJon 20.1-10)

¹ Ogbe o ya gbe khi ele Iyemhea o dose ni o khi ele ni odode elemhi efo uka, iMeli ongi iMagidalen ali iMeli onokpole e le ya bino oni uji.

² Utoghuokpe eke o nighise, irari khi ageni oyi Onomhue o rote idane tiemhile. O gheghele oni eche ni o khukhu oni unu uji ode-a. O shito nga o.

§ 27:46 Li ze iwolo 22.1 * 27:48 Li ze iwolo 69.21 † 27:51 Li ze Okiali 26.31-33 ‡ 27:63 Li ze iMat 16.21; 17.23; 20.19; iMak 8.31; 9.31; 10.33-34; iLuk 9.22; 18.31-33

³ Ọ li abi erali akphala. Itsua ni ọ sọ e pfuase pẹpẹpe abi otughunu opfopfo.

⁴ Ulishi o mu eni e la agho kẹ ekẹ, ee guo, ubi o rue wẹ pfi gbe.

⁵ Oni aḡeni ọọ eni ikpotso, “A khi zẹ ni ulishi o mu ẹ irari khi mhi lẹsẹ khi iJesu ni a gbe-a shi apfida a nono.

⁶ Ọa la akana, ọ she te eghuli guale abi ọ kie kpẹ ngme. A bhale ya bino ashini a ri ọli yẹshi.

⁷ A nyanya ke lẹ memena, a ka gueyẹ eniyẹ odukhokho eyọli khi. ‘A she te eghuli guise ọli le, khi mena, ọọ kia kẹ ẹ, ọ je elemhi iGalili. Oobọ a ya mẹ ọli.’ Ghe i, a khi yele-a abi mhi gueyẹ ẹ.”

⁸ Igho eni ikpotso e nyanya rote oni uji vu, ulishi o mu wẹ ama oghẹlẹ o vọ wẹ elemhi, e na ya gueyẹ eniyẹ odukhokho eyọli.

⁹ Utoghuokpe iJesu ọ bhale deba wẹ, ọọ. “Opfomhẹ o ka nu ẹ la.” E bhale deba li, e mu ọli awe, e nyẹsẹ ukhomhi ga li.

¹⁰ IJesu ọọ wẹ, “A khi zẹ ni ulishi o mu ẹ, ama a ka gueyẹ Inyoghwo-mhẹ e ke je iGalili. Agho e te ya mẹ mhẹ.”

Emini ekhe-khẹ e guele

¹¹ Abi eni ikpotso e ro vu se, eni ekhọli-okhue ni e kẹ oni uji ekẹ, e vu ya gueyẹ ighie eyi ekpodalo-ugamhi emini a ga mẹ nya.

¹² Igho ighie eyi ekpodalo-ugamhi e lẹ deba eni egbhali e lona ye ugbamhi abi e ke ya li. E gba, e ri ikpokpomhi ikpaghọ na eni ekhọli-okhue egho.

¹³ Ẹẹ wẹ. “A liẹ khi, ‘Eniyẹ odukhokho eyọli e bhale ya tsua li vu abi obili o ro bi ni anye ro lesẹa.’

¹⁴ Ini igovunọ ọ suọ ona, anye ya pfa ẹ shi eke, a khi zẹ ni emhikhoghwo o nase ẹ udu.”

¹⁵ Igho eni ekhọli-okhue e mie wẹ eni ikpaghọ e li abi e sẹsẹ wẹ. Eri ingme emini e riẹlẹ o gbhiaku asha kpa ifuabọ egbọ iJu. Ramhi ogbenamo, eri a kiele ẹ zẹ oni okhẹ ona.

Usomhi ni o funẹ ni iJesu o ghie
(iMak 16.14-18; iLuk 24.36-49; iJon 20.19-23; Ika 1.6-8)

¹⁶ Igho eniyẹ odukhokho ogbaghuo eyọli e je iGalili deba iJesu ukhomhi ute ni ọ sẹsẹ wẹ.*

¹⁷ Abi e ro mẹ ọli, e nyẹsẹ egbe ga li, ama eghuo ọ e kiele khokho ọli.

¹⁸ Igho iJesu ọ kia ti mama wẹ, ọọ. “A she rue afu nya na agbọ ona ali iloghie na mhẹ.†

¹⁹ Irarigho, a fiẹ lase je asha kha asha, a ke ya ri egbọ mele eniyẹ odukhokho eyemhẹ-a, a ri eva oyi Ita, ali oyi Omọ ali oyi Ayemhẹ-no-pfuase batazi.‡

²⁰ A sẹsẹ wẹ, e ke ri emhi nya ni mhi mhẹsẹ na ẹ gbe akanya. A ghe i, mhi nu ẹ la ramhi ukpẹsẹ agbọ.”

* 28:16 Li zẹ iMat 26.32; iMak 14.28; 1 iKori 15.5; iJon 21.1-23 † 28:18 Li zẹ iMat 11.27; iLuk 10.22; iFili 2.9; Efi 1.20-22 ‡ 28:19 Li zẹ Ika 1.8

Usomhi Onete oyi iJesu iKirisiti ni IMaki O keke

Itsabo oyi iJoni Oni oḡ batazi eḡbo
(iMat 3.1-12; iLuk 3.1-18; iJon 1.19-28)

¹ Ona o khi igbaekele oyi usomhi onete oyi iJesu iKirisiti Omi Eshineḡba.

² A keke ḡli shi Ebe-no-pfuase ni omekeḡuele oyḡli ni a lu Azaya ḡ keke. Ni Eshineḡba ḡ la lie,

“Mhi ya ghie aghiusomhi
oyemhe ralo ne.

Oni ḡ ya be ode
shi eke khe.”*

³ “Ḡbḡ ḡ la ḡdagbe
e pfi okokokhue. Ḡḡ lie,

‘A riḡle ode
shi eke khe Ḡḡmhue,
ni ḡḡ bhale.

Riḡle oni ode sheshe
ni ḡ roḡe.’ †

⁴ Ighḡ IJoni ḡ li bhale, oḡ batazi eḡbo obini ḡdagbe ifufu, oḡ tse abḡ, oḡ lie, “A mu pfi lase olamhe eye e le bhale deba Eshineḡba ini a ri olamhe topfa e.”

⁵ Ighḡ eḡbo e roḡe eke iJudia ali eḡli iJerusalemu le deba IJoni. Ee zḡḡ olamhe eyewe ye ḡli. Ḡ la oke iJḡdani batazi eḡbo.

⁶ Ode ni a ri iriria eyi alakumi do, iJoni ḡ roḡ fia itsua sḡ. Ḡ ri eke riḡle ḡḡbene mu oku. Initso ali oribo e khi eminale eyḡli.‡

⁷ Abḡ ni oḡ tse gueye agbḡ khi: “Ḡmḡse ni ḡ ke ya bhale eḡlese ode ukhokho oyemhe, ḡ fu doḡe mhe, ḡ mhḡli ekpabḡ doḡe mhe. Mhi aa fu ramhi ḡni oḡ taghiḡ uli ni o la ekeḡ ni ḡ sḡ-a.

⁸ Amḡ mhi roḡ batazi e memena, ama Ayemhe-no-pfuase ḡ ke roḡ ya batazi e.”

* 1:2 Li ze iMala 3.1 † 1:3 Li ze Aza 40.3 ‡ 1:6 Li ze 2 Ighie 1.8 § 1:11 Li ze Igbae 22.2; Iwolo 2.7; Aza 42.1; iMat 3.17; 12.18; iMak 9.7; iLuk 3.22 * 1:15 Li ze iMat 3.2

Ibatazi ali imufe oyi iJesu

(iMat 3.13-4.11; iLuk 3.21-22; 4.1-13)

⁹ Ḡa te aghḡ teḡe ne, ni iJesu ḡ roḡ roḡe iNazareḡi ni o la eke iGalili bhale ni iJḡni ḡ la oke iJḡdani batazi ḡli.

¹⁰ Abi iJesu ḡ roḡ leḡe roḡe elemhi oke ji egbe ngale te, ḡ me khi idane ḡ khueghie. Ayemhe oyi Eshineḡba ḡ li abi anekhukhu roḡe idane tiemhile ya ma li egbe.

¹¹ A suḡ khi uruli o roḡe idane ngme tiemhile, oḡ, “Ḡmimhe ni mhi nono ingme oyḡli u khi. U ma ri egbe e mu mhe gba.”§

¹² Utoghuokpe, Ayemhe oyi Eshineḡba o rue iJesu je ḡdagbe.

¹³ Ḡḡbeḡ eḡbhueva ḡ la oobḡ. Ḡkphaghiḡ, ni ḡ khi oghie ayemhe ebe, ḡ mu ḡli fe. IJesu ḡ nu elamhako la oobḡ, ama igeni eyi Eshineḡba e ri ukpeḡoe e khu ḡli.

Eniye odukhokho eni odode ni iJesu ḡ ze

(iMat 4.12-22; iLuk 4.14-15; 5.1-11)

¹⁴ Abi a roḡ mu iJoni shi owa ighumha se, iJesu ḡ je iGalili ya tse abḡ usomhi onete oyi Eshineḡba.

¹⁵ Ḡḡ lie, “Ḡni eḡheḡhe o she bhale, Eghiele oyi Eshineḡba o she ti mama awa. A mu pfi lase olamhe eye e le, ni a mie oni usomhi onete suḡ.”*

¹⁶ Abi iJesu ḡ roḡe epfepfe oke oniḡmhi oni o khi shi, na lui iGalili kia le, ḡ me iSamḡ ali inyḡghuo ḡli Aduru. Eḡbifeḡe e khi. E pfi aga lo elemhi oni oke, ee gbe ifeḡe.

¹⁷ IJesu oḡ we, “A deba mhe, mhi ya seḡe e abi a ke lie ke ti eḡbo gbili.”

¹⁸ Aghḡaghḡ e ku iga eyewe shi eke, e deba li.

¹⁹ Ḡ ke te aghḡ je odalo deḡe, ḡ gbo me inyḡghuo etuava, iJemhisi ali iJḡni imi iZebedi e la elemhi ḡko-oke oniḡmhi, e zu iga eyewe.

²⁰ Abi iJesu ḡ roḡ leḡe me we, o lu we e deba lue, aghḡaghḡ e pfi itawe ali eḡbo ni e nu we ye shi elemhi ḡko-oke oniḡmhi, e deba li vu.

Ijesu o khu omose ayemhe ebe egbe-
a
(iLuk 4.31-37)

21 Ijesu ali eniye odukhokho eyoli e bhale eoli iKapanomu. Ogbele iyemhe ni o ke deba li, ijesu o dose lo elemhi owa ugamhi, o la agho sese.

22 O ri abo sha egbo ni e ri eso kpe abi o li sese, itobo khi eri o sese egbo abi ogbo ni o lese emini oo sese, osese oyoli o kioda shi oyi eni e sese Ishi eyi iMosisi.†

23 Utoghwo kpe omose ni ayemhe ebe o la egbe, o lo elemhi oni owa ugamhi le. O tsesegbaa! Oo,

24 “Elo wa nono anye egbe, ijesu na iNazareti? Eri u bhale ya pfuse anye-a? Mhi ga lese oni u khi. Oni O pfuase oyi Eshinegba u khi.”

25 Ijesu o dese oni ayemhe obe, oo li, “Guese unu pia, te oli egbe lase le.”

26 Oni ayemhe obe o nighise oni omose, o mu oli pfi gbe. O pfie okokokhue, o rote oni omose egbe ya lase.

27 O ga ri abo sha egbo nya. E mhila egbe we, “Onoghwo na? Osese onogbo ni o mholi ekpabo! Eri o ga nu ayemhe ebe e ngme, e ga suo eso na li.”

28 Aghoaghwo ingme oyi ijesu o gbe eke-a asha kpa eke iGalili.

Ijesu o ri ebubu egbo ze
(iMat 8.14-17; iLuk 4.38-41)

29 Ijesu ali eniye odukhokho eyoli, ghe ijemhisi ali ijoni, e ga rote owa ugamhi fie lasele, e ya je apfe oyi iSamu ali Aduru

30 Ogbo iSamu oni okpotso, o yeshi ghua ughuamhi iba. Ijesu o lese ramhi agho, a gue ingme oyoli ye ijesu.

31 Igho o lo deba li, o mu oli obo, o mu oli ukpho vule. Igho eni iba e lase oli egbe le. O feli we epfese.

32 Elogbomhi elegho khi ovo oo tiemhi eko, egbo e tsua eni ea ze, ali eni iyemhe okphaghiye e yeshe ngme bhale ghi ijesu.

33 Egbo nya ni e la oni eoli e le gba odalo oni owa.

34 Ijesu o ri eni e ghua, ighuamhi khi ighuamhi, ze. O khu ayemhe ebe ebubu egbo egbe a, ama oa ze ni eni ayemhe ebe egho e ngme emhikhoghwo unu lasele, itobo khi e lese oni o khi.

Ijesu o la iGalili tse abo usomhi onete
(iLuk 4.42-44)

35 Ogbie-fiefie ogbeakolo khi obili oa pfo ogbe ne, ijesu o fie lase je ashini o da-ya, o ya so iromhi.

36 ISamu ali apfoli ni e kpole, e vu ya nono oli.

37 Abi e ro me oli, ee oli, “Egbo kpa ee nono e.”

38 Ijesu oo we, “Awa mema ya je eoli oboese, ikhi apfe eni e timama akana, ni mhi li la oobo tse abo, irari khi ona o ze ni mhi ro bhale.”

39 Igho o kia gase eke iGalili nya tse abo. O la owa ugamhi eyewe tse abo. O khu egbo ayemhe ebe egbe ku-a.‡

Ijesu o ri oni efafe e mu ze
(iMat 8.1-4; iLuk 5.12-16)

40 Omose ni efafe e mu o bhale deba ijesu. O wugha li odalo, oo lema li, oo, “Ini o ghole e, u dobe ya remhe ze, u remhe khi oni o pfuase.”

41 Igho elemhi oli, ee ala ijesu, o nise obo-a ti oni omose, oo li, “O ghole mhe, khi oni o pfuase.”

42 Aghoaghwo eni efafe e lase oli egbe le, o ze, o khi oni o pfuase.

43 Ijesu o gueye oli, o ke vu. O lolo tse agua ye oli,

44 oo li, “Khi gue ingme ona ye ogbokhoghwo, ama le ya ri egbe e khase ekpodalo-ugamhi eyi Eshinegba, ni e te okpe ne, ni u luase obo ni iMosisi oo a ke luase, ini a ri ogbo lina ze. Ishegho, ni o khi otsese na we khi u she ze.”§

45 Eri oni omose o ri ochoghwo ngme oli kiakiala gboo, o miatse oni ingme onete ku asha kpa. Itobo ona, ijesu oa ke dobe lo eoli okhoghwo le gboo. Eri o ke la odagbe obini o da-ya. Abi o rie

† 1:22 Li ze iMat 7.28-29 ‡ 1:39 Li ze iMat 4.23; 9.35 § 1:44 Li ze iLev 14.1-32

khi igho, eri egbo nya e kie rote asha kpa e bhale deba li.

2

*Ijesu o ri omose ni o guoghọ-a ze
(iMat 9.1-8; iLuk 5.17-26)*

¹ Ikuku ogbele e dose, ijesu o gbo lo elemhi iKapanomu, eni egbo e suo khi o she bhale apfe.

² Ebubu egbo e le gba ramhi ni ogbo a ke me ashikhoghhuo ni o kpole, ya ramhi olase unu-ode. Ijesu o tse abo oni usomhi ye we.

³ Igho emose aane e tsua omose ni o guoghọ-a adigege shi iya bhale ghi ijesu.

⁴ Abi eni emose ea ro me asha tsua li lole ashini ijesu o la, itobo egbo ni e ghọ bu dose, e nga ukhomhi oni owa rote ashini ijesu o la gbese ekpha-a. Abi e ro gbese oia se, e ri ili ri oni omose tiemhile, abi o kie li yeshi iya.

⁵ Abi ijesu o ro me irudunga oyewe, oo oni omose ni o guoghọ-a, "Omimhe, a she ri olamhe topfa e."

⁶ Ama eni e sese Ishi eyi iMosisi ni e shito akaghọ, e sa o udu oyewe, e lie,

⁷ "Elo o ze ni oni ogbo ona o ro ngme ungmehi onana unu. Eri o pfi unu-a! A li me oni o dobe ya gbe olamhe kua na ogbo? Oa khi Eshinegba lueghuo?"

⁸ Aghoaghọ ijesu o she lese elemhi ayemhe oyoli emini e sa shi elemhi udu oyewe, oo we, "Elo o ze ni a ro sa usamhi onana.

⁹ Onoghuo o kele ne, ni a ro lie oni omose ni o guoghọ-a, 'A ri olamhe topfa e,' abi khi 'Vule, rue iya oye ni u ke kia'?"

¹⁰ Mhi ya ro li khashe e khi Omi Ogbo o mhọli ekpabo elemhi agbo ona ni o ro gbe olamhe kua na ogbo." Igho o gueye oni omose ni o guoghọ-a egho,

¹¹ "Mhie ye u vule, u rue iya oye, u ke je apfe."

¹² Oni omose o vule, o rue iya oyoli, o la akpewe nya kia vu. O ri abo sha egbo kpa. Ee kueghie Eshinegba, e lie, "Anye ea kpe me onana ghue oo!"

*Ijesu o lu iLevi
(iMat 9.9-13; iLuk 5.27-32)*

¹³ Ijesu o gbo je epfe oke oniemi ni o khishi. Ebubu egbo e bhale deba li, o sese we.

¹⁴ Abi o kia le, o me omionoga iLiva omi Afeusi khi o shito okhọlo eyi eni e mie oga. Ijesu oo li, "Deba mhe." Igho o vule deba li.

¹⁵ Abi ijesu o la ayi iLevi le eminale elogbomhi, emionoga ni e bu ali egbo ena olamhe e li nu oli ali eniye odukhokho eyoli le emhi, irari khi egbo ni e bu e deba li.

¹⁶ Abi egbo eni ee sese ishi na lui iFarisi e ro me khi ijesu o nu egbushia ali emionoga e le eminale, e mhila eniye odukhokho eyoli, "Elo o ze ni o ro nu emionoga ali egbushia e le eminale?"

¹⁷ Ijesu o suo onana, oo we, "Egbo ni e ze ea mhu e emini e ri obo e li. Oni oo to, o ye apfe obo. Oa khi eni e pfuase ne mhi bhale ya lu, ama egbushia."

*Omhila ingme azumhi
(iMat 9.14-17; iLuk 5.33-39)*

¹⁸ Eghẹghẹ oghuo eniye odukhokho eyi ijoni Oni oo batazi egbo ali egbo iFarisi ee pfi azumhi. Egbo eghuo e bhale ya mhila ijesu, e oli, "Elo o ze ni eniye odukhokho eyi ijoni ali enayi egbo iFarisi e ro pfi azumhi ni eye ea ro pfi?"

¹⁹ Ijesu o so we o, oo we, "Se epfese eyi omose ni o rue omueshi onogbo e lie ke pfi azumhi ini oni omose o kie nu we shito? Ee me asha pfi azumhi ini o kie nu we shito.

²⁰ Ama eghẹghẹ o ya bhale ni a ro rue oni odọ oni omueshi vu. Eghẹghẹ agho, e ro tigbe ya ke pfi azumhi.

²¹ "Ogbo a ya khi ode onogbo gbela ma ode onodiọ. Ini u ligho, eri oni ode onogbo o ya nyanọ oni ode onodiọ-a. O ke nyanọ-a dose abi o kpe li.

²² Ali khi ogbo oa ya ku onyo onogbo shi akpaba onodiọ. [Ikhi akpaba ni egbo iju e ku onyo shi.] Ini u ligho, eri oni onyo o ya vese oni akpaba-a. Oni onyo ali oni akpaba e ga li opfu-a. Akpaba onogbo a ku onyo onogbo e lo."

*Onomhue oyi ogbele iyemhea
(iMat 12.1-8; iLuk 6.1-5)*

²³ Ogbeleghuo ele iyemhea oyi egbo iJu, iJesu o rote ifui ishemhi iakpa kia dose. Eniye odukhokho eyoli e li nu oli kia. Igho e li be eni iakpa.*

²⁴ Igho iFarisi e mhila iJesu, "Elo o ze khi eniye odukhokho eye ee riele emini a ghue ele iyemhea?"

²⁵ IJesu o so we o, oo, "Aa kpe me oli ze Ebe-no-pfuase emini Oghie iDefidi o riele abi okiamhi o ro gbe oli ali eni e nu oli kia?"

²⁶ Eghẹghẹ ni Abiata o ro khi Okpeda na ekpodalo-ugamhi eyi Eshinegba, ni Oghie iDefidi o ro lo Owa oyi Eshinegba ya rue ibuledi ni a ro ga Eshinegba le, o kholo na eni e nu oli kia le. Ibuledi ona ighie eyi ekpodalo-ugamhi tse, ushi o lama e ke le we."†‡

²⁷ Igho oo we, "Eri a ma ogbele iyemhea na ogbo, aa ma ogbo na ogbele iyemhea."

²⁸ Itobo igho, Omi Ogbo o khi Onomhue, li shi oyi ogbele iyemhea."

3

*Omose ni o ghu obo oghuo-a
(iMat 12.9-14; iLuk 6.6-11)*

¹ Elelese khi iJesu o gbo je owa ugamhi, omose ni obo oyoli oghuo o ghua, o la akaghọ.

² Egbo eghuo e nono ashini e te ya me asha gue ingme shi iJesu egbe. E ri ukpeloe shi oli egbe ini o ya ri ogbo ze ele iyemhea.

³ IJesu oo oni omose ni o ghu obo-a, "Vule migha odalo oyi egbo kpa."

⁴ IJesu o mhila we, "Onoghuo o gbe akanya elemhi ushi oyawa ne ele iyemhea? Ni a ro riele onete abi ni a ro riele onobe? Ni a ro tsumhi agbo oyi ogbo abi ni a ro pfuse oia?" Ama e tsaghi a.

⁵ Igho iJesu o ri elemhi ibibi bino we gase, udu oyoli o yese-a shi udu obe ni e mhue. Oo, "Nomose nise obo-a." O nise oli-a. Igho obo oyoli o gbo li abi o kpe te eke li

* 2:23 Li ze iDeut 23.25 † 2:26 Li ze iLev 24.9 ‡ 2:26 Li ze 1 iSam 21.1-6 * 3:10 Li ze iMak 4.1; iLuk 5.1-3

⁶ Igho egbo iFarisi e fie deba eniye odukhokho eyi Erodu, e ya gba ug-bamhi abi e li ya gbe iJesu-a.

Ebubu egbo e deba iJesu

⁷ Igho iJesu ali eniye odukhokho eyoli e lase we iteva le ya je oke na iGalili. Ebubu egbo e rote iGalili deba iJesu.

⁸ Abi e ro suo emini o riele, ebubu egbo e bhale deba li, rote eke iJudia ali iJerusalemu, ali Idumia ali eke ni o kpe obo na iJodani ali epfepfe iTire ali iSidoni.

⁹ Itobo khi eni egbo e bu dose, iJesu o gueye eniye odukhokho eyoli e nono oko-okẹ oni ikeke ni lolu lo o ini egbo e khi sha mu lue.

¹⁰ Itobo khi o she kpe ri ebubu egbo ze, egbo eni ea ze, e mise egbe ini e me asha ramhi oli egbe ri obo ti oli.*

¹¹ Eghẹghẹ kpa ni egbo ni ayemhe ebe e yese e ngme e ro da me iJesu ne, e de ya yeshi eke odalo oyoli. Ee tse, ee lie, "Omi Eshinegba u khi."

¹² Ama, o tse agua ye eni ayemhe ebe egho e khi gue oni lolu khi le.

*IJesu o ze ighiusomhi na ke ogbava
(iMat 10.1-4; iLuk 6.12-16)*

¹³ IJesu o nga ukhomhi ute, o lu emose ni e ghole oli. E bhale deba li.

¹⁴ O ya ze egbo ogbava ke, o lu we ighiusomhi na ke. O ze we ni e nu lue ke kia, ali ni lue me we ke ghie usomhi fie ke tse abo usomhi onete,

¹⁵ ali ni e gbo mhue ekpabo ni e ro ke khu egbo ayemhe ebe egbe kua.

¹⁶ Ena e khi otuogbava ni o ze. ISamo, oni iJesu o lu iPita.

¹⁷ IJemhisi ali inyoghuo-oli iJoni imi iZebedi (eni iJesu o ri akiseva iBonajisi na. Ni o migha shi Imi Akphala),

¹⁸ Ali Aduru, iFilipu, iBatolomiu, iTomosi, iJemhisi omi Afeusi, ali iTadiusi, iSamo [oni ije-odalo oyi edeli iJu oo ghọ mu egbe.]

¹⁹ Ali iJudasi Isikaroti oni o ri iJesu de.

Ijesu ali iBezebọ
(iMat 12.22-32; iLuk 11.14-23; 12.10)

²⁰ Ijesu ọ nyene egbe je apfe. Igho ebubu egbo e gbo tigbili ramhi khi ijesu ali eniye odukhokho eyoli ẹa me asha, we khi eminale e ya le.

²¹ Abi apfe ọ e ro suọ ona, E nono khi wewe e ya mu oli je apfe. Irari khi eri e lie, “Ujili o she ẹ kpha li.”

²² Eni ẹẹ sese ishi ni e rote iJerusalemu tiemie, e lie, “Ayemhe iBezebọ ni ọ khi Okphaghie o la li egbe yese oli ẹ ngme! Loli ọ khi oghie oyi iyemhe ebe ni ọ ri ekpabo na li ni ọ ro ke khu egbo iyemhe ebe egbe kua.”†

²³ Igho ijesu ọ lu we, ọ ri okhe irokhokho nu we ngme, Oo we, “Se okphaghie ọ lie ke khu okphaghie?”

²⁴ Ini ushishi e kemhi egbe we shi ikui-iku ni e ro nu egbe we ẹ kholi, eri oni ushishi oo de.

²⁵ Ini omhue-apfe o kemhi shi ikui-iku ni e ro nu egbewe ẹ kholi, eri oni omhue-apfe o ya de.

²⁶ Ini okphaghie ọ mu okholi vule shi egboli ọ, ọa ya to, eri ọ ya de, ukpese oyoli o she ramhi.

²⁷ “Ogbo okhoghuo ọa la ọ ni ọ dobe ya lo owa oyi omose-akama ya ti oli itsua eke-a ini ọa kpe mu oni omose-akama ge shi eke. Eghenge agho, ọ tigbe dobe ti oli itsua eke-a.

²⁸ “Egbegbi ingme mhi gueye e, khi, aa me olamhe ni ogbo ọ lamhe ali ungmehi ipfiunu-a ni ogbo ya ngme, ni aa dobe ro ya gbekua na li.

²⁹ Ama onini ọ da ngme ungmehi ipfiunu-a deba Ayemhe-no-pfuase ne, aa ya ro topfa li, irari khi olamhe ona agbogbo ọ pfi obo lo.”‡

³⁰ Itobo khi ẹ oli khi, “O mholi ayemhe ebe,” ọ ro ngme ona.

Inyo ijesu ali inyoghwo oli eni emose
(iMat 12.46-50; iLuk 8.19-21)

³¹ Igho inyo ijesu ali inyoghwo oli ee bhale. E migha oolase. E ghie ogbo ọ ka lu ijesu ghi ewe.

³² Ebubu egbo e shito gase oli. E bhale ya gueye oli khi inyoli ali

inyoghwo oli e la oolase, khi ẹẹ nono ni wewe e me oli.

³³ O mhila we, “Eghuo e khi inyemhe ali Inyoghwo-mhe?”

³⁴ Igho ọ bino eni e shito gase oli, oo, “Enana e khi inyemhe ali Inyoghwo-mhe!”

³⁵ Onini ọ da riefe emini e ghole Eshinegba, ọ khi Inyoghwo-mhe onomose ali onokpotso ali inyemhe.”

4

Okhe irokhokho oyi oni ọ ko ikpamhi emhi

(iMat 13.1-9; iLuk 8.4-8)

¹ Ijesu ọ ke gbo la epfe oke ni o khi shi na iGalili sese. Egbo ni e le gase oli e bu dose ramhi ni ọ ro ya lo elemhi oko-oke shito. Oni oko-oke o la elemhi oni oke. Eni egbo e ke migha egele eseso oni oke.*

² Emhi ebubu ọ ri okhe irokhokho ọ sese we. Oo we.

³ “A ghe i! Oghiale ọ ya la ọ. O fiye ya ko iakpa.

⁴ Abi ọ li kia miatse eni iakpa, ikpamhi eghuo ọ e de kua ode, igbo ipfeli e bhale ya sano we le.

⁵ Eghuo ọ, e de kushi eke ni o khi okpegbhe, ni eke ẹa lolo la. Igho e nyanya ze, e fu, ama oni eke ọa limhi.

⁶ Ama abi ovo o ro to, o tose we a, e khakha, itobo khi ẹa me eke ni o limhi pfi imhili lo.

⁷ Ikpamhi emhi elese e de kulo ifui igba. Igho igba e ze lasele tono eni iakpa abi e ro fu vule. Itobo igbo, ẹa ke dobe ni e fu nyanọ ekhe lasele.

⁸ Ama ikpamhi eghuo, e de shi eke onete. Eni ikpamhemhi e ze, e fu, e nyanọ ekhe lasele. Eghuo ọ, e mhue ikpamhi uye ali igbe, eghuo ọ, e mhue ikpamhi egbhuse, elese e mhue egbhuse.

⁹ Igho ijesu, oo, “Oni ọ mholi eso, ọ suọ.”

Emini o ze ni a ro ze oni okhe irokhokho

(iMat 13.10-17; iLuk 8.9-10)

† 3:22 Li ze iMat 9.34; 10.25 ‡ 3:29 Li ze iLuk 12.10 * 4:1 Li ze iLuk 5.1-3

¹⁰ Abi iJesu lolighuo o ro shito, eniye odukhokho ogbava eyoli ali egboese ni e li suo abi o ro ngme, e bhale deba li, o gueye we emini o ri oni okhe irokhokho ngme.

¹¹ Oo we, "A she ri osheli oyi Eghiele oyi Eshinegba na e. Ama okhe irokhokho a ro gue ungmehi nya ye egboese.

¹² Ni a bhale ya e khi,
 "E kha riye nya alo-a shi eke
 e a tigbe ya me emhikhoghuo,
 ali e kha riye ku eso a shi eke,
 o a ya lo we eso.
 Irari khi ini o a khi igho,
 e dobe me eke, e suo eso,
 e mu pfi deba Eshinegba,
 o ro topfa we."†

Ijesu o guele emini oni okhe irokhokho o ngme (iMat 13.18-23; iLuk 8.11-15)

¹³ Ijesu o mhila we, oo we, "Aa lese emini a ri okhe irokhokho ona ngme? Se a li tigbe ya lese emini a ri okhe irokhokho okhoghuo ngme sho?

¹⁴ Eni iakpa ni oni oghiale o miatse e ku, e migha shi ungmehi oyi Eshinegba.

¹⁵ Eri ikpamhi iakpa ni e de shi ode e li abi egbo eghuo ni e kha da lese suo oni ungmehi ne, Okphaghie o bhale ya rue we lue udu le.

¹⁶ Ikpamhi emhi ni e de shi eke ni o li echeche, e li abi egbo ni e kha da lese suo oni ungmehi ne, e ri udu oghela mie oli.

¹⁷ Ama, o a ya tiemhi we eke elemhi. E a dobe migha tese, itobo khi o a pfi imhili lo eke. Itobo igho, ini omunu o bhale ali ni a ro mu okholi vule shi we o rote oni ungmehi ni e suo, e kele de ode-a.

¹⁸ Ikpamhi emhi ni e de pfilo ifui igba eri e li abi egbo ni e kha suo oni ungmehi,

¹⁹ isamhi ingme agbo ona, ali oghuemhe epfue, ali oghuemhe khi

oghuemhe e lu gueese oni ungmehi-a, ee tonon o li igba, itobo igho o a mo imomhi.

²⁰ Ama ikpamhi emhi ni e de shi eke onete, e li abi egbo ni e suo ungmehi, e mie oli suo, e mo imomhi enete. Eghuo e mhue ikpamhi uye ali igbe, eghuo e mhue egbhuese. Eghuo, e mhue egbhuese.

Akpa ni a ro nga ukhomhi asha (iLuk 8.16-18)

²¹ Ijesu o gbolo e we "Ogbokhoghuo o o ya ri akpa ru lasela, o ya rue atalabi gueese oli mu eke, wekhi eri o ke ya rue oli ya sheli ufui ukpho?‡

²² Emiemini a ro sheli, o ya lasela gbo alo gbugbugbu. Aa me emhi osheli ni aa ya khueghie a.S

²³ Onini o mholi eso, o ri eso shi eke ni o suo."

²⁴ O gbolo e we, "Emiemini u da suo kpa, sa o bie! Emiemini u da ro shi ushi ro gue egboese ezoo, Eshinegba o li ya roli gue e ezoo. Oye o gbo ya ze ne.

²⁵ Oni o kpe mholi ne, a ya gbo ro ma o na li, ama oni o a mholi a ya mie oli ukuku ni o gbo mholi."*

Okhe irokhokho oyi ikpamhi emhi ni oo ze

²⁶ Ijesu o gbolo e, "Abi Eghiele oyi Eshinegba o li na. Eri o li abi ini omose o miatse ikpamhi iakpa kia ku shi eke.

²⁷ Obili o kha bi, o ya lese a, ogbe o kha gbe o guale, ama emhi ikpamhi emhi ee ze lasela, ee fu vule. Ama o a ya lese abi o li kia.

²⁸ Eke lolighuo o lese abi o li ri emhi ekomhi ee bie. Oni odode, o kha ze ukhuli, o ke fu vule, o nyanoo ifele, o ya ri umomhi lasela.

²⁹ Eni iakpa e kha da bie ne, oni o gua we o rue agaga ya gbe we, itobo khi eghemhe ikhiese o ramhi."†

Okhe irokhokho oyi ukpamhi oora imositadi (iMat 13.31-32,34; iLuk 13.18-19)

† 4:12 Li ze Aza 6.9,10 ‡ 4:21 Li ze iMat 5.15; iLuk 11.33 § 4:22 Li ze iMat 10.26; iLuk 12.2 * 4:25 Li ze iMat 13.12; 25.29; iLuk 19.26 † 4:29 Li ze iJof 3.13

30 Ijesu o gbolo e we, “Elo awa mema ri Eghiele oyi Eshinegba ya khokho? Okhe irokhokho onoghwo awa mema ya ze roli lo egbo eso egbo o?”

31 Eri o li abi ukpamhi oara imositadi ni ukpamhi o li o she ne nya agbo ona, ni ogbo o ro ko eke.

32 Ini a roli ko, o ze, o fu vule, o mele unyano ni o fune a shi ishemhi, ni o mholi iguabo eniemhi, ni ipfeli e bhale ya ku eko shi.”

33 Okhe irokhokho enana ijesu o ro nu we ngme oni ungmehi, ramhi ashini o lo we eso ramhi.

34 Aa me ungmehi ni o nu we ngme, ni o ri okhe irokhokho nu we ngme. Ama ini o de te o li ali eniye odukhokho eyoli, o ro ri emini o nu we ngme nya a lo we eso.

*Ijesu o pfomhise akpekpeli
(iMat 8.23-27; iLuk 8.22-25)*

35 Ele ogbomhi elegho, ijesu o eniye odukhokho eyoli, “Awa da je ukiekie oke obini o kpole.”

36 Igho e ze egbo ni e legba obo shi agho, eni eniye odukhokho e ya lo elemhi oko-oke oni ikeke ni ijesu o she lo shito. E gua li vu. Oko-oke elese e li deba we vu.

37 Utoghuokpe, akpekpeli oniemhi oo li, oo zughuse oni oke, ni ameh e fiase kulo elemhi oni oko-oke, ramhi ni o ro vo ameh. Ukuku o kpole ni o ro kulu.

38 Ijesu o la ukhokho oni oko-oke oniemhi, o lese-a ri ukhomhi nga akpesukhomhi. Igho eniye odukhokho eyoli e guise o li le. E o li, “Osese, wa bie ga lie ini awa ghoghua?”

39 Igho ijesu o ti vule, o dese oni akpekpeli, o li, “Li tsuke.” Igho oni akpekpeli o pfomhe te. Asha kpa o pfomhe tsuke.

40 Igho ijesu o eniye odukhokho eyoli, “Elo o ze ni a ro ligho o na ulishi. Eri aa kie mholi irudunga?”

41 Ulishi oo mu we, e mhila egbe we, “Oghwo ona o khi? Ghe akpekpeli ali izughuse oke e ga suo eso a na li.”

5

Ijesu o ri omose ni ayemhe ebe o la egbe ze

(iMat 8.28-34; iLuk 8.26-39)

1 Ijesu ali eniye odukhokho eyoli e da oke iGalili je ukiekie eke iGerasenesi.

2 Abi ijesu o lese rote elemhi oko-oke lasese, omose ni o mholi ayemhe ebe, o rote atalimhi ni o la agho bhale deba ijesu.

3 Ifui atalimhi oni omose o o la. Ogbokhoghuo o ke dobe ri iweghe ge o li.

4 Eghoghe kpa, a ro ri iweghe ge o li abo ali awe, ama eri o o kphuru we a, o taghie we a, o shashe we a. Ogbokhoghuo o dobe mu o li.

5 Nobi-nogbe o ro la ifui atalimhi ali ikhomhi ite dudu gase. O o pfi okokokhue. O ri eche fianogbe o li.

6 Abi o lese ta pfia me ijesu te, o na bhale ya wugha li odalo.

7 O tse se leghe, o o, “Ijesu Omi Eshinegba ni o Yagha Ne Nyaa, elo wa nono mhe egbe? Mhi ri Eshinegba lema e khi na mhe osoli!”

8 Itobo emini o ro ngme na khi, ijesu o she kpe gueye o li, “Yeye ayemhe obe, lase oni omose ona egbe le.”

9 Igho ijesu o mhila li, “Se a lui eva oye?” O o, “Eva oyemhe o khi Olele egbo, itobo khi anye bu gba.”

10 O gbo lema ijesu o kpekpe, o khi khu ewe oni eke ya lase.

11 Igulu ni e bububu e la epfe ute ni o la agho le eminale.

12 Eni ayemhe e lema ijesu, “Khu anye ya lo igulu egho, ze ni anye ya lo we egbe.”

13 Ijesu o ri eghoghe na we, e ka lo eni igulu egbe. Igho e rote oni omose egbe lasese e ya lo eni igulu egbe. Eni igulu ni e ramhi agbele eva, e rote egele na ya kulo oni oke, e ghuloa nya.

14 Eni e ri ukpelo e khu eni igulu e na je ifui apfe ali eoli nya ni e la oni eke ya guele emini a me. Igho egbo e bhale ya bino emini a me.

15 Abi eni ẹgbọ e rọ bhale deba iJesu, e me ọni ọmọse ni ayemhe ebe ni e bu e kpe la egbe, khi ọ shito agho, ọ ri itsua so, ẹgbhali eyoli e she gba na li. Ulishi oo mu we.

16 Eni e me emini a me e gueye ẹgbọ emini ọni ọmọse ni ayemhe obe e la egbe ọ me egbe ali emini e li eni igulu.

17 Igho, e gueye iJesu ọ lase wewe eke le.

18 Abi iJesu ọ lo elemhi oko-okẹ oniemi khi ọọ ke vu, ọni ọmọse ni ayemhe ebe e kpe la egbe, ọ lema iJesu ọ ze ni loli deba li vu.

19 Ama iJesu ọa lama na li. Ọ ri ochoghọ lie ọli, “Ke je apfe ni u ya gueye ẹgbọ ena unuekpe oye emini Onomhue ọ riele ne, ali abi ọ li le elemhi e.”

20 Igho ọni ọmọse ọ lui ifui ẹoli igbe ododa ena eke iDikapolisi. Ọ kia gueye ẹgbọ abi iJesu ọ li riele na lue. Ọ ri abo sha ẹgbọ nya.

Omueshi ni ọ ghu-a ali ọkpotoso ni ọlia ee ku egbe

(iMat 9.18-26; iLuk 8.40-56)

21 Abi iJesu ọ rọ gbo nyene egbe da je ukiekie oke obini o kpole, ẹgbọ e le gasẹ ọli.

22 Ọmọse ọghuo ni a lu iJarosi, ni ọ khi otuoghuo eni e mhesẹ shi owa ugamhi, ọ bhale akaghọ. Abi ọọ me iJesu te, ọ de ya wugha li odalo.

23 Ọ mema lolo lema li, ọọ li, “Omimhe ọni ọmueshi ọ ma ghua gba memena, kpekpe bhale ya ri obọ ti ọ li egbe ni ọ ze, ini ọ khi ghua.”

24 Igho iJesu ọ deba li vu.

Igho ebubu ẹgbọ e deba li e ve mu ọli.

25 Ọkpotoso ọghuo ọ la agho ni ọ she ku ọlia ishito egbe ramhi ikpe igbeva.

26 Ọ she me osoli obọ oyi ebubu ẹgbọ abi ọ rọ kia dua oni ughuamhi. Ọ she ri epfue eyoli nya dua ọ, ama ọa pfo, oo ga kholo ọli egbe.

27 Abi ọ rọ suo ingme oyi iJesu, igho ọ te ifuabo oyi ẹgbọ ri obọ ti ọli awulu ni ọ so.

28 Ọ rọ li shi udu khi, “Ini mhi da me asha ri obọ ti ọli awulu ne, mhi ya ze.”

29 Abi ọ ri obọ ti ọli awulu te, eni ọlia ni e ku ọli egbe, e khakha utoghuo kpe. Aghoaghọ ọ lese khi emini o yese lue e ngme, khi o pfo.

30 Aghoaghọ, iJesu ọ lese khi itoto o she rọte lue egbe ya lase. Igho ọ migha, ọ mu egbe pfi iteva ẹgbọ ni e sha mu ọ. Ọ mhila we, ọọ. “Ọghuo ọ ri obọ ti mhe awulu?”

31 Eniye odukhokho eyoli ẹẹ ọli, u ga me abi ẹgbọ e lie ve mu e, u kiele e mhila, “Ọghuo ọ ri obọ ti mhe?”

32 Ama, iJesu ọ kie bino gasẹ ini ọ me ọni ọ ri obọ ti ọ.

33 Abi ọni ọkpotoso ọ rọ me abi o ke li ọli egbe, ọ bhale odalo oyi iJesu ya wugha, ulishi o mema mu ọli, ọ gue igesikia le abi o ga li kia nya.

34 IJesu ọọ ọni ọkpotoso, “Omi mhe, irudunga oye o she mie e pfuese. Ri opfomhe ke je, anasemhe oye o she pfo.”

35 Abi iJesu ọ kie li ngme, emose eghuo, e rọte owa oyi iJarosi bhale. Eẹ iJarosi, “Omi e ọ she ghua, khi ke yese Osese ngme.”

36 IJesu ọa fe ri esọ shi emini e ngme, ọọ ọni ọmọse “Khi ze ni ulishi o mu e, ama lese mhọli irudunga.”

37 Ọa ze ni ogbokhoghuo ọ deba li se ni iPita, ali iJemhisi ali iJoni inyoghuo iJemhisi.

38 Abi e rọ bhale owa oyi iJarosi, iJesu ọ me abi ẹgbọ e li i kpe okeke, ni e li i vie gbii.

39 Igho, ọ lo elemhi oni owa, ọọ, “Elo o pfi onyaghu onana? Elo o re e vie? Oni ọmọ ọa ghu, eri ọ lese a.”

40 Ama eni ẹgbọ e gia li. Abi ọ rọ khu we fie se, ọ rue ita ali inyo ọni ọmueshi ali eniye odukhokho otuase egho mhue obọ je ashini ọni ọmọ ọ yeshi.

41 IJesu ọ mu ọli obọ, ọọ ọni ọmueshi, “Talita kumi.” Emini a ri ona ngme khi, “Onomueshi, mhi ye u vule.”

42 Utoghuo kpe, ọni ọmueshi ọ vule, ọ kia gasẹ. [Ọmọ ikpe igbeva ọ khi.] Abi a rọ me ona, o ri abo sha we.

⁴³ Ama iJesu o lolo tsē agua yē wē e khi gueyē oghokhoghuo. Oō wē, “A ri emhi na li le.”

6

A ri ukpelōe gbe iJesu obini iN-azareti

(iMat 13.53-58; iLuk 4.16-30)

¹ IJesu o rōte aghō vu jē ɛoli oyoli, eniyē odukhokho eyoli e deba li.

² Ogbel̄e iyemh̄ea oyi ɛgb̄o iJu o ramhi, ɔ̄ɔ̄ sēsē elemhi owa ugamhi. O ri abō sha ebubu ɛgb̄o eni e ri es̄o shi ɔ̄li ɔ̄.

E mhila egbe, “Obō ɔ̄ni ɔ̄mosē ɔ̄na o rōte mē eni emhi enana? Ilesingme nabi onoghuo na ni a rō na li, ni ɔ̄ gbo rō gbe ikanya ɔ̄nyaloo?”

³ ɔ̄na ɔ̄a she khi ikapita, omi iMeli, ni ɔ̄ gbo khi inyogh̄uo iJemhisi ali iJosisi ali iJudasi ali iSam̄o? Ena ɛa khi inyogh̄uo ɔ̄li eni imueshi, ni e ga li nu awa la akana enana?” O ri elemhi bi wē.

⁴ Ama iJesu ɔ̄ɔ̄, “Ashakpa a la mu ekpē na ɔ̄mek̄eguele, sē ni apfē oyoli ali unuekp̄e oyoli aa la mu ekpē na li.”*

⁵ ɔ̄a dobē la akagh̄o gbe akanya ɔ̄nyaloo okhoghuo, sē ni ikuku ɛgb̄o ni ɛa ze ni ɔ̄ rō ze abi ɔ̄ rō ri ob̄o ti wē.

⁶ Umha-mh̄oli irudunga oyewē o ri abō sha iJesu.

Igh̄o iJesu o kia rōte ɛoli jē ɛoli sēsē eni ɛgb̄o.

IJesu o ghie eniyē odukhokho otuogbava fie

(iMat 10.5-15; iLuk 9.1-6)

⁷ ɔ̄ lu eniyē odukhokho etuogbava eyoli tigbili, ɔ̄ ghie wē ava-ava fie, ɔ̄ ri ekpab̄o na wē ni e rō̄ mh̄uē itoto rō̄ khu ayemh̄e ebe.

⁸ ɔ̄ gueyē wē, “Ini a lē, a lēsē rue orokp̄o mh̄uē ob̄o, a khi tsua eminale, wēkhi akpaba ni a pfi ɛ̄ s̄o, wēkhi ukpagh̄o.

⁹ A s̄o ekūe, ama a khi tsua awulu olesē ma oni a rō̄ s̄o.

¹⁰ ɔ̄ gbolo ɛ̄ wē, a kha da lo apfē okhoghuo le ni e rō̄ da mie ɛ̄, a la

akagh̄o ramhi ni a rō̄ ya rō̄te oni ɛoli vu.

¹¹ Ini o khia khi a bhale ɛoli okhoghuo khi eni ɛgb̄o ɛa mie ɛ̄, ni ɛa rō̄ gbo ri es̄o shi emini a ngme, a rō̄te agh̄o vu. A kpē abō ɔ̄-a na wē, a rō̄te agh̄o vu. Eri ona o ya khi ɔ̄tsel̄e shi wē egbe.”†‡

¹² Igh̄o e fiē ya tsē abō gas̄e, e liē ɛgb̄o e rō̄te olamh̄e oyewē mu pfi.

¹³ E khu ebubu ɛgb̄o ayemh̄e ebe egbe-a, e ri oili to eni ɛ̄ē ghua ebubu egbe, e r̄ewē ze.§

Eghuli oyi iJoni Oni ɔ̄ɔ̄ batazi

(iMat 14.1-12; iLuk 9.7-9)

¹⁴ Egh̄egh̄e ana, oghie Erōdu o li suō eko eni ingme ena nya, itob̄o khi eva oyi iJesu o she gas̄e asha kpa. Egb̄o eghuo e liē khi iJoni Oni ɔ̄ɔ̄ batazi lō ni ɔ̄ nyenē egbe bhale agb̄o, lōli o zē ni ɔ̄ rō̄ ligh̄o mh̄oli ekpab̄o rō̄ gbe ikanya ɔ̄nyaloo.

¹⁵ Egb̄o eghuo e liē khi, “Elaja Omekēguele ɔ̄ khi.” Elesē ɛ̄ khi, “Omekēguele nabi emekēguele ena ɛ̄lelē ɔ̄ khi.”*

¹⁶ Ama abi Erōdu o rō̄ suō ona, ɔ̄ kē, “iJoni, ni mhi khi ukhomhi ɔ̄, a rō̄te eghuli guise le!”

¹⁷ Itob̄o khi Erōdu ɔ̄ɔ̄ ke mh̄esē a mu iJoni gē pfilo owa ighumha. Ini egbe e ba mu Erōdiasi. Eri Erōdu o mie iFilipu inyogh̄uo ɔ̄li Erōdiasi.

¹⁸ Egh̄egh̄e kpa iJoni o rō̄ gueyē Erōdu khi, ɔ̄a ti ni ɔ̄ rue ughuē inyogh̄uo ɔ̄li shi.†

¹⁹ Itob̄o ona, ɔ̄ni Erōdiasi ɔ̄ɔ̄ biselemhi iJoni, ɔ̄ɔ̄ nono odē ni ɔ̄ te ya gbe ɔ̄li-a, ama ɔ̄a dobē.

²⁰ A gbo bhale ya ɛ̄ khi Erōdu ɔ̄ɔ̄ na ulishi iJoni itob̄o khi ɔ̄ lēsē khi iJoni khi ɔ̄gb̄o onete ali ɔ̄gb̄o ɔ̄ ni ɔ̄ pfuasē ɔ̄ khi. ɔ̄ ri irarigh̄o ri ukpelōe ɛ̄ khu ɔ̄li. ɔ̄ ma nono ni lōli ri es̄o ke shi ungmehi oyi iJoni, ini o ri rīe khia khi ingmemhi eyoli e ma yesē ɔ̄li udu-a egh̄egh̄e kpa ni ɔ̄ rō̄ suō li.

²¹ Ikpukhokho ɔ̄, Erōdiasi ɔ̄ mē ashini ni ɔ̄ te ya mu ota s̄o iJoni. Igh̄o

* 6:4 Li zē iJon 4.44 † 6:11 Li zē Ika 13.51 ‡ 6:11 Li zē iLuk 10.4-11 § 6:13 Li zē iJem 5.14 * 6:15 Li zē iMat 16.14; iMak 8.28; iLuk 9.19 † 6:18 Li zē iLuk 3.19-20

ẹlẹghuo ni o ikhi ogbele ni Erodu o ro mholi ukue ni o ro yelele ogbele ni a ro bia li le. O ya luno idenomo eyoli ali egbo eni mu eloe ali egbo igometi ali eni ee gbe ikanya igometi ni e la eke iJudia shi oni ukue.

²² Abi omọ omueshi omi Erodiasi o ro fiẹ lasele gbe ishimhi, o mema ti Erodu ali egbo eni e bhale ya bino oli eloe.

Igho oni oghie oo oni omueshi, “Mhila mhe emiemini o ga ghole e, mhi ya roli ne.”

²³ O romhi isheli khase oni omueshi, “Emiemini u mhila, mhi ya roli ne, o kha rie khi agbekhi-eva eghiele oyemhe.”

²⁴ Igho oni omueshi o fiẹ ya mhila inyọ li, “Elo mhi ya mhila?”

Inyoli oo li, “Ukhomhi oyi iJoni Oni oo batazi egbo wa mhila.”

²⁵ Aghoaghọ oni omueshi o nyanya na ya lo deba oghie, o mhila li, “Ukhomhi oyi iJoni Oni oo batazi egbo mhia nono ni u khi shi ukpeko na mhe memena.”

²⁶ Udu o tode yese oghie a. Ama itobo ekha ni o tse ukpeloe oyi epfese ni o lu shi oni ukue, o ke dobe ti da oni ekha.

²⁷ Aghoaghọ o ghie eni ee gbolo egbo-a e ka pfa iJoni ukhomhi o bhale. Eni emose e je owa ighumha ya khi iJoni ukhomhi o.

²⁸ E rue oli shi ukpeko bhe. Igho oghie o kpha li na oni omueshi. Oni omueshi o kpha li na inyọ li.

²⁹ Abi eniye odukhokho eyi iJoni e ro suo ona, e bhale ya tsua etuli oyoli ya ro to.

Ijesu o ri eminale na egbo agbele ishe le

(iMat 14.13-21; iLuk 9.10-17; iJon 6.1-14)

³⁰ Eni ighiusomhi na kee e jele, e le gasẹ oli, e gueye oli emini e riẹle ali emini e sese nya.

³¹ Igho, itobo ebubu egbo, ni ee bhale ni ee vu, ijesu ali eniye odukhokho eyoli ea me asha le eminale. Ijesu oo we, “A bhale ni awa

je ashini awa-eghuo tse awa ya la, ni a yemhe-a ukuku o.”

³² Igho weweghuo tse ee lo oko-oke oniemi ya je ashini o da-ya.

³³ Ama ebubu egbo ni e me we abi e ro vu, e lese khi wewe lo. Igho eni egbo e rote eoli nya ri awe na ya ralo ashini ijesu ali eniye odukhokho eyoli e je.

³⁴ Abi ijesu o ro ramhi agho, o me abi eni egbo e bu, elemhi we e lala li. Itobo khi eri e li abi isumha ni ea mholi oni o re we e kia. Igho o li sese we emhi ebubu.‡

³⁵ Eghẹghe ana, ogbe o she vu. Igho eniye odukhokho eyi ijesu e bhale deba li, e ke oli, “Aborokhia khi oola oo nuata shi apfe ena, ni eghẹghe o ro she vu dose ena,

³⁶ waa ke gueye eni egbo ena e kia je ifui apfe ya nono emhi de le.”

³⁷ Ama, ijesu oo we, “A ri emhi na we le.”

E mhila li, “Ifata eyi ogbele elele eyi ogbo e ya lo ni a ro de ibuledi ghi we le?”

³⁸ Igho ijesu o mhila we, “Iruli ibuledi ingme a mholi shi agho? A ka bino ghue.”

Abi e ro bino se, e oli, “Iruli we ishe ali ifele aava.”

³⁹ Igho ijesu oo we e riẹle eni egbo shito ikui-iku, ukhomhi ebuli.

⁴⁰ E shito ikui-iku, egbo egbhueshi-she ali egbhue-eveva ali ogbogbe.

⁴¹ Igho ijesu oo rue eni ibuledi ishe ali ifele aava egho, o bino idane, o tse Eshinegba uwegbe. O gbe eni ibuledi khia, o ro na eniye odukhokho eyoli e ke kemhi na egbo. O gbo kemhi eni ifele aava na we nya.

⁴² Ogbokpa o le, o khue.

⁴³ Iku we ni eniye odukhokho eyoli e sano eke, e vo ighughu igbeva.

⁴⁴ Emose agbele ishe, e le eni eminale.

Ijesu o kia ukhomhi oke

(iMat 14.22-23; iJon 6.15-21)

⁴⁵ Aghoaghọ o ri omọ odukhokho eyoli lo oko-oke oniemi, e ka ralo iBetisaida ya migha khe lue ukiekie

‡ 6:34 Li ze iNoba 27.17; 1 Ighie 22.17; 2 Okhe 18.16; Ezik 34.5; iMat 9.36

obinokpòle. Ighò ọ gueyẹ oni ukpokpomhi ebubu ẹgbọ e ke je apfẹ.

⁴⁶ Abi ọ rọ tşẹ wẹ okhila se nya, ọ nga ukhomhi ute ya sọ iromhi.

⁴⁷ Ogbomhi ò mu eke, oni oko-okẹ oniemihi o kia ramhi iteva oni oke, o ke kpe iJesu lolighuo tşẹ le shi eke.

⁴⁸ Ọ mẹ khi akpekpeli óó nase eniye odukhokho eyọli. O ramhi itsotso ogbiẹ, iteteva elemhi agogo esẹ ali agogo esesa, ọọ kia ukhomhi oni oke lẹ deba wẹ. Ọ she kia ya dọşẹ wẹ.

⁴⁹ Ama abi e mẹ iJesu khi ọọ kia ukhomhi amẹ, e dabi khi ayemhẹ olimhi lọ, e tşesẹ leghe.

⁵⁰ Itobọ khi eri wẹwẹ nya e yila abi e rọ mẹ ọli.

Aghoaghọ ọ nu wẹ ngme, ọọ wẹ, “A mhọli udu! Mhẹmhẹ lọ! A khi ke na ulishi.”

⁵¹ Ọ lo elemhi oko-okẹ oniemihi deba wẹ, oni akpekpeli o pfohmẹ. O ri abọ sha eni eniye odukhokho,

⁵² itobọ khi ẹa kie dobe lẹşẹ udi ingme eminale ni ọ kpe rọ na ẹgbọ agbele ishe le; a toto wẹ udu.

Ijesu ọ la iGenesareti ri ẹgbọ ze (iMat 14.34-36)

⁵³ Abi e rọ da oni oke se, e lasese shi iGenesareti, e mu oni oko-okẹ oniemihi zu aghọ.

⁵⁴ Abi e lẹşẹ rọte oko-okẹ oniemihi tiemhie, ẹgbọ e she lẹşẹ khi iJesu lọ.

⁵⁵ Ighọ eni ẹgbọ e nyanya kia gase oni eke nya, ashiashini e da suọ khi ọ da la ne, e tsua eni ẹẹ ghua shi iya bhale aghọ.

⁵⁶ Obiobini iJesu ọ da je ne, o ke khi ẹoli ni e gbẹdi, o ke khi enikeke o, ghe ifui ishemhi o, eri ee tsua eni ẹẹ ghua bhale agbagbajighana atuoki. E lema iJesu ọ lẹşẹ zẹ ni eni ẹẹ ghua e ri obọ ti ọ esọ awulu ni ọ rọ sọ tşẹ. Eni e da ri obọ ti ọli nya e ze.

7

Oşesẹ oyi ipfuase ni o te ekelemhi lasese (iMat 15.1-9)

¹ IFarisi ali esesẹ Ishi eyi iMosisi eghuo ni e rọte iJerusalemu bhale, e le gase iJesu.

² E mẹ khi eniye odukhokho eyọli eghuo e ri abọ ni ẹa pfuase ni aa kpe-a a le eminale. [Emini a ri ona ngme khi ẹa kpe abọ-a abi ẹgbọ iFarisi ẹẹ a ke li.]

³ Irari khi iFarisi ali ẹgbọ iJu eni e kpọle nya ẹa ya le eminale ini ẹa li kpe abọ-a. Abi ititawẹ e şesẹ wẹ na, ni e rọ gbe akanya.

⁴ Ini e rọte oki jele khi ẹa li kpe egbe a, ẹa ya le eminale. E gbo mhọli ighuighuẹ ebubu elese ni e gbolo ẹ ghue, Ighuighuẹ abi a liẹ kpe iko, ekhe, itasa ali igege-a.

⁵ Irarighọ, eni iFarisi ali esesẹ Ishi eyi iMosisi e mhila iJesu, “Elo o zẹ khi eniye odukhokho eye ẹa ri ishi ni itita awa e rọ shi eke gbe akanya, ni e rọ ri abọ eni ẹa pfuase ẹ le eminale?”

⁶ Ijesu ọọ wẹ, “Igesikia Azaya ọ ngme abi ọ rọ ngme ungmehi oyi Eshinegba ni o gọ lu ẹẹ ni a di egbe ẹ. Oni a keke shi eke khi,

“ ‘Ungmemhi unu

ẹgbọ ena e rọ ri ekpe ẹ na mhe, ama udu oyewẹ o nuata shi mhe ọ.

⁷ Ugamhi afue ẹẹ ga mhe, ushi eni ẹgbọ e rọ shi eke, ẹẹ şesẹ ẹgbọ.*

⁸ A she pfi ishi eyi Eshinegba shi eke, a ri osesẹ eyi ẹgbọ ẹ gbe akanya.”

⁹ Ọ gbolo ẹ wẹ, “A ga lẹşẹ ode ni a te ri ishi eyi Eshinegba shi ukhokho obọ, ini a ba mẹ asha ri osesẹ eye ẹ gbe akanya.

¹⁰ Itobọ khi iMosisi ọọ liẹ, ‘Mu ekpe na itẹ ali inye.’ Ọ gbolo ẹ, ‘Onini ọ da ku itşẹ ni itali okekhi inyọli ne, a gbe ọlia.†

¹¹⁻¹² Ama ẹẹ a şesẹ ẹgbọ khi ini ọgbọ ọ gueyẹ itali okekhi inyọli, khi emini lọli kha kpe rọ kpaghie itali ali inyọli obọ khi Ikobani o ke khi, khi ọa mhue abi o ngme. Khi ushi ọa mu ọli ini ọa ke ririye ri emhikhoghuo na itali ali

* **7:7** Li zẹ Aza 29.13 † **7:10** Li zẹ Okiali 20.12; iDeut 5.16; Okiali 21.17; iLev 20.9

inyo li. (Emini a rọ somhi Ẹshinẹgba opfa se, áá lui Ikobani).

¹³ Eri a ri osẹsẹ ona a shishi ungmehi oyi Ẹshinẹgba ekẹ a. A gbo mhọli emhi elese eghoghọ ebubu ni a gbolo ẹ riẹle.”

Emini e ri ogbo khi oni ọa pfuase
(iMat 15.10-20)

¹⁴ Ijesu ọ gbo lu eni ebubu ẹgbo gbili, ọọ wẹ, “A ku esọ a shi mhẹ ọ, ni ona o lo ẹ esọ.

¹⁵ Emhikhoghuo ọa la ọ ni ogbo le, ni o ri ogbo khi ọna umha pfuase. Sẹ ni emini o rọte ogbo ekelemhi lasese, o ri ogbo ọ khi oni ọa pfuase odalo oyi Ẹshinẹgba.”

¹⁶ [Oni ọ mhọli esọ, ọ rọ suọ.]

¹⁷ Abi ijesu ọ rọ pfi eni ebubu ẹgbo shi aghọ ni ọ rọ ya lo owa se, eniye odukhokho eyọli e bhale deba li, e mhila li emini oni ungmehi o ngme.

¹⁸ O mhila wẹ, “Aa kie lẹsẹ udi emini mhia ngme? Ọa kie lo ẹ esọ khi emhikhoghuo ni o rọte odato lo ogbo elemhi khi ọa ya ri ọli khi oni ọa pfuase odalo oyi Ẹshinẹgba?”

¹⁹ Irari khi oni emhi ọa ya je ọli udu, ama ekẹ elemhi ọọ tiemhi, o gbo rọte idiegbe ya fiẹ lase.” Eri ijesu ọ ri ona guele khi eminale ni a le nya, khi e ti.

²⁰ Ijesu ọ gbo liẹ. “Emini o rọte ogbo ekelemhi udu lasese, o ri ogbo ọ khi ọna umha-pfuase.

²¹ Itobo khi rọte ekelemhi udu oyi ogbo, isamhi ebe e rọte ẹ lasese, enabi, itsebọ, ighiato, ogbo ugbeli, okia,

²² emhi ituegbe, ọbe imumu, ikpamhika, efiala, ubogbo, iyese-egbe eva a, umha-mhọli ekpe, iditsea.

²³ Ekelemhi udu eni ingeli ena nya e rọte ẹ lasese ni e ri ogbo ọ khi ọna umha-pfuase odalo oyi Ẹshinẹgba.”

Imiesuọ oyi ọkpotoso ọghuo
(iMat 15.21-28)

²⁴ Ighọ ijesu ọ rọte aghọ vu, ọ je ukiẹkiẹ ekẹ iTai. O lo owa oghuo, ọa nono ni ogbokhoghuo ọ lẹsẹ khi lọli la akaghọ. Ama ọa dobe ri egbe ọli sheli.

²⁵ Abi ọkpotoso ọghuo ni ayemhẹ ebe o la omi ọli oni ọmueshi egbe, ọ rọ

suọ eko ijesu, ọ nyanya bhale ya de wugha li odalo.

²⁶ Oni ijeṭa oni ọkpotoso ọ khi, a bia li shi ekẹ iFonisha ni o la iSiria. O lema ijesu ọ khu oni ayemhẹ ebe omi ọli egbe a.

²⁷ Ijesu ọọ li, “Zẹ ni eniye e kpẹ le eminale ne, ọa ti ni eminale ni a kha rọ na eniye le, ni a pfi ọli ghi ewa.”

²⁸ Oni ọkpotoso ọọ, “Gueguegue Onomhue! Ama ewa e kiele la ifui itebu ẹ sanọ eminale ni eniye kesẹ le le.”

²⁹ Ijesu ọọ ọli, “Itobo oni ungmehi ni u rọ sọ mhẹ ọ ena, ke je, u ya bhale ya ẹ khi oni ayemhẹ ebe, o she rọte omi ẹ egbe ya lase.”

³⁰ Ighọ, ọli je apfẹ, ọ ya ẹ khi omi ọli o yeshi ukpho khi oni ayemhẹ ebe o she rọte ọli egbe vu.

Ijesu ọ ri ungmehi ni ọ gbo lesọ ze

³¹ Ighọ ijesu ọ rọte ukiẹkiẹ obini iTai vu, ọ rọte iSidoni ya tiemhi okẹ iGalili, ọ je ekẹ iDikapolisi

³² Oobo ẹgbo eghuo e la tsua ọmọse oghuo ni ọ khi ọlesọ, ni ọ gbo khi ungmehi, bhale ghi ijesu. E lema li ọ kpẹkpẹ ọ lẹsẹ ri obo nga li egbe.

³³ Ighọ ijesu ọ rue lolighuo fiẹ iteva oyi eni ebubu ẹgbo, ọ ri imiesabọ shi oni ọmọse esọ, ọ to etẹ, ọ ri obo ti oni ọmọse ẹlemhi.

³⁴ Ighọ ijesu ọ bino idane, ọ tu ekperumhẹ-a, ọọ oni ọmọse “Efata!” Emini a ri ona ngme khi, “Khueghie-a!”

³⁵ Utoghuo kpe esọ eyi oni ọmọse e khueghie a, ẹlemhi oyọli o taghiẹ-a, ọ ngme lasese gboo.

³⁶ Ighọ ijesu ọ tse agua yẹ wẹ e khi gueyẹ ogbokhoghuo. Ama abi ọ dobe tse agua yẹ wẹ kpa, ighọ e dobe ngme oni ingme.

³⁷ O ri abọ sha ẹgbo eni e suọ nya. E liẹ, “O ma guẹ riẹle emhikpa,” e gbo liẹ, “O ri eni e le esọ ọ suọ esọ, ọ khueghie ingmenu unu a, ẹẹ ngme.”

8

*Ijesu ọ ri eminale na ẹgbo agbele
asha ene le*
(iMat 15.32-39)

¹ Oa rọte agho tẹse ni ebubu egbo elese e rọ legba. Abi eni egbo ẹa rọ me emhi le, iJesu o lu eniyẹ odukhokho eyọli, ọọ wẹ,

² “Elemhi egbo ena ẹẹ ala mhẹ, ò she gba ẹle esẹ ni e te nu mhẹ la ana ni ẹa te me emhikhoghuo le.

³ Ini mhiẹ e ri okiamhi ke je apfe mena, ubi o ya rue wẹ shi ode, itobo khi eghuo o, e rọte odonuẹ bhale.”

⁴ Eniyẹ odukhokho eyọli e mhila li, “Obo u sa khi a te ya me eminale ni e bu ifu odagbe ona, ni e ya khuese egbo ena nya?”

⁵ IJesu o mhila wẹ, “Ibulẹdi ingme a mhọli?”

Ẹ ọli “Ishilua.”

⁶ O gueye eni ebubu egbo e shito eke. Igho o rue eni ibulẹdi ishilua egho, o kphemhi na Eshinegba, o khi wẹ-a, o rue wẹ na eniyẹ odukhokho eyọli e ke kemhi wẹ na eni egbo. Igho eniyẹ odukhokho eyọli e li kemhi na wẹ.

⁷ E gbo mhọli ikuku imi ifele shi agho. O gbo kphemhi na Eshinegba shi o. O rewe na eniyẹ odukhokho eyọli e gbo li kemhi wẹ.

⁸ Eni egbo e le, e khue. E le se, eni eniyẹ odukhokho e sanọ iku wẹ ni e le kpole vọ ighughu ishilua.

⁹ Egbo agbele asha ene e khi. IJesu oọ eni egbo e ke je.

¹⁰ Lọli ali eniyẹ odukhokho eyọli e lo oko-okẹ oniemi e je ukiẹkiẹ obini iDalamanuta.

*Egbo iFarisi e mhila irọkhasẹ
(iMat 12.38-42; 16.1-4)*

¹¹ Egbo iFarisi e bhale, e mhila iJesu ogbo ni e rọ mu ọli fe. Ẹẹ ọli o ri irọkhasẹ ni o rọte iloghie bhale khasẹ ewe ni wewe e lese khi Eshinegba o ghie ọli.*

¹² IJesu o tu ekperumhe-a, ọọ, “Elo o ze ni ee egbo a rọ mhila irọkhasẹ onyaloa? Abi o li mhi li gue ọli e ye e khi, aa ya me irọkhasẹ onyaloa okhoghuo.”†

¹³ Igho o pfi wẹ shi agho vu, o nyene egbe ukhokho gbo ya lo oko-okẹ oniemi, o da je ukiẹkiẹ obinuzeva.

Oyese oyi iFarisi ali Erọdu ni o li abi ifuma

(iMat 16.5-12)

¹⁴ Eniyẹ odukhokho eyọli ẹa sato tsua ibulẹdi ni e bu, se ni uruli oghuo ni e mhue shi oni oko-okẹ oniemi.

¹⁵ IJesu o tse agua ye wẹ, ọọ wẹ, “A mhue egbhe shi ifuma eyi iFarisi ali Erọdu.”‡

¹⁶ Eniyẹ odukhokho eyọli e nu egbewe ngme, e lie, “Itobo khi awa a mhue ibulẹdi o rọ ngme ona.”

¹⁷ IJesu o lese emini e ngme. O mhila wẹ, “Elo o ze ni a rọ gue ezọ khi aa mhọli ibulẹdi? Eri aa ya me eke abi khi eri o kie lo e esọ? Eri udu oyee o na khukhu?”

¹⁸ A mhọli alo, aa rewe a me eke? A gbo mhue esọ aa rewe e suọ? Aa sato?§

¹⁹ Abi mhi rọ kholo ibulẹdi ishe-a na egbo agbele asha ishe, ighughu ingme a sanọ iku wẹ eke vọ?” Ẹẹ ọli, “Igbeval”

²⁰ “Abi mhi rọ gbo kemhi ibulẹdi ishilua na egbo agbele asha ene, ighughu ingme a sanọ iku wẹ vọ?”

Ẹ ọli “Ishilua.”

²¹ Oo, “Eri emini mhia ngme o kie lo e esọ?”

IJesu o la obini iBetisaida khueghie ozalo alo a

²² E bhale iBetisaida. Egbo eghuo e tsua omose ozalo bhale ghi iJesu, Ẹ ọli o kpekpe o ri obọ ti ọli.

²³ Igho iJesu o mu oni omose ozalo obọ-obọ ya fie ifui oni apfe. O to ete shi obọ rọ shishi ọli alo-a. IJesu o mhila li ini o me emhikhoghuo.

²⁴ Oni omose o bino idane, oọ “Mhia me egbo khi e li abi ẹera a kia gase.”

²⁵ Igho iJesu o gbo ri abọ shi oni omose alo. Alo eyọli e tigbe khueghie-a, o me eke gboo.

* 8:11 Li ze iMat 12.38; iLuk 11.16 † 8:12 Li ze iMat 12.39; iLuk 11.29 ‡ 8:15 Li ze iLuk 12.1 § 8:18 Li ze iJere 5.21; Ezik 12.2; iMak 4.12

26 Ijesu oṣo ke je, o ọli, “Khi gbo je elemhi ifui ẹoli.”

*IPita o guele oni ijesu o khi
(iMat 16.13-20; iLuk 9.18-21)*

27 Igho ijesu ali eniye odukhokho eyoli e vu je ikuku ẹoli ni e la gase iSizeria iFilipi. Abi e li le, o mhila we, “Oghuo ẹgbọ e famhi ẹ lie khi mhi khi?”

28 E ọli, “Eri eghuo ẹ khi iṣoni ni oṣo batazi ẹgbọ u khi; eghuo ẹ khi Elaja u khi; elese ẹ khi oṣuoghuo emekeguele na ẹle u khi.”*

29 O ke mhila we, “Ama, oghuo ẹ ẹye a lie khi mhi khi?”†

IPita o so li o, oṣo li, “Yeye u khi iKirisiti ni o khi Omiepfuese?”

30 Ijesu o tse agua ye we e khi gueye ogbokhoghuo oni lolu khi.

*Ijesu o guele shi eke khi lolu ya ghua
(iMat 16.21-28; iLuk 9.22-27)*

31 Igho o sese eniye odukhokho eyoli khi Omi Ogbọ o mema ya me osoli egbegbo. Eni egbhali, ali ighie eyi ekpodalo-ugamhi ali eni ẹ sese ishi, e ya kie ọli. A ya gbe lolu-a, ama ẹle onuzi-ese, o gbo ya guale.

32 O ngme ona lasese gboo. Igho iPita o lu ọli ochi, oṣo li o khi ke ngme ungmehi onana ghue.

33 Ama abi ijesu o ro nyene alo ukhokho bino eniye odukhokho eyoli, o dese iPita. Oṣo li, “Vu mhe odalo le yeye Okphaghiye. Wa mhọli ingme Eshinẹgba shi udu, ama emhi agbo.”

34 Igho o lu eni ebubu ẹgbọ ali eniye odukhokho eyoli, oṣo we, “Ini ogbokhoghuo oṣo nono ni lolu bhale deba mhe, o mema ya kie egboli, o rue apfida oyoli, oṣo deba mhe.‡

35 Itobo khi onini o da dua ni lolu tsumhi agbo oyoli ne, o ya de ọli obo a, ama oni o da ri irari oyemhe ali irari oyi usomhi onete oyi Eshinẹgba rue agbo oyoli pfia, o ya tsumhi ọli.§

36 Eleli onoghuo oṣo o ya me ini o mhọli agbo nya khi ayemhe oyoli o li opfu-a?

37 Elo oṣo o ya ro oṣoghiye ayemhe oyoli?

38 Ini omama oyemhe ali omama oyi ingme oyemhe o da mu ogbokhoghuo elemhi agbo ichimhi ali agbo okholo ona ne, omama oyi onogbo o ya li mu Omi Ogbọ ẹlegho ini o bhale elemhi ufumhi oyi Itali ali oyi igeni ni e pfuase.”

9

1 O gbolo ẹ we, “Mhi gue igesikia ye ẹ khi, ẹgbọ eghuo e migha ana, ni ẹa ya ghu ne, ni e ro me khi Eghiele oyi Eshinẹgba o bhale, elemhi ekpabo.”

*Imamachi oyi ijesu
(iMat 17.1-13; iLuk 9.28-36)*

2 Abi ẹle-esesa e ro dose, ijesu o rue iPita, ali ijemhisi ali iṣoni, ya nga ute oniemi ni o yagha, asha ni weweghuo kpe e la. Igho e me khi ijesu o mu melaa.

3 Itsua ni o ro so, e pfuase-a, e ge pepere. E tode pfuase dose utsakolo, e dose abi ogbokhoghuo o tigde dobe ya li pfue we-a pfuase ramhi agbo ona.

4 Igho eni eniye odukhokho aase eyoli e me khi Elaja ali iMosisi e lasese nu ijesu gheta.

5 IPita oṣo ijesu, “Ose, o gue ti khi awa la akana. Zobe ni anye to ikholo ese shi ana. Oghuo o o kha khi oye, oghuo o khi oyi iMosisi, onokpole o khi oyi Elaja.”

6 Oa ke lese emini o ke ya ngme, itobo khi eri lolu ali enekpole e yila dose.

7 Igho otughunu o lasese ya guese we-a, Eshinẹgba o rote elemhi oni otughunu ngme, oṣo, “Omimhe ni Omose na, ni mhi nono ingme oyoli egbegbo. A ke suo eso na li.”*†

8 Utoghuokpe khi e ke pfi alo bino, ẹa ke me ogbokhoghuo se ni ijesu lolighuo.

* 8:28 Li ze iMak 6.14-15; iLuk 9.7-8 † 8:29 Li ze iṣon 6.68-69 ‡ 8:34 Li ze iMat 10.38; iLuk 14.27 § 8:35 Li ze iMat 10.39; iLuk 17.33; iṣon 12.25 * 9:7 Li ze iMat 3.17; iMak 1.11; iLuk 3.22 † 9:7 Li ze 2 iPit 1.17-18

9 Abi e li rōte oni ukhomhi ute e tiemhi le, iJesu ọ gueye wẹ e khi gueye ọgbokhoghuo emini e me ini Omi Ọgbọ ọa li rōte eghuli guale.

10 E ri oni ungmehi gbe akanya, ama e nu egbewe gheta emini irōte eghuli guale o ngme.

11 Igho e mhila iJesu, “Elo o ze ni eni e sese e ro lie khi Elaja o kpe ya bhale?”‡

12 IJesu ọọ, “Egbegbo lo khi Elaja o kpe ya bhale, o ya bhale ya mu egbe emhi nya shi eke. Elo o mema ze ni Ebe-no-pfuase o roo khi Omi Ọgbọ o mema me osue egbegbo, a gbo kie oli?”

13 Ama a ghe i, Elaja o she bhale, e ri ele emini o ghole we deba li ezese abi a li keke ingme oyoli shi Ebe-no-pfuase.

Iroze oyi ozee no mhuẹ ayemhe obe (iMat 17.14-21; iLuk 9.37-43)

14 Abi e ke ro ya kugbe eniye odukhokho ni e kpole o, e me khi ebubu ebo o le gasewẹ, esese Ishi eyi iMosisi e nu wẹ la akaghọ khako.

15 Abi eni ebo e lese me iJesu te, abo e sha wẹ egbegbo. E na ya tse oli.

16 O mhila wẹ, “Elo o khi ni a nu wẹ khako o shi?”

17 Omose oghuo o rōte elemhi eni ebubu ebo ya rue unu, ọọ, “Osese, omimhe oni omose mhi ro bhale ghi e, ayemhe obe o nase oli, ni ọa ke ze oli e ngme.

18 Ini oni ughuamhi o da tsua rughu oli ne, eri o pfi oli e gbe, ọọ chi ofulu unu, ọọ le ako unu, o zese a. Mhi gueye eniye odukhokho eye e khu oli oni ayemhe egbe-a, ama ẹa dobe.”

19 IJesu ọọ, “Ee ebo ni ẹa mholi irudunga ena, ele-ingme mhi ke mholi ro nu e ya la akana, ele-ingme mhi beshi ya la onana ramhi, Mu oni omọ ghi mhe!”

20 Igho e mu oni omọ bhale. Abi oni ayemhe o ro me iJesu tee, o de rughu oni omọ, o pfi oni omọ gbe, ọọ kpi abo ali awe-a, oo wu oli eke, ọọ chi ofulu unu.

21 IJesu o mhila ita oni omọ, “Aele o te lina?”

Ọọ, “Abi o te khi omọ.”

22 “O she lina mu oli pfi lo elemhi erali ali elemhi oke itingmingme abi o kha gbe oli-a. Ini u mholi emini u dobe ya ri ele, kpekpe le elemhi anye ni u kpaghie anye obo.”

23 IJesu ọọ, “Eri u wẹ ini mhi dobe? Emhikpa ọọ tse na oni o da mholi irudunga.”

24 Aghoaghọ ita oni omọ o nyanya lie, “Mhi miesuo ukuku, kpaghie mhe obo ni mhi gbo miesuo shi o egbegbo.”

25 Abi iJesu o ro me khi eni ebubu ebo e na bhale ashini oni ingme o de shi, o tse ku oni ayemhe obe. “Yeye ayemhe ungmehi ali ilesọ, rōte oli egbe ya lasese, khi gbo nyene egbe bhale o ghue.”

26 Oni ayemhe o tse, ri itoto nighise oni omọ, o rōte oli egbe ya fie. Oni omọ o ke li abi oni ghua. Ebo e lie, “O she ghua.”

27 Ama, iJesu o mu oni omọ obo vule migha. O migha.

28 Abi iJesu o ro lo elemhi owa se, eniye odukhokho eyoli e bena mhila li, “Elo o ze ni anye aa ro dobe khu oli oni ayemhe egbe-a?”

29 IJesu o so wẹ o, ọọ wẹ, “Iromhi isoso ali azumhi tse o dobe a khu onana.”

IJesu o gbo ngme ingme eghuli oyoli (iMat 17.22-23; iLuk 9.43-45)

30 IJesu ali eniye odukhokho eyoli e rōte agho vu, e rōte iGalili dose, ọa nono ni ogbokhoghuo o lese ashini wewe e la,

31 Itobo khi o sese eniye odukhokho eyoli, ọọ ye, “A ya ri Omi Ọgbọ na ebo de. E gbe oli-a. Ele nuzi-ese o gbo guale.”

32 Ama emini o ngme ọa lo wẹ eso, ulishi o mu wẹ abi e li ya mhila li emini o roli ngme.

Oni o fu ne nya (iMat 18.1-5; iLuk 9.46-48)

‡ 9:11 Li ze iMala 4.5; iMat 11.14

33 E bhale ẹoli iKapanomu. Abi o ro la elemhi owa, o mhila we, “Elo a khako shi amo abi a ro la ode?”

34 Ama e tsaghię-a, itobo khi oni o kpeda nya elemhi we e la ode khako shi. §

35 Ijesu o shito, o lu eniye odukhokho ogbava eyoli, o o we, “Ini ogbokhoghwo o nono ni loli khi oni odode, o kpe ya ri egboli khi oni o kpukhokho nya, ali oni o ga egbo nya.”*

36 O mu ukuku omọ vule migha we iteva. O mu oli shi abo, o o we,

37 “Onini o ri itobo oyemhe mie otuoghwo ikuku eniye enana ne, mhemhe o mie. Onini o da mie mhe ne, oni o ghie mhe o mie, o a khi mhemhe.”†

Oni o a da khi obe awa ne oyi awa o khi

(iLuk 9.49-50)

38 IJonni o o, “Osese, anye me omose oghwo ni o ri eva oye khu ayemhe ebe kua. Ama anye gueye oli o khi gbo ligho, itobo khi o a khi oghwo elemhi awa.”

39 Ijesu o we, “A khi ke khu oli o, itobo khi oni o ri eva oyemhe gbe akanya onyaloa, o a tigbe e vule ke ngme onobe oyemhe.

40 Itobo khi oni o a khi obe awa, oyawa o khi.”‡

41 Abi o li mhi li gue oli e ye e khi, onini o da die uko amę na e da irari eva oyemhe ne, ali irari khi onayi iKirisiti a khi, o ya me eleli o. §

A mu egbe e shi emini e yese ogbo o lamhe

(iMat 18.6-9; iLuk 17.1-2)

42 “Ini ogbokhoghwo o yese ikuku eniye enana ni e mie mhe suo lamhe, o bie tine ni a ge eche iko oniemi shi ogbo oghoghwo uruli tsua pfilo elemhi oke oniemi.

43 Ini obo oye o re ya lamhe, khi oli pfi. O ti e egbe ne ini u waa mholi

obo ya lo iloghie na agboagbo, ni u ro tsua abo eve-eva eye ya lo ilimhi iriere, ashini erali ea tigbe e pfo-a ghue.*

44 [Akaghwo ikpatso ni e le we ni ea tigbe e ghu e la, ali ashini erali ni e tose we-a, ea tigbe e pfo ghue.]

45 Ini owe oye o re ya lamhe, khi oli pfi, o ti e egbe ne ini u waa mholi awe ro lo iloghie na agboagbo ni u ro mholi awe eve-eva, ni u ro ya lo ilimhi iriere.

46 Akaghwo ikpatso ni e le we ni ea tigbe e ghu e la, ali ashini erali ni e tose we-a, ea tigbe e pfo ghue.

47 Ini ukpeloe oye o re e lamhe, wuonyo li pfi, o ti e egbe ne ini u ri ukpeloe oghwo lo Eghiele oyi Eshingba, ocho ni u ro ya mholi ikpamhi alo eva, a pfi e ya lo ilimhi iriere.†

48 Akaghwo,

“Ikpatswo ni e le we ni ea tigbe e ghu e la, ali ashini erali ni e tose we-a, ea tigbe e pfo ghue.”‡

49 “Erali a ro nye ogbogbo-a, a roli khi oni o pfuase abi a li ri ugbheli e ri iluasobo khi pfuase.

50 “Ugbheli o ma ti, ama ini oviolo oyoli o kala, se o ke li ze gbolo ro ya mele ugbheli-a?

“A ze ni a mholi ugbheli shi agbo oye e. A nu egbe ke ngeli angeli opfomhe.”§

10

Ijesu o ngme shi ingme ipfughue-a (iMat 19.1-12; iLuk 16.18)

1 Ijesu o rote agho vu je eke iJudia, ini a da iJodani. Igho egbo ni e bu e gbo ve ngale deba li, o sese we abi o kpe li.

2 Egbo iFarisi eghwo e bhale ya mu oli fe, e mhila li, “Ushi oyawa o lama, omose o khu ughue oyoli?”

3 Oo, “Elo iMosisi o gueye e a ke li?”

§ 9:34 Li ze iLuk 22.24 * 9:35 Li ze iMat 20.26-27; 23.11; iMak 10.43-44; iLuk 22.26 † 9:37 Li ze iMat 10.40; iLuk 10.16; iJon 13.20 ‡ 9:40 Li ze iMat 12.30; iLuk 11.23 § 9:41 Li ze iMat 10.42 * 9:43 Li ze iMat 5.30 † 9:47 Li ze iMat 5.29 ‡ 9:48 Li ze Aza 66.24 § 9:50 Li ze iMat 5.13; iLuk 14.34-35 * 10:4 Li ze iDeut 24.1-4; iMat 5.31

4 E ke, “Eri iMosisi o lama omose o keke ebe ni a ro pfa ughue-a mholi ughue oli obo, o khu oli.”*

5 IJesu oo we, “Itobo khi udu oyee oo gbe, iMosisi o ro ligho keke oni ushi na e.

6 ‘Ama omose ali okpotso, Eshinegba o rote igbaekele agbo ma we.’†

7 ‘Onana o ze ni omose o ro o pfi itali ali inyoli shi eke, o ya toma ughue oli o.

8 Wewe aava e mele idiegbe oghuo a.’ Eghenge agho ea ke khi etuava, ama oghuo.‡

9 Irarigho, emini Eshinegba o da toma ne, ogbokhoghuo o khi vase we a.”

10 Abi e ro gbo la elemhi owa, eniye odukhokho eyi iJesu e mhila li ogbo ona.

11 IJesu oo we, “Onini o da khu ughue oli ni o ya rue okpotso olese ne, eri o kia okia shi oni ughue oli o.

12 Ini oni okpotso o lase ayi odoli le khi o ya ngeli na omose olese, eri o kia okia.”§

*IJesu ali eniye enikeke
(iMat 19.13-15; iLuk 18.15-17)*

13 Egboghuo e mu eniye bhale deba iJesu ni o ri obo ti we, ama eniye odukhokho eyoli ee khu we.

14 Abi iJesu o ro me gho, o ri elemhi bi oli. Oo we, “A ze ni ikuku eniye e bhale deba mhe. A khi ke khu we, itobo khi enabi wewe e li mholi obo shi Eghiele oyi Eshinegba.

15 Ze mhe gue igesikia ye e khi oni o da rue Eghiele oyi Eshinegba abi eniye enikeke ne, o tigbe ya lo iloghie.”*

16 O muno eniye shi egbe, o ri obo nga we ukhomhi, o so iromhi na we.

*Ozele-omose ni o lolo pfue
(iMat 19.16-30; iLuk 18.18-30)*

17 Abi iJesu o ke rue okiali eke khi o vu, omose oghuo o na bhale ya wugha li odalo, oo li, “Osesete nete! Elo mhi ya rieleshi ni mhi ro ya mhuwe agbo na agboagbo?”

18 IJesu o li, “Elo e ze ni u ro o lu mhe onoti. Ogbokhoghuo o la o ni o ti, se ni Eshinegba.

19 Ni mhi ro so e ogbo ni u mhila mhe, u lese ushi ni Eshinegba o ro shi eke. Ni o le, ‘A khi gbe ugbeli, a khi kia okia, a khi do ughiatu, a khi pfi otsele egholi mu ogbo, a khi li ogbo le, mu ekpe na ita e ali inye e.’ †

20 Oni ozeo oo, “Osesete, abi a te bia mhe mhi te ri ena nya a gbe akanya.”

21 IJesu o ri eloe inono bino oli, oo li, “Emhi oghuo tse o kpe e le ni waa rieleshi ne. Je ya ri emini u mholi nya de ni u kemhi we na eni ea mholi emhi, eghenge agho ni u mholi epfue shi obini iloghie, u tigbe bhale ya deba mhe ke kia.”

22 Abi oni omose o ro suo ona, alo eyoli e yese a, o ri iyeseudu-a ya vu, itobo khi o mholi epfue eniemhi.

23 IJesu o bino gashe kpa, oo eniye odukhokho eyoli, “O ma mu ogbo ni o pfue unu ni o ro lo Eghiele oyi Eshinegba.”

24 Ingmemhi eyoli e ri abo sha eniye odukhokho eyoli. Ama iJesu o gbolo e, “Eniye eyemhe, o ma mu eni e ri egbe da epfue oyewe unu ni e ro lo Eghiele oyi Eshinegba.

25 Ni ogbo ni o pfue o ro lo Eghiele oyi Eshinegba, o ya munu dose, ni ogbo ke dua ni loli ri alakumi rote eshe asuge ya fie.”

26 Ona o ke ri abo sha eniye odukhokho eyoli ne, e ro mhila egbe, “Oghuo o dobe ya lo o sho?”

27 IJesu o pfi ukpeloe bino we, oo, “Ona o ze ogbo ya li ama emhikpa o ze Eshinegba a li.”

28 IPita oo iJesu, “Emhinya anye tsua kua bhale deba e.”

29 IJesu oo we, egebgi-ingme mhi gue e ye e khi onini o da pfi apfe oli shi eke, ali inyoghuo oli eni emose ali eni ikpotso, ali ita ali inyo, ni o pfi eniye ali ishemhi, ghe owolo shi eke irari oyemhe ali usomhi onete oyi Eshinegba,

† 10:6 Li ze Igbae 1.27; 5.2 ‡ 10:8 Li ze Igbae 2.24 § 10:12 Li ze iMat 5.32; 1 iKori 7.10-11 * 10:15 Li ze iMat 18.3 † 10:19 Li ze Okiali 20.12-16; iDeut 5.16-20

30 a ya somhi ọli opfa. Elemhi agbọ ona, a ya khivọse na li asha eghuẹshe, ikhivọse owa ali ikhivọse inyoghuo, ali inyọ ali eniyẹ ali ishemhi, ali anasẹmhe. Ọ ya mhue agbọ na agbọagbọ, elemhi agbọ ni o ke ẹ bhale.

31 Ama egbọ eghuo ni e ralo, e ya kpẹ ukhokho. Eni e kpẹ ukhokho amo, e ya khi eni odode.‡

Ijesu ọ gbo ngme ingme eghuli oyọli utonuzi-ese

(iMat 20.17-19; iLuk 18.31-34)

32 Abi ijesu ọ rọ tsua wẹ lẹ iJerusalemu, ni ọ rọ ralo na wẹ, eni ingme e pfuse ghagha a shi eniyẹ odukhokho eyi ijesu udu. Ulishi o mu egbọ ni e deba wẹ. Ighọ ijesu ọ gbo li rue eniyẹ odukhokho ogbava eyọli ye ochi, ọ gueye wẹ emini lọli ya mẹ ini wẹwẹ e ramhi iJerusalemu.

33 Ọọ, “iJerusalemu awa je ena, a ya la oobọ rue Omi ogbọ na ighie eyi ekpodalo-ugamhi ali eni ẹ sẹsẹ ishi de, a ri ọli na wẹ mu. E pfa ẹzọ igbe-a mu ọli, e ghi ọli abọ ghi egbọ iJeta.

34 E ya rọli ke li egia, e tono etẹ ku ọli, e gbe ọli itẹ, e tigbe gbe ọli-a. Ama ẹlẹ nuzi-ese, ọ ya rọte eghuli guale.”

Emini iJemhisi ali iJoni e mhila ijesu ọ riẹlẹ na ẹwẹ

(iMat 20.20-28)

35 Ighọ iJemhisi ali iJoni imi iZebedi e bhale deba ijesu, ẹ ọli, “Ọsẹsẹ, anye ẹ nono ni u riẹlẹ emini anye ya mhile ena na anye.”

36 Ijesu ọọ wẹ, “Elo a nono ni mhi riẹlẹ na ẹ?”

37 E ke, anye ẹ nono, ini u da shito ukpekhomhi oye obini Eghiele oniemi oye ne, ni u ze ni otuoghuo anye ọ kha shito ẹ ukiẹkiẹ obita, onokpọle ọ shito ẹ obogobọ.

38 Ijesu ọọ wẹ, “Aa lẹsẹ emini aa mhila. Uko ni mhi rọte da, a dobe ya rọte ọ da, abi khi eri a dobe ya mie ibatizi onabi mhi mie?”§

39 E ke, “Anye ya dobe.” Ijesu ọọ wẹ, “A dobe ri uko ni mhi rọ da ya da, a gbo dobe mie ibatizi onabi mhi mie,

40 ama mhia mhọli afu ni a rọ ri ogbọ ọ shito mama mhe ukiẹkiẹ obita ali obogobọ ukpekhomhi oghie obini iloghie. Eshinẹgba ọ ri asha eghogho ya na egbọ ni ọ rẹ wẹ shi agho khe.”

41 Abi eniyẹ odukhokho etuogbe enekpọle e rọ suo ingmemhi ena, e nu iJemhisi ali iJoni i wola shi ọ.

42 Ighọ ijesu ọ lu wẹ tighili, ọọ wẹ, “A lẹsẹ khi eni ẹ lu egbewẹ ighie eyi egbọ eni ẹa ya ga Eshinẹgba, khi eri ẹ li wẹ abi o ghọle wẹ, ighọ eni e kpeda omhese e li ẹ mhese na wẹ.

43 Ama, a khi li abi wewe. Ama onini ọ nono ni loli khi oniemhi elemhi ẹ, ọ khi oni ọ ga ẹẹ nya.*

44 Onini ọ nono ni loli khi onodode, ọọ mema kpẹ ri egbọli khi oghumha oyi egbọ kpa.†

45 Itobọ khi Omi Ogbọ ọa bhale ni a ke ga li, ama eri ọ bhale ya ga ali ni ọ gbo ri agbọ oyọli bhale ni a rọ luase obo na ebubu egbọ.”

Ijesu ọ ri iBatimeusi otase-alo-a ze

(iMat 20.29-34; iLuk 18.35-43)

46 Ighọ e bhale iJeriko. Abi ijesu ali eniyẹ odukhokho eyọli ali ebubu egbọ ni e deba li, e rọ rọte oni ẹoli vu, omose oghuo ni ọ tase alo-a na lui iBatimeusi (omi iTimeusi a ri iBatimeusi ngme) ọ shito epfe ode mhila omhila.

47 Abi ọ rọ suo khi ijesu ọna iN-azarẹti lo, ọọ tsesẹ leghe, ọọ lie, “Ijesu omi iDefidi, kpẹkpẹ, lẹ elemhi mhe.”

48 Ebubu egbọ e tsesẹ ku ọli, ẹẹ ọli ọ ze ni a suo esọ. Ama eena ọ mema lolo pfi okokokhue lu ọli ne, “Omi iDefidi lẹ elemhi mhe!”

49 Ijesu ọ migha, ọọ, “A lu ọli na mhe.” Ighọ e lu oni otasalo-a, ẹ ọli, “Ke ghele, vule, khi ọọ lu ẹ.”

50 Ọ rue awulu nọ ọ sọ pfi a, ọ ti vule pia bhale deba ijesu.

51 Ijesu ọ mhila li, “Elo wa nono ni mhi riẹlẹ ne?”

‡ 10:31 Li ze iMat 20.16; iLuk 13.30 § 10:38 Li ze iLuk 12.50 * 10:43 Li ze iLuk 22.25-26 † 10:44 Li ze iMat 23.11; iMak 9.35; iLuk 22.26

Oni omose ni o tase alo-a, ọ́, “Osese, mhia nono ni mhi gbo ke me eke.”

⁵² Ijesu ọ́, “Ke le, khi irudunga oye o she re ze.” Aghoaghọ, ọ́ me eke, o deba ijesu rote ode vu.

11

Egbọ e ri ufumhi na ijesu abi ọ́ rọ́ lo iJerusalemu

(iMat 21.1-11; iLuk 19.28-40; iJon 12.12-19)

¹ Abi e ro ti ramhi iJerusalemu ni e ro bhale iBetifagi ali iBetani Udi Ute Olivu, ijesu o ghie etuava elemhi eniye odukhokho eyoli,

² Oo we, “A je eoli ni o la odalo oobọ egho. A kha lese lo oni eoli le, a ya me omi akphere ni a muzu, ni ogbokhoghuo ọ́ nga shito ghue. A taghie oli bhale ana.

³ Ini ogbokhoghuo o mhila e, ‘Elo o ze ni a ro taghie oli? A gueye oli khi, Onomhue ọ́ nono ni loli ri oli riye emhi, ali khi o gbo roli bhale ya shi eke lena.’ ”

⁴ Igho ee bhale ya e oni ozele akphere ni a muzu shi ifui apfe epfe ode. Abi e li taghie oli-a,

⁵ egbo eghuo ni e migha akaghọ e mhila we, “Elo a la akaghọ a riye ni a ro taghie oni omi akphere ogho-a?”

⁶ E so we o abi ijesu ọ́ e li so we o. Igho eni egbo e ze we vu.

⁷ Abi e ro mu oni ozele akphere bhale ghi ijesu se, e banọ ide egbe-a pfino nga oni ozele akphere ukhokho. Igho, ijesu o nga li shito.

⁸ Ebubu egbo elese e li ba ide ro ku ode, eghuo, e nyanọ eyamhi ku ode.

⁹ Egbo ni e ralo ali eni e deba li e gbe ukua, e tse, e lie,

“Okuekhoogo! Oolo!”

Eshinegba o ka khivose

na oni o ri eva oyi

Onomhue bhale!*

¹⁰ “Eshinegba o ka khivose

shi Eghiele oyi oghie iDefidi

ita awa ni oo bhale.”

“Ikuęghie o khi oyi Eshinegba!”

¹¹ Abi ijesu o ro ramhi iJerusalemu, o dose ya lo elemhi Owa oyi Eshinegba. O bino emhi nya gase, ama aborokhia khi obili o she bi dose, loli ali eniye odukhokho ogbava eyoli e je iBetani.

Ijesu o pfi unu na ọ́ra okhua-eni (iMat 21.18-19)

¹² Ogbeakolo abi e li rote eoli iBetani fie, okiamhi oo gbe ijesu.

¹³ Igho o tapfia me ọ́ra okhua-eni ni o guę ta ebe. O le ya bino ini o she mo udumhi. Abi o ro ramhi agho ọ́ me emhikhoghuo o, se ni ebe, itobo khi ọ́ ramhi eghęghę ni okhua-eni e ro mo ne.

¹⁴ Igho oo oni okhua-eni, “Ogbokhoghuo ọ́ ke gbo rote e ukhomhi ya pfa udumhi ghue.”

Eniye odukhokho eyoli e suo khi o ngme na.

Ijesu o je Owa oyi Eshinegba (iMat 21.12-17; iLuk 19.45-48; iJon 2.13-22)

¹⁵ Abi e ke ro ramhi iJerusalemu, ijesu o lo Owa oyi Eshinegba, o vese eni e la akaghọ du oki kua. O kpha okphe oyi eni e pfa ikpagho ali eni e ri inekhukhu de kua.

¹⁶ Oa ze ni ogbokhoghuo o tsua itsua-oki rote elemhi apfe oni Owa oyi Eshinegba dose.

¹⁷ Abi o ke ro sese egbo, o ro lie, “A she kpe keke oli shi Ebe-no-pfuase khi,

“ ‘Owa iromhi oyi ishishi nya,

a ya ke lu Owa oyemhe,’

Ama ee, a she roli mele owa ighiato a.”†

¹⁸ Abi ighie eyi ekpodalo-ugamhi ali eni e sese ishi e ro suo ona, ee dua ode ni e te me asha ya gbe ijesu a. Ama ulishi oyi ijesu oo mu we, itobo khi eri osese oyoli o ri abo sha egbo kpa.

¹⁹ Ogbomhi o mu eke, ijesu ali eniye odukhokho eyoli e rote oni eoli ya fie.

Ilesingme ni a rote okhua-eni ni o ku ebe a rue (iMat 21.20-22)

* **11:9** Li ze iwolo 118.25-26 † **11:17** Li ze Aza 56.7; ijere 7.11

20 Ẹluzogbe oogbeakọlọ khi e rọte oni ode dọse, e me khi oni ọara ọkhua-eni o khakha ya ramhi imhili.

21 IPita ọ sato, ọọ iJesu, “Ọsese, bino khe! Ọara ọkhua-eni ni u pfi unu na o she khakha-a.”

22 IJesu ọ sọ li ọ, ọọ, “Mhọli irudunga na Ẹshinegba.”

23 “Egbegbi-ingme mhi gue ẹ ye ẹ khi ọnini ọ gueye oni ute ona, ‘Rọ te akana lasele ya je elemhi okẹ oniemi,’ ni ọa rọ da mhọli akhokhomhe shi udu shi emini ọ ngme ne, ni ọ rọ mhọli miesuọ khi emini lọli ngme o ya bhale ya tse, oo ya lighọ na li.‡

24 Irarighọ, emiemini u sọ iromhi mhila, miesuọ khi u she mhọli ọli, oye o ke khi.

25 U kha da migha a lema, ni u rọ ri ingme oyi ọgbọ shi elemhi, nyanya rọ topfa li. Ini ite ni ọ la iloghie ọ ri olamhe eye li topfa ẹ.”

26 “Ama ini u waa da rọ topfa ọgbọese ne, ite na iloghie ọa ya li ri olamhe eye topfa ẹ.”§

*A mhila iJesu oni ọ ri afu na li
(iMat 21.23-27; iLuk 20.1-8)*

27 Ighọ ee gbo lo iJerusalemu le. Abi iJesu ọ li kia elemhi apfe Owa oyi Ẹshinegba gase, ighie eyi ekpodalougamhi ali eni ẹ sese ishi ali egbhali e bhale deba li.

28 E mhila li, “Ọghuo ọ ri afu ne ni u rọ riele eni emhi enana nya, ọghuo ọ ri unu ne u ke riele ena.”

29 IJesu ọ sọ we ọ, Ọọ, “Mhi ya mhila ẹ ogbo oghuo. A sọ mhe ọ, ni mhi tigbe gueye ẹ oni ọ ri afu na mhe mhi ke riele emhi ena.

30 Ọghuo ọ fe ri itoto na iJoni ọ ke batazi egbo abi egbo?”

31 Ighọ, e ya ye egbe ochi, e nu egbe we ngme ọli khi, “Awa khe ‘Rote iloghie’ lo, ọ ya mhila awa, ‘Elo o ze ni aa rọ mie ọli suọ?’

32 Ama ini awa ke, ‘Obọ oyi egbo.’” Ulishi oyi egbo o mu we, itobọ khi ogbokpa ọ lese khi ọmekeguele iJoni ọ khi.

33 Ighọ ẹẹ iJesu, “Anye ẹa lese.” Ighọ iJesu ọọ we, “Mhi aa ya li gueye ẹ oni ọ ri afu na mhe mhi rọ ke riele eni emhi ena.”

12

Okhe irokhokho oyi eni e ngmomhi shi ogba ẹera ipfonu

(iMat 21.33-46; iLuk 20.9-19)

1 Ighọ iJesu ọ ke ri okhe irokhokho sese we. Ọọ, “Ọmose ọghuo ọ ke ya gua ogba ẹera ipfonu. Ọ ma ugbe gase oni ogba. Ọ to ese shi ọ, ni a mino amẹ ikpamhi eni ẹera kulo. Ọ gbo to owa ni o yagha ni a la khe-ekhe shi ọ. Ighọ ọ ya ri oni ogba nga eghiale eghuo obọ e nu lọli ri ukpeloe ke khu. Ọ vu asha obini odonue.*

2 Eghẹghẹ ikhiesẹ o ramhi, oni ọmose ọ ghie oghumha oyọli ghi eni ọ ri ogba nga obọ, ọ le ya mie we idumhi emhi ni a kọ shi oni ogba bhale ghi lue.

3 Ama e mu ọli, e gbe ọli, e khu ọli. Ọ pfino abọ efue ya je.

4 Ọ gbo ghie oghumha oyọli ọlese ghi we, E pfi emhi shi ọli ukhomhi, e yeghe ọli-a

5 Ọ gbo ghie ọlese, e gbe onana-a. Ọ ghie elese ni e bu, e gbe eghuo itali, e gbolo eghuo-a.

6 “O kpọli ọghuo le ni ọa ghie ne, ikhi omi ọli ni ọ lolo nono ingme oyọli. Lọli ọ kpukhokho ghie. Ọ sa, ọọ, ‘E ya mu ekpe na omi mhe.’

7 “Ama eni e la oni ogba, ẹẹ egbewe. ‘Ọna ọ ya le ugu oni ogba ona, a bhale ni awa gbe ọli-a. Eghẹghẹ aghọ ni oni ugu o mele oyawa-a.’

8 Ighọ e mu ọli, e gbe ọli-a, e pfi ọli rọte oni ogba ya lase.

9 “Se oni ọ mhọli oni ogba ona ọ fe ya li? Eri ọ bhale ya gbolo eni egbo ni ọ ri oni ogba nga obọ-a, ọ rue oni ogba na egboese.

10 Aa she ze ọli Ebe-no-pfuase khi.

“Eche ni itsona e kie pfi, lọli o ke ya mele egbegbi eche ni o ke mu eloe ne nya-a.

11 Ọnomhue ọ lighọ riele ona, óó ti anye eloe gba’ ”†

‡ 11:23 Li ze iMat 17.20; 1 iKori 13.2 § 11:26 Li ze iMat 6.14-15 * 12:1 Li ze Aza 5.1-2 † 12:11 Li ze Iwolo 118.22-23

12 Igho egbhali eyi egbo iJu, e nono ode ni e te ya mu iJesu, itobo khi e lese khi wewe o ri oni okhe irokhokho ona nu ngme. Ama e na ulishi oyi ebubu egbo ni e la agho, e ze o li obo, e vu.

Ingme izẹ oga na iSiza
(iMat 22.15-22; iLuk 20.20-26)

13 Igho e tigbe ya nyene egbe ya ghie iFarisi eghuo ali eniye odukhokho eyi Erodu ghi iJesu, ni e me asha rote emini o ya ngme ri ingme de o li.

14 Igho e bhale deba iJesu, ee o li, "Osese, anye lese khi u ma ngme igesikia, khi emiemini egbo ee ngme ali emiemini ogbo o khi o ya mu e eloe, ama ode oyi Eshinegba wa sese ni o te ode igesikia. Mhie i, o famhi ti abi khi o ti elemhi ushi, ni a ro ze oga na oghie iSiza?"

15 Anye ke ze, abi anye khi ze?"

Ama iJesu o she me ikpamhika oyewe. Oo we, "Elo o ze ni a ro nono ni a di mhe mu? A rue ukpamhi anini bhale ghue ni mhi bino."

16 E rue oghuo bhale ghi o li, oo we, "Alo ali eva eyi oghuo na ni a mu shi o ena?" Ee o li, "Eyi iSiza lo."

17 IJesu oo we, "A ri emini o khi oyi iSiza na iSiza, a ri emini o khi oyi Eshinegba na Eshinegba."

Igho ingme oyi iJesu o sha we abo.

Ingme iteghuli-guale
(iMat 22.23-33; iLuk 20.27-40)

18 Igho egbo ena otu na lui iSadusi ni ee sese khi ite-eghuli-guale o ya la ikpukhokho agbo, e bhale deba iJesu ya mhila li ogbo.‡

19 Ee o li, "Osese, iMosisi o keke o li shi ebe ushi na awa khi, 'Ini omose o ghu-a pfi ughue o li shi agbo, ni o ro bia omoo na li, inyoghuo oni omose o mema rue oni osamhi-olimhi ughue ni o bia eniye na oni okpotso na inyoghuo o li ni o ghu-a ogho'S

20 Eghẹghẹ oghuo o ya la o, a me omose oshilua ni e khi inyoghuo. Oni ogbhali o rue okpotso. Oni omose ya ghua, o bia omoo na oni okpotso.

21 Inyoghuo o li ni oo deba li o ke rue oni okpotso, o gbo ghua, o bia omoo. Igho o gbo li inyoghuo o li onuzase.

22 Igho o gbo li khi eni inyoghuo oni omose ni e kpole nya. Eni inyoghuo oshilua nya e ga rue oni okpotso ughue ni ea bia omoo okhoghua na li. Ikpukhokho o, oni okpotso o li ghua.

23 Ini ogbele iguale o ramhi, ni eni e ghu-a nya e ro guale, oghuo o famhi ya khi ughue oni okpotso? Aborokhia khi wewe oshilua nya e ga rue o li ughue egho."

24 IJesu o so we o, Oo, "Wa a me khi eri a da ode khi aa lese emhikhoghuo elemhi Ebe-no-pfuase, wekhi eri a lese emhikhoghuo elemhi ekpabo oyi Eshinegba.

25 Ini eni e ghu-a e guale, ea ke ke rue ughue wekhi eri a ke re we ke ye ughue. Eri e ke li abi igeni ena iloghie.

26 Ama ingme iguale oyi eni e ghua, aa she ke ze o li ebe ni iMosisi o keke ni o ngme ingme ebuli ni oo to shi? Abi Eshinegba o gueye iMosisi khi, 'Mhemhe mhi khi Eshinegba oyi Aburaamu ali Eshinegba oyi Aziki, ali Eshinegba oyi iGiekopu.*

27 Eshinegba oyi eni e la agbo o khi, o a khi oyi eni e ghua. Eri a ga da ode pfo nya." Emini a ri ona ngme khi, egbo eni ghu-a eghuo e kie mholi agbo.

Ushi ni o fune nya
(iMat 22.34-40; iLuk 10.25-28)

28 Otuoghuo eni e sese ishi, o la agho suo abi e ro khako, o me khi iJesu o ga gue so egbo iSadusi ogbo ni e mhila li, o mhila li, "Elemhi ishi nya, onoghuo o ga fune nya?"

29 IJesu o so li o, oo, "Oni o mu eloe ne nya na, 'Ku eso-a yeye iZireni, Onomhue Eshinegba oyawa, lolighuo kpe o khi Onomhue.

30 Nono ingme oyi Eshinegba Onomhue oye, ri udu oye nya ali agbo oye nya, ghe isamhi ali ekpabo eye nya nono ingme oyi Eshinegba.†

‡ 12:18 Li ze Ika 23.8 § 12:19 Li ze iDeut 25.5 * 12:26 Li ze Okiali 3.6 † 12:30 Li ze iDeut 6.4-5

31 Onuzi-eva ni o gbo lolo mu ẹloe khi, 'Nono ingme oyi ọnuzava ọyẹ abi u li nono ingme egbe ẹ.' Ushi olese okhọghuo ọa ke la ọ ni o gbo mu ẹloe dọsẹ ena."‡

32 Ọni ọmọsẹ ọ́ọ, "U ga guẹ ngme, Ọsẹsẹ. Igesikia u ngme ni u wẹ khi Ẹshinẹgba ọghuo ọ khi, ali khi ọlese ọa ke la ọ, sẹ ni lẹlighuo. §

33 Ali khi awa ri udu oyi awa nya, ali isamhi eyi awa ali ekpabọ eyi awa nono ingme oyi Ẹshinẹgba. Ali awa nono ingme oyi ọnuzava ọyawa abi awa li nono ingme egbe awa. Ni awa rọ ri ishi eva ena gbe akanya, o ghọle Ẹshinẹgba dọsẹ ni awa ya ri iluasobo ali isomhopfa ọdọda bhale ghi ọli."*

34 Abi iJesu ọ rọ mẹ ilẹsingme ni ọ rọ sọ luẹ ọ, iJesu ọọ li, "Wa a ga nuata shi Eghiele oyi Ẹshinẹgba."

Rọte aghọ vu ọgbọ okhọghuo ọa ke gbolo mhila li ọgbọ okhọghuo.†

Omi ọni Ọmiepfuese ọ khi
(iMat 22.41-46; iLuk 20.41-44)

35 Abi iJesu ọ rọ la elemhi apfẹ ni o la Owa oyi Ẹshinẹgba sẹsẹ ẹgbọ, ọ mhila wẹ ọgbọ. Ọ́ọ, Elo o zẹ ni esẹsẹ Ishi eyi iMosisi e rọ liẹ khi omi iDefidi Ọmiepfuese ọ khi?

36 Abi Ayẹmhe-nọ-pfuasẹ o rọ kpha iDefidi sọ, ọ rọ rọte unu oyọli liẹ. "Ẹshinẹgba ọ́ọ, Ọnọmhue oyẹmhe.

Shitọ mama mhẹ
ramhi ẹghẹghe
ni mhi rọ ya ri ebe ẹ

shi ẹ ufui ẹkoawẹ.' "‡

37 Ini iDefidi ọ rọte unu oyi lẹlighuo lu ọli Ọnọmhue, sẹ ọni Ọnọmhue oyọli ọ ke gbo liẹ khi omi ọli?

Ebubu ẹgbọ e ku esọ a shi ekẹ shi emini ọ ngme, ni o ri egbe mu wẹ.

Ijesu ọ tse agua yẹ eniye
odukhokho eyọli shi esẹsẹ Ishi eyi
iMosisi egbe

(iMat 23.1-36; iLuk 20.45-47)

38 Ijesu ọ sẹsẹ wẹ, Ọ́ọ wẹ, "A mu egbe ẹ shi esẹsẹ Ishi eyi iMosisi egbe. Itsua na dọlọdọlọ e ma ghọle wẹ e iso

ke kia ifui oki, ni ẹgbọ e ke tşẹ wẹ otşẹ ekpẹ.

39 E ma nono ni wẹwẹ e shitọ ukpẹkhomhi ni ọ mu ẹloe elemhi owa ugamhi oyi awa ali ashini o mu ẹloe elemhi ilegba, ni a la le, ni a la da.

40 Itoto e rọ li esamhi-olimhi ẹ le. Iromhi ni e nuẹ, eyi abamẹmhe, ẹ sọ. Ẹshinẹgba, ọ ya na wẹ osoli oniẹmhi to ọ."

Irọna ni ọsamhi-olimhi ọ rọ na
Ẹshinẹgba
(iLuk 21.1-4)

41 Abi iJesu ọ rọ shitọ ti mama oni akpati ni a pfi ukpaghọlọ irọna a lo elemhi Owa oyi Ẹshinẹgba, ọọ bino ẹgbọ abi e li pfi ikpaghọ lo ọ. Ẹgbọ ni e pfue ebubu e pfi ikpokpomhi ikpaghọ lo.

42 Ighọ ọsamhi-olimhi ni ọa mhue emhikhọghuo, ọ li ya pfi anini eva lo.

43 Ighọ iJesu ọ lu eniye odukhokho eyọli, Ọ́ọ wẹ, "Igesikia mhi gue ẹ yẹ ẹ, khi ọni ọsamhi-olimhi ni ọa mhọli emhikhọghuo ọna, lẹli ọ ri irọna ni o funẹ nya bhale dọsẹ ẹgbọ enekpọle nya

44 Itobọ khi eri eni e pfue e rọte ẹpfue ni e mhue mu ẹpfiẹ rọ riẹlẹ irọna. Ama ọni ọsamhi-olimhi ọna, rọte elemhi umhamẹ oyọli, ọ kie rue emini ọ mhọli nya ni ọ kha rọ ke le, riẹlẹ irọna."

13

Ijesu ọ guele emini a ya ke mẹ
ikpukhokho agbọ
(iMat 24.1-2; iLuk 21.5-6)

1 Abi iJesu ọ rọte elemhi Owa oyi Ẹshinẹgba fiẹ lasẹle tee, ọmọ odukhokho oyọli ọghuo, ọ́ọ li, "Bino ghue, Ọsẹsẹ! Ghe abi ukpokpomhi owa ona ali echẹ ni a rọ ma li e li somhi otşẹ khe!"

2 Ijesu ọ sọ li ọ, ọ́ọ, "Wa mẹ ukpokpomhi owa ona. Ẹghẹghe o ya bhale ni echẹli okhọghuo ọa ke rọ ya migha ukhomhi okhọghuo. Wẹwẹ nya e ya de kua."

‡ 12:31 Li zẹ iLev 19.18 § 12:32 Li zẹ iDeut 4.35
‡ 12:36 Li zẹ iWolo 110.1

* 12:33 Li zẹ Osia 6.6 † 12:34 Li zẹ iLuk 10.25-28

*Ozughu ali Imu-okhọli vule
(iMat 24.3-14; iLuk 21.7-19)*

³ Abi iJesu ọ li shi uto ukhomhi Ute ẹra Olivu, ni o so alo ghue oni Owa oyi Ẹshinẹgba, iPita ali iJemhisi ali iJoni ali Aduru e bẹna bhale ya mhila li,

⁴ Ẹ ọli, “Gueye anye, ẹghẹghẹ ni a ro ya ke me eni ingme enana. Elo a ya ke me ni a ro ya lese khi oni ẹghẹghẹ ni eni emhi ena e ro ya tse khi o she ramhi?”

⁵ Igho iJesu ọọ we, “A kuegbe-a ke tokpe, ini ogbokhoghuo ọ khi di ẹ.

⁶ Ebubu ẹgbọ e ya ri eva oyemhe bhale deba ẹ, ẹ lie khi, ‘Mhemhe mhi khi loli,’ ẹ di ebubu ẹgbọ.

⁷ Ini a suo khi a khọli, o ke khi eri a suo eko ingme okhọli obini odonue, a khi ze ni o nighise ẹ udu. Emhi eghogho e mema bhale ya tse, ama ukpesẹ agbọ ọa kie ramhi.

⁸ Ishishi ali ishishi e ya mu okhọli vule shi egbe ọ, eghiele ali eghiele e ya li mu okhọli vule shi egbe we ọ. Eke o ya la asha kpa ke nighise, ẹ kulue. Okiamhi oniemi ọọ pfi. Igbaekele osoli na abi ọọ li okpotso ni oku o lese be ẹ to egbe.

⁹ “A ri ukpeloe shi eke lolo ke tokpe. A ya mu ẹ je owa ni a la gue ẹzo. A la elemhi Owa ugamhi gbe ẹ. A ya ri itobọ oyemhe mu ẹ bhale odalo oyi enighie ali eni ẹ mhesẹ ni a ro gue usomhi onete oyi Ẹshinẹgba ye we.

¹⁰ Ama neni ukpesẹ agbọ o ya ramhi, a mema she ya tse abo oni usomhi onete oyi Ẹshinẹgba ye ẹgbọ na ishishi nya.

¹¹ Ini a da mu e bhale khi a re ẹ gue ẹzo, khi ze ni udu o nase ẹ shi emini u ya ngme. Ama lese ngme emiemi Ẹshinẹgba o ya ro ne oni ẹghẹghẹ agho, itobọ khi ọa khi yeye wa ngme, ama Ayemhe-nọ-pfuase.*

¹² “Ẹgbọ e ya ri inyoghuo we bhale na gbolo-a, ita e li ri imi we li bhale ni a li gbolo-a. Ẹghẹghẹ agho, eniye e ya

ke so alo okhọli ghue eni e bia we ọ, e gbolo we-a.

¹³ Ẹgbọ nya e ya ri itobọ oyemhe ke biselemhi ẹ, ama oni ọ ri egbe mie ya ramhi ukpesẹ, a ya mie pfuese.†

*Emhi obe ni ọọ vese ẹgbọ kua
(iMat 24.15-28; iLuk 21.20-24)*

¹⁴ “Ama, a kha da me emini ẹ pfi oyese, ashini aa kha me ọli, ikhi oni ọ vese ẹgbọ kua, ẹghẹghẹ agho oni ọ ze ebe ọ lese abi a ri emini ọ ze ngme. Eni e la eke iJudia e na nga ikhomhi ite.‡

¹⁵ Oni ọ la ukhomhi owa ne ọ khi tiemhile elemhi owa ya rue emikhoghuo.

¹⁶ Oni ọ la ifui ishemhi ọ khi na bhale apfe ya rue awulu oyoli.§

¹⁷ O ma ze mu ikpotso ni ẹ me ali eni e mhọli eniye ni ẹ nye enyeli shi egbe ẹghẹghẹ agho.

¹⁸ Lema Ẹshinẹgba ọ khi bie ze ni o de shi ẹghẹghẹ ni ulili oniemi o la gbe ẹgbọ elemhi ukpe.

¹⁹ Itobọ khi onana o ya khi osoli ni o khọlo ne nya rote ẹghẹghẹ ni Ẹshinẹgba ọ te ma agbọ. Ogbọ a ke gbo ya me osoli uza onana ghue eke agbọ.*

²⁰ Ini Ẹshinẹgba ọa li rote ogbele osoli ni a ngme ena khi-a, ogbokhoghuo ọa ya dobe ji ukhomhi ọ le. Ama irari oyi ẹgbọ eyoli ni ọ ze ọda ke, ọ ro rote eni ogbele osoli ena khi-a.

²¹ Ẹghẹghẹ agho ini ogbokhoghuo ọ gueye, ‘Ghekhe, ghe Omiepfuese!’ Okekha khi eri ọ ye, ‘Ghe ọli oobọ khe!’ Khi mie ọli suo.

²² Itobọ khi iromhi emiepfuese ali emekeguele e ya lasese. E ya ke rie ọle ọle ali ikanya onyaloa ododa ro ke di ẹgbọ. Ni o kha khi ini ọa gue kia, e ga li ya di egbegbi eni Ẹshinẹgba ọ ze ọda ke.

²³ Irarigho, a ga lolo kuegbe-a ke to ọlo eke. Mhi she gue emhi nya ye ẹ shi eke se neni oni ẹghẹghẹ o ya ramhi.

* 13:11 Li ze iMat 10.17-20; iLuk 12.11-12 † 13:13 Li ze iMat 10.22 ‡ 13:14 Li ze iDan 9.27; 11.31; 12.11 § 13:16 Li ze iLuk 17.31 * 13:19 Li ze iDan 12.1; Iro 7.14

Inyenegbe bhale oyi Omi Ogbọ
(iMat 24.29-31; iLuk 21.25-28)

²⁴ “Ini egheghe osoli ona o ga dose se nya,

“Ovo o ya bishi alo-a,
uki o a ke dobe ge,†

²⁵ Ikpeta e deno ukhuli kule,
ukhuli ali ekpabo
ni e la irarogbe e mhesa
e ya ke nighise.‡

²⁶ “Egheghe agho, egbo nya e ya me
khi Omi Ogbọ o kia elemhi otughunu
e bhale, elemhi ekpabo ali ufumhi ni
o ge nyanyanya. §

²⁷ Egheghe agho, o ya ghie igeni
eyoli e te asha kpa, ikhi ukpesa agbo
nya, ti egbo eyoli ni o ze o da ke gbili.

Osesa oyi oni oora okhua-eni
(iMat 24.32-35; iLuk 21.29-33)

²⁸ “Bino abi okhua-eni o li e te. O kha
da kpesa ukhuli, ni o ro ke ta ebe ne,
lesa khi okasa o kele ya le.

²⁹ A kha da gbo li ligo me khi eni
emhi ena khi a da me we ne, lesa khi
egheghe o she ramhi.

³⁰ Abi o li mhi li gue oli e ye e khi,
egbo eghuo ni e la agbo memena ea ya
ghu ne, ni eni emhi ena nya e ro bhale
ya tse.

³¹ Eke ali ukhuli e ya dose, ama
ingmemhi eyemhe ea ya tigbe dose
ghue.

Ogbokhoghuo o a lesa oni ogbele wea
oni egheghe
(iMat 24.36-44)

³² “Ogbokhoghuo o a lesa oni ogbele
wekhi oni egheghe. Ghe egbegbi igeni
ena iloghie ali mhemhe Omi oli, se ni
Itamhe lolighuo.*

³³ A ri ukpeloe shi eke ke tokpe,
itobo khi waa lesa egheghe ni o la ya
bhale.

³⁴ Eri ona o li abi omose ni o vu asha
obini odonu, ni o ri ighumha eyoli
shi apfe e ri ukpeloe khu shi na lue.
O gueye ogbogbo akanya ni o ya gbe.
O gueye oni o khe ekhe o ke khe ekhe
apfe.†

³⁵ “Irarigho, ke khe ekhe, itobo khi
waa lesa egheghe ni oga o ro ya jele.
Ini elogbomhi lo o, okekhi itsotso og-
bie lo o, okekhi egheghe obili-atso lo
o, abi khi ogbie-fiefie lo.

³⁶ Ini o bhale guo, khi ze ni o bhale
ya e khi u wa lesa a.

³⁷ Abi mhi li gue oli ye e ena mhi li
gbo gueye ogbokpa. ‘A ke khe ekhe!’ ”

14

Ugbamhi ni a gba khe iJesu

(iMat 26.1-5; iLuk 22.1-2; iJon
11.45-53)

¹ O ke kpe ogbele eva le ni a ro
ya li ukpe iPasova ali ukpe ni a la le
ibuledi ni aa ri ifuma shi nye, ighie
eyi ekpodalo-ugamhi ali esesa Ishi eyi
iMosisi, ee nono ode ni e te ya bena
mu iJesu gbe-a.*

² E egbe, “Awa khi riela oli ini a li
imu, onyaghu o a ya lasela shi o.”

A la iBetani ku oili shi iJesu egbe

(iMat 26.6-13; iJon 12.1-8)

³ Abi iJesu o ro la oli iBetani, owa
oyi iSamọ ni efafe e kpe mu shito le
eminale, okpotso oghuo o rue ukoko
ituale ni o lolo ghale, ni o pfiela lasela.
O gbe oni ukoko a, o ku oni ituale shi
iJesu ukhomhi.†

⁴ Egbo eghuo ni e la agho, e ri el-
emhi ibibi lie egbe, “Elo o ze ni a ro
na pfueche oni ituale kua shi afue?”

⁵ A kha ri oli de ramhi ifata ukpe ali
emhi, a kemhi eni ikpagho na eni ea
mhu. E shi oni okpotso unu egbegbo.

⁶ Ama iJesu o o we, “A ze oli obo. Elo
a yese oli e ngme shi? Egbegbi emini
o ti ni o somhi otse o riela na mhe.

⁷ Egheghe kpa eni ea mhu e ro nu
e la ana, egheghe ni o ghole e kpa a
kpaghie we obo. Ama aa ya me mhe
egheghe kpa.‡

⁸ Emini o dobe ya riela o riela egho.
Eri o ku ituale ku mhe egbe shi eke
khe egheghe iroto oyemhe.

† 13:24 Li ze Aza 13.10; Ezik 32.7; iJo 2.10,31; 3.15; Iro 6.12 ‡ 13:25 Li ze Aza 34.4; iJo 2.10; Iro 6.13
§ 13:26 Li ze iDan 7.13; Iro 1.7 * 13:32 Li ze iMat 24.36 † 13:34 Li ze iLuk 12.36-38 * 14:1 Li ze
Okiali 12.1-27 † 14:3 Li ze iLuk 7.37-38 ‡ 14:7 Li ze iDeut 15.11

⁹ Igesikia mhi gue ẹ ye ẹ khi, ashashini a da la tse abo usomhi onete eke agbo ona nya ne, a ya yele emini okpotso ona o ri ele le.”

Ijudasi o lama khi loli ya ri iJesu de (iMat 26.14-16; iLuk 22.3-6)

¹⁰ Eghẹghẹ agho iJudasi Isikaroti, ni o khi otuoghwo eniye odukhokho ogbava, o le deba ighie eyi ekpodalougamhi, ni o ya ri iJesu na we de.

¹¹ Onana ni o gueye we, o ga ghole we. E shobo khi wewe e ya ri ikpagho na li. Igho iJudasi o li nono eghẹghẹ ni o ti ni o ro ya me asha ri iJesu na we.

Ijesu o nu eniye odukhokho eyoli le Eminale iPasova (iMat 26.17-25; iLuk 22.7-14,21-23; iJon 13.21-30)

¹² Ogbele ni odode ni a li oni ukpe ni a la le ibuledi ni aa ri ifuma shi nye o ramhi, ni o khi ogbele ni a ro gbe ozele Osumha oyi oni iPasova-a, eniye odukhokho eyi iJesu e mhila li “Ashi o ghole ẹ ni anye mu egbe shi eke ne, ni u la le eminale iPasova?”

¹³ Igho, o ghie eniye odukhokho etuava eyoli, odo we, “A lo ifuapfe, omose ni o tsua ubene ame, o ya lona ẹ ode. A deba li je apfe.

¹⁴ A gueye oni o mholi apfe ni o ya lo, khi, ‘Ose se odo, anye mhile u ri anye kase elemhi owa ni loli ali eniye odukhokho eyelue wewe e la ya le eminale iPasova?’

¹⁵ O ya re ẹ kase agbala ni emhi nya e gba shi ukhomhi owa atonga, a muno egbe shi akagho na awa.”

¹⁶ Eni eniye odukhokho e vu, e lo ifui apfe, e ya me eni emhi tee abi iJesu o gue oli ye we. Igho e mu egbe oni eminale iPasova.

¹⁷ Ogbomhi o mu eke, iJesu ali eni eniye odukhokho ogbava e bhale.

¹⁸ Abi e li shito gasẹ itebu le eminale, iJesu odo we, “Egbegbi-ingme mhi gue ẹ ye ẹ khi otuoghwo elemhi ẹ o ya re mhe de. Oni o nu mhe le emhi memena.”§

¹⁹ Udu o yese we-a, otuoghwo-oghwo odo mhila li, “She khi odo khi mhemhe o khi?”

²⁰ O so we o, odo we, “Otuoghwo elemhi ẹ ogbava o ya khi, oni o ga ri ibuledi nu mhe ẹ somhi elemhi utasa memena.

²¹ Eri Omi Ogbọ o ya ghu-a abi a li keke oli shi eke na li. Eri-tse khi, o maa kholo oni o ya roli de egbe! O kha ga ti ne, ini ogbọ odo bie bia li lo!”

Eminale oyi Onomhue (iMat 26.26-30; iLuk 22.14-20; 1 iKori 11.23-25)

²² Abi e li le eminale egho, iJesu o rue ibuledi, o kphemhi, o khi oli a, o ro na eniye odukhokho eyoli, odo, “A mo le; Idiegbe oyemhe na.”

²³ Igho o gbo so onyo shi uko, o kphemhi, o roli na we, wewe nya e ga te o da.

²⁴ IJesu odo we, “Olia eyemhe na ni e migha shi ishiobọ onogbo, ni a ku kua na ebubu egbo.*

²⁵ Mhi gue igesikia ye ẹ khi mhi aa ke gbo ya rote onyo upfonu ona da, se ni obini Eghiele oyi Eshinegba, ni mhi la da onyo onogbo.”

²⁶ Abi e ro to uwolo se, e fiẹ lasele, e je Ute Eera olivu.

Ijesu o guele shi eke khi iPita o ya kie lue (iMat 26.31-35; iLuk 22.31-34; iJon 13.36-38)

²⁷ IJesu odo we, “Eẹ nya, a ya na kua, a ze mhemhe-ghuo odo, irari khi a she keke oli shi Ebe-no-pfuase khi.

“ ‘Mhi ya ri emhi li

orisumhaka,
isumha e ya ve kua.’†

²⁸ “Ama ini a guise mhe le se, mhi ya ralo khe ẹ iGalili.”‡

²⁹ IPita odo li, “Ini egbo nya e riri kie ẹ, mhi aa ya kie ẹ.”

³⁰ IJesu odo iPita, “Mhi gueye khi, neni okpa odo gbieghẹ iteva amiose, u ya kie mhe itese.”

³¹ IPita o kie gema o gue gagaga, o lie, “Ini o ri riẹ khia khi oni mhi la

§ 14:18 Li ze iwolo 41.9 * 14:24 Li ze Okiali 24.8; iJere 31.31-34 † 14:27 Li ze iZaka 13.7 ‡ 14:28 Li ze iMat 28.16

nu ẹ ghu-a lo, mhi aa ya tigbe kie-ẹ.” Enekpole nya e li ngme ghọ.

*Ijesu o la iGẹtisemani so iromhi
(iMat 26.36-46; iLuk 22.39-46)*

³² E je ashini a lu iGẹtisemani, iJesu oọ eniyẹ odukhokho eyọli, “A shito ana ni mhi ya so iromhi bhale.”

³³ O rue iPita ali iJoni ali iJemhisi ma egbe vu. Iyesudu-a ali anasemhe e bhale na li.

³⁴ O wẹ, “Oya ni o la mhe udu memena o gba a. O ga nono ni lue gbe mhe. A migha akana khe mhe, a ke tokpe.”

³⁵ O ti je odalo denẹ, o de ya yeshi eke, oọ so iromhi ini o ya ze riele ni oni eghẹghẹ ona o dose lue.

³⁶ Oo, “Itamhe, Itamhe, emhikpa o ze e riele. Rue mhe oni uko osoli ona odalo le. Eri-tse khi, oa khi abi o ghole mhe, se ni abi o li ghole e.”

³⁷ Abi o nyene egbe bhale, o me khi eni eniyẹ odukhokho e lese-a. Oo iPita, “ISamo, eri u lese-a? Aa dobe nu mhe tokpe ukuku eghẹghẹ tse?”

³⁸ Ri ukpelo shi eke gboo ke so iromhi ini u khi de ini u mholi imufe. Ayemhe oye o mu egbe ni o ro riele, eri-tse khi, idiegbe oye oa dobe.”

³⁹ Igho o gbo vu ya so iromhi enabi o kpe so.

⁴⁰ Abi o ro nyene egbe bhale, o gbo bhale ya e wẹ khi e lese-a, irari khi olese o la wẹ alo, ea lese abi e ke ya ngme oli.

⁴¹ Abi o ro nyene egbe bhale utonuzese, oo wẹ, “Olese a kie la, ni a yemhe-a? Olese ogho o she bu e! Oni eghẹghẹ o she ramhi. A bino khe khi, a ri Omi Ogbọ na ena olamhe de.

⁴² A vule ni awa vu! Oni o remhe de oo bhale ena!”

A mu ijesu

(iMat 26.47-56; iLuk 22.47-53; iJon 18.3-12)

⁴³ Abi o li ngme, iJudasi, ni o khi otuoghwo elemhi eni eniyẹ odukhokho ogbava o bhale. Egbọ ni e tsua itsua okholi ali itakobi

ali ikpokpo, ni ighie eyi ekpodalougamhi, ali esese Ishi eyi iMosisi ali egbhali e ghie, e nu oli bhale.

⁴⁴ Oni o roli de o she kpe gueye eni e nu oli kia, oo wẹ, “Oni mhi da pfpfi ekphamhi ne, loli o khi oni a nono. A mu oli, a khe oli ekhe rue vu.”

⁴⁵ Abi e ro lese lole, iJudasi o le deba iJesu, oo, “Ose.” O pfpfi oli ekphamhi.

⁴⁶ Eni emose e mu iJesu.

⁴⁷ Igho otuoghwo eni e migha epfeaghọ o ji itakobi oyoli emhi lasele, o be oghumha oyi Oga oyi ekpodalougamhi esọ-a.

⁴⁸ IJesu oo wẹ, “Okholi mhi tsua, ni a ro lina tsua itsua okholi ali itakobi ali ikpokpo bhale ya mu mhe?”

⁴⁹ Ogbele kpa mhi ro nu e la, mhi la Owa oyi Eshinegba e sese. Aa mu mhe. Eri a me emhi ena ni emini a keke shi Ebe-no-pfuase o bhale ya tse.”[§]

⁵⁰ Igho eniyẹ odukhokho eyoli nya ni e deba li e ve kua, o kpe lighwo le.

⁵¹ Ozeo oghwo ni o so awulu ona yeyeye, oo deba iJesu. Abi e ro to obo so li, khi wewe e ya mu oli,

⁵² o nyanọ awulu-a mhuẹ wẹ abo, o ri irumheba na vu.

Otu iSaediri e ri ijesu gue ezọ

(iMat 26.57-68; iLuk 22.54-55,63-71; iJon 18.13-14,19-24)

⁵³ E mu iJesu bhale owa oyi Oga oyi ekpodalougamhi, ighie eyi ekpodalougamhi nya, ali egbhali ali ekekebe ali esese Ishi eyi iMosisi nya e le gba.

⁵⁴ IPita o tapfia deba li ukhokho, ya ramhi elemhi apfe oyi Oga oyi ekpodalougamhi. O nu eni e khe ekhe shito khaserali.

⁵⁵ Eni ighie eyi ekpodalougamhi ali oni igbaa oyi iSaediri nya, e nono emhi ushi ni e ya mu mholi iJesu obo, ni e ba me asha gbe oli-a. Ea me emhikhoghwo.

⁵⁶ Ebubu egbo e pfi otsele eyi egholi mu oli, eni otsele nya, ea de shi oghwo.

⁵⁷ Ikpukhokho, egbo eghwo e vule pfi otsele egholi ona mu iJesu. Ee,

[§] 14:49 Li ze iLuk 19.47; 21.37 * 14:58 Li ze iJon 2.19

⁵⁸ “Anye suọ khi ọọ liẹ khi, ‘Mhi ya guọghọ Owa oyi Ẹshinẹgba onana ni ẹgbọ e ri abọ ma-a, ẹlẹ-ese mhi tọ olese ni ẹgbọ ẹa ri abọ ma.’ ”*

⁵⁹ Abi e riẹ kie ngme ona, ọtsẹlẹ eyewẹ ẹa kie de shi oghuo.

⁶⁰ Ighọ Ọga oyi ekpodalo ugamhi ọ vule migha odalo oyewẹ nya, ọ mhila iJesu. “Waa bie ya sọ wẹ ọ? Ẹzọ elọ na ni ẹgbọ ena ẹẹ gue shi ẹ egbe?”

⁶¹ Ama iJesu ọ tsaghie a, ọa sọ wẹ ọ. Ọga oyi ekpodalo ugamhi, ọ gbo mhila li, “Yeyẹ u khi Ọmiepfuese, Omi Ẹshinẹgba ọna Kuẹghie?”

⁶² IJesu ọọ li, “Lọli mhi khi. Ẹẹ nya a ya mẹ khi Omi Ọgbọ ọ shitọ obita oyi Ẹshinẹgba ni ọ funẹ, ali khi ọ la otughunu rọte irarogbe ẹ tiemhie.”†

⁶³ Ọga oyi ekpodalo ugamhi ọ nyanọ itsua shi ẹgbọli uruli abi ọ li yila. Ọọ, “Awa ke gbo nono ọtsẹlẹ olese.

⁶⁴ Ẹẹ nya a she suọ abi ọ pfi unu-a deba Ẹshinẹgba. Sẹ a sọ shi ọ?”

Wewẹ nya e pfa ezọ mu ọli khi ọni a gbe-a ọ khi.‡

⁶⁵ Ẹgbọ eghuo ọ, e tonno etẹ ku ọli. E ri emhi gẹnọ ọli alo. E pfi ọli emhi, ẹ ọli, “Mẹ ekẹ guele, gueyẹ anye ọni ọ pfi ẹ emhi?” Eni ẹ khẹ ekhẹ e mu ọli, e lase ọli esọ.

IPita ọ khi lẹli ẹa lẹsẹ iJesu

(iMat 26.69-75; iLuk 22.56-62; iJón 18.15-18,25-27)

⁶⁶ Abi iPita ọ kie shitọ elemhi apfẹ eghọ, ọmueshi oghuo ni ọ khi ọni ọọ ga oyi Ọga oyi ekpodalo ugamhi ọ bhale.

⁶⁷ Ọ mẹ iPita abi ọ rọkhasẹ erali, ọ tọli ọkpẹ tsukẹ.

Ọọ li, “Yeyẹ u li nu iJesu na iN-azareti i kia.”

⁶⁸ Ama iPita ọ tia. Ọọ, “Mhi a lẹsẹ emini wa ngme.” Ọ lase aghọ le je ode ni a tẹ ẹ lo elemhi apfẹ. [Ighọ ọkpa ọ gbieghẹ.]

⁶⁹ Abi ọni ọmueshi ni ọ ga ọgbọ ọghọ ọ rọ gbo mẹ iPita aghọ, ọ gbo riẹlẹ eni ingmemhi ngme khasẹ eni e migha epfẹ aghọ. Ọọ, “Ọtuọghuo elemhi wẹ, ọni ọmọse ọna ọ khi.”

⁷⁰ IPita ọ gbo tia.

† 14:62 Li zẹ iDan 7.13 ‡ 14:64 Li zẹ iLev 24.16

Oo li deñe, eni e migha epfẹ aghọ e ke iPita, “Igesikia lọ khi ọtuọghuo elemhi wẹ u khi, irari khi ọnge iGalili u khi.”

⁷¹ Ighọ ọ li sẹ ẹgbọli isheli, ọ romhi eni isheli. Ọ liẹ, “Mhi aa ga lẹsẹ ọmọse ọna ni a ngme ena.”

⁷² Utoghuokpe, ọkpa ọ gbieghẹ utonuzi-eva. IPita ọ sato emini iJesu ọ gueyẹ ọli khi, “Neni ọkpa ọ ya gbieghẹ utonuzi-eva, u ya kie mhe itesẹ.” Ighọ ọ gbe akhe evie a.

15

A rue iJesu bhale odalo oyi iPaleti
(iMat 27.1-2,11-14; iLuk 23.1-5;
iJón 18.28-38)

¹ Eluzogbe fiefie, ighie eyi ekpodalo-ugamhi, ali ẹgbhali ali esesẹ Ishi eyi iMosisi ali igbaa eyi iSaediri nya, e ye ugbamhi. E gẹ iJesu rue vu ghi iPaleti.

² Ọni iPaleti ọ mhila iJesu ogbọ, ọọ li, “Oghie ọyi ẹgbọ iJu u khi?”

IJesu ọọ, “Eee! Ighọ lọ abi u ngme ọli.”

³ Eni ighie eyi ekpodalo-ugamhi eyi Ẹshinẹgba e ga gue ezọ emhi ebubu shi iJesu egbe.

⁴ Ighọ iPaleti ọ gbo mhila li ogbọ, ọọ, “Wa ya pfunu, u suọ iwali ezọ ni e gue ẹ shi ẹ egbe?”

⁵ Ama iJesu ọa sọ li ọ. O ri abọ sha iPaleti.

A pfa ezọ mu iJesu a ka gbe ọli a
(iMat 27.15-26; iLuk 23.13-25; iJón 18.39--19.16)

⁶ Abi áá li ini o lina ramhi ẹghẹghẹ ukpe iPasova, eri iPaleti ọ rue ogbọ oghuo owa ighumha lasele na wẹ abi o ghọle wẹ shi.

⁷ Ẹghẹghẹ aghọ ọmọse oghuo ni a lu iBarabasi ọ la owa ighumha, ni ọ khi oghuo ẹgbọ ni a mu. Eri a mu ọli shi ugbeli ni ọ gbe ẹghẹghẹ ni a rọ mẹ onyaghu.

⁸ Abi eni ẹgbọ e rọ bhale gbii ya mhila iPaleti ọ riẹlẹ emini ọ kie kpẹ riẹlẹ na wẹ,

⁹ IPaleti ọ mhila wẹ, ọọ, “A nono ni mhi rue oghie iJu abọ a na ẹ?”

10 O ga leşe gboo khi itobo ibiselemhi, ighie eyi ekpodalo-ugamhi e ro mu iJesu ghi lue.

11 Ama ighie eyi ekpodalo-ugamhi e seşe eḡbo e gueye iPaleti o ri ochogho wolo iBarabasi obo a na ewe.

12 IPaleti o mhila we, oḡ, “Elo mhi ke li oni a lu oghie iJu sho?”

13 E tseşe leghe, “A ta li ma oara apfida.”

14 IPaleti o mhila we, oḡ, “Elo o ze, umha-guekia onoghwo o rieḡe?” Ama eena e tseşe ne, “A ta li ma oara apfida!”

15 Ni o ro rieḡe emini oo ghole eni eḡbo, o wolo iBarabasi abo-a na we. Oḡ e gbe iJesu ite, o rue oli na we e ka ta li ma oara apfida.

*Ekholi-okhue e ri iJesu li egia
(iMat 27.27-31; iJon 19.2-3)*

16 Eni ekholi-okhue e rue iJesu lo elemhi apfe agbala oyi igovuno. E lu ekholi-okhue apfewe eni e kpoḡe.

17 E ri awulu iche ni o khi egholi ibulu, so li, e ri igba do arula rughu oli ukhomhi.

18 E lie oli, “A da abo na oghie oyi eḡbo iJu!”

19 E pfino oli ukpokpo ukhomhi iti ingmi-ingme, e tono ete ku oli. E de ya wugha li odalo, e nyese ukhomhi na li.

20 Abi e ro ligho ri iJesu li egia se nya, e gueghie oli oni awulu iche ni o khi egholi ibulu ogho, e nyene egbe ri itsua eyoli so li. Igho e rue oli vu ya tama oara apfida.

*A ta iJesu ma apfida
(iMat 27.32-44; iLuk 23.26-43; iJon 19.17-27)*

21 Abi e ro le, e ya e omose oghuo ni a lu iSamḡ ni o roḡe ode oyoli dose, ni o roḡe asha jele. Igho eni ekholi-okhue e ri itoto mu oli o tsua oara apfida oyi iJesu. ISamḡ ongi iZireni o khi, o gbo khi ita Alezada ali iRufosi.*

22 E rue iJesu bhale ashini a lu iGogota. [Ugua ukhomhi olimhi a ri iGogota ngme]

23 A ri onyo ni a ku ikhumhi na lui Imari shi na li o ro da, ama oara lama da li.

24 E ta li ma oara apfida. E kemhi itsua ni o so mholi egbe abo. E ti ebe ro kemhi eni ide eyoli, ni e leşe oni o ya te ogbogbo.†

25 Eghēghe agogo itili eluzogbe a ro ta li ma oara apfida.

26 Emini e keke ro kphase oni oara apfida kpeda na li khi. Oghie Oyi Eḡbo iJu.

27 E li gbo ta ighiatḡ etuava ma oara apfida mama li, otuoghwo o la li obota, onokpoḡe o la li obogobo.

28 Ona o ri emini a keke shi Ebe-nopfuase bhale ya tse, ni oḡ, “A leli oli ma ighiatḡ.”‡

29 Eḡbo eni e te epfe agho dose, e pfi itsue manya iJesu, ee nighise ukhomhi, e lie, “Ebaneke! Yeye ni u ya guoghḡ Owa oyi Eshinegba-a, u gbo rieḡe o to ogbele ese.§

30 Ro te oara apfida tiemhie sho ya mie egbe e pfuese.”

31 Igho ighie eyi ekpodalo-ugamhi, ali esese Ishi eyi iMosisi e li ri iJesu li egia, e lie egbe we. “O mie eḡboese pfuese, ama oara doḡe mie eḡboli pfuese.

32 A ze ni oni Omiepfuese ona, ikhi oghie iZireni, ni o roḡe oara apfida tiemhie ni awa me, ni awa mie oli suo.” Eni a li ta ma oara apfida mama li, e ga li nu we tsue oli.

*Eghuli oyi iJesu
(iMat 27.45-56; iLuk 23.44-49; iJon 19.28-30)*

33 Agogo igbeva oḡuota, obili o bi oni eke a nya. Elemhi iwakati ese oni obili o la ogbe ramhi.

34 Agogo ese o ramhi, iJesu o tseşe leghe, o ri unu eoli oyewe lie, “Eloi, Eloi, Lama Sabachi tani?” Emini a ri ona ngme khi, “Eshinegba oyemhe, Eshinegba oyemhe, elo o ze ni u ro tsua mhe pfa.”*

* 15:21 Li ze iRom 16.13 † 15:24 Li ze Iwolo 22.18 ‡ 15:28 Li ze Aza 53.12 § 15:29 Li ze Iwolo 22.7; 109.25; iMak 14.58; iJon 2.19 * 15:34 Li ze Iwolo 22.1

³⁵ Abi eḡbọ eghuo ni e migha epfe agho e ro suo khi o ngme na, e ke, “Ri esọ shi eke khi o lui Elaja.”

³⁶ Omose oghuo elemhi eni eḡbọ o na ya rue isoso so li onyo ni okhe a, o ge o li shi ukpokpo roli kpe iJesu unu o ro da. Oni omose o ke. “A ze o li obọ, ni awa me ini Elaja o ya bhale ya rue o li ukhomhi oara apfida tiemhie.”†

³⁷ IJesu o tsesẹ leghe, o ghua.

³⁸ Ukpokpomhi ode ugbakpi ni a ro pfa ode-a shi elemhi Owa Oyi Eshinegba, o rote idane kiesẹ-a asha eva ya to eke.‡

³⁹ Abi okhọli-okhue oniemhi ni o migha odalo oni oara apfida o ro suo abi iJesu o tsesẹ leghe, ni o ro me abi o li ghua, o o, “Egbegbo lo khi, Omi Eshinegba omose ona o khi.”

⁴⁰ Ikpotoso eghuo e ta pfa bino, iMeli onge iMagidaleni, ali iMeli inyi iJemhisi oni o kpoke, ni o gbo khi inyi iJosisi ali iSalome.

⁴¹ Ikpotoso ena e mema deba iJesu ni e ri ukpeloe khu o li obini iGalili. Ikpotoso elese ni e deba iJesu bhale iJerusalemu e li ga migha agho.§

Irotọ oyi iJesu

(iMat 27.57-61; iLuk 23.50-56; iJon 19.38-42)

⁴² Ogbomhi o she mu eke eḡgho ni o khi ele ni a ro mu egbe khe ele iyemhea oyi eḡbọ iJu.

⁴³ IJosefu onge Arimatia, ni o khi oghuo eni e mhesẹ, ni o khi oḡbọ ni o li mu eloe. Eri o bie kpe ri eloe shi eke khe Eghiele oyi Eshinegba. O gbe udu le ya gueye iPaleti o rue olimhi oyi iJesu na lue ya to.

⁴⁴ O ga sha iPaleti abo khi iJesu o she gbhe ghọ keḡ ghua. O lui oni okhọli-okhue oniemhi ogho mhila ini iJesu o she gbhe ghua.

⁴⁵ Abi iPaleti o ro rote unu oyi oni okhọli-okhue oniemhi ogho suo khi igho o khi egbegbo, o tsua olimhi oyi iJesu na iJosefu.

⁴⁶ Igho iJosefu o de ide, o rue oni olimhi tiemhile oara, o khuli o li, o ri

o li to uji ni a to shi eche. O gheghele eche oniemhi guese oni uji.

⁴⁷ IMeli onge iMagidaleni, ali iMeli inyo iJosisi e me ashini a ri o li to.

16

Irote eghuli guale oyi iJesu

(iMat 28.1-8; iLuk 24.1-12; iJon 20.1-10)

¹ Abi ele iyemhea o ro dose se, iMeli onge iMagidaleni, ali iSalome, ali iMeli inyi iJemhisi, e de afu ituale ni ee pfe mhue obo ni wewe e ya khakha li shi idiegbe olimhi oyi iJesu.

² Ogbie-fiefie ni o khi uka, khi ovo o lese ngale, e je atalimhi ni a roli to.

³ Igho e mhila egbe we, “Oghuo o ya gheghele eche unu oni atalimhi-a na awa?”

⁴ Ama abi e ke ro yase alo eke bino, e me khi a she gheghele oni eche ni o ghọ gbẹdi unu oni atalimhi-a a.

⁵ Abi e ro lo oni uji, e me ozeo ni o so itsua epfopfo na dogo, khi o shito epfe obita. O sha we abo.

⁶ O o we, “Abo e khi sha e.” “IJesu onge iNazareti oni a ta ma oara apfida a nono? O she te eghuli guale. Oa la akana. Ghe ashini a roli to.

⁷ Ama a ke vu, a ka gueye eniye odukhokho eyoli ali iPita khi, ‘O she ralo iGalili e khe e. A ya bhale ya e o li shi agho abi o kie kpe gueye e.’ ”*

⁸ Eni ikpotoso e lasele, e na ya je apfe. Abo e sha we, ulishi oo mu we, ea nu oḡbokhoghuo ngme irari khi ulishi o mu we.

[Ebe eni odode eghuo eni a rote keke oni Usomhi Onete ona, ea mholi odada 9-20 oyi ukhomhi 16 ona.]

IJesu o ri eḡbọli khase iMeli ongi iMagidaleni

(iMat 28.9-10; iJon 20.11-18)

⁹ Abi iJesu o ro rote eghuli guale ele uka se, o ri egbe o li kpe khase iMeli onge iMagidaleni, oni iJesu o khu ayemhe ebe ishilua rote egbe ya fie.

¹⁰ O vu ya gueye apfe iJesu ni ee vie.

† 15:36 Li ze Iwolo 69.21 ‡ 15:38 Li ze Okiali 26.31-33 § 15:41 Li ze iLuk 8.2-3 * 16:7 Li ze iMat 26.32; iMak 14.28

¹¹ Abi e rọ suọ khi iJesu ọ she guale khi ọ la agbọ ali khi iMeli ọngi IMagidalení ọ me ọli, ẹa mie shi ọli ọ.

Ijesu ọ ri egbọli khase eniye odukhokho aava
(iLuk 24.13-35)

¹² Abi a rọ me ona se, iJesu ọ rọte ode ọdọda ri egbọli khase ewe aava abi e li lo elemhi oni ẹoli.

¹³ E nyene egbe jele, e gbo gueye eniye odukhokho ni e kpole, ama, ẹa gbo li mie shi we ọ.

Ijesu ọ ri egbọli khase eni eniye odukhokho ogbaghuo

(iMat 28.16-20; iLuk 24.36-49; iJon 20.19-23; Ika 1.6-8)

¹⁴ Ikpukhokho, iJesu ọ ri egbọli khase eni eniye odukhokho ogbaghuo abi e rọ le eminale. Ọ dese we shi umha-mhọli irudunga oyewe, ali umha-nono ni e mie shi emini eni e me lue e ngme abi ọ rọ guale se.

¹⁵ Ọọ we, “A lo elemhi eke agbọ nya, a ke gue usomhi onete oyemhe ye ogbokpa.†

¹⁶ Ọnini ọ da mie ẹ suọ, ni a da batazi ne, ọ ya mhọli imiepfuese, ama ọni ọa da miesuọ, a she pfa ezọ mu ọli.

¹⁷ Ọlele ona o ya ke deba eni e miesuọ, e ya ri eva oyemhe khu ayemhe ebe kua, e ya ngme emue onogbo unu.

¹⁸ E ya ri abọ eyewe mu enye eke, ini e rie rue ikhumhi ni ọọ gbe ogbọ da, ọa ya li we abikhoghuo. E kha ri abọ nga eni ẹ ghua egbe, e ya toto.”

A rue ijesu nga obini iloghie
(iLuk 24.50-53; Ika 1.9-11)

¹⁹ Abi iJesu Ọnọmhuẹ ọ rọ nu we ngme se, a rue ọli nga idane iloghie. Ọ shito ukiẹkiẹ obita oyi Ẹshinẹgba.‡

²⁰ Ighọ eniye odukhokho eyi iJesu e li fie ya tse abọ oni usomhi onete gase asha kpa. Ighọ Ọnọmhuẹ ọ re we gbe ikanya, ọ ri ikanya ọnyaloa ni e gbe ri ungmehi oyọli tse.

† 16:15 Li ze Ika 1.8 ‡ 16:19 Li ze Ika 1.9-11

Usomhi Onete oyi iJesu iKirisiti ni iLuku O keke

Irokhase

¹ Ebubu egbọ e she roshẹka keke emini e bhale ya tse nya eghẹghẹ oyi anye.

² Ezeze abi egbọ eni e gue ungmehi oyi Eshinegba le, ni e rote igbaekele ri eloe me we abi e li de, igho e li gue we ye anye, ni anye ro ligho keke we.

³ Aborokhia khi eni ingme ena, khi rote igbaekele mhi te towe okpe, loli o ro ti mhe eloe, ni mhi kuegbe-a keke abi e li de ghi e, yeye iTiofilosi ni a ri ekpe e na,

⁴ Ishegho ni u ro ya lese egbegbi ingme ni e la emini a sese e.

A guele shi eke khi, a ya bia iJoni

⁵ Okpodalo-ugamhi oyi Eshinegba oghuo ni a lu iZakaraya o ya la o eghẹghẹ oyi oghie ni a lu Erodu ni o mhuẹ eke iJudia. Oni iZakaraya o khi otuoghuo igbhogbho ekpodalo-ugamhi eyi Eshinegba ni Abija o li la. A lu ughue oli Enizabeti ni o khi omiomi Eroni.*

⁶ Oni omose ona ali ughue oli, e khi egbọ ni e pfuase shi odalo oyi Eshinegba, ni e ri ishi eyi Eshinegba a gbe akanya.

⁷ Ea bia omọ itobọ khi Enizabeti aga o khi. Wewe ava-ava e she womhe.

⁸ Eleghuo, khi ugamhi o te iku egbọ ekpodalo-ugamhi eyi Eshinegba ni iZakaraya o la,

⁹ obọ o mu iZakaraya khi loli o ya lo Owa oyi Eshinegba ya tose ituale afu era ukhomhi atete. Igho eni igbhogbho ekpodalo-ugamhi eyi Eshinegba e kie kpe e li.

¹⁰ Abi eghẹghẹ ni a ro o tose eni ituale o ro ramhi, eni egbọ ni e bhale

shi oni ugamhi, e legba atukpapfe, e so iromhi.

¹¹ Igho agheni oyi Eshinegba o bhale ya migha ukiekie obọ ita oni adido ni a la tose ituale.

¹² Abi iZakaraya o ro me oni agheni, o yila, ulishi oo mu oli.

¹³ Ama oni agheni o o li, “Khi ze ni ulishi o muẹ, Eshinegba o she so iromhi ni u so. Ughue Enizabeti, o ya bia omone. IJoni khi eva ni u ya lu oli.

¹⁴ Oni omọ, o ya ri oghẹle ali iregbemu ghi e. Ebubu egbọ e ya ghele shi ubiamhi oyoli.

¹⁵ Irari khi o ya fu shi odalo oyi Eshinegba. O khi tigbe da onyo ni o toto ghue. Rote ele ni a te ya bia li, o te ya mhuẹ Ayemhe-no-pfuase.

¹⁶ Egbọ iZireni ebubu o ya mu pfi bhale deba Eshinegba Onomhuẹ oyewe.†

¹⁷ Onomhuẹ o ya ghie oli ralo, o mhuẹ ekpabọ ali ayemhe enabi eyi Elaja. O ya mu udu oyi eni e khi ita pfi ni e ke nono ingme oyi imi we. Egbọ eni ea kpe e so esọ na Eshinegba, ee so esọ na Eshinegba abi egbegbi egbọ ee li. O gbo mu egbọ egbe shi eke ke Eshinegba.”‡

¹⁸ iZakaraya o ro mhila oni agheni, “Se e o li ya khuese mhe khi igesikia u ngme? Irari khi mhemhe ali ughuemhe anye she womhe.”

¹⁹ Oni agheni o o li, eva oyemhe khi iGbuleni. Mhemhe mhia migha odalo oyi Eshinegba. Loli o ghie mhe mhi ka nu e ngme, mhi gue oni usomhi onete ona ye.§

²⁰ Ama ungmenu u ke ya melea ramhi eghẹghẹ ni oni ungmehi ona o ro bhale ya tse, itobọ khi u waa mie emini mhi gueye so ni o bhale ya tse shi eghẹghẹ oyoli.

²¹ Eghẹghẹ ni a ngme ena, egbọ e kie migha olase ke iZakaraya. Abọ e sha we, irari khi o she ke tse oni elemhi Owa oyi Eshinegba dose.

²² Abi o ke ro lasele o ke ngme unu. Eni egbọ e te odode lese khi imeke o

* 1:5 Li ze 1 Okhe 24.10 † 1:16 Li ze iNoba 6.3 ‡ 1:17 Li ze iMala 4.5 § 1:19 Li ze iDan 8.16; 9.21; iMat 18.10

mẹ oni elemhi Owa oyi Ẹshinẹgba irari khi obọ ọ ke rọ nu wẹ ngme.

²³ Abi ogbẹlẹ ni iZakaraya ọ rọ ya ga oni ugamhi e rọ gba, ọ je apfẹ.

²⁴ Ighọ, ughuṣi Enizabẹti ọọ mẹ. Ọ la ufui owa iki ishe, ọa ke lasela ni ẹgbọ e mẹ.

²⁵ Oni ọkpotoso ọọ, “Ẹshinẹgba ọ she riẹlẹ onana na mhe. Ọ mhue isomhelemhi na mhe, Ọ rue mhe omama egbe le ukpẹloẹ oyi ẹgbọ.”

Agẹni ọ guele abi a liẹ bia iJesu

²⁶ Uki onuzi-esesa o gba ni Enizabẹti ọ te e mẹ, Ẹshinẹgba ọ ghie agẹni ni a lu iGbulẹni bhale ẹoli iNazarẹti ni o la eke iGalili.

²⁷ Oni agẹni ọ bhale deba ọmueshi ni ọa lẹsẹ ọmọse ne ni a lu iMeli ni ọmọse ni a lu iJosefu ọọ gue. Unuẹkpẹ oyi iDefidi iJosefu ọ khi.*

²⁸ Oni agẹni ọ bhale deba iMeli. Ọ tse ọli, ọọ li, “Moo mueshi! Ẹshinẹgba ọ she khivọsẹ ne! Ẹshinẹgba ọ nuẹ la!”

²⁹ Oni otse ona o ri abọ sha iMeli irari khi ọa lẹsẹ emini otse onana o ngme. Egbe ẹa ke sheshe ọli.

³⁰ Ama ọni agẹni ọọ li, “Khi ke zẹ ni ulishi o muẹ, irari khi Ẹshinẹgba ọ she mhọli isomhelemhi ne.”

³¹ U ya ke mẹ, u bia ọmọ ọmọse, iJesu wa lu eva oyọli.†

³² Ọgbọ ọniẹmhi ọ ya khi, Omi Ẹshinẹgba nọ Yagha ne Nya a ya ke lu ọli. Ẹshinẹgba ọ ya rue ukpẹkhomhi eghiele oyi itali iDefidi na li.

³³ Ọ ya mhue omhese shi omhue-apfẹ oyi iGiekọpu agbọagbọ. Eghiele oyọli ọa ya mhue ukpese.‡

³⁴ IMeli ọ mhila ọni agẹni, ọọ, “Se ingme ni u ngme ena e li bhale ya tse? Irari khi mhi aa lẹsẹ ọmọse ghue.”

³⁵ Oni agẹni ọọ li, “Ayemhe-nọ-pfuase ọ ya bhale debe, ẹghẹghẹ aghọ ekpabọ eyi Ẹshinẹgba nọ Yagha ne Nya e ya tsua rughue, ọmọ ni u ya bia, ọni ọ pfuase Omi Ẹshinẹgba a ya ke lu ọli.

³⁶ Enizabẹti inyoghuae ni a kpẹ ẹ lu aga, ọ she liẹ mẹ umẹmhi, iki esesa o

la memena, abi ọ tseku khia khi ọ she womhe eghọ, ọ ya bia ọmọ.

³⁷ Irari khi aa mẹ emini Ẹshinẹgba ọa dobe ẹ riẹlẹ.”§

³⁸ IMeli ọọ li, “Ẹshinẹgba ọ mhue mhe. O ka a tse na mhe abi u li ngme ọli.” Ighọ ọni agẹni ọ li vu.

IMeli ọ ya feli Enizabẹti

³⁹ Eghẹghẹ ana iMeli ọ nyanya muno egbe, ọ je ẹoli ni e la epfepfe ute ena eke iJudia.

⁴⁰ Ọ ramhi apfẹ oyi iZakaraya, ọ tse Enizabẹti.

⁴¹ Abi Enizabẹti ọ rọ suọ otse oyi iMeli, ọmọ ni ọ la li elemhi ọ mu egbe nyene. Ayemhe-nọ-pfuase o bhale deba li.

⁴² Enizabẹti ọ khueghie unu a leghe, ọọ li, “Oni a khivọsẹ na u khi elemhi ikpotso. Oni a khivọsẹ na ọmọ ni u ya bia ọ khi.

⁴³ Ọghuo mhi khi, ni inyọ Ọnọmhue oyemhe ọ kọ ya feli?

⁴⁴ Abi mhi rọ lẹsẹ suọ otse oye, ọmọ ni ọ la mhe elemhi ọ ri oghẹlẹ mu egbe nyene.

⁴⁵ Ikhivọsẹ o khi na ọgbọ ni ọ mie ungmẹmhi ni Ẹshinẹgba ọ ngme khi ọ ya rọli tse.”

Uwolo ikueghie ni iMeli ọ to

⁴⁶ IMeli ọọ, “Mhi ri ayemhe oyemhe kueghie Ẹshinẹgba.

⁴⁷ Mhi rọte elemhi ayemhe oyemhe kueghie Ẹshinẹgba Ọmiepfuese oyemhe.

⁴⁸ Irari khi ọ yele mhe ni mhia mu ẹlole. Rọte ana vu, ẹgbọ kpa, e ya ke e lu mhe, Oni a khi vose na.*

⁴⁹ Ipfuase o khi eva oyi Ẹshinẹgba nọ fune, Irari khi ọ riẹlẹ eminiẹmhi na mhe.

⁵⁰ Ọ mhue isomhelemhi na ẹgbọ nya ni ẹ na ulishi oyọli rọte agbhotu ya je agbhotu.

⁵¹ Ọ ri abọ eyọli gbe ikanya ọnyaloa,

* 1:27 Li zẹ iMat 1.18 † 1:31 Li zẹ iMat 1.21 ‡ 1:33 Li zẹ 2 iSam 7.12,13,16; Aza 9.7 § 1:37 Li zẹ Igbae 18.14 * 1:48 Li zẹ 1 iSam 1.11 † 1:52 Li zẹ iJobu 5.11; 12.19

o vese egbo ni e mhue itiegbenga elemhi isamhi udu eyewe kua.

52 O ti ighie tiemhile eke,†
ama o yase egbo ni
e ti egbewe tiemhie nga idane.

53 O ri eminete na egbo ni okiamhi o o gbe le.

Ama eni e pfue,
o ku we epfue abo-a.

54 O she ri ishiobo ni o shi na itawa tse.

O bhale ya kpaghie egbo iZireni eni ee ga li obo.

55 Abi o li shi ishobo na agboagbo na Aburaamu

ali imimi oli,‡
ni o gbo li nu

ititawa ngme oli agboagbo.”§

56 IMeli o nu Enizabeti la iki ese neni o je apfe.

Abi a li bia ijoni Oni oo batazi egbo

57 Eghenge o ramhi ni Enizabeti o ro ya bia, o ya bia omoo omose.

58 Idogbapfe ali egbo eyoli e suo abi Eshinegba oo somhi elemhi oli. E nu oli ghele.

59 Ogbele-elele o ramhi ni a ro ya shele oni omoo a, ee nono ni e lu oli iZakaraya ni o khi eva oyi ita li.*

60 Inyoli oo we, “Iiye! Eva oyoli khi ijoni.”

61 Eni egbo e oli, “Ogbokhoghwo o la unuekpe oye ni o kpe le eva onana ghue.”

62 Igho e ri abo nu ita oni omoo ngme ro mhila li abi a ya ke lu oni omoo.

63 Oo we, e rue emini a keke emhi e shi ali ugba na lue. O keke khi, “Eva oyoli khi ijoni.” O ri abo sha we nya.

64 Utoghuokpe, unu oyoli o khueghie-a, oo ngme, oo kueghie Eshinegba.

65 Ulishi oo mu idogbapfe egho nya. Oni ungmehi egbo nya e ke ngme asha kpa eke iJudia.

66 O ri abo sha ogbokpa ni o suo oni ungmehi. Ee mhila, “Omoo nabi se ona o ya khi?” Irari khi obo oyi Eshinegba o nu oli la.

Uwolo ikueghie ni iZakaraya o to

67 Ayemhe-no-pfuase o tiemhile shi iZakaraya ita oni omoo o. Oo ngme ungmehi aguele, oo lie,

68 “Ikuēghie o khi na Eshinegba Onomhue oyi iZireni, itobo khi o she bhale ya pfa egbo iZireni eyoli shi eke.

69 O rote unuekpe oyi iDefidi, omoo oyoli, mu adenomoo Omiepfuese vule na anye.

70 Abi o li rote unu emekeguele ni e pfuase eyoli ena elele shobo,

71 khi loli ya tsumhi awa obo oyi ebe awa ali eni e biselemhi awa.

72 Ali khi loli ya somhelemhi itita awa, ni sato ishobo oyoli ni o shi na we,

73 ikhi isheli ni o romhi shi emini o gueye ita awa Aburaamu,

74 khi loli ya rue awa obo oyi ebe awa le,

ini awa khi ri ulishi ga lue

75 elemhi ipfuase ali ingeli enete, agboagbo kpa.

76 Yeye omimhe,

a ya lue emekeguele oyi Eshinegba no Yagha ne Nya;† irari khi u ya ralo ya be ode-a khe Onomhue.

77 Ni u ro gueye egbo eyoli khi rote igbe-olamhe-kua na we, e te ya mholi imiepfuese.

78 Irari khi Eshinegba oyawa oo mholi ilelemhi,

o ya ze ni ovo

imiepfuese oyoli

o te idane ngale shi awa o.

79 Ali ni o rote idane ge nga eni e la alo ebili egbe ali eni e la okhena eghuli.‡

Ni o ri awa te ode opfomeh.”

80 Igho oni omoo o lli fu, o lese ingme. O la ifui odagbe ifufu ramhi eghenge

‡ 1:55 Li ze Igbae 17.7 § 1:55 Li ze 1 iSam 2.1-10

* 1:59 Li ze iLev 12.3

† 1:76 Li ze iMala 3.1

‡ 1:79 Li ze Aza 9.2

ni o rọ lasele tse abo ungmehi oyi Eshinegba ye egbọ iZireni.

2

Ubiamhi oyi iJesu (iMat 1.18-25)

¹ Eghẹghẹ agho, Oghie Ogositosi iSiza o shi ushi a ka leli egbọ ni e la ishishi ni igometi iRomu e mhesẹ shi nya.

² Ona o ya khi ileli egbọ oni odode ni a kpẹ me eghẹghẹ ni iKuirinusi o rọ khi igovuno shi eke iSiria.

³ Ogbogbo o je apfe oyoli ya keke eva shi eke.

⁴ IJosefu o te eoli iNazareti ona eke iGalili li je iBetilemu ona eke iJudia apfe oyi itali ni a bia oghie ni a lu iDefidi shi, oni iJosefu o khi unuekpe oyi iDefidi.

⁵ O rue iMeli ni o o gue ughue mhue obo je oobo li ya keke eva shi eke. Oni iMeli o she me.

⁶ Abi e rọ la oobo, oku oo to iMeli.

⁷ O bia omọ omose ni o khi omodioli. O ri ide genọ li yeshi ukpeko ni a ri eminale e shi na elamhako le. Ogba ni a so elamhako shi o bia li shi, itobo khi ea me asha kushi ashini egbọ e ku a shi.

Igeni e gueye erisumha-kia khi a bia iJesu

⁸ Eni e ri elamhako e kia eghuo, e la oni ukiekie oni eoli ri eloe e khu elamhako eyewe eliyose.

⁹ Igho ageni oyi Eshinegba o bhale deba we agho, ufumhi oyi Eshinegba o ge nyanyanya gase we, ulishi o mu we egbogbo.

¹⁰ Oni ageni oo we, "A khi ze ni ulishi o mu e, irari khi usomhi onete ni o ri oghelẹ oniemi ya ghi ogbokpa mhi rọ bhale ghi e.

¹¹ Irari khi ogbe ni amo ena, a she bia omiepfuese shi eoli oyi iDefidi na e. IKirisiti Onomhue lo.

¹² Emini o ya rokhase e khi, a ya me khi a ri ide genọ omofe shi ukpeko ni a ri eminale e shi na elamhako le."

¹³ Udemhija, igeni ebubu e lasele, e bhale ya ku ma oni ageni, ee to uwolo kueghie Eshinegba. E lie,

¹⁴ "Ufumhi o khi oyi Eshinegba ni o la obini o yagha ne. Opfomhe o la eke agbo na ni o mhue isomhelemhi na."

¹⁵ Abi eni igeni e rọ pfi eni e ri isumha e kia shi agho nga idane se, e gueye egbewe, "Awa je eke iBetilemu ya ri eloe me onana ni Eshinegba o bhale ya gueye awa."

¹⁶ Igho e nyanya rote agho vu ya je oobo. E bhale ya e iJosefu ali iMeli ali oni omọ khi a roli yeshi ukpeko ni a ri eminale e shi na elamhako le.

¹⁷ Abi eni e ri elamhako e kia e rọ me oli se, ee gueye egbọ kpa emini oni ageni o gueye we idiegbe oyi oni omọ.

¹⁸ Egbọ nya ni e suo emini eni e ri elamhako e kia egho e ngme, o ri abo sha we.

¹⁹ Ama iMeli o ri ingme enana nya shi udu, o sa o, o to eloe eke.

²⁰ Eni e ri elamhako e kia ee je apfe, e to uwolo kueghie Eshinegba irari ungmehi ni e suo ni e gbo ri eloe me, abi a li gue oli yewe te, igho e li ri eloe me oli.

A lu IJesu eva

²¹ Eleleli o ramhi ni a rọ ya shele oli a, a lu oli eva iJesu, ni o khi eva ni ageni oyi Eshinegba o lu oli neni a me umemhi oyoli.*

A ri IJesu lo Owa ugamhi

²² Abi eghẹghẹ iropfuase oyi iJosefu ali iMeli o rọ ramhi abi Ushi oyi iMosisi o ngme, iJosefu ali iMeli e rue oni omọ bhale iJerusalemu deba Eshinegba.

²³ Abi o li la ushi oyi Eshinegba khi, "Omọ odode ni o kueghie okpotso elemhi a, o khada khi omose ne, a ri oni omọ ke nga Eshinegba obo.†

²⁴ A rue ipfeli inekhukhu aava rọ riele iluasobo na li abi Ishi eyi iMosisi o ngme.‡

²⁵ Omose oghuo o la o ni a lu iSamọ ni o la eke iJerusalemu, Ayemhe-nopfuase o la li egbe. O khi ogbọ ni o gue

* 2:21 Li ze iLev 12.3; iLuk 1.31 † 2:23 Li ze Okiali 13.2,12 ‡ 2:24 Li ze iLev 12.6-8

ngeli ni ọ migha khe Ọmiepfuese ni ọ ya mie ẹgbọ iZireni pfuese.

26 Ayemhe-nọ-pfuase ọ she kpe gueye ọli khi ọa ya ghu-a neni ọ rọ ya me iKirisiti ni Eshinegba ọ shobọ khi lọli ya rọ bhale.

27 Ayemhe-nọ-pfuase ọ kpha li sọ, ọ rue ọli lo elemhi apfe na owa oyi Eshinegba abi ita iJesu ali inyọli e rọ rue iJesu bhale ni a rọ riẹle na li abi Ishi eyi iMosisi o ngme.

28 ISamọ ọ mu ọni ọmọ shi abọ, ọ kueghie Eshinegba, ọọ,

29 “Ita ni ọ fune,
abi u li shobọ na mhe,
ze ni u rọli tse na mhe
ni mhi ghu shi opfomhe.”

30 Irari khi alo eyemhe,
e she me Ọmiepfuese
ni u ghie bhale.

31 Ni u she rọ ghi agbọ nya.

32 Ákpá ni o ri
oghuemhe oyi Eshinegba
a khasẹ ẹgbọ iJeta na alo ebili, §
ni o ri ufumhi ẹ na
iZireni ẹgbọ eye.”

33 Abọ e sha ita ali inyo ọni ọmọ abi e rọ suọ khi a ngme eni ingmemhi ena shi ọni ọmọ egbe.

34 ISamọ ọ sọ iromhi na we, ọọ iMeli, “Eri ibhale oyi ọmọ ọnana ọ ya ri ebubu ẹgbọ de, ọ ri ebubu vule eke iZireni, ọ gbo khi irokhase ni ẹgbọ e ya ke ngme emini ẹa ti shi egbe.

35 Ni a rọ bhale ya ẹ khi osheli oyi isamhi eyi ebubu ẹgbọ e khueghie-a, yeye oye u ya me oya abi ọni a sọ ogbhoro udu.”

36 Ọkpotso ọghuo ni ọ khi ọmekeguele ni a lu Ana, omi iFanueli na unekpe oyi Asha, ọ li la akaghọ. Ikpe ishilua ọ nu ọdọli la ughue ni ọni ọdọli ọ rọ ghua.

37 Ọni ọkpotso ọna ọa gbo ye ughue ramhi ni ọ rọ gbe ikpe egbhuene ali ene. Ọa gbo tigbe rọte Owa oyi Eshinegba vu. Ọọ pfi azumhi ẹle ọguota ali ẹle iyose.

38 Abi ọ rọ lole deba iJosefu ali iMeli oni ẹghẹghẹ, ọ kueghie Eshinegba, Ọ gue ingme oyi ọni ọmọ ye ẹgbọ kpa ni e la aghọ ni e migha khe ipfasheke oyi iJerusalemu.

39 Abi iJosefu ali iMeli e rọ riẹle abi Ishi eyi iMosisi o ngme se, ee je apfe oyewe obini iNazareti na eke iGalili.*

40 Ọni ọmọ ọọ fu, ọ mhue ekpabọ, ọ mhọli ilẹsingme khi ilẹsingme, ekpabọ oyi Eshinegba o la li egbe.

Ijesu ọ bhale Owa ugamhi abi ozele

41 Ukpe kpa ita iJesu ali inyọli e rọ je iJerusalemu ya li ukpe iPasova.†

42 Abi iJesu ọ ke rọ gbe ikpe igbeva, e ye shi ukpe iPasova oyewe abi e kie kpe ẹ li.

43 Oni ukpe o pfo li se, itali ali inyọli ee je apfe, ama iJesu ọ kie la iJerusalemu, itali ali inyọli ẹa lẹse khi ọ kie la ukhokho.

44 E dabi khi ọ nu wewe kia. E she kia ẹleghuo gbada ẹa me ọli, e nono ọli ifuabọ apfewe ali emole we ni e ga kia.

45 Abi e rọ me khi wewe ẹa me ọli, e nyene egbe ukhokho je iJerusalemu ya nono ọli.

46 Efe nuzi-ese, e tigbe me ọli khi ọ la owa ugamhi nu esese Ishi eyi iMosisi shito, ọ ku esọ-a a shi emini e sese, ọ mhila we omhila.

47 Ilẹsingme oyọli ali abi ọ li i gbaghie ogbọ-a, o ri abọ sha ogbọkpa ni ọ suọ li.

48 Abi itali ali inyọli e rọ me ọli, abọ e sha we. Inyọli ọọ li, “Ọmọ elọ o ze ni u rọ li anye na? Ode o she nuẹ ni anye te ẹ nono ẹ.”

49 Ijesu ọ mhila li, “Elọ o ze ni a rọ nono mhe? Aa lẹse khi mhi mema ya la owa oyi itamhe?”

50 Ama ọa ye we abi ọ li sọ we ọ.

51 Ighọ ọ li deba we je iNazareti, ọ ri ungememhi oyi itali ali inyọli gbe akanya. Ama inyọli ọ genọ ingme ena nya shi udu.

52 Ighọ iJesu ọọ womheloe elemhi egbhali ali idiegbe, ẹgbọ ali Eshinegba e nono ingme oyọli.‡

§ 2:32 Li ze Aza 42.6; 49.6; 52.10

* 2:39 Li ze iMat 2.23

† 2:41 Li ze Okiali 12.1-27; iDeut 16.1-8

‡ 2:52 Li ze 1 iSam 2.26; Ekpi 3.4

3

*Itsabo oyi Ijoni Oni oḡ batazi eḡbo
(iMat 3.1-12; iMak 1.1-8; iḡon 1.19-28)*

¹ Abi o rḡ gbe ikpe igbeshe ni oghie iSiza ni a lu iTiberusi ḡ rḡ khi oghie, oni eḡheḡhe iḡotiusi iPaleti ḡ rḡ li khi igovunḡ shi eḡe iGalili ali eḡe iJudia. Eḡheḡhe aḡo Eroḡu ḡ rḡ ḡ mhese shi eḡe iGalili. Inyoghuo ḡli, ikhi iFilipu ḡ mhese e shi eḡe Iturea ali eḡe iTirakḡnitisi. Oghie iLisiansi, ḡ mhese shi eḡe Abilini.

² Eḡheḡhe ni Anasi ali iKefasi e rḡ khi eni e kpeda nya na ekpodalougamhi eyi Eshineḡba, Oni eḡheḡhe ungmehi oyi Eshineḡba o rḡ bhale deba iḡoni omi iZakaraya, elemhi ifu ḡdagbe ifufu.

³ ḡ rḡ tse abḡ eḡe iḡodani nya kiakia. ḡ liḡ, “A mu nyeneḡ rḡte olamḡe eyeḡ lasele ni a batazi ni a rḡ gbe olamḡe eye e kua na e.”

⁴ Abi a li keḡe ḡli shi ebe Azaya ḡmekḡguele, ni ḡ rḡ,
“A ya suḡ khi
ḡgbḡ ḡ la ifu
ḡdagbe ifufu e tseḡe.”

ḡḡ liḡ,
riḡḡe ḡḡe shi eḡe
kḡe ḡḡmḡue,
‘Be ḡḡe ni o sheshe
na ḡḡmḡue’

⁵ A ka tsua eḡe suli
igbilimhi eḡe nya,
a ḡbḡmḡ ute ḡgbḡḡbḡ tiemhie eḡe,
e mele ugberḡe-a.

A ka ri ḡḡe na ḡeneḡ-ḡeneḡ
mele eni sheshe-a,
ena fuḡnyḡ-fuḡnyḡ,
a ku wḡ gbe ḡḡheḡe.

⁶ ḡgbḡkpa ḡ ya me
Imiepfuese oyi Eshineḡba.”*

⁷ Ebubu eḡbo e fiḡ bhale deba iḡoni ni ḡ batazi wḡ, iḡoni ḡ rḡ wḡ, “Eḡ enye ifue, ḡghuo ḡ tse agua ye e a na, khi eḡheḡhe ofu oyi Eshineḡba ḡḡ bhale?†

⁸ A ke ngeli angeli imu-nyeneḡ, a khi ke liḡ, ‘Aburaamu ḡ khi ita anye.’

Irari khi abi o li mhi li gue ḡli e ye e khi, Eshineḡba ḡ doḡe ya rḡte eche ena wolḡ eniyḡ lasele na Aburaamu.‡

⁹ A she rue uze shi eḡe ni a rḡ ya rḡte imhili eḡe te eni eḡe gbe, ḡḡra kpa ni ḡa da mḡ udumhi onete ne, eri a ya ḡḡli gbe, a toḡe ḡli.”§

¹⁰ Eni eḡbo e mhila iḡoni, “Se anye ke li ya kia mena?”

¹¹ Iḡoni ḡḡ wḡ, “ḡni ḡ mhue iwulu eva ḡ ka rue oghuo ḡ na ḡgbḡ ni ḡa mhue. ḡni ḡ mhue eminale ḡ ka kemhi na ḡni ḡa mhue.”

¹² Emionoga eghuo e li bhale deba li ni a batazi wḡ. Eḡ ḡli, “ḡseḡe, se anye li ya kia?”*

¹³ ḡḡ wḡ, “A khi ke miono ḡa ḡḡe ingme ni eḡe a ke miono.”

¹⁴ Ekḡḡli-okḡue eghuo e mhila li, “Se anye li ya kia?” ḡḡ wḡ, “A khi ri itoto rue ikpagḡo ni eḡa khi e ye e, a khi ke ḡbo gue ingme ni eḡa la ḡgbḡ egbe shi ḡli egbe. A ze ni ifata eye e e bu e.”

¹⁵ Egbe e mu eni eḡbo, e ri udu oyewḡ khḡkhḡ ini iḡoni ḡ khi ḡni ḡmiepfuese ni áá ngme.

¹⁶ Ama iḡoni ḡḡ wḡ, “Ame mhi rḡ batazi e, ama ḡgbḡ ḡḡ bhale ni ḡ toto ḡḡe mḡe, eḡue ni ḡ sḡ shi owe, mhi aa fu te ni mhia tagḡie ḡli-a. ḡ ya ri Ayemḡe-nḡ-pfuase ali erali batazi e.”

¹⁷ ḡ mu ukpokpo ni a ḡ akhuli ni o ze epfia sḡ oyḡli mhue obḡ. ḡḡli ḡ rḡ la ashini a la kpishi ado a ke pfie ado-a. ḡḡ ti eḡbegbi ado ni e la ḡ ḡgbili, ḡ sḡ wḡ e shi ikpulu tsua ya shi owa eminale. Ama ḡ ya ri erali ni eḡa ya a pfu ghue toḡe efuewḡ-a.” ¹⁸ ḡḡe ebubu iḡoni ḡ te tse abḡ ungmehi oyi Eshineḡba ye wḡ, ḡḡ liḡ wḡ e mu ingeli eyeḡe pfi.

¹⁹ Iḡoni ḡ gue emhi ebubu ye oghie Eroḡu ni ḡḡ riḡḡe ni eḡa ti, ali ḡ ḡbo gueye ḡli khi ḡa gue kia ni ḡ rue Eroḡiasi ni ḡ khi uḡue iFilipu inyoghuo ḡli shi.

²⁰ Itobḡ ona, Eroḡu ḡ riḡḡe ingmobe ni o rue nga ḡ, ḡ ya mu iḡoni shi owa ighumha.†

* 3:6 Li ze Aza 40.3-5 † 3:7 Li ze iMat 12.34; 23.33 ‡ 3:8 Li ze iḡon 8.33 § 3:9 Li ze iMat 7.19

* 3:12 Li ze iLuk 7.29 † 3:20 Li ze iMat 14.3-4; iMak 6.17-18

*Ibatizi oyi iJesu**(iMat 3.13-17; iMak 1.9-11)*

²¹ Abi iJoni o ro batazi eni egbo o se, o li batazi iJesu. Abi iJesu o li so iromhi, idane o khueghie-a.

²² Ayemhe-no-pfuase o li abi anekhukhu rote idane tiemhile shi oli egbe. Uruli o rote idane ngme, oo, "Omimhe u khi. Mhi i nono ingme oye gba, irari khi u ma ri egbe e mu mhe."‡

*Unuekpe oyi iJesu**(iMat 1.1-17)*

²³ Ikpe uye ali igbe iJesu o gbe ni o ro gbe ikanya eyoli eke le. O khi omi omose ni a lu iJosefu abi egbo e kie li khokho li shi, iJosefu ni o khi omi Eli.

²⁴ Omi iMatati ni o khi omi iLevi, ni o khi omi iMelki, ni o khi omi iJana, omi iJosefu.

²⁵ Ni o khi Omi iMatatiasi, omi Emosi, omi iNaumu, omi Esili, omi iNagai,

²⁶ Omi iMaati omi iMatatiasi, omi iSemeini, omi iJosechi, omi iJoda,

²⁷ Omi iJoana, omi iResa, omi iZerubabeli, omi iShaliteli, omi iNeri.

²⁸ Omi iMelki, omi Adi, omi iKosamu, omi Emadamu, omi Eri,

²⁹ omi iJoshua, omi Eliaza, omi iJorimu,

omi iMatati, omi iLevi,

³⁰ omi iSamu, omi iJuda, omi iJosefu, omi iJonamu, omi Eliakimu.

³¹ Omi iMelea, omi iMena omi iMatata, omi iNatani, omi iDefidi,

³² omi iJese, omi Obedi, omi iBoazi, omi iSamu, omi iNashoni,

³³ omi Aminadabu, omi Adimi, omi Ani, omi Ezironi, omi iPerazi, omi iJuda,

³⁴ Omi iGiekopu,

omi Aziki, omi Aburaamu, omi iTera, omi iNaq.

³⁵ Omi iSerugu, omi iReu, omi iPelegi, omi Eba, omi iShe-la,

³⁶ omi iKenani, omi Afazadi, omi iShemu, omi iNoa, omi iLameki,

³⁷ Omi iMetusela, omi Enoki, omi iJaredi, omi iMaalaleli, omi iKena,

³⁸ omi Enoshi, omi iSeti, omi Adamu, Omi Eshinegba.

4*Imufe oyi iJesu**(iMat 4.1-11; iMak 1.12-13)*

¹ IJesu o rote oko iJodani jele, Ayemhe-no-pfuase o voli egbe. Oni Ayemhe o rue oli je odagbe ifufu,

² Okphaghie o la oobo mu oli fe elemhi ogbele egbhueva. Oa le emhikhoghuo ogbele ingme ni a ngme ena. Ikpukhokho o okiamhi oo gbe oli.

³ Okphaghie oo li, "Ini u lese khi Omi Eshinegba u khi, we e oni eche ona o mele ibuledi-a."

⁴ Ama iJesu oo li, "A she keke oli shi Ebe-no-pfuase khi oa khi eminale tse o ri agbo a na obo."*

⁵ Igho okphaghie o rue oli nga ashini o yagha egbegbo, o ri eghiele na agbo nya khaso oli.

⁶ Oo li, "Mhi ya ri itoto ali epfue ni e la agbo nya ne, irari khi a she rewe na mhe, oni o ghole mhe mhi ya rue we na."

⁷ Irarigho, lese nyese ukhomhi na mhe tse, eye ena nya e ke ya khi."

⁸ IJesu o ro oli, "A she keke oli shi ebe no pfuese. Ke ga Onomhue Eshinegba oye, lolighuo kpe u ya ke ga."†

⁹ Oni okphaghie o ke rue oli bhale iJerusalemu, o roli migha ashini o yagha ne ukhomhi owa ugamhi oyi Eshinegba, oo li, "Ini Omi Eshinegba u khi, te akana ji tiemhi."

‡ 3:22 Li ze Igbae 22.2; Iwolo 2.7; Aza 42.1; iMat 3.17; iMak 1.11; iLuk 9.35 * 4:4 Li ze iDeut 8.3 † 4:8 Li ze iDeut 6.13

10 Irari khi a she keke ọli shi Ebe-no-pfuase khi,

“Eshinegba ọ ya ghie igeni eyoli, e ka kpe abo rue.”‡

11 E ya ri abo tsua ẹ idane, ini u khi khi owe shi eche.”§

12 Ijesu ọ oli, “A she keke oli shi Ebe-no-pfuase, ‘Khi mu Onomhue Eshinegba oye fe bino.’ ”*

13 Oni okphaghiẹ ọ mu ijesu fe se, o ze ọli obo ne, ọ ke migha khe eghẹghe olese.

Ijesu ọ rote iGalili gba akanya oyoli eke le

(iMat 4.12-17; iMak 1.14-15)

14 Ijesu ọ nyene egbe bhale iGalili, ekpabo eyi Ayemhe-no-pfuase e roli gbe ikanya. A suo eko ingme oyoli asha khi asha.

15 Ọ la owa ugamhi oyewe sese. Wewe nya e kuẹghie oli.

Egbọ iNazareti e kie ijesu

(iMat 13.53-58; iMak 6.1-6)

16 Ọ je eke iNazareti obini ọ la fu vule, igho ogbele iyemhea, ọ lo owa ugamhi abi ọ kie kpe ẹ li. Igho ọ vule migha a ze ebe.

17 A rue ebe oyi Omekeguele Azaya mholi ọli obo. Ọ naghie ọli-a, Ọ me ashini a keke ọli shi khi.

18 “Ayemhe oyi Eshinegba ọ la mhe ọ,

irari khi ọ she ze mhe ni mhi ke gue usomhi onete oyi Eshinegba ye eni ẹa mhue.

Ọ ghie mhe mhi guele khi mhi ya rue eni a mu shi owa ighumha lasele, ni mhi khueghie ezalo alo-a, mhi pfuese eni a na osoli.

19 Ni mhi ro gue le khi isomhelemhi oyi Eshinegba o she ramhi.”†

20 Ọ ze se, o khili oni ebe, ọ rue ọli na oni ọ ri ẹloe a khu oni ugamhi, Ọ shito,

igho ogbokpa ni ọ la oni owa ugamhi ọ wolọ alo shi ọli egbe.

21 Igho ọli gueye we, “Amo, emini mhi ze lena o bhale ya tse shi ẹ eso.”

22 Ogbokpa ọ ngme onete oyoli. Abi e ro bhale ya ẹ ingmemhi onyaloa ni e rote ọli unu u lasele, e mhila, “Ona ọa she khi omi iJosefu?”

23 Ijesu ọọ we mhi lese khi a ya ri ekpita lie mhe, “Obo, ri egbe ẹ ze. ‘A ya gbo lie mhe la akana gbe ikanya onyaloa ni u gbe obini iKapanomu.’ ”

24 “Abi o li mhi li gue ọli ẹ ye ẹ khi, aa mu ekpe ẹ na omekeguele ẹoli oyoli.‡

25 Mhi gueye ẹ khi esamhi-olimhi ebubu e la eke iZireni eghẹghe oyi Elaja, ni amẹ o ro mu ikpe ese ali ukhukhui ni ukpokpomhi okiamhi o ro pfi oni eke nya.§

26 Abi o tseku khi igho, aa ghie Elaja ghi ongewe okhoghuo, se ni osamhi-olimhi na iZarifati ni ọ la eke iSidoni.*

27 Ebubu egbo ni efafe e mu e gbo la eke iZireni eghẹghe oyi Elasha Omekeguele, ni o ro khia khi aa me ongewe okhoghuo ni a ro ze, se ni iNamani ongi iSiria.”†

28 Igho elemhi e li bi eni e la elemhi oni owa ugamhi nya abi e ro suo ungememhi ona.

29 Igho e vule khu ọli oni ẹoli ya fiẹ. E rue ọli bhale eseso ute oyi oni ẹoli, ni wewe e ba pfi ọli ya tiemhi.

30 Ama ọ rote we ifuabo ya lase, ọ vu.

Ijesu ọ khu omose oghuo ayemhe okphaghiẹ egbe-a

(iMak 1.21-28)

31 Igho ijesu ọ tiemhi ẹoli iKapanomu ni o la iGalili ẹle iyemhea, ọ sese eni egbo.

32 Emini ọ sese we e ri abo sha we, irari khi ekpabo e la ungememhi oyoli.‡

33 Omose oghuo ọ la oni elemhi owa ugamhi ni ọ mhue ayemhe okphaghiẹ. Ọ tsesẹ leghe.

‡ 4:10 Li ze Iwolo 91.11 § 4:11 Li ze Iwolo 91.12

‡ 4:24 Li ze ifon 4.44 § 4:25 Li ze 1 Ighie 17.1 5.1-14 ‡ 4:32 Li ze iMat 7.28-29

* 4:12 Li ze iDeut 6.16 † 4:19 Li ze Aza 61.1-2

* 4:26 Li ze 1 Ighie 17.8-16 † 4:27 Li ze 2 Ighie

34 “Ghi ẹ! Elo wa nono anye egbe, iJesu na iNazareti? Eri u bhale ya pfuse anye-a? Mhi lẹsẹ ọni u khi, yeye u khi ọni ọ pfuase ọyi Ẹshinegba.”

35 Igho iJesu ọ tsesẹ ku ọli, “Khukhu unu, rọte ọli egbe lasele.” Igho oni ayemhẹ ọkphaghie o mu ọni ọmose pfi eke kpọ ukpelo ọyi eni ẹgbọ nya, ọ lase ọli egbe le, ama ọa kuale ọli utse.

36 Oni ingme o ri abọ sha eni ẹgbọ, e mhila egbe, “Obo áá mẹ osesẹ onana? Itobọ khi afu ali ekpabọ ọ rọọ mhese na iyemhẹ ọkphaghie, eni iyemhẹ e suo esọ na li, e na ya lase!”

37 Igho eva oyọli o gbhiaku ashakpa.

*Ijesu ọ ri ebubu ẹgbọ ze
(iMat 8.14-17; iMak 1.29-34)*

38 Ijesu ọ te oni owa ugamhi fie, ọ je owa oyi iSamọ, ọ bhale ya ẹ khi iba ne fune ee to ọgọ iSamọ ọni ọkpotoso. E gueye iJesu ọ kpaghie ọni ọkpotoso obọ.

39 Igho iJesu ọ nyese egbe ti mama li, ọ khu eni iba, igho eni iba e lase ọli egbe le. Aghoaghọ ọni ọkpotoso ọ vule, ọọ fei we epfese.

40 Abi ogbomhi o ke rọ mu eke, a tsua ebubu ẹgbọ ni e mhọli ighuamhi ododa bhale ghi iJesu, ọ ri obọ nga we ukhomhi, ọ rewe ze nya.

41 Iyemhẹ ebe e gbo li rọte ebubu ẹgbọ egbe ya lase, eni iyemhẹ e tsesẹ, e lie, “Omi Ẹshinegba u khi oo!” Ama iJesu ọ dese we, ọa ze ni e ngme, irari khi e lẹsẹ ọli khi Ọmiepfuese ọ khi.

*Ijesu ọ tse abọ elemhi owa ugamhi
(iMak 1.35-39)*

42 Ogbe o gbe-a, iJesu ọ te oni ẹoli je ashini o da-ya, eni ẹgbọ ee nono ọli. Abi e rọ mẹ ọli, ẹa ke ze ọli vu.

43 Ama ọ gueye we, “Mhi mema ya gue ungememhi onete oyi Eghiele oyi Ẹshinegba ye ẹoli eni e kpole, itobọ khi emini o ze ni Ẹshinegba ọ rọ ghie mhe bhale na.”

44 Igho ọ kiele tse abọ kia eni owa ugamhi ni e la eke iJudia gase.

5

Ijesu ọ lu eniye odukhokho eni odode

(iMat 4.18-22; iMak 1.16-20)

1 Ogbelẹghuo khi iJesu ọ nu ẹgbọ migha ukiẹkie oke ni o khishi na iGenesareti, eni ẹgbọ e le gase ọli ri esọ ọ shi ungememhi oyi Ẹshinegba*

2 Ọ mẹ ọkọ-oke eva epfepfe oni oke, ni ẹgbọ eni ẹ gbe ifele e ze obọ shi agho. Eni ẹgbọ ee yeghe iga ni e rọọ gbe ifele-a.

3 Ijesu ọ lo elemhi oghuo ni o khi oyi iSamọ, ọọ iSamọ ọ gua li ti lase oni egele oni oke denẹ. Igho ọ shito oni ọkọ-oke oniemi, ọọ sese we.

4 Abi ọ rọ sese we se, ọọ iSamọ, “Pfi aga lo ashini o limhi ni ọ mu ifele.”

5 ISamọ ọọ li, “Ọga, a-ooyose anye te ẹ roshẹka ini anye mu ifele, anye a mu emhikhoghuo. Ama itobọ khi u ngme ghọ, mhi ya pfi aga lo.”†

6 Abi e rọ pfi aga lo oni oke, e mu ifele ni e bububu, ni o ri aga eyewe kphuru-a.‡

7 Igho e ri obọ lu apfewe ni e ga rọ gbe ifele, ẹẹ e bhale ya kpaghie wewe obọ. E muno eni ifele kulo ọkọ-oke eni e kpole. Eni ọkọ-oke e vọ ifele ya ramhi unu, ni eni ifele e rọ khose eni ọkọ-oke ramhi ni e rọ tiemi udi oke.

8 Abi iSamọ iPita ọ rọ mẹ ona, ọ de ya yeshi awe eyi iJesu, ọọ li, “Kpẹkpe ke vu ni u ze mhe obọ, irari khi ọna olamhe mhi khi.”

9 Abọ e sha li ali ẹgbọ ni e nu ọli la agho, itobọ ifele ebubu ni e mu.

10 Igho abọ e li sha iJemhisi ali iJoni imi iZebedi, ni e khi enuzava eyi iPita. Igho iJesu ọọ iSamọ, “Khi ke na ulishi. Rote amo vu, ẹgbọ u ke ẹ ke muno.”

11 Igho e tialọ ọkọ-oke oniemi eyewe ngale egele.

*Ijesu ọ ri omose ni efafe e mu toto
(iMat 8.1-4; iMak 1.40-45)*

12 Abi iJesu ọ rọ la ẹoli oghuo, omose oghuo ni efafe e mu ọ bhale deba li. Abi ọni omose ọ rọ mẹ iJesu, ọ de ya yeshi ọli odalo, ọ lema li, ọọ li,

* 5:1 Li ze iMat 13.1-2; iMak 3.9-10; 4.1 † 5:5 Li ze iJon 21.3 ‡ 5:6 Li ze iJon 21.6

“Onomhufe, ini o ghole e, u dobe ya remhe ze.”

¹³ Ijesu o nise obo-a ro ti oni omose, oo li, “O ghole mhe, khi oni o ze.” Aghoaghoni efafe e lase oli egbe le.

¹⁴ Igho ijesu o tse agua ye oli, oo li, “Khi gueye ogbokhoghuo, eri-tse ka ri egbe e khase okpodalo-ugamhi ni u riefe iluasobo ikhue-pfuase ni iMosisi o mhese na e, eghenge agho ni o khi otsele na we.”§

¹⁵ Igho ingme oyoli oo gbhiaku shi o. Ebubu egbo e bhale deba li ni e ro me asha suo ungmehi oyoli ali ni o gbo rewe ze elemhi iwali ighuamhi ododa.

¹⁶ Ama eri ijesu oo bi egbe-a je ashini o da-ya, o ya so iromhi.

Ijesu o ro omose ni o ghu abo ali awe-a toto

(iMat 9.1-8; iMak 2.1-12)

¹⁷ Eleghuo abi ijesu o li sese, egbo iFarisi ali eni ee sese Ishi eyi iMosisi ni e te eoli iGalili ali eke iJudia ali iJerusalemu bhale, e shito agho. Igho Eshinegba o li ri ekpabo na li ro ri eni ee ghua toto.

¹⁸ Egbo ni e tsua omose oghuo ni o ghu abo ali awe a bhale, e nono abi e li ya roli lo oni owa bhale odalo oyi ijesu.

¹⁹ Abi e ke ro me khi wewe ea me asha, itobo khi egbo e bu dose, e nga ukhomhi oni owa, e ri ili ge oli abi o yeshi iya egho, e rote ekpha roli tiemhile shi iteva egbo, e ro li shi odalo oyi ijesu.

²⁰ Abi ijesu o ro me abi irudunga oyewe oo fu, oo oni omose, “Omue, a she gbe olamhe eye kua ne.”

²¹ Eni egbo iFarisi ee sa udu oyewe, e lie, “Oghuo oni ogbo ona o khi ni oo pfi unu-a, oghuo o dobe e gbe olamhe kua, see ni Eshinegba lolighuo?”

²² Ijesu o lese emini e sa, o mhila we, “Elo o ze ni a ro sa isamhi enana a shi udu oyee.

²³ Onoghuo o ya kefe ogbo ngme ne? ‘A she gbe olamhe kua ne,’ ali, ‘Vule ke kia,’

²⁴ Emini o ze ni a ro me na khi ni a ro lese lo khi Omi Ogbo o mhola afu shi elemhi agbo ni a ro gbe olamhe kua.” Oo oni omose ni o ghu abo ali awe-a egho, “Mhie u vule, rue iya oye, ni u ke je apfe.”

²⁵ Utoghuo kpe o vule migha odalo oyewe, o rue iya ni o ro yeshi mhue obo, o je apfe, oo kueghie Eshinegba.

²⁶ Abo e sha eni egbo nya, ee kueghie Eshinegba. Abo e sha we, ulishi o mu we, ee lie, “Awa me oshabo amo.”

Ijesu o lu iLiva o deba lue

(iMat 9.9-13; iMak 2.13-17)

²⁷ Onana o dose se, o fie lase, o me omionoga ni a lu iLiva khi o shito elemhi okholo oyoli ni o la mie oga, ijesu oo li, “Deba mhe.”

²⁸ Igho iLiva o vule, o ze emini oo riefe obo, o deba li.

²⁹ Igho iLiva o nye ekhe, o lu ukpokpomhi ukue na ijesu shi apfe oyoli. Emionoga ebubu ali egbo elese ni e bu e li bhale shi oni ukue, e nu we le emhi.

³⁰ Ama egbo iFarisi ali eni e sese ishi ee wolo khase eniye odukhokho eyi ijesu, ee lie, “Elo o ze ni o ro nu emionoga ali ena olamhe ee le eminale?”*

³¹ Ijesu o so we o, oo we, “Oni oo to, oo ye apfe obo.

³² Mhi aa bhale ni mhi ro ya lu egbo ni e pfuase ne, ama ena olamhe mhi bhale ya lu, ni e ro mhue imiepfuese.”

A mhila ijesu ogbo ingme azumhi

(iMat 9.14-17; iMak 2.18-22)

³³ Egbo eghuo e mhila ijesu, “Elo o ze khi eniye odukhokho eyi iJoni ali eniye odukhokho eyi iFarisi e pfi azumhi, ni eye e ro le ni e ro da?”

³⁴ Ijesu o so we o, “A lie me gho khi a ri epfese ni e nu odo omueshi onogbo shito o pfi azumhi, ini oni odo omueshi o nu we la agho?”

³⁵ Ama khi eghenge oo bhale ni a ro ya rue odo omueshi iteva oyewe le, eghenge agho, e ya pfi azumhi.”

§ 5:14 Li ze iLev 14.1-32 * 5:30 Li ze iLuk 15.1-2

³⁶ Ọ zẹ okhẹ irọkhọkhọ onana khase wẹ, ọọ, “Ọgbọkhọghuo ọa ya khi ode onogbọ ya gbẹla ma ode onodiọ, ini ọ lighọ, eri ọ mema ya khi oni ode onogbọ-a shi afuẹ. Ini a gbẹla ode onogbọ ma onodiọ, ẹa ya li abeghuo.

³⁷ Wẹkhi eri ọgbọ ọ ya ku onyọ onogbọ shi akpaba oyi ẹkue-ẹlamhi onodiọ, ini ọgbọ ọ li ghọ, eri oni akpaba o ya nyanọ-a, oni onyọ o ku kua, oni akpaba o li opfu-a. [Akpaba ẹkue ẹlamhi ẹgbọ iJu e ku onyọ ọ shi.]

³⁸ Onyọ onogbọ a ku ẹ shi akpaba onogbọ.

³⁹ Aa mẹ ọgbọ ni ọ ya da onyọ onodiọ se, ni ọ tigbe ya mhila onyọ onogbọ, irari khi ọ ya liẹ khi onodiọ o ti nẹ.”

6

Ingme ogbẹlẹ iyemhẹa oyi ẹgbọ iJu (iMat 12.1-8; iMak 2.23-28)

¹ Ogbẹlẹ iyemhẹa, iJesu ali eniye odukhokho eyọli e rọte ifu ishemi iakpa dọse, e bẹ eni iakpa mhuẹ abọ, e kphali ikpamhi wẹ le.*

² Ẹgbọ iFarisi eghuo, e mhila wẹ, “Elo o zẹ ni a rọ gbe ushi ona ogbẹlẹ iyemhẹa-a?”

³ IJesu ọ sọ wẹ ọ, ọọ wẹ, “Aa kpẹ zẹ emini iDefidi ọ riẹlẹ abi okiamhi o rọ gbe ọli ali apfọli?”

⁴ Abi ọ li lo Owa oyi Ẹshinẹgba ya rue ibulẹdi ni a rọ ọ ga Ẹshinẹgba le, ni ọ gbo rọ na apfọli le. Eri a ghue oni ibulẹdi oghọ, se ni ekpodalo-ugamhi eyi Ẹshinẹgba tse ẹẹ le ọli.”†‡

⁵ Lolli iJesu ọ rọ ọọ wẹ, “Ọnọmhuẹ oyi ogbẹlẹ iyemhẹa Omi Ọgbọ ọ khi.”

Omose ni ọ ghu obọ-a (iMat 12.9-14; iMak 3.1-6)

⁶ Ighọ ẹlẹlese ni o khi ogbẹlẹ iyemhẹa, iJesu ọ la elemhi owa ugamhi sese ẹgbọ. Omose oghuo ọ la aghọ ni obọ ita oyọli o ghua.

⁷ Eni ẹgbọ iFarisi ali esese Ishi eyi iMosisi e nono emini wewe e rọ ya mu umha-guẹkia shi iJesu obọ. Ighọ e li

tọ ọli ọkpẹ ini ọ ya ri ọgbọ ze ogbẹlẹ iyemhẹa oyi ẹgbọ iJu.

⁸ IJesu ọ lese isamhi eyewe ọọ oni omose ni ọ ghu obọ oghuo-a eghọ, “Vule migha ana, ni ọgbọkpa ọ lolo ke mẹ.” Ighọ oni omose ọ vule migha wẹ iteva.

⁹ IJesu ọọ, “Mhiẹ i, onoghuo ushi oyi awa o lama shi ọgbọ ọ riẹlẹ ogbẹlẹ iyemhẹa? Ni a rọ riẹlẹ onete abi ni a rọ riẹlẹ onobe, ni a rọ tsumhi agbọ oyi ọgbọ, abi ni a rọ pfuse ọli-a?”

¹⁰ Ọ bino wẹ gase nya, ọọ oni omose ọ nise obọ-a. Ọ lighọ. Oni obọ o nise a.

¹¹ Ama elemhi e bi wẹ egbegbọ, e gba ugbamhi abi e ya li iJesu.

Ijesu ọ zẹ ighiusomhi na keẹ ogbava (iMat 10.1-4; iMak 3.13-19)

¹² Ogbẹlẹghuo, iJesu ọ nga ute ya sọ iromhi. Ọ la aghọ ẹliyose ẹlẹghọ nya ọọ sọ iromhi lema Ẹshinẹgba

¹³ Abi ogbe o rọ gbe-a, ọ luno eniye odukhokho eyọli, ọ zẹ ogbava elemhi wẹ, ọ lu wẹ ighiusomhi na keẹ

¹⁴ ISamọ, ni ọ lu iPita ali inyoghuo Aduru, iJemhisi, iJoni, iFilipu ali iBatolomiu.

¹⁵ IMatiu ali iTomosi, iJemhisi omi Afeusi, ali iSamọ, ni e lu iZiloti.

¹⁶ IJudasi omi iJemhisi, ali iJudasi Isikaroti ni ọ ri iJesu de.

Ijesu ọ sese, ọ gbo ri ẹgbọ ze (iMat 4.23-25)

¹⁷ Abi iJesu ali eniye odukhokho eyọli e rọ rọte oni ute tiemhile, ọ migha ugbereke, eniye odukhokho eyọli ebubu e la aghọ. Ebubu ẹgbọ e la aghọ ni e rọte ukiẹkiẹ eke iJudia nya ali ẹoli iJerusalemu ali ẹoli iSidoni ali ẹoli iTai ni e ngeli epfepfe okẹ oniemi bhale.

¹⁸ Eri e bhale ya suọ ingmemhi eyọli ali ni ọ gbo re wẹ ze elemhi ighuamhi ododa. Eni ayemhẹ ebe e nase e li bhale, ọ rewe ze.

¹⁹ Eni ẹgbọ nya e roshẹka ri obọ ti ọli, irari khi itoto e te ọli egbe lasele, o re wẹ nya ze.

* 6:1 Li zẹ iDeut 23.25 † 6:4 Li zẹ iLev 24.9 ‡ 6:4 Li zẹ 1 iSam 21.1-6

Oghele ali oya
(iMat 5.1-12)

20 IJesu o bino eniye odukhokho eyoli, o o we,
“Ikhivose o khi na e e ni aa pfue,

irari khi e e a mholi
Eghiele oyi Eshinegba.

21 Ikhivose o khi na eni okiamhi o gbe memena
irari khi a ya me le khue.

Ikhivose o khi na e e ni a vie memena,
irari khi a ya gia.

22 Ikhivose o khi na e, ini egbo e biselemhi e, ni e ro kie e, ni e ro tsue e, ni e ro kie e khi egbo ebe a khi, itobo oyi Omi Ogbo. §

23 “A ke ghele ini a da me gho. A gbe ishimhi irari khi a ri eleli ni o fune shi iloghie e khe e. Irari khi igho eni e bia we e li nase emekeguele eyi Eshinegba egheghe oyewe.*

24 “Ama, o ma kholo e egbe, ikhi e e ni a mhu e pfue memena,
irari khi a she mie eleli oyee se.

25 O ma kholo e egbe, ikhi e e ni a she le khue memena,
irari khi okiamhi o ya gbe e.

O ma kholo e egbe, ikhi, e e ni a gia memena,
irari khi a ya vie e vie oya.

26 O ma kholo e egbe, ikhi e e ni egbo e e ngme onete oyee,
irari khi igho eni e bia we e li ngme onete oyi emekeguele eyi egbholi.

Awa mholi inono na obe awa
(iMat 5.38-48; 7.12a)

27 “Mhi gueye e, e e ni a suo mhe, a nono ingme oyi obe ee. A ke ri ele onete na egbo ni e e biselemhi e.

28 A ke so iromhi na egbo ni e e tsue e, a so iromhi ke na egbo ni ea gue e ngeli deba e.

29 Ini ogbo o lase ukiekie eso oghuo, nyene oni o kpole gbo na li lase. Ini

ogbo o ri itoto mhi awulu, gbo ze ni o rue oni u so kpoke ma o.

30 Ke ri emini ogbokpa o mhila e na li, ini ogbo o rue e emhi, ze oli obo na li, khi gbo mhila li lue.

31 Ngeli ke deba ogbo abi u lie nono ni a li ngeli deba e. †

32 “Ini o khia khi egbo ni e nono ingme oye u lese a nono ingme oyewe, ighe ikhivose ni o la o ne? Irari khi ena olamhe e lili e nono ingme oyi egbo ni e nono ingme oyewe to o.

33 Ini o khia khi eni e ri ele onete ne u lese li e ri ele na, ighe ikhivose ni o ke la o ne? Egbegbi ena olamhe e lili e ligho.

34 Ini o khia khi eni e ngmomhi e ne u lese li ngmomhi e na, ighe ikhivose ni o la o ne? Irari khi ena olamhe e li ngmomhi e na egbewe.

35 Ama ze ni u nono ingme obe e, ke ri ele onete na we. Ke ngmomhi na we, khi ngmomhi na we ni u ke ri ele shi eke khi e ya fali e ota to o. Egheghe agho ikhivose oye o ya gbodi, u khi omi Eshinegba no Yagha ne Nya. Irari khi loli oo somhi elemhi eni ea lese obode ali ena okholo.

36 Khi ona ilelemhi, ezee abi Ita e o li khi ona ilelemhi.

Igue egboese ezọ
(iMat 7.1-5)

37 “Khi gue ogbo ezọ ini a khi li gue yeye ezọ, khi ri unu pfueche ogbo-a, ini a khi li ri unu pfueche-a. Gbekua na onuzava oye, ni Eshinegba o li gbe kua ne.

38 Rona khi a ya ro ne. Ukiekie onete, oni a lolo mimi, ni a jighise ni o tsua kua, a ya ro somhi opfa. Irari khi ukiekie ni u ro mhesa na egbo, Eshinegba o li ro ya mhesa ne.”

39 O gbo ze okhe irokhokho ona khasa we, oo we, “Ozalo o fe dobe ya ri ozalo nabi lue ke kia? Eri wewe aava e ya de pfilo uchoke. ‡

40 Omọ ni o la owena o ya fu dose oni oo sese oli, Eri-tse ini omọ ni oo ye

§ 6:22 Li ze 1 iPit 4.14; iJon 9.22; 16.2 * 6:23 Li ze 2 Okhe 36.16; Ika 7.52 † 6:31 Li ze iMat 7.12

‡ 6:39 Li ze iMat 15.14 § 6:40 Li ze iMat 10.24-25; iJon 13.16; 15.20

owena o ye owena oyoli se, o ya li abi oni o sese oli. §

41 “Elo o ze ni u roo me uku ni o la inyoghue eloe ni u waa ro meke me ufolo oara ni o pfida eloe oye?”

42 Se u lie lie inyoghue, ‘Inyoghueo ze ni mhi rue e uku eloe a,’ ni yeye oye waa ro me ufolo oara ni o pfi da eloe oye? Yeye ogbo orugamhi ku alo, kpe tode rue ufolo oara ni o la eloe oye-a ni u tigbe meke gboo rue uku ni o la inyoghue eloe a.

Oora ali ikpamhi eyoli (iMat 7.16-20; 12.33-35)

43 “Oara ni o ti o dobe ya mo ukpamhi onete, u ke ya lie khi eri oara onete o ya mo ukpamhi ni o ti.

44 Ikpamhi ni oara oo mo, a ro o lese oara ni o khi. Aa rote okphokphe e pfanoo okhua-eni.*

45 Eri ogbo onete o rote emini o ti ni o roshi udu e rue emini e ti lasele, Ama ogbo obe, o rote udu obe oyoli rue emhi obe ni o roshi udu e lasele. Irari khi isamhi ebubu ni e la ogbo udu, o te e ngme ungmehi lasele. †

Ogbo otsegbhe ali oyeghe (iMat 7.24-27)

46 “Elo o ze ni a ro lu mhe, ‘Onomhue, Onomhue,’ ni aa ro ri emini mhia ngme gbe akanya?”

47 Mhi ya rohasa e abi ogbo ni o bhale deba mhe, ni o ri esoo e shi mhe eke, ni o gbo ri ingmemhi eyemhe a gbe ikanya o li.

48 Eri o li abi ogbo ni o to owa, o tonoo eke-a limhi, ni o ri owa gbe ukhomhi eche. Abi ukpokpomhi amee o ro rue, ochikpho o ri itoto ghi oni owa abo, ama o dobe nighise oli, irari khi eri a toli egbegbo.

49 Ama ogbo ni oo suo ungmehi oyemhe ni o ro li gbe akanya, eri o li abi ogbo ni o to owa nga ekhashe. Abi amee o ro rue, ochikpho o ri itoto tsua oni owa, oni owa o de, o khi oyese oniemhi.”

* 6:44 Li ze iMat 12.33 † 6:45 Li ze iMat 12.34

7

Irudunga oyi okholi-okhue oyi iRomu (iMat 8.5-13)

1 Abi iJesu o ro ngme enana nya shi esoo eyi eni egbo se, o lo elemhi eoli iKapanomu.

2 Oobo a me omose ni oo ga okholi-okhue oniemhi, ni ingme oyoli o lolo mu oga oyoli egbe. Oni omose oo ghu ughuamhi ni o roli ramhi eghuli.

3 Abi oni okholi-okhue onofune o ro suo eko iJesu, o ghie egbhali eyi egbo iJu ghi oli, o bhale ya ri oni oo ga oyelue ze.

4 Abi e ro bhale deba iJesu, e lema li egbegbo, ee iJesu, “Oni omose ona, o khi oni u kha kpaghie obo.

5 Irari khi o ma nono ingme oyi egbo eyi anye gba, o gbo to owa ugamhi na anye.”

6 Igho iJesu o deba we vu. O she kia a ramhi owa oyi oni okholi-okhue ni o ro ghie emole oli e lie iJesu, “Khi ke nase egbe e, mhia somhi ramhi ni u wa lo owa oyemhe le.

7 Loli o ze ni mhi ro bino khi mhiaa ti ramhi ni mhi a bhale deba e. Lese ngme oni ungmehi khi oni oo ga mhe o ya ze.

8 Irari khi mhemhe oyemhe, ona omhese mhi li khi, ni ekholi-okhue e li kpoke na. Mhia mhesa na ona, ‘Vu,’ o vu. Mhi mhesa na ogho, ‘Bhale,’ o bhale. Mhi gueye oghumha oyemhe, ‘Riele ona,’ o riele oli.”

9 Abi iJesu o ro suo oni ungmehi ona, abo e sha li. O nyene alo ukhokho bino ebubu egbo ni e deba li, oo we, “Mhi gueye e khi mhia kie kpe me irudunga ni o na fu ghue, mhia kpe me oli eke iZireni ne.”

10 Igho eni a kpe ghie, e nyene egbe je apfe oyi oni okholi-okhue no fune, e bhale ya e khi oni oo ga li o she ze.

Ijesu o rote eghuli guise omi Osamhi-olimhi le

11 Oo li dena, iJesu o te agho vu, o je eoli ni a lu iNei, eniye odukhokho eyoli ali ebubu egbo elese e deba li.

12 Abi o li ti ramhi ode unuekpẹ ni a te e lo oni eoli le, o me khi a tsua ogbo ni o ghu-a a lasele. Loughuo kpe inyoli o me bia. Oni okpotso o gbo khi osamhi-olimhi. Ebubu egbo e rote oni eoli ve deba li.

13 Abi Onomhue o ro me oni okpotso, o mhue ilelemhi na li. Elemhi o e ala li, oo li, "Khi ke vie."

14 Igho o vu ya ri obo ti oni akpati olimhi, egbo ni e tsua li e mu migha, iJesu o, "Oni ozeo mhie ye vule."

15 Igho oni omose ni o ghu-a egho o vule shito, oo ngme. IJesu o mu oli obo na inyoli.

16 Ulishi o mu eni egbo nya, e kueghie Eshinegba, e lie, "Omekeguele oniemhi o she bhale iteva oyi awa. Eshinegba o she bhale ya kpaghie egbo eyoli obo."

17 Ingme oyi iJesu o gbhiaku eke iJudia nya ali eoli ni e la gase oli.

Ijoni Oni oo batazi o ghie usomhi ghi iJesu
(iMat 11.2-19)

18 Abi eniye odukhokho eyi iJoni e ro gue eni ingme enana nya ye iJoni, o lu aava elemhi we.

19 O ghie we e ka mhila iJesu, "Yeye u khi oni o ya bhale abi anye ri eloe shi eke ke khe olese?"

20 Abi e ro bhale deba iJesu, e oli, "Ijoni Oni oo batazi egbo o ghie anye ghi e, anye ka mhila e, 'Yeye u khi oni o ya bhale abi anye ri eloe shi eke ke khe ogboese?' "

21 Egheghe agho te iJesu o ri ebubu egbo ni e mhue ighuamhi ali iyemhe okphaghie ze. O khueghie ebubu ezalo alo-a.

22 O ro gueye eniye odukhokho eyi iJoni, "A nyene egbe ukhokho ya gueye iJoni emini a me, ni a gbo ri eso suo. Ezalo ee me eke, eni e guogh awa-a, ee kia, eni efafe e mu e ze, eleso e suo eso. Eni e ghu-a e guale. A kiele e tse abo usomhi onete oyi iloghie ye egbo ni ea mhue.*

23 Oghelẹ o khi ni ogbo ni ọa da da ode-a itobo khi ọa mhue akhokhomhe shi mhe o."

24 Abi eniye odukhokho eyi iJoni e ro vu se, iJesu o gue ingme oyi iJoni ye eni egbo, oo we, "Abi a ro fe fie je odagbe ifufu ya bino oli, ogbo onabi onoghua a dabi khi a ya me? Ogbo oyeghe ni o li abi ebuli ifulo ni akpekpeli o kha pfi je ana, o pfi oli e je oobo a dabi khi a ya me oobo?"

25 Ini ọa khi ogbo oghoghọ a dabi khi a ya me oobo, onabi ise a ke nono je oobo sho? Omose ni o so itsua ni e somhi otse? Egbo ni e so itsua ni e somhi otse, apfe oyi oghie e la.

26 Ogbo nabise a dabi khi a je oobo ya me? Omekeguele? Abi o li mhi li gue oli e ye e khi oni o dose omekeguele lo.

27 Onana a keke ingme oyoli kpe shi eke, ni ee,

"Ghe khe, mhi ya ghie
aghiusomhi oyemhe ralo ne,
ni o ya khueghie ode-a
shi eke khe.†

28 "Mhi gueye e khi aa me ogbo ni a bia bhale eke agbo ona ni o fu dose iJoni, eri-tse khi oni o ga she ne nya shi Eghiele oyi Eshinegba o fu dose oli."

29 Egbo nya, li shi emionoga, abi e ro suo ingmemhi eyi iJesu, e mie shi o khi ode oyi Eshinegba o gbe akanya, irari khi iJoni o she batazi we.

30 Egbo iFarisi ali eni e lese emhi ingme ushi e kie ugbamhi ni Eshinegba o gba na we, irari khi ea lama ni iJoni o batazi we.‡

31 Agho iJesu o re, elo mhi fe ri egbo ena agbhotu ona ya khokho, se e fe ga li ena?

32 Eri e li abi eniye ni e shito oki ni e nu egbe e ngme ni e lie,

"Anye pfi ofele na e,
ama aa lama gbe ishimhi,
anye vie evie olimhi khasa e,
ama aa lama nu anye vie.‡

33 Itobo khi abi iJoni Oni oo batazi egbo o ro bhale, ọa li le emhi wekhi eri o da onyo, eri e khi, 'Ayemhe okphaghie o mhue.'

* 7:22 Li ze Aza 35.5-6; 61.1 † 7:27 Li ze iMala 3.1 ‡ 7:30 Li ze iMat 21.32; iLuk 3.12

34 Omi ogbo o bhale, oo le, oo da, a ke lie khi, 'Ogbo unu-emhi ali ogbo odonyo o khi, ali khi oni o nu emionoga ali egbo ena olamhe e mu omole o khi.'

35 Eri egbhali oyi Eshinegba o rote obo oyi egbo ni e miesuo ri egboli khase."

Okpotso ona olamhe o ku ituale ni oo pfi shi iJesu awe

36 Ogbo iFarisi oghuo oo iJesu o bhale ka ko feli lue ni o nu lue le eminale. Igho o je owa oyi oni iFarisi, o shito, o le emhi.

37 Igho okpotso oghuo, ongi oni eoli ni o la agbo olamhe, o suo khi iJesu o la oni owa oyi ogbo iFarisi ogho. O de akanama ituale ni o ghale.

38 O bhale, o de ya wugha iJesu idi awe. Oo vie ku amevie shi oli awe. O ri itsu ni e la li ukhomhi shishi oli wewe-a, o pfipfi oli awe. O gbo ku ituale ni oo pfi shi oli awe. §

39 Abi oni iFarisi ni o lu iJesu bhale apfe oyoli ya mu oli epfese, o ro me onana, o la eke elemhi udu lie, ini omekeguele oyi Eshinegba omose ona o kha khi lo, o kha lese uwali okpotso ni ona o khi ni o ri egbe a ti oli ena, khi ona olamhe o khi.

40 IJesu oo, "ISamo mhi mhue emini mhi ya gue ye."

ISamo oo li, "Gueye mhe, Osese."

41 IJesu oo li, "Omose oghuo o la ni egbo aava e lo oli ota, oghuo o, o lo oli eka eva ali ukhukhui, oni o kpole o lo oli ipomhi uye ali ishe.

42 Abi ea ke ro dobe fali oli ewe, o gbe eni ota kua na we. Mena gueye mhe oni o ya nono ingme oyi oli ne elemhi wewe-ava-ava?"

43 ISamo oo li, khi oni o lo ikpagho eni e bu ne lo. IJesu oo li, "U gue so."

44 IJesu o nyene alo ghue oni okpotso, oo iSamo "Wa me oni okpotso ona, abi mhi ro bhale owa oye wa die ameh na mhe ro kpe awe-a, eri oni okpotso onana o ri amevie eyoli kpe mhe awe-a, o ri itsu ni e la li ukhomhi shishi we-a.

45 Waa pfipfi mhe unu egbe, rote egheghe ni mhi te lo ana le, oni okpotso ona o te pfipfi mhe unu awe ramhi memena.

46 Waa ku oili shi mhe ukhomhi, oni okpotso ona, o she ku ituale ni o pfi shi mhe awe.

47 Itobo igho mhi gue e ye e khi a she gbe olamhe eyoli ni e bububu kua na li, irari khi oni o nono emini e bu o khi. Oni a gbe ukuku o kua na, ukuku o nono."

48 O gueye oni okpotso, "A she gbe olamhe eye kua ne."

49 Egbo ni e nu oli shito e mhila egbewe "Oghuo onana oo dabi khi loli khi ni oo gbe olamhe kua na ogbo."

50 IJesu o gueye oni okpotso "Irudunga oye o she mie e pfuese, ri opfomhe ke je."

8

Ikpotoso ni e kpaghie iJesu obo

1 Ona o dose, iJesu o kia rote eoli je eoli. Oo gue usomhi onete oyi Eghiele oyi Eshinegba le. Eniye odukhokho ogbava eyoli e nu oli kia.

2 Ikpotoso eghuo ni e kpe mhue ayemhe okphaghie ali iwali ighuamhi ni o ro ze, e li la agho: IMeli ongi iMagidaleni ni ayemhe ishilua e rote egbe lasese;

3 IJoana ni o khi ughue iChuzo ni o gbe akanya na oghie Erodu; ISuzana ali ikpotoso elese ghoo, e ga la akagho. Enana e rote ekuwe oyewe e kpaghie iJesu ali eniye odukhokho eyi oli obo.*

Okhe irokhokho oyi oghiale (iMat 13.1-9; iMak 4.1-9)

4 Abi ebubu egbo e ro rote eoli ododa bhale ya lona kugbe, ni e ro le gase iJesu, iJesu o ze okhe irokhokho khase we, oo we,

5 "Oghiale o ya ri ikpamhi emhi ko. Abi o ro ku eni ikpamhi emhi kia ko, eghuo o e ku shi epfepfe ode. Eghuo o egbo e ri awe muno we. Ipfele e bhale ya sano we le.

⁶ Eghuo ọ e de ku nga eche, abi e ro ze ngale, e khakha. Itobo khi ẹa me asha lolo pfi imhili lo eke.

⁷ Ikpamhi eghuo ọ e de shi ifu igba, eni igba e tonon we.

⁸ Igho eghuo ọ e ku shi eke onete, e fu, e mo ikpamhi agbhagbhamhi egbhuеше. Abi ọ ro ngme ona se, ọo li, Oni ọ mholi eso ọ ro suo.”

Emini o ze ni ọ ro ze oni okhe irokhokho

(iMat 13.10-23; iMak 4.10-20)

⁹ Eniye odukhokho eyoli e mhila li emini a ri oni okhe irokhokho ngme.

¹⁰ Ọo we, “A she khueghie osheli ni o la Eghiele oyi Eshinegba-a khasẹ ẹ. Ama aa roli khasẹ egbọ ni e kpole. Loli o ze ni mhi ro ri okhe irokhokho nu we e ngme.

“Irari khi ini e ririe ẹ fe, ẹa ya me eke, ẹẹ suo, ọa lo we eso.”†

Emini okhe irokhokho oyi oghiale ogho o ngme

(iMat 13.18-23; iMak 4.13-20)

¹¹ “Emini a ri oni okhe irokhokho ngme na. Oni ukpamhi emhi ogho, ungmehi oyi Eshinegba lo.

¹² Eni e de kua epfefẹ ode egho, e khi egbọ ni e kha suo ungmehi oyi Eshinegba, okphaghiẹ ọ bhale ya sanọ we oni ungmehi udu-a, ini e khi miesuo, ni e ba mhue imiepfuese.

¹³ Eni e ze nga okpegbhe e to eoli egbọ ni e miesuo, ni e kha khi abi imufe o ro bhale ẹa ke dobe migha, e de ode-a.

¹⁴ Ikpamhi ni e ze shi ifu igba, wewe e khi egbọ ni e suo oni ungmehi ama ẹa dobe migha shi ọ, isamhi eyi emhi agbo ali anasemhe ali epfue ni o la agbo ali oghumhe ni o la ọ, ọa ze ni e mhue iwomhelo shi irudunga.

¹⁵ Ikpamhi ni e ze shi eke onete ni e mo ikpamhi, wewe e khi egbegbi egbọ ali udu onete ni e kha suo oni ungmehi, e mu oli shi, e kha ri egbe mie o ri emini a ro ko ọ ze lasele.

Akpá ni a ro ru nga ukhomhi emhi (iMak 4.21-25)

¹⁶ “Aa me ogbọ ni ọ ri akpá ya ru, ni ọ ya rue oli sheli elemhi ukoko, wexhi ufu ukpho. Eri ọ ri ochogho ya rue oli nga asha na keghe ni eni ẹẹ lo le e ke me eke, ẹẹ me oni akpá.‡

¹⁷ Irari khi aa me emiemini a ro sheli ni aa ya ro lasele gboo, wexhi eri a me emini a khukhu shi elemhi, ni aa ya khueghie-a gboo.§

¹⁸ Itobo igho mhue egbhe shi emini u wa suo. Oni ọ mhue, a ya ro ma li ọ. Ama oni ọa mhue a ya gbo mie oli ukuku oli ni ọ sa khi loli mhue.”*

Inyoghwo iJesu ali inyi iJesu

(iMat 12.46-50; iMak 3.31-35)

¹⁹ Igho inyoli ali inyoghwo oli e bhale deba li, ama ẹa me asha ramhi oli egbe, irari ebubu egbọ ni e le gasẹ oli.

²⁰ Ogbọ ọ ya gueye iJesu, ọo li, “Inye ali inyoghue, e migha olase, ẹẹ nono ni wewe e me.”

²¹ IJesu ọo we, “Inyemhe ali inyoghwo-mhe wewe e khi egbọ ena ni ẹẹ suo ungmehi oyi Eshinegba, ni e gbo roli ẹ gbe akanya.”

IJesu ọ mu akpepeli migha

(iMat 8.23-27; iMak 4.35-41)

²² Eleghwo iJesu ọo eniye odukhokho eyoli, “A bhale ni awa da je ukiekie obinokpole oyi okẹ ni o khishi.” E lo oko-okẹ e le.

²³ Abi e li le, iJesu ọ lese. Uto-ghuokpe ukpokpomhi akpepeli o lo oni oko-okẹ le ya ramhi khi oni oko-okẹ o ku ya lue, wewe nya e la okhena.

²⁴ Eniye odukhokho eyoli e bhale ya guise oli le. Eẹ oli “Onomhue, Onomhue okẹ o ya ku awa lue.” O vule, ọ nu oni akpepeli ali okẹ ni o zughuse ngme. Oni akpepeli o mu migha. Okẹ ni o zughuse egho o dema, asha kpa oo tsuke.

²⁵ O mhila eniye odukhokho eyoli, “Ighe irudunga oyee?” E ri ulishi ali oshabo mhila egbewe, “Oghuo onana ọ fe ga khi ena? Irari khi ọo mhesẹ na akpepeli ali okẹ, e suo na li.”

† 8:10 Li ze Aza 6.9-10 ‡ 8:16 Li ze iMat 5.15; iLuk 11.33 § 8:17 Li ze iMat 10.26; iLuk 12.2 * 8:18 Li ze iMat 25.29; iLuk 19.26

Ijesu o ri omose no mhue ayemhe okphaghie toto

(iMat 8.28-34; iMak 5.1-20)

²⁶ E kia ramhi eke iGerasenesi ni o gbe oke ni o khishi na iGalili khi-a.

²⁷ Abi Ijesu oo da tiemhile eke, Omose ongi oni eoli, ni o mholi ayemhe okphaghie ni o she tese ni o te ke so awulu, wekhi eri o ke la owa ghue, ama atalimhi o ke la, o bhale ya o.

²⁸ Abi o ro me ijesu, o de yeshi oli awe, o tseshe leghe, o lie, "Elo u remhe ya li, ijesu Omi Eshinegba onofune, kpekpe khi nase mhe."

²⁹ Eri o ngme ona irari khi ijesu o she mhese na oni ayemhe okphaghie ogho o rote oli egbe laselle. Iti-ingmingme oni ayemhe o she mu oli, ni o khia khi ini a rie mu oli ri iweghe shi oli abo ali awe, o pfanoni iweghe-a, oni ayemhe okphaghie o tsua li je odagbe ifufu.

³⁰ Ijesu o mhila li, "Se a lu eva oye?" Oni ayemhe oo li, eva oyemhe khi, "ILigioni," irari khi ayemhe okphaghie ebubu e she lo oli egbe.

³¹ Eni ayemhe okphaghie e lema ijesu o khi khu wewe je ilimhi na ningolo.

³² Igulu ebubu e la epfe ute le eminale. Igho eni ayemhe e lema li o kpekpe o ze ni wewe e ya lo eni igulu egbe. Igho o ze ni e ya lo eni igulu egho.

³³ Eni ayemhe okphaghie egho e rote egbe oyi oni omose laselle, e ya lo elemhi eni igulu egho. Eni igulu e rote oni epfe ute na ya kulo oke ni o khishi egho, oke o gbe we.

³⁴ Abi eni e ri eni igulu e kia e ro me emini a me, e na je ifu apfe ya gueye egbo emini a me.

³⁵ Egbo e le ya bino emini a me. Abi e ro bhale deba ijesu, e bhale ya e khi oni omose ni iyemhe okphaghie e te egbe laselle khi o shito ufuege oyi ijesu. O ga pfomhe, o ku egbe-a shito, ulishi o mu we.

³⁶ Egbo ni e me oni ingme e gueye egbo elese abi oni omose o li kia ni o ro ze.

³⁷ Igho eni egbo iGerasenesi e gueye ijesu o laselle ewe eke le, irari khi ulishi o mu we. Ijesu o lo oko-oke o vu.

³⁸ Oni omose ni eni iyemhe okphaghie e rote egbe laselle oo ijesu, "Kpekpe ze ni mhi deba e vu." Ama ijesu oo li, o ke vu.

³⁹ Nyene egbe je apfe ni u ya guele emini Eshinegba o rielle ne. Igho oni omose o vu ya gueye egbo ni e la oni eoli ogho nya, emini ijesu o rielle na li.

Omi ijarusi ali okpotso ni o ri obo ti ijesu awulu

(iMat 9.18-26; iMak 5.21-43)

⁴⁰ Abi ijesu o ro nyene egbe je ukiekie oke ni o kpole, egbo e tse oli o mu awe itobo khi o she tese ni e te migha a khe oli.

⁴¹ Igho omose oghuo ni a lu ijarusi ni o khi ogho oni o mhese shi owa ugamhi oyi egbo iju, o de ya wugha ijesu awe. Oo lema li o kpekpe o bhale apfe oyelue.

⁴² Irari khi omoo omueshi oghuo kpe ni o me bia ni o lese gbe ikpe igbeva o ya ghua. Abi ijesu o li le, egbo e le gase oli, e ma mu oli ashakpa.

⁴³ Okpotso oghuo o la ifuabo we ni o she ku oia egbe elemhi ikpe igbeva. O she ga pfuse emini o mhue-a nya na idokita, ama aa me oni o dobe dua oli egbe.

⁴⁴ Igho o rote ifuabo oyi eni egbo laselle bena ya ri obo ti esode ni ijesu o so, oia ni e ku oli egbe e pfa tee.

⁴⁵ Ijesu o mhila, "Oghuo o ri obo ti mhe?"

Ogbokpa o tia. IPita oo li, "Onomhue, ebubu egbo e le gase ni e ma mu e."

⁴⁶ Ama ijesu o li, "Ogbo o ri obo ti mhe, mhi lese khi itoto e she rote mhe egbe ya laselle, lolli mhi ro lese."

⁴⁷ Oni okpotso o me khi lolli a dobe ya vu ni a ro ya me lue, o ri ulishi fie laselle, o de ya wugha odalo oyi ijesu. Ukpeloe oyi eni egbokpa, o gueye ijesu emini o ze ni lolli ro ri obo ti oli ali abi lolli ze utoghuokpe.

⁴⁸ Igho ijesu o li, "Omimhe ke je khi irudunga oye o she re ze. Ri opfomhe ke je apfe oye."

49 IJesu o kie ligho ngme, ogho o rote owa oyi iJarusi ni o khi oni o mheshe elemhi owa ugamhi bhale. Oo li, "Omie o she ghua-a. Khi ke bie nase osese."

50 Abi iJesu o ro suo ona, o gueye iJarusi, "Khi ze ni ulishi o mu. Lese miesuo tse khi o ya toto."

51 Abi o ke ro ramhi apfe oyi iJarusi, oa ze ni oghokhoghuo o nu lue lo agho, see ni iPita ali iJoni ali iJemhisi ali inyo oni omoo ali itali.

52 Oghokpa e she kie kpe vie evie oyi oni omoo. IJesu oo we, "A khi ke vie irari khi oni omoo oa ghu, eri o lese."†

53 Wewe nya ee gia iJesu, irari khi e lese khi oni omoo o she ghua.

54 Ama iJesu o mu oli oboo o lu oli leghe, "Omimhe, vule."

55 Ayemhe oyoli o nyene egbe bhale deba li. O vule migha utoghuokpe. Igho iJesu oo we, "A ri eminale na oni omoo le."

56 Abo e sha ita ali inyoli. IJesu o gueye we e khi gueye oghokhoghuo emini a me.

9

IJesu o ghie eniye odukhokho ogbava fe

(iMat 10.5-15; iMak 6.7-13)

1 IJesu o lu eniye odukhokho ogbava eyoli kugbe, o ri itoto ali afu na we ni e ro ke khu egbo iyemhe ni ea ti egbe lasela, ali ni e gbo ri egbo ni e mhue ighuamhi ododa toto.

2 O ghie we fe e ke ya tse abo ungmehi oyi Eghiele oyi Eshinēgba kiakia ali ni e gbo ke ri egbo ze.

3 Oo we, "A khi tsua emhikhoghhuo abi a lie le ena, a khi tsua ukpokpo wekhi akpaba wekhi eminale wekhi ikpagho wekhi iku itsua eva ni a so.

4 Owa ni a da lo ne, a la agho ramhi ni a ro ya te oni eoli vu.

5 Ini egbo ea da mie e ne, a kpishi itutu ni e la e awe-a shi oni eke ini a rote oni eoli e vu, ni o khi otsela ni a ya pfi mu we."*

6 Igho eni eniye odukhokho e vu, rote eoli je eoli. E ri usomhi onete oyi Eshinēgba tse abo kiakia. E ri egbo o toto ashakpa.

Oghie Erodu oo khokho oni iJesu o khi

(iMat 14.1-12; iMak 6.14-29)

7 Igho Erodu ni o khi oghie shi eke iGalili o suo ikanya onyaloa ni iJesu oo gbe. Abo e sha li itobo khi egbo eghuo e lie khi iJoni Oni oo batazi egbo lo ni o rote eghuli guale.

8 Eghuo e khi Elaja o khi ni o bhale, eghuo elese e lie khi oghuo omekeguele enedio o khi ni o nyene egbe bhale agbo.†

9 Ama, Erodu oo, "Mhemhe mhi khi iJoni ukhomhi o. Oghuo onana o khi ni mhia suo eko?" Oo dua abi o li ya me oli.

IJesu o ri eminale na egbo agbele ishe (5,000) le

(iMat 14.13-21; iMak 6.30-44; iJon 6.1-14)

10 Abi eni ighiusomhi na kee e ro jele, e gueye iJesu abi e li kia. Igho o rue we vu je epfe eoli na lu iBetisaida,

11 Ama eni ebubu egbo e suo obini o je, e deba li. O mie we, o gue ungmehi Eghiele oyi Eshinēgba ye we, o ri eni e mhue ighuamhi toto.

12 O te agho li dena abi oghomhi o ke ro mu eke, eniye odukhokho ogbava e bhale deba li, ee oli. "Gueye eni egbo e vu je eoli ni e ti mama ana ni e ya nono ashini e ya ku shi ali eminale ni e ya le, irari khi ifui odagbe ifufu awa la."

13 O so we o, oo we, "A ri eminale na we le."

E oli, "Ibulodi eva ali ifele aava e lese la ana, se ni awa vu ya de eminale ghi we."

14 Irari khi emose agbele asha ishe e la agho.

Ama oo eni eniye odukhokho, "A re we shito ikui-iku egbo egbhueva ali igbigbe."

15 Eni eniye odukhokho e li gho, oghokpa o shito.

* 9:5 Li ze iLuk 10.4-11; Ika 13.51 † 9:8 Li ze iMat 16.14; iMak 8.28; iLuk 9.19

16 Ijesu o rue eni ibuledi ishe ali ifele aava egho, o bino idane, o kphemhi shi eni eminale, o kholo we a. O rue we na eniye odukhokho eyoli ni e kemhi we na eni egho.

17 Igho wewe nya e le, e khue. Eni eniye odukhokho e woloo eni e le kpole shi ighughu igbeva.

*IPita o guele oni ijesu o khi
(iMat 16.13-19; iMak 8.27-29)*

18 Eleghuo khi ijesu o la ashini o da-ya e so iromhi, eniye odukhokho eyoli e nu oli la agho, o mhila we, "Oghuo egho e fe e lie khi mhi khi?"

19 E oli, "Egho eghuo e khi ijoni Oni oo batazi egho u khi, elese e lie Elaja, elese gho e khi omekeguele onodi o khi ni u nyene egbe bhale agbo."‡

20 O ro mhila we "Oghuo ee e khi mhi khi?"

IPita oo li, "Yeye u khi Omiepfuese onayi Eshinegba."§

*Ijesu o gue ingme osoli, ali eghuli,
ali iguale oyoli le
(iMat 16.20-28; iMak 8.30-9.1)*

21 Ijesu o tse agua ye we e khi gueye oghokhoghuo.

22 Igho, Oo we, "Omi Ogho o mema ya me osue emhi ebubu. Eni eghali ali ighie eyi ekpodalo-ugamhi ali esese Ishi eyi iMosisi, e kie oli. E mema ya gbe oli-a, ama elenuzi-ese, o ya guale."

23 Igho o gueye we nya, "Ini oghokhoghuo o nono ni lolu khi omo odukhokho oyemhe, o mema ya kie egholi, o rue apfida oyoli oghole kpa, oo deba mhe.*

24 Itobo khi oni o da nono ni lolu tsumhi agbo oyoli ne, o ya wase oli-a, ama oni o da wase agbo oyi oli-a ne shi itobo oyemhe, o ya tsumhi oli.†

25 Igho eleli ni ogho o ya me ini o mhu e agbo ona nya ni o ro wase ayemhe oyoli-a?

26 Ini ogho o da na omama mhe ali ungmehi oyemhe ne, Mhemhe Omi Ogho mhi li ya na omama oyi oni ogho,

ini mhi bhale elemhi ufumhi oyemhe, ali ufumhi oyi Ita ali oyi igeni ni e pfuase

27 Mhi gue oli e ye e abi o li, khi, egho eghuo e la ana ni ea ya ghu ne, neni e ro ya me oni Eghiele oyi Eshinegba."

*Ijesu o mu imamachi
(iMat 17.1-8; iMak 9.2-8)*

28 Abi oghole nuzi eleli o ro gba abi ijesu o te ngme eni ingme, o rue iPita ali ijoni ali ijemhisi nga ute ya lema.

29 Abi o li so iromhi egho, alo eyoli e mu nyene, itsua ni o so e ge nyanyanya abi akpa.

30 Igho Emose aava, iMosisi ali Elaja,

31 e li lasese e ge nyanyanya, e nu ijesu u ngme, e gheta eghuli ni ijesu o ya ghu obini iJerusalemu.

32 Olese o mema re IPita ali apfoli. Abi e ro gual e ni lese o ro kala we alo-a, e me ufumhi oyi ijesu ali emose aava ni e nu oli migha.

33 Abi eni emose aava e li vu, iPita oo ijesu, "Oga, oo ga gue ti khi anye la akana. Ze ni anye tonoo okholo ese, oghuo oye, oghuo oyi iMosisi, onokpole oyi Elaja." Eri o li ngme tse, oa lese emini o ngme.

34 O kie ligho ngme, otughunu o bhale ya khukhu we-a. Ulishi o mu we abi e ro lo elemhi oni otughunu.

35 Igho uruli o rote oni otughunu ngme, oo, "Omimhe na ni mhi ze, a ri eso shi emini o ngme."‡§

36 Abi oni uruli o ro ngme se, e me khi ijesu lueghuo o ke migha. Eni eniye odukhokho e ri ingme ona shi udu, ea gueye oghokhoghuo emini e me eghenge agho.

*Ijesu o ri ozeo ni ughuamhi o mu ze
(iMat 17.14-18; iMak 9.14-27)*

37 Ogbeakolo abi e rote ukhomhi ute tiemhile, ebubu egho e bhale deba li.

38 Igho omose oghuo o rote elemhi eni ebubu egho tse se leghe, o li "Ose se,

‡ 9:19 Li ze iMat 14.1-2; iMak 6.14-15; iLuk 9.7-8 § 9:20 Li ze ijon 6.68-69 * 9:23 Li ze iMat 10.38; iLuk 14.27 † 9:24 Li ze iMat 10.39; iLuk 17.33; ijon 12.25 ‡ 9:35 Li ze Aza 42.1; iMat 3.17; 12.18; iMak 1.11; iLuk 3.22 § 9:35 Li ze 2 iPit 1.17-18

kpekpe bino omimhe, loli o khi omo oghuo kpe ni mhi me bia.

³⁹ Ayemhe obe o tsua mu oli, eri o mu oli pfi eke, oo kpi awe-a, o roli e chi ofulu unu. Oa ga nono ni loli rue oli obo-a kpa. Eri oo nono ni loli pfuse oli ayemhe-a.

⁴⁰ Mhi she lema eniye odukhokho eye e khu oli oni ayemhe egbe-a, ea dobe.”

⁴¹ Ijesu oo we, “Ee egbo ni aa mhue irudunga wekhi ilese. Ele ingme mhi dobe ya ri egbe mie umhalese oye e ramhi? Ele ingme mhi ke nu e ya la akana?” Oo oni omose, “Rue omie bhale ana ghi mhe.”

⁴² Abi oni omo o li bhale, oni ayemhe okphaghiye o mu oli pfi eke jighise, oo chi ofulu unu. Igho ijesu o dese oni ayemhe okphaghiye, o ri oni omo ze. O rue oli na itali.

⁴³ Abo e sha eni egbo nya shi ekpabo oyi Eshinegba ni e fune.

Ijesu o gbo gue ingme eghuli oyoli le shi eke

(iMat 17.22-23; iMak 9.30-32)

Abo e kie ligho sha eni egbo shi emini ijesu o riyele, ijesu oo eniye odukhokho eyoli,

⁴⁴ “A ri eso shi eke shi ingme ni mhi ya gueye e ena. A ya ri Omi Ogbona egbo de.”

⁴⁵ Eri-tse khi eni eniye odukhokho ea lese abi oni ungmehi o ngme. Irari khi eri a roli sheli we ini e khi lese emini a roli ngme. Ama ulishi oo mu we shi abi e li mhila li.

Oghuo o fune

(iMat 18.1-5; iMak 9.33-37)

⁴⁶ Ekhako o bhale iteva oyi eniye odukhokho eyoli shi oni o ya fune elemhi we.*

⁴⁷ Ijesu o lese emini ee sa udu oyewe, o rue ukuku omo lasele migha we iteva.

⁴⁸ Oo we, “Onini o da ri eva oyemhe mie omo ona ne, mheme o mie. Onini o da mie mhe ne, oni o ghie mhe o mie. Irari khi onini o da ri egboli

tiemhie-ekwe ne elemhi e, loli o khi oni o fune nya.”†

Oni oa da khi obe awa ne oyi awa o khi

(iMak 9.38-40)

⁴⁹ IJoni oo, “Oga, anye me omose ni o ri eva oye e khu ayemhe okphaghiye lase, anye nono ni anye gueye oli o khi ke ligho irari khi oa ya debe abi anye liye debe.”

⁵⁰ Ijesu oo we, “A khi ke ligho, irari khi ogbona oa da khi obe awa ne, onayi awa o khi.”

Egbo iSameria ea lama mie ijesu

⁵¹ Abi eghewe o ro ramhi ni a ro ya rue ijesu je iloghie, o mholi oli shi udu khi loli ya je iJerusalemu.

⁵² O ghie ighiusomhi ralo, ni e lo elemhi eoli nikeke na elemhi iSameria ni e ya mu egbe emhikpa shi eke khe oli.

⁵³ Ama eni egbo iSameria ea lama mie oli irari khi e lese khi iJerusalemu oo je.

⁵⁴ Abi eniye odukhokho eyoli ikhi iJemhisi ali ijoni e ro me gho, e oli, “Onomhue, waa ke ze ni anye lu erali rote idane tiemhie ro tose we a nya?”‡

⁵⁵ Ijesu o nyene alo ukhokho, o dese we, oo we, aa lese ayemhe ni a mhue. Oa khi eri omi ogbona bhale ya yese egbo agbo-a, ama eri o bhale ya tsumhi we.

⁵⁶ Igho ijesu ali eniye odukhokho eyoli e vu je eoli olese.

Emini ideba-ijesu-kia o ya mie ogho o rue

(iMat 8.19-22)

⁵⁷ Abi e li lese egho, omose oghuo oo ijesu, “Oga mhi ya ke debe je obiobini wa je kpa.”

⁵⁸ Ijesu oo li, “Inyako e mhue ese, ipfeli e mhue eko, ama Omi Ogbona mhue ashini o do ukhomhi e gbe.”

⁵⁹ Ijesu o gueye omose olese, “Deba mhe.” Oni ogbona oo li, “Oga, kpe ze ni mhi ya ri itamhe to.”

* 9:46 Li ze iLuk 22.24 † 9:48 Li ze iMat 10.40; iLuk 10.16; iJon 13.20 ‡ 9:54 Li ze 2 Ighie 1.9-16

60 Ijesu ọ́ọ́ li, “Zobe ni eni e ghu-a e ri eni e ghu-a to. Yeye fiẹ ke ya gue ungmehi Eghiele oyi Eshinegba le.”

61 Olese ọ́ọ́ li, “Oga mhi ya debe, kpe ze ni mhi ya tse apfemhe, okhila.”

62 Ijesu ọ́ọ́ li, “Ogbọ ni o da ri obo nga egba ni ọ́ọ́ she e gua ese, ni o da bino ukhokho ne, ọ́a te ni o lo Eghiele oyi Eshinegba.”

10

Ijesu o ghie egbo egbhuesẹ etuogbava fiẹ

1 Ona o dose se, Onomhue o ze egbo egbhuesẹ etuogbava, o mu we avava, o e ralo na lue ni e kia je ikpe ni ọ́o nono ni lo la kia ramhi.

2 Oo we, “Ikhiese oniemhi o la o, eri-tse eni e khiese we ẹa bu. Itobo igho, a so lema ita oni o mhue okhiese, ni o ghie eni e khiese bhale ishemhi oyoli.*

3 A ke le! Eri mhia ghie e abine isumha ne la ifuabo idumhi.†

4 A khi tsua ekuẹ ukpago we khi akpulu we khi ekuẹ, a khi tse egbo ode.

5 “Ini a lo owa okhoghuo, a kpe to de lie ‘Opfomhe o ka la oni owa ona.’

6 Ini ogbo opfomhe o la agho, opfomhe oye e o deba li, ini aa me, opfomhe oye e o nyene egbe deba e.

7 Apfe okhoghuo ni a da lo ne, a la agho le, a la agho da emiemini e da ro ya na e. Irari khi o ti ni ogbakanya o mie ifata. A khi ke kia te owa da je owa.‡

8 “Ini a da lo eoli le ni e ro da mie e ne, a le emini e roshi eke na e.

9 A ri eni ee ghua ni e la agho ze, a gueye we, ‘Eghiele oyi Eshinegba o she ti mama e.’

10 Eoli ni a bhale kpa ni ẹa da mie e, a je ifu apfe ya lie,

11 ‘Itutu oyi eke oye ni e la anye awe, anye she kpishi we shi eke na e, ni e ya pfi otsele mu e. Ama ee oye e, a

lese khi Eghiele oyi Eshinegba o she ti mama e.’§*

12 Mhi gueye e khi ogbele iso-ozo khi o ya somhi iSodomu egbe dose oni eoli ogho.†

*Eoli ni ẹa miesuo
(iMat 11.20-24)*

13 “O ma kholo e egbe, ikhi ee egbo iKorazi! O ma kholo e egbe, ee egbo iBetisaida! Irari khi ini ikanya onyaloa ni a la elemhi e gbe khi a la eke iTai ali iSidoni li gbe we lo, e kha mu nyene agboagbo. E so ide evie, e shito ukhomhi emue.‡

14 Eri-tse khi Eshinegba o ya mhue isomhelemhi na egbo iTire ali egbo iSodomu dose e ogbele iguezo.

15 Ee egbo iKapanomu, eri a dabi khi a ya ti e nga idane? Iiye! Eri a ya ti e tiemhi ilimhi iriere.§

16 “Oo we, oni o da ri eso shi e o ne, mheme o ri eso shi o. Oni o da kie e, mheme o kie. Oni o da kie mhe ne, oni o ghie mhe o kie.”*

Ijele oyi egbo egbhuesẹ etuogbava

17 Igho eni egbo egbhuesẹ etuogbava egho e ri oghela jele. Ee oli, “Onomhue, eri egbegbi iyemhe okphaghe e ri irari eva oye nyese ukhomhi na anye.”

18 Ijesu oo we, “Mhi me khi okphaghe o rote idane de pfile abi erali akphala.

19 A ghe khe! Mhi she ri afu na e, ni a ro lighi enye ali ikpi dose, ali ni a gbo mu itoto ali ekpabo alo ebili nyaa o le. Emhikhoghuo ẹa ya li e.†

20 A khi ghela khi okphaghe o ri irari eva oyemhe nyese ukhomhi na e, ama a ke ghela khi a keke eva oye e shi iloghie.”

*Ijesu o ghela
(iMat 11.25-27; 13.16-17)*

21 Egheghe agho, oghela o te elemhi Ayemhe-no-pfuase vo ijesu egbe, oo li,

§ 9:61 Li ze 1 Ighie 19.20 * 10:2 Li ze iMat 9.37-38 † 10:3 Li ze iMat 10.16 ‡ 10:7 Li ze 1 iKori 9.14; 1 iTimo 5.18 § 10:11 Li ze Ika 13.51 * 10:11 Li ze iMat 10.7-14; iMak 6.8-11; iLuk 9.3-5 † 10:12 Li ze Igbae 19.24-28; iMat 11.24; 10.15 ‡ 10:13 Li ze Aza 23.1-18; Ezik 26.1-28.26; iJoe 3.4-8; Emo 1.9-10; iZaka 9.2-4 § 10:15 Li ze Aza 14.13-15 * 10:16 Li ze iMat 10.40; iMak 9.37; iLuk 9.48; iJon 13.20 † 10:19 Li ze Iwolo 91.13

“Mhi tse uwegbe, Ita ni o mhue eke ali ukhuli. Irari khi u she ri emhi ena sheli egbo ni e fia alo-a ali eni e mema wena ebe. Ama u rewe khashe ikuku eniye. Igho lo Ita, irari khi abi o li ghole e shi ghō.

22 “Itamhe o she ri emhikpa shi mhe obō. Aa me ogbo ni o lese oni omō o khi, se ni Ita. Aa me ogbo ni o lese oni Ita o khi, se ni omō. Eni e ghole oni omō o ri Ita a khashe.”‡

23 Igho o nyene alo ghue eniye odukhokho eyoli, o bēna nu we ngme, oo we, “Ikhivose o khi na ikpalo ni e me emini ee a me.

24 Mhi gueye e khi emekeguele ali ighie ebubu e nono ni wewe e me emini ee a me ali ni e suo emini a suo ena, ama ea dobe.”

Ekpita oyi ongi iSamarita onete

25 Igho osese Ishi eyi iMosisi oghuo o vule ya mu iJesu fe bino. O mhila li, “Elo mhi fe ya li ni mhi ro ya mhue agbo na agboagbo?”

26 IJesu o li, “Elo a keke shi ebe Ishi eyi iMosisi? Se u lie ze emini a keke shi o?”

27 O iJesu, “Rote ekelemhi udu oye nya ali ayemhe oye nya ali ekpabo eye nya ali isamhi eye nya nono ingme oyi Eshinegba. U gbo nono ingme oyi onuzava oyi e abi u nono ingme egbe e.”§

28 IJesu oo li, “U ga gue gbaghie-a. Lina ke ngeli khi u ya mhue agbo ona agboagbo.”*†

29 Eri oni osese Ishi eyi iMosisi ona o nono ni loli rokhase khi loli lese enana nya. O mhila iJesu, “Oghuo o fe khi onuzava oyemhe?”

30 IJesu o lina so oli o, “Omose oghuo o ke rote eoli iJerusalemu tiemhi eoli iJeriko. Igho o de ya pfilo ighiatō abo. E gbe oli bano-a, e kese ukuku ayemhe shi oli o, e mie oli emini o mhue nya.

31 A bhale ya e khi okpodalo-ugamhi oyi Eshinegba o rote oni ode e dose. Abi o ro me oni omose ni ighiatō e gbe

egho, o da je ukiekie ode ni o kpole ya dose vu.

32 Igho oni o la Owa oyi Eshinegba gbe akanya oghuo, eni a lu iLivaiti, o ramhi agho, o me oli, o li rote ukiekie ode ni o kpole ya dose.

33 Omose ongi iSameria oghuo ni o le asha, o ramhi ashini oni omose o la. O me oli, elemhi oli e lala li.

34 O le deba li, o ku oili ali onyo shi oli ikpe ni o kualit utse. O ri ide gēno li ewe. O tsua li nga akphere oyoli, o tsua li bhale owa ni a ku e shi, oo gueye we e ri eloe khu oli.‡

35 Ogbeakolo o ri ifata ogbele eva na oni o mhue oni ashini a ku e shi. O oli, ‘Kpekpe ri eloe khu omose ona. Ingme ni o ke ya gbe nya, ini mhia jele mhi ya fali e we.’

36 “Oghuo o elemhi egbo aase ena u sa khi o khi onuzava oyi oni omose ona ni ighiatō e gbe?”

37 Oni osese ushi oo li, “Oni o mhue ilelemhi na li.”

Igho iJesu oo li, “Li ligho ke ngeli.”

IJesu o je apfe oyi iMata ali iMeli

38 Abi iJesu ali eniye odukhokho eyoli e li le, e bhale eoli oyi okpotso ni a lu iMata. Oni iMata o mie oli shi owa.

39 Oni iMata o mhue inyoghuo okpotso ni a lu iMeli ni o shitō kpepe iJesu ri eso shi emini o sese.§

40 Abi a li ya mu iJesu epfese, o zu iMata alo, o me asha ri eso shi emini iJesu o sese. Igho o bhale deba iJesu, oo li, “Wa me khi inyoghuo-mhe o zobe ikanya nya na mhemhe-ghuo a gbe? We o bhale ya kpaghie mhe obō.”

41 Onomhue oo li, “iMata, iMata, u ma kphakpha egbe ke nase egbe e shi itobo emhi ebubu.

42 Ama emhi oghuo o mema mu egbe. iMeli o she ze oni o tine ni o lao, ogbo o ya mie oli lue.”

11

IJesu o sese abi a lie so iromhi (iMat 6.9-13; 7.7-11)

‡ 10:22 Li ze iJon 3.35; 10.15 § 10:27 Li ze iLev 19.18; iDeut 6.5 * 10:28 Li ze iLev 18.5 † 10:28 Li ze iMat 22.35-40; iMak 12.28-34 ‡ 10:34 Li ze 2 Okhe 28.15 § 10:39 Li ze iJon 11.1

1 Ogbeleghuo, iJesu o la asheghuo o so iromhi, Abi o ro so se, omo odukhokho oyoli oghuo, oo li, "Onomhue, sese anye abi a lie so iromhi abi ijoni o li sese eniye odukhokho eyoli."

2 IJesu oo we, "U kha so iromhi, ke lie:

"Ita anye ni o la iloghie,
anye ri ufumhi
na eva oye no pfuase,
Ze ni eghiele oye o bhale.
Ze ni a rieje
oghuehwe oye eke agbo
abi o li shi obini iloghie.

3 Ri eminale ona ogbe-namo na anye le.

4 Gbe olamhe kua na anye,
abi anye li e gbe kua na
egbo ni e lamhe shi anye o.

Khi ze ni anye de pfilo imufe,
ama tsumhi anye
obo oyi okphaghie."

5 IJesu oo we, "Ini o khia khi onge e o mhue omole ni o ro le deba omole oli itsotso ogbie, ni o re oli, 'Omue kpekpe ngmomhi irui ibuledi ese na mhe,

6 Irari khi omole mhe ni o la asha o bhale ya kushi na mhe, ama mhia mhue emini mhi ya ro fele oli epfese.'

7 "Ini oni omole o, o rote elemhi owa lie oli, 'Khi ke nase mhe ghue irari khi mhi she pfi okpe ode, mhemhe ali imimhe anye she yeshi, mhia ke ya dobe vule ya rue emhi okhoghuo ne.'

8 Mhi gueye e khi ini omole oli o tseku ri itobo khi wewe e khi omole vule ya rue emini oo mhila li na li, ama itobo khi o mema kie le e mhila li tse, o mema ya vule ya rue emiemini o nono na li.

9 "Mhi gue e ye e: Mhila khi a ya ro ne, nono khi u ya me, kpheli obo ode khi a ya khueghie-a ne.

10 Irari khi oni o mhila loli a ro o na, oni o nono loli oo me, oni o kpheli obo ode loli a khueghie-a a na.

11 "Ee ni a khi ita, oghuo elemhi e omioli o ya mhila li afele ni o ya rue

enye na li, ocho ni o kha ro ri afele na li?

12 O ke khia khi ini o mhila li ekeli, ni u ya rue okpi na li?

13 Ini ee ni a khi egbo ebe a lese abi a lie ri egbegbi emhi somhi imie opfa, se Ita e ni o la iloghie o ke li ya ri Ayemhe-no-pfuase na eni e mhila li?"

IJesu ali Okphaghie

(iMat 12.22-30; iMak 3.20-27)

14 Ele oghuo khi iJesu o khu ayemhe okphaghie unghenu fie, o khu oni ayemhe fie lase, oni unghenu oo ngme. Oni ingme o ri abo sha egbo ni e la agho.

15 Ama egbo eghuo e, "Ekpabo ebe oyi iBezeb o ni o khi oghie oyi iyemhe ebe, o ro a khu iyemhe ebe fie lase."*

16 Eghuo o, e mu oli fe bino, e oli o rieje onyaloa ni o ri wewe ya mie shi oli o khi Eshinegba o mie shi oli o.†

17 Ama iJesu o she lese usamhi oyewe, o, "Eghiele ni o da kemhi egboli o ya de, omhue-apfe ni o da kemhi egboli o ya de.

18 Ini Okphaghie o kemhi egboli, se eghiele oyoli o li ya migha? Eri mhi a ngme ona itobo khi e khi ekpabo oyi iBezeb o mhi ro o khu iyemhe okphaghie kua.

19 Mena ini mhi ri ekpabo eyi iBezeb o khu iyemhe okphaghie kua, ekpabo onoghuo eniye eyi ee e ro a khu we kua? Eniye eyi ee e ya gue e ez o itobo unghemhi ni a ngme ena.

20 Ama ini o khia khi ekpabo oyi Eshinegba mhi ro e khu iyemhe okphaghie kua, ogho o rokhase khi Eghiele oyi Eshinegba o she bhale e iteva.

21 "Omose ni o mhue ekpabo o kha ri itsua okholi gban o egbe egbegbo ni o ro o khe owa oyoli ekhe, itsua eyoli e ya mhue akhukhu.

22 Ama omose ni o toto dose oli o kha tsua okholi mu oli ni o ro ne oli abo, eri oo miono oli itsua okhue nya ni o regbenga. O tsua oli epfue ni o mhue shi oni owa vu ya kemhi.

* 11:15 Li ze iMat 9.34; 10.25 † 11:16 Li ze iMat 12.38; 16.1; iMak 8.11 ‡ 11:23 Li ze iMak 9.40

23 “Oni ọa da ku ma mhe ọ ne, ohe mhe ọ khi. Ogbọ ni ọa da mu ma mhe ọ ti egbo gbili ne, eri ọọ vese egbo kua.‡

Abi ayemhe o lie kia

(iMat 12.43-45)

24 “Ini ayemhe okphaghię ọ rote ogbo egbe ya fie, eri ọ kpe a kia je ifu odagbe ifufu ni amę ęa la ya nono ashini ọ kpe je ya yemhe-a, ama ini ọa mę asha, ọ egbelue, ‘Mhi gbo lo a je owa ni mhi kpe te vu.’

25 Ini ọ bhale ọ ni ọ rọ bhale ya ę khi, a ga fuomhi oni owa muęe, emhikpa o ga guę la ayoli kuete.

26 Igho, ọ vu ya wolọ iyemhe oshilua elese ni e khọlo dọse loli, e bhale ya la oni omose egbe, ikpukhokho oyi oni omose o ke khọlo dọse abi ọ kpe li.”

27 Abi iJesu ọ li ngme oni ungememhi ona, okpotso ogghuo ọ rote oni elemhi ebubu egbo tseşe leghe ọọ, “Oni a khi vose na okpotso ni ọ bia ę, ni ọ kuele, ọ khi.”

28 IJesu ọọ li, “Egbo ni e suọ ungememhi oyi Eshinegba ni e rọ oli gbe akanya, wewe e mema mhuę ikhivose ne.”

Ọlele oyi iJona

(iMat 12.38-42)

29 Abi eni egbo e ke li bua shi ọ, iJesu ọọ, “Egbo ebe, egbo agbhotu onana e khi. E mhila ọlele onyaloa, ama aa ya mę onyaloa okhoghuo, se ni ọlele oyi iJona omekęguele.‡

30 Abi iJona ọ khi ọlele na egbo iNineve, igho Omi ogbo ọ gbo li ya khi ọlele na egbo ena agbhotu ona.*

31 Oghie-okpotso oyi eke iSheba ọ ya shito ukpekhomhi ezọ ya gue agbhotu ona ezọ, ọ pfa ezọ mu we, irari khi ọ ke rote eke odonue bhale ya ri esọ suọ ungememhi egbhali oyi oghie iSolomoni, ama ogbo ni ọ fu dọse iSolomoni ọ la akana.†

32 Egbo iNineve e ya mu ezọ vule shi agbhotu ona ọ, e pfa ezọ mu we irari khi e mu pfi abi iJona ọ rọ ya ri ungememhi oyi Eshinegba tse abọ ye

we, memena ogbo ni ọ fu dọse iJona ọ la akana.‡

Egbegbi akpa

(iMat 5.15; 6.22,23)

33 “Aa mę ogbo ni ọ ya ri akpa ru ni ọ ya ri oli sheli, eri ọ ri ochogho ya rue oli nga ashini o yagha, ni a bhale ya ę khi egbo ni ę lole ę mę eke.‡

34 Ikpamhalo eye e khi akpa oyi idiegbe oye. Ini ikpamhalo eye ę mę eke egbegbo, idiegbe oye nya o khili akpa. Ama ini u tase alo-a, idiegbe oye nya o khili alo ebili.

35 Itobọ ona khi ze ni akpa oye ọ khi alo ebili.

36 Ini idiegbe oye e khili akpa ni obili ọa rọ la ashikhoghuo ọ, eri o ya ke ge nyanyanya abine khi akpa o nga ogbo egbe.”

Epfua esesa

(iMat 23.1-36; iMak 12.38-40)

37 Abi iJesu ọ rọ ngme se, iFarisi ogghuo ọ lu oli ọ bhale ya nu lue le eminale. Ọ lo deba li ya shito shi oni eminale.

38 Ama abọ e sha oni iFarisi abi ọ rọ mę khi iJesu ọa kpe abọ a neni ọ le emhi.

39 Igho Onomhuę ọọ li, “Wa mę mena khi ę egbo iFarisi khi eri a kpe ukhokho uko ali itasa eye-a, ama elemhi oyeę o vọ emhi ituegbe ali okhọlo.

40 Eę egbo eyegehe! Ọa khi Eshinegba ni ọ rięle ukhokho ọ ọ gbolo ę rięle elemhi ọ?

41 Ama a rue emini e la elemhi uko ali utasa na egbo ni ęa mhuę, egegehe agho emhikpa e ya pfuase na ę.

42 “O ma a khọlo ę egbo iFarisi egbe gba, itobọ khi a guę ze aze-oghuo-igbe ebe akhokho, ali ebe alagho ali ebe elese ni a rote ogba ę khięe, emini ęa lolo mu ęloe. Ama igue-sọ-ezọ ali inono onayi Eshinegba, a ri obọ gbe we shi. Ena e khi emini a kha mema ke rięle, ma eni a rięle egho.*

43 “O ma a khọlo ę egbo iFarisi egbe gba, irari khi ukpekhomhi ni o yagha

‡ 11:29 Li ze iMat 16.4; iMak 8.12 * 11:30 Li ze iJona 3.4 † 11:31 Li ze 1 Ighie 10.1-10; 2 Okhe 9.1-12

‡ 11:32 Li ze iJona 3.5 § 11:33 Li ze iMat 5.15; iMak 4.21; iLuk 8.16 * 11:42 Li ze iLev 27.30

a nono elemhi owa ugamhi ali otse ekpe elemhi oki.

⁴⁴ “O ma a khọlọ ẹ egbe irari khi eri a li abi uji oyi ẹgbọ ni ọgbọ ọa shi ọlẹle shi ni ẹgbọ e lighi ẹ dọsẹ, ni ẹa lẹsẹ.”

⁴⁵ Ọsẹsẹ ushi ọghuo ọ sọli ọ, ọọ, “Ọsẹsẹ, ini u wa ngme enana, eri u li ri anye ma ọ mẹ bie.”

⁴⁶ Ijesu ọ sọli ọ, ọọ, “O ma a khọlọ ẹ ẹ ni a sẹsẹ Ishi eyi iMosisi egbe, irari khi eri a sọ itsua ni ẹgbọ ẹa dọbẹ ya tsua na wẹ tsua, ama ẹ ẹa lama ya tsua ugegemo.”

⁴⁷ “O ma a khọlọ ẹ egbe irari khi ẹ a manọ iji na emekeguele ni itita ẹ e gbolo-a.

⁴⁸ Eri a pfi ọtsẹlẹ shi ọ, a gbo mu ma emini itita ẹ e riẹlẹ irari khi wẹwẹ e gbolo emekeguele eyi Ẹshinẹgba a, ẹ ẹ a manọ iji na wẹ.

⁴⁹ Itobọ ona, rọte ilẹsingme oyi Ẹshinẹgba, ọ rọ liẹ, ‘Mhi ya ghie emekeguele ali ighiusomhi na kẹẹ ghi wẹ, e ya gbolo eghuo ọ-a, e mu okhọli vule shi elese ọ.’

⁵⁰ Itobọ igho Ẹshinẹgba ọ ya mu ota sọ ẹgbọ ena agbhotu ona, shi ọlia eyi emekeguele nya, rọte ẹghẹghẹ ni agbọ ona o te gba eke le.

⁵¹ Rọte ọlia eyi Ebẹli ya ramhi ọlia eyi iZakaraya ni a gbe-a shi iteva Owa oyi Ẹshinẹgba ali atẹtẹ. Igho lọ! Mhi gueye ẹ khi a ya na ẹ osue to ọ.†

⁵² “O ma khọlọ ẹ ẹ ni a lẹsẹ Ishi eyi iMosisi pfo egbe, irari khi a she rue okpe ni a rọ ẹ khueghie ode ilẹsingme sheli. Ẹ ẹ na, aa lama lo, ẹgbọ ni ẹ nono ni wẹwẹ e lo, aa zẹ ni e mẹ asha dọsẹ lo.”

⁵³ Abi ijesu ọ rọ rọte agho vu, ẹgbọ iFarisi ali esẹsẹ Ishi eyi iMosisi e mu okhọli vule shi ọli ọ egbegbọ. E ri omhila ọdoda a khi ọli ode.

⁵⁴ Ini e ba mẹ asha mu ungmehi mhọli ọli obọ.

12

Ijesu ọ tse agua shi iri-ugamhi-kualo
(iMat 10.26-27)

¹ Ẹghẹghẹ ana ebubu ẹgbọ agbẹlẹ agbẹlẹ e legba, ni o ramhi ni e rọ lighi egbewẹ, ijesu ọ nu eniyẹ odukhokho eyọli ngme, ọọ wẹ. “A mu egbe ẹ shi iri-ugamhi ku alo oyi ẹgbọ iFarisi ni o li abi ifuma ni a rọ ma ibuledi ẹ nye.”*

² Irari khi aa mẹ emini a rọ sheli ni ọa ya lasẹle, wẹkhi eri a mẹ emini a khukhu ni ọa ya khueghie-a.

³ Ungmemhi ni u ngme ẹliyosẹ a ya suọ ọli ẹlẹ ọguota. Emini u nyẹsẹ ọgbọ esọ gueye elemhi owa aza, a ya suọ ọli eko ukhomhi owa.†

Ọni a ya na ulishi
(iMat 10.28-31)

⁴ Emọle mhe, abi o la mhi li gue ọli e ye ẹ, a khi na ulishi ẹgbọ ni o khia khi idiegbe e lẹsẹ dọbẹ ya gbe-a, ini e gbe idiegbe-a, ẹa ke mhue emhi olese ni e ke dọbẹ ya li.

⁵ Ama mhi ya gueye ẹ ọni a ya na ulishi. A na ulishi Ẹshinẹgba ni ọ mhue itoto ni ọ kha gbe ọgbọ a se, ọ gbo pfi ọli lo ilimhi iriẹrẹ. Abi o li mhi li gue ọli e ye ẹ, a na ulishi oyọli.

⁶ Ọa khi ikọbọ eva a ri ipfeli isuẹsue oshe ẹ dẹ? Ama abi o riẹ khi igho, Ẹshinẹgba ọa yeke ọngewẹ ọkhoghuo a.

⁷ Egbegbọ lọ khi, Ẹshinẹgba ọ she leli itsu ni e la ẹ ukhomhi nya. Itobọ igho a khi zẹ ni ulishi o mu ẹ, irari khi a mu ẹloe dọsẹ ipfeli isuẹsue ebubu.

Eni e migha na ijesu ali eni e kie ọli
(iMat 10.32,33; 12.32; 10.19,20)

⁸ Abi o li mhi li gue ọli e ye ẹ khi, ọni ọ da lama gue ingme oyemhe ye ẹgbọ ne, Omi ọgbọ ọ li ya gue ingme oyọli ye igeni eyi Ẹshinẹgba.

⁹ Ama ọni ọ da kie mhe ukpẹloe ẹgbọ, mhi ya li kie ọli ukpẹloe igeni eyi Ẹshinẹgba.

¹⁰ Ọgbọ ni ọ da zẹ emuebe na Omi ọgbọ ne, a ya gbekua na li. Ama ọgbọ ni ọ da pfi unu-a deba Ayemhe-nọ-pfuase, ọgbọ a ya gbekua na li.‡

¹¹ Ini a rue ẹ bhale owa ugamhi oyi ẹgbọ iJu ali ẹgbọ eni ẹ ẹ mhesẹ ali enighie, a khi zẹ ni a yeke abi a ya ngme, ali abi a li ya pfa egbe ẹ shi eke.

† 11:51 Li zẹ Igbae 4.8; 2 Okhe 24.20-21 * 12:1 Li zẹ iMat 16.6; iMak 8.15 † 12:3 Li zẹ iMak 4.22; iLuk 8.17 ‡ 12:10 Li zẹ iMat 12.32; iMak 3.29

12 Irari khi Ayemhe-nọ-pfuase ọ ya sese ẹ abi a ya ngme oni eghẹghẹ. §

Okhe irokhokho oyi oyeghe

13 Ogbọ oghuo elemhi eni ebubu egbọ ọ lu iJesu, ọọ li, “Osesẹ kpekpe gueye inyoghuo-mhe ni ọ kemhi ugu na mhe.”

14 IJesu ọ sọ ọli ọ, ọọ, “Oghuo ọ zemhe shi oni ọ re ẹ a gue ezọ ali oni ọọ kemhi ugu na egbọ?”

15 Ighọ ọ gueye we nya, “A mu egbe ẹ shi emhi ituegbe, irari khi agbọ oyi ogbọ ọa migha nga ukhomhi epfue ni ọ mhue.”

16 Ọ zẹ okhe irokhokho ona khase we, ọọ we, “Eke oyi omose ni ọ pfue oghuo, o lolo ti emhi na li.

17 Oni omose ọ shito sa, Ọọ, ‘Sẹ mhi li ya kia eghọ? Mhi a mẹ asha ke ri emhi ya shi aka oyemhe.’

18 “Ighọ ọọ, ‘Emini mhi ya riẹle na. Mhi ya guoghọ aka oyemhe-a, mhi ya to aka onofune olese ni mhi rọ sọ iakpa ali itsua elese shi.

19 Eghẹghẹ aghọ mhiẹ egbemhe, Omue u zẹ ukhomhi onete gba e! Irari khi u mhue epfue ni e bububu, ni e ya tsua-ẹ ramhi ikpe ebubu. Ka yemhe-a, ke le, ke da. Wa li agbọ abi o ghọle ẹ.’”

20 “Ama Eshinegba ọọ li, ‘Yeye oyeghe! U ya ghu-a amiose; mena oghuo ọ ke ya mholi eni ugu ni u she ti ma na egbe ẹ?’

21 “Ighọ o ya li ogbokpa egbe ni ọ da ti epfue ma na egboli, ni ọa mhue epfue oyi emini o mu Eshinegba eloe.”

A khi ke sa usamhi agbọ

(iMat 6.25-34)

22 Ighọ iJesu ọ gueye eniye odukhokho eyoli, ọọ we, “Irarighọ, a khi zẹ ni usamhi emini a ya le ali usamhi emini a ya da, o nase ẹ, wekhi usamhi idiegbe oye emini u wa sọ.

23 Agbọ oye o mu egbe dose eminale, idiegbe oye o gbo mu egbe dose ode ni a sọ ẹ shi ọ.

24 A bino ipfeli na ukhomhi idane, ẹa rọ kọ wekhi eri ẹẹ khise, ẹa mhue

ashini e tsua eminale a shi wekhi eri e mhue aka, ama eri Eshinegba ọ rọ na we a le. A mu eloe dose we!

25 Ongeẹ onoghuo ọ ya dobe ri irari inyama-egbe oyoli khi ogbẹle oghuo ma agbọ oyoli?

26 Aborokhia khi u wa ya dobe riẹle ukuku emhi onana, elo o zẹ ni u rọ a nase egbe ẹ shi emini e kpole?

27 “Sa ọ bino abi ebuli idodo e li ẹ fu. Ẹa ya gbe akanya wekhi eri ẹẹ do ide. Ama mhi gue a ye ẹ khi egbegbi iSolomoni ni ọ tseku lighọ mhue itsua ni e somhi otse, ọa khue akhue nabi ebuli okhoghuo o khue.*

28 Eẹ ni a mhue ukuku irudunga, ini o khia khi ighọ Eshinegba ọ ri ide ku ebuli egbe, ni e kha laọ amo, akọ a tose we-a, se u ke liẹ sa khi ọa ya li ri egbegbi itsua sọ ẹ?

29 “Irarighọ, a khi ke sa emini a ya le ali emini a ya sọ; a khi zẹ ni o nase ẹ udu.

30 Irari khi egbọ ena agbọ ona nya, wewe e na khu emhi enana, ama Ita ẹ ni ọ la iloghie ọ lese khi e to ẹ.

31 Ochoghọ emiemini u wa riẹle nya, zẹ ni Eghiele oyi Eshinegba o khi onodode, emhi elese ni u wa nono nya, ọ ya rewe ma ọ ne.

Epfue na obini iloghie

(iMat 6.19-21)

32 “A khi zẹ ni ulishi o mu ẹ, ẹ ẹ ikuku isumha, irari khi oghuemhe oyi Ita ẹ o khi ni ọ rọ ri oni eghiele na ẹ.

33 A ri emhikpa ni a mhue de, a kemhi eni ikpaghọ na eni ẹa mhue. A zẹ ni a mhue ekuẹ ukpaghọ ni ọa ya khakha, ali ni a gbo mhue epfue shi iloghie ni ọa ya pfo wekhi oghiatọ ọ mẹ asha a ti bhale ọ, wekhi ifu e mẹ asha a towe,

34 Irari khi ashini epfue oye o la, aghọ udu oye ọọ la.

A mu egbe shi eke khe ibhale oyi Onomhue

35 “A mu egbe shi ugamhi, a zẹ ni ikpa eye ẹ e ke ge. †

§ 12:12 Li zẹ iMat 10.19-20; iMak 13.11; iLuk 21.14-15

* 12:27 Li zẹ 1 Ighie 10.4-7; 2 Okhe 9.3-6

† 12:35 Li zẹ iMat 25.1-13

36 Abi eni ẹ ga ọgbọ e migha khẹ ijẹle oyi ọni ọ mhuẹ wẹ ni ọ ye ukue ni a rọ a rue ọkpotoso, ini ọọ bhale ni ọ rọ kpheli obọ ode, e nyanya khueghie ode a na li aghoaghọ.‡

37 O ma ti eni ẹ ga ọgbọ eghọ egbe ini ọni ọ mhuẹ wẹ ọ bhale ya ẹ khi e mu egbe migha khẹ luẹ. Abi o la mhi gue a ye ẹ khi, ọ ya mu egbe akanya, ọ lu wẹ, ọ nu wẹ shito, ọ ri eminale na wẹ le.

38 Oghẹlẹ o ya khi na eni eni ẹ ẹ ga eghọ ini ọni ọ mhuẹ wẹ ọ bhale ya ẹ khi e mu egbe shi eke ini o tseku khi itsotso ogbie, o ke khi ini ogbe o ya gbe ọ rọ bhale.

39 A lẹsẹ ona khi ini ọni ọ mhuẹ apfe ọ lẹsẹ eghẹghẹ ni oghiatọ ọ rọ ọ bhale ọli owa ya do lo, ọa kha zẹ ni ọ lo ọli owa ya do.

40 Ẹẹ oyeẹ a ke mu egbe, irari khi Omi ọgbọ ọ dobe ya bhale eghẹghẹ ni aa sa shi.”§

*Oni ọ gue ẹ ẹ ga ali ọni ọa gue ẹ ẹ ga
(iMat 24.45-51)*

41 IPita ọ mhila li, ọọ, “Ọnọmhuẹ anye u kpe ekpita ona ye abi ọgbokpa?”

42 Ọnọmhuẹ ọọ li, “Oghuo ọ fe khi ọni ọreloekhu, ni ọ mholi ilẹsingme, ni ọọ gbe akanya te ode igesikia, ni ọga ọyọli ọ ri apfe nga obọ, ni ọ gueye ọli ọ ri eminale na eni ẹ ga li ke le shi eghẹghẹ?

43 Ikhivose o khi na ọni ọ ga ọgbọ ọghọ, ini ọga ọyọli ọ bhale ya ẹ ọli shi igue-riele.

44 Mhi gue a ye ẹ khi eri ọ ya ri emini ọ mhuẹ nya nga ọli obọ.

45 Ama ini ọni ọọ ga ọgbọ ọghọ ọ la udu ọyọli lie, ‘Oga ọyemhe ọ she tẹsẹ ẹ dose,’ ni ọ rọ gbe eni ẹ ẹ ga eni ikpotso ali eni emose ni a rọ shi ọli obọ, ọọ le, ọọ da, onyọ ọọ gbe ọli.

46 Eri ọni ọga ọyọli ọ ya bhale ele ni ọa sa shi ni ọa ri eloe shi eke ẹ khẹ ọli, ikhi eghẹghẹ ni ọa sa shi. Ọni ọga ọyọli ọ gbe ọli, ọ kuale ọli utse, ọ ghie ọli abo pfilo deba eghọ umha-sueso.

47 “Ama ọni ọọ ga ọgbọ ọghọ, ni ọ lẹsẹ ọghuemhe oyi ọga ọyọli, ni ọa mu egbe ni ọ rọ riele ọghuemhe ọyọli, a ya gbe ọli itali, a nali osoli egbegbo.

48 Ama ọni ọ ga ọgbọ ni ọa lẹsẹ ọghuemhe oyi ọga ọyọli ni ọọ riele emini o ye ni a gbe ọli shi, a ya gbe ọli ukukuọ. Irari khi ọni a ri emini e bu na, emini e bu a ya mhila li. Ọni a ri emini e lolo bu nga obọ, emini e lolo bu a ya mhila li.

*Ijesu ọa ri opfomhe bhale ama okemhi
(iMat 10.34-36)*

49 “Erali mhi bhale ya pfi shi eke agbo ona. Abi a khẹ khi e she a lala.

50 Mhi mhuẹ ibatizi ni mhi ya mie shi egbe. Egbe ẹa ke sheshe mhe ne ini mhia li mie ọli se.*

51 Eri a dabi khi opfomhe mhi rọ bhale eke agbo? Iye! Okemhi mhi rọ bhale.

52 Rote memena vu, eghọ oshe ni e la omhuẹ-apfe oghuo e ya kemhi egbe. Aase ọ e mu okhọli vule shi aava ọ, aava ọ e mu okhọli vule shi aase ọ.

53 Ita ali omiọli ọnọmose e ya mu okhue vule shi egbe wẹ ọ. Inyọ ali omiọli ọnọkpotoso e mu okhue vule shi egbe wẹ ọ. Inyodo ali ọsami ọli, e ya mu okhue vule shi egbe wẹ ọ.”†

*Ilesẹ emini eghẹghẹ o ngme
(iMat 16.2,3)*

54 Ijesu ọ gueye eni eghọ nya, ọọ, “Ini a da me khi otughunu o gbe shi obini ovọ o te ẹ tiemhi eko ne, aghoaghọ a lie khi amẹ o ya rue, amẹ o rue esheshighọ.

55 Ini akpekpeli o rote ukiẹkiẹ ọgobo ini a sọ alo ghue obini ovọ o te ẹ lo eko ẹ li ne, ẹ khi ogbe o ya nye amo, esheshighọ o lighọ.

56 Ẹẹ erugamhi-ku-alo, a lẹsẹ abi a lie bino abi eke ali ukhui o ngme, a guele abi ogbe o ya li. Elo o zẹ khi aa lẹsẹ abi eghẹghẹ o ngme memena?

*Ye ẹ ali obe ẹ a rọ nu egbe riele
(iMat 5.25-26)*

‡ 12:36 Li zẹ iMak 13.34-36 § 12:40 Li zẹ iMat 24.43-44 * 12:50 Li zẹ iMak 10.38 † 12:53 Li zẹ iMika 7.6

57 “Elo o ze khi a gueye egbe e emini o te ode ni a ke riele oli?”

58 Abi yeye ali oni o lue ezo a lie ke le ikotu, roshaka ni a ro riele neni a ramhi ikotu. Ini o a khi igho, eri o ya ti e bhale ufuege oyi oso-ezo, oni oso-ezo o mue ghi oni o omhese, oni o mhese egho mue ya pfilo owa ighumha.

59 Mhi gueye e khi u wa ya tigbe lase agho le, ini u wa li fali oko ni a ya fie pfo nya.”

13

Ini ee aa li mupfi eri a li ya pfua

1 Eghenge agho, egbo eghuo ni e la agho e gueye iJesu abi oghie iPaleti o ku o lia eyi egbo iGalili eghuo ni o gbolo-a ma o lia eyi elamhako ni a ro luase obo.

2 IJesu oo we, “Eri a dabi khi olamhe eyi eni egbo iGalili egho e dose olamhe eyi egbo iGalili ni e kpole, ni o ze khi e gho na we osue?”

3 Iiye! Aa khi igho, ini ee aa li mupfi, igho ee a ya li pfua.

4 Abi khi eri a dabi khi egbo ogbalale ni owa atonga ni o la eke iSiloamu o de mu gbolo-a egho, khi olamhe eyewe e kholo dose eyi egbo ni e kpole ni e la iJerusalemu?

5 Iiye! Mhi gue e ye e khi ini ee aa li mu pfi, igho a li ya pfua.”

6 Agho iJesu o la ze okhe irokhokho oyi oara okhua-eni ni o a ya mo. Oo we, “Omose oghuo o ko okhua-eni shi ogba upfonu. O je o ya bino ini loli me udumhi o pfa, ama o a me emhikhoghuo o.”

7 O gueye omose ni o ri eloe a khu oni ogba upfonu, oo li, ‘Oonokpe-ese na ni mhi te e kiasa oni oara ona ini mhi me udumhi o, mhia me okhoghuo. Ka khi oli-a, elo o ze ni o ro le eke shi afue?’

8 “Oni omose o lema oni o mhue oni ogba ipfonu, oo li, ‘Oga kpekpe ze oli obo ukpe ona bino ni mhi gua gase udi oli, ni mhi ku ifatalaza shi o bino.’

9 O kha mo idumhi ishukpe, o ti, ama ini o a ke mo, u khi oli-a.”

IJesu o ri okpotso ni o guogho-a ze ele iyemhea.

10 Ele iyemhea, iJesu o la owa ugamhi u sese egbo.

11 Okpotso oghuo o la agho ni o khia khi o gbe ikpe igbelele ni ayemhe okphaghi e o te mu oli gon-a. Eri o ke nyese, o a ke dobe e vule migha.

12 Abi iJesu o ro me oli, o lu oli lasele, oo li, “Kpotso, ughuamhi oye o she pfo.”

13 O ri abo nga oli egbe, agho agho oni okpotso o vule migha, o ku eghie Eshinegba.

14 Elemhi e bi oni o mhese shi oni owa ugamhi khi iJesu o ri oni okpotso ze ele iyemhea. Oni omose oo egbo ni e le gba, “Ogbele esesa e la efo uka ni awa ro o gbe ikanya, a ke bhale eni ogbele esesa egho ni a la o re e ke ze, ama a khi ke bhale ele iyemhea.”*

15 Onomhue o so li o, oo, “Ee egbo eri ugamhi ku alo, o a khi eri a taghie ichi ali ikphere eye-a shi ashini a geno we shi, a rue we je oke ya da ame ele iyemhea?”

16 Elo o ke ze ni okpotso ona ni o li khi omiomi Aburaamu ni okphaghi e o she geno ikpe igbelele, ni aa ro li ya taghie oli-a ele iyemhea?

17 Abi iJesu o ro ngme ona se, omama o mu egbo ni e mu okholi vule shi oli o, ama ikanya onyaloa nya ni o gbe o ri egbe e mu eni egbo.

Okhe irokhokho oyi ukpamhi oara iMositadi

(iMat 13.31-32; iMak 4.30-32)

18 IJesu o mhila we, oo, “Se Eghiele oyi Eshinegba o fe li? Elo mhi fe ya ri oli khokho?”

19 Eri o li abi ukpamhi oara iMositadi ni ogbo o rue ya ko ogba. Oo fu, o mele ukpokpomhi oara ni ipfeli e ku eko shi iguabo eyoli a.”

Okhe irokhokho oyi ifuma

(iMat 13.33)

20 O gbo ro mhila we, “Elo mhi fe ya ri Eghiele oyi Eshinegba khokho?”

* 13:14 Li ze Okiali 20.9-10; iDeut 5.13-14

21 Eri o li abi ifuma ni ọkpotoso ọ rọ ma italabi ifulawa esẹ wushe ni o fuma shio.”

Ode na pfi

(iMat 7.13,14,21-23)

22 Eghẹghẹ agho, iJesu o kiakia ẹoli khi ẹoli, o sẹsẹ ẹgbọ abi o li je iJerusalemu.

23 Ogbọ oghuo o mhila li, ọọ, “Onomhue, ikuku ẹgbọ tse Eshinegba o ya mie pfuese?”

Ijesu ọọ we,

24 “A roshẹka ni a rote unu-ode na pfi lo. Mhi gue a ye e khi ebubu ẹgbọ e ya roshẹka ni wewe e lo, ama, ẹa ya dobe.

25 Itobọ khi ini oni o mhue owa o da vule ya pfi okpe ode ne, eri a mema migha olase ke kpheli ode shi afue, a lema, a lie, ‘Oga kpekpe khueghie ode a na anye.’

“Ama o so we o, ọọ, ‘Mhi aa lese e wekhi eri mhi lese obini a te bhale.’

26 “Eghẹghẹ agho, a ya lie, ‘Anye nu e le, anye nu e da, u gbo la ifu apfe eyi anye e sese.’

27 “Ama o ya gbo lie, ‘Mhia lese obini a te bhale. Ee nya a vu mhe ana lasela, ee ẹgbọ okholo.’†

28 Agho ẹgbọ e la ke vie, ee gbe ako ako, ini a me Aburaamu ali Aziki ali iGiekopu ali emekeguele obini Eghiele oyi Eshinegba ama a khu e ya lase.

29 Eghẹghẹ agho ẹgbọ e ya rote obini ovọ o te e ngale ali obini ovọ o te e lo eko, ali ukiekie obita ali ukiekie ogobo ini a so alo ghue obini ovọ o te e lo eko bhale, e ya shitọ shi ukue na Eghiele oyi Eshinegba.‡

30 A bino khi a ya me ẹgbọ eghuo ni e kpe kpe ukhokho e ya kpe odalo, ẹgbọ ni e kpe kpe odalo e ya ke kpe ukhokho.”§

Ingme oyi iJerusalemu o to iJesu egbe

(iMat 23.37-39)

31 Eghẹghẹ agho ẹgbọ iFarisi eghuo e bhale deba iJesu, e ọli, “Vu ana

lasele irari khi oghie Erọdu o nono ni ọli gbe-a.”

32 Ijesu ọọ we, “A ka gueye oni anyako ogho, ‘Khi mhi ya khu ayemhe okphaghiẹ ẹgbọ egbe lasela ali mhi gbo ri ẹgbọ ya ze amo ali ako, ama akopfua mhi ya gbe akanya oyemhe pfo.’

33 Abibi o riẹ li, mhi mema ya ti okiali ke je odalo, amo ali ako ali akopfua, irari khi omekeguele okhoghuo ọa khi oni o me asha a ghu shi ẹoli oboese se ni iJerusalemu.

34 “Eekhue-oo! IJerusalemu, iJerusalemu. Ee ni a gbolo emekeguele-a, ni a gbolo e tono eni a ghie ghi e eche, iti-ingme o ghole mhe ni mhi kono imie kugbe, abi okhokho o lie kono imi ọli shi ifu ipfua, ama ọa ghole e!

35 A bino khi apfe oye e khi ikpukpu igbe e ke khi. Khi ogbo ọa ke la o, mhi gue a ye e khi aa ke ya me mhe, se ini oni eghẹghẹ o ramhi ni a ke ro a lie, ‘Eshinegba o khi vose na oni o ri eva oyi Onomhue bhale.’ ”*

14

Ijesu o gbo ri ogbo ze ele iyemhea

1 Ogbeleghuo ele iyemhea, iJesu o je apfe oyi okhemhue iFarisi oghuo ya le eminale, ẹgbọ e ri ẹloe mema shi ọli egbe ni e me emini o ya li.

2 Itobọ khi omose oghuo o la agho ni o fumhi abo ali awe.

3 Ijesu o mhila eni iFarisi ali eni e sese Ishi eyi iMosisi, “O fe ti elemhi Ishi eyi iMosisi ni ogbo o ro ri ogbo ze ele iyemhea, abi khi ọa ti?”

4 Ama ẹa pfa shi ọli eke. Igho o pfi obọ rue oni omose, o roli ze, o rue ọli obọ-a, ọli o ke je.

5 O mhila we, ọọ we, “Ongeẹ onoghuo o ya mhọli omọ, o ke khi ẹna ni o ya de pfilo ilija ni ọa ya nyanya mu ọli o lasela, ini o riẹkhi ele iyemhea?”*

6 Ẹa me so shi ọli o.

Ijesu o sese osese iregbe-tiemhi eke

† 13:27 Li ze Iwolo 6.8 ‡ 13:29 Li ze iMat 8.11-12; 22.13; 25.30 § 13:30 Li ze iMat 19.30; 20.16; iMak 10.31 * 13:35 Li ze Iwolo 118.26; iJere 22.5 * 14:5 Li ze iMat 12.11

7 IJesu o me abi egbo eni a lu bhale oni ukue, e li ya shito ashini o mhue ekpe shi oni ukue, o ze okhe irokho kha we, oo we,

8 "Ini ogbo o lu e bhale ukue ni a la rue omueshi khi kpe tode ya shito ashini o mhue ekpe, itobo khi, otse a she li kpe lu ogbo ni o mu eloe dose li shi oni ukue.

9 Ini a me gho, oni o lu e shi ukue, o ya bhale deba e, oo, 'Kpekepe vule ni omose ona o shito.' Eghenge agho u ri omama ya shito ukpekhomhi onikeke.

10 Ama ini a lu e shi ukue, kpe ya rue ukpekhomhi onikeke shito na ro bhale ya e khi oni o lue shi oni ukue o bhale deba e, oo 'Omue, vule je ukpekhomhi ni o yagha.' Eghenge agho u mhue ekpe shi ukpeloe oyi ogbokpa ni o ga la oni ukue.†

11 Irari khi oni o da ti egboli nga, a ya ti oli tiemhi, ama oni o da ti egboli tiemhi, a ya ti oli nga."‡

12 Igho iJesu o gueye oni o lu oli shi oni ukue, "Ini u ya nye ekhe feli egbo, khi lese lu emole e, ali inyoghuo e, ali egbo eye ali eni e pfue tse, irari khi e li dobe e ghie lu e shi ekhe ni e nye elelese, ni o li abine khi e she fali e ota to o.

13 Ama ini u mholi ukue, luno egbo eni ea mholi ali egbo eni ea mholi awe e kia ali eni e guoghwo awe-a ali ezalo.

14 Eghenge agho u mholi ikhivose. Itobo khi ea ya dobe fali e oru to o. U ya me eleli ogbele ite-eghuli-guale oyi egbo ni e pfuase."

Okhe irokho kha oyi ukue Oniemhi (iMat 22.1-10)

15 Abi omose oghuo ni e ga shito shi eni ekhe, o ro suo abi iJesu o ngme, oo li, "Oghete o ya khi na ogbo ni o ya la ukue na Eghiele oyi Eshinegba le emhi."

16 IJesu o so oli o, oo li, "Omose oghuo o mu egbe ni o ro ya mhue ukue oniemhi. O lu ebubu egbo shi oni ukue.

17 Eghenge oni ukue o ramhi, o ghie oni oo ga li ghi egbo ni o lu shi oni

ukue, o oli o ka gueye we, o lie, 'A bhale khi mhi she mu egbe se.'

18 "Ama ogbogbo o guele emini o ze khi loli a ya me asha bhale. Oni odode oo li, 'Mhi lese de eke ishemhi, mhi ya le ya bino oli. Kpekepe khi wola.'

19 "Olese oo li, 'Mhi lese de ena agbhagbhamhi ishe ni a ge toma aava aava kugbe, ni a ro gua ishemhi. Mhi ya le ya rewe gbe akanya bino. Kpekepe khi wola.'

20 "Igho olese oo, 'Mhi lese rue okpotso mhi aa ya me asha bhale.'

21 "Igho oni oo ga ni a ghie egho, o nyene egbe ukhokho ya gueye oga oyoli, abi eni egbo e ngme nya. Igho elemhi e li bi oni odapfe. Oo oni o ga li, 'Nyanya fie je olase, ka kia ode ni e je ifu apfe nya, wolo egbo eni ea mhue. Eni e ghu abo ali awe-a ali ezalo ali eni ea dobe a kia bhale.'

22 "Igho oni oo ga ogbo o bhale, oo 'Oga mhi she ye usomhi ni u ghie mhe, ama owa oa kie vo egbo ne.'

23 "Igho oni oga o gueye oni oo ga ogbo ogho, oo, 'Je ode ali ifu apfe ya lu we lole ni owa oyemhe o vo.

24 Mhi gueye e khi ogbokhoghuo oa la egbo ni mhi ri ebe ghi ni o ya ri unu mu eminale ni mhi nye.' "

Emini o ya gbe e, ni u ro khi omoo dukhokho (iMat 10.37,38)

25 Ebubu egbo e deba iJesu le iJerusalemu, iJesu o nyene alo gueye we, oo we,

26 "Ini ogbo okhoghuo o da nono ni loli bhale deba mhe ni oa ro da kie itali ali inyoli ali ughue oli ali imioli, ali inyoghuo oli, ali agbo oyoli ne, oa ya dobe khili omoo dukhokho oyemhe.S

27 Ogbo ni oa da tsua apfida oyoli ke deba mhe ne, oa ya dobe khi omoo dukhokho oyemhe.*

28 "Onge oonoghwo o ya to owa atonga ni oa ya kpe tode shito ta ingme ni o ya gbe oli, ni o me ini loli ya mhue ikpagho to li pfo?

† 14:10 Li ze Ekpi 25.6-7 ‡ 14:11 Li ze iMat 23.12; iLuk 18.14 § 14:26 Li ze iMat 10.37 * 14:27 Li ze iMat 10.38; 16.24; iMak 8.34; iLuk 9.23

29 Ini ọa khi igho, ọ kha ri ọli gbe ni ọa ke ro dobe to li pfo, eri egbokpa ni e da me oni owa e ri oni omose ya ke li egia.

30 E lie, 'Omose ọna ọọ to owa ama ọa ke dobe to li pfo.'

31 "Oghie onoghwo ọọ nono ni loli ri okhue ghie oghie ọlese ni ọa kpe tode ya shito sa bino ini loli ya dobe ri egbo agbele igbe 10,000 ya nu oni oghie ogho ni ọ mhue egbo agbele uye 20,000 kholi?"

32 Ini ọ me khi loli aa ya te ọli ọ, eri ọ ya nyanya ghie egbo ghi oni oghie abi ọa li ramhi ọli egbe ne, ọọ li ze ni wewe e ro rie.

33 "Igho khi ogbo ni ọa rue emhikpa ni ọ mhue obo-a, ọa ya dobe khi omọ odukhokho oyemhe.

Ugbheli

(iMat 5.13; iMak 9.50)

34 "Ugbheli o ma ti gba, ama ini ugbheli ọa ke mhue iviolọ oyoli, se a ka gbo dobe ya ri ọli ke gbo mhue iviolọ oyi ugbheli?"

35 Eghẹghẹ agho aa ke ri ọli ya rie emhi okhoghwo, wekhi eri a ya ku ọli shi eke ni o ri eke woghọ, ama eri a ke ya ku ọli kua.

"Oni ọ mhue eso ọ ro suo."

15

Okhe irokhokho oyi osumha ni ọ wa-a

(iMat 18.12-14)

1 Igho ebubu emionoga ali ena olamhe e bhale ti mama ijesu ni e ro suo ingmemhi ni ọ ngme.

2 Ama egbo iFarisi ali esese Ishi eyi iMosisi e, "Oni omose ọna ọ kpe abo e mie egbo olamhe, ọ gbo nu we e le eminale."*

3 Igho ijesu ọ ze okhe irokhokho khasẹ we, ọ,

4 "Ini o khia khi onge e ọ mhue isumha egbhueshe, ni a ro bhale ya e khi oghuo ọ wa ọ a, se ọ ya li? Aa khi eri ọ ya ze oghuo ọa la egbhueshe eni e kpole obo shi ifu odagbe ifufu, ọ vu ya nono oghuo ni ọ wa egho, ramhi ni ọ ro ya me ọli mu?"

5 Ini ọ me ọli, egbe ee mu ọli, ọ mu ọli ta ike.

6 Ini ọ ramhi apfe, ọ luno emole ọli ali idogbapfe eyoli, ọọ we, 'A bhale ya nu me ghele irari khi osumha oyemhe ni ọ wa, mhi she me ọli mu.'

7 Mhi gueye e khi ini ogbo olamhe ọ mu pfi, oghelẹ o la iloghie dose ogbo oghuo ọa la egbhueshe ni e she pfuase ni ea ke nono imupfi.

Ukpagho ni o waa

8 "Ini o khia khi okpotso ọ mholi ikpekhuhi igbe, ni ọ ro wase oghuo ọ-a, se ọ ya li? Ọa khi eri ọ ya ri akpa ru, ọ fuomhi owa nguene, ọ kuegbe-a nono ọli ramhi ni ọ ro ya me ọli rue?"

9 Ini ọ me ọli rue, ọ luno emole ọli ali idogbapfe eyoli, ọọ we, 'A bhale ya nu me ghele irari khi ukpekhuhi oni o wa me-a, mhi she me ọli rue.'

10 Mhi gueye e khi igho igeni eyi Eshinegba e lie ghele ini ogbo olamhe oghuo ọ mu pfi."

Omọ oni ọ wa-a

11 Ijesu ọ gbo ze okhe irokhokho ona khasẹ we, ọọ we, "Omose oghuo ọ ya lao ni ọ mhue eniye emose aava.

12 Onikeke ni ọ lao, ọọ itali, 'Itamhe, kemhi ugu ni o ya khi oyemhe na me.' Igho oni itali ọ kemhi oni ugu na we.

13 Ọa tese ne, oni omọ ogho ọ tsua ugu eyoli. Ọ vu je eoli odonue oboese, ọ ya pfuse e pfue egho kua.

14 Ọ pfuse e pfue egho nya kua se, ukpokpomhi okiamhi o lo oni ushishi ogho nya le. Oyemhe o gbe ọli.

15 Igho ọ le deba omose ni ọ khi omọ eke agho. Ọ ri egbole mele oni ọọ ga oni omose-a. Ọ ghie ọli je ishemhi oyoli ni ọ ri eminale na igulu eyoli ke le.

16 Ọ nono ini loli me asha ke le eminale ni eni igulu e le kpole. Ama ogbokhoghwo ọa bo eminale na li.

17 Abi egbhali eyoli e ro tiemhile, ọ mhila egbole, 'Ọa khi eri ighumha eyi itamhe nya e me eminale a le, e kesẹ shi, ni mhi ro la ana ri egbe na okiamhi a gbe ya ghua!

* 15:2 Li ze iLuk 5.29-30

18 Mhi nyene egbe ya je apfe deba itamhe, ni mhi ya lie oli, Ita mhi she lamhe na Eshinegba ali yeye.

19 Mhia ke te oni abi a lu omie, rue mhe abi oghumha oghuo oye.

20 Igho o vu ya je deba itali. Ama abi o li bhale ni o kie nuata shi apfe egho, itali o me oli, o mhue ilelemhi na li. O na ya mu oli, o pfi abo gege oli uruli, o pfi oli elemhi egbe.

21 Oni omo oo itali, 'Itē, mhi she lamhe shi Eshinegba ali yeye o, mhia ke te ni a lu omie, ke riehe mhe abi eni ee ga e otuoghuo.'

22 Ama itali o luno eni ee ga li, oo, 'Okuekhoogo! A nyanya a rue egbegbi itsua ni e somhi otse nya bhale so li. A rue ukhui shi oli obo, ni a ri ekuē so li.

23 A mu ena ni o khobo bhale ni a gbe oli-a ni awa mhue ukue ke ghele gbii.

24 Irari khi eri omimhe ona o kpe ghu-a ama o she guale. Eri o kpe wa ama a she me oli rue.' Igho e lu ukue, e ghele gbii.

25 Eghēghe agho omioli onogbhali ni o kpe la ifui ishemhi o rote ishemhi jele. Abi o ro ti mama apfe, o suo eko ebola ali ishimhi.

26 Oni omioli ogho o lu oni oo ga oyi itali oghuo, o mhila li, o, 'Elo a me?'

27 Oni oo ga oo li, 'Inyoghuo e o jele, ni ite o ro gbe ena ni o gbēdi oghuo-a. Irari khi o jele shi itoto ali oghēle.'

28 Igho elemhi e bi oni inyoghuo oli onogbhali ogho, o ke lama lo owa le. Igho itali o le deba li, o lema li o lo le.

29 Ama oo itali, 'Bino oonokpe-ingme ni mhi te la ana a ge, ni mhia a tigbe da ushi oye okhoghuo ghue, ama agboagbo wa tigbe mu elamhi okhoghuo na mhe ghue, ni emole mhe e li nu mhe ghele.

30 Ama abi omie ona ni o tsua itsua epfue eye ya pfueche kua na idegbe o ro jele, u ya gbe ena ni o gbēdi-a na li.'

31 Itali oo li, 'Omimhe, eghēghe kpa u te nu mhe la akana, emhikpa ni mhi mhue eye e khi.

32 Ama o ti ni awa ghele, irari khi eri inyoghue ona o kpe ghua, ama o she

nyene egbe bhale agbo; eri o kpe wa ama a she me oli rue.' "

16

Okhe irokhokho oyi orloekhu ona ikpamhika

1 Ijesu o ze okhe irokhokho khase eniye odukhokho eyoli, oo we, "Omose oghuo ni o pfue o la o, o mhue orloekhu epfue enayoli. A gueye oni omose khi oni orloekhu o pfuse lue epfue-a.

2 Igho o lu oli, o mhila li, 'Elo ona o khi ni mhi a suo idiegbe oye? Rokhase mhe ghue abi u li gbe akanya oye irari khi waa ke gbolo ya khi orloekhu oyemhe.'

3 Igho oni orloekhu o sa o, 'Se mhi li ya kia abi oga oyemhe o ro ya khu mhe akanya ena? Mhi aa mhue itoto ni mhi ro dobe ya gua ishemhi. Omama omhila kia-kia oo mu mhe.

4 Mhi lese abi mhi ya li ini egbo e zemhe lo apfe oyewe le ini a khu mhe akanya.'

5 "Igho o lu egbo ni e lo oga oyoli ota. O mhila onodode, 'Ingme u lo oga oyemhe?'

6 "Oo li, 'Igalo oili olivu egbhueshe asha elele.' Oni orloekhu oo li, 'Mo ebe, shito khi we-a, ni u keke igalo egbhueshe asha ene.'

7 O mhila onuzava, 'Ingme yeye u lo?' "Oo li, 'Ikpulu ado agbele.'

"Oo li, mo ebe shito khi we-a ni u keke egbhueshe asha eleli.'

8 "Oni oga ogho o kueghie oni orloekhu ona ikpamhika ogho, irari khi o riehe ingme ikpamhika ni o li abi ileingme. Irari khi egbo ena agbo ona e lese abi e li ri ikpamhika nu egbe e ngeli dose abi egbo ni e khi ena akpa e li.

9 Mhi gue oli e ye e, a ri epfue ni a mhue mu emole shi agbo ona ni a ro bhale ya e khi ini e pfo, a ya ze e lo iloghie.

10 "Ogbo ni a da dobe ri egbe e nga shi ukuku emhi ni a ro nga li obo ne, o ya ze regbenga shi eminiemhi, ini a roli nga oli obo. Oni o da ze ri egbe e

da shi ukuku emhi ne, ọa ya zẹ ri egbe da shi eminiemhi.

¹¹ Ini u wa zẹ ni a regbenga shi ẹpfue na agbọ ni a rọ shi ẹ obọ, sẹ a li ya ri egbegbi ẹpfue nge obọ?

¹² Ini o khia khi u wa zẹ ri egbe ẹ nga shi ẹpfue oyi ọgboese, ọghuo ọ ya ri oye nẹ?

¹³ “Aa me ọni ọọ ga ọgbọ ni ọ dobe ya ke ga ega aava utoghuo. Eri ọ ya nono ingme oyi ọghuo, ọa nono ingme oyi ọnọkpole. Ọọ suọ esọ na ọghuo dose ọnọkpole. Wa dobe ya ke ga Ẹshinegba u gbolo ẹ ga ukpagho.”*

Osese eyi iJesu eghuo

(iMat 11.12,13; 5.31,32; iMak 10.11,12)

¹⁴ Abi ẹgbọ iFarisi ni e nono ingme ukpagho dose e rọ suọ ona, e do iJesu okonyo.

¹⁵ IJesu ọọ wẹ, “Eri a ngeli ukpeloe agbọ ni a rọ ke khasẹ khi eni angeli oyewe o migha shi ipfuase a khi, ama Ẹshinegba ọ lese usamhi udu oye. Emini ẹgbọ ẹẹ bino khi oo mu ẹloe gba, eri ọọ kpare Ẹshinegba.

¹⁶ “Eri a ri Ushi oyi iMosisi ali emini emekeguele e keke gbe akanya ramhi ẹghẹghẹ oyi iỌni Ọni ọọ batazi ẹgbọ. Rote ẹghẹghẹ agho vu ya ramhi memena, eri a ri ungmehi oyi Eghiele oyi Ẹshinegba a tse abọ, ọgbokpa ọ roshẹka ini loli dobe lo ọ.†

¹⁷ O ya kele ni eke ali ukhuli ni e kelea, ama ukpamhi ungmehi okhoghuo kpele ọa ya de Ishi eyi iMosisi pfi-a.‡

¹⁸ “Omose ni ọ da khu ughue ọli pfi ni ọ ya rue ọkpotsọ ọlese ne, ọ she kia okia. Omose ni ọ da rue ọkpotsọ ni a khu ughue, ọ she li kia okia.§

Omose ni ọ pfue ali iLazarosi

¹⁹ “Omose ọghuo ọ ya laọ ni ọ mema pfue. Ọọ sọ itsua enete ni e somhi otse ni e ghale, ọ li agbọ nyafunyafu ogbele kpa.

²⁰ Omose ọghuo ọna umhame ni a lu iLazarosi, ọ li ya la ọ. Igboko e ge ọli.

A tsua li bhale ode unuekpe oyi ọni omose ni ọ ghọ pfue ọghọ ẹghẹghẹ kpa.

²¹ Eri ọni iLazarosi ọ shito oni ode unuekpe oyoli ini loli me eminale ni e rote ọli ukhomhi itebu de kua rue le. Eri ewa e gbolo bhale ya lalo ọli eni igboko.

²² “Eghẹghẹ o bhale ni ọni iLazarosi ọ rọ ghua. Igeni eyi Ẹshinegba e bhale ya tsua li je ashini Aburaamu ọ la. Omose ni ọ ligho pfue egho, ọ li ghua, a ri ọli to.

²³ Ilimhi iriere ni ọ la me osue, ọ yase alo idane, ọ me Aburaamu khi ọ nuata shi lue egbe, iLazarosi ọ shito mama li.

²⁴ Igho ọ lu leghe, ‘Aburaamu ita! Kpekpe mhuẹ ilelemhi na mhe. Ghie iLazarosi ni ọ to obọ amẹ to mhe elemhi, itobọ khi mhi la ukpokpomhi osoli elemhi ere memena.’

²⁵ “Ama Aburaamu ọọ li, ‘Omọ sato khi abi u rọ la agbọ, u she mie eminete eye, ama iLazarosi ọ mie emini ẹa ti eyoli. Mena egbe e pfomhi ọli shi ana, yeye u la ukpokpomhi osoli.

²⁶ Ini a ri obọ rue ona ọ shi eke, rote ashini u la bhale ana ugbilimhi eke o pfa awa a. Irarigho, eni ẹẹ nono ni wewe e rote ana da je obini u la, ẹa ya dobe wekhi eni e la obini u la e dobe ya da bhale deba anye oola.’

²⁷ “Ọni omose ọọ ọli, ‘kpekpe mhia lema ẹ, ghie iLazarosi je apfe oyi ita-mhe,

²⁸ irari khi mhi mhuẹ inyoghuo emose oshe. Zobe ni ọ ya tse agua ye we ini e khi bhale asha osoli ona.’

²⁹ “Aburaamu ọ sọ ọli ọ, ọọ li, ‘E mhuẹ Ishi eyi iMosisi ali emekeguele, e ri esọ shi we eke.’

³⁰ “Ọni omose ọọ li, ‘Iye, Aburaamu ita, ini ọgbọ ọ rote eghuli guale ya tse agua ye we, e ya mu nyene.’

³¹ “Aburaamu ọọ li, ‘Ini ẹa ri esọ shi emini Ishi eyi iMosisi ali emekeguele e ngme, ẹa ya ri esọ shi eke ini ọgbọ ọ tseku rote eghuli guale.’ ”

* 16:13 Li zẹ iMat 6.24 † 16:16 Li zẹ iMat 11.12-13 ‡ 16:17 Li zẹ iMat 5.18 § 16:18 Li zẹ iMat 5.32; 1 iKori 7.10-11

17

Olamhẹ ali igbekua

(iMat 18.6,7,21,22; iMak 9.42)

¹ Ijesu ọọ eniye odukhokho eyọli, “Emini e ri ọgbọ ọ lamhẹ olamhẹ e mema ya bhale, ama o ma khọlọ ọni ọgbọ ni o rọte obọ oyọli bhale egbe.

² O ti nẹ ini a mu eche iko zu ọgbọ ọghọghọ uruli tsua pfilo oke oniemi, dose ni ọ rọ ya ze ni ọtuoghwo ikuku eniye enana ke lamhẹ olamhẹ.

³ A mholi egbhe shi emini a riẹle.*

“Ini inyoghwo e ọ lamhẹ, gue ọli ye ọli. Ini ọ mu nyene, gbekua na ọli.

⁴ Ini ọ lamhẹ nẹ iti ishilua ogbele, ni ọ rọ bhale ya lema e eni iti ishilua egho, ni ọ re, ‘Mhi mu nyene.’ U mema ya gbekua na li.”

Irudunga

⁵ Eni ighiusomhi na kee ogbava ni ijesu ọ ze, ee, “Onomhue, zese irudunga oyanye-a.”

⁶ Onomhue ọọ we, “Ini u mhue irudunga ni o she abi ukpamhi imositadi, u ya lie ọara ọaghie ona, ‘Oo eke-a, ni u ya gbola shi elemhi oke oniemi!’ O ya suo nẹ.

Akanya oyi oni ọ ga ọgbọ

⁷ “Ini ongee ọ fe mhue oni ọọ ga li ni ọ gua ishemhi e nali, okekhi isumha ọ ri eloe e khu nali. Eri ọ ya lie ọli, ‘Nyanya bhale ya le eminale ini ọ rọte ishemhi jele?’

⁸ Ọa khi eri ọ ri ochogho ya kpe lie ọli, ‘Ka nye emhi ogbomhi na mhe, u kpha li na mhe ni mhi le. Mhi kha le se, ni mhi rọ da se, u tigbe ya le oye?’

⁹ Ọ ya tse oni ọ ga ọgbọ ọghọ ọ mu ikanya irari khi ọ da ye usomhi ni ọ ghie ọli?

¹⁰ Igho khi ee, ini a riẹle abi a ghie e se, a ke lie, ‘Eni e ga ọgbọ tse anye khi, akanya khi akanya oyi anye, anye e gbe.’ ”

Ijesu ọ ri emose ishoma ze

¹¹ Abi ijesu ọ rọ je iJerusalemu, ọ rọte iteva ẹoli iSameria ali ẹoli iGalili ii dose.

¹² Abi ọ li lo ẹoli oghuo le, emose ogbe ni efafe e mu e bhale deba li, e ta pfia migha.

¹³ E tse leghe, ee lie, “Ijesu Onomhue, mhue ilelemhi na anye!”

¹⁴ Abi ijesu ọ rọ me we, ọọ we, “A ka ri egbe e khasẹ ekpodalo-ugamhi eyi Eshinegba.” Abi e li le egho, eni efafe e kala we egbe-a, e ze.†

¹⁵ Igho oghuo ọ elemhi we, abi ọ rọ me khi lo li ze, ọ nyene egbe ukhokho bhale, ọ kuẹghie Eshinegba leghe.

¹⁶ Ọ bhale ya de yeshi ijesu odalo, ọ tse ọli uwegbe. Oni iSameria oni omose ọ khi.

¹⁷ Igho ijesu ọ mhila we, “Ọa khi egbọ ogbe a rọ ze? Ighe otiale ni e kpole?”

¹⁸ Aa me ongewe okhogho ni ọ nyene egbe ukhokho bhale ya kuẹghie Eshinegba, se ni ofese onana?”

¹⁹ Ijesu ọ li, “Vule ke je, irudunga oye o she re ze.”

Ibhale oyi Eghiele oyi Eshinegba

(iMat 24.23-28,37-41)

²⁰ IFarisi eghuo e mhila ijesu eghẹghẹ ni Eghiele oyi Eshinegba o rọ ya bhale. Ijesu ọọ we, “Eghiele oyi Eshinegba ọa ya bhale ni a ke me alo gbugbugbu.

²¹ Ọa khi oni a lie, ‘Ghe ọli ana.’ We khi, ‘Ghe ọli agho.’ Irari khi Eghiele oyi Eshinegba ọ la iteva oye e.”

²² Igho ọ eniye odukhokho eyọli, “Eghẹghẹ ọ bhale ni a ya nono ogbele oghuo oyi omi ọgbọ, ama a ya me ọli.

²³ Egbọ e ya ke gueye e, ‘Bino khi ọ la agho.’ Ali khi, ‘O la ana.’ Ama a khi na deba we.

²⁴ Irari khi ele ni Omi Ogbọ ọ ya bhale, eri ọ ya li abi erali akphala ni ọ nyamhise alo rọte ukiekie ukhui oghuo ya je ukiekie ni ọ kpole.

²⁵ Ama ọ mema kpe ya me osue egbegbo, egbọ agbhotu ena e kie ọli.

²⁶ “Abi o ke lese li eghẹghẹ oyi iNoa, igho o ya li ogbele ni Omi Ogbọ ọ ya bhale.‡

²⁷ Eri egbọ e le, e da, e rue ikpotso, a ri ikpotso ye ughue ya ramhi ni iNoa

* 17:3 Li ze iMat 18.15 † 17:14 Li ze iLev 14.1-32 ‡ 17:26 Li ze Igbae 6.5-8

o rọ lo ọkọ-oke oniemi. Igho amẹ ni ofunẹ o rọte idane tiemhile ya pfuse wẹ-a nya. §

28 “Igho o gbo li egheghe oyi iLoti. Egbọ e le, e da. E de, e rọ de. E kọ, e tọ apfe.

29 Ama ẹlẹ ni iLoti o lase eke iSodomu le, erali ali ingamhi e rọte idane zẹ kule ya pfuse wẹ-a nya.*

30 Igho o ya li ẹlẹ ni Omi Ogbọ o ya bhale.

31 Ẹlẹ ni a ngme ena, oni o la ukhomhi owa, o khi tiemhile ya wolo itsua eyoli. Igho o khi oni o la ishemhi, o khi nyenẹ egbe je apfe shi emhi khoghuo. †

32 A sato ingme oyi ughue iLoti! ‡

33 Ogbọ ni o da nono ni loli tsumhi agbọ oyoli ne, o ya de oli obọ-a, ama ogbọ ni rue agbọ oyoli obọ-a shi eke itobọ oyemhe ne, o ya mẹ oli rue. §

34 Ẹliyosẹ ni a ngme ena, emose aava e ya lese shi ukpho oghuo, a ya rue oghuo o vu, o kpe ọtuoghuo o le.

35 Ikpotoso aava e ya ke mhele emhi kugbe, a ya rue oghuo o vu, o kpe ọtuoghuo o le.”

36 [Emose aava e ya la ishemhi, a ya rue ọtuoghuo o vu, o kpe ọtuoghuo o le.]

37 Eniyẹ odukhokho eyoli e mhila li, ẹ oli, “Obo lo Onomhue?” Ijesu ọọ wẹ, “Ashini idiegbe olimhi o la, agho ighuli ẹẹ legba.”

18

Okhe irokhokho oyi osamhi-olimhi ali osọ-ẹzọ

1 Ijesu o zẹ okhe irokhokho khase eniyẹ odukhokho eyoli, ni o rọ sese wẹ khi o ti ni a ke lema egheghe kpa, ali e khi zẹ ni o losẹ wẹ.

2 Oọ wẹ, “Elemhi ẹoli oghuo, omose osọ-ẹzọ o ya la o ni ọa li na ulishi Eshinegba wẹkhi eri o mu ekpe na ogbọ.

3 Osamhi-olimhi o li la oni ẹoli ni o bhale deba oni osọ-ẹzọ, ọọ li, ‘Kpekpe

pfa ẹzọ na mhe shi ingme ni o de mhemhe ali ogbọ.’

4 O ga tese oni omose ọa kie pfa shi oli eke. Ama ikpukhokho o, oni omose ọọ egbeoli, ‘Ini o rie khia khi mhi aa ya na ulishi Eshinegba wẹkhi eri mhia mu ekpe na ogbọ,

5 ni o rọ khia khi oni okpotso ọna o lina bhale ya nase mhe ena, mhi ya pfa ẹzọ na li, ini o khi ya ri ibhale oyoli ona kie ke nase mhe!’ ”

6 Onomhue ọọ wẹ, “Aa suọ abi osọ-ẹzọ ọna okholo ọna o ngme?”

7 Eshinegba ọa ya li pfa ẹzọ na eniyẹ eyoli ni e vie ẹ lu oli, ghe ẹlẹ-ogwota, ghe ẹlẹ-iyosẹ?

8 Mhi gueye ẹ khi o ya pfa ẹzọ na wẹ pia. Abi o li ena, ini Omi Ogbọ o nyenẹ egbe bhale, o li bhale ya ẹ irudunga eke agbọ?”

Okhe irokhokho oyi iFarisi ali omionoga

9 Ijesu o gbo zẹ okhe irokhokho ona khase egbọ eghuo ni e regbenga khi wewẹ e mhọli igue-ngeli dosẹ egboese, ni e ri ẹloe a gbe egboese.

10 “Emose aava e je Owa Oyi Eshinegba ya sọ iromhi. Oghuo o o khi iFarisi, onokpọle o khi omionoga.

11 Oni iFarisi o vule, o sọ iromhi, o kuẹghie egbọli, ọọ lie, ‘Eshinegba, mhi kphemhi ne khi mhi aa li abi egboese ni e khi ighiatọ ni ẹẹ li ingmobe, ni ẹẹ kia okia abi omose omionoga ọnana.

12 Iteva mhia pfi azumhi elemhi ẹfo uka. Mhi a zẹ aze-oghuo-igbe elemhi emini mhi mhue kpa.’

13 “Ama oni omionoga ogho, o tapfia migha ọa gbudu yase alo fele idane, ama o lese gbe abọ nga aye, o lie, ‘Eshinegba mhue ilelemhi na mhe, mhemhe ogbọ olamhe.’

14 Mhi gue egbegbi ingme a ye ẹ khi oni omionoga ọna Eshinegba o bino khi o pfuase dosẹ oni omose ni o kpole. Egbe e mu oli je apfe. Itobọ khi ogbọ ni o da ti egbọli nga ne, eri a ya ti

§ 17:27 Li zẹ Igbae 7.6-24 * 17:29 Li zẹ Igbae 18.20; 19.25 † 17:31 Li zẹ iMat 24.17-18; iMak 13.15-16 ‡ 17:32 Li zẹ Igbae 19.26 § 17:33 Li zẹ iMat 10.39; 16.25; iMak 8.35; iLuk 9.24; iJon 12.25 * 18:14 Li zẹ iMat 23.12; iLuk 14.11

oli tiemhi eke, ama oni o da ti egboli tiemhi eke, a ya ti oli nga.”*

*Ijesu o khi vose na ikuku eniye
(iMat 19.13-15; iMak 10.13-16)*

¹⁵ Eleghuo, egbo e li mu eniye enikeke bhale ghi ijesu ni o ri oboto we. Abi eniye odukhokho eyoli e ro me we, ee e khi bhale ya nase oli.

¹⁶ Ama ijesu o lu eni eniye, oo we, “A ze ni ikuku eniye e bhale deba mhe, a khi ke mu we migha irari khi enabi wewe e mhue Eghiele oyi Eshinegba.

¹⁷ Abi o li mhi li gue oli ye e khi, oni o da mie Eghiele oyi Eshinegba abi ukuku omo o li mie oli ne, o a ya lo oli le.”

*Oghie ni o pfue
(iMat 19.16-30; iMak 10.17-31)*

¹⁸ Okhemhue oghuo o mhila ijesu, oo, “Oseso onete, se mhi ya li ni mhi ro ya mhue agbo na agboagbo?”

¹⁹ Ijesu o mhila li, “Elo o ze ni u ro o lu mhe oseso onete? Ogbokhoghuo o a la o ni o khi onoti, se ni Eshinegba.”

²⁰ U lese abi ishi eyi Eshinegba e ngme, “Khi kia okia, khi gbe ugbeli, khi do ughiatu, khi pfi otsele egbhue mu ogo, mu ekpe na ite ali inye.”†

²¹ Oo ijesu, “Rote abi mhi te khi omo mhi te ri ishi ena nya a gbe akanya.”

²² Abi ijesu o ro suo ona, oo li, “O kpo e emhi oghuo le, le ya ri emini u mhue nya de, u kemhi eni ikpagho na egbo ni ea mholi khi u ya mhue epfue shi iloghie. Ni u tigbe bhale ke deba mhe.”

²³ Abi oni omose o ro suo ona, egbe e pfo li-a itoboto khi o pfue gba.

²⁴ Ijesu o me abi egbe e pfo li-a shi o, Oo, “O ma mu unu ni egbo ni e lolo pfue ni e ro lo Eghiele oyi Eshinegba.

²⁵ Ni ogo ni o pfue o ro lo Eghiele oyi Eshinegba, o ya munu dose, ni ogo ke dua ni loli ri alakumi rote ese asuge ya fie.”

²⁶ Egbo ni e suo ona e mhila, “Oghuo o ke ya mhue imiepfuese sho?”

²⁷ Ijesu oo we, “Emini o a ze ogo a riele loli o ze Eshinegba a riele.”

²⁸ IPita oo ijesu, “Bino, anye she tsua emhi eyanye nya kua se, anye bhale deba e.”

²⁹ Ijesu oo we, “Abi o li mhi li gue oli e ye e khi, aa me oni o ya tsua apfe-oli, okekhi ughue-oli pfia, ni o tsua inyoghuo oli, ghe itali ghe inyoli ali imioli pfia, itoboto Eghiele oyi Eshinegba,

³⁰ ni o a ya mhue eleli ni e bu dose eghogho, elemhi agbo ona ali agbo oni o ke e bhale.”

*Ijesu o gbo gue ingme eghuli oyoli le
(iMat 20.17-19; iMak 10.32-34)*

³¹ Ijesu o rue eniye odukhokho ogbava eyoli je asha eghuo, o gueye we. “A ri esho shi eke, awa ya nga obini iJerusalemu. Emini emekeguele e keke shi Omi Ogo egbe nya, e bhale ya tse oobo.

³² A ya mu oli, a rue oli na egbo iJeta. E ya roli li egia, ee tsue oli, e tono ete ku oli, e gbe oli itali, e tigbe gbe oli-a.

³³ Ele onuzi-ese, o ya guale.”

³⁴ Eniye odukhokho eyoli ea lese udi ingme ena irari khi eri a ri ingme enana sheli we, ali khi ea gbo lese emini oo ngme.

*Ijesu o khueghie ozalo alo-a
(iMat 20.29-34; iMak 10.46-52)*

³⁵ Abi ijesu o li ti i mama iJeriko, ozalo oghuo o shito epfe ode, o mhila.

³⁶ Abi o ro suo okeke egbo ni e dose, o mhila we emini a me.

³⁷ A gueye oli khi ijesu na iNazareti oo dose.

³⁸ O lu leghe, oo li, “Ijesu Omi iDefidi mhue isomhelemhi na mhe.”

³⁹ Egbo ni e ralo na li e oli o khukhu unu. Ama igho o kie li tseso oo lie, “Omi iDefidi mhue isomhelemhi na mhe.”

⁴⁰ Ijesu o migha, o e lu oni omose ghi lue. Abi o ro ti mama li, ijesu o mhila li.

⁴¹ “Elo wa nono ni mhi riele ne?” Oo ijesu, “Onomhue mhi a nono ni mhi ke me eke.”

† 18:20 Li ze Okiali 20.12-16; iDeut 5.16-20

⁴² Ijesu ọọ li, “Alo eyẹ e khueghie-a, irudunga oye o she rẹ ze.”

⁴³ Aghoaghọ alo eyọli e khueghie-a. O deba iJesu kia, ọ kuẹghie Eshinegba. Abi eni ẹgbọ nya e rọ mẹ ọli e li li kuẹghie Eshinegba.

19

IZakiosị ọmionoga

¹ Ijesu ọ rọte ẹoli iJeriko doṣe.

² Ọmose ọghuo ọ la oni ẹoli ni a lu iZakiosị, lọli ọ khi ọga ọyi emionoga. Ọ ga mema mhue ẹpfue egbegbo.

³ Ọ nono ni lọli mẹ ọni iJesu ọ khi, ama ọa doṣe. Ọa mẹ asha itobọ khi ẹgbọ e bu doṣe. Ali khi ọgbọ ni ọa yagha ọ khi ni ọ lolo she.

⁴ Ighọ ọ na ya ralo ode ni iJesu ọ te ya doṣe, ọ ya nga ọara ugbele shitọ, ini lọli mẹ asha mẹ ọli.

⁵ Ijesu ọ ramhi aghọ, ọ yase alo idane lu ọli, Ọọ li, “IZakiosị, nyanya tiemhile, mhi mema ya kushi apfe oye amo.”

⁶ Ighọ ọ nyanya tiemhile. Egbe e mu ọli, ọ ri oghẹle kpe abọ mie iJesu.

⁷ Ẹgbọ nya ni e mẹ ona, e wọlọ, e lie, “Ọ she ya kushi na ọgbọ ọna olamhe.”

⁸ O ke lese li denẹ tee, iZakiosị ọ ti vule, ọọ, “Ọnọmhue ghe i, mhi ya khi ẹpfue eyemhe shi asha eva, mhi ri asheghuo ọ na ẹgbọ ni ẹa mhue. O kha khia khi mhi li ọgbokhoghuo le ghue, mhi ya fali ọli eni ota agbhagbhamhi ene.”

⁹ Ijesu ọọ li, “Amo ena imiepfuese o she bhale apfe ona, itobọ khi omi Aburaamu, ọmose ọna ọ li khi.

¹⁰ Irari khi eri Omi Ọgbọ ọ bhale ya nono ẹgbọ ni e waa, ali ni ọ gbo rọ ya mie wẹ pfuese.”*

*Okhe irọkhokho igue-ri emini a rọ ne
kia*
(iMat 25.14-30)

¹¹ Abi e kie li suo ingmemhi ena, iJesu ọ zẹ okhe irọkhokho khasẹ wẹ irari khi ọ she ti i mama iJerusalemu. Eni ẹgbọ e dabi khi utoghuokpe Eghiele oyi Eshinegba o rọ ya bhale.

¹² Ọọ wẹ, “Ọmose ọkhemhue ọghuo ọ ye ushishi odonue ni a rọ ya ri oghie na li, ikpukhokho, ọ gbo jele.

¹³ Ighọ ọ luno eni ẹ ga li ogbe, ọ kemhi ikpagho eyi igolu na wẹ. Ọọ wẹ, ‘A ri ikpagho ena du oki ramhi ni mhi rọ ya jele.’

¹⁴ “Eri tse khi eri apfoli e biselemhi ọli, e ghie usomhi ghi eni e ya gbanọ ọli ukhomhi khi wewe ẹa nono ni ọni ọmose ọna, ni ọ khi oghie ọyi wewe.

¹⁵ “A kie ri oghie na li, ọ jele. Ighọ ọ luno eni ẹ ga li egho ni ọ ri ikpagho na, ni lọli mhila wẹ abi e ri eni ikpagho kia.

¹⁶ “Ọni odode ọ bhale, ọọ li, ‘Ọga, ukpagho igolu oye o she bia igbe elese.’

¹⁷ “Ọni ọga ọọ li, ‘Mu akanya, ọni ọ ga onete oyemhe. Itobọ khi u khi ọni a ri egbe ẹ nga shi ukukuọ ni a rọ shi ẹ obọ, mọ ẹoli igbe ke mhesẹ shi.’

¹⁸ “Ọnuzava ọ bhale, ọọ li, ‘Ọga ukpagho igolu oye o she bia ishe elese.’

¹⁹ “Ọni ọga ọọ li, ‘Yeye mọ ẹoli ishe ri ẹoli ke khu.’

²⁰ “Ọnuzase ọ bhale, ọọ, ‘Ọga ghe ukpagho igolu oye. Eri mhi genọ li shi ode ya shi ne.

²¹ Eri ulishi oye o mu mhe itobọ khi ọgbọ ni ọ ze alo u khi. Ashini u waa rọshi u te ẹ rue, ashini u wa rọ kọ shi u te a khiẹse.’

²² “Ọni ọga ọyọli ọọ li, ‘Mhi ya rọte emini yeyeghuo u ngme se unu ingme ikhi yeye ọni ọ ga ọgbọ obe ọna. Abi u rọ lese khi ọmose ni ọ ze alo mhi khi, khi ashini mhia rọ shi mhi te a rue, mhi gbo rọte ashini mhia rọkọ shi a khiẹse.

²³ Elo o zẹ ni u waa rọ ri ukpagho oyemhe ya shi owa ukpagho na mhe ni e la aghọ ke gbe nga ọ, ni mhi mẹ ọli ali eleli eyọli mie ini mhi nyene egbe jele?’

²⁴ “Ighọ ọ gueye eni e migha, ‘A mie ọli oni ukpagho igolu ona na ọni ọ mhue eleli asha igbe.’

²⁵ “Eni ẹgbọ ẹ ọli, ‘Ọga, ọ she kpe mhue igbe.’

* **19:10** Li zẹ iMat 18.11 † **19:26** Li zẹ iMat 13.12; iMak 4.25; iLuk 8.18

26 “Oni oga oḡo wẹ, ‘Abi o li mhi li gue ọli ẹ yẹ ẹ khi, oḡbo ni o da kpe mhue ne, a ya ro ma li o. Ama oni oga kpe mhue a ya gbo mie ọli oni o kpe mhue.’†

27 Ama ebe mhe egho ni ea nono ni mhi le eghiele shi wẹ ukhomhi, a wolo wẹ lase ana, a gbolo wẹ-a ukpelo mhe.’”

Ijesu o lo iJerusalemu le

(iMat 21.1-11; iMak 11.1-11; iJon 12.12-19)

28 Abi ijesu o ro ngme ona se, o ya ralo na wẹ. E nga iJerusalemu.

29 Abi o ro ti mama ẹoli iBetifagi ali iBetani obini ukhomhi ute ni o khi ẹera olivu, o ghie eniye odukhokho eyoli aava ralo, oḡo wẹ,

30 “A je ẹoli ni o la ẹ odalo. Ini a ramhi agho, a ya me omi akphere ni oḡbo oga nga ghue khi a mu ọli zu. A taghie ọli-a, a mu ọli ghi mhe ana.

31 Ini oḡbokhoghuo o mhila ẹ, khi oḡo, ‘Elo o ze ni a ro taghie ọlia?’ A lie ọli, ‘Onomhue o mhue emini o ri ọli ya li.’”

32 Eni o ghie, e bhale ya ẹ oni akphere tee abi ijesu o li gueye wẹ.

33 Abi e li taghie ọlia, eni e mhili ọli e mhila wẹ, “Elo o ze ni a ro taghie oni akphere a?”

34 Ẹ wẹ, “Onomhue o mhue emini o roli ya li.”

35 E mu ọli ghi ijesu. E ri ide ku ọli egbe, e mu ijesu nga o.

36 Abi o li le, eḡbo e naghie ide ku ode.

37 Abi o ro ti i mama ashini ute Olivu o te pfi ukhomhi kpoke, eni eniye odukhokho nya ee kuẹghie Ẹshinegba leghe shi ikanya onyaloa ni e me.

38 Ee lie,

“Ikhivose o khi oyi oghie ni o ri eva oyi Onomhue bhale.”

“Opfomhe o la iloghie, ufumhi o la obini o yagha ne nya.”‡

39 Igho iFarisi eghuo ni e la ifuabo eni eḡbo ẹẹ ijesu, “Osese, gueye eniye odukhokho eye e khukhu unu.”

40 Oḡo wẹ, “A ri esọ shi eke, ini e khukhu unu, eche e ya ke tseḡe leghe.”

Ijesu o vie na iJerusalemu

41 Abi o ro ti i mama iJerusalemu ni o ro me oni ẹoli, o vie na li.

42 Oḡo, “Abi a khe khi u lese emini o ya ri opfomhe ghi ẹ amo ena lo! Eri tse khi a she ri ọli sheli na ẹ mena.”

43 Oḡbeḡe oḡo bhale ni ebe ẹ e ro ya gbe oḡba gasẹ ẹ, e khi ẹ shi iteva, e rote ashakpa gasẹ ẹ shi.

44 E ya kholi ẹ pfuse-a. Ẹa ya kesẹ omọ wẹkhi odiọ le, e shashe ẹ apfe-a. Ẹa ya kesẹ ukpolo nga ukpolo, itobo khi aa lese eḡheḡhe ni Ẹshinegba o ro bhale ya tsumhi ẹ.

Ijesu o je Owa Oyi Ẹshinegba

(iMat 21.12-17; iMak 11.15-19; iJon 2.13-22)

45 Igho o lo Owa Oyi Ẹshinegba, o khu eḡbo ni e la agho ẹ du oki fiẹ.

46 Oḡo wẹ, “A she keke ọli shi Ebe-nopfuase khi, ‘Owa oyemhe owa iromhi lo.’ Ama, a she ri ọli mele eḡbha ighiatọ a!”§

47 Oḡbeḡekpa ijesu o la Owa oyi Ẹshinegba sese, ama eni ighie eyi ekpodalo-ugamhi ali esese Ishi eyi iMosisi ali eni e ralo na eni eḡbo, ee nono ni wewe e gbe ọli-a.*

48 Ama ea me ode ni e te ya riẹle ọli, itobo khi eni eḡbo e ri esọ shi osese oyoli, ea nono ni ungmehi oyoli okhoghuo o de wẹ esọ-a.

20

A mhila ijesu oni o ri afu na li

(iMat 21.23-27; iMak 11.27-33)

1 Eḡghuo khi ijesu o la Owa Oyi Ẹshinegba tse abo usomhi onete oyi Ẹshinegba, ighie eyi ekpodalo-ugamhi ali esese Ishi eyi iMosisi, ali eni eḡbali e bhale deba li.

‡ 19:38 Li ze iwolo 118.26 § 19:46 Li ze Aza 56.7; ijere 7.11 * 19:47 Li ze iLuk 21.37

² E ọli, “Gueye anye afu oyi oni u ro o gbe ikanya enana. Oghuo o ri eni afu ena ne?”

³ Ijesu oo we, “Mhi ya li mhila e ogbo, a so mhe o!”

⁴ Ibatizi ni iJoni oo batazi egbo, obo oyi Eshinẹgba o te bhale abi obọ oyi ogbo?”

⁵ E lu egbe we ochi, e ke, “Awa khe, ‘Obọ oyi Eshinẹgba o te bhale.’ O ya mhila awa, ‘Elọ o ze khi aa mie ọli suo?’

⁶ Ini awa ke, ‘Obọ oyi egbo.’ Egbo nya e ya tono awa echẹ irari khi ogbokpa o lese khi omekẹguele iJoni o khi.”

⁷ Igho ee iJesu, “Anye aa lese obini o te bhale.”

⁸ Ijesu oo we, “Mhia li ya gueye e afu ni mhi ro a gbe ikanya enana.”

Okhe irokhokho oyi eghiale ena okholo

(iMat 21.33-46; iMak 12.1-12)

⁹ Ijesu o ze okhe irokhokho ona khase eni egbo, oo we, “Omose oghuo o gua ipfonu shi ogba, o roli ye ong-momhi na eghiale. O vu ọli ni o la tese.*

¹⁰ Egheghe ikhiese o ramhi, o ghie oni oo ga li ghi we e rote oni ogba pfanọ idumhi ghi lue. Ama eni eghiale e gbe oni a ghie ogho. O pfino abo efue je.

¹¹ Oni omose o gbo ghie oni oo ga li onuzava ghi we. E gbe ọli, e yeghe ọlia. O gbo pfino abo efue ya je.

¹² Oni omose o gbo ghie onuzase. E kuale ọli utse, e khu ọli ya fie.

¹³ “Oni o mhue oni ogba ipfonu ogho, oo, ‘Se mhi fe ya li egho? Mhi ya ghie omimhe ni mhi nono ingme oyoli egbegbo, otse, e ya mu ekpe na li.’

¹⁴ “Ama abi eni eghiale e ro me ọli, ee, ‘Egbegbi omi ọli na ni o ya le ugu ogba ona, awa gbe ọli-a ni awa rue oni ugu le.’

¹⁵ Igho e ti ọli je olase oni ogba ipfonu, e gbe ọlia.

“Se oni o mhue oni ogba ipfonu egho o fe ya li we?”

¹⁶ Eri o ya bhale ya gbolo eni eghiale egho-a, o tigbe rue oni ogba na eghiale elese.” Abi eni egbo e ro suo oni ingme, e, “Eshinẹgba o gbe etse kua!”

¹⁷ Ijesu o bino we alo ukhomhi, oo we, “Se emini a kekẹ ona o fe ngme, ni oo,†

“Eche ni itsona e kie pfia,
o tigbe ya mele eche ebe
ni o mu eloe ne nya-a?”

¹⁸ “Oni o da ya de nga oni eche ne, o guoghọ-a, ali oni oni eche o da ya de mu ne, o mhe ọlia.”

Ingme oga izeze

(iMat 22.15-22; iMak 12.13-17)

¹⁹ Eni e sese Ishi eyi iMosisi ali ighie eyi ekpodalo-ugamhi e nono ode ni e te ya mu ọli aghoagho, irari khi wewe o ze oni okhe irokhokho tsue. Ama ulishi oyi egbo oo mu we.

²⁰ Igho e li ri eloe shi ọli egbe egbegbo. E ze egbo ni e riye abi egbo ni ee mie shi iJesu o deba li, e ke de ọli awe, ini e me ushi mu shi ọli obọ, ni e mu ọli ghi ena omhese eyi igovunọ.

²¹ Igho eni a ze egho ee mhila li ogbo, “Osese, anye ga lese khi abi ungmemhi oyi Eshinẹgba o li u lie ngme ọli, u gbolo a sese emini e te ode, waa ya gbe ogbokhoghuo azeba, ama eri wa sese egbegbi ingme oyi Eshinẹgba.

²² O fe ti ni anye ze oga na oghie iSiza abi anye khi ze?”

²³ Ijesu o she lese oshili eyewe.

²⁴ Oo we, “A ri ukpagho elomho khase mhe. Alo eyi oghuo a fe mu shi o?”

²⁵ E ọli, “ISiza.”

Ijesu oo we, “A ri emini e khi eyi iSiza na iSiza, a ri emini e khi eyi Eshinẹgba na Eshinẹgba.”

²⁶ Ea dobe rote emini o ngme igbaa me emhikhoghuo mu shi ọli obọ. Abo e sha we shi abi o li gbaghie oni ogbo-a, e khukhu unu.

* 20:9 Li ze Aza 5.1 † 20:17 Li ze Iwolo 118.22

Egbọ iSadusi e mhila li ogbọ irọte-eghuli guale

(iMat 22.23-33; iMak 12.18-27)

²⁷ Egbọ iSadusi eghuo ni ẹa lama shi ọ khi a ya mẹ irọte eghuli guale, e ri omhila bhale deba iJesu.‡

²⁸ Ẹ ọli, “Oṣeṣe, iMosisi ọ keke shi eke na awa khi ini omose ọ ghu-a pfi ughue ọli shi eke agbọ ni ọa rọ bia eniye, inyoghuo oni omose ọ rue oni ọkpotso ughue ni ọ bia eniye shi agbọ na inyoghuo ọli ni ọ ghu-a egho. §

²⁹ Inyoghuo egbe etuoshilua e ya la ọ. Oni odode ọ rue ọkpotso, ọ ghua, ọa bia omọ.

³⁰ Onuzava ọ rue oni ọkpotso.

³¹ Igho onuzase ọ gbo rue ọli. Igho wewe nya e rue ọli, e ghulo-a, ẹa bia omọ.

³² Ikpukhokho ọ, oni ọkpotso ọ li ghua.

³³ Mena, ogbele ni egbo e ya te eghuli guale, ughue oghuo oni ọkpotso ọ ya khi, aborokhia khi wewe oshilua e ga rue ọli ughue egho?”

³⁴ IJesu ọọ we, “Egbọ ena agbọ ona ẹ rue ikpotso, wewe e gbo ri ikpotso a ye ughue.

³⁵ Ama egbo ni a leli shi eni e mhue okemhi shi agbọ ogho ali irọte eghuli guale, ẹa ya rue ikpotso, wekhi eri a rewe ya ye ughue.

³⁶ Ẹa ke ke ghua, irari khi eri e ke ya li abi igeni eyi Eshinegba. Imi Eshinegba e ke ya khi, irari khi e she rọte eghuli guale.

³⁷ Ashini a keke ingme oyi ebuli ni oo to shi, iMosisi ọ te rokhasẹ ẹ gboo khi eni e ghua, ẹ guale, irari khi ọ lu Onomhue, ‘Eshinegba oyi Aburaamu ali Eshinegba oyi Aziki ali Eshinegba oyi iGiekopu.’*

³⁸ Eshinegba oyi egbo ni e la agbọ ọ khi. Ọa khi Eshinegba oyi egbo ni e ghua.”

³⁹ Eṣeṣe Ishi eyi iMosisi eghuo ni e la agho ẹẹ ọli, “Oṣeṣe, u ga guẹ ngme!”

⁴⁰ Ogbokhoghuo ọa ke gbo gbudu mhila li ogbọ olese.

Omi oghuo oni Omiepfuese ọ khi
(iMat 22.41-46; iMak 12.35-37)

⁴¹ Igho iJesu ọ mhila we, “Se ẹẹ a lie lie khi oni Omiepfuese khi omi iDefidi ọ khi?”

⁴² Irari khi oni iDefidi ọ ngme ọli shi ebe Iwolo, ni ọ re,

“‘Onomhue ọọ Onomhue oyemhe:
Shito mhe ukiekie obita

⁴³ ramhi ni mhi rọ ya
ri ebe ẹ shi ẹ ẹkoawe
ni u kpha awe ukhomhi.’†

⁴⁴ Ini iDefidi ọ lu ọli, ‘Onomhue.’ Se ọ ke gbo lie khi omi iDefidi?”

Ijesu ọọ e mhue egbhe shi esese Ishi eyi iMosisi egbe

(iMat 23.1-36; iMak 12.38-40)

⁴⁵ Abi eni egbo e kie ku esọ-a shi eke egho, iJesu ọọ eniye odukhokho eyoli,

⁴⁶ “A mhue egbhe shi esese Ishi eyi iMosisi egbe. O ma ghole we ni e ke so itsua na dolodolo ke kia gase, ni egbo e ba ke tse we otse ekpe atu oki. Eẹ shito ashini o mhue ekpe elemhi owa ugamhi, e gbolo ẹ shito ashini o yagha ni o fune ukue. ⁴⁷ Eẹ lo apfe oyi esamhi-olimhi ya ri itoto miono we emini e mhue. Eẹ so iromhi ni e nue eyi abamemhe. A ya na egbo eghoghọ osue egbegbo.”

21

Isomhopfa oyi osamhi-olimhi
(iMak 12.41-44)

¹ IJesu ọ bino gase, ọ me khi egbo ni e mhue epfue e pfi ukpaghọ lo akpati ni a pfi ukpaghọ a lo elemhi Owa oyi Eshinegba.

² Igho osamhi-olimhi ni ọa mhue emhi ọ li pfi ikpamhi inini eva lo oni akpati.

³ IJesu ọọ eniye odukhokho eyoli, “Mhi gueye ẹ khi osamhi-olimhi ọna ọ ga rona dose egbo eni e kpole nya.

⁴ Eri egbo eni e kpole ena e rọte epfue eyewe rona, ama osamhi-olimhi ọna ọ rọte umhame ri ukuku ọ ni ọ mhue rona.”

‡ 20:27 Li ze Ika 23.8 § 20:28 Li ze iDeut 25.5 * 20:37 Li ze Okiali 3.6 † 20:43 Li ze Iwolo 110.1

Ijesu o guele emini a ya me ikpukhokho agbo

(iMat 24.1-2; iMak 13.1-2)

⁵ Eniye odukhokho eyoli eghuo e ngme abi a li ri eche ni e somhi otse li atsona shi ugbe oyi oni Owa Oyi Eshinegba, li shi itsua isomhopfa ni a ro ma o na Eshinegba. Ama ijesu o wẹ,

⁶ “Emini a bino ena ii, eghẹghẹ o bhale ni o khia khi echele okhoghuo o ke ya nga olese egbe, irari khi a ya bighi wẹ kua.”

Ozughu ali Ajilimhe

(iMat 24.3-14; iMak 13.3-13)

⁷ E mhila li, e e o li, “Osese, eghẹghẹ onoghuo a ro ya me ona. Elo a ya me ni o ro ya khasẹ khi oni eghẹghẹ o she ramhi?”

⁸ Ijesu o wẹ, “A mhuẹ egbẹ ini o gbọ o khi di e. Ebubu egbọ e ya ri eva oyemhe bhale, e e liẹ, ‘Mhemhe mhi khi Omiepfuese,’ ali khi, ‘Oni eghẹghẹ o she ti bhale.’ A khi deba wẹ.

⁹ Ini a suọ eko okhue ali ozughu, a khi ze ni egbe e guoghọ e a, irari khi emhi enana e mema bhale ya tse, eritse khi ukpese agbo o ke ramhi ne oni eghẹghẹ.”

¹⁰ Oo wẹ, “Ishishi e ya mu okhue vule shi ishishi o, eghiele e mu okhue vule shi eghiele o.

¹¹ Eke e ya ke de kulue. Okiamhi ali ighuamhi ebe e ya la asha ododa. A ya me ebemulishi ali ukpokpomhi irokhasẹ khi e te idane bhale.

¹² “Eri-tse khi neni a ya me ena, a ya muno e a nase e, a muno e je owa ugamhi ali owa ighumha. A mu e ghie enighie ali igovuno irari oyemhe.

¹³ Ona o ya khi eghẹghẹ ni a ro ya me asha pfi otselẹ na mhe.

¹⁴ A mholi o li shi udu memena, a khi ze ni udu o nighise e shi emini a ya me so wẹ o.

¹⁵ Mhi ya ri ungmehi shi e unu ali egbhali ni o khia khi ebe e e ya ya dobe nu e khe akọ.*

¹⁶ Ita e, ali inyoghuo e, ali egbọ eye e, ali emole e, e ya ri egbhue re e de, e gbolo eghuo elemhi e-a.

¹⁷ Egbokpa e ya ri itobo oyemhe kie e.

¹⁸ Ama, etsui okhoghuo oyi onge e o ya pfua.

¹⁹ Ini a migha egbegbo, a ya tsumhi e.

Ijesu o guele shi eke khi a ya guoghọ iJerusalemu a

(iMat 24.15-21; iMak 13.14-19)

²⁰ “Ini a me khi ekholi-okhue e pfi gasẹ iJerusalemu, a lese khi ipfueche-a oyoli o shi ti ramhi.

²¹ Eghẹghẹ agho, egbọ ni e la eke iJudia, e na nga ikhomhi ite. Egbọ ni e la ifu apfe, e na ifu apfe o vu. Eni e la oboese e khi ke gbo nyene egbe bhale ifu apfe.

²² Irari khi eghẹghẹ isọ-ezo ni a she kpe keke shi eke na ni o bhale ya tse.†

²³ Eghẹghẹ agho o ma kholo ikpotso ni e me umemhi egbe, ali eni e ri eniye shi egbe. Osue onofune o ya la oni eke. Ofu oyi Eshinegba o ya de rughu eni egbọ.

²⁴ Eghuo o e ya ghu eghuli oghoro, a muno eghuo ighumha je ishishi ododa. Egbọ ijeta e ya guoghọ iJerusalemu-a ya ramhi, ni eghẹghẹ oyi egbọ ijeta e ro ya dose.

Ibhale oyi Omi Ogbọ

(iMat 24.29-31; iMak 13.24-27)

²⁵ “A ya ke me irokhasẹ elemhi ovo ali uki ali ikpetata. Ishishi e ya le oya eke agbo, abo e sha wẹ abi oke oniemhi o li ya ke vuna.‡

²⁶ Ubi o ya rue egbọ, irari ulishi e sa usamhi emini o a bhale eke agbo itobo khi ekpabo ni e la ukhui e ya ke nighise.

²⁷ Eghẹghẹ agho, e ya me khi Omi Ogbọ o la elemhi otughunu tsua ekpabo ali ufumhi oniemhi, rote idane e tiemhile.§

²⁸ Ini a da me na ne, a vule a yase ukhomhi eke irari khi eghẹghẹ ipfasheke oye e o she ti bhale.”

* 21:15 Li ze iLuk 12.11-12 † 21:22 Li ze Osia 9.7 ‡ 21:25 Li ze Aza 13.10; Ezik 32.7; iJofe 2.31; Iro 6.12-13 § 21:27 Li ze iDan 7.13; Iro 1.7

*Owena ni a rote okhua-eni rue
(iMat 24.32-35; iMak 13.28-31)*

²⁹ Ijesu o ze okhe irokhokho ona khasẹ we, oọ we, “A ke bino ọara okhua ali eera nya.

³⁰ Ini e da ta ebe enegbo ne, a lese khi oruame o shi ti e bhale.

³¹ Igho o li khi ini a da me emhi enana ne, a lese khi Eghiele oyi Eshinegba o she ti ramhi.

A mu egbe shi eke

³² “Abi o li mhi li gue ọli e ye e khi, agbhotu ona ọa ya dose ne neni a me eni emhi ena nya.

³³ Eke ali ukhuli e kha bhale ya dose, ingmemhi eyemhe e mema bhale ya tse.

³⁴ “A kuegbe-a ini ukue iditse, ali onyo idada ali usamhi agbo e khi ya rue e egbhali, ini ogbele ibhale oyemhe o khi ya de shi egheghe ni a sa shi.

³⁵ Irari khi oni ibhale ona ogbokpa ni o la agbo o ya bhale na.

³⁶ A ke mu egbe egheghe kpa, a lema ni a toto migha, ni a pfue okhena ni oọ bhale, ali ni a ro dobe migha odalo oyi Omi Ogbọ.”

³⁷ Ogbokpa ijesu o ro la Owa oyi Eshinegba ii sese. Ini obili oọ bi, o fie nga Ute Eera Olivu.*

³⁸ Eluzogbe kpa, eni egbo nya e bhale Owa Oyi Eshinegba ya ri eso shi ọli eke ni e suo ungemhi oyoli.

22

*Ijudasi o lama khi loli ya ri ijesu de
(iMat 26.1-5,14-16; iMak 14.1-2,10-11; iJon 11.45-53)*

¹ Ukpe ni a la le ibuledi ni ogbo ri ifuma ma nye na lu iPasova o ti bhale.*

² Ighie eyi ekpodalo-ugamhi eyi Eshinegba ali eni e sese Ishi eyi iMosisi, e nono abi e li ya gbe ijesu a, ama ulishi oyi egbo o mu we.

³ Igho Okphaghiẹ o lo ijudasi ni a gbolo a lu Isikaroti udu, ni o khi oghuo eniye odukhokho ogbava eyi ijesu.

⁴ Oni ijudasi o fie deba ighie eyi ekpodalo-ugamhi ali eni e khe ekhe

Owa Oyi Eshinegba. O nu we ye ochi abi o li ya ri ijesu na we de.

⁵ Egbe e mu we, e lama khi we we e ya fali ọli ikpagho.

⁶ O lama shi we o, o nono abi loli ri ya me asha ri ọli na we mu ini ebubu egbo ẹa la akagho.

Eminale ni o kpukhokho

(iMat 26.17-25; iMak 14.12-21; iJon 13.21-30)

⁷ Ukpe ni a la le ibuledi ni aa ri ifuma shi nye, ni a ro omi osumha e luase obo, o ramhi.

⁸ Igho ijesu o ghie iPita ali iJon ralo, oọ we, “A ka mu egbe eminale iPasova oyi awa.”

⁹ E mhila li, “Obo wa nono ni anye je ya mu egbe?”

¹⁰ Ijesu oọ we, “Abi a lie ke lo iJerusalemu le te, a ya me omose oghuo ni o tsua ubene amẹ. A deba li je owa ni oọ je.

¹¹ Ini a ramhi agho, a lie oni o mholi oni owa ogho, ‘Osese ọọ, ighe elemhi owa oye ni epfese e ku e shi, ni mhemhe ali eniye odukhokho eyemhe anye la ya le eminale iPasova?’

¹² O ya ri ukpokpomhi agbala khasẹ e ukhomhi owa atonga ni a lolo rieles somhi otse. A mu egbe oni eminale shi agho.”

*Eminale ni o kpe ukhokho ni ijesu o
nu eniye odukhokho eyoli le*

¹³ Igho e bhale ya e khi abi ijesu o li ngme ọli te o khi. Igho e mu egbe oni eminale iPasova shi agho.

Abi e ro le eminale oyi Onomhuẹ

(iMat 26.26-30; iMak 14.22-26; 1 iKori 11.23-25)

¹⁴ Oni egheghe o ramhi, ijesu ali ighiusomhi na ke eyoli e shito shi gase ni e ro ya le eminale.

¹⁵ Oọ we, “O kie kpe ghole mhe egbegbo ni mhi nu e le eminale iPasova ona neni mhi ya me osoli.

¹⁶ Mhi gueye e khi, mhi aa ke gbo ya le eminale ona, se ni awa ke le

* 21:37 Li ze iLuk 19.47 * 22:1 Li ze Okiali 12.1-27

oni o khi egbegbo obini Eghiele oyi Eshinegba.”

17 O rue oni uko, o kphemhi. Oo we, “A mo uko ona, a kemhi oli da.

18 Mhi gue oli e ye e khi, mhia ke gbo ya da onyo ora upfonu ona, se ni Eghiele oyi Eshinegba o bhale.”

19 Igho o rue ibuledi mhuē obo, o kphemhi, o khi oli a, o ro na we, oo, “Idiegbe oyemhe na ni mhi ro na e. A lina ke riele oli ro sato mhe egbe.”

20 Igho o gbo rue uko abi o ro le emhi se, oo, “Uko ona o khi ishobo onogbo ni o rote oia eyemhe bhale, ni a ku shi eke na e.†

21 A ghe i, obo oyi oni o ya remhe de o nu mhe shito e le emhi memena.‡

22 Abi e khi omi ogbo o li ya kia, igbo a li ya me oli, ama epfua o khi ni ogbo ni o ya roli de.”

23 Ee mhila egbewe oni o khi ni o ya gbe ikanya enana.

24 Igho ekhako o gbo li lasese shi iteva oyewe shi oni o fune nya shi elemhi we.§

25 Ijesu oo we, “Eri ighie eyi egbo ijeta ee jili we. E kha jili we se, e lie we khi eri wewe e kpaghie we obo.*

26 Ama a khi li abi wewe, ochogho, oni o nono ni loli fune elemhi e, o ri egboli tiemhie eke nya, oni o ralo o ke ga enekpole.†

27 Oghuo o fu ne, oni o shito ukhomhi itebu e le emhi, abi oni oo kphanon eminale ghi eni e shito o le? Oa khi oni o shito le? Ama eri mhemhe mhi le e iteva abi oni o ga e.‡

28 Ee a nu mhe migha abi mhi ro la imufe.

29 Mhi ri eghiele na e, abi itamhe o li ri eghiele na mhe.

30 Ni a ro bhale ya e khi a nu mhe le, a nu mhe da obini iloghie oyemhe. A ya shito ukpekhomhi oghie, a gue unuekpe igbeva eyi iZireni ezoo.§

Ijesu o guele shi eke khi iPita o ya kie lue

(iMat 26.31-35; iMak 14.27-31; iJon 13.36-38)

31 “ISamo, iSamo, ghe i, Okphaghie o she mhila khi loli e nono ni loli kpishi e-a nya abi a lie kpishi ado.

32 Ama mhi she so iromhi ne, iSamo, ini irudunga oye o khi nighise. Ini u pfue o se, ri udu shi inyoghuo e enekpole o.”

33 Ama iPita oo li, “Onomhue, mhi ga mu egbe ni mhi ro deba e ya lo owa ighumha, ali ni mhi nu e ya ghua.”

34 Ijesu o oli, “Mhi gue e ye, khi, yeye iPita ona, neni okpa o ya gbieghe amo u ya kie mhe itese khi u waa lese mhe.”

Egheghe ingme o she ramhi

35 Ijesu o ro mhila we, “Abi mhi ro ghie e fie lase, ni aa ro tsua ekuē ukpago wekhi akpaba wekhi ekuē, emhikhoghuo o fe to e?”*

E oli, “Iiye.”

36 Oo we, ama memena, ogbo ni o mhuē ekuē ukpago o rue oli, oni o mhuē akpaba o tsua li, ini u waa kpe mhuē ogbhorō, ka ri awulu oye de, ni u ya de oghuo.

37 Mhi gueye e khi emini a keke shi mhe egbe ni o la Ebe-no-pfuase, ni oo, “A leli oli ma egbo ni e lue,” o mema bhale ya tse shi mhe egbe. Irari khi emini a keke shi mhe egbe o she ramhi ni e ro bhale ya dose.†

38 Eniye odukhokho eyoli e oli, “Bino, Onomhue, ogbhorō eva e la ana.” Oo we, “O somhi agho.”

Ijesu o la ute olivu so iromhi

(iMat 26.36-46; iMak 14.32-42)

39 Ijesu o fie lase, e je Ute Eera Olivu, abi o kpe li. Eniye odukhokho eyoli e deba li.

40 E ramhi agho, oo we, “A ke so iromhi ini a khi de pfilo imufe.”

41 O tikia na we denē, o wugha, o so iromhi, oo,

† 22:20 Li ze iJere 31.31-34 ‡ 22:21 Li ze Iwolo 41.9 § 22:24 Li ze iMat 18.1; iMak 9.34; iLuk 9.46

* 22:25 Li ze iMat 20.25-27; iMak 10.42-44 † 22:26 Li ze iMat 23.11; iMak 9.35 ‡ 22:27 Li ze iJon 13.12-15 § 22:30 Li ze iMat 19.28 * 22:35 Li ze iMat 10.9-10; iMak 6.8-9; iLuk 9.3; 10.4 † 22:37 Li ze Aza 53.12

42 “Ita, ini o ghọle ẹ, mie mhe uko osoli imeme onana, ama ọa khi abi o ghọle mhe, ama abi o li ghọle ẹ.”

43 Igho aḡeni o rọte idane bhale ya ri ekpabo na li.

44 Rọte otomhe, o so iromhi egbegbo ramhi ni opfo ni e rọte ọli egbe e ku shi eke, e kọ tikpo abi ọlia.

45 Abi o rọte iromhi isoso vule, o nyene egbe bhale deba eniye odukhokho eyoli. O me khi osoli ni e vie o ri ọlosemhe shi we egbe, e lese.

46 O mhila we. “Elo o ze khi a lese-a? A vule ni a ke so iromhi ini a khi de pfilo imufe.”

A mu iJesu

(iMat 26.47-56; iMak 14.43-50; iJon 18.3-11)

47 Abi o kie li ngme egho, egbo e ve lole gbii. Omose ni a lu iJudasi ni o li khi otuoghwo eniye odukhokho ogbava eyi iJesu o rewe kia. O le deba iJesu ni loli ya pfi ọli elemhi egbe.

48 IJesu o mhila li, oo li, “IJudasi, eri u ri otse ri Omi Ogbọ o de ena?”

49 Eni eniye odukhokho eyi iJesu e me emini a ya me ena, e mhila li, “Onomhue anye ri itakobi ni e la anye abo kholi?”

50 Igho oghwo o, o ri itakobi fia oni oo ga oni o kpeda nya oye ekpodalo-ugamhi eso a.

51 IJesu oo li, “Taa! Khi ke gbo li igho.” O ri oboto oni omose oni eso, oni eso o gbela.

52 IJesu o mhila ighie eyi ekpodalo-ugamhi, ali eni ee khekhe Owa Oyi Eshinegba, ali eni egbhali ni e bhale ya mu ọli, “Eri mhia pfi ozughu ni a ro tsua epia ali itakobi ali ikpokpo bhale ẹ deba mhe?”

53 Ele kpa mhi ro la Owa Oyi Eshinegba ẹ sese, ongee ọa ri oboto mhe, ama eghẹghẹ oye na ni ekpabo alo ebili e ro mhesẹ.”‡

IPita o tia khi loli ea lese iJesu

(iMat 26.57-58,69-75; iMak 14.53-54,66-72; iJon 18.12-18,25-27)

54 Igho e mu ọli vu ya je owa oyi Okpodalo-ugamhi oyi Eshinegba ni o kpeda nya. IPita o tapfia a deba we.

55 Abi e ke ro pfi erali shi iteva oyi oni atukpapfe ni e ro shito, iPita o li bhale ya nu we shito.

56 Abi okpotso oni oo ga oghwo o li me khi iPita o nu we shito, o bino ọli tsuke, oo li, “Omose ona o li nu iJesu kia.”

57 Ama iPita o tia. Oo li, “Kpotso, Mhia fe ga lese ọli.”

58 O denẹ, omose olese o ke gbo me iPita, o mhila li, “U li nu iJesu u kia.”

IPita o ke, “Mose mhia nu ọli kia.”

59 O ke te agho ri emhi abi agogo oghwo dose, omose olese o ge ma o gue, oo, “Mhi lese gboo khi omose ona o nu iJesu u kia, irari khi onge iGalili o li khi!”

60 Ama iPita o so li o, oo li, “Mose, mhi a lese emini u wa ngme ena.” Utoghwo kpe abi o kie li ngme, okpa o gbieghe

61 Onomhue o pfi alo bino iPita chii. IPita o tode sato ungmehi ni iJesu o ngme ni o khi, “Neni okpa o ya gbieghe, u ya tia itese, we khi u waa lese mhe.”

62 IPita o fi je olase, o ya vie oya.

Eni e khe ekhe e ri iJesu li egia

(iMat 26.67-68; iMak 14.65)

63 Eni emose ni e khe iJesu ekhe, e roli li egia, e gbe ọli.

64 E geno ọli alo, e mhila li, “Bobobo! Oghwo o ri emhi lie?”

65 Igho e ngme iwali ingmemhi emuebe ebubu deba li.

E mu iJesu bhale igbaa iSahediri

(iMat 26.59-66; iMak 14.55-64; iJon 18.19-24)

66 Ogbe o gbe-a, eni egbhali ali ighie eyi ekpodalo-ugamhi, ali esese Ishi eyi iMosisi e legba. E rue iJesu lasela migha iteva oyewe.

67 E lie ọli, “Ini yeye u khi oni omiagbopfuese, gueye anye.”

IJesu oo we, “Ini mhi tseku gueye ẹ, aa ya mie shi mhe o.”

‡ 22:53 Li ze iLuk 19.47; 21.37

⁶⁸ Ini mhi mhila ẹ, aa ya gbaghie a na mhe.

⁶⁹ Ama rote memena vu, omi ogbo o ya shito obita oyi Eshinegba obini iloghie.”

⁷⁰ Wewe nya e mhila li, “Omi Eshinegba u khi?”

Oo we, “A gue ngme ni ẹ khi Omi o mhi khi.”

⁷¹ E egbewe, “Awa ke gbolo ẹ nono otselẹ olese, awa-eghuo awa she ri eso eyawa suo abi o ri unu oyoli ngme.”

23

A rue iJesu bhale odalo oyi iPaleti (iMat 27.1,2,11-14; iMak 15.1-5; iJon 18.29-38)

¹ Igho eni igbaa nya e vule, e pfi olikhomhi ralo ghi iPaleti.

² Wewe nya e gue ezọ shi olik egbe, ẹ lie, “Anye she me omose ona khi o sese egbo ode egbholi. Ode egbo e khi ke ze oga na oghie iSiza, o gbolo a lie khi lolu khi Omiepfuese ni o gbo khi oghie.”

³ Igho iPaleti o mhila li, “Suo khi yeye u khi oghie oyi egbo iJu?” IJesu oo li, “Abi o li gho.”

⁴ Igho iPaleti o gueye ighie eyi ekpodalo-ugamhi ali eni igbaa, “Mhi a me ushi mu mhu omose ona obo.”

⁵ Wewe nya e lie, “Eri o ri osese oyoli pfi ozughu ẹ shi eke iJudia nya. Eke iGalili o te gba li eke le ni o ro ramhi ana ena.”

A rue iJesu bhale odalo oyi Erodu

⁶ Abi iPaleti o ro suo ona, o mhila we ini ongi iGalili o khi.

⁷ Abi o ke ro suo khi eke ni Erodu o mheshe shi iJesu o khi, o e rue olik ghi Erodu ni o li la iJerusalemu oni eghege.

⁸ Abi Erodu o ro me iJesu, egbe e mu olik, itobo khi o she tese ni o te nono ni lolu me olik, irari khi o she kpe suo eko olik, o gbolo nono ni o la ukpeloe lue gbe ikanya onyaloa eghuo.

⁹ O mhila iJesu ogbo ebubu ama iJesu oa pfa shi olik eke.

¹⁰ Eni Ighie eyi ekpodalo-ugamhi eyi Eshinegba ali esese Ishi eyi iMosisi e migha agho, e pfi oni o nga o shi o

¹¹ Igho Erodu ali ekholi-okhue eyoli e gia li e gbo roli li egia. E sono li itsua ni e somhi otse ni e ghale. E gbo rue olik nyene egbe ukhokho ghi iPaleti.

¹² Elegeho, iPaleti ali Erodu e ro somhi irari khi oke e kpe khi.

IPaleti o pfa ezọ mu iJesu a gbe olik-a (iMat 27.15-26; iMak 15.6-15; iJon 18.39--19.16)

¹³ IPaleti o luno ighie eyi ekpodalo-ugamhi ali eni ẹ mheshe ali eni egbo nya,

¹⁴ Oo we, “A rue omose ona ghi mhe, a lie khi o pfi ozughu shi egbo iteva. Ama ukpeloe ẹ mhi la mhila li ogbo lena, mhi aa me emhi khoghuo ni a ro gue ezọ shi olik egbe.

¹⁵ Wekhi eri Erodu o pfa ezọ mu olik, irari khi o nyene olik egbe ukhokho ghi awa. A ga me olik gboo khi oni omose ona oa li ingme okhoghuo nabi a ro ya lie a gbe olik-a.

¹⁶ Irari gho mhi ya nase olik, mhi rue olik obo-a.”

¹⁷ [Ini a li ukpe iPasova, iPaleti, ode mema rue ogbo oghuo ighumha lasele na we.]

¹⁸ Wewe nya e ku unu a nyogho, “A rue olik vu ya gbe-a! A ri ochogho rue iBarabasi obo-a na anye!”

¹⁹ Eri a kie kpe mu iBarabasi shi owa ighumha irari onyaghu ni o pfi shi oni eoli ali khi o gbo gbe ugbeli.

²⁰ IPaleti o nono ni lue rue iJesu obo-a, o gbo lema we.

²¹ E kiele tseshe nyoghoo, “A ta li ma oora apfida gbe-a! A ta li ma oora apfida gbe-a!”

²² Utonuzese, o gbo nu we ngme, oo, “Elo o ze, Inglobe onoghoo o riele? Irari khi mhia me emini o ze ni a ro ya gbe olik-a. Itobo igho, mhi lese ya nase olik, mhi rue olik obo-a.”

²³ E kiele tseshe nyoghoo, a ta iJesu ma oora apfida gbe-a. Atseshe oyewe o roli tse na we.

²⁴ Igho iPaleti o lama shi we o.

²⁵ O rue iBarabasi ni a mu shi owa khi o pfi ozughu shi oni eke, ni o gbo gbe ugbe, obo-a na we. Igho o ri iJesu na we, e ka li olik abi o ghole we.

A ta iJesu ma apfida
(iMat 27.32-44; iMak 15.21-32; iJon 19.17-27)

²⁶ Abi e li rue ọli lẹẹ, e mẹ ọmọse ọghuo ni a lu iSamọ ọngi iZireni ni ọ rọte ẹoli odonuẹ lo oni ẹoli le. E ri itoto mu ọli, sheli ọli oni ọọra apfida ogho, ọ tsua li nga ike deba iJesu.

²⁷ Ebubu ẹgbọ e deba iJesu, shi ikpotso ni e viẹ e viẹ oya na li.

²⁸ IJesu ọ nyenẹ alo ghue wẹ, ọọ wẹ, “Ikpotso iJerusalemu, a khi ke viẹ na mhe. A ke viẹ na egbe ẹ ali imi ẹ,

²⁹ Irari khi oni ẹghẹghẹ ọọ bhale ni a ro ya ke liẹ, ‘Ikhivose o khi na ikpotso ni ẹa bia eniye, ni ẹa mẹ umemhi ghue, wẹkhi e ri e mu ẹnyesi shi ọmọ unu ghue.’

³⁰ E ya liẹ ute, ‘De mu anye,’ ẹẹ ite enikeke, ‘A de khukhu anye a.’*

³¹ Irari ini ẹgbọ ẹẹ li na ini egua o vo ebuli-a zughu, se e ke ẹ li ini o khakha?”

³² A li muno ighiatọ aava ni a li ya gbe-a toma li egbe.

³³ Abi e ro ramhi ashini a lu, “Ugua ukhomhi olimhi,” agho e gbe ọli ali ighiatọ egho a shi. E ta ọghuo ma ọọra shi ọli ukiẹkiẹ obita, e ta ọnọkpọle shi ukiẹkiẹ obo ọgobo.

³⁴ IJesu ọli, “Ita, gbekua na wẹ irari khi ẹa lẹse emini ẹẹ li.”†

E ri amukpagho pfi onolo ro kemhi itsua eyoli.

³⁵ Eni ẹgbọ e migha bino, enighie e doli okonyo. E liẹ, “Oo tsumhi ẹgbọese, ọ tsumhi egboli ini loli ọ khi Omiepfuese oyi Eshinegba ni a ze.”‡

³⁶ Eni ekholi-okhue e li bhale ya roli li egia. E ri onyo ni ọ yala nali ọ mo da.§

³⁷ E ọli, “Ini o khia khi yeye u khi oghie oyi ẹgbọ iJu, tsumhi egbe ẹ sho.”

³⁸ E keke emhi tama kpeda na li ni o ngme khi, “Ona ọ khi Oghie oyi Egbọ iJu.”

³⁹ Oghiatọ ọghuo ni a li tama ọara, ọ tsue iJesu. O liẹ ọli, “Óá khi yeye wẹ

khi Omiepfuese u khi? Tsumhi egbe ẹ, ni u li tsumhi anye.”

⁴⁰ Ama oghiatọ ọnọkpọle, ọ dese ọli, ọọ li, “Ulishi Eshinegba ọa ya muẹ, aborokhia khi eri ushi oghuo o ga mu awa?”

⁴¹ Akanya ni awa gbe awa mie ifata to e na. Ama ọmọse ọna, ọa li emhikhoghuo ni ọ mẹ osue a shi.”

⁴² Igho ọọ iJesu, “Sato mhe egbe ini u bhale ukpẹkhomhi eghiele oye.”

⁴³ IJesu ọọ li, “Mhi gueye khi, ogbenamo ena, u ya nu mhe la Apfe oyi Eshinegba na iloghie.”

Eghuli oyi iJesu
(iMat 27.45-56; iMak 15.33-41; iJon 19.28-30)

⁴⁴ Agogo igbeva ẹle ọguota o lẹse nu, obili o te bi oni eke nya ya ramhi agogo ese ẹle ogbomhi.

⁴⁵ Irari khi ovo ọa ke to, ode ugbakpi ni a ro pfa ode a shi elemhi Owa Oyi Eshinegba o te iteva kiese-a eva ya to eke.*

⁴⁶ IJesu ọ lu leghe, ọọ, “Ita, mhi ri ayemhe oyemhe mholi ẹ obo.” Abi ọ ro na ngme se, ọ ghua.

⁴⁷ Abi ọga okholi-okhue ni ọ la agho ọ ro mẹ emini a mẹ, ọ kueghie Eshinegba, ọọ li, “Egbegbo lo khi ọmose ọna oni ọ pfuase ọ khi!”†

⁴⁸ Abi ẹgbọ ni e le gba agho ni wewe e ri ukpelo e mẹ emini a mẹ, e ro mẹ emini a mẹ, ee viẹ osue, e je.

⁴⁹ Ama ẹgbọ nya ni e lẹse ọli ali ikpotso ni e rọte iGalili deba li, e migha tapfia bino emini a ga mẹ nya.‡

Irotọ oyi iJesu
(iMat 27.57-61; iMak 15.42-47; iJon 19.38-42)

⁵⁰ Ọmose ọghuo ọ la ọ na lu iJosefu. O khi ọghuo emose ni ẹẹ mhese. O khi ọmose onete ni ọ pfuase.

⁵¹ Oa lama shi ọ a ka gbe iJesu a. Ongi ẹoli Arimatia na eke iJudia ọ khi. O migha khe Eghiele oyi Eshinegba.

⁵² O le deba oghie iPaleti ya mhila li olimhi oyi iJesu.

* 23:30 Li ze Osia 10.8; Iro 6.16 † 23:34 Li ze Iwolo 22.18 ‡ 23:35 Li ze Iwolo 22.7 § 23:36 Li ze Iwolo 69.21 * 23:45 Li ze Okiali 26.31-33 † 23:47 Li ze Iwolo 31.5 ‡ 23:49 Li ze iLuk 8.2-3

⁵³ O rōte oora apfida rue ọli tiemhile, ọ ri ide enegbo khuli ọli. O ya rọli shi uji ufuẹchẹ ni a tọ-a, ni oḡbo ọa kpẹ ri olimhi tọ ghue.

⁵⁴ Oḡbeḡe ni o mama ẹḡ iyemhẹa oyi ẹḡbo iJu lọ. Ẹḡ iyemhẹa o she lẹḡe ya ramhi.

⁵⁵ Eni ikpotso ni e rōte iGalili deba iJesu bhale e deba li ya mẹ uji ni ọ ri iJesu tọ. Ali abi ọ li rọli tọ.

⁵⁶ Igho e nyene ẹḡbe je apfẹ ya rue ituale ni a ku ẹ shi olimhi ẹḡbe. §

Ama e yemhẹ-a oḡbeḡe iyemhẹa. E ri ona ri ushi oḡbeḡe iyemhẹa gbe akanya.

24

Ite-eghuli-guale oyi iJesu
(iMat 28.1-10; iMak 16.1-8; iJon 20.1-10)

¹ Ẹḡ ni odode na elemhi ẹfo uka, oḡbiẹ fiefie, eni ikpotso e bhale uji ni a ri iJesu tọ.

² E mẹ khi ẹchẹ ni a rọ khukhu oni uji, khi a gheghele ọli ode-a.

³ Ama abi e rọ lo elemhi oni uji, ẹa mẹ idiegbe oyi iJesu.

⁴ Abọ e sha wẹ, abi e li migha a sa ọ eḡho, e mẹ khi emose aava ni e sọ itsua epfopfo ni e ḡe nyanyanya e nu wẹ migha.

⁵ Ulishi oo mu wẹ, e nyese ukhomhi sọ alo ghue eke. Ama eni emose e mhila wẹ, “Elo o zẹ ni a rọ nono oḡbo ni ọ la aḡbo ifuabọ oyi ẹḡbo ni e ghua?”

⁶ Ọa ke la ana, ọ she guale. A sato emini ọ gueye ẹ abi ọ rọ la iGalili khi:

⁷ ‘Omi Oḡbo ọ mema ya mẹ osue obọ oyi ẹḡbo olamhẹ, e gbe ọli-a shi apfida, ama ẹḡenuzi-esẹ ọ ya guale.’ ”*

⁸ E tigbe yele eni ingme eyọli le.

⁹ E rōte atalimhi bhale, e gueye eniye odukhokho oḡbaghuo enekpọle ali ẹḡbo elese ni e la aḡho.

¹⁰ IMeli oḡni iMagidaleni ali iJoana ali iMeli inyi iJemhisi ali ikpotso ni e nu wẹ kia e gueye eni ighiusomhi na keḡe.

¹¹ Ama eni eniye odukhokho e dabi khi ingmemhi afuẹ eni ikpotso ee ngme, ẹa pfi esọ shi wẹ ọ

¹² Ama iPita ọ vule, ọ na ya je oni atalimhi, ọ ramhi aḡho, ọ nyese ẹḡbe bino elemhi oni uji, ọ lẹḡe mẹ ide ni a rọ khuli ọli eḡho aḡho, ama ọa mẹ idiegbe oyi iJesu. Igho ọ li je apfẹ, abọ e sha li.

Okiali na ode Emausi
(iMak 16.12-13)

¹³ Oni oḡbeḡe ni ẹ ngme ena, eniye odukhokho aava eyi iJesu e je ẹoli Emausi ni o khi imali igbaghuo rōte iJerusalemu.

¹⁴ E nu eḡbewẹ ngme ingme enana ni a mẹ.

¹⁵ Abi e li ngme ni e li lẹḡe eḡho, iJesu ọ khu wẹ ẹ, e ga kia lẹḡe.

¹⁶ E mẹ ọli ama ẹa lẹḡe oni ọ khi.

¹⁷ IJesu ọ mhila wẹ, “Elo a nu eḡbe a ngme abi a li kia lẹḡe ena?” E mu migha, alo eyewẹ e khi osoli-osoli.

¹⁸ Oghuo elemhi wẹ ni a lu iKilopasi ọ mhila li, “Opfese oshẹbhe u khi shi eke iJerusalemu ni ọa lẹḡe emini a mẹ eke ona aenelue?”

¹⁹ “Emhi eneghuo a mẹ?” IJesu ọ mhila wẹ. Eni emose ẹ ọli, “Emini e li iJesu ọna iNazareti. Omekeḡeue omose ọna ọ khi, ọ mhue ekpabọ oyi Ẹshineḡba. Ẹḡbo e lẹḡe ọli shi emini ọ riele ali ingmemhi ni ọ gbolo o ngme.

²⁰ Ighie eyi ekpodalo-ugamhi eyi Ẹshineḡba ali enighie e rue ọli lasele ni a gbe-a shi oora apfida.

²¹ Eri anye dabi khi lẹli ọ ya pfa ẹḡbo iZireni shi eke. Amo li ẹḡe esẹ abi a te mẹ ingme ena.

²² Ikpotso eghuo eyi anye e ri abọ sha anye. E je uji oyọli amo uzogbe fiefie,

²³ Ama ẹa mẹ idiegbe oyọli. E nyene ẹḡbe bhale ya gue khi wewẹ e mẹ iḡeni ni e gueye wewẹ khi ọ she guale.

²⁴ Ẹḡbo eghuo elemhi anye e she je obọ ya bino e mẹ khi abi e ngme o khi, ama ẹa mẹ iJesu.”

§ 23:56 Li zẹ Okiali 20.10; iDeut 5.14 * 24:7 Li zẹ iMat 16.21; 17.22-23; 20.18-19; iMak 8.31; 9.31; 10.33-34; iLuk 9.22; 18.31-33

25 IJesu ọọ wẹ, “A khi eyẹghẹ e, ni udu oyẹẹ ọa nyanya mie emini emekeguele e ngme suo.

26 Aa lẹsẹ khi ina ọni Omiepfuese ọ li ya mẹ osue neni ọ lo ufumhi oyọli?”

27 Ọni iJesu ọ tigbe ri emini a keke shi Ebe-no-pfuase lo wẹ esọ ni e la ebe Ushi oyi iMosisi ali eyi emekeguele nya.

28 Abi e li ti ramhi ukuku ẹoli ni e je, iJesu ọ riẹlẹ abine khi lọli ti okiali oyẹluẹ ya je odalo.

29 Ama ee ti ọli, ẹẹ ọli, “Nu anye kushi ana irari khi ogbe o she vu, obili o she gbolo-a bi.” Ighọ ọ deba wẹ ọ ya kushi na wẹ.

30 Abi e kerọ shitọ ya ke le eminale, ọ rue oni ibuledi, ọ kphemhi, ọ khi ọli-a, ọ kemhi na wẹ.

31 Eghẹghẹ ana, alo eyewẹ e khueghie-a, e tigbe lẹsẹ khi lọli lọ. Eri-tse ọ kele-a, ẹa ke mẹ ọli.

32 E egbewẹ, “Ọọ khi eri ọ li abi erali shi awa udu abi ọ rọ la ode nu awa ngme ni ọ gbo rọ gue abi Ebe-no-pfuase o ngme yẹ awa?”

33 Aghoaghọ e vule nyene egbe ukhokho je iJerusalemu. E bhale ya ẹ eniyẹ odukhokho ogbaghuo ali ẹgbọ enekpọle ni e ga legba,

34 ni e liẹ, “Egbegbi ingme lọ khi Onomhue ọ she guale, ọ ri egbọli gbo khase iSamọ.”

35 Ighọ eni etuava eghọ e guele emini a mẹ ode, ali abi e lẹsẹ iJesu eghẹghẹ ni ọ rọ khi ibuledi-a na wẹ.

Ijesu ọ ri egbọli khase eniyẹ odukhokho eyọli

(iMat 28.16-20; iMak 16.14-18; iJon 20.19-23; Ika 1.6-8)

36 Abi e rọ kie ghọ ngme oni ungmemhi, iJesu ọ migha wẹ iteva ọọ wẹ, “Opfomhẹ o nu ẹ la.”

37 E yila, ulishi ọọ mu wẹ, e dabi khi ayemhẹ olimhi ọ khi.

38 Ọọ wẹ, “Elo o zẹ ni udu oyẹ ẹ o rọ nighise, ni a rọ gbo mhọli akhokhomhẹ shi udu oyẹ ẹ?”

39 A bino abọ ali awẹ eyemhẹ. Mhemhẹ lọ. A ri obọ timhẹ ni a mẹ khi

olimhi ogbọ ọa ya mhọli idiegbe ali igua, nabi a mẹ khi mhi mhọli ena.”

40 Abi ọ rọ ngme na se, ọ ri abọ ali awẹ eyọli khase wẹ.

41 Abi oghẹlẹ ali ọshabọ ni o vọ wẹ udu ọa kie zẹ wẹ mie shi ọ ne, iJesu ọ mhila wẹ, “A li mhọli emhikhoghuo shi akana ni a le ghọ?”

42 E rue afele ni a nye na li,

43 Ọ rue ọli la akpewẹ rọli le.

44 Ọọ wẹ, “Ena e khi emini mhi gueyẹ ẹ abi mhi rọ kie nu ẹ la. Ingme eyemhẹ nya ni a keke shi Ushi oyi iMosisi ali, ebe eyi Emekeguele eyi Eshinegba ali Ebe Iwolo, e mema bhale ya tse.”

45 Ighọ ọ khueghie wẹ udu-a ni e mẹ asha lẹsẹ emini a keke shi Ebe-no-pfuase.

46 Ọ gueyẹ wẹ, “Emini a keke shi eke na. Omiepfuese ọ ya mẹ osoli, ọ rọte eghuli guale ẹlenuzi-ese,

47 eghẹghẹ aghọ a ya ri eva oyọli ri imupfi ali irolamhẹ-topfa tse abọ ushishi nya, rọte iJerusalemu gba eke le.

48 A ga mẹ eni emhi enana nya.

49 Mhi ya ri emini Itamhẹ ọ shoboghie usomhi ghi ẹ, eri-tse a la elemhi ẹoli iJerusalemu ramhi ni a rọ ya ri itoto rọte obini o yagha ghi ẹ ni o ya kpha ẹ sọ.”†

Inga idane oyi iJesu

(iMak 16.19-20; Ika 1.9-11)

50 Abi ọ rọ rue wẹ vu ya fiẹ, ni e rọ kia ramhi iBetani, ọ tsua abọ idane, ọ ku isemhẹ na wẹ.

51 Abi ọ li ku isemhẹ na wẹ, ọọ zẹ wẹ obọ, a rue ọli nga idane.‡

52 Ighọ e nyese ukhomhi ga li. E mu egbe pfi ri ukpokpomhi oghẹlẹ je iJerusalemu.

53 E kiele la owa ugamhi no fune tse, e kuẹghie Eshinegba.

† 24:49 Li zẹ Ika 1.4 ‡ 24:51 Li zẹ Ika 1.9-11

Usomhi Onete oyi iJesu iKirisiti ni iJoni O keke

Ungmemhi Oni o khi agbo

¹ Igbaekele, Ungmemhi O she kpe la o. Oni Ungmemhi o nu Eshinegba la. Oni Ungmemhi O khi Eshinegba.

² Igbaekele loli ali Eshinegba e te ga la.

³ Obọ oyoli a te ma emhikpa. Aa me emhikhoghuo ni a ma ni aa rote obọ oyoli ma.

⁴ Loli o mholi agbo na agboagbo. Oni agbo oyoli, o ri akpa na egbo na agbo.

⁵ Oni akpa o ge nga alo ebili, ama alo ebili o do be pfuse oli a.

⁶ Eshinegba o ghie omose oghuo ni a lu iJoni ghi egbo na agbo.*

⁷ Loli o bhale ya pfi otsele shi oni ogbo ni o khi oni akpa, ni egbo nya e rote oni otsele miesuo.

⁸ Oa khi oni iJoni o khi oni akpa; eri o li bhale ya pfi otsele shi oni akpa.

⁹ Loli o khi oni egbegbi akpa, ni o ya bhale agbo ni o ya ri imeke na egbo nya.

¹⁰ Oni Ungmemhi o la agbo, egbo ea lese oli, abi o ri rie khia khi loli a rote obọ oyoli ma agbo.

¹¹ O bhale deba egbo eyoli, ea lama mie oli.

¹² Ama, ebubu ni e da lama mie oli, ni e lese mie eva oyoli suo, wewe o ri afu na e ro mele imi Eshinegba a.

¹³ Oa khi abi ita ali inyo e lie bia ogbo alo-gbugbugbu a ri ona ngme, ama Eshinegba o khi ita we.

¹⁴ Oni Ungmemhi o mele ogbo-a, o nu awa la agbo ona, awa me ufumhi oyoli, ikhi ufumhi oyi omi Ita otuoghuo kpe ni Ita o mholi, oni o rote obọ oyi Ita bhale, oni o mholi isomhelemhi ali igesikia gbeku o.

¹⁵ IJoni o kia tse abo ingme oyoli ye egbo, o o tse se, o o lie, "O na mhi gueye

e khi o ya bhale odukhokho oyemhe, ama o fu dose mhe itobo khi o kpe la agbo neni a bia mhe."

¹⁶ Rote isomhelemhi oyoli ni o gbeku o, awa te mholi ikhivose ododa.

¹⁷ Obọ oyi iMosisi Eshinegba o te ri ushi na awa, ama obọ oyi iJesu iKirisiti isomhelemhi ali igesikia e te bhale.

¹⁸ Ogbokhoghuo o me Eshinegba ghue. Ama, Omi Eshinegba otuoghuo kpe, ni loli ali Eshinegba e khi oghuo, ni loli ali Ita e ga la, loli o ze ni agbo e ro lese Ita.

IJoni oo khi loli e khi Omiepfuese

(iMat 3.1-12; iMak 1.1-8; iLuk 3.1-18)

¹⁹ Egbhali eyi iJu ni e la iJerusalemu e ghie eni ee ralo ugamhi oyi Eshinegba ali eni e nu we gbe ikanya owa-ugamhi, e ka mhila iJoni oni o khi.

²⁰ IJoni o ro sheli we, o nyanya so we o, o gueye we gboo khi o khi loli khi oni Omiepfuese.

²¹ E mhila li, "Oghuo u ke khi sho? Elaja u khi?"†

IJoni oo, "Iiye." E gbo mhila li.

"Omekeguele oyi Eshinegba u khi?"

O o "Iiye."

²² E gbolo e, "Gueye anye oni u khi sho, ni anye me emini anye ya gueye eni e ghie anye, elo ye ye u khi sho?"

²³ IJoni o rote ungmehi ni Azaya omekeguele oyi Eshinegba o ngme so we o, oo, "Mhemhe mhi khi uruli oyi ogbo ni o la odagbe e tse se, ni oo lie, 'A rie le udu oye e shi eke ke Onomhue ni o o bhale.'"‡

²⁴ Egbo ni egbo iFarisi e ghie ghi iJoni, e mhila li,

²⁵ "Abi u a ro khi Omiepfuese, ni u a ro khi Elaja, wekhi oni omekeguele oyi Eshinegba u khi ena, elo o ze ni u ro o batazi egbo sho?"

²⁶ IJoni o so we o, oo, "Ame mhi ro batazi egbo memena, ama ogbo oghuo o la e iteva memena ni aa lese ne.

* 1:6 Li ze iMat 3.1; iMak 1.4; iLuk 3.1-2 † 1:21 Li ze iDeut 18.15,18; iMala 4.5 ‡ 1:23 Li ze Aza 40.3

27 Lọli ọ ke ya bhale odukhokho oyemhẹ, ni o khia khi mhia fu ramhi oni ọ ọ taghie uli oyi ẹkuẹ ni ọ rọ sọ a.”

28 Obini iBẹtani ni o la ukiẹkiẹ obini ovọ o te ẹ ngale shi okẹ iJodani, ashini iJoni ọ la batazi ẹgbọ, a la mẹ eni ingme ena nya.

Omi osumha oyi Eshinegba

29 Ogbeakọlọ iJoni ọ mẹ khi iJesu ọọ bhale, iJoni ọ gueye ẹgbọ, ọọ, “Omi Osumha oyi Eshinegba ni ọ rue olamhẹ eyi agbọ vu na!

30 Ona mhi ngme abi mhi rọ liẹ, ‘Omose oghuo ọ ya bhale ni ọ fu dọse mhe, itobọ khi ọ she kpẹ la ọ neni a bia mhe.’

31 Egbegbi mhemhẹ mhia kpẹ lẹse ọli ghue, ama eri mhi bhale ri amẹ ẹ batazi ẹgbọ ini mhi mẹ asha ri ọli khase ẹgbọ iZireni.”

32 Ighọ iJoni ọ pfi ọtsẹle ona khi, “Mhi mẹ khi Ayemhẹ ọ li abi anekhukhu rọte idane tiemhie ya ma li egbe.

33 Mhia kha kpẹ lẹse ọli, ama oni ọ ghie mhe mhi ri amẹ ke batazi ẹgbọ, ọọ mhe, ‘Oni u da mẹ khi oni Ayemhẹ ọ tiemhie shi ọ khi ọ migha li egbe ne, lọli ọ khi oni ọ ya ke ri Ayemhẹ-nọ-pfuase batazi ẹgbọ.’

34 Ighọ eni emini a gueye mhe ena e li de shi ukpeloe oyemhẹ, ni o remhẹ gueye ẹ khi Omi Eshinegba ọ khi.”

Eniye odukhokho eni odode ni iJesu ọ zẹ

35 Ogbeakọlọ iJoni ali eniye odukhokho eyọli etuava e gbo migha akaghọ.

36 Abi iJoni ọ rọ mẹ khi iJesu ọọ dọse, ọọ, “Bino Omi osumha oyi Eshinegba.”

37 Abi eniye odukhokho etuava eghọ e rọ suọ ona te, e deba iJesu vu.

38 IJesu ọ pfi alo ukhokho, ọ mẹ wẹ khi ẹẹ deba lue, ọ mhila wẹ, “Elo a nono.”

Ẹẹ ọli, “Osese, obo wa la?”

39 Ọọ wẹ, “A bhale ya bino.” Ighọ e deba li, e mẹ obini ọ la. Aghọ e ke nu ọ la ẹlẹghọ nya rọte agogo ene ẹlẹ ọguota vu.

40 Otuoghuo eniye odukhokho etuava ni e suọ emini iJoni ọ ngme ni e deba iJesu vu ọ khi Aduru, inyoghuo iSamọ iPita.

41 Ighọ Aduru ọ nyanya kpẹ te odode nono iSamọ inyoghuo ọli gueye, ọọ, “Anye she mẹ Omiepfuese.” (Emini a ri iKirisiti ngme khi, Omiepfuese.)

42 Aduru ọ rue iSamọ bhale ghi iJesu.

IJesu ọ bino ọli, ọọ, “Yeye u khi iSamọ omi iJoni, iKefasi a ke ẹ ke lu ẹ. iPita ali iKefasi emhi oghuo a rewe ngme.”

Ijesu ọ lu iFilipu ali iNatanie

43 Ogbeakọlọ, iJesu ọ ke mu egbe khi lọli rọte aghọ vu ya ke je iGalili. Ọ mẹ iFilipu, ọọ li, “Deba mhe.”

44 Onge iBẹtisaida ni Aduru ali iPita e khi iFilipu ọ li khi.

45 IFilipu ọ ke nono iNatanie li mẹ. Ọọ li, “Anye she mẹ oni iMosisi ọ keke ingme oyọli shi ebe ushi, ni emekeguele e gbo keke ingme oyọli shi Ebe-no-pfuase, ikhi iJesu onge iNazareti Omi iJosefu.”

46 INatanie li ọọ, “INazareti wẹ, eminete o li rọte iNazareti ẹ lase?”

IFilipu ọọ, “Lese bhale ya bino tse.”

47 Abi iJesu ọ rọ mẹ iNatanie li khi ọọ bhale obini lue la, iJesu ọọ, “Egbegbi onge iZireni na, oni ọa ya lo ẹgbhọli.”

48 INatanie li ọ mhila li, “Se u ghọ lese mhe?” IJesu ọọ, “Mhi she mẹ abi u rọ la udi okhua eni neni iFilipu ọ lu ẹ.”

49 INatanie li ọọ, “Osese, Omi Eshinegba u khi, oghie oyi iZireni!”

50 IJesu ọọ, “Itobọ khi mhiẹ khi mhi mẹ ẹ udi okhua eni u rọ tigbe miesuọ, u ya mẹ emini e dọse ona.”

51 Ọ gbo gueye wẹ, “A ya mẹ khi idane o khueghie-a, a mẹ khi igeni eyi Eshinegba e rọte idane ẹ tiemhile ya nga shi mhemhẹ Omi Ọgbọ ọ.”§

2

Ijesu ọ ri amẹ mele onyo a

1 Ogbele onuzi-esẹ, a la iKena na eke iGalili ri omueshi ya ngeli. Inyo iJesu o la agho,

2 A li lu iJesu ali eniye odukhokho eyoli shi oni ilegba ni a la ri omueshi ngeli.

3 Abi onyo ni a la agho da o ro pfo, inyo iJesu o iJesu, "Onyo e pfo we ro da."

4 IJesu o, "Inyo, khi ke gueye mhe emini mhi ya li, itobo khi egheghe oyemhe o ramhi ne."

5 Inyo iJesu o gueye eni e so onyo, "A ri emini o da gueye e gbe akanya."

6 Ikpokpomhi idubo eche esesa e la epfe agho na die amẹ e shi ni egbo iJu e ro kpe egbe a abi ushi oyewe o ngme. Udubo oghuo oghuo, o mie italabi amẹ ene.

7 IJesu o gueye eni e so onyo, "A ka die amẹ vo eni idubo esesa." Igho e die amẹ vo ewe nya te unu tsue.

8 Igho o, "A die o ghi oni o ri ukpeloe e khu oni ilegba." Igho e die o ghi o.

9 Oni o ri ukpeloe e khu ilegba o rote eni amẹ ni a she ro mele onyo a da bino, o kpe lese obini a me we, ama eni e so onyo e lese obini a me we. Igho oni omose o lu ughue-omueshi je epfe ete,

10 o li, "Ashini a la ri ele emhi onana kpa, onyo onete onana a kpe ro lasele na egbo da khue neni a ri onyo oni o kpo-a lasele, Elo o ze ni a ro ri onyo ona kpe shi agho?"

11 Ona o khi akanya onyaloa oni odode ni iJesu o gbe. Eoli iKena na eke iGalili o la ri ele o. Onana o ro ri ufumhi oyoli khasẹ, ni eniye odukhokho eyoli e ro mie oli su.

12 Ona o dose se, iJesu ali inyoli, ghe inyoghuo oli eni emose ali eniye odukhokho eyoli e tiemhi obini iKapanomu. E la oobo ukuku ogbele.*

IJesu o lo elemhi Owa oyi Eshinegba

le (iMat 21.12-13; iMak 11.15-17; iLuk 19.45-46)

* 2:12 Li ze iMat 4.13 † 2:13 Li ze Okiali 12.1-27 27.40; iMak 14.58; 15.29

13 Abi egheghe ukpe oyi egbo iJu ni a lu iPasova o ro ti bhale, iJesu o nga obini iJerusalemu.†

14 O bhale ya e khi egbo e la elemhi apfe oyi Owa oyi Eshinegba ri ena ali isumha ali inekhukhu e de. Eghuo e shito pfa ikpagho na egbo.

15 Igho iJesu o rue ili ro lali utali ulumhekie ro khu we ya lase nya, ghe eni ena ali isumha; o miatse we ikpagho kua, o ghi we abo okphe kpha ku-a.

16 O eni e ri inekhukhu e de, "A muno we ana-a! Se a li ri owa oyi Ita mhemhe e mele oki a."

17 Eniye odukhokho eyoli e ya yelee emini a kpe keke shi Ebe-nopfuase khi, "Ingme owa oye o mu mhe egbe gba."‡

18 Igho enighie eyi iJu e mhila iJesu ini o mholi ikanya onyaloa ni o ya gbe ni o ya rokhase ewe khi o mholi afu ni o ro ri ele enana nya.

19 IJesu o we, "A bighi oni Owa oyi Eshinegba ona nya gbe, mhi ya gbo ri ele o to ogbele ese."§

20 Enighie eyi iJu e ke mhila, "Owa ni a ri ikpe egbhueva ali esesa to wa lie khi u ri ogbele ese tse ya ri ele to?"

21 Ama egbe oyoli o ri oni Owa oyi Eshinegba ni o ngme khokho.

22 Abi o ro ghu-a ni Eshinegba o ro gbo guise o le, eniye odukhokho eyoli e ro tigbe sa ya to emini o ke ngme. Ona o rewe mie ungmehi oni o la Ebe-nopfuase, ali ingme oyi iJesu lolo su.

23 Egheghe ni iJesu o ro la iJerusalemu, ikhi egheghe ukpe iPasova, ebubu egbo e ro mie oli su itobo khi e me ikanya onyaloa ni o gbe.

24 Ama iJesu o ya regbenga we obo itobo khi o lese emini egbo e khi pfo nya.

25 Oa khi ogbo o ke gbo ya gue ingme oyi egbo ye oli, itobo khi o she lese emini o la we udu.

3

IJesu ali iNikodemosi

‡ 2:17 Li ze Iwolo 69.9 § 2:19 Li ze iMat 26.61;

1 Omose oghuo o la o ni o la otu iFarisi, o khi okhemhue ni o mu eloe shi elemhi iJu, a lu oli iNikodemosi.

2 Oni omose ona o bhale deba iJesu eliyose eleghuo, oo li, "Osesese, anye lese khi oni oo sese ni o rote obo oyi Eshinegba bhale u khi. Itobo khi ogbokhoghuo oja ya dobe ke gbe ikanya onyaloa enabi u wa gbe ena ini Eshinegba oja nu oli la."

3 IJesu oo li, "Mhi gue igesikia ye khi, ini aa li rielle ogbo bia, oja ya me Eghiele oyi Eshinegba."

4 INikodemosi oo li, "Se a li gbo rielle ogbo ni o womhe se bia? Eri o gbo ya lo inyoli elemhi ni o gbo rielle oli bia?"

5 IJesu o soli o, oo li, "Mhi gue igesikia ye khi, aa me ogbokhoghuo ni o ya lo Eghiele oyi Eshinegba ini aa bia li elemhi ameh ali elemhi Ayemhe."

6 Omose ali okpotso ee bia ogbo alo gbugbugbu, ama Ayemhe oyi Eshinegba a ro rielle ogbo o bia elemhi ayemhe.

7 Khi ze ni ungmehi ni mhi khi, 'A mema rielle e ya bia,' o ligo ri abo she.

8 Obini o ghole akpekpeli o li e je, eri awa lie suo abi o lie li, ama awa aa ya me oli. Igho ingme oyi eni a rielle bia elemhi Ayemhe oyi Eshinegba e li."

9 INikodemosi o mhila iJesu, "Se a lie me gho?"

10 IJesu oo, "Yeye ukpokpo-ogbo oguebe ni u lie sese egbo eke iZireni waa lese ona?"

11 Abi o li mhi li gue oli e ye khi emini anye lese, anye e ngme. Emini anye me, anye e gueye agbo. Ama aa nono ni a mie usomhi oyi anye suo.

12 Ini waa mie mhe suo ini mhi gue ingme ena agbo ona ye, se u lie mie mhe suo ini mhi gue ingme iloghie ye?

13 Ogbokhoghuo oja kpe ye iloghie jele ghue, se ni mhemhe Omi Ogbō ni mhi rote iloghie tiemhie.

14 Abi iMosisi o ke li ge enye ni a ri igolu lumhi shi ukpokpo, ni o tsua li

idane obini odagbe ifufu, igho a mema li tsua Omi Ogbō idane.*

15 Eghēghē agho, onini o da mie oli suo, o ya mhōli agbo na agboagbo.

16 "Irari khi Eshinegba o o nono ingme oyi agbo gba, loli o ro rue Omioli oni omose otuoghuo kpe na agbo, eghēghē agho onini o da mie oli suo ne, oja ya pfua, ama o ya mhōli agbo na agboagbo.

17 Eshinegba oja ghie omi oli bhale agbo, ni o bhale ya pfa ezo mu egbo na agbo, eri o ghie oli, o bhale ya mie agbo pfuese.

18 Aa ya pfa ezo mu oni o da mie Omi Eshinegba suo, ama oni oja da mie oli suo, a she pfa ezo mu oli se, itobo khi oja mie Omi Eshinegba otuoghuo kpe suo.

19 Abi a lie so oni ezo na. Akpa o bhale agbo, ama egbo e nono alo ebili ne, itobo khi ikanya ebe ee gbe.

20 Oni o gbe ikanya ebe oja ya nono akpa, oja tigbe e bhale akpa itobo khi ikanya eyoli e ya ri udi laselle ini e bhale akpa.

21 Ama oni o da ri ungmehi oyi Eshinegba ni o khi igesikia a gbe akanya ne, o bhale akpa ashini a te e me eke, ni ikanya eyoli e rokhase khi ode oyi Eshinegba o rote."

Otsela ni iJoni o pfi shi ingme oyi iJesu

22 Ele lese iJesu ali eniye odukhokho eyoli e je eke iJudia. O nu we la oobo ukuku eghēghē, oo batazi egbo.

23 IJoni o la Ainoni ni oja nue shi iSalimu li batazi egbo, itobo khi ameh e lo bu shi agho. Egbo e je agho deba li ni o batazi we.

24 Eghēghē agho aa mu IJoni shi owa ighumha ne.†

25 Eniye odukhokho eyi iJoni eghuo e nu ogbo iJu oghuo khako shi ingme ikpegbe a ona ugamhi.

26 Igho e le deba iJoni, ee, "Osesese, u ke yelee omose oghuo ni u ke batazi, oni u ngme ingme oyoli epfe oke

* 3:14 Li ze iNoba 21.9 † 3:24 Li ze iMat 14.3; iMak 6.17; iLuk 3.19-20

iJodani eḷegho, o li e batazi egbo, lolu egbo nya e ke na deba memena.”

²⁷ IJoni o o we, “Aa me emhikhoghuo ni ogbo o mholi ni o a khi Eshinegba o roli na.

²⁸ Ee ena a ga suo abi mhi ro lie khi o a khi mhemhe mhi khi Omiepfuese, khi eri a li ghie mhe ralo na li.‡

²⁹ Omose oni o rue omueshi o khi ughue omueshi. Eri omole oni omose oni o rue omueshi o ri es o shi eke migha ke khe ughue omueshi. O kha da suo khi omole o da ngme ne, egbe ee mu oli. Igho egbe e lie mu mhe memena, igbo oghela oyemhe o gbo vo.

³⁰ Ufumhi oyoli o mema ke nga shio, ufumhi oyemhe o o ke tiemhi.

³¹ “Oni o rote ilimhi tiemhie o fu dose egbo nya. Oni o rote agbo ana lasela, ona agbo ona o khi. Irarigho, ingmemhi eyi agbo ana a ke ngme. Ama oni o rote ilimhi tiemhie o fu dose egbo nya.

³² Emini o me ali emini o suo ilimhi, o gue e ye egbo, ama ogbokhoghuo o a mie oli suo.

³³ Oni o da mie emini o gueye agbo suo ne, eri o rokhase khi igesikia Eshinegba o ngme.

³⁴ Oni Eshinegba o ghie, oo ngme ungmehi oyi Eshinegba, itobo khi eri Eshinegba o ri Ayemhe oyoli na li gbe ku o.

³⁵ Eri Eshinegba Ita o nono ingme oyi Omioli oni omose, irarigho o ro ri emhikpa nga li ob o. §

³⁶ Oni o da mie Omioli suo ne, eri oo mholi agbo na agbo agbo, ama oni o da kie oli ne, o a ya mholi agbo, eri ibiselemhi oyi Eshinegba oo deba li agbo agbo.”

4

Ijesu o nu okpotso onge iSameria ngme

¹ Egbo iFarisi e suo khi ebubu egbo e deba iJesu, ali khi o gbo batazi eniye odukhokho bu dose iJoni.

² O a khi iJesu o ri ob o oyoli mema batazi egbo, ama eniye odukhokho eyoli e batazi egbo.

³ Igho abi iJesu o ro suo ingme ni egbo e ngme, o rote eke iJudia vu, o mu egbe pfi je iGalili.

⁴ O ya rote ode iSameria dose abi o ro lie iGalili.

⁵ Igho o bhale eoli na lu iSicha ni o la eke iSameria, ni o a nue shi eke ni iGiekopu o ro na iJosefu omioli oni omose.*

⁶ Agho ilijia oni a lu ilijia oyi iGiekopu o la. O lose iJesu itobo okiali ni o kia ramhi agho, igbo o shito epfe oni ilijia. Oguota o lese mu eke oni eghelhe.

⁷ Okpotso onge iSameria oghuo o bhale ya a ame. Ijesu o o li, “Die ame na mhe da.”

⁸ Eghelhe agho eniye odukhokho eyoli e she lo ifuapfe ya de eminale.

⁹ Oni okpotso onge iSameria oo iJesu, “Onge iJu u khi, mhemhe mhi khi onge iSameria, se u ke li a lie mhi die ame ne da?” Emini o ze ni o ro ngme na khi, egbo iJu ali egbo iSameria e a ri egbe e ti emhi egbe. †

¹⁰ Ijesu o li, “Ini u lese isomhopfa ni Eshinegba o ro na ogbo lo, ni u gbo ro lese emini ogbo ni oo mhila e ame o khi lo, u kha mhila li o ri ame ne da. Eghelhe agho ni o ri ame ni e ri agbo o na ogbo ne da.”

¹¹ Oni okpotso o ke mhila iJesu, oo, “Oga, waa mholi emhi ni a ro o a ame, oni ilijia o limhi. Obo u ke te ya me eni ame ni e ri agbo o na ogbo na a mhe da?”

¹² Eri u ke lie khi yeye u fu dose iGiekopu ita anye kpa?” Lolu o to oni ilijia ona, ni o ri oli na anye, ni lolu ali imioli ali elamhako eyoli e gbo te o da.

¹³ Ijesu o ya so li o, o li, “Onini o da da ame eyi ilijia ena, okiam o gbo ya gbe oli.

¹⁴ Ama okiam o a tigbe ke e gbe onini o da da ame ni mhi ya ro na li da. Itobo khi ame eyemhe e ya mele oke ni o a ke ya khakha ghue shi oli

‡ 3:28 Li ze iJon 1.20 § 3:35 Li ze iMat 11.27; iLuk 10.22 * 4:5 Li ze iGbae 33.19; iJosh 24.32 † 4:9 Li ze Ezira 4.1-5; iNee 4.1-2

elemhi, ni o ya ke sha kule ri agbo na agboagbo na li.”

15 Oni okpotso oo, “Oga Kpekpe ri eni amẹ na mhe da ini okiamẹ o khi ke gbo gbe mhe, ini mhi khi ke gbo bhale akana ya a amẹ.”

16 Ijesu oo, “Ka lu omose ni o rue e shi bhale.”

17 Oni okpotso oo, “Mhia mholi omose.” Ijesu oo li, “Igesikia lo, ni u we khi u a mholi omose,

18 itobo khi u she kpe mholi emose oshe ni u kpe ngeli na. Oni u ga nu la memena, o a khi loli o re shi.”

19 Oni okpotso oo, “Kie! Oga, mhi she me oli khi omekeguele oyi Eshinegba u khi.

20 Ukhomhi ute onana eni e bia anye egbo iSameria, e kpe la ga ugamhi, ama ee egbo iJu, e khi iJerusalemu awa mema la ke ga ugamhi.”

21 Ijesu oo li, “Mie mhe suo khi egheghe oo bhale ni u a ke ro la ukhomhi ute ona, we khi iJerusalemu ya ga Ita.

22 Emini ee egbo iSameria aa lese, a ga, ama anye lese emini anye e ga itobo khi obọ oyi iJu imiepfuese o te bhale.

23 Ama, egheghe oo bhale, oni egheghe o she ramhi ni egbo eni e ri igesikia e ga Eshinegba e ro ya ke ga li abi Ayemhe oyoli o li rokhasẹ we, e gbo te ode igesikia ga li, itobo khi egbo eni e ligho o ga li, oo nono.

24 Ayemhe oyi Eshinegba o khi, eni ee ga li e mema ya ke ga li abi Ayemhe o rokhasẹ we, ali rote ode igesikia.”

25 Oni okpotso oo ijesu, “Mhi lese khi Omiepfuese (oni a lu iKirisiti) o o bhale. O kha bhale, o ya khueghie emhikpa gueye anye.”

26 Ijesu o so oni okpotso o, “Loli mhi khi ni mhi nu e ngme ena.”

27 Abi e kie li ngme, eniye odukhokho eyoli e bhale ya e khi o nu okpotso o ngme, o ri abo sha we. Ongewe o a mhila li, “Elọ wa nono?” Wexhi e ri e mhila li, “Elọ o ze nu u ro nu oli e ngme?”

28 Igho oni okpotso o ze akhe amẹ oyoli obọ shi agho, o je ifuapfe kia gueye egbo, oo lie,

29 “A bhale ka ghe omose oghuo ni o gue emini mhi ga riẹle ghue nya ye mhe. Omiepfuese o fe ya khi?”

30 Egbo e ve gbii te ifuapfe bhale ashini ijesu o la.

31 Egheghe agho, eniye odukhokho eyoli e ke lema li, “Osese, waa ke le eminale.”

32 Ijesu oo we, “Mhi mholi eminale ni mhia le ni aa lese.”

33 Eniye odukhokho eyoli e mhila egbe we, “Eri ogbokhoghuo o kpe ri eminale ghi o le?”

34 Ijesu oo we, “Eminale oyemhe khi, ni mhi riẹle oghuemhe oyi oni o ghie mhe, ni mhi ro gbo gbe akanya oyoli pfo.

35 Aa she ngme o khi, ‘Iki ene e ke kpole ni a ro ke ya khiese emhi ekomhi?’ Mhi gue e ye e memena, a bino khi emhi ekomhi na ishemhi e she bie ni a khiese.

36 Memena a she e fali eni e khiese ishemhi ota akanya, ni e ke khiese ikhiese ni o ri agbo na agboagbo o bhale. Egheghe agho ni a bhale ya e khi eni e ro ko ali eni e khiese e ga kugbe ke ghele.

37 Onana o rokhasẹ khi emini egbo e ngme khi igesikia o khi, ikhi ungememhi ni oo, ‘Oni o ro ko, o kioda shi oni o khiese.’

38 Eri mhi ghie e a ka khiese emini aa ro ko. Egbo elese e ya gbe ikanya ni e toto rewe ko, ama ee a me elele ikanya eyewe.”

Ebubu egbo iSameria e miesuo

39 Ebubu egbo iSameria ni e la oni eoli e ri itobo emini oni okpotso ogho o gueye we mie ijesu suo, ikhi emini o ngme ni oo, “A bhale ya ghe oni o gue emini mhi ga riẹle ghue nya yemhe.”

40 Abi eni egbo iSameria e ro bhale deba ijesu, e lema li o kpekpe o ku shi na ewe. Igho ijesu o ku shi na we ogbele eva.

41 Ebubu egbo elese e gbo mie ijesu suo itobo ingmemhi ni o nu we ngme.

⁴² Eni egbo e ke oni okpotso, "Anye she miesuo memena. Oa khi itobo emini u gueye anye tse anye ro miesuo, ama itobo khi anye she suo emini o ngme, anye gbo lese egbegbo khi oni omose ona o ga khi oni Omiepfuese."

Ijesu o ri omi oni o gbe akanya igometi ni o fu ze

(iMat 8.5-13; iLuk 7.1-10)

⁴³ Ijesu o la iSameria ramhi ogbele eva. O rote agho vu je iGalili.

⁴⁴ O she kpe lie khi egbo ea la eoli oyi omekeguele oyi Eshinegba a mu ekpe na li.‡

⁴⁵ Abi o ro lo eke iGalili le, egbo iGalili e mie oli egbegbo, itobo khi ukpeloe oyewe ijesu o la gbe ikanya onyaloa ni o la iJerusalemu gbe abi e ro rieles ukpe iPasova. §

⁴⁶ Igho ijesu o gbo nyene egbe je iKena ni o la eke iGalili, ashini o ke la ri amele onyo a. Omose oghuo ni o gbe akanya igometi o la akagho, ni omi oli o la iKapanomu ghua.*

⁴⁷ Oni omose o suo khi ijesu o rote eke iJudia e bhale iGalili. Igho o bhale ya lema ijesu o kpekpe o deba lue ya nu loli ri omi lue, ni oa ze ni o la ako eghuli ze.

⁴⁸ Ijesu oo, "Ini aa li me olesle onyaloa ali oshabo, aa ya miesuo."

⁴⁹ Oni omose ni o gbe akanya igometi, oo, "Onomhue, kpekpe bhale neni omimhe oo ghua."

⁵⁰ Ijesu oo li, "Ke je khi omie o ya ze, oa ya ghua." Oni omose o mie emini ijesu o gueye o suo, odo je.

⁵¹ Abi o ro je, eni ee ga li, e bhale ya lona li ode, e gueye oli, "Omie o she ze."

⁵² Oni omose o mhila we, "Egheghe onoghuo oni omoo o la ze?" E gueye oli khi, "Agogo oghuo oguota oode oni omoo o la ze."

⁵³ Oni ita oni omoo o sato khi egheghe agho tee ijesu o la gueye lue, "Omie o ya ze." Loli ali apfe oli nya e mie ijesu suo.

⁵⁴ Onana o khi akanya onyaloa onuzi-eva ni ijesu o gbe abi o ro rote eke iJudia bhale iGalili.

5

Ijesu o ri omose oghuo ni oo ghua ze

¹ Abi a ro me ingme ena se, ijesu o nga obini iJerusalemu shi ukpe ni egbo iJu e rieles.

² Mena, ode unuekpe ni a lu Isumha o la iJerusalemu. Ateke ni oke o chocho shi o la agho. IBetisaida a ri elemhi Iburu ee lu oni oke. Ikuku ikholo ishe ni a ghi e la gaso oni oke.

³ Eububu egbo ni ea ze, ikhi ezalo, ali eni ea dobe e kia ali eni e ghu egbe-a, e yeshi gaso oni oke. Eri e migha khe egheghe ni a ro o wushe oni oke-a.

⁴ [Irari khi o mholi egheghe ni ageni oyi Eshinegba o roo tiemhi elemhi oni oke ya wushe oli-a. Egheghe agho onini o da kpe te odode ya tiemhi oni oke ini oni ageni o lese wushe oli-a se, a roli ze, ughuamhi onini o tseku yese oli e ngme]

⁵ Omose oghuo o la agho ni o she gba ikpe uye-ali-igbelele abi o te e ghua.

⁶ Ijesu o bhale ya e oni omose shi agho, o lese khi o she la agho tese. Ijesu o mhila li, oo li, "Wa nono ni u ze?"

⁷ Oni omose ni o ghua o so li o, oo, "Oga mhi aa mholi ogbo ni o ya kpaghie mhe obo mu mhe tiemhi elemhi oke. A kha da lese wushe oke-a se, ni mhi ro da mu egbe ni mhi tiemhi ne, ogbo olese o kpe tiemhi khe mhe."

⁸ Igho ijesu oo li, "Vule! Rue iya oye mhue obo ni u ke kia."

⁹ Igho oni omose o ze agho agho, o rue iya oyoli, oo kia. Elegho o khi Ogbele iyemhea oyi egbo iJu.

¹⁰ Enighie eyi iJu ee oni omose ni a ro ze, "Kieeee! Amo o khi Ogbele iyemhea oyi egbo iJu. Eri u gbe ushi ni Eshinegba o ro na iMosisi-a. Ighuighue lo ni u ro tsua iya oye ele iyemhea."*

‡ 4:44 Li ze iMat 13.57; iMak 6.4; iLuk 4.24 § 4:45 Li ze iJon 2.23 * 4:46 Li ze iJon 2.1-11 * 5:10 Li ze iNee 13.19; iJere 17.21

11 Oni omose oo, we, "Omose ni o re mhe ze oo mhe, 'Rue iya o ye, u ke kia.'"

12 E mhila li, "Oghuo o khi oni ogbo ni o gueye u rue oli eke u ke kia?"

13 Oni omose ni a she ro ze, o a ke lese ogbo ni o ro li ze, itobo khi iJesu o she lo ifuabo egbo oni egheghe.

14 Abi a ro me ena se, iJesu o bhale ya e oni omose ni o ro ze elemhi Owa oyi Eshinegba. IJesu oo li. "Ghekhe, abi u ro da ze se ena, khi ke gbo lamhe, ini emhi obe olese ni o dose ana o khi ya li e."

15 Igho oni omose o vu, o ya gueye egbo iJu khi iJesu o re lue ze.

16 Itobo khi iJesu o gbe ikanya enana Ogbele iyemhea oyi egbo iJu, egbo iJu ee jili oli.

17 IJesu o gueye we, oo, "Egheghe kpa Itamhe o ro gbe akanya, igho mhemhe mhi li lie gbe akanya."

18 Itobo ungmehi onana egbo iJu e ro mema gba li abi e li ya gbe oli-a. Oa khi itobo khi o gbe ushi oyi Ogbele iyemhea oyi egbo iJu tse e ro ye ugbamhi oyoli, ama itobo khi o o khi Eshinegba o khi Ita loli. E lie khi e li o ri onana a lie khi otu loli ali Eshinegba e khi.

Eshinegba o ri afu na Omi oli

19 IJesu o gueye we, oo, "Abi o li mhi li gue oli e ye e, khi mhemhe Omi Eshinegba mhi aa dobe ya ri ele emhikhoghuo ootsobo oyemhe, ama emini mhi me khi Eshinegba itamhe o ro ri ele, mhi ya ke ri ele.

20 Irari khi Ita o nono ingme oyi omioli o ro ri emini o ri ele nya khase oli. O ya gbo ri emini e fu dose ena khase mhe ni o ya sha e abo.

21 Abi Ita o li guise eni e ghu-a le ni o gbo ri agbo na we, igho mhemhe omi oli mhi li ya ri agbo na oni o ghole mhe.

22 Ita o a ya ri ogbokhoghuo gue ezo, ama omioli o ri afu na, ni o ro ri egbo gue ezo.

23 Ni a bhale ya e khi ogbokpa o mu ekpe na oni Omọ abi a li mu ekpe e na

Ita. Oni o a da mu ekpe na oni Omọ o a mu ekpe na oni Ita ni o ghie oni Omọ.

24 "Abi o li mhi li gue oli e ye e khi, oni o da suo ungmehi oyemhe ni o da gbo mie oni o ghie mhe suo, o she mholi agbo na agboagbo. Ogbo o a ya pfa ezo mu oli, itobo khi o she ro te ode eghuli lasele bhale ode agbo.

25 Abi o li mhi li gue oli e ye e khi egheghe oo bhale, oni egheghe na, ni eni e ghu-a e ro ya suo ungmehi oyi Omi Eshinegba, eni e da suo ungmehi oyoli, e ya la agbo.

26 Abi Ita o li khi oni o ri agbo o na ogbo, igho o ri oni agbo na Omioli, ni o li ke ro na egbo.

27 O she gbo ri afu ni a ro so ezo na Omi oli, itobo khi loli o khi Omi Ogbo.

28 "Emini mhi gueye e, o khi sha e abo, itobo khi egheghe oo bhale ni ilimhi nya ni a she ro to e ya suo uruli oyoli.

29 E kha da suo oni uruli ne, e ya guale, e te uji fie lase, eni e da ri ele onete, e ya mholi agbo, ama egbo ebe e ya guale shi epfua.†

30 Emhikhoghuo o a la o ni mhi dobe ya ri ele ootsobo oyemhe. Abi itamhe o gueye mhe mhi li so ezo mhi lie so ezo. Iso-ezo oyemhe oni o migha lo, itobo o a khi abi o ghole mhe mhi lie gbe ikanya, ama emini o ghole Itamhe ni o ghie mhe mhi ro gbe akanya.

A pfi otsela shi oni iJesu o khi

31 "Mhi aa ya pfi otsela na egbe mhe. Mhi kha pfi otsela na egbe mhe, egbo ea ya rue oni otsela shi egbegbo.

32 Ogboese o la o ni o pfi otsela na mhe. Mhi lese otsela oyoli ni o pfi e na mhe khi egbegbo lo.

33 "A she kpe ghie usomhi ghi iJoni, o pfi otsela shi oni o khi igesikia.‡

34 Ama o a khi eri mhi mu ma otsela oyi ogbo, eri mhi mema gue otsela ni iJoni o pfi na mhe ye e ini a mholi imiepfuese.

35 Eri iJoni o ge abi akpa ni o ro ode e khase e. Ukuku egheghe a lama mie oni akpa ni o ri egbe mu e.

† 5:29 Li ze iDan 12.2 ‡ 5:33 Li ze iJon 1.19-27; 3.27-30

³⁶ “Mhi mhọli ọtsẹlẹ ni ọ fu dọsẹ ọtsẹlẹ ni iJoni ọ pfi na mhẹ. Ika ni Itamhẹ ọ rọ na mhẹ mhi gbe pfo ni mhi kiele ẹ gbe, e pfi ọtsẹlẹ khi Itamhẹ ọ ghie mhẹ.

³⁷ Itamhẹ ni ọ ghie mhẹ ọ she pfi ọtsẹlẹ shi ingme oyemhẹ. Aa tigbe kpẹ suọ uruli oyọli wẹkhi eri a tigbe kpẹ mẹ abi ọli. §

³⁸ Ungmemhi oyọli ọa la elemhi oyẹ ẹ, itobọ khi aa mie ọni ọ ghie suọ.

³⁹ À rọshẹka wẹna Ebe-no-pfuasẹ, ni a dabi khi lọli o ya ri agbọ na agbọagbọ na ẹ. Oni ebe ona lọli o gbo pfi ọtsẹlẹ shi ingme oyemhẹ.

⁴⁰ Ama aa nono ni a bhale deba mhẹ, ini a mhọli agbọ.

⁴¹ “Ọa khi ikuẹghie oyi ẹgbọ mhia nono.

⁴² Ama mhi lẹsẹ ẹ. Mhi lẹsẹ khi aa mhọli inono oyi Ẹshinẹgba shi udu o ye ẹ

⁴³ Eva oyi Itamhẹ mhi rọ bhale, ama aa mie mhẹ, ọgbọsẹ ọ kha ri eva oyọli bhale deba ẹ, a ya mie ọli.

⁴⁴ Emini o zẹ khi aa miesuọ khi, ikuẹghie ni o rọte obọ oyi ẹgbọ bhale á nono, ocho ni a kha rọ ke nono oni o rọte obọ oyi Ẹshinẹgba bhale.

⁴⁵ “A khi sa khi mhia ya pfa ẹzọ mu ẹ odalo oyi Itamhẹ. Oni ọ pfa ẹzọ mu ẹ khi iMosisi ni a regbenga.

⁴⁶ Ini a mie iMosisi suọ lọ, a kha mie mhẹ suọ itobọ khi ọ keke ingme oyemhẹ shi ebe.

⁴⁷ Ama abi aa rọ mie emini ọ keke shi ebe suọ, sẹ ẹ a ke li ya mie emini mhi gueyẹ ẹ suọ?”

6

Ijesu ọ ri eminale na ebubu ẹgbọ le (iMat 14.13-21; iMak 6.30-44; iLuk 9.10-17)

¹ Abi a rọ mẹ ingme enana se, ijesu ọ da okẹ oniẹmhi no khishi na lu iGalili lasẹle jẹ egele ọ. (ITibẹriasi a gbolo ẹ lu oni okẹ.)

² Ighọ ebubu ẹgbọ e vẹ deba li gbii, itobọ khi e mẹ ikanya ọnyalọa ni ọ ri eni ẹ ghua ze.

³ Ighọ ijesu ali eniyẹ odukhokho eyọli e nga ukhomhi ute ya shitọ.

⁴ Ẹghẹghẹ aghọ ukpe iPasova oyi iJu o she ramhi.

⁵ Abi ijesu ọ yasẹ alo, ọ mẹ ebubu ẹgbọ ni e bhale deba li, ighọ ọ mhila iFilipu, ọọ li. “Obo awa te ya dẹ eminale ni e ya lo ẹgbọ ena le?”

⁶ Eri ijesu ọ mema mhila li ni ọ rọ mhẹsẹ ọli bino, itobọ khi ọ she kpẹ lẹsẹ emini lọli ya riẹlẹ shi udu.

⁷ IFilipu ọ sọ ijesu ọ, ọọ li. “O kha tseku khi ifata iki elele, ẹa ya lo ni a rọ de eminale ni a mẹ ya kemhi pfiẹlẹ-pfiẹlẹ na wẹ tonu unu!”

⁸ Ọtuoghwo eniyẹ odukhokho eyọli ni a lu Aduru ni ọ khi inyoghwo iSamọ iPita, ọọ li,

⁹ “Ukuku ọmọ ọ la akana ni ọ tsua irui ibulẹdi ishe ali ifẹlẹ aava. Ashi enana e kia ya ramhi, ni aa kemhi na ẹgbọ ena nya?”

¹⁰ Ijesu ọọ li, “A ri eni ẹgbọ shitọ.” Ebuli iyeyẹ e vọ aghọ egbegbọ. Eni ẹgbọ nya e shitọ, emọsẹ ni e laọ tse, e khi ẹgbọ agbẹlẹ asha ishe.

¹¹ Ijesu ọ rue eni ibulẹdi, ọ tse Ẹshinẹgba uwegbe shi ọ, ọ kia kemhi na wẹ. Ọ gbo lighọ rue eni ifẹlẹ, ọ tse Ẹshinẹgba uwegbe shi ọ, ọ kemhi na wẹ. Eni ẹgbọ e le, e khue.

¹² Abi e rọ le khue se, ijesu ọ gueyẹ eniyẹ odukhokho eyọli, ọọ, “A kia sanọ iku wẹ eni e le kpọle, a khi zẹ ni e li opfu-a.”

¹³ Abi e ke rọ sanọ wẹ gbili, ighughu igbẹva e vọ iku ibulẹdi ni ẹgbọ e le kpọle.

¹⁴ Abi eni ẹgbọ e rọ mẹ ikanya ọnyalọa ni ijesu ọ gbe, ẹẹ li, “Igesikia lọ khi ọmọsẹ ọna ọ khi ọmekẹguele ni ẹ khi ọ ya bhale agbọ.”

¹⁵ Ijesu ọ lẹsẹ khi eni ẹgbọ e she gba abi e li ya ri itoto rọli khi oghie, ighọ, lọlighuo ọ te wẹ ifuabọ vu ya nga ukhomhi ute.

Ijesu ọ kia ukhomhi okẹ (iMat 14.22-33; iMak 6.45-52)

§ 5:37 Li zẹ iMat 3.17; iMak 1.11; iLuk 3.22

16 Abi ogbomhi o ro mu eke elegeho, eniye odukhokho eyoli e tiemhi oke ni o khishi.

17 Agho e te lo oko-okẹ oniemi ni o tsua we da lase je iKapanomu. Oni egehegehe obili o she bi, iJesu o a nu we la akaghọ.

18 Igho akpekpeli oniemi o tsua rughu we, oke o wushe kugbe.

19 Abi e ro kia ukhomhi oke ramhi abi imali ese ali ene gho, e me khi iJesu o kia ukhomhi oke e bhale. Ulishi oo mu we.

20 IJesu o we, "Mhemhe lo, ulishi o khi ke mu e."

21 Igho, o ghole we ni e tsua iJesu shi elemhi oko-okẹ oniemi. Aghoaghọ oni oko-okẹ oniemi o ramhi egele obini e je.

Egbo e nono iJesu u gase

22 Ogbeakolo eni ebubu egbo ni e kpe la olase egele oke ukiękię obini o kpole ni eniye odukhokho e kpe te vu. E lese khi oko-okẹ oniemi oghuo tse o kpe la agho, eni egbo e lese khi eniye odukhokho eyoli tse e la oni elemhi oko-okẹ oniemi, ali khi iJesu o a nu we lo oni oko-okẹ oniemi abi o rote agho vu.

23 Iko-okẹ else e rote obini iTiberiasia bhale epfepfe ashini iJesu o la ri eminale ni ebubu egbo le, ni o la tse Eshinegba uwegbe shi eni eminale.

24 Abi eni egbo e me khi iJesu ali eniye odukhokho eyoli ea la akaghọ, e dose lo iko-okẹ, ni e tsua we je iKapanomu, ni e ya nono iJesu gase.

IJesu ni o khi Eminale ni o ri agbo o na ogbo

25 Abi e ke ro me iJesu ukhomhi egele olase oke ukiękię obini uzewa, ee oli, "Osese, egehegehe onoghuo u ro ramhi oola?"

26 IJesu o so we o, oo we, "Egbegbingme mhi gue e ye e, o a khi itobo khi a me ikanya onyaloa ni mhi gbe a ro nono mhe, ama itobo eminale ni mhi ro na e le khue.

27 A khi ke kuęęa nono eminale oyi agbo ona ni oo yese-a, ama a

ke kuęęa nono eminale ni oo la o agboagbo ni Omi Ogbo o ro ya na e le. Itobo khi Eshinegba Ita o she ri obo nga li ukhomhi o mie shi oli o."

28 Igho, e ke mhila li, ee oli, "Elo anye ya ke li ni anye ro ya ke gbe akanya ni o ghole Eshinegba?"

29 IJesu o we, "Akanya oyi Eshinegba khi ni a ro mie oni o ghie suo."

30 E gbo mhila li, ee oli, "Ikanya onyaloa eneghuo u ya rieęe khase ni anye me ni anye ro ya mie e suo? Elo u ya rieęe?"

31 Eni e bia awa e le eminale ni e rote idane de kule, Abi Ebe-no-pfuase o ngme khi. 'O ri eminale ni e te idane de kule na we le.' "

32 IJesu o so we o, oo. "Egbegbingme mhi gue e ye e, a khi iMosisi o ri eminale te idane tiemhile na e le, ama Itamhe lolighuo o rote idane ri egbegbi eminale tiemhile ni e le.

33 Itobo khi eminale ni Eshinegba o ro na ogbo, loli khi oni o rote iloghie bhale ya ri agbo na egbo na agbo."

34 Ee oli, "Onomhue, kpekpere rote ana vu, ke ri oni eminale ona na anye le."

35 IJesu o so we o, oo we. "Mhemhe mhi khi eminale ni o ri agbo o na ogbo. Onini o da bhale deba mhe, okiamhi o a kea gbe oli ghue, oni o da mie mhe suo okiamhe o a tigbe ke ya gbe oli.

36 Ama mhi gueye e khi a she me mhe, ama aa kie mie mhe suo.

37 Egbo ni Itamhe o ro na mhe nya e ya bhale deba mhe, oni o da bhale deba mhe ne mhia ya khu oli vu.

38 Itobo khi eri mhi rote iloghie ilimhi tiemhile ni mhi ro rieęe oghuemhe oyi oni o ghie mhe, a khi ni mhi rieęe oghuemhe oyemhe.

39 Oghuemhe oyi Ita ni o ghie mhe khi, ni a bhale ya e khi okhoghuo eni o ro na mhe o a wa mhe-a, ali ni mhi ro guise we le ri agbo na we, ogbele ni o kpukhokho.

40 Oghuemhe oyi Itamhe khi ni ogbokpa ni o da pfi alo bino omioli, ni o gbo mie oli suo o ya mholi agbo na

* 6:31 Li ze Okiali 16.4,15; Iwolo 78.24

agboagbo. Mhi ya guise ọli le mhi gbo ri agbo na li ogbele ni o kpukhokho.”

41 Itobo khi iJesu ọọ wẹ, “Mhemhe mhi khi eminale ni o rote iloghie ilimhi tiemhile,” ẹgbo iJu e wọlo shi ọ.

42 Igho e lie, “Onana ọa she khi iJesu omi iJosefu, ni anye lese itali ali inyoli? Seẹ ọ ke lie lie khi, ‘Mhemhe khi ibuledi ni o rote iloghie ilimhi tiemhile.’”

43 IJesu ọ sọ wẹ ọ, ọọ, “A khi ke wọlo.

44 Ogbokhoghuo ọa la ọ ni ọ ya bhale deba mhe ini ọa li khia khi Ita lolighuo ni ọ ghie mhe ọ ti ọ bhale, mhi ya guise ọli le gbo ri agbo na li ogbele ni o kpukhokho.

45 Omekeguele oyi Eshinegba oghuo ọ kpẹ keke ọli shi Ebe-no-pfuase khi, ‘Eshinegba lolighuo ọ ya sese ẹgbo eyoli nya.’ Ogbokpa ni ọ da ku eso-a na Ita, ni ọ rote obọ oyoli wena, ọ ya bhale deba mhe.†

46 Aa me ogbo ni ọ me Eshinegba Ita ghue, ini ọa li khi oni ọ rote obọ oyoli bhale. Lolighuo tse ọ me ọli.

47 Egbegbi ingme mhi gueye ẹ, oni ọ da mie mhe suo, ọ she mhọli agbo na agboagbo

48 Mhemhe mhi khi eminale ni o ri agbo ọ na ogbo.

49 Eni e bia ẹ, e le eminale ni e rote idane de kule obini odagbe-ifufu, e kie ghulua.

50 Ama ọna ọ khi eminale ni o rote iloghie tiemhile, oni ọ da le ọli, ọa ya ghu.

51 Mhemhe mhi khi eminale ni o ri agbo ọ na ogbo, ni o rote iloghie tiemhile. Onini ọ da le eminale ona, ọ ya mhọli agbo na agboagbo. Oni eminale ona, idiegbe oyemhe lo, ni mhi ya ro shi eke na agbo ni e ro mhọli agbo.”

52 Abi iJesu ọ ro ngme ona se, ẹgbo iJu e nu egbe wẹ khako ekhako oniemi, ikhi. “Seẹ omose ọna ọ li ri idiegbe oyoli na awa ya le?”

53 IJesu ọọ, “Egbegbi ingme mhi gueye ẹ, ini u a li le idiegbe, ni u gbo da ọlia eyi Omi Ogbọ, wa ya mhọli agbo.

54 Oni ọ da le idiegbe oyemhe ni ọ gbo da ọlia eyemhe, ọ ya mhọli agbo na agboagbo. Ọ ya mhọli agbo itobo khi mhi ya guise ọli le gbo ri agbo na li ogbele ni o kpukhokho.

55 Idiegbe oyemhe khi egbegbi eminale, ọlia eyemhe e gbo khi egbegbi emini a da.

56 Oni ọ da le idiegbe oyemhe ni ọ gbo da ọlia eyemhe, ọ la elemhi oyemhe, mhemhe mhi li la elemhi oyoli.

57 Abi Ita ni ọ mhọli agbo ọ ghie mhe, mhi li mhọli oni agbo, Igho oni ọ da le idiegbe oyemhe ọ li ya mhọli agbo itobo oyemhe.

58 Onana lolighuo khi eminale ni o te iloghie tiemhile, ọa li abi eminale ni e rote idane de kule ni eni e bia ẹ e kpẹ le, ni e ro kie ghua. Ama oni ọ da le idiegbe oyemhe ọ ya la agbo agboagbo.”

59 Eni ingmemhi ena iJesu ọ ngme abi ọ li la elemhi owa ugamhi ni o la iKapanomu sese.

Ingmemhi eyi iJesu ni e ri agbo na agboagbo ọ na ogbo

60 Abi e ro suo eni ingmemhi ni iJesu ọọ ngme, ebubu eniye odukhokho eyi iJesu e ke, “Osese, ena e ma ze dose e. Oghuo ọ dobe ya mie shi ọ?”

61 Abi iJesu ọ ro lese khi eniye odukhokho eyoli ẹ wọlo, ọọ, “Eri ingmemhi eyemhe e yese ẹ udu-a?”

62 Seẹ a ke ẹ ngme ini a me Omi Ogbọ khi ọ nga iloghie ya shitọ obini ọ kpẹ te tiemhile?

63 Ayemhe oyi Eshinegba ọ ri agbo ẹ ẹ na ogbo, ama ogbo ọa dobe ri agbo ẹ ẹ na ogbo. Ingmemhi ni mhi nu ẹ ngme, obọ oyi Ayemhe e te ẹ ẹ bhale, wewe e ri agbo ẹ ẹ na ogbo

64 Abi o riẹ khi igho, eghuo elemhi ẹ, ẹa miesuo.” Itobo khi iJesu ọ she kpẹ te eke lese eni ẹa mie ọli suo ali oni ọ ya ri ọli de.

65 IJesu ọ gbo gueye wẹ, ọọ wẹ, “Ona o ze khi mhi gueye ẹ khi ogbo lolighuo

† 6:45 Li ze Aza 54.13

o a dobe ya bhale deba mhe se e ini Ita o ri oni afu na li.”

⁶⁶ Ro te ana vu eniye odukhokho eyoli ebubu e mu egbe pfi e a ke lama deba li.

⁶⁷ IJesu o mhila eniye odukhokho etuogbava eyoli, oo we, “Eri a nono ni a li vu?”

⁶⁸ ISamo iPita o so oli o, oo li, “Onomhue, oghuo anye ya le deba? Yeye ghuo u mholi ungmehi ni e ri agbo na agbo agbo o na ogho.”

⁶⁹ Anye miesuo, anye gbo lese khi yeye ghuo u khi Oni o pfuase oyi Eshinegba.”[‡]

⁷⁰ IJesu o so li o, oo, “Oa khi ee ogbava mhi ze? Ama oghuo elemhi e, okphaghiye o khi!”

⁷¹ IJudasi ni o khi omi iSamo Isikaroti loli iJesu o la ana ngme ingme oyoli. IJudasi o khi oghuo eniye odukhokho Ogbava ni o kie te ikpukhokho ri oli de.

7

IJesu ali inyoghuo oli

¹ Abi a ro me ona se, iJesu o kia gase eke iGalili. Oa lama je eke iJudia itobo khi eni e mhesse eyi egbo iJu e nono abi e li ya gbe oli a.

² Oni egheghe ukpe okholo oyi iJu o ti bhale.*

³ Igho Inyoghuo iJesu, ee oli, “Wa ke rote ana lase, ni u ke je obini eke iJudia ni eniye odukhokho eye e me ikanya onyaloa ni u wa gbe?”

⁴ Ogho ni o nono ni agbo e lese lue o a ya rie le ingme sheli. Abi u ro gbe ikanya oshabo ena, ri egbe e khasa agbo gbo ni e lese oni u khi.”

⁵ Egbegbo inyoghuo oli e a mie oli suo.

⁶ IJesu oo, “Egheghe oyemhe o a ramhi ne, Egheghe ni a me kpa o ti e eloe.

⁷ Egho na agbo e a dobe ya biselemhi e, ama ee biselemhi mhe itobo khi mhia gueye we khi emini ee rie le khi e a ti.

⁸ A ke je obini a la rie le ukpe, mhemhe mhia vu ne, itobo khi egheghe oyemhe o a ramhi ne.”

⁹ Abi iJesu o ngme gho se, o a ke te iGalili je ashikhoghuo.

¹⁰ Abi inyoghuo oli e ro je obini oni ukpe okholo se, o li je oobo, ama o a ze ni egbo e me lue.

¹¹ Eni e khi enighie eyi egbo iJu e la agho nono iJesu gase, e mhila, “Igho oni omose ogho?”

¹² Ebubu egbo e la oni igbaa khe ako shi ingme oyi iJesu. Eghuo e lie khi iJesu khi ogho onete lo, eghuo e khi eri o mema di egbo.

¹³ Ama oghokhoghuo o a ngme ingme oyoli lase gboo, itobo khi e na ulishi enighie eyi egbo iJu.

IJesu o la olele oyi oni ukpe sese

¹⁴ Abi a ro li oni ukpe ramhi ode, iJesu o lo elemhi owa oni emhi oyi Eshinegba, o sese egbo ungmehi oyi Eshinegba.

¹⁵ Enighie eyi iJu ni e suo oni osese, abo e sha we, e lie, “Obo omose ona ni o a ye owena okhoghuo ne o te mholi ilese enana?”

¹⁶ IJesu o so we o, o li, “Osese ni mhia sese, e a khi obo oyemhe o te bhale, ama obo oyi oni o ghie mhe bhale.

¹⁷ Oni o ghole ni o rie le oghuemhe oyi Eshinegba o ya lese khi osese ni mhia sese ini obo oyi Eshinegba o te bhale, abi khi ungmehi ni o ghole mhe mhia ngme.

¹⁸ Oni o da ngme ungmehi oyi egboli, ekpe oo nono ni egbo e ke mu na loli, eri-tse khi oni o da gbe akanya ni o ro ti oni o ghie o nga ne, loli o khi ogho ni o ti, o a ga khi ogho egboli.

¹⁹ IMosisi o a ri ishi na e? Ama onge e, o a ri eni ishi gbe. Elo o ke ze khi a nono ni a gbe mhi a?”

²⁰ Eni egbo e so oli o, ee oli, “Ayemhe okphaghiye o la e egbe! Oghuo o nono ni loli gbe-a?”

²¹ IJesu oo, “Mhi rie le onyaloa oghuo, o ro abo sha e nya.

[‡] 6:69 Li ze iMat 16.16; iMak 8.29; iLuk 9.20 * 7:2 Li ze iLev 23.34; iDeut 16.13

22 Ama abi o rię khia khi iMosisi o ri ushi ishẹlẹ-a na ẹ (ọa mema khi obọ oyi iMosisi o te bhale, ama rọte obọ oyi eni e bia awa, o rọte bhale), eri a kiele ẹ shẹlẹ ọmọ a ogbẹlẹ iyemhẹa oyi ẹgbọ iJu.†

23 Ini a shẹlẹ ọmọ a ogbẹlẹ iyemhẹa oyi ẹgbọ iJu, ini a khi gbe Ushi oyi iMosisi a, elọ zẹ khi a wola khi mhi rọ ọni ọọ ghua ze ogbẹlẹ iyemhẹa?‡

24 A khi ke bino ogbọ alo gue ogbọ ẹzọ, a ke sọ ẹzọ shi abi o li.”

Ẹgbọ e mhila ini iJesu o khi Oni Omiepfuese?

25 Ẹghẹghẹ aghọ ẹgbọ eghuo ni e la iJerusalemu e liẹ, “Ọa khi ọmọse ọna enighie eyi iJu ẹẹ dua abi e li ya gbe a?”

26 Ghe ọli shọ! Ọa khi lọli ọ la ana ngme gbo ena ni ogbọkhoghuo ọa li ọli emhikhoghuo! Abi khi eri enighie e she lama egbegbọ khi lọli ọ khi iKirisiti?

27 Awa aa lẹsẹ obini ọmọse ọna ọ te bhale. Ama ẹghẹghẹ ni iKirisiti ọ rọ ya bhale, ogbọkhoghuo ọa ya lẹsẹ obini ọ te ya bhale.”

28 Abi iJesu ọ rọ la elemhi Owa oyi Ẹshinegba sẹsẹ, ọ tsẹsẹ lasele, ọọ, “A lẹsẹ mhe, a gbo lẹsẹ udi-apfe ni mhi te lasele, ọa khi mhemhẹghuo mhi ghie egbemhẹ bhale akana, ama ọni ọ ghie mhe, ọna igesikia lọ. Aa lẹsẹ ọli.

29 Ama mhi lẹsẹ ọli itobọ khi obọ oyọli mhi te bhale, lólighuo ọ ghie mhe bhale.”

30 Itobọ ona e nono abi e li ya mu ọli. Ama ogbọ khoghuo ọa khu ọli, ẹa ri obọ ti ọli, itobọ khi ẹghẹghẹ oyọli ọa ramhi ne

31 Ama ebubu ẹgbọ e kie mie ọli suọ, e ke, “Ini ọni iKirisiti ọ bhale, ọ ya gbe ikanya ọnyalo ni e dọsẹ eni ọmọse ọna ọọ gbe ena?”

A ghie eni ẹ khẹ ekhẹ e ka mu iJesu bhale

32 Ẹgbọ iFarisi e suọ ingme ni ẹgbọ e ngme shi iJesu egbe. Eni iFarisi ali ighie eyi ekpodalo-ugamhi e ghie eni

e la Owa Oyi Ẹshinegba ẹ khẹ ekhẹ e ka mu ọli bhale.

33 IJesu ọọ li, “Ukuku ẹghẹghẹ mhi mhọli ya nu ẹ la akana, mhi ya nyenẹ egbe je oyi Ita ni ọ ghie mhe.

34 A ya nono mhe, ama aa ya mẹ mhe, ashini mhi ya la aa dọbẹ ya ramhi aghọ.”

35 Enighie eyi iJu e nu egbe wẹ ẹ ngme, e liẹ, “Obo ọmọse ọna ọọ lẹ ni ọ rọ liẹ khi awa aa ke ya mẹ luẹ? Eri ọ vu ẹ je ifui ẹoli oyi ẹgbọ iGiriki, obini ẹgbọ eyawa e kia miatsẹku, ni ọ la obọ ke sẹsẹ ẹgbọ iGiriki?”

36 Elọ iJesu ọ rọ li ngme, abi ọ rẹẹ, a ya nono mhe aa mẹ mhe, ali obini mhi ya la aa dọbẹ ya ramhi aghọ?”

37 Ogbẹlẹ ni o kpukhokho oni ukpe, ni khi khi ogbẹlẹ ni o mu ẹloe nẹ nya, iJesu ọ vule, ọ rue unu leghe, ọọ li, “Oni okiamẹ ọọ gbe ọ bhale deba mhe ya mọ amẹ da.‡

38 Ebe-no-pfuasẹ o ngme ghọ khi ọni ọ mie mhe suọ khi okẹ ni o mhọli amẹ eni ri agbọ a na ogbọ o ya rọte agbọ oyọli ke tu lasele.”*

39 Ayemhẹ ni eni mie ọli suọ e ya mie ẹlẹlẹ, iJesu ọ ri oni amẹ agbọ o na a ngme. Ramhi oni ẹghẹghẹ, oni Ayemhẹ ọa bhale ne, itobọ khi aa yasẹ iJesu nga ufumhi oniemhi ne.

Eni ẹgbọ ẹa ke lama shi egbe o

40 Abi eni ẹgbọ e rọ suọ ingmemhi eyọli, ẹgbọ eghuo e ke, “Ọmekẹguele ọmọse ọna ọ khi egbegbọ.”

41 Ẹgbọ elese e ke, “Lọli ọ khi ọni Omiepfuese.” Elese ẹẹ, “Sẹẹ Omiepfuese ọ li rọte iGalili lasele?”

42 Ebe-no-pfuasẹ o guele khi ọni Omiepfuese, khi unuẹkpẹ oyi iDefidi ọ ya te lasele, iBetilẹemu a ya bia li shi, ẹoli oyi iDefidi.”†

43 Ighọ okemhi o ri itobọ iJesu lo wẹ iteva.

44 Ẹgbọ eghuo e nono ni ẹwẹ e mu ọli, ama ogbọkhoghuo ọa ri obọ ti ọli.

Umha mie iJesu suọ oyi Enighie eyi ẹgbọ iJu

† 7:22 Li zẹ Igbae 17.10; iLev 12.3 ‡ 7:23 Li zẹ iJon 5.9 § 7:37 Li zẹ iLev 23.36 * 7:38 Li zẹ Ezik 47.1; iZaka 14.8 † 7:42 Li zẹ 2 iSam 7.12; iMika 5.2

45 Abi eni e la Owa oyi Eshinegba oniemi e e kẹ ekẹ e rọ je deba iFarisi ali ighie eyi ekpodalo-ugamhi, e mhila wẹ, “Elo e zẹ khi a mu iJesu bhale ghi anye?”

46 Eni egbo ni e kẹ ekẹ, e sọ wẹ o, e li. “Ogbokhoghuo ọa tigbe ngme abi omose ọna o liẹ ngme ghue.”

47 IFarisi e mhila wẹ, e e, “Eri iJesu o she li di e?”

48 “Aa tigbe mẹ ogbo iFarisi ali enighie eyi egbo iJu ni e mie ọli suọ?”

49 Iiye! Ama eni egbo ebubu ena ẹa lẹsẹ Ishi eyi iMosisi. Itobo igho egbo ni Eshinegba o pfi unu na e khi.”

50 INikodemosi ni o li khi otuoghuo eni e mhesẹ elemhi egbo iJu ni o kpe ya mẹ iJesu eliyose, o mhila eni egbo, oo,‡

51 “Ushi oyawa ọa fe ngme gho a khi pfa ezọ umha-gueli mu ogbo ini aa li suọ ezọ ni o ya gue, ali a gbo guanọ emini oo riele?”

52 E kẹ o li, “Onge iGalili yeye u li khi? Ka riele ebe zẹ egbegbo khi u ya mẹ khi omekeguele oo ya rọte iGalili bhale.”

53 Igho ogbogbo nya ni o la agho, o je apfe oyoli.

8

Okpotso ni a gazu okia

1 IJesu o je ukhomhi ute oyi ẹra olivu.

2 Eluzogbe fiefie, iJesu o gbo bhale elemhi Owa oyi Eshinegba, ebubu egbo e bhale deba li, o shitọ o sesẹ wẹ.

3 Esese Ishi eyi iMosisi ali iFarisi e mu okpotso ni a gazu okia obo-obo bhale ghi iJesu, e rọ ọli migha odalo igbaa.

4 Eẹ iJesu, “Osese, eri a ga okpotso ọna zu okia.

5 IMosisi o she kpe rọ oni ushi shi eke na anye, khi, okpotso ni a da ligho gazu okia, a ke tono ọli eche gbe-a. Elo u mhue ya ngme shi ona mena?”*

6 Eri e ri ona kpe igha kẹ iJesu ini o ngme ungmehi ni e ya rọ ri ingme

de o. Igho iJesu o nyese egbe, o ri umiesobo o keke emhi shi eke.

7 Abi e kie li mhila iJesu oni ogbo ona, iJesu o vule, oo, “Oni o lese khi lofi ẹa kpe lamhe olamhe ghue o kpe to ọli eche.”

8 O gbo nyese egbe, o keke emhi shi eke.

9 Abi e rọ suọ ingme ni iJesu o ngme, e gbhiaku-a otuoghuo-oghue rọte eni egbhali. O ke lese kpe iJesu ali oni okpotso le shi agho ni o kie migha.

10 IJesu o vule, oo oni okpotso, “Ighie eni egbo ni e pfa ezọ mu e?”

11 Oni okpotso oo li, “Mhi aa mẹ ogbokhoghuo, Onomhue.” IJesu oo li, “Mhemhe mhi aa li pfa ezọ mu e, ama ke le, khi ke gbo lamhe.”

12 IJesu o gbo nu iFarisi ngme, oo wẹ, “Mhemhe mhi khi akpa oyi agbo. Oni o da deba mhe ne, ọa ya tigbe kia alo ebili, o ya mhọli akpa ni o ri ode agbo a khase ogbo.”†

13 Eni iFarisi eẹ ọli, “Egbe e u pfi otselẹ na, egbo ẹa ya rue otselẹ oye shi igesikia.”‡

14 IJesu oo, “Iiye, ini mhi tseku pfi otselẹ na egbemhe, egbegbi otselẹ lo ni mhi pfi na egbemhe, itobo khi mhi lese obini mhi te bhale ali obini mhia je. Eẹ, aa lese obini mhi te bhale wẹkhi obini mhia je.

15 Abi egbo na agbo e li e sọ ezọ eẹ a liẹ sọ ezọ, ama mhemhe mhi aa pfa ezọ mu ogbokhoghuo.

16 Ini mhi ya sọ ezọ, egbegbo ezọ mhia sọ, itobo khi ọa khi mhemheghuo mhi la. Ita ni o ghie mhe o nu mhe la.

17 A keke ọli shi ebe ushi oyeẹ khi otselẹ oyi egbo aava, o migha shi egbegbi otselẹ. §

18 Mhi pfi otselẹ na egbe mhe, Ita ni o ghie mhe o gbo pfi otselẹ na mhe.”

19 Eghẹghẹ ana eni egbo e mhila li, “Ighie Itẹ?”

IJesu oo wẹ, “Aa lese mhe wẹkhi Itamhe a lese. Ini a lese mhe lo, a kha li lese Itamhe.”

‡ 7:50 Li zẹ iJon 3.1-2 * 8:5 Li zẹ iLev 20.10; iDeut 22.22-24 † 8:12 Li zẹ iMat 5.14; iJon 9.5 ‡ 8:13 Li zẹ iJon 5.31 § 8:17 Li zẹ iDeut 19.15

20 Elemhi Owa oyi Eshinegba o la ngme eni ingmemhi ena abi o kie li sese egbo, epfe ashini a ri ikpati ni a ri ikpagho isomhopfa a shi o migha. Ogbokhoghuo o a kie mu oli, itobo khi egheghe oyoli o a ramhi ne.

21 Ijesu o gbolo lie we, "Mhi ya vu, a ya nono mhe, a ya ghu shi olamhe oye e. Aa ya dobe ramhi obini mhia je."

22 Egbo iJu ee, "O khi awa aa dobe ya a ramhi obini loli a je. Eri o fe ri ona a lie khi loli ya gbe egbeoli-a?"

23 Ijesu oo, "Egbo ena ooke-ola a khi, mhemhe mhi rote iloghie tiemie. Egbo ena agbo ona ee a khi, mhemhe mhia khi onge agbo ona."

24 Itobo igho mhi ro lie khi a ya ghu shi olamhe oye e ini a da miesuo khi mhemhe mhi khi oni mhi khi mhi khi."

25 Egbo iJu e mhila li, "Oghuo u khi?"

Ijesu oo, Oni mhi kie kpe rote igbaekele lie khi mhi khi, mhi khi.

26 Mhi mholi ebubu ingme ali ebubu umha-guekia ni mhi kha gue shi e egbe. Oni o ghie mhe, ona igesikia o khi, ingmemhi ni o gueye mhe, mhi gue e ye agbo.

27 Ea lese khi ingme oyi Ita li ijesu o gueye we.

28 Ijesu oo, "Ini a da tsua Omi Ogbolodane shi ukhomhi oora apfida a ya lese khi oni mhi khi mhi khi, mhi khi. Oni egheghe a ya lese khi o a khi itoto oyemhe mhi ro rielle emini mhia rielle, ama emini Ita o sese mhe, mhia gueye agbo."

29 Oni o ghie mhe o nu mhe la, o a pfi mhe shi eke tse, itobo khi oghuemhe oyoli mhia rielle egheghe kpa."

30 Ebubu egbo ni e suo khi ijesu o ngme eni ingmemhi ena e mie oli suo.

Igesikia o ya rue e o le

31 Ijesu o gueye egbo iJu ni e mie oli suo, oo we, "Ini a ri emini mhia sese e gba akanya, egbegbi eniye odukhoko eyemhe a khi."

32 A ya lese igesikia ni o la ingme oyi Eshinegba, oni igesikia o ya rue e o le."

33 Eni egbo iJu ee oli, "Imi Aburaamu anye khi, anye aa tigbe kpe lo ighumha oyi ogbokhoghuo ghue! Elo u ro li e ngme, ini u wa lie khi anye ya khi eni a rue ighumha lasele?"*

34 Ijesu o so we o, oo, "Egbegbi-ingme mhi gue e ye e, khi ogbokpa ni o da lamhe olamhe, oghumha oyi olamhe o khi"

35 Oghumha o a ya la apfe oyi oni o mholi oli agboagbo, ama, omi omhue-apfe oo la apfe agboagbo.

36 Ini Omi Eshinegba o da rue e ighumha le, egbegbo a rue e ighumha le.

37 Mhi lese khi imi Aburaamu a khi, ama a nono ode ni a te ya gbe mhe a, itobo khi aa nono ingme ni mhi gueye e.

38 Emini Itamhe o rokhase mhe mhi gueye e, ama emini Ita e o gueye e, a rielle."

39 E o li, "Aburaamu khi Ita anye." Ijesu o ke, "Ini imi Aburaamu a kha khi egbegbo lo, a kha ke rielle emhi enabi o rielle."

40 Abi o ri rie kha khi egbegbo ingmemhi ni Eshinegba o gueye mhe mhi gueye e, ama a dua abi a li ya gbe mhe a. Aburaamu o a rielle emhi eghogho!

41 Abi a li ena, igho ita e o kpe li." Ee oli, "Anye a khi eniye ni a bia shi ukhomhi okia, Eshinegba o khi Ita oghuo kpe ni anye mholi."

42 Ijesu oo we, "Ini Eshinegba o khi Ita e lo, a kha nono ingme oyemhe, itobo khi obo oyi Eshinegba mhi te bhale, ni mhi ro la akana, o a khi omhese oyemhe o re mhe bhale, ama loli o ghie mhe bhale."

43 Elo o ze khi ingmemhi ni mhi ngme khi ea lo e eso? Itobo khi aa lama ri egbe mie ingme ni mhi gueye lo."

44 Eniye eyi Okphaghiye ni o khi ita e a khi, oghuemhe oyi ita e a nono ni a ke rielle. Rote igbaekele o te khi ogbolodane-egbo-a ali oloegbhuwe. Igesikia o a la li unu. Ingmemhi eyi oli, egbholi e khi nya, itobo khi eri oo lo egbholi abi o li. Loli o khi ita egbholi nya."

* 8:33 Li ze iMat 3.9; iLuk 3.8

45 Ama igesikia mhi gueye e khi, itobo igho aa ro lama mie mhe su?

46 Oghuo elemhi e o dobe ya guele khi mhi mholi ipfido? Ini igesikia mhi gueye e, elo e ze khi aa mie mhe su?

47 Oni o da khi oyi Eshinegba o mema ya ri eso shi ingmemhi eyi Eshinegba, ama ee aa khi eyi Eshinegba loli o ze khi aa lama ro shi ungmehi oyi Eshinegba.”

Emini iJesu oo khi loli khi

48 Eni egbo iJu e so oli o, “Anye a guo ngme oli mena ni anye ro ye khi onge iSameria u khi, ali khi ayemhe okphaghi e o la e egbe?”

49 IJesu o ke we, “Mhi aa mholi ayemhe okphaghi e. Ama mhi ri ekpe na Itamhe, ama ee a ri elo e gbe mhe.”

50 Aa khi eri mhia nono ni egbo e ri ufumhi na mhe; ama oni oo nono ni a ro ekpe na mhe, loli o khi oni o so ezo ti elo e.

51 Egbegbi-ingme mhi gue e ye e, oni o da ro shi osese oyemhe ne, oa tigbe ya ghu ghue.”

52 Egbo iJu ee oli, “Eena anye tigbe lese khi ayemhe okphaghi e o la e egbe. Aburaamu o she ghua, emekeguele e she ghua, ama wa guele khi oni o da ro shi osese eye oa tigbe ya ghu ghue.”

53 Ita awa Aburaamu o she ghua, eri u ke e lie khi u fu dose Aburaamu? Emekeguele e she li ghua. Oghuo u fe sa khi u khi?”

54 IJesu oo li, “Ini mhi ti egbe mhe nga, oni itinga o khi afue. Itamhe oni ee a lu Eshinegba oye e, loli o khi oni o ti mhe nga.”

55 Ee a kpe tigbe lese oli, ama mhi lese oli. Ini mhi e khi mhia lese oli, oloegbhue oni abi ee ena mhi kha khi. Ama mhi lese oli, mhi gbo ri ungmehi oyoli gbe akanya.

56 Eri o ri egbe mu Aburaamu ita e, abi o ro sa usamhi abi loli ya li me ogbele ibhale oyemhe. Abi o ro me ibhale oyemhe, o ghele.”

57 Egbo iJu ee oli, “Waa gbe ikpe egbhueva ali igbe ne, wekhi eri u me Aburaamu!”

58 IJesu o li, “Abi o li mhi li gue oli ye e, neni a bia Aburaamu, mhi she kpe la!”

59 Igho e san o eche khi weye ya tono oli, ama, o ri egboli sheli, o rote we ifuabo wa, o ya fie Owa oyi Eshinegba lase.

9

IJesu o khueghie ozalo alo a

1 Abi iJesu o li kia ode le, o me omose oghuo ni a bia shi ozalo.

2 Eniye odukhokho eyi iJesu e mhila li, “Osese, oghuo o lamhe ni o ze khi a bia omose onana ozalo? Olamhe oyoli lo, abi eyi eni e bia li?”

3 IJesu oo we, “Oa khi olamhe oyoli, wekhi eni e bia li, ama eri o ze alo ni Eshinegba o ri ekpabo oyoli khas e elemhi agbo oyi oni ozalo.”

4 Ogbe o kha da kie la o ne, awa mema ya ke gbe ikanya eyi oni o ghie mhe, ele iyose o o bhale ni ogbokhoghuo oa ke ro dobe ya gbe akanya.

5 Abi mhi li la agbo ena, mhemhe mhi khi oni o ri akpa a na egbo ni e la agbo.”*

6 IJesu o ngme ona se, o tono ete shi eke fose igbol o ro ma li alo.

7 O o oni omose, “Ke je oke ni a lu iSiloamu ni u ya kpe alo a.” Usomhi ni a ghie, a ri iSiloamu ngme. Igho oni omose o li vu ya kpe alo-a. O o jele apfe, oo me eke.

8 Egbo eni e ga la kugbe ali egbo ni e kpe me oli khi oo ye omhila, ee. “Onana oa she khi ozalo ni o kpe e shito akana mhila?”

9 Egbo eghuo ee, “Loli lo,” ama eghuo ee, “Iye o! Oa khi loli, eri ona o li kho li.” Ama oni omose oo, “Mhemhe o khi guegue.”

10 E mhila li, “Se o li kia ni u ro ke e me eke?”

11 O we, “Omose oghuo ni a lu iJesu o fose igbol o ma mhe alo, o mhe mhi je oke iSiloamu ya kpe alo a. Igho mhi le ya kpe alo-a, loli mhi ro o me eke.”

* 9:5 Li ze iMat 5.14; iJon 8.12

12 E ọli. "Ighe ọli?" Ọọ wẹ, "Mhi aa lẹse."

Egbọ iFarisi e de udi irọze oyi oni omose

13 E rue oni omose ni ọ kpe zẹ alo ghi egbo iFarisi.

14 Ogbele iyemhea oyi egbo iJu iJesu ọ rọ fose igbolọ rọ khueghie oni omose alo-a.

15 Eni iFarisi e mhila oni omose abi o li kia ni ọ rọ ke ẹ me eke. Ọọ wẹ, "Ijesu ọ ri igbolọ ma mhe alo, mhi kpe alo-a, mhi rọ ọ me eke memena."

16 Eghuo eni iFarisi ẹẹ, "Omose ni ọ riele ona ọa rọte obọ oyi Eshinegba bhale, itobọ khi ọa ri ushi oyi ogbele iyemhea oyi egbo iJu gbe akanya." Egbo iFarisi elese ẹẹ, "Se ogbo olamhe ọ li dobe ya gbe akanya onyaloa onana?" Ingme ona o pfi umhalama shi egbe ọ na wẹ.

17 Igho eni egbo iFarisi e mhila oni omose, "Yeye ni iJesu ọ khueghie alo-a, elo u me ya ngme shi ingme oyoli?"

Ọọ wẹ, "Omekeguele lo."

18 Eni egbo iJu ẹa kie miesuo khi oni omose ọ kpe zẹ alo, ali khi eri a khueghie ọli alo-a. O ya ramhi ni e rọ ghie ya lu eni e bia oni omose,

19 E mhila wẹ, "Omi ẹ na? Onana ẹ khi ozalo a bia li? Se o ke li kia ni ọ rọ ke ẹ me eke?"

20 Eni e bia li ẹẹ wẹ, "Anye lẹse khi omi anye lo, anye gbo lẹse khi ozalo anye bia li.

21 Ama anye aa lẹse abi ọ li kia ni ọ rọ ke ẹ me eke, anye aa gbo lẹse oni ọ khueghie ọli alo-a. A mhila li, ọa ke khi omọ, ọ dobe ya ngme na egboli."

22 Itobọ khi ulishi egbo iJu o mu eni e bia li e rọ ngme na. Irari khi eni egbo iJu e she kpe ngme ọli shi oghuo, khi ogbo ni ọ da mie shi ọ khi iJesu khi iKirisiti, khi eri a khu ọli owa ugamhi ya fiẹ.

23 Itobọ ona eni e bia li e rọ lie, "O fu te ni ọ ngme ẹ na egboli, a mhila li."

24 Utonuzeva, e gbo lu omose ni ọ kpe zẹ alo, ẹẹ ọli, "Romhi Eshinegba khi u ya gue igesikia ye anye. Itobọ khi anye lẹse khi omose ni ọ rẹ ze khi ogbo olamhe lo."

25 Ọọ wẹ, "Mhi aa lẹse ini ogbo olamhe lo, ama emhi oghuo ni mhi lẹse khi, ozalo mhi kpe khi, ama memena mhi she ẹ me eke."

26 E mhila li, "Se ọ fe li ẹ? Se ọ li khueghie-a ẹ alo a?"

27 Ọọ wẹ, "Mhi kpe gueye ẹ, aa lama shi mhe ọ, elo o ke zẹ ni a rọ ọ nono ni a gbo suo oni ungmehi? Eri a li ẹ nono ni a li khi eniye odukhokho eyoli?"

28 E tsue ọli, ẹẹ ọli, "Omọ odukhokho oyi oni omose ona yeye u khi, ini itse lo, ama eniye odukhokho eyi iMosisi anye khi.

29 Anye lẹse khi Eshinegba ọ nu iMosisi ngme, ama anye aa lẹse obini omose ona ọ te bhale."

30 Oni omose ọọ wẹ, "Uza lo e, ni aa rọ lẹse obini ọ te bhale, ama lolu ọ khueghie mhe alo-a.

31 Awa lẹse khi Eshinegba ọa ya suo iromhi oyi egbo olamhe, ama iromhi oyi eni e ri ekpe na li ọọ suo, ali eni ẹ riele emini ọọ nono e riele.

32 Rote igbaekele agbo, aa tigbe suo ogbo ni ọ khueghie ozalo ni o khia khi igho a bia li alo a ghue.

33 Ini ọa khia khi omose ona khi obọ oyi Eshinegba ọ te bhale lo, ọa kha dobe li emhikhoghuo."

34 E ọli, "Elemhi olamhe a bia ẹ shi, ni a la kuẹle, se u li a nono ni u ke sese anye?" Igho e khu ọli elemhi owa ugamhi ya lase ọ khi ke gbo bhale ọ ghue.

Itase-alo-a ona ayemhe

35 Abi iJesu ọ rọ suo khi a khu oni omose owa ugamhi ya lase, ọ nono ọli me, ọ mhila li, ọọ li, "U mie Omi Ogbo suo?"

36 Oni omose ọ li, "Oga, gueye mhe oni Omi Ogbo ọ khi, ni mhi mie ọli suo!"

37 Ijesu ọọ li, "U she me ọli, lolu ọ ga nu ẹ ngme ena."

38 Oni omose ọ li, "Onomhue mhi miesuo." Ọ wuga ọ kuẹghie iJesu.

39 Ijesu ọli, "Eri mhi bhale agbo ona ya gue egbo ezọ, ishegho ni egbo ni e zalo e ke me eke, ni eni e kpe ẹ me eke ni e zẹ alo."

⁴⁰ Egbọ iFarisi eghuo ni e la akaghọ e suọ ingme ni ọ ngme, e mhila li, “Eri u wẹ khi ezalo anye li khi?”

⁴¹ IJesu ọọ wẹ, “Ini ezalo a khi lọ, aa kha mhọli umha-guekia, ama abi ẹẹ a ke rọ yẹ khi a mẹ ekẹ na, onana o rọkhasẹ khi ena olamhẹ a khi.”

10

Okhẹ oyi ọrisumhafia

¹ IJesu ọọ, “Abi o li mhi li gue ọli ẹ yẹ ẹ, khi, ọgbọ ni ọa da rọte ode unuekpẹ lo ogba ni a ri isumha shi, ni ọ rọte oboese nga fiala lo ne oghiatọ ali ọni ọ li iko ọ khi.

² Ọgbọ ni ọ rọte ode unuekpẹ lo, lọli ọ khi ọrisumhafia oyi isumha.

³ Eri ọni ọọ khẹ ekhẹ ode unuekpẹ ọ khueghie ode-a na li, eni isumha ẹ suọ uruli oyọli ini ọ lu isumha eyọli eva abi ọ ri eva na wẹ, ọ rẹ wẹ kia lase.

⁴ Ọ kha da rẹ wẹwẹ nya fiẹ lase ne, eri ọọ ralo na wẹ, eni isumha ẹẹ deba li, itobọ khi e lẹsẹ uruli oyọli.

⁵ Ẹ a ya deba ọgbọese, eri ẹ ri ochoghọ mẹ ọli ya ke na, itobọ khi ẹa lẹsẹ uruli oyọli.”

⁶ Eri iJesu ọ zẹ okhẹ ona rọ nu wẹ ngme, ama ẹa lẹsẹ emini ọ ri ọli ngme.

IJesu ni ọ khi ọrisumhafia ọnete

⁷ Ighọ iJesu ọ gbo lẹ, “Egbegbi-ingme mhi gue ẹ yẹ ẹ, mhemhẹ mhi khi ode unuekpẹ ni isumha e rọte ẹ lo, ni e gbo te ẹ dọsẹ fiẹ.

⁸ Egbọ ni e kpẹ bhale khẹ mhẹ, ighiatọ ali eni ẹ li iko e khi, ama eni isumha ẹa ri esọ shi wẹ ọ.

⁹ Mhemhẹ mhi khi ode unuekpẹ, ọnini ọ da rọte mhemhẹ egbe ne, a ya mie ọli pfuese, ọ ya fiẹ, ọ lo le, ọ mẹ emhi le.

¹⁰ Eri oghiatọ ọ lẹsẹ bhale ya do, ọ gbe-a, ọ pfuse-a tse, ama mhi she bhale ni a mhọli agbọ, ni a mhọli ọli gba pfo.

¹¹ “Mhemhẹ mhi khi ọrisumhafia ọnete. Eri ọrisumhafia ọnete ọ ri agbọ oyọli shi ekẹ ni eni isumha eyọli.

¹² Ọni a mie shi akanya irisumhafia ọa khi lọli ọ mhọli eni isumha, ini

ọ mẹ khi akpogene ọọ bhale, ọ na tsua isumha kua, ọni akpogene ọ tsua rughu eni isumha, ọ vese wẹ kua.

¹³ Ọni a mie shi oni akanya irisumhafia ọ na vu, itobọ khi eni isumha ẹa khi eyọli, ali khi ẹa mu ọli egbe.

¹⁴ “Mhemhẹ mhi khi ọrisumhafia ọnete, mhi lẹsẹ isumha eyemhẹ, eni isumha e lẹsẹ.

¹⁵ Abi Ita ọ li lẹsẹ mhẹ, ighọ mhemhẹ mhi lẹsẹ ọli, ighọ mhi rọ ri agbọ oyemhẹ shi ekẹ na eni isumha.*

¹⁶ Isumha elese e laọ ni ẹa la elemhi ogba oyi isumha ona memena. Mhi mema fiẹ ya wolọ wẹ ma ọ. E ya suọ uruli oyemhẹ. E ya kugbe khi ọghuo, e mhọli ọrisumhafia ọghuo. ¹⁷ Ita ọ nono ingme oyemhẹ, itobọ khi mhi lama ri agbọ oyemhẹ shi ekẹ, ni a rọ bhale ya ẹ khi mhi ya gbo mẹ ọli rue.

¹⁸ Aa mẹ ọgbọkhoghuo ni ọ ya dobe mie mhẹ agbọ oyemhẹ. Mhemhẹ ọghuo mhi rọ li shi ekẹ. Mhi mhọli afu ni mhi rọ ọ zẹ ọli obọ, mhi gbo dobe ya rue ọli ini o ghọle mhẹ. Omhese ona Itamhẹ ọ gueye mhẹ mhi riẹle.”

¹⁹ Eni ingmemhi enana e gbo pfi umhalama shi egbe ọ na egbọ iJu.

²⁰ Ebubu egbọ e liẹ, “Ayemhẹ ọkphaghie o la li egbe, ujili ọọ kpha li. Elo e zẹ khi a ri esọ ọ shi ọli ọ?”

²¹ Ama egbọ elese, ẹẹ ọli, “Ingmemhi enana ẹa dobe ya rọte unu oyi ọgbọ ni ọ mhọli ayemhẹ ọkphaghie lasele! Ayemhẹ ọkphaghie o dobe ya khueghie ọzalo alo a?”

²² Oni eghẹghẹ o khi eghẹghẹ oru-ame ni a rọ li ukpe ni a rọ yelele abi a li ri Owa oyi Eshinegba riẹle nga Eshinegba obọ. Eghẹghẹ ulili lọ.

²³ IJesu ọ la atukpapfe oyi Owa oyi Eshinegba kia, ashini a lu arakpha oyi iSolomoni.

²⁴ Ebubu egbọ iJu e le gase ọli, e mhila li, “Ele u ri anye ya shi alo ebili ramhi? Khueghie igesikia ni o la ọ-a khase anye ini yeye u khi iKirisiti!”

²⁵ IJesu ọọ wẹ, “Mhi she kpẹ gueye ẹ, ama aa lama mie mhẹ suọ. Ikanya

* **10:15** Li zẹ iMat 11.27; iLuk 10.22

onyaloo ni mhi ri itoto oyi Ita a gbe, wewẹ e pfi ọtsele na mhe.

²⁶ Ama aa lama miesuo, itobo khi aa la elemhi isumha eyemhe.

²⁷ Isumha eyemhe ee suo uruli oyemhe, mhi lese we, ee deba mhe.

²⁸ Mhi ri agbo na agboagbo na we, ea tigbe ya pfua. Aa me oni o ya dobe mie mhe ewe obo.

²⁹ Itamhe ni o ri eni isumha nga mhe obo, o fu dose ogbokpa. Aa me oni o dobe ya mie Ita ewe obo.

³⁰ Mhemhe ali Itamhe oghuo anye khi.”

³¹ Eni egbo iJu e gbo sanọ echẹ eke e tono ọli.

³² Ijesu oo we, “Mhi she gbe ikanya ebubu ukpeloe oye e, ni o khia khi Itamhe o ri itoto na mhe ni mhi ro gbe we, onoghoo a tono mhe echẹ e shi o?”

³³ Eni egbo iJu ee ọli, “Oa khi itobo ikanya enete e ze ni anye ro a tono e echẹ, ama, itobo khi u pfi unu-a! Se yeye ogbo afue-afue u li e ke lie khi Eshinegba u khi?”†

³⁴ Ijesu oo we, “A she kpe keke ọli shi ebe Ishi eyi iMosisi khi Eshinegba oo lie khi, ishinegba ee a khi.‡

³⁵ Anye she kpe lese khi emini ebe onopfuase o ngme khi igesikia o khi agboagbo, khi egbo ni a she kpe gue ingme oyi Eshinegba ye, Eshinegba o lu ishinegba.

³⁶ Ita o she ze mhe oda kee neni o ghie mhe bhale agbo, ini mhi ngme ghọ khi Omi Eshinegba mhi khi, se a ke li a lie khi mhi a pfi unu-a?

³⁷ A khi mie mhe suo, ini mhi aa ya ri ele emini Itamhe o ri ele.

³⁸ Ama ini mhia ri ele we, ini aa ro tseku mie mhe suo, a mie ikanya onyaloo ni mhia gbe suo, ni a ro lese khi Ita o la elemhi oyemhe, mhemhe mhi li la elemhi oyi Ita.”

³⁹ Igho e ke gbo li dua ni wewe e mu ijesu, ama o pfue we, oa ze we mu.

⁴⁰ Ijesu o da oke iḵṇani je ukiekie ashini iḵṇi o ke la batazi egbo. Igho o bie ya la akaghọ. §

⁴¹ Ebubu egbo e bhale akaghọ deba li. Ee, “Iḵṇi oa gbe ikanya onyaloo okhoghoo, ama ingmemhi ni iḵṇi o ngme shi ingme eyi ijesu, e bhale ya tse nya.”

⁴² Ebubu egbo ni e la akaghọ e mie ijesu suo.

11

Eghuli oyi iLazarosi

¹ Omose oghoo ni a lu iLazarosi ni o la eoli iBetani, Oo ghua. IBetani iMeli ali inyoghoo ọli ni okpotso ni a lu iMata e la.*

² IMeli ona o ke ku ituale ni o pfi ku Onomhue awe, ni o gbo ri itsu ni e la li ukhomhi shishi o ewe-a. Loli o khi inyoghoo iLazarosi ni o yeshi i ghua.†

³ Inyoghoo ọli eni ikpotso e ghie usomhi ghi ijesu, e o li, “Onomhue, omole e oo ghua.”

⁴ Abi ijesu o ro suo ona, oo li, “Ughuamhi ona, oa ya gbe ọli, ama, eri a me onana ni a me asha khi ufumhi na Eshinegba ali Omi Eshinegba.”

⁵ Ijesu oo nono ingme oyi iMata ali iMeli ali iLazarosi.

⁶ Abi o ro tseku suo khi iLazarosi o ghua, o kie la ashini o la ramhi ogbele eva.

⁷ Igho o gueye eniye odukhokho eyoli, oo we, “A ze ni awa mu egbe pfi je obini eke iJudia.”

⁸ Eniye odukhokho eyoli e o li, “Ose se, ode o a nu ne ni egbo iJu e ro o nono ni wewe tono e echẹ. Oobo wa nono ni u gbo nyene egbe je?”

⁹ Ijesu oo we, “Oa khi te ele uzogbe ramhi ele ogbomhi awa ro o me eke? Oni oo kia ini ogbe o la o, oa ya khi owe, itobo khi akpa oyi agbo ona o ro o me eke.

¹⁰ Ama ini o ri alo ebili e kia, o ya khi owe, itobo khi oa mholi akpa ni o ro o me eke.”

¹¹ Abi o ke ro ngme onana se, o gueye we, oo we, “iLazarosi omole awa o she lese, ama mhia le ni mhi ya guise ọli le.”

† 10:33 Li ze iLev 24.16 ‡ 10:34 Li ze iWolo 82.6

† 11:2 Li ze iḵṇ 12.3

§ 10:40 Li ze iḵṇ 1.28 * 11:1 Li ze iLuk 10.38-39

12 Eniye odukhokho eyoli e o li, “Abi o ro da lese-a egho, o ya ze.”

13 Eri iJesu o ro li lie khi iLazarosi o she ghua, ama e dabi khi egbegbi olese o ngme.

14 Igho iJesu o guele gboo khi iLazarosi o she ghu-a.

15 Ama itobo oye e, egbe e mu mhe shi o khi mhi aa nu oli la akaghoni o ro ghu-a, ni a ro mie mhe suo. A ze ni awa le deba li.

16 ITomosi ni a gbo li e lu iDidimosi, oo eniye odukhokho enekpole, “A ze ni awa li deba Osese je oobo ni awa nu oli ghu-a.”

17 Egheghe ni iJesu o ke ro ramhi agho, o bhale ya e khi o she ramhi ele ene abi a te ri iLazarosi to.

18 Rote iBetani je iJerusalemu o ramhi imali eva.

19 Igho ebubu egbo iJu e she kpe bhale iBetani ya tse iMeli ali iMata e mu opfu shi inyoghwo we ni o ghu-a.

20 Abi iMata o ro suo khi iJesu o bhale, o fie lase ya lona li ode, ama iMeli o la elemhi owa.

21 iMata oo iJesu, “Onomhue, ini u la akana lo, inyoghwo-mhe o kha ghu.”

22 Ama mhi lese khi memena khi Eshinegba o ya ri emiemini u wa mhila li ne.”

23 iJesu oo li, “Inyoghwo e, o gbo ya guale bhale agbo.”

24 iMata o li, “Mhi lese khi o ya te eghuli guale ogbele iguale ni o khi ogbele ni o kpukhokho.”

25 iJesu oo oli, “Mhemhe mhi rote eghuli ya guise eni e ghu-a le, ni mhi ri agbo ya na we, oni o da mie mhe suo o ya mholi agbo, ini o tseku ghu-a.”

26 Oni o la agbo ni o da mie mhe suo, o a tigbe ya ghu-a. U fe mie ona suo?”

27 Oo li, “I Onomhue! Mhi miesuo khi yeye u khi iKirisiti, Omi Eshinegba ni o ya bhale eke agbo ona.”

28 Abi iMata o ro ngme ghose o le ya ri ofie gueye iMeli, oo, “Osese o she bhale, o nono e.”

29 Abi iMeli o ro suo ona o ti vule, o nyanya fie lase je ashini iJesu o la.

30 iJesu o kie ramhi oni eoli ni o ne, ama o kie la ashini o kia ramhi ni iMata o ro lona li ode.

31 Egbo iJu ni e la elemhi owa yese oli, e vule deba li je olase abi e ro me khi o ti vule je olase. E dabi khi eri o je obini uji ya vie.

32 Abi iMeli o ro ramhi ashini iJesu o la ni o me oli, o de ya wugha li odalo, oo li, “Onomhue, ini u la akana lo, inyoghwo-mhe o kha ghu!”

33 Abi iJesu o me khi loli ali egbo iJu ni e kphase oli khi ee vie, o ro obo ti iJesu udu, egbe e guoghoni a.

34 iJesu o mhila we, oo, “Ashi a ro li to?”

E o li, “Onomhue bhale ya ghe oli.”

35 iJesu o vie.

36 Egbo iJu ni e la agho, ee, “A ghe abi oli nono ingme oyi oli khe.”

37 Ama eghwo o e lie, “Loli ni o khueghie ozalo alo-a oo kha dobe tsumhi iLazarosi ini o khi ghua?”

Ijesu o guise iLazarosi gbo bhale agbo

38 O gbo ri obo ti iJesu udu. O kia je obini uji ni o khi irui, ni a gheghele eche zuse unu.

39 iJesu oo, “A gheghele oni eche unu oni uji-a.”

iMata inyoghwo oni omose ni o ghua oo, “Onomhue, o she ya ke we! Amo o li ele onuzi-ene abi a te ro li to!”

40 iJesu o li, “Mhi a kpe gueye khi u ya me ufumhi oyi Eshinegba ini u miesuo?”

41 Igho e gheghele oni eche unu uji lase. iJesu o yase alo idane, o li, “Mhi kphemhi ne Ita, khi u suo mhe.”

42 Mhi lese khi u ma suo oyemhe, itobo oyi egbo ena mhi ro o ngme ona ni e miesuo khi yeye u ghie mhe.”

43 Abi o ro ngme ona se, o lu oli leghe, “iLazarosi e! Fie lasele!”

44 Oni omose ni o ghua o fie lasele, a ri ide olimhi genoni abo ali awe, ghe eni a ro ku oli alo. iJesu oo we, “A taghie oli a ni a ze oli vu.”

Ugbamhi abi a li ya gbe iJesu-a (iMat 26.1-5; iMak 14.1-2; iLuk 22.1-2)

⁴⁵ Ebubu ẹgbọ iJu ni e bhale ya tse iMeli o mu opfu e me emini iJesu o rieḷe, e mie oḷi suo.

⁴⁶ Ama eghuo elemhi we e vu ya gueye ẹgbọ iFarisi emini iJesu o rieḷe.

⁴⁷ Ighie eyi ekpodalo-ugamhi ali iFarisi e ya lu eni e mhesẹ ni a lu iSaediri ya nu we mhọli ilegba.

E mhila egbewe, “Elo awa li ena? Aa me ikanya onyaloa ni omose onana o gbe?”

⁴⁸ Ini awa lina ze oḷi obo, ogbokpa o ya mie oḷi suo. Egbọ iRomu e ya shashe Owa oyi Eshinegba oyawa-a.”

⁴⁹ Omose oghuo elemhi we ni a lu iKefasi, ni o ralo ugamhi oni ukpe ogho, oo li, “Aa lese ingme!”

⁵⁰ A lese khi ogbo otuoghuo o kha ghu-a na egbo kpa, khi o ti dose ni egbo nya e pfua?”

⁵¹ Oa khi ibe eyoli o ro sa ngme oni ungmehi ona, ama ungmehi angme-shi-ekẹ ni o ya tse ogbe na akọ, khi iJesu o ya ghu-a na egbo iJu o khi ni o ngme, itobo khi loli o ralo ugamhi oni ukpe.

⁵² Oa khi oyi iJu tse, ama ni o sano egbo eyi Eshinegba ni e kia miatse ku agbo nya gbili re we khili oghuo.

⁵³ Rote ele gho vu, egbo iJu e te gba ugbamhi abi wewe e li ya gbe iJesu a.

⁵⁴ Itobo igho, iJesu oa ke kia lase gboo iteva oyi egbo iJu. O ri ochogho vu je eoli ni a lu Efuremu, ni o ti mama odagbe ifufu. Agho loli ali eniye odukhokho eyoli e ke ga la.

⁵⁵ Abi eghẹghẹ ukpe iPasova oyi egbo iJu o ro ti i bhale, ebubu egbo e te eoli ododa je iJerusalemu ya ri egbe we khi eni e pfuase, abi ushi oyewe oo e ke li neni oni ukpe o ramhi.

⁵⁶ Ee nono iJesu. Abi e ro la elemhi Owa oyi Eshinegba, e mhila egbewe, e lie, “A li sa khi o ya bhale? Otse oa ya bhale shi oni ukpe ona.”

⁵⁷ Ama ighie eyi ekpodalo-ugamhi ali iFarisi e she kpe mhesẹ na eni egbo, oni o da lese obini iJesu o la, oni ogbo o guele ni wewe e me asha mu oḷi.

12

IMeli o la obini iBetani ku ituale ku iJesu

(iMat 26.6-13; iMak 14.1-9)

¹ Abi o ro kpo ogbele esesa oni ukpe iPasova le, iJesu o nyene egbe bhale obini iBetani, obini iLazarosi ni iJesu o rote eghuli guise le o la.

² E nye akhe na iJesu, iMata o kphanọ eni eminale ghi we. iLazarosi o li nu we shito shi ilele oyi eni ekhe.

³ Igho iMeli o rue egbegbi akanama ituale ni o pfi e ni o lolo ghale. O ku oḷi shi iJesu awe, o ri itsu ni e la li ukhomhi shishi o awe a. Upfiemhi oyi oni ituale o kphela vo oni elemhi owa nya.*

⁴ IJudasi Isikaroti ni o khi otuoghuo eniye odukhokho eyi iJesu, ni o rote ikpukhokho ya ri iJesu de, o me emini iMeli o rieḷe, oo,

⁵ “Elo o ze ni aa ro ri oni ituale de ni a kemhi eni ikpagho na eni ea mhue? Oni ituale o ghale ramhi ifata ukpe oyi ogbo oghuo.”

⁶ Oa khi itobo khi o mhọli udu iamhe na eni ea mhue, o ro ngme ungmehi ona. Ama itobo khi oghiatọ o khi, ali khi loli o tsua ikpagho o mhue na we, ni o rote muno eafia.

⁷ Ama iJesu oo li, “Ze oḷi obo rieḷe emini o la li udu, eri o mu mhe egbe e khe iroto oyemhe.”

⁸ Eghẹghẹ kpa egbo ni ea mhue e ro nu e a la, ama mhemhe mhia nu e ya la ana eghẹghẹ kpa.”†

⁹ Ebubu egbo iJu e suo khi iJesu o la iBetani, igho e je oobo. Oa khi itobo iJesu tse e ro je oobo, ama ni e ba me iLazarosi ni iJesu o te eghuli guise le.

¹⁰ Igho ighie eyi ekpodalo-ugamhi ee gba ugbamhi abi e li ya li gbe iLazarosi a,

¹¹ itobo khi ingme oyoli o ze khi ebubu egbo iJu e ku ma iJesu o, ni e ro mie oḷi suo.

Egbo e ri ufumhi na iJesu abi o ro lo elemhi iJerusalemu

(iMat 21.1-11; iMak 11.1-11; iLuk 19.28-40)

* 12:3 Li ze iLuk 7.37-38 † 12:8 Li ze iDeut 15.11

12 Ogbeakoḷo ebubu eḡbo ni e bhale shi oni ukpe iPasova e suo khi iJesu oḷo je iJerusalemu.

13 Igho e yanḡ eyamhi mhue abo fiye ya eḡ oḷi. E kpe okeke gbii, e lie, "Tsumhi anye. Awa kuḡghie Eshineḡba. Eshineḡba o khivose na oni o ri eva oyi Eshineḡba Onomhue e bhale! Eshineḡba o ka khivose na oghie iZireni!"‡

14 IJesu o me ozele akphere. O nga li shito abi Ebe-no-pfuase o ngme oḷi, ni oo,

15 "Eḡbo iJerusalemu, ulishi o khi mu e!

Oghie oye e oo bhale ena,

o nga ozele akphere eḡ bhale."§

16 Eniye odukhokho eyi iJesu ea kpe rote eke lese obini eni ingme ena e je. Ama abi Eshineḡba o rote eghuli guise iJesu le ni o ri ufumhi na li, e ro tigbe sato khi a kpe keke eni ingme eyoli ena shi Ebe-no-pfuase, ali khi e ke rieḡ eni ingme ena deba li ghue.

17 Olele eḡbo ni e nu oḷi la agho abi o ro rote uji lu iLazarosi lasele, ni o ro rote eghuli guise oḷi le, e kie kia gueye eḡbo abi a li me oni ingme.

18 Itobo khi ebubu eḡbo e suo khi iJesu o gbe akanya onyaloa ona e ro ve lasele ya me oḷi.

19 Igho eḡbo iFarisi e nu egbe we ngme oḷi, e lie, "Awa aa mholi emini awa doḡe ya li ona. Aa me khi eḡbo nya e ke e deba li!"

IJesu o ngme ingme eghuli oyoli shi eke

20 Eḡbo iGiriki e li la eni e je iJerusalemu ya ga eḡghie oni ukpe iPasova.

21 E ya mhila iFilipu (ni o khi onge iBetisaida ni o la iGalili) e o li "Oga, anye e nono ni anye me iJesu, ni anye nu oḷi ngme."

22 IFilipu o vu ya gueye Aduru, wewe aava e ya gueye iJesu.

23 IJesu oo, "Oni eḡghie o she ramhi ni a ro ri ufumhi oniemhi oyi Omi Oḡbo ya khase.

24 Abi o li mhi li gue oḷi e ye e khi, ini aa li ri ukpamhi ado ko eke ni o ghua, eri o kie ya li abi o kie kpe li. Ini a roli ko eke ni o ro ze, o ghua, o fu, o ri imomhi ni e bu lasele.

25 Oni o da nono ingme agbo oyoli dose ode ne, o ya de oḷi obo a, ama oni oa da nono ingme agbo oyoli elemhi agbo ona ne, eri o kese o shi e khe agbo na agboagbo.*

26 Oni o nono khi loli ya ga mhe, oo mema ya ke deba mhe. Ashini mhi da la kpa, o li la akagho. Itamhe o mu ekpe na li.

27 "Memena udu oyemhe oa ke sheshe. Elo mhi ke ya ngme? 'Eri mhi ke ya lie, Ita, khi ze ni eḡghie ona o bhale deba mhe?' Iiye, oni eḡghie ni o ze ni mhi ro bhale agbo na!

28 Ita ri ufumhi ni o la eva oye khase."

Igho Eshineḡba o rote idane ngme lase, oo, "Mhi she kpe ri ufumhi ni o la eva oyemhe khase eḡbo na agbo, mhi ya gbo ligho rieḡ oḷi."

29 Ebubu eḡbo ni e migha epfepfe agho e suo khi uruli oyi Eshineḡba o ngme. Eḡbo eghuo eḡ, "Akphala o de!" Eḡbo elese eḡ, "Aḡeni o nu oḷi ngme!"

30 Ama iJesu oo, "Oa khi itobo oyemhe uruli oyi Eshineḡba ogho o ro ngme ungmehi ogho, ama itobo oye e lo.

31 Oni eḡghie o she ramhi ni a ro ri agbo e gue ezo. Memena, a ya khu Okphaghie oni o kpe e mheshe shi agbo ona ukpekhomhi pfa.

32 A kha da yase mhe nga idane oora apfida ne, mhi ya ti oḡboka bhale deba mhe."

33 Eri o ngme ona ni o ro rokhase we uwali eghuli ni o ya ghu.

34 Eni eḡbo eḡ oḷi, "Ushi ni Eshineḡba o ro na iMosisi na awa o gue oḷi ye anye khi agboagbo Omiepfuese o ya la o. Seḡ u ke li a lie khi a mema ya yase Omi Oḡbo nga idane? Oghuo o khi oni Omi Oḡbo ona?"†

‡ 12:13 Li ze Iwolo 118.25,26 § 12:15 Li ze iZaka 9.9 * 12:25 Li ze iMat 10.39; 16.25; iMak 8.35; iLuk 9.24; 17.33 † 12:34 Li ze Iwolo 110.4; Aza 9.7; Ezik 37.25; iDan 7.14

³⁵ Ijesu oọ wẹ, “Ákpá o ya la ẹ iteva ukuku eghẹghẹ. A ke kia okiali abi oni ákpá o kie la ẹ iteva memena, ini obili o khi ya bi ẹ, itobọ khi ọni ọ la alo ebili ọa lẹsẹ obini ọọ je.

³⁶ A regbenga ọni ákpá ni ọ ri ákpá na ẹ abi ọ kie li la ẹ iteva, ni a li khi ẹgbọ ni e ri imekẹ ẹ na ẹgbọ.” Abi iJesu ọ li ngme ona se, ọ lase wẹ iteva le, je ashini ẹa ke te e mẹ ọli.

Umha-miesuo oyi ẹgbọ iJu

³⁷ Abi iJesu ọ tseku gbe ikanya ọnyaloa ena ukpẹloẹ oyẹwẹ, ẹa kie lama mie ọli suo.

³⁸ Onana o ri emini Azaya ni ọ khi Ọmekẹguele ọ kpẹ ngme shi ekẹ ya tşẹ, ni ọọ,

“Ọnọmhue, ọghuo ọ lama mie usomhi oyanye suo?

Ọghuo Ọnọmhue ọ mema khueghie ekpabọ eyọli-a khase?”‡

³⁹ Onana o zẹ khi ẹa dobe miesuo, itobọ khi Azaya ọ gbo ngme ọli shi ashese khi,

⁴⁰ “Eshinegba ọ she tase wẹ alo a, ọ gbo zuse wẹ udu ini e khi mẹ ekẹ ali ini udu oyẹwẹ e khi lẹsẹ ingme. Ini e khi ya mu pfi, ni mhi mẹ asha rẹ wẹ ze.”§

⁴¹ Eri Azaya ọ ngme ona itobọ khi ọ she kpẹ mẹ ufumhi oyi iJesu, ọ gbo kpẹ ngme ingme oyọli.

⁴² Abi o tseku khia khi ebubu eni ẹẹ ralo eyi ẹgbọ iJu e mie iJesu suo eghẹghẹ ni a ngme ena, ẹa ngme ọli lasele, itobọ khi e na ulishi oyi iFarisi ini e khi khu ẹwẹ owa ugamhi ya lase.

⁴³ Irari khi e nono ikuẹghie ni o rọte obọ oyi ẹgbọ bhale doşẹ oni o rọte obọ oyi Eshinegba bhale.

Ungmemhi oyi iJesu a rọ ya ri ẹgbọ na agbọ gue ẹzo

⁴⁴ Ijesu ọ tşesẹ leghe guele, ọọ, “Ọni ọ da mie mhe suo, ọa khi mhemhe tşẹ ọ miesuo, ama ọni ọ ghie mhe ọ li miesuo.

⁴⁵ Ọnini ọ da mẹ mhe, ọ she li mẹ ọni ọ ghie mhe.

⁴⁶ Mhi she bhale agbọ ya ri ákpá gẹ na ẹgbọ na agbọ, ini eni e mie mhe suo ọkhọghuo ọ khi la alo ebili.

⁴⁷ Ọni ọ suo ungmehi oyemhe ni ọa da rọ shi ọ, ọa khi mhemhe mhi ya pfa ẹzo mu ọli. Ọa khi eri mhi bhale ya ri ẹgbọ na agbọ gue ẹzo, ama eri mhi bhale ya mie agbọ pfuese.

⁴⁸ Ọni ọọ pfa ẹzo mu ọni ọ da kie mhe ali ungmehi oyemhe, ọ la aghọ. Eni ingmemhi ni mhia ngme e ya pfa ẹzo mu ọli ogbele ni o kpukhokho.

⁴⁹ Itobọ khi ọa khi ungmehi ọotsobọ oyemhe mhia ngme, ama ungmehi ni Ita ni ọ ghie ọ mhese na mhe mhi ngme mhia ngme.”

⁵⁰ Mhi lẹsẹ khi oni ushi oyi Eshinegba, o ri agbọ na agbọagbọ ọ na ọgbọ. Irarighọ, eri mhi ẹ ngme emini Ita ọ gueye mhe mhi ngme.

13

Ijesu ọ kpe eniye odukhokho eyọli awe-a

¹ Abi o rọ kpọ ẹlẹghuo ukpe iPasova le, iJesu ọ lẹsẹ khi oni eghẹghẹ o she ramhi ni ọ rọ ya te agbọ lasele je oyi Ita. Ọ ma kie kpẹ nono ingme oyi ẹgbọ eyọli ni e la agbọ, ọ rọli khase wẹ khi eri lọli nono ingme oyẹwẹ pfo.

² Ijesu ali eniye odukhokho eyọli e la ashini e la le eminale ẹlẹ ogbomhi. Ọkphaghie ọ she rọli shi udu oyi iJudasi omi iSamọ Isikarọti ọ ka rọ iJesu de.

³ Ijesu ọ lẹsẹ khi Ita ọ she rọ ekpabọ nga lue obọ, ọ lẹsẹ khi obọ oyi Eshinegba lọli kpẹ te bhale, ali khi obọ oyọli lọli gbo nyene egbe ya je.

⁴ Ighọ iJesu ọ rọte ashini ọ shitọ ti vule, ikhi ashini e la le eminale, ọ gueghie awulu ni ọ sọ kpeda, ọ ri ode ni a rọ ọ muno amẹ egbe-a mu oku.

⁵ Ighọ ọ ku amẹ shi atalabi, ọ kpe eniye odukhokho eyọli awe-a. Ọ rue ode ni a rọ ọ muno amẹ egbe a ni ọ rọ mu oku shishi wẹ amẹ awe-a.

⁶ Abi ọ rọ kpe ramhi iSamọ iPita ọ, iPita ọọ, “Kie! Ọnọmhue yeyẹ u kha ke kpe mhe awe a?”

‡ 12:38 Li zẹ Aza 53.1 § 12:40 Li zẹ Aza 6.10

7 IJesu o o li, “Wa lese emini mhia ri ele memena, ama u ya lese okhese.”

8 ISamo iPita o o, “Onomhue, atsobo ogho! Wa ya tigbe kpe mhe awe-a.”

IJesu o o, “Ini mhia kpe e awe-a, wa aa ke khi oyemhe.”

9 ISamo iPita o o, “O kha khi igho, Onomhue, o a khi awe tse u ke lese ya kpe mhe-a! Ama kpe mhe abo ali ukhomhi-a ma o.”

10 IJesu o o li, “Ogbo ni o da k hue se, o she p fuase, o a khi oni o ke gbo ya k hue-a, ama awe o ke lese e yeghe-a. Ee nya a she p fuase, se ni otuoghwo elemhi e.”

11 Irari khi iJesu o she kpe lese oni o ya ro oli de, lo li o ze ni o ro lie, “Ee nya a she p fuase, se ni otuoghwo elemhi e.”

12 Abi iJesu o ro kpe we awe a se, o ri ele awulu ni o kpe gueghie ro so, o ya shito ashini o kpe te vule. Oo mhila we, “A li lese akanya ni mhi gbe na e lena?”

13 “A lu mhe ‘Oses’ ali ‘Onomhue.’ A ga gue ngme, itobo khi emini mhi khi gho.

14 Memena ni mhemhe ni mhi khi Onomhue ali Oses oye mhi she kpe e awe-a, ee a li ke kpe egbe e awe-a.

15 Mhi she ri irokhokho kase e, ni a li ke ri ele emini mhi ri ele na e.*

16 Egbegbi ingme mhi gueye e, khi oni o ga ogbo, o a ya fu dose oni oo ga, oni a aghiusomhi o a ya fu dose oni o ghie oli usomhi.†

17 Abi a ro lese eni ingme ena egho, a ya khivose na e, ini a ro li gba akanya.

IJesu o guele shi eke khi a ya re lue de

(iMat 26.20-25; iMak 14.17-21; iLuk 22.21-23)

18 “Aa khi ee nya mhi nu e ngme. Mhi lese abi ingeli eyi eni mhi ze e li. Ama, emini Ebe-no-pfuase o ngme, o mema bhale ya tse, ikhi oni oo, ‘Ogbo ni o nu mhe e le eminale o ya nyene egbe mu okholi vule shi mhe o.’‡

19 “Eri mhia gue ona ye e shi eke neni a ligho me oli, ishegho ini a ligho me gho, a ya miesuo khi ‘Mhemhe mhi khi oni mhi khi.’

20 Abi o li mhi li gue oli e ye e, khi oni o da kpe abo mie aghiusomhi ni mhi ghie, mhemhe o li mie, oni o da mie mhe, oni o ghie mhe o li mie.”§

21 Abi iJesu o ro ngme ona se, udu o a ke sheshe oli, o guele gboo, oo, “Egbegbi ingme mhi gueye e, khi otuoghwo elemhi e, o ya remhe de.”

22 Eniye odukhokho eyoli e bino egbe alo gase, o lolo sha we abo oni iJesu o ngme.

23 Oghwo om odukhokho ni iJesu o mema nono ingme oyoli, o shito mama iJesu.

24 ISamo iPita o ro ikpialo nu oni om odukhokho ngme, oo li, “Mhila iJesu, oghwo oni ogbo o fe khi elemhi awa.”

25 Igho oni om odukhokho ni o shito mama iJesu o mhila li, oo, “Onomhue, oghwo oni ogbo o khi elemhi anye?”

26 IJesu o so li o, oo, “Oni mhi ya ri ibuledi ona somhi utasa oni awa te e le emhi enana na ne, lo li lo.” Igho o so oni ibuledi elemhi utasa, o ro na iJudasi omi iSamo Isikaroti.

27 Abi iJudasi o lese mie oni ibuledi se, Okphaghi o lo oli udu. IJesu o gueye oli, “Nyanya ya ri ele emini wa nono ni u ri ele.”

28 Ogbo khoghwo abi e ga li shito o le eminale, o a la ni o lese emini o ze ni iJesu o ro ngme oli gho.

29 Aborokhia khi iJudasi o tsua ikpagho o m hue na we, eghwo e dabi khi eri iJesu o gueye oli o ka de emini e ro o li ukpe iPasova. Elese e dabi khi otse eri oo o ka somhi eni ea m hue opfa.

30 Abi iJudasi o mie oni ibuledi se. O fe lase agho ghwo. Eliyose o she ramhi.

IJesu o ri ushi onogbo na we

31 Abi iJudasi o ro vu se, iJesu oo, “Eena egbo e ya me ufumhi oyi

* 13:15 Li ze iLuk 22.27 † 13:16 Li ze iMat 10.24; iLuk 6.40; iJon 15.20 ‡ 13:18 Li ze Iwolo 41.9

§ 13:20 Li ze iMat 10.40; iMak 9.37; iLuk 9.48; 10.16

mhemhe Omi Ogbọ, e ya te idiegbe oyi Omi Ogbọ me ufumhi oyi Eshinegba.

³² Ini egbo e rote idiegbe oyi Omi Ogbọ me ufumhi oyi Eshinegba, egheghe agho Eshinegba lolighuo o ya nyanya ri ufumhi oyi Omi Ogbọ khase egbo.

³³ “Eniye eyemhe, mhia ke nu e ya la akana tese. A ya nono mhe, aa ke me mhe. Mhi gue ona ye e memena, abi mhi kpe li gueye eni ee mheso eyi egbo iJu, ni mhiye, Aa dobe ya ramhi obini mhi-a je.”*

³⁴ “Memena mhi ro ushi onogbo na e: A nono ingme oyi egbe e. Abi mhi li nono ingme oye e, a mema li ya nono ingme oyi egbe e.†

³⁵ A kha da mholi inono na egbe e ne, egbo kpa e ya lese khi eniye odukhokho eyemhe a khi.”

Ijesu o ngme o shi eke khi iPita o ya kie lue

(iMat 26.31-35; iMak 14.27-31; iLuk 22.31-34)

³⁶ ISamo iPita o mhila li, oo, “Onomhue, obo wa le?”

Ijesu oo li, “Waa ya dobe deba mhe je obini mhia je, ama u ya deba mhe okhese.”

³⁷ IPita o mhila li, oo “Elo e ze ni mhi aa ro dobe ya deba e? Mhi mu egbe ni agbo oyemhe o li opfu-a!”

³⁸ Ijesu o ke gbo so li o, “U ga mema mu egbe agbo oye o ro lie opfu-a na mhe? Mhi gueye khi, neni okpa o gbieghe, u ya lie khi u waa lese mhe ramhi itese!”

14

Ijesu khi ode ni a te e bhale deba Eshinegba

¹ Ijesu o gueye eniye odukhokho eyoli, oo we, “Aa khi ze ni udu o yese e-a, a mie Eshinegba suo, a gbo li mie mhe suo.

² Elemhi owa ni a la e kpoku shi apfe oyi Itamhe. Ini o a khi igho lo, mhi kha gueye e. Mhia ya vu ni mhi ya mu egbe asha shi eke khe e.

³ Mhi kha vu ya mu egbe shi eke khe e se, mhi ya gbo nyene egbe bhale ya wolo e ma egbe vu, ishegho ashini mhi ya la, ni a li nu mhe la akagho.

⁴ A lese ode ni a te e je ashini mhia je.”

⁵ ITomosi oo li, “Onomhue, anye ea lese obini u wa je. See anye li ya lese ode je obini u wa je?”

⁶ Ijesu oo li, “Mhemhe mhi khi ode ni a te e je obini oyi Eshinegba. Mhemhe mhi ri igesikia ni o la Eshinegba a khase. Mhemhe mhi ri agbo o na ogbo. Ogbọ khoghuo o a me asha ya je obini oyi Ita ini o a li rote obo oyemhe.

⁷ Eri a kha lese mhe lo, a kha li lese oni Ita. Ro te memena vu, a she lese oli, a gbo me oli.”

⁸ IFilipu oo, “Onomhue, ri oni Ita khase anye, emini anye lese nono ghọ.”

⁹ Ijesu o soli o, o, “IFilipu, mhi she nu e la tese, waa kie lese oni mhi khi? Oni o da me mhe, o she me oni Ita. See u kiele e lie ‘Ri oni Ita khase anye?’

¹⁰ Filipu, waa miesuo khi mhi la elemhi oyi Ita, ali khi Ita o la elemhi oyemhe? Ingmemhi ni mhi gueye e nya ea khi eyemhe. Ita ni o la mhe elemhi o ga gbe ikanya ena nya.

¹¹ A mie emini mhi ngme suo ini mhiye khi mhi la elemhi oyi Ita ali khi Ita o li la elemhi oyemhe. Ini aa mie emini mhi ngme suo, a ri itobọ ikanya onyaloa ni mhia gbe miesuo.

¹² Egbegbi-ingme mhi gue e ye e, oni o da mie mhe suo, o ya gbe ikanya enabi mhia gbe. O ya gbe ikanya eni e fu dose eni abi mhia gbe, itobọ khi mhia je oyi Ita.

¹³ Emini a ro eva oyemhe mhila nya mhi ya ri ele o, egheghe agho ni omọ ri ufumhi oyi Ita khase egbo.

¹⁴ Emini a ro eva oyemhe mhila nya, mhi ya ri ele na e.

Ijesu o shobo khi loli ya ghi Ayemhe-nopfuase bhale agbo

¹⁵ “A kha nono ingme oyemhe, a ya ri omheso oyemhe gba akanya.

* 13:33 Li ze iJon 7.34 † 13:34 Li ze iJon 15.12,17; 1 iJon 3.23; 2 iJon 5

16 Eghẹghẹ agho, mhi ya lema Ita, o ri Okpaghiobo olese na e, ni o ya nu e la agboagbo.

17 Loli o khi Ayemhe ni o ri igesikia ni o la Eshinegba a khasẹ agbo. Egbọ na agbo ẹa dobe mie oli itobo khi ẹa me oli wekhi eri e lese oli. Ama, ẹẹ ena a lese oli, itobo khi o nu e la, o la elemhi oye e.

18 “Mhia ya ze e obọ shi eke abi omi-olimhi, mhi ya gbo nyene egbe bhale deba e.

19 O kha denẹ, egbo na agbo ẹa ke e me mhe, ama ẹẹ ena, a ya me mhe. Itobo khi mhi ya gbo la agbo, a ya li la agbo.

20 Ini ogbe ni elegho o ramhi, a ya lese khi mhi la elemhi oyi Itamhe, khi ẹẹ a la elemhi oyemhe, abi mhi li la elemhi oye e.

21 “Oni o mie ishi eyemhe ni o ri ewe gbe akanya, o nono ingme oyemhe. Itamhe o ya nono ingme oyi oni oda nono ingme oyemhe, mhi ya li nono ingme oyi oni ogbo, mhi ri egbe mhe khasẹ oli.”

22 Ijudasi (o a khi oni a lu Isikaroti) oo, “Onomhue, elo o ze khi u fe ya ri egbe e khasẹ anye tse, ni u wa ro ya ri egbe e khasẹ agbo kpa?”

23 Ijesu o so li o, oo, “Oni o da nono ingme oyemhe, o ya ri osese oyemhe gbe akanya. Itamhe o ya nono ingme oyi oli, mhemhe ali Itamhe, anye bhale ya nu oli la.

24 Oni o da nono ingme oyemhe, o a ro osese oyemhe ya gbe akanya. Eni osese ni mhia sese e, ẹa khi eye mhe, ama obọ oyi Itamhe ni o ghie mhe e te bhale.

25 “Mhi she gue ena ye e, abi mhi kie li nu e la.

26 Ama oni, Ayemhe-no-pfuase ikhi Okpaghiobo, ni Ita o ya ro eva oyemhe ro ghi e, o ya sese e emhikpa. O ya gbo re e yelele emhikpa ni mhi gueye e.

27 Mhi ze e obọ shi agbo ona shi opfomhe, mhi ri opfomhe oyemhe na e. O a khi oni abi egbo na agbo e ro o na ogbo mhi ro na e. A khi ze udu yese ẹa, ali a khi ze ni ulishi o mu e.

28 “A suo abi mhi ro gueye e khi mhi ya rote iteva oye vu, khi mhi ya gbo bhale deba e. Ini a nono ingme oyemhe lo, a kha ke ghele khi mhia je oyi Itamhe, irari khi loli o fu dose mhe.

29 Mhi she gue ingme ena ye e shi eke neni a me we, ishegho ini a da kie ligho me we, a mie mhe suo.

30 Mhia ke nu e ngme tese, itobo khi okphaghiẹ ni o kpe mhesẹ shi agbo ona, oo bhale. O a mholi ekpabo shi agbo oyemhe,

31 ama egbo na agbo e mema ya lese khi mhi ma nono ingme oyi Ita, ali khi emini Itamhe o mhesẹ na mhe mhi riẹle, mhia riẹle tee.

“A bhale ni awa vu ana le.

15

Ijesu o khi egbegbi oora upfonu

1 “Mhemhe mhi li abi oni upfonu ni o mo umomhi onete, Itamhe o riẹle e shi o.

2 Loli oo kanọ uguabo oyemhe ni o a ya mo umomhi a. Oo riẹle uguabo oyemhe ni oo mo umomhi, ni o gbo mo imomhi eni e bu.

3 Ungmemhi ni mhi she nu e ngme o she riẹle e ti ni a ro dobe mo imomhi enete. 4 A toma mhe idiegbe, mhemhe mhi ya toma e idiegbe. Uguabo oora okhoghuo o a dobe ya mo umomhi ootsobo oyoli, o mema ya to ma idiegbe oora. U ke neta khi eri a dobe ya riẹle eminete ini aa toma mhe egbe.

5 “Mhemhe mhi khi oora upfonu, ẹe a li abi iguabo. Ini u toma mhe egbe ni mhi ro li toma e egbe, u ya mo imomhi eni e bu. Ini a ro obọ rue mhe o le, aa dobe ya riẹle emhikhoghuo onete.

6 Ini u waa da toma mhe egbe ne, eri a ya khi e pfia. Eri u ya li abi iguabo ekhakha ni, a ti e ma ri erali tose-a.

7 Ini u toma mhe egbe, ni ingmemhi eyemhe e ro la elemhi oye, emiemi ni o ghole e kpa wa mhila, a ri oli ne.

8 Eminete ni a riẹle o ri ufumhi ghi Itamhe. Ona o ro khasẹ khi eniye odukhokho eyemhe a khi.

9 “Abi Ita o nono ingme oyemhe, igho mhi li nono ingme oye. A la elemhi inono oyemhe.

10 Ini a ro ishi eyemhe gbe akanya, a ya la inono oyemhe, abi mhi li ri ishi eyi Itamhe gbe akanya ni mhi li la inono oyoli.

11 Eri mhi gue ona ye e ni oghelẹ oyemhe o vo e udu, ni oni oghelẹ oye e o gba pfo.

12 Ushi ni mhi ro na e khi, a nono ingme oyi egbe e, abi mhi nono e.*

13 Aa me inono olese ni o fu dose oni ogbo o ro ghu-a na emole oli.

14 Emole mhe a khi ini a da ri ishi eyemhe gbe akanya.

15 Mhi aa ke lu e eni e ga mhe, itobo khi oni o ga ogbo o lese akanya ni oga oyoli o gbe. Ochogho, emole mhi ke e lu e, itobo emini mhi rote obọ oyi Itamhe wena nya mhi gueye e.

16 Oa khi ee a ze mhe, mhemhe mhi ze e ni mhi ri akanya na e, a ka gbe ikanya enete ni ikanya eye e e migha. Ishegho Ita o ya ro emini a ro eva oyemhe mhila nya na e.

17 Ushi oyemhe ni mhi shi na e khi, a nono ingme oyi egbe e.

Egbo na agbo ee biselemhi eniye odukhokho eyi Ijesu

18 “Ini egbo na agbo e biselemhi e, a sato khi igho e kpe li biselemhi mhe.

19 Ini a khi eyi egbo na agbo lo, e kha nono ingme oye e abi enayewe. Abi o ke li memena khi, aa ke khi eyi egbo na agbo itobo khi mhi she rote elemhi agbo ze e, loli o ze khi egbo na agbo e ro biselemhi e.

20 A sato ingme ni mhi gueye e, ‘Oni oo ga ogbo o fu e dose oga oyoli.’ Ini e kpe mu okhọli vule shi me o ghue, e ya mu okhọli vule shi e o. Ama ini e ro osese ni mhi sese gbe akanya, e ya ro osese oye e li gbe akanya.†

21 E ya lina ngeli deba e itobo khi enayemhe a khi, ali itobo khi ea lese oni o ghie mhe.

22 Ini mhi aa bhale ya nu we ngme lo, ea kha mhọli umha-guekia oyi

olamhe. Ama ea ke mhọli emini e gue oli ya nga egbe khi o rewe a lamhe olamhe.

23 Oni o da biselemhi mhe, Itamhe o li lie biselemhi.

24 Ini mhi aa la akpewe gbe ikanya ni ogboese o dobe gbe ghue lo, ea kha mhọli umha-guekia oyi olamhe. Ama memena e she me eni ikanya onyaloa, ama e kiele e biselemhi mhe ali Itamhe.

25 Ama ona o ze ni emini a keke shi ebe ushi oyewe o ro bhale ya tse, oni o khi, ‘Afu e biselemhi mhe.’‡

26 “Ini oni Okpaghiobo o bhale, oni mhi rote obọ oyi Itamhe ya ghie ghi e, loli o khi Ayemhe no o ri igesikia ni o la Ita a khasa, o ya pfi otsele shi ingme oyemhe.

27 Ee a ya li mema pfi otsele na mhe, itobo khi rote igbaekela a te nu mhe la.

16

1 “Eri mhi gue ona a ye e ini a khi tsua irudunga pfi.

2 Egbo e ya khu e owa ugamhi fie lase, eghenge o ga ya ramhi ni ogbo o kha gbe onge e a, o dabi khi eri loli e ga Eshinegba.

3 E ya ri ele eni emhi ena deba e, itobo khi ea lese Ita, wekhi mhemhe.

4 Ama, eri mhi gue ona ye e, ini oni eghenge o ramhi, a ya sato khi mhi kpe tse agua ye e. Itobo khi mhi kie nu e la mhi aa ro kpe gue ingme ena ye e.

Akanya ni Ayemhe-no-pfuase oo gbe

5 “Memena, mhia le deba oni o ghie mhe, ama onge e o kie mhila mhe, ‘Obo wa je?’

6 Itobo khi mhi gue ingme ena ye e, udu oye e o she yese-a.

7 Ama igesikia mhi gueye e, ni o ro ti e egbe mhi ro rote e iteva a vu. Itobo khi ini mhi aa vu, oni Okpaghiobo o ya bhale. Ama ini mhi da vu mhi ya ghie oli ghi e.

8 Ini O da bhale, O ya rewe lese umha-guekia ni o la ingme olamhe, o

* 15:12 Li ze iJon 13.34; 15.17; 1 iJon 3.23; 2 iJon 5

‡ 15:25 Li ze Iwolo 35.19; 69.4

† 15:20 Li ze iMat 10.24; iLuk 6.40; iJon 13.16

gbo rewe li lese ipfuase oyi Eshinegba ali iso-ezo oyoli.

⁹ O ya rewe lese khi umha-guekia ni o la olamhe o khi, umha mie mhe suo.

¹⁰ O ya rewe lese khi e ya mholi ipfuase oyi Eshinegba, itobọ khi mhi je oyi Ita ni aa ke te tigbe ya me mhe

¹¹ O ya rewe lese emini iso-ezo oyi Eshinegba o khi. Itobọ khi a she pfa ezo mu okphaghię oni o mhesę e shi agbo ona.

¹² “Mhi mholi emini e bububu ni mhi kha gbo gueye e, ama e bu dose ni a dobe ya mie.

¹³ Ama ini Ayemhe ni o ri igesikia a khasę o da bhale, o ya ri igesikia ni o la ingme oyi Eshinegba nya khasę e. Oa ya ngme ungmehi ootsobo oyoli, ama emini o suo o ya ke ngme. O gbo gueye e ingme ni a ya me.

¹⁴ Mhemhe o ya ke ti nga, itobọ khi o ya mie mhe ungmehi ni mhi ngme gueye e.

¹⁵ Emini Itamhe o mhue nya, eyemhe lo, loli o ze khi mhi kpe gueye e khi emini mhi ro na Ayemhe-nopfuase, o ya gueye e.

Oya oyeę o ya mele oghęle a

¹⁶ “O kha dene, aa ke me mhe, o kha ke gbo dene a gbo me mhe.”

¹⁷ Eniye odukhokho eghuo ee mhila egbewe, “Elo o ri ona a ngme, ni o o lię awa khi, o kha dene khi awa aa ke a me lue, ali khi o kha ke gbo dene khi awa gbo lo ya me lue? O gbolo e, ‘Itobọ khi mhi ya je obini oyi Ita.’

¹⁸ Elo o ri ‘O kha dene’ ngme? Awa aa lese ingme ni o ro oli ngme!” E kie lina mhila egbewe.

¹⁹ IJesu o she lese khi eę nono ni e mhila lue oni ungmehi ona, o mhila we, “Eri a mhila egbe e abi mhi ri oni ungmehi ngme, ni mhi ro lię, ‘O kha dene aa ke ya me mhe ali khi o kha gbo dene a ya me mhe?’

²⁰ Egbegbi ingme mhi gue e ye e, a ya vie, a vie oya. Ama egbo na agbo e ya ke ghele, eę a mhue iyeseudu-a, oni iyeseudu-a o ya mele oghęle-a na e.

²¹ Ini okpotso o ya bia, udu o yese oli a itobọ khi eghęghę osue o she bhale, ama ini o bia oni omo se, o o ghele, o ye le osue ni o me a. Irari khi o o ghele khi loli bia omo shi agbo.

²² Igho o li li e egbe, memena udu o yese e a, ama mhi ya gbo me e. Eghęghę agho oghęle o vo e udu, oghęle ni ogbo oa dobe ya mie.

²³ Ini oni ogbele o ramhi, aa ke e mhila mhe emhikhoghuo. Mhi gue igesikia a ye e khi Itamhe o ya ro emini a ri eva oyemhe mhila kpa na e.

²⁴ Ga ramhi memena, aa kie ri eva oyemhe mhila emhikhoghuo. A mhila khi a ya me mie, ishegho ni oghęle oyeę o gba pfo.

IJesu o kholi okholi agbo mu o le

²⁵ “Mhi aa lolo kpe khueghie ingme-a gue e ye e. Ama eghęghę o o bhale ni mhi aa ke ro ligho nu e ngme, ama mhi ya gue ingme oyi Ita ye e gboo.

²⁶ Ini oni ogbele o ramhi, a ya ri eva oyemhe mhila Ita emini o ghole e. Mhi aa lię khi mhemhe mhi ya mhila na e.

²⁷ Ita o o nono ingme oyeę, itobọ khi a nono ingme oyemhe, a gbo miesuo khi obọ oyi Eshinegba mhi te bhale.

²⁸ Obọ oyi Ita mhi te bhale ya lo elemhi agbo, memena mhi gbo te elemhi agbo ya vu je deba Ita.”

²⁹ Eniye odukhokho eyoli eę oli, “Ena u tigbe e khueghie ingmemhi eye-a gueye anye gboo, waa ke e biębię eni ingme-a gueye anye.

³⁰ Eena anye lese khi u lese emhikpa, oa ke khi ogbo o ke gbo ya ke mhila e ogbo. Onana o ze khi anye miesuo khi obọ oyi Eshinegba u te bhale.”

³¹ IJesu o so we o, o, “A she miesuo memena?

³² Eghęghę o o bhale, oni eghęghę o she ramhi, ni eę nya a ro ya miatse ku, ogbogbo o je apfe oyoli. Mhemheghuo tse mhi ke ya la. Ama oa khi mhemheghuo tse mhi la, itobọ khi Ita o nu mhe la.

³³ Eri mhi gue ingme ena ye e, ni a ri itobọ khi a kugbe mhe o mhue

opfomhẹ. Egbọ na agbọ e ya ri osue na ẹ mẹ. Ama a mhọli udu, itobọ khi mhi she mu agbọ o le.”

17

Ijesu o sọ iromhi na eniye odukhokho eyọli

¹ Abi ijesu o rọ nu eniye odukhokho eyọli ngme se, o yase alo bino idane, o sọ iromhi, oọ, “Ita, oni eghẹghẹ o she ramhi. Ri ufumhi oyi Omiẹ khasẹ agbọ, ni Omiẹ o li ri ufumhi oye khasẹ agbọ.

² Itobọ khi u she ri ekpabọ na li, shi ukhomhi oyi egbọ na agbọ kpa, ni o ri agbọ na agbọagbọ na egbọ ni u rọ na li.

³ Agbọ na agbọagbọ khi, ni a rọ lese ẹ, ikhi yeye ni u khi egbegbi Eshinẹgba oghuo kpe. Ni a gbo rọ lese mhe ijesu iKirisiti, ni u ghie.

⁴ Mhi she ri ufumhi oye khasẹ egbọ na agbọ, abi mhi rọ o gbe akanya ni u rọ na mhe, ni mhi gbe ọli pfo.

⁵ Ita, gbo ri ufumhi ni mhi kpe mhọli na mhe memena, ikhi ufumhi ni mhi rọte eke mhọli neni a ma agbọ.

⁶ “Mhi she ri ẹ khasẹ egbọ ni u te elemhi agbọ rọ na mhe. Egbọ eye e khi ni u rọ na mhe. E she ri ungmehi oye gbe akanya.

⁷ Memena e she lese khi emhikpa ni u rọ na mhe khi obọ oye e te bhale.

⁸ Mhi she gueye we usomhi ni u rọ na mhe, wewe e she mie oni usomhi. E she lese egbegbọ khi obọ oye mhi te bhale, e gbo miesuọ khi yeye u ghie mhe.

⁹ “Mhi sọ iromhi na we, ọa khi egbọ na agbọ nya mhi sọ iromhi na, ama eni u rọ na mhe irari khi egbọ eye e khi.

¹⁰ Emhikpa ni mhi mhọli eye e khi, emini u mhọli eyemhe e li khi. Wewe e ri ufumhi oyemhe khasẹ egbọ na agbọ.

¹¹ Memena mhia bhale deba ẹ, mhia ke la elemhi agbọ, ama wewe e kie la elemhi agbọ. Ita ni o pfuase, ri itoto ni o la eva oye ni u rọ na

mhe, khukhu we, ni e khi oghuo abi mhemhe ali yeye awa khi oghuo.

¹² Eghẹghẹ ni mhi rọ nu we la, mhi ri itoto ni o la eva oye ni u rọ na mhe, khukhu we, mhi khe we ekhe. Okhoghuo o ọa pfua, se ni oghuo elemhi we ni o khi oni o ya pfua, ni emini a keke shi Ebe-no-pfuase o bhale ya tse.*

¹³ “Memena mhia bhale deba ẹ, mhia ngme ingmemhi ena, abi mhi kie li la elemhi agbọ, ini eniye odukhokho eyemhe e mhọli oghẹle ni o gba pfo, onabi oyemhe.

¹⁴ Mhi she gue usomhi oye ye we, ama agbọ ẹ biselemhi we, itobọ khi ẹa ke khi enayi agbọ abi mhia li khi onayi agbọ.

¹⁵ Mhi aa lie u wolọ we elemhi agbọ lasese, ama tsumhi we obọ oyi Ona okholo.

¹⁶ Ẹa khi enayi agbọ abi mhi aa li khi ona agbọ.

¹⁷ Ri igesikia oye rewe pfuase. Irari khi egbegbi ungmehi ungmehi oye o khi.

¹⁸ Abi u li ghie mhe je elemhi agbọ, igho mhi li ghie we je elemhi agbọ.

¹⁹ Itobọ ewe mhi rọ ri egbe mhe ne, ini wewe ee li ligho ri egbe we ne egbegbọ.

Ijesu o lema na igbaa oyi eni e mie ijesu iKirisiti suọ nya

²⁰ “Ọa khi itobọ oyi eniye odukhokho eyemhe tse mhi rọ sọ iromhi ona. Mhi li sọ iromhi na egbọ ni e li ya te otsẹle oyewe mie mhe suọ.

²¹ Mhi sọ iromhi e ga kugbe khi oghuo. Ita! Mhi sọ iromhi e la elemhi oyi awa, ezeze abi u li la elemhi oyemhe ni mhemhe mhi li la elemhi oye. Mhi sọ iromhi e khi oghuo ini agbọ e mie we suọ khi yeye u ghie mhe.

²² Mhi ri ufumhi ni u rọ na mhe na we ini e kugbe khi oghuo abi mhemhe ali yeye awa khi oghuo.

²³ Mhemhe mhi la elemhi oyewe, yeye u la elemhi oyemhe, ni e ga kugbe khi oghuo, ishegho ni agbọ e

* 17:12 Li ze Iwolo 41.9

leşe khi yeye u ghie mhe, ali khi u nono ingme oyewe abi u nono ingme oyemhe.

²⁴ “Ita, yeye u ri we na mhe. Mhia nono ni e nu mhe la ashini mhi ya la kpa, ishegho ni e me ufumhi ni u ro na mhe itobo khi u nono ingme oyemhe neni a ma agbo.

²⁵ “Ita ni o pfuase! Agbo ea lese oni u khi, ama mhemhe mhi lese oni u khi, enana e lese khi yeye u ghie mhe.

²⁶ Mhemhe mhi ri oni u khi khase, igho mhi kie li ya ke riele oli, ishegho inono ni u mholi na mhe, o la we egbe, ni mhemhe mhi li la elemhi oyewe.”

18

Abi a li ri iJesu de
(iMat 26.47-56; iMak 14.43-50;
iLuk 22.47-53)

¹ Abi iJesu o ro so iromhi ona se, loli ali eniye odukhokho eyoli e da uchoke ni a lu iKidironi lase. Ogba ni a ko eera na lu olivu shi o la epfe agho, iJesu ali eniye odukhokho eyoli e lo elemhi oni ogba oyi eera olivu.

² IJudasi oni o ri oli de o lese oni ogba, itobo khi iJesu ali eniye odukhokho eyoli e kele lona akagho.

³ Igho iJudasi o tsua ekholi-okhue eyi iRomu, ali egbo ni e la Owa oyi Eshinegba e khe ekhe ali ighie eyi ekpodalo-ugamhi eyi iJu ali iFarisi ma egbe. E tsua itsua okholi, ali igbili igolo ali ikpa. E lo ogba oyi eera olivu le.

⁴ IJesu o she kpe lese emini loli ya me, o mhila we, oo. “Oghuo a nono?”

⁵ Ee oli, “IJesu onge iNazareti!”

IJesu oo, “Mhemhe na.”

IJudasi ni o ri oli de o migha mama we.

⁶ Abi IJesu o ro gueye we khi, “Mhemhe na,” igho e ti je ukhokho, e de ya gbe.

⁷ IJesu o gbo mhila we, oo, “Oghuo e khi a nono we?”

E gbo lie o li, “IJesu onge iNazareti.”

⁸ IJesu oo, “Mhi she kpe gueye e khi mhemhe na. O kha khia khi

mhemheghuo a nono, a ze ni eni e kpole e vu.”

⁹ Eri iJesu o ngme ona ni emini o kpe ngme o bhale ya tse, ni oo: “Ita! Mhi aa wasa okhoghuo elemhi egbo ni u ro na mhe a.”

¹⁰ Igho iSamoiPita, ni o tsua itakobi shi emhi o ji oli lasele ro be oni o gbe akanya a deba oga oyi ekpodalo ugamhi eso na obita ukhomhi pfi-a. IMakosi a lu oni omose.

¹¹ IJesu oo iPita, “Rue itakobi ogho shi ashini u kpe te ji oli lasele. Eri u dabi khi mhia ya rote uko osue ni Itamhe o mhesa na mhe ya da?”*

A mu iJesu bhale odalo iguezo oyi egbo iJu

¹² Igho ekholi-okhue eyi iRomu ali eni e kpeda na we ali eni e khe ekhe owa ugamhi ni o fune eyi egbo iJu, e gba iJesu mu, e ge oli abo je ukhokho.

¹³ E te odode rue oli bhale ayi Anasi, ni o khi ogo iKefasi. IKefasi o khi okpodalo-ugamhi oyi Eshinegba oni o kpeda oyi egbo iJu oni ukpe ogho.

¹⁴ IKefasi o ke kpe ye egbo iJu ude, khi ini ogbo otuoghuo o ghu-a na egbo ni e bu, o ti dose ni egbo ni e la eoli nya e pfua.†

IPita o kie iJesu
(iMat 26.69-70; iMak 14.66-68;
iLuk 22.55-57)

¹⁵ ISamoiPita ali omoo odukhokho oyi iJesu olese, e deba iJesu. Oni omoo odukhokho ali oni o kpeda nya na ekpodalo-ugamhi eyi Eshinegba e kpe lese egbe. Igho oni omoo odukhokho o deba iJesu lo elemhi apfe oyi oni o kpeda nya na ekpodalo-ugamhi eyi Eshinegba.

¹⁶ Abi iPita oo migha olase epfe ode unuekpe, oni omoo odukhokho ogho o nyene egbe je olase, o ya nu oni omueshi ni o la agho ngme, o rue iPita lo elemhi apfe.

¹⁷ Oni omueshi ni o la ode unuekpe o me iPita, o o li, “Oa khi omoo odukhokho oyi oni omose ogho u li khi?”

* 18:11 Li ze iMat 26.39; iMak 14.36; iLuk 22.42 † 18:14 Li ze iJon 11.49-50

IPita ọọ, “Iiye, mhia khi loli.”

¹⁸ Ulili o gbe. Eni ẹ khe ekhe ali ighumha e migha gasẹ erali ingamhi ni e pfiẹ, e khasẹ erali. IPita ọ li nu wẹ migha a khasẹ erali.

Ọga ọyi ekpodalo ugamhi ọ mhila ijesu ogbo

(iMat 26.59-66; iMak 14.55-64; iLuk 22.66-71)

¹⁹ Oni ọga ọyi ekpodalo ugamhi eyi Ẹshinẹgba ọ mhila ijesu ogbo osesẹ eyọli ali eniyẹ odukhokho eyọli.

²⁰ Ijesu ọ sọli ọ, ọ, “Mhi aa tigbe na sheli sesẹ osesẹ elemhi Owa Oyi Ẹshinẹgba ali owa ugamhi ni mhi la a sesẹ gboo ẹghẹghẹ kpa, ikhi ashini ẹgbọ iJu ẹ legba.

²¹ Elo o zẹ khi áá mhila mhe ogbo? A ka mhila ẹgbọ ni e suọ osesẹ oyemhe. E lesẹ emini mhi ngme.”

²² Abi ijesu ọ ngme ona se, ọghuo eni ẹ khe ekhe ọ lase ijesu esọ, ọ li, “Elo o zẹ ni u rọ lighọ nu Ọga ọyi ekpodalo ugamhi a ngme?”

²³ Ijesu ọọ, “Ini u lesẹ khi mhi aa gue ngme, gue emini ọa ti ni mhi ngme le, ni ẹgbọ e suọ. Ama o kha kha khi mhi guẹ ngme, elo o zẹ ni u rọ lase mhe esọ?”

²⁴ Ana Anasi ọ la liẹ e rue ọli ghi iKefasi ni ọ khi Ọga ọyi ekpodalo ugamhi, abi a kie li gẹ ọli abọ je ukhokho. Ẹghẹghẹ ona, iKefasi ali Anasi e ga khi ekpodalo-ugamhi eyi Ẹshinẹgba ni e kpeda.

IPita ọ gbo kie ijesu

(iMat 26.71-75; iMak 14.69-72; iLuk 22.58-62)

²⁵ IPita ọ kie migha akaghọ, ọọ khasẹ erali. Ẹgbọ elese e mhila li, “Wa she khi ọghuo eniyẹ odukhokho eyi ọmose ọghọ?” IPita ọ sọ wẹ ọ, ọọ, “Iiye! Ọa khi mhemhe.”

²⁶ Ọghuo oni ọ gbe akanya a deba oni ọ kpeda nya na ekpodalo-ugamhi eyi Ẹshinẹgba, ni ọ khi ọgbọ ọyi ọmose ni iPita ọ bẹ esọ ukhomhi a, ọ gbo mhila iPita, “Ọa khi yeyẹ mhi she mẹ khi u nu ọmose ọghọ la elemhi ogba?”

²⁷ IPita ọ gbo lẹ, “Iiye!” Uto-ghuokpe, ọkpa ọ gbieghẹ.

A rue ijesu bhale odalo oyi iPaleti ya gue ezọ

(iMat 27.1-2,11-14; iMak 15.1-5; iLuk 23.1-5)

²⁸ Ẹlẹ uzogbe fiefie, e rue ijesu fie owa oyi iKefasi je apfe ọyi igovunọ ọyi ẹgbọ iRomu. Enighie eyi ẹgbọ iJu ẹa lama lo elemhi oni apfe, itobọ khi ẹa nono ni ichimhi umha-pfuase ni o mu wẹ, ini ee dobe le eminale iPasova.

²⁹ Itobọ ighọ oni igovunọ na lu iPaleti ọ fie je olase deba eni ẹgbọ iJu, ọọ wẹ, “Umha-guẹli onoghuo a gue shi ọmose ọna egbe?”

³⁰ Ẹẹ ọli, “Ini ọa mhue umha-guẹli lo anye ẹa kha rue ọli bhale ghie.”

³¹ IPaleti ọọ wẹ, “A rue ọli vu ya gue ezọ egbe-a abi ushi oyeye o ngme shọ.”

Ẹgbọ iJu ẹẹ ọli, “Anye aa mholi afu ni a rọ ọ liẹ a ka gbe ọgbọa.”

³² Eri a lina mẹ onana ni emini ijesu ọ kpẹ ngme ni o bhale ya tse, ikhi ungmehi ni ọ la guele uwali eghuli ni loli ya ghu.‡

³³ IPaleti ọ nyene egbe je elemhi apfe oyọli, ọ lu ijesu mhila, ọọ, “Yeyẹ u khi oghie ọyi ẹgbọ iJu?”

³⁴ Ijesu ọọ. “Udu oyẹ ogbo ona ni u mhila mhe o te bhale abi khi ọgbọ ọ gue ingme oyemhe ye ẹ?”

³⁵ IPaleti ọọ li, “Onge iJu wẹ khi mhi khi? Ẹgbọ eyẹ ali ighie eyi ekpodalo-ugamhi e rue ẹ bhale ghi mhe, Elo u li?”

³⁶ Ijesu ọọ li, “Eghiele oyemhe ọa khi onayi agbo ona. Ini ighọ o khi lo, eni ẹ deba mhe e kha ye okholi na mhe, ini a khi dobe mu mhe ghi eni ẹ mhesẹ eyi ẹgbọ iJu. Ama memena, eghiele oyemhe ọa khi onayi agbo ona.”

³⁷ Ighọ iPaleti ọ mhila li, “Oghie u ti ẹ khi?”

Ijesu ọọ, “U guẹ ga ngme ọli ni u rọ khi oghie mhi khi. Onana o zẹ khi a bia mhe bhale elemhi agbo, ni mhi rọ ri emini o khi igesikia khasẹ ẹgbọ na agbo. Oni ọ da khi ọna igesikia ne, ọọ suọ oyemhe.”

‡ 18:32 Li zẹ ijon 3.14; 12.32,33

38 IPaleti o mhila li, “Elo o khi igesikia?”

A pfa ezọ igbea mu ijesu
(iMat 27.15-31; iMak 15.6-20; iLuk 23.13-25)

Igho iPaleti o gbo fię je olase, o gueye egbo iJu, oo, “Mhi aa me umhaguęli shi oli obo ni o remhe ya pfa ezọ mu oli a gbe oia

39 Ama, abi a li ini a da li ukpe iPasova khi, ukpe khi ukpe kpa, eri mhia rue ogbo oghuo egbo eye e eni a mu shi owa ighumha abo-a na e. A nono ni mhi wolọ oghie iJu abo a na e?”

40 Igho e tsese gbii, ee oli, “Iiye! Ri Ochoghọ rue iBarabasi obo a na anye.” (iBarabasi iko o li, oni o gbe ogbo a o khi ni a mu shi owa ighumha.)

19

A pfa ezọ igbea mu ijesu
(iMat 27.15-31; iMak 15.6-20; iLuk 23.13-25)

1 Igho iPaleti oo a gbe ijesu itali egbegbo.

2 Eni ekholi-okhue e nyanọ iguabo eera igba rięle arula oghie rughu ijesu ukhomhi, e rue awulu ni o khi egholi ni o li abi oyile nabi a ro o so oghie so oli.

3 E gbo bhale deba li, e ro oli li egia, e lię oli, “A yase obo eke na oghie oyi iJu!” E lase oli alo.

4 IPaleti o ke gbo fię je olase deba egbo iJu, oo, “A ghe oli e, mhi rue oli lasela na e ni a ro lese khi mhi aa me umhaguęli shi oli obo ni o re mhe ya lię a ka gbe oli a.”

5 Abi ijesu o ro fię lasela ni o ro rughu arula igba, o gbo so awulu egholi oyile ni oghie o so, iPaleti oo, “A ghe oni omose!”

6 Abi ighie eyi ekpodalo-ugamhi ali eni e khe ekhe Owa oyi Eshinegba e ro me oli, e tsese, ee, “A ta li ma oora apfida! A ta li ma oora apfida!”

IPaleti oo, “Eę a rue oli vu ya ta ma oora. Mhi aa me umhaguęli shi oli obo.”

7 Egbo iJu ee oli, “Anye mhue ushi ni o guele a gbe oia, itobo khi oo lu egboli Omi Eshinegba.”

8 Abi iPaleti o ro suo ona, ulishi o tigbe mema lolo mu oli.

9 O nyene egbe je elemhi apfe oyoli, ya mhila ijesu, “Onge obo u khi?”

Ama ijesu o tsaghię oli-a.

10 IPaleti oo, “Wa ya mie mhe unu? Wa lese khi mhi mholi ekpabo ni mhi ro dobe ya pfa e shi eke, ali khi mhi gbo dobe ya lię a ka te ma oora apfida gbe-a?”

11 Ijesu oo oli, “Wa kha mholi afu shi mhe idiegbe ini o a khi Eshinegba o ri oli ne lo, ama ogbo ni o mu mhe bhale ghi e, loli o mholi umhaguęli oyi olamhe ni o fu ne.”

12 Abi iPaleti o ro suo ona se, o nono ode ni o te ya wolọ ijesu abo a, ama eni egbo iJu e kiele tsese, e lię oli, “Ini u ze oli obo, wa khi omole iSiza oghie oniemhi oyi iRomu. Onini o da guele khi oghie loli khi, obo iSiza o khi.”

13 Abi iPaleti o ro suo ingmemhi ena, o rue ijesu je olase, iPaleti o ya shito ukpho eche ni o shito la so ezọ, ni a lu Etefe eche (iGabata a ri elemhi Iburu ee lu oli)

14 Eghęghę agho ovo o lese ramhi iteteva ukhomhi elegho, ikhi ogbele ni a mu egbe e shi ukpe iPasova. IPaleti oo eni egbo iJu, “Oghie oyeę ghọ o!”

15 Ama e tsese, “A rue oli ya gbe-a! A rue oli ya gbe-a! A ta li ma oora apfida!”

IPaleti o mhila we, oo, “A nono ni mhi ta oghie oye e ma oora apfida?” Ighie eyi ekpodalo-ugamhi ee o li, “Anye aa mholi oghie olese dose oghie iSiza.”

16 Igho iPaleti o ri ijesu na ekholi-okhue e ka ta li ma oora apfida.

A ta ijesu ma oora apfida
(iMat 27.32-44; iMak 15.21-32; iLuk 23.26-43)

Ro te agho vu ekholi-okhue e te rue ijesu vu.

17 Ijesu o fię lasela, lolighuo o tsua oora apfida oyoli, o je ashini a lu “Ukhomhi olimhi ni o ku igua-a.”

(IGoḡota a ri eḡemhi Iburu e lu ak-aghò.)

¹⁸ Aghò e tali ma oḡra apfida shi, e ta eḡbò aava ma eḡra mama li. Oḡhuo epfe obita, oḡokpoḡe epfe obogobò, iJesu o la we iteva.

¹⁹ IPaleti o keke emhi ro kphase oni oḡra-apfida. Emini o keke shi o khi, “iJesu Oḡe iNazarèti, Oghie oyi Eḡbò iJu.”

²⁰ Ebubu eni eḡbò iJu e ze oni emhi, itobò khi ashini a ta iJesu ma oḡra apfida shi o nuata shi apfe. Eḡemhi Iburu, ghe iLatini ali iGiriki a ro keke oni emini a ro kphase oḡra apfida ni a ta iJesu ma.

²¹ Ighie eyi ekpodalo-ugamhi eyi eḡbò iJu e lama shi emini iPaleti o keke. E ya gueye oḡi, eḡ oḡi, “Anye e nono ni u keke oghie oyi iJu shi o, emini u kha keke shi o khi, Oghie oyi eḡbò iJu oḡmose ona o khi loḡi khi.”

²² IPaleti oḡ we, “Mhi she keke emini mhi keke.”

²³ Abi eni ekhòli-okhue e ro ta iJesu ma oḡra apfida se, e wolò ide eyòli kemhi shi asha ene. Oḡbòḡbò o rue asha eghuo o, e gbo rue awulu oyòli ni a do ni aa roḡe ashikhòghuo gbèla toma.

²⁴ Eni ekhòli-okhue e gueye egbe we, “Awa khi nyanò li-a, awa ti ebe shi o, ni awa me oni o ya mu, ni o rue oḡi.” Eri a me onana ni emini a keke shi Ebe-no-pfuase o bhale ya tse, ni oḡ, “E kemhi ide eyemhe, e gbo ti ebe shi awulu oyemhe.”

²⁵ Inyo iJesu, ali inyoghuo inyòli noḡpotso, ali iMeli ughue iKilopasi, ali iMeli oḡe iMagidalenì e migha mama oni oḡra apfida ni a ta iJesu ma.

²⁶ iJesu o me inyòli ali oḡo odukhokho oyòli ni o nono ingme oyòli, khi o migha epfe aghò, iJesu oḡ, “Inyo! Omi-e ghò.”

²⁷ O gueye oni oḡo odukhokho, oḡ li, “Inye ghò.” Ro te aghò vu oni oḡo odukhokho o te rue oni inyo iJesu je apfe ni o te nu o la.

Eghuli ni iJesu o ghu

(iMat 27.45-56; iMak 15.33-41; iLuk 23.44-49)

²⁸ iJesu o lese khi emhikpa e she ze ukhomhi, oḡ, “Okiamè oḡa gbe mhe.” Onana o ri emini a keke shi Ebe-no-pfuase bhale ya tse.*

²⁹ Ubene ni o vo onyo ni o khe-a o la epfe aghò, e so isoso† elemhi oni onyo e ro oni isoso kphase ukpokpo oyi oḡra ni a lu isopu ni o nue, e nise oḡi je iJesu unu.

³⁰ Abi iJesu o ro to unu oni onyo, o, “O she pfo.”

O do ukhomhi gbe, o ghua.

³¹ Ekhemhue eyi eḡbò iJu e vu ya mhila iPaleti o ze ni wewe e ya pfi emhi shi awe eyi emose ni a ta ma eḡra apfida guoghò-a. Ali ni wewe e taghie we te eni eḡra apfida tiemhile. Emini o ze ni e ro lighò mhila khi, eḡghò khi ogbeḡe ni ala mu egbe khe ogbeḡe iyemhe oyi eḡbò iJu. Eri e nono ni e la ikhomhi eḡra apfida ramhi ogbeḡe iyemhe, itobò khi oni ogbeḡe iyemhe oghò, ogbeḡe ipfuase na ke o khi.

³² Eni ekhòli-okhue e vu ya pfi emhi shi oḡbò oni odode ni a ta ma oḡra apfida mama iJesu awe guoghò a. E gbo lighò ya guoghò eyi oni o kpoḡe a.

³³ Ama abi e ro ramhi ayi iJesu, e bhale ya e khi o she ghua, itobò ighò e ke pfi emhi shi iJesu awe guoghò a.

³⁴ Oghuo eni ekhòli-okhue o so iJesu oḡbhoro epfe, utoghuokpe, oḡia ali ame e te oḡi egbe ku lasele.

³⁵ Oḡbò ni o ri eloe me ona o pfi oḡseḡe shi o, oḡseḡe ni o pfi o khi igesikia itobò khi o lese gboo khi igesikia ona o khi. Eri o pfi oḡseḡe ona ni a khi eni e miesuo.

³⁶ Onana o ri emini a kpe keke shi Ebe-no-pfuase bhale ya tse, ni o guele khi, “Oḡbòkhoghuo oḡa ya khi ugua shi oḡi idiegbe.”‡

³⁷ Ebe-no-pfuase o gbo ngme ghò shi asha olese khi, “E ya ke bino oni e ya to oḡbhoro gbese a.”§

* 19:28 Li ze *Iwolo* 69.21; 22.15 † 19:29 **isoso** eḡbò eghuo e lu isoso ukodo. ‡ 19:36 Li ze *Okiali* 12.46; *iNoba* 9.12; *Iwolo* 34.20 § 19:37 Li ze *iZaka* 12.10

Irotọ oyi iJesu
(iMat 27.57-61; iMak 15.42-47;
iLuk 23.50-56)

³⁸ Abi a rọ mę ona se, iJosefu ọnge Arimatia, ni ọ khili ọtuoghuo eniye odukhokho ni e bęna e deba iJesu itobọ khi ọ na ulishi oyi ekhemhue eyi ęgbọ iJu, ọ lę ya mhila iPaleti olimhi oyi iJesu. iPaleti ọ lama na li ọ rue olimhi oyi iJesu ya rọ tọ. Ighọ iJosefu ọ bhale ya rue ọli vu.

³⁹ INikodemosi ni ọ ke ya mę iJesu ẹlę iyosę ọ kphase iJosefu. Ọ tsua ikhumhi ni a rọ ọ to olimhi egbe ini ọ khi keleş kea. Eni ikhumhi e bu ramhi akpulu ikoko oghuo. Ọ gbo tsua ituale ni ẹ pfie mhue.*

⁴⁰ Eni emose aava e tsua olimhi oyi iJesu, e ri ide epfopfo genọ ọli. Abi e li i genọ oni olimhi, ighọ e pfi ituale shi ọli egbe, ni e ri ikhumhi na rọ ọ shi olimhi egbe ma ọ, abi ęgbọ iJu e lię mu olimhi egbe shi irotọ, abi ushi oyewe o ngme.

⁴¹ Ukuku ogba o la ashini a ta iJesu ma ọora apfida shi, uji ona ufuegbhe onogbọ ni aa ri ọgbọ tọ ghue o li la aghọ.

⁴² Itobọ khi ẹlęghọ o khi ogbeleş ni a rọ mu egbe ẹ shi eke khe ogbeleş iyemhea oyi ęgbọ iJu, ali khi oni uji na ufuegbhe o ti mama we, e ri olimhi oyi iJesu yeshi aghọ.

20

IJesu ọ rote eghuli guale
(iMat 28.1-8; iMak 16.1-8; iLuk 24.1-12)

¹ Ẹlę uzogbe fiefie ẹlę ni ọọ deba ogbeleş iyemhea oyi ęgbọ iJu, obili o kie la ogbe. IMeli ọnge iMagidalen i ọ je uji ashini a ri iJesu yeshi, ọ bhale ya ẹ khi a she gheghele ẹche unu oni uji-a.

² Ighọ ọ sọ awe unamhi na je ayi iSamọ iPita ali ọmọ odukhokho ọghọ ni iJesu ọ nono ingme oyọli, ọ gueye we, ọọ, “E tsua olimhi oyi Ọnọmhue elemhi uji ufuegbhe a! Anye aa leş obini e tsua li je.”

³ Ighọ iPita ali ọni ọmọ odukhokho ọghọ e vu ya je oni uji ufuegbhe.

⁴ Wewe aava ee na, ama oni ọmọ odukhokho ọghọ ọ na doş iPita, ọ kpe ramhi oni uji ufuegbhe khe iPita.

⁵ Ọ nyese egbe bino elemhi oni uji ufuegbhe, ama ọa lo elemhi ọ. Ọ mę ide ni a kpe rọ khuli idiegbe oyi iJesu.

⁶ Ighọ iSamọ iPita ni ọ kpukhokho ramhi aghọ ọ doş ya lo elemhi oni uji ufuegbhe. Ọ mę eni ide khi e la elemhi uji ufuegbhe.

⁷ Ode olimhi ni a rọ ge iJesu ukhomhi o li la aghọ. Oni ode o khili shi ashaoda shi ide enekpole ọ. O kie khili shi aghọ abi a kie kpe li roli khili olimhi oyi iJesu, ọa taghie a.

⁸ Ighọ oni ọmọ odukhokho ọghọ ni ọ kpe ramhi oni uji, ọ li lo elemhi ọli, ọ ri ẹlę mę, ọ miesu.

⁹ Oni ẹgheghe ẹa kie leş emini a keke shi ebe khi iJesu ọ ya te eghuli guale.

¹⁰ Ighọ eni eniye odukhokho e nyene egbe je apfe.

IJesu ọ ri egboli khasę iMeli ọnge iMagidalen i

(iMat 28.9-10; iMak 16.9-11)

¹¹ IMeli ọ migha olase oni uji ufuegbhe ọọ vie. Abi ọ li kie le vie, ọ nyese egbe bino elemhi oni uji ufuegbhe.

¹² Ọ mę khi igeni aava ni e sọ itsua epfopfo e shito elemhi oni uji ufuegbhe ni a ri olimhi oyi iJesu yeshi. Ọghuo ọ shito obini iJesu ọ kpe ri ukhomhi shi, oni ọ kpole ọ shito obini ọ kpe ri awe shi.

¹³ Ẹ mhila li, ẹ ọli, “Nọ kpotso, elọ u vie ẹ shi?” Ọọ we, “E she tsua Ọnọmhue oyemhe vu, mhi aa leş obini e roli shi.”

¹⁴ Ighọ ọ nyene egbe ọ mę khi iJesu ọ migha aghọ, ama ọa leş khi iJesu lo.

¹⁵ IJesu ọ mhila li, ọọ li, “Nọ kpotso elọ u vie ẹ shi, ọghuo wa nono?”

IMeli ọ dabi khi oni ọ rieleş shi oni ogba ni o la aghọ lo, ọ, “Ọga ini yeye u tsua li vu kpekpe gueye mhe obini u roli shi ni mhi je aghọ ya tsua li.”

¹⁶ IJesu ọ li, “Meli.” Ọ sọ alo ghue ọli, ọ tseş leghe ri elemhi oyi ęgbọ iJu

* 19:39 Li zę iJon 3.1-2

yemhẹ ọli, ọọ, “Raboni!” Ọsẹsẹ a ri ona ngme elemhi Iburu.

¹⁷ Ijesu ọ gueyẹ ọli, “Khi mu mhe mhue, itobọ khi mhi aa nyene egbe je oyi Ita ne. Ama ka gueyẹ inyoghuo-mhẹ khi mhi ya nyene egbe je oyi Itamhẹ ni ọ li khi Ita wẹ, ali Eshinegba oyemhẹ ni ọ li khi Eshinegba oyewẹ.”

¹⁸ Igho iMeli onge iMagidaleni ọ vu ya gueyẹ eniye odukhokho khi loli me iJesu Onomhue. Ọ gueyẹ wẹ ingme ni Onomhue ọ gueyẹ ọli.

Ijesu ọ ri egbọli khase eniye odukhokho eyọli

(iMat 28.16-20; iMak 16.14-18; iLuk 24.36-49)

¹⁹ Abi ogbomhi o ro mu eke elegho ni o khi ogbeakolo oyi ele iyemhea oyi egbo iJu, ni o khi ele ni odode elemhi efo uka, eniye odukhokho eyọli e le gba elemhi owa, e sono okpe ode itobọ khi ee na ulishi oyi egbo iJu eni e e mhese. Udemhija, iJesu ọ bhale ya migha wẹ iteva bia, ọọ, “Opfomhẹ o ka nu e la.”

²⁰ Abi ọ ro ngme ona se, ọ ri abo ali epfe khase wẹ. Oghẹle o vọ wẹ elemhi shi abi e li me Onomhue.

²¹ Ijesu ọ gbo lie wẹ, “Opfomhẹ o ka nu e la. Abi Ita ọ li ghie mhe mhi li lie ghie e.”

²² Igho ọ yemhẹ ku wẹ, ọọ, “A mie Ayemhẹ-nọ-pfuase,

²³ Ogbọ ni a da gbe olamhẹ kua na, a she gbe kua na li, ama ini aa da gbe kua na wẹ ne, aa gbe kua na wẹ.”*

Ijesu ọ ri egbọli khase iTomosi

²⁴ Otu oghuo elemhi eni eniye odukhokho ogbava ni a lu iTomosi ni a gbolo e e lu itsema, ọa nu wẹ la agho ni iJesu ọ ro bhale wẹ iteva.

²⁵ Eniye odukhokho eni e kpole e gueyẹ ọli, e ọ li, “Anye me Onomhue!”

iTomosi ọọ, “Ini mhi aa li me emeli ni o la ashini a te ta itse shi ọli abo ni mhi ri umiesobo oyemhẹ ti ọli, ni mhi aa ro ri obọ shio oni o la li epfe, mhi aa ya miesuo khi ọ she guale.”

²⁶ Abi o ro gbe utui, eniye odukhokho eyọli e gbo lona elemhi owa, iTomosi ọ nu wẹ la agho, e so okpe ode. Udemhija iJesu ọ gbo bhale ya migha wẹ iteva bia, ọọ wẹ, “Opfomhẹ o ka nu e la.”

²⁷ Ọ gueyẹ iTomosi, ọọ li, “Ri umiesobo ti ana, bino mhe abo, gbo nise obọ ti mhe epfe. Khi ke mhọli akhokhomhẹ, miesuo!”

²⁸ iTomosi ọ li, “Onomhue oyemhẹ, ali Eshinegba oye mhe!”

²⁹ Ijesu ọọ li, “Itobọ khi u me mhe u ro miesuo? Ikhivose o khi na eni e a me mhe ne ni e miesuo.”

Emini o ze ni a ro keke ebe ona

³⁰ Ijesu ọ la ukpeloe oyi eniye odukhokho eyọli gbe ikanya onyaloa ni e bububu elese ni ogbo ọa keke shi ebe ona.

³¹ Ama eri a keke ena shi ebe ini a miesuo khi iJesu khi iKirisiti, ikhi Omiepfuese Omi Eshinegba, ali, ini a mhọli irudunga, a ya mhọli agbo itobọ eva oyọli.

21

Ijesu ọ ri egbọli khase eniye odukhokho eyọli etuoshilua

¹ Abi a ro me ingme ena se, iJesu ọ gbo ri egbe ọli khase eniye odukhokho eyọli, epfe oke oniemi ni a lu iGalili. Ina a li me ọli.

² ISamo iPita, ali iTomosi na lu itsema, ali iNatanieli onge iKena na eke iGalili, ghe IJoni ali iJemhisi imi iZebedi, ali eniye odukhokho eyi iJesu aava elese e ga legba asheghuo nya.

³ ISamo iPita ọọ, “Mhia vu ya mu ifele.”*

E e ọli, “Anye ya deba e ye.” Igho e lo elemhi oko-oke oniemi oni ikeke. Ama eliyose elegho nya, e a mu emhikhoghuo.

⁴ Ele uzogbe fiefie, iJesu ọ migha egele oyi oke oniemi, ama wewe e a lese khi iJesu ọ nu wẹ ngme.

⁵ Ijesu ọ mhila wẹ, ọọ, “Emole mhe, aa kie me afele okhoghuo mu?”

* 20:23 Li ze iMat 16.19; 18.18 * 21:3 Li ze iLuk 5.5

Efe oli, “Anye eja me emhikhoghwo mu.”

⁶ Oo we, “Pfi aga oye je epfe obita oyi oko-okẹ oniemi khi a ya me ifele mu.” Igho e pfi aga je obini o ngme, eja ke dobe ti oni aga lo elemhi oni oko-okẹ oniemi itobo khi o she mu ifele ni e bu.†

⁷ Igho oni omoo odukhokho ni iJesu o nono ingme oyoli, o o iPita, “Onomhue lo!” Abi iSamoo iPita o suo khi Onomhue lo ni o nu we ngme lena, o nyanya ro itsua so (itobo khi eri o kpe taghie ide eghuo egbe-a), o ji pfilo elemhi ame.

⁸ Eniye odukhokho eni e kpole e gua oni oko-okẹ oniemi bhale eso oke, e e ti oni aga bhale epfe egele. Ekekhe oja ke lolo nue shi we o, emhi nabi ete-awe egbhueshe o ke rote agho khi.

⁹ Abi e ro ramhi egele, e me ingamhi erali agho, a ri afele to o, ibuledi e li nga o.

¹⁰ IJesu oo we, “A rote ifele ni a mu lena rue bhale.”

¹¹ iPita o nga egele le, o ya tialo oni aga ni o vo ifele enieniemi ngale egele, eni ifele e kugbe khi egbhueshilua ali igbese. Abi eni ifele e rie ligho bu, oni aga oja nyanoo a.

¹² IJesu oo we, “A bhale ya le emhi.” Ogbokhoghwo eni eniye odukhokho oja mhila li, “Oghuo u khi?” Itobo khi e lese khi Onomhue lo.

¹³ Igho iJesu o ya rue oni ibuledi kemhi na we, o gbo kemhi oni afele na we.

¹⁴ Onana o khi utonuzi-ese ni iJesu o ri egboli yaa khaso eniye odukhokho eyoli abi o te rote eghuli guale.

IJesu o nu iPita ngme

¹⁵ Abi e ro le se, iJesu oo iSamoo iPita, “Samoo omi iJoni! U fe nono ingme oyemhe dose emhi enana nya?”

iPita o so li o, o Ii, “Onomhue, u lese khi mhi nono ingme oye.”

IJesu oo, “Ri eminale na imi isumha eyemhe le.”

¹⁶ Utonuzeva, iJesu oo li, “Samoo omi iJoni, u fe nono ingme oyemhe?”

iPita oo Ii, “Gueguegue Onomhue, U lese khi mhi nono ingme oye.”

iJesu oo, “Ri eminale na isumha eyemhe le.”

¹⁷ Utonuzese iJesu oo li, “Samoo omi iJoni, u fe nono ingme oyemhe?”

Oni ingme o to iPita egbe, itobo khi iJesu o mhila li itese, “U fe nono ingme oyemhe?” Igho iPita o so li o, o, “Onomhue, u lese emhikpa, u lese khi mhi nono ingme oye.”

iJesu oo li, “Ro eloe khu isumha eyemhe.”

¹⁸ IJesu oo, “Igesikia mhi gue ye khi, abi u ro khi ozele, eri u ri itsua so u fe je obini o ghole e, ama ini u womhe, ogboese o ke ya ri itsua ke so e, o mu e obo je obini oja ghole e ni u je.”

¹⁹ Eri iJesu o ngme ona ni o rokhase abi iPita o li ya ghua ni o ya ro ufumhi ghi Eshinegba. Igho oo iPita, “Ke deba mhe.”

²⁰ iPita o nyene egbe, o me oni omoo odukhokho ni iJesu o nono ingme oyoli, oni o shito mama iJesu abi e ro nu iJesu le eminale ni o kpukhokho khi oo deba wewe. Loli oo ke mhila iJesu ogbo ni oo, “Onomhue, oghuo o ya re de?”

²¹ Abi iPita o ro me oli, o mhila iJesu, oo, “Se egbo na agbo e fe ya li oni omose ona?”

²² IJesu so li o, o, “Ini mhia nono ni o la agbo ramhi ni mhi ro ya gbo nyene egbe bhale agbo, onoghwo o khi oye shi o? Ke deba mhe.”

²³ Ona o ze ni e ro bena ngme oli iteva oyi eniye odukhokho eyi iJesu, khi oni omoo odukhokho ona oja ya ghu ghue. Ama iJesu oja lie khi oja ya ghu ghue. Eri o lese lie, “Ini mhia nono ni o la agbo ramhi ni mhi ro ya gbo mu egbe nyene bhale, onoghwo o khi oye shi o?”

Ungmemhi ni o kpukhokho

²⁴ Loli khi omoo odukhokho ni o pfi otsese shi eni ingmemhi ena, loli o gbo

† 21:6 Li ze iLuk 5.6

kekẹ wẹ shi ebe. Awa gbo lẹsẹ khi emini ọ ngme khi igesikia lọ.

²⁵ Ikanya ebubu e laọ ni iJesu ọ gbe. Ini ẹẹ a kekẹ wẹ nya ukpamhi oghuo-oghuo lọ, mhi sa khi agbọ ona nya ọa kha luẹsẹ ebe ni a kha kekẹ wẹ shi.

Ikanya Eyi Ighiusomhi eyi iKirisiti

A rue Ijesu nga idane

¹ Elemhi ebe oni odode ni mhi kpe keke ghi yeye iTiofilosi,* mhi keke ikanya ni Ijesu o o gbe ali emini o sese rote igbaekele,

² ya ramhi ogbele ni a ro rue oli nga idane. Neni a rue oli nga idane, o rote Ayemhe-no-pfuase ri omhese na ighiusomhi na keke ni o ze.

³ Abi o ro ghu-a se, ogbele egbhueva o la elemhi agbo o ri egboli kia khashe ighiusomhi eyoli, ni o ro khashe gboo khi akhokhomhe o la o khi o la agbo. E me oli, oo gue ungmehi oyi Eghiele oyi Eshinegba ye we.

⁴ Elegehuo khi e legba asheghuo, khi o nu we e le eminale, o ri omhese ona na we, oo we, "A khi rote iJerusalemu vu, a migha khe isomhopfa ni mhi gueye e, ikhi isomhopfa ni itamhe o shobo.†

⁵ Ame ijoni o ro o batazi egbo, ama o ke ya tese neni a ri Ayemhe-no-pfuase ya batazi e."‡

A rue Ijesu nga iloghie (iMak 16.19-20; iLuk 24.50-53)

⁶ Abi ighiusomhi e ro nu ijesu legba kugbe, e mhila li, ee oli, "Onomhue, u ya la eghheghe ona rue eghiele oyi egbo iZireni nyene gbo na we?"

⁷ Oo we: "Aa khi eni e lese oni eghheghe ali oni ogbele ni Ita o ri afu eyoli mheshe.

⁸ Ama ini Ayemhe-no-pfuase o bhale e idiegbe, a ya mholi ekpabo, a ya ke pfi otsele na mhe elemhi eke iJerusalemu, ali eke iJudia, ali iSameria ali elemhi eke agbo ona nya."§

⁹ Abi o ro ngme eni ingmemhi enana se, a rue oli nga idane abi e kie

li ghō feli oli. Otughunu o khukhu oli-a, o rue oli odalo oyewe le.*

¹⁰ E bino idane chii abi o li vu, utoghuokpe emose aava ni e so ide epfopfo e migha we iteva.

¹¹ Ee we, "Egbo iGalili, elo o ze ni a ro migha a feli idane chii? Oni ijesu ona ni a rue odalo oyee vu nga idane, abi a li rue oli vu, igho o li ya gbo nyene egbe bhale."

A ze iMatayasi to eloli iJudasi (iMat 27.3-10)

¹² Igho, eni ighiusomhi na keke e rote oni ukhomhi Ute Eera Olivu ni e migha vu je iJerusalemu, agho o la lolo nue shi iJerusalemu, okiali imali oghuo lo, ni Ishi eyi iMosisi o lama shi ogbo ke kia ogbele iyemhea.

¹³ Abi e ro ramhi iJerusalemu, e nga ukhomhi atonga, e lo elemhi owa ni ee legba. Eni e la akagho khi iPita, ijoni, iJemhisi ali Aduru, iFilipu ali iTomosi, iBatolomiu ali iMatiu, iJemhisi olese ni o khi omi Afeusi, iSamioni ni o la otu iZiloti ali iJudasi omi iJemhisi.†

¹⁴ Wewe nya e lona a kugbe eghheghe kpa a so iromhi. Ghe eni ikpotso ali, iMeli inyoo ijesu, ali inyoghuo ijesu.

¹⁵ Ogbele ni a ngme ena, iPita o vule migha iteva oyi igbaa oyi eni e mie ijesu iKirisiti suo. Egbo egbhuesesa e la agho (120)

¹⁶ Igho oo, "Inyoghuo, a mema ya ri emini ebe-no-pfuase o ngme tse, ni Ayemhe-no-pfuase o rote unu oyi iDefidi ngme shi eke shi iJudasi egbe, loli oni iJudasi ni o ri ode khashe egbo ni e mu ijesu.

¹⁷ Otuoghuo elemhi awa o khi ni o nu awa gbe akanya abi aghiusomhi."

¹⁸ IJudasi o woloo ikpagho ni o mie shi ikanya okholo ni o gbe ya de eke. Agho o de tu ukhomhi eke ku ito-a shi.

¹⁹ Ogbokpa ni o la iJerusalemu o suo ona, e ri irarigho ri unu eoli oyewe lu akagho Akedama, ni o migha shi Eke Olia. ‡

* 1:1 Li ze iLuk 1.1-4 † 1:4 Li ze iLuk 24.49 ‡ 1:5 Li ze iMat 3.11; iMak 1.8; iLuk 3.16; iJon 1.33
§ 1:8 Li ze iMat 28.19; iMak 16.15; iLuk 24.47-48 * 1:9 Li ze iMak 16.19; iLuk 24.50-51 † 1:13 Li ze iMat 10.2-4; iMak 3.16-19; iLuk 6.14-16 ‡ 1:19 Li ze iMat 27.3-8

20 IPita oṛ, “Irari khi, a keḳe ọli shi ebe Iwolo khi,

“ ‘A tsua owa oyọli pfi.

A khi me ọgbokhoghuo
ni ọ gbo la oni owa,’

“A gbo li keḳe ọli:

“Ọgbọse ọ rue asha omheṣe oyọli.”§

21 “Itobọ onana, o ti ni awa ze ọgbọ ọghuo ni ọ to ẹlolo iJudasi, oni ọgbọ ọ mema ya khi ọgbọ ni ọ nu awa la ọ rọte ẹghẹghẹ ni iJesu ọ rọ la iteva oyi awa,

22 rọte ẹghẹghẹ ni iJoni ọ rọ batazi ẹgbọ ya ramhi ogbeḳe ni Eshinegba ọ rọ rue iJesu lasese elemhi iteva oyi awa nga idane. Ọgbọ ni awa ya ze ọ mema ya nu awa gbe akanya aguele irọte ẹghuli guale oyi iJesu.”

23 Ighọ e khokho emose aava. Omose ọghuo ni a lu iJosefu ni a lu iBasabasi, ni a gbolo ẹ lu iJositosi, ali omose ọlese ni a lu iMatayasi.

24 Ighọ e lema, ẹ li, “Onomhue, u lese udu oyi ọgbokpa, kpeḳe rọte elemhi ẹgbọ etuava ena ze

25 oni ọ ya rue ikanya aghiusomhi na keḳe ni iJudasi ọ ze obọ je obini o khili oyọli.”

26 Ighọ e bọ shi ọ, obọ o mu iMatayasi, Ighọ e li ya rue ọli ma ighiusomhi na keḳe ogbaghuo ni iJesu ọ ze.

2

Ayemhe-ṛo-pfuase ọ bhale ogbeḳe iPetikositi

1 Abi ogbeḳe ukpe iPetikositi o rọ ramhi, igbaa oyi eni e mie iJesu iKirisiti suọ nya e lona kugbe asheghuo.*

2 Utoghuo-kpe, okeke o rọte idane tiemhile abi akpeḳeli ni o toto, oni okeke o vọ elemhi oni owa ni e shito.

3 Ighọ e me emini e li abi ẹlemhi erali khi e rọte ashakhasha a tiemhile shi we ọ.

4 Ighọ Ayemhe-ṛo-pfuase ọ vọ wewe nya egbe, ee ngme emue oyi ẹoli ọdoda abi oni Ayemhe ọ li khueghie we unu-a.

5 Ẹgbọ iJu ni ẹ na ulishi Eshinegba ni e rọte ushishi ọdoda na eke agbọ jele, e la elemhi iJerusalemu.

6 Abi e rọ suọ oni okeke ona, ebubu ẹgbọ e kpeli bhale. O nya we alo-a abi e rọ suọ khi eni ẹgbọ ni e miesuọ khi ẹ ngme emue ọdoda eyi wewe.

7 Ighọ abọ e sha we egbegbọ, e lie egbe. “Eni ẹgbọ ena, ni ẹẹ ngme emue eyawa ena, ọa khi ẹgbọ iGalili e she khi?”

8 Se awa ke lie suọ we khi ẹẹ ngme emue ọdoda eyawa?

9 Ẹoli ọdoda awa te lasese, eghuo e rọte iPatia bhale, eghuo ọ, iMedisi ali Elamu, eghuo ọ, iMesopotemia, eghuo, eke iJudia ali iKapadosha, eghuo, iPotusi ali Esha,

10 eghuo, iFirigia ali iPafia, eghuo, iJipiti ali ukieḳe eke iLibiya ni o ti mama eke iSairin, eghuo e rọte iRomu bhale,

11 li shi ẹgbọ iJu ali ẹgbọ iJeta ni e mu pfi bhale irudunga oyi ẹgbọ iJu. Eghuo elemhi awa e rọte iKireti ali Arebia bhale. Abi o rie khi ighọ, awa kie ga suọ khi ẹ ngme emue eyawa, ẹẹ guele ikanya eniemhi ni Eshinegba o gbe.”

12 Eni ingme ni a me e sha ọgbokpa abọ, ẹa lese udi we, e mhila egbe we. “Se onana o ngme?”

13 Ẹgbọ eghuo e rewe ẹ li egia, ẹ lie, “Onyọ ọṛ gbe we.”

IPita ọ nu eni ebubu ẹgbọ ngme

14 Ighọ iPita ọ vule migha, loḳi ali ogbaghuo ni e kpole, ọ khueghie unu-a leghe, ọ nu eni ebubu ẹgbọ ngme, ọṛ, “Apfemhe iJu, ali ẹẹ ẹgbọ nya ni a la elemhi iJerusalemu, a rọ esọ shi mhe eke ni mhi gue ingme ni a me ena ye ẹ.

15 Ọa khi onyọ ọṛ gbe eni ẹgbọ ena abi a dabi. Irari khi ogbe ọa dala ne, agogo itili ẹle uzogbe awa la!

16 Iiye! Emini a me ena o khi emini omekeguele iJoel ọ guele ẹghẹghẹ ni o dose ni ọ re:

17 “ ‘Eshinegba ọṛ, Ogbeḳe ni e kpukhokho,

mhi ya ri Ayemhẹ oyemhẹ
na ẹgbokpa.
Imi ẹ eni emose ali eni ikpotso
e ya ke gue usomhi ni mhi ghie
we le.

Izeo eye ẹ, e ya ke mekeguele,
egbhali eye ẹ, e ya ke la ẹlena.

¹⁸ Shi eni ẹ ga ogbo
eni emose ali eni ikpotso eyemhẹ,
Mhi ya ri Ayemhẹ oyemhẹ
na we ogbele ni a ngme ena,
e ya gue emini mhi rokhasẹ we le.

¹⁹ Mhi ya ro onyaloa khasẹ,
obini irarogbe,
ali khi mhi ya gbo ri
irokhasẹ khasẹ eke agbo.

Mhi ya pfi okholi shi elemhi agbo,
ni egbo e me ọlia
ali erali ali ewoli

²⁰ Owo o ya bi obili a,
mhi ya ri uki yile-a rarara abi ọlia,
neni ogbele ni o fune
oyi Onomhue o ya bhale
ni o ro ya gue ogbokpa ezọ.

²¹ Ogbokpa ni o da pfi lu
eva oyi Onomhue ne, a ya tsumhi ọli.†

²² “Eẹ egbo ni a la eke iZireni, a ro
esọ shi ungmehi onana. Eẹ a lese
khi iJesu ongi iNazareti, o khi ogbo ni
Eshinegba o ri egbe khasẹ, o gbo ghie
ọli, itobọ khi Eshinegba o ri ekpabọ na
li o ke gbe ikanya onyaloa elemhi iteva
o ye ẹ.

²³ Abi o ro tseku khia khi a lese ona,
a kie ze ni egbo ebe e mu ọli ghi ẹ ni a
gbe ọli-a. Ama Eshinegba o she kpe gba
onana o lese ọli.‡

²⁴ Ama Eshinegba o rote eghuli guise
ọli le. Eghuli ọa dobe ri ekpabọ oyoli
mu ọli mama, abi okpotso ni oku ọọ to
ọa li dobe a mu omọ o khi lasele. §

²⁵ Itobọ khi oghie iDefidi ọọ ngme
ingme oyi iKirisiti ni o reẹ,
“Mhi me khi Onomhue
o migha kpesẹ mhe egheghe kpa,
o la ukiekie obita oyemhẹ,
udu ọa ya nighise mhe.

²⁶ Itobọ ona udu oyemhẹ o ro o ghele,
mhi ri uruli oyemhẹ ẹ kueghie-ẹ,

mhi ri egbe deẹ.

²⁷ Itobọ khi waa ya
ze mhe obọ shi elemhi uji,
wekhi eri u ya ze ni
Oni o pfuase oye o ke-a.

²⁸ U she kpe gueye mhe
khi mhi ya la agbo ini
u guise mhe te eghuli le.*

U ya ri oghẹle oniemi na mhe odalo
oye.’

²⁹ “Inyoghwo, mhi mema ya ri
igbedu gueye ẹ khi oghie iDefidi ni o
khi itita awa, o she kpe ghu-a ni egbo
e ro to, oni uji ni a ro ọli to o kie la
akaghọ ramhi ogbe na amo.

³⁰ Awa lese khi iDefidi o ngme
aguele-shi-eke shi iKirisiti egbe, irari
khi o lese khi Eshinegba o she kpe
shobọ na lue ni o mema ro ya tse, khi
loli ya ri ogbo oghwo unuekpe oyelue
shito ukpekhomhi oghie oyelue.†

³¹ Eri Eshinegba o roli khasẹ iDefidi
emini a ya me ogbenako, loli o ro
ngme ọli khi Eshinegba o ya rote eghuli
guise iKirisiti le. Oo khi Eshinegba ọa
ya ze ọli ghua ni idiegbe oyoli o kea shi
elemhi uji.

³² Eshinegba guise iJesu le bhale
agbo. Awa nya awa ri ukpeloe oyawa
pfi otsele shi o khi iJesu o she guale.

³³ Eshinegba o she ri ekpe oniemi
na iJesu, o shito ukiekie obita oyi
Eshinegba. IJesu o she rote obọ oyi ita
mie Ayemhẹ-no-pfuase, abi Eshinegba
o kie kpe li shobọ na li. Oni iJesu o
she rue oni Ayemhẹ-no-pfuase tutu vo
anye egbe, loli o khi emini a me, ni a
gbolo a suọ memena.

³⁴ Ama lese khi iDefidi ọa nga
iloghie. Itobọ igho, aa khi ingme
egbọli iDefidi ọọ ngme abi o ro liẹ,
“Onomhue o gueye Onomhue oyemhẹ:
Shito ukiekie obita oyemhẹ,

³⁵ ramhi ni mhi ro ya ri ebe ẹ
mele akphawe-nga oye-a’‡

³⁶ “Itobọ ona, mhia nono ni eẹ egbo
iZireni nya a lolo lese onana khi,
Eshinegba o ze oni iJesu onana ni a

† 2:21 Li ze iJọe 2.28-32 ‡ 2:23 Li ze iMat 27.35; iMak 15.24; iLuk 23.33; iJọn 19.18 § 2:24 Li ze iMat 28.5-6; iMak 16.6; iLuk 24.5 * 2:28 Li ze iwole 16.8-11 † 2:30 Li ze iwole 132.11; 2 iSam 7.12-13 ‡ 2:35 Li ze iwole 110.1

gbe-a shi apfida ọ khi Ọnọmhuẹ ali iKirisiti.”

³⁷ Abi eni ẹgbọ e rọ suọ eni ingmemhi ena se, oo nase wẹ udu. Ighọ ẹ li mhila iPita ali ighiusomhi na keẹ eni e kpọle, ẹẹ wẹ, “Inyọghuo, Sẹẹ anye li ya kia ni Ẹshinẹgba ọ rọ ọ gbe olamhẹ kua na anye?”

³⁸ IPita ọọ, “Eẹ nya a mupfi ni anye ri eva oyi iJesu iKirisiti batazi ẹ, isheghọ ni Ẹshinẹgba ọ gbe olamhẹ kua na ẹ, itobọ khi eni e mie iJesu suọ a ke khi, ni a mie isomhopfa Ayẹmhenọ-pfuase.

³⁹ Emini Ẹshinẹgba ọ shobọ ena, oye ẹ lọ ali oyi imi ẹ, ali oyi ọgbọkpa ni Ẹshinẹgba ọ ya zẹ obiobini e la.”

⁴⁰ IPita ọ ngme ingmemhi ni e bu, ọ tse agua ye wẹ, ọọ wẹ, “A na pfue anasemhẹ ni ẹgbọ ikpamhika ena e ya me.”

⁴¹ Ighọ a li batazi eni e mie oni ungmehi suọ. Ẹgbọ agbelẹ esẹ e khi ni e kuma igbaa oyi eni e mie iJesu iKirisiti suọ ọ ẹlẹghọ.

Ilakugbe oyi ighiusomhi eyi iKirisiti

⁴² Eni ẹgbọ e ri emini ighiusomhi na keẹ e sesẹ wẹ gbe akanya, e ga kugbe, e le eminale kugbe (e le eminale no pfuase kugbe), e sọ iromhi kugbe.

⁴³ Ọgbọkpa ọ mu ekpe ni o fune ẹ na Ẹshinẹgba irari ọlẹlẹ ọnyaloa ali ọshabọ ebubu ni eni ighiusomhi na keẹ e gbe.

⁴⁴ Eni e mie iJesu suọ nya e kudugbe, e kemhi emini e mhọli nya na egbe. §

⁴⁵ Eni e mhọli ekẹ e ri ekẹ eyẹwẹ dẹ, elese eni e mhọli itsua, e rẹ wẹ dẹ, e wolọ ikpaghọ kugbe kemhi ni eni ẹa mhọli.

⁴⁶ Ogbelẹ kpa e rọ ọ legba elemhi apfẹ ni i la Owa Oyi Ẹshinẹgba. E ri oghelẹ ali udu ni o pfuase nu egbe la apfẹ egbe e le eminale. E le eminale no pfuase.

⁴⁷ Ee kuẹghie Ẹshinẹgba, ighọ ẹgbọ e li somhi elemhi wẹ. Ogbelẹ kpa Ẹshinẹgba ọ rọ ri ẹgbọ ni a mie e pfuese ma wẹ ọ.

3

A ri ọcheghelẹ-awe-a ni ọọ lema ze

¹ Ogbelẹghuo khi iPita ali iJoni ee je Owa Oyi Ẹshinẹgba ẹghẹghẹ agogo esẹ ọguota ni a la sọ iromhi.

² A tsua ọmose ni ọ rọte abi a te bia li guoghọ-a bhale ya shi ode unuekpe ni a lu Isomhotse oyi Owa Oyi Ẹshinẹgba. Akaghọ a tsua li bhale ya shitọ ni ọ te me asha mhila ẹgbọ ni ẹ lo oni Owa Oyi Ẹshinẹgba le ikpaghọ.

³ Abi ọ rọ me iPita ali iJoni khi e lo oni Owa Oyi Ẹshinẹgba, ọ mhila wẹ ikpaghọ.

⁴ Ighọ iPita ọ bino ọli alo tatata, ighọ li khi iJoni. IPita ọọ li, “Bino anye!”

⁵ Ighọ ọ li bino wẹ, ọ ri udu sa khi lọli ya me wẹ emhi obọ mie.

⁶ Ama iPita ọọ li, “Mhi aa mhue ukpaghọ ya ne, ama mhi ri emini mhi mhọli ne. Irari eva oyi iJesu iKirisiti ọnge iNazarẹti, vule ni u ke kia!”

⁷ Ighọ iPita ọ mu ọli obọ-ita vule. Udemhija, awe ali ili awe eyọli e na ya to.

⁸ Ighọ ọ ti vule migha, ọọ kia gasẹ. Ọ nu wẹ lo elemhi oni Owa Oyi Ẹshinẹgba, ọ kia, ọ jino, ọ kuẹghie Ẹshinẹgba.

⁹ Abi ẹgbọ ni e la akaghọ nya e rọ me ọli khi ọ kia gasẹ, khi ọ kuẹghie Ẹshinẹgba,

¹⁰ e lesẹ oni ọ khi, khi lọli ọ kpe ẹ shitọ ode unuekpe ni a lu Isomhotse e lema, oni ingme o sha ọgbọkpa abọ, ẹa lesẹ abi ọ li kia.

IPita ọ nu eni e migha a fe ngme

¹¹ Abi oni ọmose ọ li mu iPita ali iJoni mhue eghọ, ọshabọ o sha eni ebubu ẹgbọ, e kpikpi fie deba wẹ ya lo arakpha ni a lu Arakpha oyi iSolomoni ni o la oni Owa Oyi Ẹshinẹgba.

¹² Abi iPita ọ rọ me abi eni ẹgbọ ee li, ọọ wẹ. “Eẹ ẹgbọ iZireni, elọ o zẹ ni onana o rọ lighọ ri abọ sha ẹ ni a rọ lina a bino anye abine khi ekpabọ ali ipfuase eyi anye, anye rọ rọli ze?”

¹³ Ẹshinẹgba oyi Aburaamu, ali Aziki ali iGiekọpu, ni ọ khi Ẹshinẹgba oyi

itita awa, o she ri ufumhi oyoli na iJesu, Oni o o ga li. Ama eri a rue oli na ena omhese, a kie oli odalo oyi iPaleti abi o tseku mholi oli shi udu khi loli ya rue oli obo-a.*

14 A kie iJesu oni o pfuase ali oni o gue e ngeli, a ri ochogho lie iPaleti o rue ogbo ni o gbe ugbeli abo-a na e.†

15 Ama a gbe ogbo ni o ri ogbo a je agbo-a. Ama Eshinegba o gbo guise oli le abi o ro ghua. Anye aava anye me oli abi o ro guale, anye ro pfi otsele shi o.

16 Itobo ekpabo ni e la eva oyi iJesu anye ro dobe ri omose ona ni a lese ni a fele ena ze, oni irudunga oyi oni omose loli o ze khi o ga ze pfo nya ni a ga me memena.

17 “Inyoghwo-mhe, mhi lese khi emini ee ali eni e ralo na e a riele iJesu, khi elemhi umhalese a te riele we.

18 Ina Eshinegba o li ri ungmehi oyoli ya tse, oni o rote eke rote unu oyi emekeguele ngme khi iKirisiti o ya me osoli.

19 A zono khashe Eshinegba khi a pfido, ni a mu pfi deba Eshinegba, ni o shishi olamhe eye e a, Ini a ligo, eghenge iyemhe o ya rote obo oyi Onomhue bhale deba e.

20 Ini o o ghie oni o shobo bhale agbo ghi awa kpa, ikhi iJesu, oni Omiepfuese.

21 IJesu o mema ya kie la obini iloghie ramhi eghenge ni Eshinegba o ro ya mu emhikpa pfi gbo mele enegbo-a, abi Eshinegba o li rote unu oyi emekeguele eni e pfuase eyoli shobo na awa eghenge ni o dose.

22 IMosisi o ngme oli, oo, ‘Onomhue Eshinegba oyee o ya rote iteva oyee mu Omekeguele nabi mhemhe vule na e. A ya mema ri eso shi ingmemhi ni o ya gueye e.‡

23 Oni o da da ri eso shi oli o, Eshinegba o ya khi oli egbo eyoli ku-a.’§

24 “Egbebo lo khi emekeguele nya rote iSamue ya je odalo, e kpe ngme emini a ya me eghenge oyawa shi eke.

25 Emini eni emekeguele enana e ngme, ee o go lu, a li mholi okemhi shi ishobo ni Eshinegba o shi na itita e, ni o la lie Aburaamu, ‘Mhi ya rote obo oyi imimi e khi vose na egbo na agbo nya.’*

26 Abi Eshinegba o ro mu Oni o o ga oyoli vule, O te odode ghie oli ghi e ni o khi vose na e abi o ro mu e nyene lase ingmobe eye e le.”

4

IPita ali iJoni e migha odalo oyi Enighie shi ezọ

1 Abi iPita ali iJoni e kie nu eni egbo o ngme, eni ee khekhe oni Owa Oyi Eshinegba ali egbo iSadusisi eghuo e bhale deba iPita ali iJoni.

2 Elemhi e bi we itobo khi eni ighiusomhi na kee eyi iJesu ee sese eni egbo khi iJesu o rote eghuli guale. Eri onana guele khi egbo eni e ghu-a khi e gbo ya rote eva oyi iJesu guale.

3 Igho eni egbo e li mu iPita ali iJoni, irari obili o she bi egho, e mu we shi owa ighumha ramhi ogbeakolo.

4 Ama ebubu egbo ni e suo ingme ni iPita o ngme e mie iJesu suo. Emose ni e ke miesuo e ya khi egbo agbele ishe.

5 Ogbeakolo, eni ee mheshe eyi iJu ali eni egbhali ali esese Ishi eyi iMosisi eyi egbo iJu e legba iJerusalemu.

6 E ya me Oga oyi ekpodalo ugamhi ni a lu Anasi ali iKefasi, ali iJoni ali Alezada ali ena omhue-apfe oyi Oga oyi eni ee ralo ugamhi.

7 Igho e mu iPita ali iJoni bhale iteva oyewe migha. E mhila we, “Ekpabo nabise ali eva oyoghwo a ro gbe akanya ona?”

8 Igho iPita ni Ayemhe-no-pfuase o vo egbe o we: “Ee enighie eyi egbo ali egbhali,

9 A mhila anye amo akanya onete ni a gbe na oni o guoghwo-a ona, ali abi a li ro oli toto.

10 Emhi oghuo o la o ni anye ya gueye e ali egbo iZireni nya. Itobo eva oyi iJesu iKirisiti onge iNazareti,

* 3:13 Li ze Okiali 3.15 † 3:14 Li ze iMat 27.15-23; iMak 15.6-14; iLuk 23.13-23; iJon 19.12-15 ‡ 3:22 Li ze iDeut 18.15,18 § 3:23 Li ze iDeut 18.19 * 3:25 Li ze Igbae 22.18

omose ona o ro migha iteva oye ni o ro toto ngmala ena. Loli o khi oni iJesu ni a ta ma apfida, ni Eshinegba o rote eghuli guise le.

11 IJesu khi ogbo ni Ebe-no-pfuase o ngme ni o o,*

“Eche ni itsona e kie pfa,
o tigbe mele oni echeli ebę
ni o mu eloe ne nya-a.’

12 Imiepfuese o la obọ oyi ogbolese, irari khi eva olese o la ni Eshinegba o ro na ogbokhoghuo elemhi agbo onana ni awa ya te mhọli imiepfuese.”

13 Abi eni e e mhesę na egbo iJu e ro me igbedu ni iPita ali iJoni e mhọli, ni e ro ya lese khi egbo tse ni ea ye owa ebe e khi, abo e sha we, e me-we-me khi e kpe nu iJesu u kia.

14 Ama, abi e ro me omose ni a ro ze khi o nu we migha agho, ea ke mhue abi e ya ngme.

15 E gueye we e vu wewe iteva lase ne, igho e li nu egbewe ye ochi.

16 Ee, “Se awa ya li eni emose ena?” Egbokpa ni e la iJerusalemu e she lese ikanya onyaloa ni e gbe, o a ze awa ya tia.

17 Ini ingme ona o khi gbeke-a, awa mema tse agwa ye we e khi gbo gbudu ri eva oyi iJesu nu ogbokhoghuo ngme.

18 Igho e lu iPita ali iJoni nyene egbe bhale elemhi oni owa ugamhi, e gueye we e khi me emini o re we gbo gbudu ri eva oyi iJesu nu ogbokhoghuo ngme wekhi iroli sese.

19 Ama iPita ali iJoni ee we, “Ee a so o ghue, ini o ya ti Eshinegba eloe, ini ee o fe ti ni anye suo esọ na, ocho ni anye kha ro suo esọ na Eshinegba.

20 Irari khi aa tigbe ya me khi anye ea ya gueye egbo emini anye me ni anye suo.”

21 Abi e ro nyamhise we alo se, e zewe obọ vu. E me khi ea ze we ya nase itobo khi egbo ni e la agho nya ee kueghie Eshinegba shi itobo omose ni o a kpe dobe e kia ni e ro ze.

22 Irari khi oni omose ni a ri akanya onyaloa ro ze o dose ikpe egbhueva.

Olema ni igbaa eni e mie iKirisiti suo e lema shi igbedu

23 Abi a ro rue iPita ali iJoni abo-a, e le deba apfewe. E gueye we abi ighie eyi ekpodalo-ugamhi ali eghali e ngme ewe.

24 Abi e ro suo ona, e ku unu a nyogho lema Eshinegba, ee, “Onomhue, ye ye u ma eke ali ukhuli ali oke oniemhi ali emini e la elemhi we nya.†

25 Ye ye u ri Ayemhe-no-pfuase rote unu oyi oghie iDefidi ita anye ni o khi oni o o ga oye lie,

“Elo o ze ni ishishi egbo
e ro o nyaghu

ni egbo e ro o domhi mhe shi afue?

26 Ni ighie ni e la agbo
e ro mu egbe shi okhọli,

egbo eni ee mhesę e tiggili
ni e ro mu okhọli vule

shi Eshinegba Onomhue o,
ali iKirisiti ni o she ze.‡

27 Esheshi gho Erọdu ali iPotiusi iPaleti e ya nu egbo iJeta ali egbo iZireni lona kugbe elemhi oni eoli ona. E gba kugbe, e gbe iJesu oni o o ga oye-a, oni u ze.§

28 E riele emini u ri ekpabo ali oghuemhe oye gba shi eke khi a ya me.

29 Ama memena, Onomhue, bino abi e lie domhi, ni u ri ekpabo na anye eni ee ga eye, ni anye gbe udu ke ngme ungmehi oye.

30 Nise obo-a ri egbo ke ze, u gbolo e gbe olele onyaloa ali oshabo rote eva oyi iJesu Oni o o ga ni o pfuase oye.”

31 Abi e ro lema se, elemhi owa ni e la oo jighise, Ayemhe-no-pfuase o tiemhie shi we o, o ri igbedu na we e ngme ungmehi oyi Eshinegba.

Igbaa oyi eni e mie iJesu iKirisiti suo ee kemhi itsua na egbe

32 Igbaa oyi eni e mie iJesu iKirisiti suo e mhọli udu ali usamhi oghuo. Ongewe o a ke lie khi eri loli mhọli

* 4:11 Li ze Iwolo 118.22 † 4:24 Li ze Okiali 20.11; iNee 9.6; Iwolo 146.6 ‡ 4:26 Li ze Iwolo 2.1-2

§ 4:27 Li ze iMat 27.1-2; iMak 15.1; iLuk 23.1,7-11; iJon 18.28-29 * 4:32 Li ze Ika 2.44-45

emhikhoghhuo ọtsobo oyelue, ama eri e ku emhikpa gbe ke mholi.*

³³ Eni ighiusomhi na kee e ri ekpabo o pfi ọtselẹ je odalo shi ungmemhi irọte-eghuli guale oyi iJesu Onomhue. Egbọ nya e mu ekpe e na we.

³⁴⁻³⁵ Aa me ọngewe ni emhikhoghhuo o to. Irari khi egheghe kpa, eni e mholi ekẹ ali apfe e ro rewe e de, e rue eni ikpagho ni e re we de bhale ufuẹge oyi ighiusomhi na kee. E kemhi we na ogbogbo abi o li to oli.

³⁶ Igho iJosefu ni o khi unuekpe oyi iLiva, ni a bia shi ekẹ iSapurosi. IBanabasi, eni ighiusomhi na kee ee lu oli. Emini a ri eva ona ngme khi Orudushi-egbo o.

³⁷ IBanabasi o ri ekẹ ni o mholi de, o rue eni ikpagho ni o roli de bhale ya shi ufuẹge oyi ighiusomhi na kee.

5

Ananayasi ali iSafira

¹ Omose oghuo o la o ni a lu Ananayasi ali ughue oli iSafira, e ku abo gbe ri ekẹ oyewe de.

² O te eni ikpagho ni o ri oni ekẹ de rue sheli na egbo, ughue o lama shi oli o. O tsua ikhukhui eni ikpagho ghi ighiusomhi na kee.

³ Igho iPita oo, “Ananayasi, elo o ze ni u ro ze ni okphaghiẹ o lo e udu, ni u ro lo egbholi khasẹ Ayemhe-no-pfuase, ni u ro rote eni ikpagho ni u ri oni ekẹ de rue shi na egbe e?”

⁴ Oa khi oye oni ekẹ o khi neni u roli de? Abi u ro roli de se, eni ikpagho ea kie khili eye? Elo o ree sa usamhi onana? Oa khi ogbo u lo egbholi khasẹ ama Eshinegba!”

⁵ Abi Ananayasi o ro suo ungmemhi ona se, o de ekẹ, o ghua. Ulishi oniemi o ku rughu egbo kpa ni e suo emini a me.

⁶ Igho izẹo e rote iteva oyewe fie lasela ya ri ide khuli olimhi oyoli, e tsua li fie je olase ya ro to.

⁷ Iwakati ese e lese na dose te, ughue oli o lola, oa lese emini a me.

⁸ IPita o mhila li, oo, “Gueye mhe ghue, ingme ni yeye ali Ananayasi odode a ri oni ekẹ de na?”

Oo li, “Ii.” “Igho anye ri oni ekẹ de.”

⁹ IPita oo, “Se ee ava-ava a li yemhe shi oghuo ni a mhesẹ Ayemhe-no-pfuase bino? Emose ni e tsua odode ya to lena e la ode kia bhale. Wewe e gbo li tsue ya to!”

¹⁰ Utoghukpe o de ekẹ, o ghua. Eni emose e bhale, e ya e khi o she ghua, igho e tsua li ya to mama odoli.

¹¹ Ulishi oniemi o mu igbaa oyi eni e mie iJesu iKirisiti suo nya ni e suo emini a me.

Eni Ighiusomhi na ke e ri eni ee ghua ebubu ze

¹² Eni ighiusomhi na kee e gbe ebubu olele onyaloa ali oshabo ododa iteva oyi eni egbo. Igbaa oyi eni e mie iJesu iKirisiti suo e lona Arakpha oyi iSolomoni na elemhi Owa Oyi Eshinegba elemhi ikudugbe.

¹³ Ogbokhoghhuo oa gbudu kugbe we o aboriekhia khi egbo nya e ri ekpe na we.

¹⁴ Abi o rie khi igho, eri ebubu emose ali ikpotso elese e mie Onomhue suo, a ku we ma igbaa oyi eni e mie iJesu iKirisiti suo.

¹⁵ Irari ikanya onyaloa ni ighiusomhi na kee e gbe, egbo e tsua egbo ni ea ze bhale ode ifu apfe rewe yeshi ukpho ali iya, ini akphakpha oyi iPita oo nga we egbe ini oo dose.

¹⁶ Olele egbo e rote eoli ni e la gase iJerusalemu bhale. E tsua egbo ni ea ze ali eni e mholi ayemhe okphaghiẹ bhale, igho a ri wewe nya ze.

A mu okholi vule shi Ighiusomhi na ke o

¹⁷ Oga oyi ekpodalo ugami ali apfoli ni e ga ro la otu oghuo ni a lu otu iSadusisi, e kpe ofuma a deba ighiusomhi na kee.

¹⁸ E muno eni ighiusomhi na kee ku lo owa ighumha.

¹⁹ Ama eliyose, ageni o khueghie ode oyi oni owa ighumha-a na we, o rue we ya lase.

20 Oo wẹ, “A ke vu, a je elemhi ogba na Owa Oyi Ẹshinẹgba ya migha ni a gueyẹ ẹgbọ usomhi onete oyi agbọ onogbọ ona.”

21 Abi ogbe o rọ gbe-a, eni ighiusomhi na keẹ e dọsẹ lo Owa oyi Ẹshinẹgba, ee sẹsẹ. Abi Oga oyi ekpodalo ugamhi ali apfọli ni e rọ ga la otu oghuo e rọ bhale, e lu ilegba oyi eni egbhali eyi ẹgbọ iZirẹni (ni a lu iSaẹdiri), ighọ e lu eni e ri ẹloe ẹ khu owa ighumha e ka wolọ eni ighiusomhi na keẹ igha ghi ẹwẹ.

22 Ama abi e rọ ramhi aghọ, e bhale ya ẹ khi eni ighiusomhi na keẹ ẹa la oni owa ighumha, ighọ e nyenẹ egbe je ya gueyẹ eni e ghie wẹ.

23 Ẹ li, “Anye bhale ya ẹ khi a sọ okpẹ owa ighumha gba-i! Khi ekhekhe e migha unu ode. Ama abi anye rọ khueghie eni ode-a lo elemhi aghọ, anye ẹa mẹ ogbọkhọghuo elemhi aghọ.”

24 Abi e rọ suọ ona, abọ e sha oghie oyi eni ẹ khe ekhe Owa Oyi Ẹshinẹgba, ali ighie eyi ekpodalo-ugamhi, itobọ khi ẹa dobe leşe udi emini a mẹ ena idiegbe oyi ighiusomhi na keẹ. Oni ingme ọa zẹ wẹ sa.

25 Ighọ omọse oghuo o bhale wẹ iteva, oo wẹ, “A bino! Ẹgbọ ni a mu shi owa ighumha e la Owa Oyi Ẹshinẹgba a sẹsẹ ẹgbọ!”

26 Ighọ eni ẹ khe ekhe e vu ya mu eni ighiusomhi na keẹ. Ẹa ri itoto riẹlẹ ọli itobọ khi ulishi eni ẹgbọ o mu wẹ ini ẹ ya tonu wẹ eche.

27 E muno eni ighiusomhi na keẹ bhale ya migha agbala, oni oghie oyi ekpodalo-ugamhi eyi Ẹshinẹgba o mhila wẹ gbọ.

28 “Anye tse agua gueyẹ ẹ aa khi ke ri eva ona sẹsẹ ẹgbọ. Ama a kiele ẹ sẹsẹ ẹgbọ, osesẹ oyẹẹ o gbhiaku eke iJerusalemu nya. A yese ni ẹgbọ e ya ke dabi khi anye gbe iJesu-a!”*

29 IPita ali ighiusomhi na keẹ eni e kpole ẹ wẹ, “Anye mema ya ri oyi Ẹshinẹgba gbe dọsẹ oyi ẹgbọ.”

30 Ẹshinẹgba oyi itawa o rọte eghuli guise iJesu le, oni a soli-a shi ọọra gbe-a.

31 Ẹshinẹgba o she yase ọli nga obita ni o pfuase oyọli abi Omi Oghie ali Omiepfuese, ni ọọ ri ẹghẹghẹ na iZirẹni gbo mhọli imupfi ali igbekua shi olamhe.

32 Anye khi ọtsẹlẹ shi eni ingme ena nya, ighọ li khi Ayemhe-no-pfuase, ni o khi isomhopfa ni Ẹshinẹgba o rona eni e suọ esọ na li.

33 Abi e rọ suọ ona, e pfaa, e nono abi e li ya gbolo wẹ-a.

34 Ama iGamaliẹ ni o khi otu iFarisi ni ọọ sẹsẹ Ishi eyi iMosisi, ni o khi oni ẹgbọ e ri ekpe ẹ na, o vule migha elemhi oni igbaa oyi eni egbhali, o a wolọ wẹ fiẹ ne ukuku ẹghẹghẹ.

35 Ighọ oo wẹ, “Ẹẹ emose iZirẹni a kuebge-a sa emini a nono khi a ya riẹlẹ eni emose ena.

36 Ẹghẹghẹ ni o dọsẹ, omose oghuo ni a lu iTeudasi o lasese, oo lu egbọli emhi, ẹgbọ egbhueshe asha ene e kpikpi deba li. Abi a rọ gbe ọli-a, ẹgbọ eyọli e gbhiaku-a, oni okiali oyọli o mele afue-a.

37 IJudasi ongi iGalili o gbo lasese ẹghẹghẹ ni a rọ leli ẹgbọ, lolli ali ẹgbọ eyọli e pfi onyaghu. Abi a rọ gbe ọli a ẹgbọ eyọli e gbhiaku-a.

38 Irarighọ, mhi ye ẹ ude shi idiegbe oyi ẹgbọ ena, a zẹ wẹ obọ! Zẹ wẹ obọ ni e vu! Ini emini e rọ bhale khi obọ oyi ẹgbọ o te bhale, e ya de.

39 Ama ini o khi obọ oyi Ẹshinẹgba o te bhale, aa ya tigbe dobe mu wẹ gba, ama khi Ẹshinẹgba a nu ẹ khọli.”

40 Oni ungmehi ni o ngme o lo wẹ udu. E lu eni ighiusomhi na keẹ lasese, e gbe wẹ itali, e gueyẹ wẹ e khi ke ngme ingme oyi iJesu, e zẹ wẹ obọ vu.

41 Eni ighiusomhi na keẹ e rọte aghọ vu, ee ghele khi wewe e li te o na ri omama a mu shi eva oyi iJesu.

42 Ẹa tigbe yemhe-a, ogbele kpa e rọ o sẹsẹ, ni e gbo rọ o tse abọ usomhi onete khi iJesu o khi Omiepfuese, elemhi ogba na Owa oyi Ẹshinẹgba ali

* 5:28 Li zẹ iMat 27.25

rọte owa ya je owa.

6

Emose oshilua ni a zẹ

¹ Eghẹghẹ ni a ngme ena khi igbaa oyi eni e mie iJesu iKirisiti suọ khi ee ke bu shi ọ, ẹgbọ iJu eni ee ngme ẹlẹmhi iGiriki elemhi wẹ, ee wọlọ khi ẹgbọ iJu eni ẹẹ ngme ẹlẹmhi Iburu, e ri ukpẹlọe ẹ gbe esamhi-olimhi eyi wẹwẹ ini ẹẹ kemhi eminale ogbẹlẹ kpa.

² Ighọ ighiusomhi ogbava e luno igbaa oyi eni e mie iJesu iKirisiti suọ nya kugbe, ẹẹ wẹ, “Ọa ti ni anye pfi akanya itsabọ ungmehi oyi Ẹshinẹgba shi eke, ni anye sọ alo ghue eminale ikemhi.

³ A zẹ emose oshilua elemhi iteva oye ẹ, ni a lẹsẹ khi e mhọli Ayemhẹ-nọ-pfuasẹ ali ilẹsingme. Ni awa ri akanya irelọe-khu ingme eminale ali itsua ikemhi na wẹ.

⁴ Isheghọ, ni anye mẹ asha ri ẹlọe shi iromhi isosọ ali itsabọ usomhi onete.”

⁵ Oni akhọkhomhẹ ona o ga ghọle ẹgbọ kpa ni e le gba. E zẹ iSitivini ni ọ mhọli irudunga ali Ayemhẹ-nọ-pfuasẹ, ali iFilipu, ali iPirokorusi, ali iNikano, ali iTimoni, ali iPamenasi, ali iNikolasi ni ọ khi ọngi Atioki ni a mu pfi je irudunga oyi ẹgbọ iJu.

⁶ E ri ẹgbọ ena khase eni ighiusomhi na keẹ, eni ighiusomhi na keẹ e ri abo nga wẹ ukhomhi lema na.

⁷ Ighọ ungmehi oyi Ẹshinẹgba oo gẹ shi ọ. Igbaa oyi eni e mie iJesu iKirisiti suọ e bu shi ọ elemhi iJerusalemu. Ebubu ekpodalougamhi eyi Ẹshinẹgba e lama shi oni irudunga.

A mu iSitivini

⁸ ISitivini, omose ni Ẹshinẹgba ọ khivose na, ọ mhọli ekpabọ oyi Ẹshinẹgba rọ gbe ikanya ọnyalọa ali oshabọ iteva oyi ẹgbọ.

⁹ Ama ẹgbọ eghuo ni e khi igbhogbho na owa ugamhi oyi eni e kpẹ khi ighumha, e nu iSitivini i khako. IJu eni ẹgbọ ena e khi ni e rọte eke

iSairini, ali Alezadira bhale ali eni e rọte eke iSilisha ali Esha bhale, ni e ke ngeli iJerusalemu.

¹⁰ Ama ẹa dobe nu ilẹsingme ali Ayemhẹ ni ọ rọ ọ ngme khe abo.

¹¹ Ighọ e bẹna tanọ shi ẹgbọ eghuo elemhi, e liẹ, “Anye suọ abi iSitivini ọ rọ pfi unu-a deba iMosisi ali Ẹshinẹgba.”

¹² Ighọ e ngmiasẹ eni ẹgbọ ali eni egbhali ali eni ẹ sesẹ Ishi eyi iMosisi. E mu iSitivini bhale ilegba oyi eni ẹẹ mhese ali esọ-ẹzọ eyi ẹgbọ iJu ni a lu iSaediri.

¹³ E wọlọ ẹgbọ lasẹle ni e pfi ọtsẹlẹ ẹgbhọli khi, “Omose ọna ọa tigbe yemhẹ-a ingme-ingmemhi ipfiunu-a ni ọ ngme ẹ deba Owa Oyi Ẹshinẹgba no pfuasẹ ali ushi.

¹⁴ Irari khi anye suọ khi ọọ li khi iJesu ọnge iNazarẹti ọna, ọ ya guoghọ Owa oyi Ẹshinẹgba oyi ẹgbọ iJu-a, ọ ya gbo mu ighuighue ni iMosisi ọ rọ shi eke na anye pfi.”

¹⁵ Ẹgbọ ni e la oni ilegba nya ee bino iSitivini, e mẹ khi alo eyoli e gẹ nyanyanya abi alo eyi ageni.

7

Ungmemhi ni iSitivini ọ ngme

¹ Ighọ Oga oyi ekpodalo ugamhi ọ mhila li, ọọ li, “Igesikia ingme ni a gue shi ẹ egbe ena e khi?”

² ISitivini ọọ li, “Inyoghuo ali ita ni e le gba, a ri esọ shi mhe eke! Ẹshinẹgba ni ọ mhọli ufumhi, ọ ri egbe khase ita awa Aburaamu abi ọ rọ kie la eke iMesopotemia, neni ọ tigbe je ẹoli Arani ya la.

³ Ẹshinẹgba ọọ li, ‘Lase eke ali iteva oyi ẹgbọ eye le, ke je eke ni mhi ya rokhasẹ ẹ.’*

⁴ “Ighọ ọ rọte oni eke iKadia vu ya la ẹoli Arani. Abi itali ọ rọ ghu-a se, Ẹshinẹgba ọ ghie ọli je eke ni a ngeli ogbe namo.†

⁵ Oa ri ugu okhoghuo akana na li, wẹkhi ukuku eke okhoghuo ọ khi na li. Ama khi Ẹshinẹgba ọ she kpẹ shobọ na li khi lolli ali imimi ọli, e ya le ugu oni

* 7:3 Li zẹ Igbae 12.1 † 7:4 Li zẹ Igbae 11.31; 12.4

eke, abi o ro tseku khia khi egheghe agho Aburaamu o a bia omo okhoghuo ne.‡

6 Ina Eshinegba o li nu oli ngme. Imimie e ya khi epfese shi eke ni o a khi oyewe, e ya khi ighumha, a nase we elemhi ikpe egbhuеше asha ene.

7 Eshinegba oo, ama mhi ya nase ushishi ni e ya muno we ighumha. Ini mhi nase we na we se, e ya rote ushishi ogho lasela bhale eke ona ya ngeli, e gbo la akana a ga mhe.‡*^S

8 Igho Eshinegba o nu Aburaamu shobo ishele-a ni o ya khi irokhase khi ogho o mhuе obo shi oni ishobo. Igho Aburaamu o bia Aziki, o shele oli-a abi o ro gbe ogbele elele. Igho Aziki o gbo li khi ita iGiekopu, iGiekopu o gbo li khi ita emose ogbava ni e khi ititawa.†

9 “Itobo khi eni imi iGiekopu ee do iJosefu okonyo, e roli de abi oghumha ya je eke ijipiti. Ama Eshinegba o nu oli la.‡

10 O tsumhi oli obo ikphakphamhe nya. O ri ileingme na iJosefu, o gbo kpaghie oli obo ni ingme oyoli o ro ghole iFero ni o khi oghie oyi eke ijipiti. Igho oni oghie o roli leghie ukhomhi ijipiti ali agbala oyoli nya.‡

11 “Igho okiamhi oniemhi o la eke ijipiti ali iKena a pfi ni o pfi osoli oniemhi na ititawa ni ea ke ro me eminale e le.*

12 Abi iGiekopu o ro suo khi eminale e kpoku shi eke ijipiti, o ghie imiqli ni e khi ititawa je oobo ya bino odode.

13 Utonuzeva ni e ke ye, oni iJosefu o gueye inyoghuo oli oni loli khi, agho iFero o la lese egbo eyi iJosefu.†

14 Igho iJosefu o ghie ya rue itali iGiekopu ali egbo eyoli nya ni e kugbe khi oshe ea la egbhuene.‡

15 Igho iGiekopu o je eke ijipiti, ashini loli ali ititawa e ghu-a shi.‡

16 A tsua ilimhi eyewe nyene egbe je iShekemu ya ro to uji ni Aburaamu o ri ikpagho nu unuekpe oyi Amoni de.*

17 “Abi oni egheghe o ro ti ramhi ni Eshinegba o ro ya ri ishobo oyoli tse na Aburaamu, egbo eyawa ni e la ijipiti e lolo bu shi o.

18 Igho oghie olese ni o a lese emhikhoghuo ingme oyi iJosefu o ke la ukpekhomhi shi eke ijipiti.†

19 Oo na egbo eyawa osoli obe, o jili ititawa, o ri itoto lie we, e pfino imiwe kua ni eni eniye e ba ghuloo.‡

20 “Oni egheghe a ro bia iMosisi, ni o a khi omo na tse. A la owa oyi itali kuele oli iki ese.‡

21 Abi ee ke ro dobe roli sheli, e rue oli ya shi epfe oke. Omi iFero ni okpotso o me oli rue, o kuele oli abi omi oli.*

22 IMosisi o wena owena ali ileingme oyi ijipiti, ekpabo o la emue oyoli ali emini oo riele.

23 “Abi iMosisi o ro gbe ikpe egbhueva, o mholi shi udu khi loli le ya bino egbo eyoli ni e khili egbo iZireni.

24 Igho o me khi ongi ijipiti oo nase ongi iZireni. Igho o li ye odose, o gbe ongi ijipiti-a.

25 Eri iMosisi o dabi khi egbo eyelue e ya me oli me khi eri Eshinegba o re lue e tsumhi egbo eyoli, ama ea ligho me oli me.

26 Ogbeakolo khi iMosisi o bhale ya e khi egbo iZireni aava e nu egbewe e kholi, oo nono ni loli rewe riele. Oo we, ‘Elo o ze ni ee ni a gbo li khi inyoghuo egbe a ro nu egbe e a kholi?’

27 “Ama oni o a gueli ni o la o o ghi iMosisi abo pfi, oo li, ‘Oghuo o re khi oni oo mhesa na anye ali oni oo so ezo na anye?’

28 Eri u wa nono ni u li gbe mhe-a abi u li gbe ongi ijipiti a oode?’

‡ 7:5 Li ze Igbae 12.7; 13.15; 15.18; 17.8 § 7:7 Li ze Igbae 15.13; Okiali 3.12 * 7:7 Li ze Igbae 15.13-14

† 7:8 Li ze Igbae 17.10-14; 21.2-4; 25.26; 29.31-35.18 ‡ 7:9 Li ze Igbae 37.11,28; 39.2,21 § 7:10 Li ze

Igbae 41.39-41 * 7:11 Li ze Igbae 42.1-2 † 7:13 Li ze Igbae 45.1,16 ‡ 7:14 Li ze Igbae 45.9-10,17-18;

46.27 § 7:15 Li ze Igbae 46.1-7; 49.33 * 7:16 Li ze Igbae 23.3-16; 33.19; 50.7-13; iJosh 24.32 † 7:18

Li ze Okiali 1.7-8 ‡ 7:19 Li ze Okiali 1.10-11,22 § 7:20 Li ze Okiali 2.2 * 7:21 Li ze Okiali 2.3-10

† 7:29 Li ze Okiali 18.3-4 ‡ 7:29 Li ze Okiali 2.11-15

29 Abi iMosisi o rọ suọ ona, o na pfia je eke oyi iMidiani ya la abi oṣfese, o bia eniye aava shi agho.†‡

30 “Ikpe egbhuẹva e doṣe se, aḡeni o ri egbe khaṣe iMosisi elemhi eḡemhi erali ni oo to ukhomhi ebuli.

31 IMosisi o me oḡi, o sha li abo. Oo le ni o ya bino, uruli oyi Onomhuae o lu oḡi, oḡ li,

32 ‘Mhemhe mhi khi Eshinegba oyi itita e, Eshinegba oyi Aburaamu ali oyi Aziki, ali oyi iGiekopu.’ IMosisi oo guo elemhi ulishi, o ke gbudu bino oobo.

33 “Onomhuae oḡ li, ‘Gueghie ekuẹ ni u so, eke ni o pfuase u migha.

34 Mhi she me ajilimhe ni egbo eyemhe ni e la ijipiti e me memena. Mhi she suọ ekperumhe oyewe, mhi she bhale ya mie we pfuese. Bhale memena khi mhi ya ghie e nyene egbe je eke ijipiti.’§

35 “Oni iMosisi ona egbo eyoḡi e ke ekpe kie, ni ee o li, ‘Oghuo o re khi oni o mhesẹ e na anye ali oni oo so ezọ oyi anye?’ Eshinegba lolighuo o ri aḡeni ni o ri egbe khaṣe oḡi elemhi eḡemhi erali ni e to ghie iMosisi o ka khi oni oo mhesẹ ali omiepfuese oyewe.*

36 Loli o rewe ya fie lase eke ijipiti, o la eke ijipiti ali obini Okẹ Ifulo ali udu oyemhi elemhi ikpe egbhuẹva gbe akanya onyaloa ali irokhaṣe.†

37 “IMosisi lolighuo oo egbo iZireni, ‘Eshinegba o ya rọte elemhi e ghie omekeḡuele onabi mhemhe ghi e.’‡

38 O la iteva ebubu egbo elemhi udu oyemhi, li shi aḡeni ni o ke nu oḡi ngme ukhomhi ute iSinai, li she ititawa, o mie ungmehi ni o ri agbo o na ogbo, o rue oḡi na awa.§

39 “Ama eni ititawa ea nono ni wewe e suọ esọ na li, eri e kie iMosisi, e ri udu oyewe nyene egbe ukhokho je eke ijipiti.

40 Ee Eroni, ‘Mama ikhumhi na anye ni e ya ri anye ke kia, irari khi

anye ea lese abi iMosisi ni o rue anye te ijipiti lasele o ke li kia.’*

41 Oni eḡheḡhe eni egbo e rọ mama ikhumhi ni o li abi ozele ena, ee luase oḡi, e gheḡe shi oni ikhumhi ni e ri abo eyewe mama.†

42 Igho Eshinegba o so ukhokho gbe we, o ze ni e ga ovo, ali uki, ali ikpetata abi a li keke oḡi shi ebe emekeḡuele, ni oo:

“ Ee egbo iZireni,
abi a rọ la udu oyemhi
ikpe egbhuẹva a luasobo,
mhemhe a ri iluasobo na?

43 A yase okula oyi ikhumhi iMoleki ali ukpetata oyi iRefani, ni e khi ikhumhi ni a ri abo mama ni a ga. Irarigho, mhi ya ri egbo bhale ya mu e okhọi vu,

e tsua e doṣe obini eke iBabilo.’‡

44 “Ititawa e mholi igholo oyi oṣsele obini elemhi udu oyemhi. Abi Eshinegba o li khokho li ye iMosisi, igho o li rieḡe oḡi.§

45 Abi e rọ le oni igholo ugu se, ijoshua o tsua li ma egbe bhale eke oyi ishishi ni Eshinegba o khu kua na we. O nu we la ramhi eḡheḡhe oyi iDefidi.*

46 IDefidi ni Eshinegba o ri afu na o mhila li ini loli to owa na Eshinegba oyi iGiekopu†

47 Ama iSolomoni o to owa na Eshinegba.‡

48 “Abibi o ririe li, a lese khi Eshinegba no Yagha ne Nya o ya la owa ni egbo e ri abo to. Loli o ze khi Azaya omekeḡuele o guele khi.

49 “Eshinegba oo, ‘Iloghie o khi ukpekhomhi ni mhia shito.

Eke agbo o khi
akphawe-nga oyemhe.
Owa nabise ee egbo

a ya tigbe to na mhe?
Asha no ghuo o ya gua mhe la?

§ 7:34 Li ze Okiali 3.1-10 * 7:35 Li ze Okiali 2.14 † 7:36 Li ze Okiali 7.5; 14.21; iNoba 14.33 ‡ 7:37 Li ze iDeut 18.15,18 § 7:38 Li ze Okiali 19.1-20.17; iDeut 5.1-33 * 7:40 Li ze Okiali 32.1 † 7:41 Li ze Okiali 32.2-6 ‡ 7:43 Li ze Emo 5.25-27 § 7:44 Li ze Okiali 25.9,40 * 7:45 Li ze iJosh 3.14-17 † 7:46 Li ze 2 iSam 7.1-16; 1 Okhe 17.1-14 ‡ 7:47 Li ze 1 Ighie 6.1-38; 2 Okhe 3.1-17 § 7:50 Li ze Aza 66.1-2

50 Oa khi mhemhe-ghuo mhi ma eni emhi ena nya?’S

51 “Ee egbo usueso-akhue ni e zese udu oyewe-a khali igba zuse esọ. A li abi itita e, ni e kie Ayemhe-no-pfuase.*

52 A famhi me omekeguele okhoghuo ni itita e ẹa mu okholi vule shi o? Eri e gbo gbolo eghuo-a, ni e me eke guele khi, Oni oo suọ esọ na Eshinegba o ya bhale. Memena ee a she ro oni iKirisiti ona de, a gbe oli-a.

53 Ee ni a rote obọ oyi aḡeni ni Eshinegba o ghie mie ishi, ee aà kie gbo ri eni ishi gbe akanya.”

A tono iSitivini eche

54 Abi eni igbaa eyi iSahediri e ro suọ ingmemhi ena, e pfaa na li ramhi ni e ro gbe akọ akọ.

55 Ama iStivini ni o mholi Ayemhe-no-pfuase o yase alo idane, igho o me ugemhi oyi ufumhi oyi Eshinegba, ali iJesu khi o migha obita oyi Eshinegba.

56 Igho iSitivini oo, “Mhi me khi iloghie o khueghie-a, mhi gbo me iJesu oni Omi Ogbọ khi o migha obita oyi Eshinegba.”

57 Abi eni igbaa eyi eni iSahediri e ro suọ ona, e ri abọ khukhu esọ. E tseḡe leghe, e ve rughu oli.

58 E tialo oli fiẹ ifuapfe je ukhokho oni eoli, ee tono oli eche. Eni ee tono oli eche e gueghie itsua ni e so na omose oghuo ni a lu iSolu mhue.

59 Abi e ro o tono iSitivini eche, o so iromhi, oo, “iJesu Onomhue, kpekpe kpe abọ mie ayemhe oyemhe.”

60 O de wugha, o tseḡe, oo li, “Onomhue, kpekpe khi ri olamhe ona mu ota so we.” Abi o ro ngme ona se, o ghua.

8

1-2 Igho iSolu o migha we ukhokho shi igbe-a oyi iSitivini. Abi iSitivini o ro ghu-a se, egbo eghuo ni e mholi ulishi oyi Eshinegba e ya roli to. E vie vie oyoli egbegbo.

Igbaa oyi eni e mie iJesu iKirisiti suọ e gbhiaku-a irari ajilimhe

Elegho ukpokpomhi ajilimhe o lasele shi igbaa oyi eni e mie iJesu iKirisiti suọ ni e la eke iJerusalemu o. Eni ighiusomhi na kee egho e miatse ku eke iJudia ali iSameria.

3 Ama iSolu o roshaka a yese igbaa oyi eni e mie iJesu iKirisiti suọ-a. O kia owa khi owa muno we shi owa ighumha, ghe emose, ghe ikpotso.*

Abi iFilipu o ro la iSameria

4 Igbaa oyi eni e mie iJesu iKirisiti suọ egho ni e kia miatse ku, e kia a gue ungemhi oyi iJesu le asha ni e ramhi kpa.

5 IFilipu o je eke iSameria. O la oobọ o gueye egbo khi iJesu o khi iKirisiti ni a shobo.

6 Abi ebubu egbo e ro me ikanya oshabo ni iFilipu o gbe, e nyanya mie shi emini o ngme.

7 IFilipu o kha da lema na eni e mholi ogho ne, eni egbo e kpa oni ogho pfa. Ebubu eni e guogho-a ali eni e ghua e toto nya.

8 Ukpokpomhi oghelẹ o la oni eoli ogho.

ISamọ ni oo li obo

9 Omose oghuo o la o ni a lu iSamọ. Egbegbi obo o la iSameria e li. O kia ri obo ni o li tono obọ udu.

10 Egbo nya e ri ekpe e na li. Egbo ododa ee lie li, “Omose ona Eshinegba o ri ekpabo nali a gbe ikanya.” E lu oli ekpabo ni o fu.

11 Ingme ni o ngme kpa, e ro o shi itobo oshabo ni o ri ogho oyoli i gbe ni o she tseḡe.

12 Ama iFilipu o gueye we ingme oyi Eghiele oyi Eshinegba ali iJesu iKirisiti, e mie shio. O batazi we, ghe ikpotso ghe emose.

13 ISamọ o li miesuo, iFilipu o li batazi oli. O deba iFilipu u kiakia irari ikanya onyaloa ali oshabo nefune ni o me khi iFilipu o gbe.

14 Abi ighiusomhi na kee ni e la iJerusalemu e ro suọ khi egbo iSameria e mie ungemhi oyi Eshinegba suọ, e ghie iPita ali iJonni ghi we.

* 7:51 Li ze Aza 63.10 * 8:3 Li ze Ika 22.4-5; 26.9-11

15 Abi iPita ali iJoni e ro ramhi iSameria, e so iromhi na eni e miesuo ni e la oobo Ayemhe-no-pfuase o tiemhile shi we egbe.

16 Ayemhe-no-pfuase o kie kpe tiemhile shi onge we egbe ne, eri a kpe lese ri eva oyi iJesu Onomhue batazi we.

17 Abi iPita ali iJoni e ro ri abo nga we ukhomhi, Ayemhe-no-pfuase o tiemhile shi we egbe.

18 Abi iSam o ro me khi egbo ni eni ighiusomhi na ke e ri abo nga ukhomhi kpa khi e mie Ayemhe-no-pfuase, o nise obo-a ni loli ri ikpagho na we.

19 Oo we. "A li ri oni itoto na mhe ni mhi ke ri Ayemhe-no-pfuase na ogbo ini mhi da ri obo nga li ukhomhi ne."

20 Ama iPita oo li, "Yeye ali ikpagho eye a li opfu-a, itobo khi u sa khi u ya dobe ri ikpagho de isomhopfa oyi Eshinegba.

21 Itobo khi u waa mholi obo shi akanya onana, irari khi udu oye o pfuase deba Eshinegba.

22 Irarigho, mu udu pfi deba Eshinegba. U lema li ni o gbe olamhe kua ne, otse o ya gbe isamhi ebe ni u mholi shi udu kua ne.

23 Itobo khi mhi she me khi wa a kpe ofuma irari akanya ni anye a gbe ali khi olamhe o she de e ighumha."

24 ISam oo we. "A kpekpe a so iromhi na mhe ini emini a ngme ena e khi tse shi mhe egbe ni mhi pfua."

25 Abi iPita ali iJoni e ro ngme ingmemhi eyi iJesu se, e mu egbe pfi je iJerusalemu, ee gue ungmehi eyi iJesu kiakia elemhi ebubu inuekpe ni e la iSameria.

IFilipu o gue ungmehi oyi iJesu ye Ongi Etiopia

26 A geni oyi Eshinegba o gueye iFilipu, oo li, "Ke tiemhi ukiokie ogobo ini a so alo ghue obini ovo o te e lo eko je ode odagbe ifufu ni o rote iJerusalemu je iGaza."

27 Igho iFilipu o mu egbe oo le. Abi o li le egho, loli ali omose oghuo ongi Etiopia ni o khi owali e ya lona. Omose

ona okhemhue o khi ni o ri eloe e khu epfue eyi iKadakh ni o khi olele oyi oni eke. O rote iJerusalemu ni o je ya ga ugamhi i jele.

28 Abi o li i je apfe egho, o nga oko ni ichi e ro o na. Oo ze ebe ni Azaya omekeguele o keke. 29 Ayemhe-no-pfuase o gueye iFilipu, oo li. "Je oko ogho ni u timama li migha."

30 Abi iFilipu o ro ramhi agho, o suo khi oni omose oo ze ebe oyi Azaya omekeguele. IFilipu o mhila oni omose. "Ebe ni u wa ze egho o fe lo e eso?"

31 Oo iFilipu, "Iye oo. Oa ya ligho lo mhe eso ini ogbo oa li gueye mhe abi o ngme." O iFilipu o nga oni oko le ni o nu lue shito.

32 Ashini oo ze oni elemhi Ebe-no-pfuase o khi, asha ni oo:

"Eri a mu oli abi omi osumha ni a ya fa uruli.

Ezeze abi omi osumha ni a ya va kemhi, ni oa khueghie unu-a.

33 E ri omama mu oli, e gbe oli azeba, e pfa ezoo mu oli a gbe oli-a.

Oghuo o ya mie shi o khi o ya dobe mholi akhemhe-ukhokho,

irari khi eri e mie oli agbo?"†

34 Oni omose owali oo iFilipu, "Kpekpe gueye mhe oni omekeguele onana oo ngme, ingme oyi egboi oo ngme abi ingme oyi ogboese?"

35 IFilipu o gueye oli emini oni Ebe-no-pfuase ni oo ze egho o ngme. O gue ungmehi oyi okhale oyi iJesu ye oli.

36 Abi e kie li kia lese egho, e me oke. Oni omose owali ogho oo li, "Bino, ghe oke ana, bie batazi mhe."

37 IFilipu oo li, "Ini u mie iJesu suo mhi ya batazi e." Oni omose oo li, "Mhi she miesuo khi iJesu iKirisiti o khi Omi Eshinegba."

38 Igho oni omose oo oni o gua oni oko ogho o mu oli migha. Loli ali iFilipu e kia tiemhi oni oke, iFilipu o batazi oli.

† 8:33 Li ze Aza 53.7-8

³⁹ E lẹsẹ rọte oni okẹ nga egele le, Ayemhẹ-nọ-pfuasẹ ọ kele iFilipu-a je oboese. Oni ọmọse ọa ke tigbe me iFilipu, ama oghẹlẹ o la li elemhi i je apfẹ.

⁴⁰ Ama iFilipu ọ me egbọli ẹoli Azotusi. Ọ rọte oobọ ri oni ungmehi i tse abọ kia kia ẹoli khi ẹoli ya ramhi ni ọ rọ ramhi ẹoli iSizeria.

9

Imupfi oyi iSolu

(Ika 22.6-16; 26.12-18)

¹ ISolu ọ kiele tse ekha abi loli li ya gbolo eni e mie iJesu suọ-a. Ọ lẹ deba Ọkpeda na ekpodalo-ugamhi eyi Eshinegba,

² Ọ mhila li ọ ri ebe na luẹ ghi eni e la owa ugamhi na eke iDamasikosi. Ni loli rọ mhọli afu dobe muno ikpotso ali emose ni e mie iJesu suọ ighumha je obini iJerusalemu.

³ Abi iSolu ọ li ri okiali ti i ramhi iDamasikosi, utoghuokpe, ákpá o rọte idane mi nga li egbe nyagha.

⁴ Ọ de ta alo mu eke. Ọ suọ khi ọgbọ ọ nu luẹ ngme, ọọ li, "ISolu, iSolu, elo o ze ni u rọ mu okhọli vule ẹ shi mhe ọ?"

⁵ ISolu ọ mhila li, ọọ, "Ọnọmhue, ọghuo u khi?" Oni uruli ọli, "Ijesu mhi khi, ni u mu okhọli vule shi ọ."

⁶ "Memena, vule ni u lo elemhi ẹoli ona. U ya me ọmose ni ọ ya gueye emini u mema ya riele."

⁷ Egbọ ni e nu iSolu kia e gbe ẹrue unu-a, e ga suọ oni ungmehi, ama ẹa me oni ọọ ngme.

⁸ Ikpukhokho ọ, iSolu ọ rọte eke vule, abi ọ rọ khueghie alo-a ọa ke dobe ẹ me eke. Egbọ ni e nu ọli kia e ke mu ọli obọ kia lo elemhi iDamasikosi.

⁹ Ogbẹlẹ esẹ iSolu ọ ga zalo shi aghọ. Ọa le eminale wẹkhi amẹ ọ da.

¹⁰ Ọmose ọghuo ni ọ miesuọ ni a lu Ananayasi, ọ la elemhi iDamasikosi. Ọ la imeke, ọ suọ khi Ọnọmhue ọ lu luẹ, "Ananayasi!"

Ọọ li, "Ee o."

¹¹ Ọnọmhue ọọ li, "Ke je owa oyi iJudasi, ni o la ode ifuapfẹ ni a lu Isheshe, ni u ya mhila ogbọ oyi ọngi

iTasosi ni a lu iSolu, ọ la aghọ ọ sọ iromhi.

¹² Rọte ẹlena iSolu o li kpẹ me irọkhasẹ khi ọmose ni a lu Ananayasi ọ ri obọ nga luẹ egbe sọ iromhi na, alo eyẹluẹ e khueghie-a."

¹³ Ananayasi ọọ Ọnọmhue, "Mhi she kpẹ suọ eko ebubu eyi ọmose ọna abi ọ li ẹ nase egbọ ni e miesuọ, ọ la iJerusalemu gbolo eghuo-a.

¹⁴ Ighie eyi ekpodalo-ugamhi eyi Eshinegba e ri afu na li ọ ka muno egbọ ni ẹ lu eva oye."

¹⁵ Ama Ọnọmhue ọọ Ananayasi, "Ke lẹ, irari khi mhi she ze iSolu ni ọ tsua ungmehi oyemhẹ ghi egbọ iJeta ali ighie eyewẹ ali egbọ iZireni nya."

¹⁶ Mhi ya rọkhasẹ ọli khi ọ mema ya me osoli shi ungmehi oyemhẹ.

¹⁷ Abi Ananayasi ọ rọ me oni owa, ọ dose lo ya ri obọ nga iSolu egbe, ọọ li, "ISolu inyoghuo-mhe, iJesu Ọnọmhue ni ọ lone ode abi u rọ ọ bhale oola, loli ọọ mhi ka nono ẹ me, ni u gbolo ke me eke ali ni Ayemhẹ-nọ-pfuasẹ ọ bhale egbe oye."

¹⁸ Utoghuokpe, emini e li abi ipfi-apfia afẹlẹ o rọte ọli ikpamhi alo de pfia, ọ gbolo o me eke. Ọ vule migha, Ananayasi ọ batazi ọli.

¹⁹ Abi ọ rọ le eminale se, ọ tigbe mhọli ochi.

ISolu ọ ri igbedu u ngme ungmehi oyi Eshinegba

Ebubu ogbẹlẹ iSolu ọ nu eni e miesuọ la elemhi iDamasikosi.

²⁰ Eloawẹ iSolu ọ la elemhi owa ugamhi gueye egbọ khi iJesu Omi Eshinegba ọ khi.

²¹ Egbokpa ni e suọ ungmehi oyi iSolu ee mhila, "Ọa khi ọmose ọnana ọọ nase eni e miesuọ ni e la iJerusalemu? Ọa khi eri ọ bhale ya muno wẹ abi ighumha ghi ighie eyi ekpodalo-ugamhi?"

²² Eshinegba ọ ri ekpabọ na iSolu ni ọ rọ ya ke gue oni ungmehi le. Ama egbọ iJu ni e la iDamasikosi ẹa dobe mu iSolu ekhako ọ le. O sha egbọ iJu abọ abi e rọ me ileasingme ni ọ rọ ọ

guele khi iJesu o khi oni iKirisiti ni a shobo.

²³ Ebubu ogbele iSolu o ga la iDamasikosi. Egbọ iJu e gba abi e li ya gbe ọli-a.

²⁴ Ama iSolu o suọ khi egbo e gba abi e li ya gbelue-a. Eri e shito unu ode unuekpe ni a te a lo oni ẹoli le ni e me ashamu ọli.

²⁵ Ama egbo ni e miesuo e pfi uli rote oni ugbe roli shi ughughu bena ya tiemhi oni ugbe eliyose. *

²⁶ Abi iSolu o ro ramhi iJerusalemu, oo dua ni lo li ya kuma egbo ni e miesuo o, ama ulishi ọli o mu we. E khokho ini o she mie iJesu suọ.

²⁷ Ama iBanabasi o rue ọli bhale deba eni ighiusomhi na kee. O gueye we abi iSolu o li me Onomhue ode abi o ro le iDamasikosi ali abi Onomhue o li nu ọli ngme. O gbo gueye we abi o li la eke iDamasikosi ri eva oyi iJesu tse abo ni ulishi ọa li mu ọli.

²⁸ Igho iSolu o nu we la iJerusalemu kia kugbe. O ri igbedu ri eva oyi Onomhue e tse abo gboo.

²⁹ Igho o nu egbo iJu ni ee ngme elemhi iGiriki i khako, ama ee dua ni wewe e gbe ọli-a.

³⁰ Abi eni e miesuo e ro suọ ugbamhi ni eni egbo ee gba, e rue ọli je eke iSizeria, e te agho rue ọli ya je iTasosi.

³¹ Igbaa eyi eni e mie iJesu iKirisiti suọ ni e la eke iJudia ali iGalili ali iSameria nya e mhọli opfomhe, e totota, Ayemhe-no-pfuase o ri udu shi we o, ee bua shi o, ee ngeli angeli ni o pfuase ri ekpe e na Eshinegba.

IPita o ri Eniasi ze

³² Abi iPita o li i kia oni eke gase, o ko ya feli eni e miesuo ni e la ẹoli iLida.

³³ O bhale ya e omose ni a lu Eniasi ni o guoghọ-a, o she gba ikpe elele abi o te yeshi a ghua.

³⁴ IPita oo, "Eniasi, iJesu iKirisiti o re ze. Vule migha khili iya oye ni u ke kia." Utoghuo kpe Eniasi o vule migha, o toto.

* 9:25 Li ze 2 iKori 11.32-33

³⁵ Abi egbo ni e la ẹoli iLida ali iSharo e ro me khi Eniasi o toto, e mu pfi deba Onomhue.

IPita o guise iDokasi le

³⁶ Okpotso oghuo ni o miesuo ni a lu iTabita o la ẹoli iJopa, abi iTabita o ngme emue iGiriki khi "Eru," O khi ogbo onete. O gbolo mema e kpaghie eni ea mhue obo.

³⁷ Eghẹghẹ ni a ngme ena, oo ghua, igho o ghua. Abi a ro khuese olimhi oyoli-a se, a roli yeshi elemhi owa atonga.

³⁸ Abi eni e miesuo e ro suọ khi iPita o la iLida, e ghie emose aava ghi ọli, e ọli, "Kpekpe bhale pia." Irari khi ẹoli iLida ali ẹoli iJopa e ti mama egbe.

³⁹ Igho iPita o deba we. A ri ọli ya khashe ashani a roli yeshi. Esamhi-olimhi e la agho o vie. E ri itsua ni iDokasi o fia na we khashe ọli abi o ro la agbo.

⁴⁰ IPita o egbo ni e la agho nya e fie je atukpapfe. O de wugha so iromhi. O so alo ghue oni olimhi, oo li, "Tabita, guale!" Oni olimhi o khueghie alo-a, abi o me khi iPita o migha mama lue, o vule shito.

⁴¹ IPita o mu ọli obo vule. O luno eni e miesuo ali eni esamhi-olimhi, o ri ọli khashe we.

⁴² Iguisele oyi iDokasi o gbeke-a shi ẹoli iJopa. Itobo igho, ebubu egbo e mie iJesu suọ.

⁴³ IPita o la iJopa ogbele ni e bu. O la owa oyi iSimoni ni o ri eku elamhako o gbe akanya.

10

IKonilusi o ghie ya lu iPita

¹ Omose oghuo o la ẹoli iSizeria ni a lu iKonilusi. O khi oga oyi ekhọli-okhue eyi Itili.

² Lo li ali apfoli e khi egbo ni e na ulishi Eshinegba. O khi ogbo ni o pfo elemhi i somhi egbo ni ea mhue opfa. O gbo khi ogbo ni o so iromhi eghẹghẹ kpa.

³ Eleshuo elemhi agogo ese ele oguota, o me ime-alo, o me khi

ageni oyi Eshinegba o bhale o lu oli, "IKonilusi!"

⁴ O so alo ghue oni ageni, ulishi o mu oli. Oo li, "Onomhue elo o ze khi u bhale."

Oni ageni oo li, "Iromhi eye ni u wa so ali isomhopfa ni u wa somhi e she bhale deba Eshinegba, O she mu egbe ni o ro ya ye le e le."

⁵ Memena nyanya ghie egbo je eoli ijopa ni e ya lu iSamọ ni a gbolo e lu iPita, ni o bhale.

⁶ O kushi ayi iSamọ ni o ri ekue elamhi e gbe akanya. Oni owa oyoli o la epfe oke."

⁷ Abi oni ageni o ro vu se, iKonilusi o lu eni e ga li etuava ali okhōli-okhue ni o khi adogeli oyoli ni oo ga Eshinegba.

⁸ IKonilusi o gueye we emini a me nya. O ghie we je obini ijopa.

Ime-alo ni iPita o me

⁹ Ogbeakolo khi itsotso oguota o mu eke, khi e lese ri okiali ramhi epfepfe ijopa, iPita o nga owa atonga ya so iromhi.

¹⁰ Okiamhi oo gbe oli. Oo nono emini o ya le. Abi a ro o nye eminale ni o ya le, o me ime-alo.

¹¹ O me khi emini e li abi ode ni o ze igo ene o rote idane e tiemhile.

¹² Igho o me khi iwali elamhako e lao, ghe eni e ze awe ene ali eni ee tialo idi eke ali ipfeli.

¹³ Igho uruli o ngme, oo li, "Vule iPita, gbe ni u le."

¹⁴ Ama iPita oo, "Iiye e, Onomhue! Mhia kpe tigbe le eminale ni ea pfuase ni a ghue ghue, a ti e bia me."

¹⁵ Oni uruli o gbo nu oli ngme, oo li, "Emini Eshinegba o da ro khi oni o pfuase se, khi ke lu oli emini oa pfuase."

¹⁶ Itese o ligho mhesa abo ri egboli khase neni a rue oni emhi nga idane.

¹⁷ Abi iPita o kie li i sa ingme ime-alo ni o me, emose ni iKonilusi o ghie usomhi, e nono owa oyi iSamọ me. E migha odalo ode unuekpe oyi oni apfe.

¹⁸ E lu mhila, "A mhōli opfese shi ana ni a lu iSamọ iPita?"

¹⁹ Abi iPita o kiele khokho emini oni ime-alo ona o ngme, Ayemhe o ro gueye oli, "Ri esō kpe emose aase ee nono e."

²⁰ Nyanya mu egbe ni u deba we vu, khi mhemhe mhi ghie we."

²¹ Igho iPita o tiemhi deba we, oo we, "Mhemhe a nono, elo e re e bhale?"

²² Ee oli, "Oga oyi ekhōli-okhue ni a lu iKonilusi o ghie anye ghi e. Ogbo oniemhi ni egbo iJu e mu ekpe a na o khi. O gbo khi ogbo ni o pfuase ni oo ga Eshinegba. Ageni o gueye oli o ghie ghi e, u bhale owa oyoli, ni o suo ingme ni u ya gueye oli."

²³ Igho iPita o lu eni emose lo owa oyoli, e gbhe agho ni ogbe o gbe.

IPita o la apfe oyi iKonilusi

Ogbeakolo, loli ali eni e miesuo eghuo e rote ijopa deba we vu.

²⁴ Ogbeakolo, e lo elemhi eoli iSiz-eria le, ashini iKonilusi ali apfōli ali egbegbi emole oli, e legba migha e khe we.

²⁵ Abi iPita o ro ramhi agho, iKonilusi o lo o li ode, o wugha, o nyese ukhomhi tse oli.

²⁶ Ama iPita o mu oli vule, oo li, "Vule khi ogbo onabi yeye mhi khi."

²⁷ IPita o nu oli ngme, o lo owa, o bhale ya e egbo ni e bu shi agho.

²⁸ Oo we, "Ee a she lese khi eri Ishi eyi iMosisi oo egbo iJu e khi kugbe egbo iJeta o, wekhi eri e ko ya feli ogbo ni oa khi iJu. Ama Eshinegba o roli khase me mhi khi leli ogbokhoghuo shi oni oa pfuase ali oni a ghue."

²⁹ Irarigho, abi u ro ghie lu me, mhia mhōli akhokhomhe shi o. Elo u mema lu me shi?"

³⁰ IKonilusi oo li, "Amo o li ele ene, eghēghē agogo ese oguota, mhi ro la owa oyemhe e so iromhi. Udemhija mhi me khi omose oghuo o so itsua ni ee ge nyanyanya o migha me odalo.

³¹ Oo li, 'IKonilusi, Eshinegba o she suo iromhi eye, o she gbo me ikanya isomhelemhi ni u gbe e deba egbo eni ea mhue."

³² Ghie ogbo ghi omose ni a lu iSamọ iPita ni o la ijopa. Opfese o khi shi owa

oyi iSamọ ni ọ ri ekuẹ ẹlamhi ẹ gbe akanya, ni ọ la epfe okẹ oku.’

³³ Lọli mhi rọ ghie ọgbọ ghi ẹ pia. Oo guẹ ti, abi u bhale. Memena awa nya awa la odalo oyi Ẹshinẹgba ni anye suọ emini Ọnọmhuẹ o gueye u gueye anye.”

Ungmemhi ni iPita ọ ngme

³⁴ IPita ọọ, “Mhi she mẹ ọli mẹ khi igesikia o khi, khi Ẹshinẹgba ọa mhọli khi ọna ọ kpe ọli nẹ,*

³⁵ ama ẹgbọ kpa ni e da a na ulishi oyi Ẹshinẹgba, ni e gbolo ẹ riẹle emini o rọte ode, Ẹshinẹgba ọ kpe obọ ọọ mie.

³⁶ Ẹẹ a leşẹ usomhi ni ọ ghie ghi ẹgbọ iZireni, ni o khi usomhi onete oyi opfomhe ni o rọte obọ oyi iJesu iKirisiti ni ọ khi Ọnọmhuẹ oyi agbọ kpa bhale.

³⁷ Ẹẹ a leşẹ ingme ni a mẹ elemhi eke iJudia nya, ni o rọte iGalili gbaekele, abi iJoni ọ rọ ọ tse abọ usomhi gueye ẹgbọ, khi a mema batazi wẹ,

³⁸ abi Ẹshinẹgba ọ li ri Ayemhe-nọ-pfuase ali ekpabọ kpha iJesu onge iN-azarẹti sọ, ali abi ọ li i kiakia ashakpa riẹle onete, ni ọ mie ẹgbọ pfuese obọ oyi ekpabọ eyi ọkphaghie, itobọ khi Ẹshinẹgba ọ nu ọli la.

³⁹ “Anye ri eloe mẹ ikanya ni ọ gbe nya, elemhi ẹoli eyi ẹgbọ iJu ali iJerusalemu. Wẹwẹ e tali ma ọọra apfida gbe ọli-a.

⁴⁰ Ama ẹle nuzi-ese, Ẹshinẹgba ọ rọte eghuli guise ọli le ni a mẹ ọli.

⁴¹ Ọa khi ọgbọkpa ọ mẹ ọli, seẹ ni anye ni Ẹshinẹgba ọ she kpẹ zẹ, anye khi ọtşele, anye ni anye nu ọli le eminale ni anye gbo nu ọli da abi ọ rọ rọte eghuli guale se.

⁴² Ọ mhese na anye, anye kia ke gueye ẹgbọkpa ali anye gbo ke pfi ọtşele shi ọ khi lọli iJesu, Ẹshinẹgba ọ zẹ, lọli khi ọsọ-ẹzọ oyi eni e laọ ali eni e ghu-a.

⁴³ Emekeguele nya e kpẹ ngme ungmehi oyọli khi eni e da mie ọli suọ khi a ya gbe olamhe kua na wẹ, rọte ekpabọ ni o la eva oyọli.”

Ẹgbọ iJeta e mie ayemhe ni ọ pfuase

⁴⁴ Abi iPita ọ kie li i ngme, Ayemhe-nọ-pfuase ọ tiemhile na ẹgbọ ni e suọ oni ungmehi.

⁴⁵ Abọ e sha eni e miesuọ ni e shele-a, ni e rọte ẹoli iJopa kphase iPita bhale aghọ, khi Ẹshinẹgba ọ li ri Ayemhe-nọ-pfuase na ẹgbọ iJeta.

⁴⁶ Irari khi e suọ khi e ngme emue ọdoda eyi Ayemhe nọ pfuase, e kuẹghie Ẹshinẹgba.

Ighọ iPita ọ ri irarighọ liẹ,

⁴⁷ “Ọgbọkhoghuo ọ dobe ya liẹ ọgbọ khi ri amẹ batazi ẹgbọ ena mena? E she li mie Ayemhe-nọ-pfuase abi awa li mie ọli.”

⁴⁸ Ighọ iPita ọọ a ka ri eva oyi iJesu iKirisiti batazi wẹ. Ighọ e gueye ọli ọ nu wẹwẹ la aghọ ikukumi ogbele.

11

IPita ọ gueye eni e miesuọ emini ọ riẹle

¹ Eni ighiusomhi na keẹ ali eni e miesuọ ni e la eke iJudia nya e suọ khi ẹgbọ iJeta e li mie ungmehi oyi Ẹshinẹgba suọ.

² Abi iPita ọ rọ nga obini iJerusalemu, eni e miesuọ ni e shele-a, ee shi iPita unu.

³ Ẹẹ ọli, “Yeye u lo owa oyi ẹgbọ iJeta ni ẹa shele-a, u gbo la aghọ le eminale!”

⁴ Ighọ iPita ọ rọte eke rọli lo wẹ esọ abi a ga li mẹ oni ingme nya. Ọọ wẹ,

⁵ “Ẹoli iJopa mhi la a sọ iromhi, ni ukuku olesẹ o rọ kia mhe alo-a, ni mhi rọ mẹ ime-alo, mhi mẹ khi emini o li abi ode ni o zẹ igo ene, o te idane tiemhile ashini mhi la.

⁶ Mhi bino elemhi ọli, mhi mẹ elamhakọ ni e zẹ awe-ene, ali elamhakọ ebuli, ali elamhakọ ni ẹ tialọ idi eke, ipfeli na idane e li la elemhi ọli.

⁷ Ighọ mhi suọ khi uruli o nu mhe ngme, ọọ mhe, ‘Vule, iPita gbe elamhi ena, ni u le.’

⁸ “Ama, mhiẹ ọli, ‘Iiye e, Ọnọmhuẹ! Mhi aa le eminale ni ẹa pfuase ni a ghue ghue abi a te bia mhe.’

* **10:34** Li zẹ iDeut 10.17

9 “Oni uruli o gbo nu mhe ngme, o o mhe, ‘Emini Eshinegba o she ro pfuase, khi ke roli shi emhi ni o pfuase.’

10 Itese o li igho mhesese abo ri egboli khase neni a rue oni ode nga idane.

11 “Aghoagho, eni emose aase ni e te iSizeria nono mhe bhale, e lo owa ni mhi la le.

12 Ayemhe o gueye mhe mhi deba we vu, mhia aa khe ako. Egbosasa ena e te eoli iJopa kphase mhe je eoli iSizeria ni anye ro ga bhale owa oyi iKonilusi.

13 Loli o gueye anye abi o li me ageni elemhi owa oyoli, ni o oli, ‘Ghie ogo je iJopa ya lu omose ni a lu iSamoni a gbo lo a lu iPita.

14 Loli o ya gueye abi yeye ali apfe a li ya mholi imiepfuese.’

15 “Abi mhi li i ngme, Ayemhe-nopfuase o tiemhile shi we o abi o li rote igbaekele li tiemhile shi awa o.

16 Igho mhi yelele emini Onomhue o ngme ni oo, ‘Ame iJoni o ro batazi ego, ama Ayemhe-nopfuase a ke ro ya batazi e.’*

17 Abi o ro khia khi Eshinegba o she ri isomhopfa enabi o ro na awa abi awa ro mie iJesu iKirisiti Onomhue suo li na ego ni e a khi iJu. Oghuo o khi mhemhe ni mhi ya nu Eshinegba khabo?”

18 Abi e ro suo ona se, e yemhe awolo-a, ee kueghie Eshinegba, ee lie, “Eshinegba o li ze ni ego iJeta e li mu pfi ni e li mhu e agbo na agboagbo.”

Igbaa oyi eni e mie iJesu iKirisiti suo ni o la Atioki

19 Eni e mie iJesu iKirisiti suo e kia gbhiaku eke iFonisha ali eke iSapurosi ali eoli Atioki itobo okholi ni a mu vule shi we o eghenge ni a ro gbe iSitivini-a. E kia gue oni usomhi ye ego iJu weweghuo tse.†

20 Eghuo o e rote eke iSapurosi ali eke iSairini bhale, e vu je eoli Atioki, e lili gue usomhi onete oyi Onomhue ye ego iGiriki

21 Ekpabo oyi Onomhue o nu we la, Ebubu ego e miesuo, e mu udu pfi deba Onomhue.

22 Igbaa oyi eni e mie iJesu iKirisiti suo ni e la iJerusalemu e suo oni ingme, igho e ghie iBanabasi je eoli Atioki.

23 Abi o ro ramhi agho, ni o ro me abi Eshinegba o li somhi-elemhi eni ego, egbe e mu oli. O ri udu shi we o e ri udu oyewe nya na Onomhue.

24 IBanabasi o khi egbegbi ogo onete ni o mhu e Ayemhe-nopfuase ali irudunga oniemi. Ebubu ego e ri itobo emini o riele mie Onomhue suo.

25 Igho iBanabasi o je eoli iTasosi ya nono iSolu.

26 Abi o ro me oli, o rue oli je eoli Atioki, e la agho ukpe oghuo, ee sese ebubu ego. Elemhi eoli Atioki a la te odode kpe lu eni e miesuo, iKirisiti enikeke.‡

27 Oni eghenge, emekeguele eghuo e rote eoli iJerusalemu je Atioki.

28 Oghuo elemhi eni emekeguele ni a lu Agabusi o vule, o guele abi Ayemhe o ghie oli, khi ukhumi o ya pfi ushishi na eke iRomu nya. (Eghenge ni iKiladiusi o ro khi Oghie iRomu nya ona o ro bhale ya tse.)§

29 Eniye odukhokho eyi iJesu ni e la Atioki e gba ugbamhi, abi e li ya ri ikpaghiobo ghie usomhi ghi eni e miesuo ni e la eke iJudia, abi ogo ego o mhu e ekpabo ramhi.

30 Igho e zela ikpagho kugbe, e rewe ghie iBanabasi ali iSolu usomhi ghi eni egbhali ni e la igbaa oyi eni e mie iJesu iKirisiti suo na iJerusalemu.

12

Imhesese-bino onofune

1 Oni eghenge agho, oghie Erodu o muno ego eghuo ena igbaa oyi eni e mie iJesu iKirisiti suo, oo nono ni loli nase we shi afe.

2 O ri unu bhale a ri uwe e gbe iJemhisi ni o khi inyoghuo iJoni-a.

* 11:16 Li ze Ika 1.5 † 11:19 Li ze Ika 8.1-4 ‡ 11:26 Ego eni ee ngeli a bi iJesu iKirisiti a lu iKristiani. § 11:28 Li ze Ika 21.10

³ Abi ọ rọ mẹ khi o ti ẹgbọ iJu ẹloe, ọ gbo mu iPita shi owa. Oni ẹghẹghẹ e rọ li ukpe ibulẹdi ni aa ri ifuma ma nye.

⁴ Ọ mu ọli se, ọ rọli shi owa ighumha, ọ zẹ ekhọli-okhue ikuwẹ asha ene ni e ọoghie egbe, e ri ẹloe shi ọli egbe. Erọdu ọ mhọli ọli shi udu khi a kha da li oni ukpe se, lọli rue ọli lasele gboo, ni a gue ọli ẹzọ.*

⁵ Ighọ a ri iPita shi owa ighumha, ama igbaa oyi eni e mie iJesu iKirisiti suọ e toto obọ ọ sọ iromhi lu Ẹshinegba na li.

⁶ Eliyosẹ ni Erọdu ọ kha rọ rue iPita lasele ogbeakọlọ, iPita ọ lese-a shi ifuabọ eyi iku ekhọli-okhue aava, a ri iwẹghẹ eva gẹ ọli. Eni ẹ khẹ ekhẹ aava elese e la ode unuẹkpẹ oni owa ighumha ẹ khẹ ekhẹ.

⁷ Udemhija, aḡeni oyi Onomhue ọ lole, ighọ ákpá o la elemhi oni owa ighumha a gẹ. Oni aḡeni ọ pfi iPita emhi epfe, guise ọli le. Ọọ li, “Nyanya vule!” Utoghukpe, iwẹghẹ ni a sọ li e ku ọli abọ kua.

⁸ Ighọ oni aḡeni ọọ li, “Ri ọgbẹne oye mu oku, ri ekuẹ sọ.” iPita ọ nyanya lighọ. Ọọ li, “Ri itsua eye sọ, ke deba mhe.”

⁹ Ighọ iPita ọ deba li je olase oni owa ighumha, ama ọa lese khi emini oni aḡeni ọ riẹle khi egbegbi ingme lọ, ọ dabi khi ẹlena lọli ii la.

¹⁰ É dọse eni ẹ khẹ ekhẹ eni odode ali enuzava. E bhale ode unuẹkpẹ akhuli ni a rọte a lasele shi ifui apfe. Oni ode unuẹkpẹ akhuli lolighuo o khueghie-a. E rọte ọ dọse. Abi e rọ kia ifui apfe lẹ deḡe, oni aḡeni ọ kele-a.

¹¹ Ighọ ẹgbhali eyi iPita e na ya to. Ọọ, “Ena mhi lese, ni ọa mhue akhokhomhe khi Onomhue ọ ghie aḡeni oyọli, ọ ka pfa mhe shi eke obọ oyi Erọdu ali emini ẹgbọ iJu ẹẹ sa khi mhi ya mẹ nya.”

¹² Abi ẹgbhali eyọli e rọ na ya to se, ọ je owa oyi iMeli ni ọ khi inyọ iJoni ni a gbolo ẹ lu iMaki. Aghọ eni e miesuo e legba la a sọ iromhi.

¹³ iPita ọ kpheli ode na olase. Ighọ omueshi ni ọọ ga ọgbọ ni a lu iRoda ọ bhale ya mie ọli unu.

¹⁴ Abi ọ rọ suọ uruli oyi iPita, oghẹle o vọ ọli udu. Ọa je okpe ode-a ne, ọ nyanya nyene egbe ukhokho ya tseḡe gueye we, “iPita ọ she jele!”

¹⁵ Eẹ ọli, “Ujili ọọ kphe!” Ama ọ li khi egbegbi ingme lọli ẹ ngme. Ighọ ẹ ọli, “Ayemhe olimhi oyọli lọ!”

¹⁶ Ama iPita ọ kiele kpheli obọ ode. Abi e ke rọ khueghie oni ode-a, e mẹ khi lọli lọ. Abọ e sha we.

¹⁷ Ọ ri obọ gbe we akhiakhia. Ọ tigbe gueye we abi Onomhue ọ li rue lue owa ighumha le. Ọọ we, “A gueye iJemhisi ali eni e miesuo eni e kpole.” Ighọ ọ vu je oboese.

¹⁸ Ogbeakọlọ, ozughu o lo iteva oyi eni ekhọli-okhue le shi abi iPita ọ li kia.

¹⁹ Abi Erọdu ọ rọ ọ e lolo nono iPita kia gase, ni ẹa rọ mẹ ọli. Ọ ri eni ẹẹ khẹ ekhẹ eghọ gue ẹzọ. Ọọ a gbolo we-a.

Eghuli oyi Erọdu

Abi a rọ mẹ enana se, Erọdu ọ rọte eke iJudia je iSizeria ya la ukuku ẹghẹghẹ.

²⁰ Elemhi e lolo bi Erọdu deba ẹgbọ iTai ali iSidoni. Ighọ eni ẹgbọ e to ukhomhi ma, ee dua abi e li ya mẹ asha nu oni oghie shito ngme. Abi iBilasitosi ni ọ khi adogeli oyi oghie ọ rọ lama shi we ọ, e tigbe lama khi wewe e ya lema oghie ni wewe e rọ riẹle. Itobọ khi ẹoli oyi oni Erọdu eni ẹgbọ e rọte mẹ eminale ẹ de.

²¹ Oni ogbele o ramhi Erọdu ọ gbanọ itsua oghie eyọli, ọ shito ukpekhomhi oghie oyọli. Ọ nu eni ẹgbọ ọ ngme.

²² Eni ẹgbọ e ku unu-a nyoghoo, ẹ li, “Uruli oyi Ẹshinegba na, ọa ke khi oyi ọgbọ.”

²³ Utoghuo kpe aḡeni oyi Onomhue ọ pfi Erọdu emhi, itobọ khi ọa ri ekpe na Ẹshinegba. Ekhọli e ri ọli le. Ọ ghu eghuli osoli.

²⁴ Ungmemhi oyi Ẹshinegba o gbhi-aku ashakpa, oo gẹ shọ.

* 12:4 Li zẹ Okiali 12.1-27

25 IBanabasi ali iSolu e rōte iJerusalemu, obini a ri ikpaghō ghie wē usomhi je jele. Abi e rō ọ jele, e rue iJōni ni a gbolo ẹ lu iMaki mhue obō.

13

A zẹ iBanabasi ali iSolu ghie usomhi

¹ Emekeguele ali eni ẹ sẹsẹ e la igbaa oyi eni e mie iJesu iKirisiti suọ ni ọ la Atiọki, ni e khi iBanabasi, ali iSamọ ni ọ khi ọgbọ ọbishi, ali iLushosi ọngi iSairini, iMaini ọni a ga kuẹle ọli ali oghie Erọdu, ali iSolu.

² Abi e li i kuẹghie Ọnọmhue ni e li i pfi azumhi, Ayemhe-nọ-pfuase ọọ wē, “A zẹ iBanabasi ali iSolu-ọ lase na mhe ni e ya gbe akanya ni mhi lu wē shi.”

³ E pfi azumhi, e ri abọ nga wē ukhomhi sọ iromhi na, e ghie wē vu.

Elemhi iSapurosi

⁴ Ayemhe-nọ-pfuase ọ ghie iBanabasi ali iSolu je iSelusha agho e te lo ọkọ okẹ je ekẹ ni oku o khi shi na lu iSapurosi.

⁵ Abi e rọ ramhi ẹoli iSalamisi, e la owa ugamhi oyi ẹgbọ iJu gue ungmehi oyi Eshinegba le. IJoni ni a gbolo ẹ lu iMaki ọ la agho ri obọ da wē oni akanya.

⁶ E kia je ukiẹkie iSapurosi ni o kpole nya, e bhale ẹoli iPafosi. Agho e ya ẹ obo ni a lu iBajisosi ọngi iJu ni ọọ li ẹboli, ni ọ khi ọmekeguele oyi ẹgbhọli.

⁷ Lọli ọ khi ọmole ọni igovunọ ni ọ la oni ekẹ, eva oyi ọni igovunọ khi iSajosi iPolosi ni ọ khi ọtsẹgbhe. Oni igovunọ ọ lu iBanabasi ali iSolu itobọ khi ọ nono ni loli suọ ungmehi oyi Eshinegba.

⁸ Ama ọni iBajisosi ni ọ liẹ Elimasi ni ọọ li obo, ọ tsua ozughu lo agho le ini ọni igovunọ ọ khi mē asha miesuo.

⁹ Igho iSolu ni a liẹ lu iPolu, ni Ayemhe-nọ-pfuase ọ vọ egbe, ọ feli ọni obo chii.

¹⁰ Ọọ li, “Yeyẹ omi ọkphaghie! Yeyẹ ọbe eminete ni u wa li ikenegeue. Eẹ u

ya rōte imu-ungmemhi oyi Eshinegba pfi ukhomhi kpokẹ lasele?

¹¹ Memena Eshinegba ọ ya nise obọ oyoli ti ẹ, u ya zẹ alo, waa kẹ gbo dobe ya mē ugemhi oyi ovọ ukuku ẹghẹghẹ ne.”

Aghoagho, Elimasi ọ mē khi alo eyelue e bi obili-a, Ọọ bibi, ọọ nono ọni ọ ya mu ọli obọ ke kia.

¹² Abi ọni igovunọ ọ rọ mē ingme ni a mē, ọ miesuo, irari khi osesẹ ingme oyi Onomhue ọ ri abọ sha li.

Atiọki ni o la elemhi iPisidia

¹³ IPolu ali apfoli e rōte iPafosi lo ọkọ okẹ da okẹ oniēmhi je iPeriga, ni o khi ẹoli ni o la iPafia. Ana iJoni ni a gbolo ẹ lu iMaki ọ pfi wē shi nyenẹ egbe je iJerusalemu.

¹⁴ E rōte iPeriga je ẹoli Atiọki ni o la ekẹ iPisidia. Ogbelẹ iyemhea oyi iJu, e lo owa ugamhi ya shito.

¹⁵ Abi e rọ rōte ebe ishi oyi iMosisi ali ebe eyi emekeguele zẹ se, eni ẹẹ mhesẹ shi oni owa ugamhi e ghie usomhi ya gueye iPolu ali iBanabasi, ẹẹ wē, “Inyoghuo anye, ini a mhọli ungmehi ni a mē ya guele ni o ya ri udu shi ẹgbọ ọ, a ke ngme.”

¹⁶ IPolu ọ vule migha ọ ri obọ nu wē ngme. Ọọ, “Eẹ ẹgbọ iZireni ali ẹẹ iJeta ni a ga Eshinegba a ri esọ shi mhe ekẹ!

¹⁷ Eshinegba oyi ẹgbọ iZireni ọ zẹ eni e bia awa, loli ọ rẹwẹ khi ẹgbọ eniēmhi, oni ẹghẹghẹ e khi epfese shi ekẹ ijipiti. Eshinegba ọ ri ekpabọ eyoli wolọ wē ekẹ ijipiti lasele.*

¹⁸ Elemhi ikpe egbhueva ọ ri abọ mu udu na ẹ elemhi odagbe ifufu.†

¹⁹ Eḍeli ishilua ọ pfusea ekẹ iKena. Ọ ri ekẹ oyewẹ na ẹgbọ eyoli le ugu.‡

²⁰ Elemhi ikpe egbhue-uye ali eva ali ikpe igbe (450) a mē ingme enana.§

“Abi a rọ mē ena se, ọ ri esọ-ẹzọ na wē ni ee mhesẹ, ya ramhi ẹghẹghẹ oyi iSamueni ọmekeguele.

²¹ Igho eni ẹgbọ e mhila Eshinegba ọ ri oghie na wewẹ, Eshinegba ọ rue iSolu omi iKishi oyi unuekpẹ oyi

* 13:17 Li zẹ Okiali 1.7; 12.51 † 13:18 Li zẹ iNoba 14.34; iDeut 1.31 ‡ 13:19 Li zẹ iDeut 7.1; iJosh 14.1

§ 13:20 Li zẹ iDeut 7.1; iJosh 14.1 * 13:21 Li zẹ 1 iSam 8.5; 10.21

iBejami na wẹ. Lọli ọ khi oghie oyewẹ elemhi ikpe egbhueva.*

22 Abi Eshinegba ọ rọ rue iSolu oghie le, ọ ri iDefidi le oghie na wẹ. Ingme ni Eshinegba ọ ngme shi iDefidi egbe na, 'Mhi she mẹ khi iDefidi omi iJese ọ khi ọmose ọnabi udu oyemhẹ ọọ nono, ọ ya rieḷe ọghuemhẹ oyemhẹ nya.†

23 "Rote unuekpe oyi ọni iDefidi, iJesu ni ọ khi Omiepfuese oyi egbo iZireni ọ te bhale, abi Eshinegba ọ li rọli shobo.

24 Neni iJesu ọ bhale, iJoni ọ she kpe gueye egbo iZireni e ti olamhẹ le, e mupfi deba Eshinegba, egheghe agho ni a batazi wẹ.‡

25 Abi iJoni ọ rọ gbe akanya se, ọ mhila eni egbo, ọọ, 'Oghuo a khokho mhe shi? Mhi aa khi ọni a migha a khe. Ọni ọ ya bhale ini mhi gbe akanya oyemhẹ se, mhi aa fu te ni mhia taghie uli ekuẹ ni ọ so-a.'§

26 "Inyoghuo-mhe imi Aburaamu, ali eẹ iJeta ni a na ulishi Eshinegba ni a la akana, oni ungmehi imiepfuese ona, oyawa lo!

27 Egbo ni e la iJerusalemu ali eni eẹ mhese na wẹ, ẹa lese iJesu shi Omiepfuese. Ama igbe-a ni e gbe iJesu-a, o ri emini emekeguele ee ngme, ni ee ze khasẹ wẹ ẹle iyemhea kpa bhale ya tse.

28 Abi o tseku khia khi ẹa mẹ ezọ gue shi ọli egbe, eẹ li ipaleti ọ ze ni a gbe ọli-a.*

29 Abi e rọ rieḷe emini Ebe-nopfuase ọ ngme shi ọli egbe se, e rue ọli apfida tiemhile, e rọli to uji.†

30 Ama Eshinegba ọ rote eghuli guise ọli le.

31 Ogbẹle ebubu ọ ri egbo li khasẹ egbo eni e nu ọli rote iGalili je iJerusalemu. Wewẹ e ke pfi ọtseḷe shi ingme oyoli khasẹ egbo eyawa.‡

32 "Eri anye bhale akana ni anye ya ri oni usomhi onete na ẹ, ikhi ishobo ni Eshinegba ọ shi na eni e bia awa.

33 Ọ she ri oni ishobo ona tse na awa imi wẹ, abi ọ li guise iJesu le. Abi a li keke ọli shi ebe Iwolo ni uzeva, khi, " 'Omimhe u khi, ogbe namo, mhemhe mhi khi Itẹ.'

34 Abi Eshinegba ọ rote eghuli guise ọli le, ni ọa ze ọli ghu ke-a, o mu ma ungmehi oyoli ni ọ la lie,§

" 'Mhi ya ri ikhivose no pfuase, ni a ri egbe ẹ nga egbegbo ni mhi shobo na iDefidi ne.'

35 Igho ọ kie gbo li ngme ọli shi ashese.*

" 'Waa ya ze ni oni ọ pfuase oye ọ ghu ke-a.'

36 "Irari khi eri iDefidi ọ ga Eshinegba abi ọ rọ la agbo, igho ọ ghua, a ri ọli to mama eni e bia li. Ọ ke-a shi elemhi uji.

37 Ama idiegbe oyi iJesu ni Eshinegba ọ rote eghuli guise le, ọa ke-a.

38 "Irarigho, inyoghuo, anye tse abo ye ẹ khi obọ oyi iJesu a te ya mhọli igbe olamhẹ kua.

39 Onini ọ da mie ọli suo ne, a she pfa na li, ọa ke lue shi emini Ushi oyi iMosisi ọa dobe pfa na wẹ shi.

40 A mhue egbhe, ini emini emekeguele e ngme o khi ya tse shi ẹ egbe, ni eẹ,

41 " 'A ghe i, eẹ ni a ri Eshinegba a li egia Ọshabo ọ sha ẹ, a pfua.

Irari khi mhi ya rieḷe emhi egheghe oye ẹ

ni aa ya mie shi ghue,

ini ogbo ọ tseku gue ọli ye ẹ.' †

42 Abi iPolu ali iBanabasi e rọ rote oni owa ugamhi vu, eni egbo e gbo lu wẹ e nyene egbe bhale ogbẹle ugamhi olese ya nu wewẹ ngme oni ungmehi.

43 Abi oni ilegba o rọ gbhia khuse, egbo iJu ali egbo iJeta eni e she mu pfi bhale ugamhi oyi egbo iJu, e kpikpi i deba iPolu ali iBanabasi. IPolu ali

† 13:22 Li ze 1 iSam 13.14; 16.12; Iwolo 89.20 ‡ 13:24 Li ze iMak 1.4; iLuk 3.3 § 13:25 Li ze iMat 3.11; iMak 1.7; iLuk 3.16; iJon 1.20,27 * 13:28 Li ze iMat 27.22-23; iMak 15.13-14; iLuk 23.21-23; iJon 19.15 † 13:29 Li ze iMat 27.57-61; iMak 15.42-47; iLuk 23.50-56; iJon 19.38-42 ‡ 13:31 Li ze Ika 1.3 § 13:34 Li ze Aza 55.3 * 13:35 Li ze Iwolo 16.10 † 13:41 Li ze Abak 1.5

iBanabasi e ye wẹ ude, e kie ke deba okhale ni ẹa fu tẹ ni Eshinẹgba ọ riẹle na wẹ.

⁴⁴ Ẹlẹ iyemhẹa ni o deba li, ẹgbọ ni e la oni ẹoli nya e legba ni e ri esọ shi ungmehi oyi Eshinẹgba.

⁴⁵ Abi ẹgbọ iJu e rọ mẹ oni ilegba, ee kpe ofuma, ee kholo ingmemhi zu iPọlu unu, e tsue ọli.

⁴⁶ Ama iPọlu ali iBanabasi e ngme ungmehi igbedu, ẹ li, “Ẹẹ a khi eni anye kha mema kpe gue ungmehi oyi Eshinẹgba ye neni o ramhi ẹgbọese egbe. Ama abi a ke rọ kie oni ungmehi ni aa rọ sa khi o ti ni a mhọli agbọ na agbọagbọ eghọ, mena, anye ya zẹ ẹ obọ, anye deba ẹgbọ iJeta.

⁴⁷ Irari khi ona khi omhese ni Onomhue o mhese na anye, ni ọ rẹ, † “ ‘Mhi she rẹ ẹ khi ákpá na ẹgbọ iJeta, ni agbọ nya e mhue imiepfuese.’ ”

⁴⁸ Abi ẹgbọ iJeta e rọ suọ ona, ee ghele, ee kuẹghie Eshinẹgba shi oni ungmehi, ẹgbọ eni a she zẹ shi agbọ na agbọagbọ, e mie iJesu suọ.

⁴⁹ Oni ungmehi oyi Onomhue o gbhiaku asha kpa oni eke.

⁵⁰ Ama ẹgbọ iJu e tanọ shi ikpotso ni ẹẹ na ulishi Eshinẹgba ni a mu ekpe a na ali ekhemhue eyi oni ẹoli. E sese ẹgbọ ni e mu okhọli oniemhi vule shi iPọlu ali iBanabasi ọ, e khu wẹ fiẹ lase oni ẹoli.

⁵¹ Ama eni eniyẹ odukhokho eyi iJesu e kpishi itutu awẹ shi eke, ni e pfi ọtsẹle mu eni ẹgbọ. E rọte aghọ dọse je ẹoli iKoniomu. §

⁵² Oghẹle ali Ayemhẹ-no-pfuase ọ lo eni e miesuọ eghọ egbe.

14

Emini a mẹ iKoniomu

¹ iPọlu ali iBanabasi e lo owa ugamhi oyi ẹgbọ iJu obini iKoniomu, abi e kie kpe ẹ li. E lolo guẹ ẹ ngme

ungmemhi ni o lo ẹgbọ esọ, ni o ri ebubu ẹgbọ iJu ali iJeta miesuọ.

² Ama ẹgbọ iJu ni ẹa lama miesuọ, e tanọ ẹgbọ iJeta abọ ni elemhi o yese wẹ-a deba eni e miesuọ.

³ Ighọ iPọlu ali iBanabasi e kushi aghọ tẹse, e ri igbedu u ngme ungmehi oyi Onomhue ni ọ pfi ọtsẹle shi ungmehi okhale oyọli, rọte ekpabọ ni ọ rọ na wẹ ẹ gbe akanya onyaloa ali ọshabọ.

⁴ Okemhi o lo oni ẹdeli le, ẹgbọ eghuo e kugbe ẹgbọ iJu ọ, eghuo ọ e la ukhokho oyi ighiusomhi na keẹ.

⁵ Ighọ ẹgbọ iJeta eghuo ali ẹgbọ iJu ali enighie eyewẹ, e gba abi e li ya gbe wẹ ali abi e li ya tono wẹ eche.

⁶ Abi eni ighiusomhi e rọ suọ ona, e na je ẹoli iLisitira ali iDebi ni o la eke iLikaonia ali ẹoli elese ni e mama wẹ.

⁷ Aghọ e la a gue usomhi onete le.

Elemhi iLisitira ali iDebi

⁸ Omose ọghuo oni a bia ọkhomhi ni ọa kia ghue abi a te bia li, ọ li la oni iLisitira.

⁹ Ọ shitọ aghọ ri esọ shi ungmehi ni iPọlu ọọ ngme. iPọlu ọ mẹ khi ọ mhọli irudunga ni o dobe ya rọ li ze, iPọlu ọ bino ọli chii.

¹⁰ Ọ tsesẹ leghe, ọọ, “Vule migha!” Oni omose ọ ti vule, ọọ kia gasẹ.

¹¹ Abi eni ẹgbọ e rọ mẹ akanya ni iPọlu ọ gbe, e ngme ẹlẹmhi iLikaonia, ee tsesẹ, ee liẹ, “Ilitsa e mele ẹgbọ-a bhale iteva oyawa o!”

¹² Eva ni e lu iBanabasi khi iZeusi,* itobọ khi iPọlu khi oni ọ mema e ngme, e lu ọli Amesi. †

¹³ Oni ọọ luase oni olitsa iZeusi, ni okula oyọli o la ukhokho apfe oni ẹoli, ọ muno ena enokpo ali idodo je oni ode unuekpe oyi oni ẹoli, itobọ khi lolu ali eni ẹgbọ ee nono ni wewẹ ya luase iBanabasi ali iPọlu abi ilitsa.

¹⁴ Abi iBanabasi ali iPọlu e rọ suọ emini eni ẹgbọ e mu egbe khi e ya riẹle, e nyanọ itsua shi egbewẹ uruli, e nanọ lo eni ẹgbọ ifuabọ. Ee tsesẹ liẹ,

‡ 13:47 Li zẹ Aza 42.6; 49.6 § 13:51 Li zẹ iMat 10.14; iMak 6.11; iLuk 9.5; 10.11 * 14:12 iZeusi: IZeusi o khi ọga iyemhẹ ni ẹgbọ iGiriki e ga. Isheghuo a lu ọli iJupita. Olitsa ọlese ni a lu Amesi ẹẹ khi ọ khi aghiusomhi oyọli † 14:12 Amesi: Amesi o khi eva oyi olitsa ni ẹgbọ iGiriki e ga. Eri ẹgbọ iGiriki ena e liẹ khi aghiusomhi oyi iyemhẹ elese

15 “Elo e ze khi a li na?” Egbọ en-abi eẹ anye khi! Ungmemhi usomhi onete anye rọtse abọ khase ẹ, ni a rọte ugamhi afue mu pfi deba Eshinegba ni o laọ, ni o ma eke ali ukhuli ali oke oniemi ali emini e la elemhi we nya.‡

16 Eghẹghe ni o dose, Eshinegba o ze ni ushishi ogbogbo o ngeli abi o ghole oli.

17 Ama o kie rọte akanya onete oyoli ri oḣe khase khi loli lao, loli o rọte idane e ruese ame shi emhi ekomhi shi eghẹghe, loli o ri eminale na e e le, o ri oghẹ ẹ shi ẹ udu.

18 Abi iPolu ali iBanabasi e riẹ lina nu we ngme ingmemhi ena, ẹa kie dobe mu we gba e khi luase ewe abi ilitsa.

19 Egbọ iju eghuo e rọte Atioki ali iKoniomu bhale, e ri eta-olẹlemhunu ti eni egbo mama egbe, e tono iPolu eche, e tialo oli eke fie je ukhoko oni eoli, e dabi khi o she ghua.

20 Ama abi eni e miesuo e ro le gasẹ oli, o vule, o nyene egbe je ifuapfe ni a la tono oli eche. Ogbeakolo, loli ali iBanabasi e je eoli iDebi.

21 IPolu ali iBanabasi e gue usomhi onete le elemhi iDebi, ebu bu egbo e miesuo. Igho e nyene egbe je iLisitira ali iKoniomu ali Atioki ni o la iPidia,

22 e ri udu shi eni e miesuo o e ri igesikia migha shi oni irudunga. Eẹ we, “Neni awa lo Eghiele oyi Eshinegba, awa ya me anasemhe.”

23 Elemhi igbaa nya eyi eni e mie iJesu iKirisiti suo ododa, ee ze egbhali shi, ee pfi azumhi so iromhi na we rewe nga Onomhue ni e regbenga obo.

24 Abi e ro kia gasẹ eke iPidia se, e je eke iPafia.

25 Abi e ro la eoli iPega gue usomhi onete le se, e te agho je eoli Atalia.

26 Agho e te lo oko-oke oniemi nyene egbe jele obini Atioki; Ashini eni e miesuo e ke la so iromhi na we re we nga okhale oyi Eshinegba obo shi akanya ni e ye ya gbe se.

27 Abi e ro jele Atioki, e lu eni e miesuo tigbili, e gweye we ikanya

ni Eshinegba o re we gbe ali abi o li khueghie ode-a na egbo iJeta ni e miesuo.

28 E nu eni e miesuo la akagho tese.

15

Ilegba ni a mhọli shi iJerusalemu

1 Egbọ eghuo e rọte eke iJudia bhale Atioki, ee sese eni e miesuo khi, Ini aa li shele we-a abi Ushi oyi iMosisi o ngme ẹa ya khi eni a miepfuese.*

2 Onana o pfi ingme ni o ze khi iPolu ali iBanabasi e nu eni egbo ni e rọte iJudia bhale e khako. Irarigho, a ze iPolu ali iBanabasi ali eni e miesuo elese e nga iJerusalemu ya me ighiusomhi na kee ali eni egbhali shi oni ingme.

3 Igho e ghie we e ke le, abi e li rọte eke iFonisha ali iSameria dose e le, ee gweye egbo abi egbo iJeta e li mu pfi deba Eshinegba. Onana o pfi oghẹ oniemi na eni e miesuo.

4 Abi e ro ramhi iJerusalemu, eni e miesuo ali eni egbhali ali ighiusomhi na kee, e mu we epfese. Eni a ghie usomhi e gweye we ikanya ododa ni Eshinegba o rọte obo oyewe gbe.

5 Ama eni e miesuo eghuo ni e la otu iFarisi e vule, ee li, “Egbọ iJeta e mema shele-a. A gweye we e ri Ushi oyi iMosisi ke gbe akanya.”

6 Ighiusomhi na ke ali eni egbhali e ye ochi shi oni ingme ona.

7 Abi e ro khako shi o tese se, iPita o vule, oo we, “Inyoghuo, a lese khi eghẹghe ni o dose, Eshinegba o rọte iteva oye e ze mhe mhi ka gue oni usomhi onete ye egbo iJeta ni e me asha suo, ni e miesuo.†

8 Eshinegba ni o lese isamhi ni e la ogbokpa udu, o ri Ayemhe-no-pfuase na egbo iJeta, ro roli khase khi loli li mie we, ezeze abi o li li mie awa.‡

9 Oa ri ikhioda shi iteva oyawa ali wewe, irari khi o khuse udu oyewe-a pfuase itobo khi e imiesuo.

10 Memena, elo o ze khi a nono ni a mhesẹ Eshinegba bino, ni a ro o sheli

‡ 14:15 Li ze Okiali 20.11; Iwolo 146.6 * 15:1 Li ze iLev 12.3 † 15:7 Li ze Ika 10.1-43 ‡ 15:8 Li ze Ika 2.4; 10.44

iJeta ni e miesuo itsua ni awa ali eni e bia awa ɛa doɓe tsua?

¹¹ Iiye e! Awa lama shi o khi okhale oyi iJesu iKirisiti Onomhue o mie awa pfuese, igho li khi wewe.”

¹² Oni igbaa e tsaghiɛ-a tsuke, abi e ro suo oɓe eyi onyaloa ali oshabo nya ni Eshinegba o rote obo oyi iPolu ali iBanabasi gbe iteva oyi egbo iJeta.

¹³ Abi e ro ngme se, iJemhisi oo, “Inyoghuo, a ri esɔ shi mhe eke!

¹⁴ ISamo iPita o lese guele abi Eshinegba o li mholi omuegbe shi ingme oyi egbo iJeta, ni o rote elemhi we sano egbo, ro mele egbo eyoli-a.

¹⁵ Onana o ri emini emekeguele e keke shi Ebe-no-pfuase bhale ya tse, ni oo,

¹⁶ “ ‘Ini a me enana se,
mhi ya nyene egbe bhale,
mhi rue egchiele oyi iDefidi
gbo nyene egbe bhale,
mhi riɛɛ ikpukpu-igbe
ni e de kua oyoli ma,
mhi gbo zese oli-a.

¹⁷ Ishegho egbo ni e kpole nya e nyene egbe bhale deba Onomhue,
egbo iJeta nya ni mhi lu,
e bhale ya khi eyemhe,

Onomhue o ngme ghɔ,
ni o riɛɛ emhi ena.’

¹⁸ Loli o she kpe ze

ni a lese ona shi eke agboagbo. §

¹⁹ “Abi mhi so o shi khi, awa khi pfi egbo iJeta ni e nyene egbe bhale deba Eshinegba lo omunu.

²⁰ Awa ri ochoghɔ keke ebe ya gueye we, e khi ke le eminale ni a ro luase ikhumhi. Awa gbo gueye we e khi ke ku itsebo, e khi ke le elamhi ni aa fa uruli, e khi ke da oɓia.*

²¹ Irari khi o she tese ni a te la owa ugamhi e ze ebe Ushi oyi iMosisi ele Iyemhea kpa, a ri ingme oyoli e tse abo ifui eoli kpa.”

²² Igho ighiusomhi na keke ali eni egbhali ali eni e miesuo nya e te eni egbo ze emose aava ni a mu ekpe e na

ma iPolu ali iBanabasi egbe, je Atioki. IJudasi iBasabasi ali iSalasi e ze.

²³ Ebe ni e keke ro ghie we usomhi na:

Anye ighiusomhi na keke ali eni egbhali ni anye khi inyoghuo e, anye tse ee Inyoghuo anye ni a khi egbo iJeta ni a la Atioki ali iSiria ali iSilisha.

²⁴ Anye suo khi egbo eghuo e rote anye iteva vu ni o khia khi o a khi anye ghie we, ni e bhale ya nu e ngme ingmemhi ni oo yese e elemhi-a ali ni oo nase e udu.

²⁵ Irarigho, anye ro kugbe ghie emose eghuo ghi e, e deba iBanabasi ali iPolu emole anye bhale.

²⁶ Emose ena e she ri agbo oyewe shi okhena itobo eva oyi iJesu iKirisiti Onomhue.

²⁷ Irarigho, anye ro ghie iJudasi ali iSalasi ni e ri unu gue emini anye keke shi ebe ye e.

²⁸ O ti Ayemhe-no-pfuase ali anye eloe, ini anye khi ri itsua elese nase e tsua dose ishi enana.

²⁹ A ti egbe eminale ni a ro luase ikhumhi le, a khi ke da oɓia, a khi le elamhi ni aa fa uruli. A khi ku itsebo. O ma a ti e egbe ini a lase emhi enana le.

Eshinegba o nu e la.

³⁰ Eni emose ni a ghie usomhi e vu ya tiemhi Atioki. E ti eni e miesuo nya gbili, e ri oni ebe na we.

³¹ Abi eni egbo e ro ze oni ebe se, oghelɛ o vo we elemhi itobo khi usomhi onete ni o ri udu e shi ogbo o o tsua.

³² IJudasi ali iSalasi ni e khi emekeguele e nu we ngme ebubu ingmemhi ri udu shi we o, e zese we-a.

³³ E nu we la agho ukuku egheghe, eni e miesuo e tse we okhila. We we ni a ghie usomhi e nyene egbe je iJerusalemu deba eni e ghie we.

³⁴ [Ama iSalasi o lama nu we la agho.]

³⁵ IPolu ali iBanabasi e la Atioki, we we ali egbo elese e la agho o sese, ee tse abo ungmehi oyi Onomhue.

IPọlu ali iBanabasi e vase egbe-a

³⁶ Abi ebubu ogbele e ro dose, iPolu o gueye iBanabasi, o o li, "Awa nyene egbe je eoli ni awa te dose ni awa ya bino egbo ni awa gue ungmehi oyi Onomhue ye, ni awa me abi e ke lao shi."

³⁷ O ghole iBanabasi ni e tsua iJoni ni a gbolo e lu iMaki ma egbe vu.

³⁸ Ama o ghole iPolu ni e tsua li. Itobo khi oni iJoni ni a gbolo e lu iMaki o nu we gbe ikanya ramhi ukpeso ni o ro tsua we kua eke iPafia vu, o so ukhokho gbe we.[†]

³⁹ IPọlu ali iBanabasi e mhọl ekhako ni o toto shi ingme ona, e kemhi egbe. IBanabasi o rue iJoni iMaki ma egbe, e lo oko-okę oniemi da je iSapurosi.

⁴⁰ Ama iPolu o pfi obọ rue iSalasi, e vu abi eni e miesuo e ro so iromhi na we, re we nga okhale ireloe-khu oyi Onomhue se.

⁴¹ E kia rote eke iSiria ali iSilisha, e ri udu u shi igbaa nya eyi eni e mie iKirisiti suo o.

16*ITimoti o deba iPolu ali iSalasi*

¹ IPọlu o bhale eoli iDebi ali iLisitira, ashini omọ odukhokho ni a lu iTimoti o la. Inyoli ni o li miesuo o khi ongi iJu, ama itali o khi ongi iGiriki.

² Igbaa oyi eni e mie iJesu iKirisiti suo ni e la iLisitira ali iKoniomu nya e ngme onete oyi iTimoti.

³ IPọlu o nono ni loli ri iTimoti ma egbe vu, igho o shele oli-a. Itobo khi egbo iJu ni e la oobo e ga lese khi ita iTimoti khi ongi iGiriki lo.

⁴ Abi e li kia eoli i gase, e sese eni e miesuo ilamashi ni ighiusomhi na keke ali eni egbali ni e la iJerusalemu e keke shi ebe na we, e gueye we, e rewe gbe akanya.

⁵ Igho igbaa nya eyi eni e mie iKirisiti suo, e fu u shi irudunga, ee bua shi o elekpa.

IMEke ni iPolu o me obini iTiroasi

⁶ IPọlu ali eni e ga kia, e rote eke iFrigia ali iGalesha, itobo khi Ayemhen-pfuase o a ze we gue usomhi onete le eke Esha.

⁷ Abi e ro ramhi eke iMisia, ee nono ni wewe e lo elemhi eke iBitinia, ama Ayemhe oyi iJesu o a ze we lo.

⁸ Igho e rote eke iMisia dose je iTiroasi.

⁹ Eliyose elegho iPolu o me ime-alo, o me khi ongi iMasidonia o migha a lema, "Bhale iMasidonia ni u ya kpaghie anye obo!"

¹⁰ Abi iPolu o ro me oni imeke se, anye mu egbe e le iMasidonia, itobo khi anye lese khi Eshinegba o she lu anye, anye je agho ya gue usomhi onete le.

ILidia o mu pfi

¹¹ Anye rote iTiroasi lo oko-okę oniemi da oke oniemi je iSamotirasi, ogbeakolo, anye te agho je iNiapolisi.

¹² Agho anye te je ifuapfe oyi iFilipi ni o khi eoli ni o mu eloe shi eke iMasidonia ni ebubu egbo iRomu e ngeli. Anye ga la agho ebubu ogbele.

¹³ Ogbele iyemhea oyi egbo iJu, anye te oni eoli vu je oni oke, ashini anye khokho khi egbo iJu ee lona shi iromhi isoso. Anye shito nu ikpotso ni e legba agho ngme.

¹⁴ Okpotso oghuo elemhi we ni o ri eso shi eke khi iLidia ongi iTiatira, oni o ri ide eyile e de. O khi okpotso ni o o na ulishi Eshinegba. Abi iPolu o li i ngme, Eshinegba o khueghie oli udu-a shi oni ungmehi.

¹⁵ Abi a ro batazi oli ali apfoli se, o lu anye je owa oyoli, o anye, "A kha lese khi egbegbi oni o miesuo mhi khi, a bhale ya ku shi na mhe." O ti anye shi o ramhi ni anye ro lama shi oli o.

A mu iPolu ali iSalasi shi igha

¹⁶ Eleghuo abi anye li i je ashini anye la a so iromhi, omueshi oghumha oghuo ni o mhọl ayemhe obe ni o ro o meke guele emini a ya me, o ya to anye ukhomhi. Eri o ri oni ekpabo

[†] 15:38 Li ze Ika 13.13

imeguele ona a gbe ikpagho na eni e mholi oli.

¹⁷ Oo deba iPolu ali anye, oo tsesẹ, oo lie, “Eni ẹ ga Eshinegba ni o fune eni ẹgbọ ena e khi! Eri ẹ tse abo guele abi a li ya mholi imiepfuese!”

¹⁸ Ina o li i riẹle oli ogbele kpa ya ramhi ni oni ingme o ro ri elemhi i bi iPolu, igho iPolu o nyene egbe gueye oni ayemhe, oo li, “Mhi ri eva oyi iJesu mhese ne, fie oli idiegbe ya lase!” Aghoaghọ oni ayemhe o fie oli idiegbe ya lase.

¹⁹ Abi eni e mholi oli e ro me khi ẹa ke me ikpagho afa ni e kpe te ẹ oli obo o me, e mu iPolu ali iSalasi tialo ghi enighie obini agbala oyewe.

²⁰ E wolo we bhale odalo oyi esọ-ẹzo, ẹẹ we, “Emose ena, ẹgbọ iJu e khi ni e pfi ozughu ẹ shi awa ifuapfe.

²¹ E kia a sese ẹgbọ imu ni e khi oda shi eyi awa. Awa ni awa khi iRomu, awa aa ya dobe ri osese oyewe gbe akanya.”

²² Eni ebubu ẹgbọ e kuma we o gue ẹzo shi iPolu ali iSalasi egbe. Igho eni esọ-ẹzo e gueye we e banọ we a, e gbe we itali.

²³ Abi e ro gbe we egbegbo se, e tigbe pfi we lo owa ighumha. E gueye oni oo khe-ekhe o pfi okpe ashini o rewe shi egbegbo.

²⁴ Abi a ro ri oni omhese na li se, o mu we kulo owa aza elemhi oni owa ighumha, o so we awe igha.

²⁵ Abi itsotso ogbie o ro mu eke, iPolu ali iSalasi ee so iromhi, ee to uwolo kueghie Eshinegba. Ighumha eni e kpole e ri esọ shi we eke.

²⁶ Udemhija, eke o ri itoto nighise. Oni owa ighumha o rote eke jighise egbegbo. Eloawe eloawe, ode nya ni e lo oni owa le e kueghie-a. Iweghe ni e ro ge eni ighumha nya e ku we awe-a.

²⁷ Abi oni oo khe ekhe agho o ro me khi ode ni e la oni owa ighumha nya khi e kueghie-a, o dabi khi ighumha ni e la agho nya e she pfue. Igho o ji itakobi emhi lasele ni lue ro gbe egbelue-a.

²⁸ Ama iPolu o tsesẹ leghe, oo li, “Khi

gbe egbe ẹ-a! Anye nya anye la ana.”

²⁹ Oni oo khe ekhe ogho o lu ogho o nyanya rue ugbili bhale. O ri ulishi-ulishi na buẹ buẹ, o de ya wugha odalo oyi iPolu ali iSalasi.

³⁰ Igho o rue we lasele, o mhila we, “Elo mhi ya li ni mhi ro ya mholi imiepfuese?”

³¹ Eẹ oli, “Yeye ali apfe nya a mie iJesu Onomhue suọ khi a ya mholi imiepfuese.”

³² Igho e gue ungmehi oyi Onomhue ye oli ali apfe oli.

³³ Igho oni omose o wolo we, o dua we utse ni a kuali we. IPolu ali iSalasi e rue oli ali apfoli ya batazi na aghoaghọ.

³⁴ Igho o rue iPolu ali iSalasi nga owa oyoli ya ri eminale na le. Oghelẹ o vo oli ali apfoli nya udu irari khi e she mie Eshinegba suọ.

³⁵ Ele uzogbe ogbeakolo, eni esọ-ẹzo e ri unu na ipolisi e ka gueye oni oo khe-ekhe ogho, “Zobe emose egho obo ni e vu.”

³⁶ Igho oni oo khe ekhe ogho oo iPolu, “Esọ-ẹzo e she ri unu bhale a wolo ẹ abo-a ni a ke vu. Opfomhe o ka nu ẹ kia.”

³⁷ Ama iPolu oo li, “Anye a li ingme okhoghuo ni a ro mu anye gbe itali ukpeloe oyi ẹgbọ nya, aboriekhia khi ẹgbọ iRomu anye khi! Ama e mu anye kulo owa ighumha. Memena, ẹẹ nono ni wewe e bena rue anye abo-a, ọa ya tse e! Eni esọ-ẹzo wewe-ghuo e bhale ya wolo anye lasele.”

³⁸ Eni ipolisi e le ya gueye eni enighie abi e ngme. Abi e ro suọ khi ẹgbọ iRomu iPolu ali iSalasi e khi, ulishi o mu we.

³⁹ Igho e vu ya kuegbe-a lema we, e wolo we owa ighumha le, e lema we e kpekpe e lase ewe ifuapfe le.

⁴⁰ Igho iPolu ali iSalasi e lase oni owa ighumha le, e ya je apfe oyi iLidia. E bhale ya ẹ eni e miesuọ agho. E ri udu shi we o, e rote agho vu.

17

Obini iTesalonika

¹ IPòlu ali iSalasi e ròte Afipolisi ali Apolonia dọse e bhale iTẹsalonika ashini owa ugamhi oyi ẹgbọ iJu o la.

² IPòlu ọ dọse je owa ugamhi abi ọ kie kpe ẹ li. Ẹfo uka ese ọ la aghọ nu wẹ rọte Ebe-no-pfuase ku ochi.

³ Ọ rọte Ebe-no-pfuase rọli khase gboo, khi ọni Omiepfuese, ọ mema ya mẹ osoli, ọ rọte eghuli guale. IPòlu ọ gueye wẹ, “Ijesu ni mhi rọ ọ tse abọ ye ẹ ọ khi ọni Omiepfuese ni Ẹshinegba ọ shobọ khi lọli ya rọ bhale.”

⁴ Ẹgbọ iJu eghuo e mie shi emini iPòlu ali iSalasi e ngme, e ku ma wẹ ọ ọ ga Ẹshinegba. Ighọ li khi ẹgbọ iGiriki eni ẹ na ulishi Ẹshinegba ali ebubu ikpotso ni e fialo-a e li miesuo.

⁵ Ama ẹgbọ iJu ee kpe ofuma, e kia ya luno ẹgbọ usueso-akhue tigbili shi okhọli. E pfi ozughu shi oni ẹdẹli nya. E tsua okhọli lo owa oyi omose ni a lu ijasi ya nono iPòlu ali iSalasi ni wewe e muno wẹ lasele na eni ẹgbọ.

⁶ Ama abi ẹa rọ mẹ wẹ, e tialọ ijasi ali eni e miesuo elese ghọ je odalo oyi enighie eyi oni ẹoli, e tsese leghe, e lie, “Emose ena e she pfi ozughu shi asha kpa! Memena e gbo bhale ifuapfe eyi awa,

⁷ Ijasi ọ mie wẹ shi owa oyọli. Ẹ da ishi eyi iSiza, ẹẹ khi oghie ọlese ọ la ni a lu iJesu.”

⁸ Abi e rọ suo eni ingmemhi ena, elemhi e te odode yese eni ebubu ẹgbọ ali enighie eyi oni ẹoli-a.

⁹ E ri ijasi ali eni a ga muno wẹ egho ze oko, neni a tigbe zewe vu.

Elemhi iBerea

¹⁰ Obili o lese bi ẹlẹgho, eni e miesuo e ghie iPòlu ali iSalasi je iBerea. Abi e rọ ramhi agho, e je owa ugamhi oyi ẹgbọ iJu.

¹¹ Ẹgbọ ni e la agho e mhọli udu ni o khueghie-a dọse eni e la iTẹsalonika. E ri esọ shi oni usomhi onete egbegbo. Ogbẹle kpa e rọ wena Ebe-no-pfuase

ni e mẹ ini emini iPòlu ọ gueye wẹ ini igesikia lo.

¹² Ẹgbọ iJu ebubu e miesuo, ikpotso iGiriki ni e fia alo-a, ali emose iGiriki e li miesuo.

¹³ Ama abi ẹgbọ iJu ni e la iTẹsalonika e rọ suo khi iPòlu ọ la iBerea a tse abọ ungmehi oyi Ẹshinegba, e bhale agho ya ngmiasẹ ẹgbọ e ka pfi ozughu.

¹⁴ Eloawe eloawe, eni e miesuo ẹẹ iPòlu vu ke je egele okẹ oniemi, ama iSalasi ali iTimoti e kie la iBerea.

¹⁵ Eni emose ni e kphase iPòlu, e rọ li bhale Ateni, e gbo nyene egbe je iBerea. IPòlu ọ ghie wẹ ghi iSalasi ali iTimoti e kele bhale ya ẹ lue shi agho.

Abi iPòlu ọ rọ la obini Ateni

¹⁶ Abi iPòlu ọ li migha Ateni i khe iSalasi ali iTimoti, ọ mẹ ilita ododa ni e la oni eke, o nighise ọli ayemhe.

¹⁷ Igho ọ nu ẹgbọ iJu ali ẹgbọ iJeta ni ẹẹ na ulishi Ẹshinegba ku ochi elemhi owa ugamhi. Igho ọ li gbo nu ẹgbọ kpa ni e rọte olele e dọse ẹ ngme ogbele kpa.

¹⁸ Ẹgbọ eghuo ni ẹ sese, ni e khi Ẹpikuria ali iSitoiki e nu ọli i khe akọ.* Abi iPòlu ọ rọ ngme ungmehi oyi iJesu ali irọte eghuli guale, eghuo ọ e lie, “Elo oyeghe ona ọ mẹ ẹ ngme?” Eghuo ẹẹ li, “Abi khi eri ọọ lie awa ke ga ilita eyi ẹoli oboese?”

¹⁹ Igho e rue iPòlu bhale owa ni a lu Aropagosi. (Owa ona eguebe ni e la ẹoli Ateni ẹẹ legba.) “Anye ẹ nono ni u gueye anye abi osese onogbo ona o ngme.

²⁰ Ingmemhi ni u wa ngme, enegbo e khi shi anye esọ, gueye anye abi e ngme.”

²¹ Irari khi ẹgbọ Ateni nya, ali epfese ni e la ọ, e ma pfuse eghẹghẹ-a ke ngme ingmemhi ali ke ri esọ shi owena ali ilese enegbo ni e she lasele ẹ gbigbi eke.

* **17:18** Ẹgbọ Ẹpikuria ali iSitoiki ena, e deba osese ni ẹa te ode, eyi ọ ni a lu Ẹpikurosi ali iZeno. Eri Ẹpikurosi ọọ sese ẹgbọ e zobe ni oghẹle o khi emini e na khu agbo oyewe, a na ke na emini e ya pfi osoli ali ulishi na wẹ. Ẹgbọ iSitoiki e deba osese ni ẹa te ode eyi iZeno, ni ọọ ogbokpa ọ ke li agbo oyọli abi usamhi oyọli o lama na li shi. Ogbọ khi zobe ni usamhi agbo aruele okekhi oyi osoli, ni o nase ọli.

22 IPolu o vule migha we iteva o we, “Emose Ateni, mhi me e me khi egbo ni e mhue ulishi oyi Eshinegba a khi.

23 Irari khi abi mhi roo kia ifuapfe eye e gase mhi bino ikhumhi ebubu ni aa ga. Mhi me okula oghuo ni a keke emhi shi, ni oo, ‘Oyi olitsa ni aa lese.’ Emini a ga ni ee khi aa lese, mhi ya gue ingme oyoli ye e ena.

24 “Eshinegba ni o ma agbo ali emhikpa ni e la elemhi we, loli o khi Onomhue oyi eke ali ukhuli ni oa ya la Owa ugamhi ni egbo e ri abo to.

25 Wexhi eri o nono emhikhoghuo ali ikpaghiobo oyi egbo. Itobo khi loli o ri agbo ali ayemhe ali emhikpa na egbo nya.†

26 Ogboghuo o te ma egbo ododa na ushishi ni e la agbo nya, Lolighuo o ri egheghe shi eke na ushishi ni e ro ya la agbo ali khi o shi ughuli oyi ogbogbo nali.

27 Loli o ligho riele ona ini egbo e roshaka ke nono oli, ini e me asha ramhi oli egbe. Ama Eshinegba oa nuata shi onge-awa o.

28 ‘Loli o ri ekpabo na awa la agbo ni awa ro o kia, ni awa ro khi oni awa khi,’ ali khi, ‘imi oli awa khi,’ abi ekekebe eye e ghuo e li ngme oli.

29 “Irarigho, aborokhia khi imi Eshinegba awa khi, awa khi ke roli khokho isheli ni egbo e ri eneli ri igolu ali elomho ali eche ma.

30 Egheghe ni o dose, eri Eshinegba o mu alo kua shi umhalese oyi egbo. Memena o she ri omheso ni ogbokpa ni o la ashakpa o mu nyene.

31 Irari khi o she shi ogbele shi eke ni o ro ya ri omose oghuo gue agbo kpa ez. Eshinegba o she rokhase agbo khi igesikia onana o khi ni o ro rote eghuli guise oni omose ona le.”

32 Abi e ro suo khi iPolu o ngme ramhi irote eghuli gualo, e ri oli i li egia, ama elese ee oli, “Anye a nono ni anye gbo suo ungmehi ona eleele.”

33 Igho iPolu o rote oni ilegba vu.

34 Emose eghuo e deba li, e mie oli suo. IDionisusi ni o khi oghuo oni

igbaa Aropagosi o li deba li. Igho li khi okpotso oghuo ni a lu iDamarisi ali egbo eghuo elese e li la.

18

Abi iPolu o ro la iKoriti

1 Abi a ro me eni ingme ena se, iPolu o rote eoli Ateni vu je eoli iKoriti.

2 Agho o bhale ya e ongi iJu oghuo ni a lu Akuila ni a bia shi eke iPotusi. Oni loli ali ughue oli ni a lu iPisila e lese rote eke Itili bhale, irari khi oghie iRomu nya ni a lu iKiladiusi o shi ushi na egbo iJu nya ni e la eoli iRomu nya e lase eoli iRomu le. IPolu o le ya bino we,

3 irari khi akanya oni o ri ide e ghi okhoro oo gbe, o nu Akuila ali iPisilia a gbe oni akanya ni ee gbe. O nu we la agho.

4 Ogbele Iyemhea oyi egbo iJu kpa o ro je owa ugamhi oyi egbo iJu ya nu we ku ochi ini o dobe ri oni ungmehi lo egbo iJu ali egbo iGiriki eso.

5 Abi iSalasi ali iTimoti e ro rote eke iMasidonia bhale, iPolu o ri egheghe ni o mholi nya gue oni ungmehi ye egbo iJu, khi iJesu o khi Omiepfuese ni Eshinegba o shobo khi o ya bhale.

6 Abi eni egbo iJu e ro nu oli khe ako ni e ro ze emue ebe na li, oa lama shi we o, o kpe abo shi we o, Oo, “Mhi kpe abo shi e o. Ini a pfua, ee a ya mu ota so. Oa khi mhemhe a ya mu ota so shi oia eye. Rote memena vu, mhia je eke oyi egbo iJeta.”

7 O pfi we shi agho vu, o je owa oyi ogbo iJeta ni a lu iTatosi iJositosi ni oo ga Eshinegba, ni owa oyoli o la mama owa ugamhi oyi egbo iJu.

8 IKirisipusi ni o khi oga shi oni owa ugamhi ali apfoli e mie Onomhue suo; ebubu egbo ni e la iKoriti ni e suo oni usomhi e miesuo, a batazi we.

9 Eliyose eleghuo, iPolu o me ime-alo ni Onomhue o la nu oli ngme, oo li, “Ulishi o khi mu e, ama kie ke gue ungmehi le, khi tsaghi-a.

10 Irari khi mhi nu e la. Ogbogbo oa la o ni o ya kualo e utse. Irari khi mhi

† 17:25 Li ze 1 Ighie 8.27; Aza 42.5; Ika 7.48

mhọli ebubu ẹgbọ shi ẹoli ona ni e khi ẹgbọ eyemhe.”

¹¹ Igho iPolu o la iKoriti ukpe oghuo ali ukhukhui, o o sese eni ẹgbọ ungmemhi oyi Eshinegba.

¹² Abi iGalilio o ro khi igovunọ ni iRomu e ze shi obini eke Akhaya, ẹgbọ iJu eghuo e kugbe mu okhọli vule shi iPolu o, e mu ọli je ikotu.

¹³ Eẹ li, “Eri omose ona o o sese ẹgbọ ode ẹgbhọli ni a te e ga Eshinegba abi ushi oyi awa ọa ngme.”

¹⁴ Abi iPolu o li i nono ni loli ngme, igho iGalilio o nu ẹgbọ iJu ngme, o o, “Ini ezọ ni a lu ena o khia khi oyi umhaguẹli lo okekhi oyi ingmobe okhoghuo lo, mhi kha kuegbe-a ri eso shi e ẹ ẹgbọ iJu o.

¹⁵ Ama abi o ro khi ungmemhi ekhako ni o la ingmemhi ali eva ali ushi oyee egho, ee-ghuo a ya so oni ingme, mhi aa ya so o.”

¹⁶ O o a khu we ikotu ya fie.

¹⁷ E gamhi iSositenisini ni o khi oga shi owa ugamhi mu. E la odalo oni ikotu gbe ọli. Ama iGalilio ọa fe pfi eso shi we o.

¹⁸ IPolu o nu eni e miesuo la iKoriti ogbele ni e bu, igho o li tse we okhila, loli ali iPisilia ali Akuila e lo oko-oke oniemi da oke oniemi je iSiria. Neni iPolu o rote iKenkhiria da oke oniemi, o yamhi itsu ukhomhi-a itobo ironga ni o ro nga.*

¹⁹ E ramhi Efesosi, ashini iPolu o pfi iPisilia ali Akuila shi. O je owa ugamhi ni o nu ẹgbọ iJu ku ochi.

²⁰ Eni ẹgbọ e o nu wewe la agho tese, ama ọa lama.

²¹ Ochogho, o gueye we abi o ro o vu, o o, “Ini o da khi oghuemhe oyi Eshinegba, mhi ya nyene egbe bhale deba e.” Igho o rote Efesosi lo oko-oke oniemi vu da oke oniemi.

²² Abi o ro ramhi iSizeria, o te agho je iJerusalemu ya tse eni e miesuo, o ke te agho je ẹoli Atioki.

²³ Abi o ro la agho ukuku eghẹghe, o te agho vu, o rote eke iGalesha ali iFirigia ya ri udu shi eni e miesuo o.

Abi Apolosi o ro la Efesosi ali iKoriti

²⁴ Oni eghẹghe, omose onge iJu ni a lu Apolosi ni a bia shi Alezadira ni o khi oni o mema gue ebe, o gbo lolo lese ebe no pfuase, o bhale Efesosi.

²⁵ O khi ogbọ ni a rote eke sese ode oyi Onomhue. O mhọli omuegbe ni o fu ni o ro sese ingme oyi iJesu. Emini o o sese o rote ode igesikia. Ama osese oyi iJoni Oni o o batazi ẹgbọ o lese gue.

²⁶ Igho o li la owa ugamhi oyi ẹgbọ iJu ri igbedu u ngme. Abi iPisilia ali Akuila e ro suo emue ni o la li unu, e rue ọli ma egbe je apfe, e kuegbe-a sese ọli ode oyi Eshinegba shi o egbegbo.

²⁷ Apolosi o roli shi udu khi loli ya je Akhaya, eni e miesuo ni e la Efesosi e kpaghie ọli obo, e keke ebe ghi eni e miesuo ni e la Akhaya. E gueye we e kpe abo mie ọli. Abi o ro ramhi akgho, o khi ikpaghiobo oniemi na eni e rote okhale oyi Eshinegba miesuo.

²⁸ Irari khi o nu ẹgbọ iJu khe ako egbegbo, o ro mu we o le. O rote Ebeno-pfuase rokhase we khi iJesu o khi Omiepfuese ni a shobo.

19

Abi iPolu o ro la Efesosi

¹ Abi Apolosi o li la elemhi iKoriti, iPolu o rote elemhi oni eke kia rote ugbogbode ni o khi ute ute e dose, o bhale Efesosi. Agho o bhale ya e eni e miesuo eghuo,

² o mhila we, o o we, “Abi a ro miesuo, a li mie Ayemhe-no-pfuase?”

Eẹ ọli, “Anye a fe suo khi a me emini a lu Ayemhe-no-pfuase ghue.”

³ IPolu o o we, “Ibatizi onabi onoghuo a kpe mie?”

Eẹ ọli, “Ibatizi oyi iJoni.”

⁴ IPolu o o we, “Ibatizi oyi iJoni, ibatizi ona imupfi lo. Ama oni iJoni o gueye ẹgbọ iZireni e mie oni o ya bhale ikpukhokho oyelue suo, ikhi iJesu.”*

⁵ Abi e ro suo ona se, a ri eva oyi iJesu Onomhue batazi we.

⁶ IPolu o ri abo nga we ukhomhi, Ayemhe-no-pfuase o tiemhile shi we

* **18:18** Li ze iNoba 6.18 * **19:4** Li ze iMat 3.11; iMak 1.4,7-8; iLuk 3.4,16; iJon 1.26-27

ọ, ee ngme emue onogbo. E gbolo o ngme ungmehi ni Eshinegba ọ rọ shi we unu.

⁷ Wewe nya e khi emose ogbava.

⁸ IPolu ọ lo elemhi owa ugamhi, ọ la agho iki ese, ọ ri igbedu nu eni egbo ngme. Ọ nu we ku ochi, ọọ sese we ni e mie shi ingme Eghiele oyi Eshinegba.

⁹ Ama eghuo ọ e khi issueso-akhue ni ẹa lama miesuo. E la ukpeloe oni igbaa ngme ingmemhi ebe deba oni ode. Igho iPolu ọ pfi we shi agho vu, ọ rue eni e deba li je owa oyi iTiranosi. Ọ la agho nu we ẹ ku ochi ingme iloghie ogbele kpa.

¹⁰ Ikpe eva ọ la agho sese we, ghe egbo iJu ali egbo iGiriki ni e la eke Esha, e suo ungmehi oyi Onomhue.

Imi iSikiva

¹¹ Eshinegba ọ te obọ oyi iPolu u gbe ikanya oshabo ododa.

¹² O ya ramhi khi ibede ali ogbene ni a rote iPolu egbe wolo, e ri egbo ni ẹa ze e toto, ali e khu egbo ayemhe okphaghi idiegbe ya lase.

¹³ Egbo iJu eghuo ni ee kia ukhomhi ẹoli gasẹ ri imajiki i khu ayemhe obe kua, e li nono ni e ri eva oyi iJesu Onomhue riẹle abi imajiki khu ayemhe obe. E lie, "Anye ri eva oyi iJesu ni iPolu ọ rọ tse abo mhesẹ ne, fie lase!"

¹⁴ Imi oga oyi ekpodalo ugamhi onge iJu oghuo ni a lu iSikiva etuoshilua, ee li ona.

¹⁵ Igho, oni ayemhe obe, ọọ we, "Mhi lese iJesu, mhi lese iPolu, eghuo a khi?"

¹⁶ Oni omose ni ọ mholi oni ayemhe obe ogho, ọ kpha rughu we, ọ gbe we kualit use. E ri irumheba na kua.

¹⁷ Abi egbo iJu ali iJeta ni e la eke Efesosi e rọ suo emini a me, ulishi oo mu we. E ri ekpe na eva oyi iJesu Onomhue.

¹⁸ Igbaa oyi eni e mie iJesu iKirisiti suo e fie lasele gboo, e zono olamhe eyewe le nya.

¹⁹ Ebubu we ni e kpe ẹ li eboli, e wolo ebe ni e rọ ọ li eboli nya lasele tose-a. Abi a rọ ta ingme ni a rọ de eni ebe ni e tose-a, e ya khi ekpa udududu.

²⁰ Igho ungmehi oyi Onomhue oo ge shi ọ tse, oo toto-a.

²¹ Abi a rọ me ingme ena se, iPolu ọ sa ọ khi loli ya rote eke iMasidonia ali Akhaya dose je iJerusalemu. Ọọ eni egbo, "Mhi kha ramhi agho se, mhi ya rote oobo je ẹoli iRomu."

²² Igho ọ ghie iTimoti ali Erasitosi ni e nu ọli a gbe akanya je iMasidonia. Loli ọ la eke Esha ukuku eghẹghe.

Onyaghu ni a me Efesosi

²³ Oni eghẹghe, ukpokpomhi onyaghu o ya de shi ẹoli Efesosi irari ose se ni iPolu ọọ sese.

²⁴ Omose oghuo ọ la ọ, ni a lu iDemetiriusi ni ọọ lumhi igolu rọ riẹle irokhokho okula oyi olitsa Atemisi. Ọ tsua oki oniemhi ghi eni e gbe oni akanya.

²⁵ Igho oni omose ọ luno wewe nya kugbe, ọọ we, "A lese khi egbegbi eleli awa rote oni oki ona me.

²⁶ Mena a she me, a gbolo suo ikanya ni iPolu ọọ gbe. Loli ọọ gueye egbo khi ilitsa ni a ri abo mama khi afue e khi. Ebubu egbo ni e la ẹoli Efesosi ali eke Esha nya e she mie ọli suo.

²⁷ Oki oyawa o she la okhena ni o rọ ọ le eva obe. Ali khi ekpe oniemhi ni a rọ na olitsa Atemisi ali okula oyoli o ya mele afue-a. Olitsa ona egbo ni e la eke Esha ali agbo nya ẹẹ ga."

²⁸ Abi eni egbo e rọ suo ona, elemhi ee bi we. E ri ofu tsesẹ ẹ gasẹ eke gbii, ee lie, "Olitsa onofune, Atemisi o khi ni anye egbo Efesosi anye ẹẹ ga."

²⁹ Oni okeke o gbhiaku oni ẹoli. Eni egbo e mu iGayusi ali Arisitakusi ni e khi engi iMasidonia ni e nu iPolu kia a gasẹ. E rue we bhale olele.

³⁰ IPolu ọọ nono ni loli je odalo oyi oni igbaa, ama eni e miesuo ẹa ze ọli obo.

³¹ Ekhemhue eghuo ni ẹẹ mhesẹ shi oni eke ni e khi emole iPolu e li ghie usomhi ya lema li ọ khi bie je elemhi olele ya ri egboli khase.

³² Oni eghẹghe, okeke oniemhi o de elemhi oni igba. Eghuo e kha ngme ẹ je ola, elese e ngme ẹ je oobo. Egbo

eghuo ni e la agho ɛa lɛsɛ emini o pfi oni ozughu.

³³ Eni ɛɛ ralo na ɛgbɔ iJu eghuo e tanɔ Alɛzada abɔ je odalo ɔ ka ngme na ɛwɛ. E gueyɛ ɔli emini ɔ ya ngme. Igho ɔni Alɛzada ɔ ri abɔ gbe wɛ akhi-akhia. ɔ guele emini a mɛ.

³⁴ Ama abi eni ebubu ɛgbɔ e rɔ lɛsɛ khi ɔngi iJu ɔ khi, e ri uruli oghuo tsɛsɛ gbii, elemhi iwakati eva, ee liɛ, “Olitsa onofunɛ Atɛmisi o khi ni anye ɛgbɔ Efesɔsi ɛɛ ga.”

³⁵ Ikpukhokho ɔ, ɔkɛkɛ-ebe ɔyewɛ ɔ fiɛ lasele, ɔ ri abɔ gbe wɛ akhi-akhia. ɔ wɛ, “Inyɔghuo-mhɛ ɛgbɔ Efesɔsi, ɔgbɔkpa ɔ lɛsɛ khi awa khi eni ɛ khekhe okula Atɛmasi, ali ɛcheli oyɔli ni o rɔte idane de tiemhile?”

³⁶ Aa mɛ ɔgbɔkhoghhuo ni ɔ doɓɛ ya tia onana. Itobɔ igho a die oili lalɔ ni udu oyɛɛ o pɔmɛ. A khi ri inyanya-dɔsɛ riɛlɛ emhikhoghhuo.

³⁷ Eri a muno emɔse ena bhale abi o riɛ khia khi ɛa rɔte oni owa ugamhi do ughiatɔ, wɛkhi eri e zɛ ɛmuɛbe na olitsa ni awa a ga.

³⁸ Ini iDemɛtiriusi ali apɔli e mhue ɔgbɔkhoghhuo ni ɔ li wɛ ingme, a lɛsɛ khi awa mhɔli ikɔtu ali esɔ-ɛzɔ, ɔ ka lu eni ɛgbɔ ɛzɔ.

³⁹ Ama ini a mɛ emhese ni a nono ni a rɔ lasele, a zɛ ni a la igba ni a la gue ɛzɔ sɔ ɔ.

⁴⁰ Irari khi ini a bino emini a mɛ amo, awa la okhɛna ipfa ɛzɔ mu khi awa, awa pfi ozughu. Awa aa ya mɛ ɛzɔ gue pfa egbe awa shi eke, irari khi awa aa mhɔli emini o pfi oni ozughu onana.”

⁴¹ Abi ɔ rɔ ngme se, ɔɔ oni igba o wɛ a.

20

IPɔlu ɔ rɔte eke iMasidonia ali Akhaya dɔsɛ

¹ Abi oni okeke o rɔ pɔmɛ, iPɔlu ɔ ghie ya lu eni e miesuɔ. ɔ ye wɛ ude se, ɔ tsɛ wɛ okhila. ɔ je eke iMasidonia.

² ɔ rɔte oni eke dɔsɛ. ɔ kia ri ingmemhi ni e bu ri udu shi eni e miesuɔ

ni e la oni eke ɔ. Ikpukhokho, ɔ ramhi eke iGirisi.

³ ɔ la agho iki esɛ. Irari khi ɛgbɔ iJu ɛ gba ugbanhi obe khe ɔli, abi ɔ li nono ni lɔli lo ɔkɔ-okɛ oniɛmhi je iSiria, ɔ ri ochoghɔ mu egbe pfi rɔte ode iMasidonia vu.

⁴ ISopata omi iParɔsi ɔngi iBɛrea ɔ deba li, li shi Aristakusi ali iSɛkudɔsi ni e khi engi iTɛsalonika, ghe iGayusi ali iTimoti engi iDɛbi, gbo li shi iTakikɔsi ali iTirofimɔsi ni e khi engi eke Esha.

⁵ Etuava ni a ngme kpukhokho enana, e je odalo ya migha khe anye obini ɛoli iTiroasi.

⁶ Anye rɔte iFilipi kia ukhomhi okɛ oniɛmhi ogbɛlɛ ishe, abi a rɔ li ukpe ibulɛdi ni aa ri ifuma shi nye se. Anye bhale ya ɛ eni e migha ɛ khe anye ɛoli iTiroasi, anye la agho ogbɛlɛ ishilua.

IPɔlu ɔ rɔte eghuli guise Iyutikɔsi le

⁷ Ogbɛlɛ nodode elemhi ɛfo uka, anye bhale kugbe ni anye ya le eminale ni o pɔfuaɛ. IPɔlu ɔ nu eni ɛgbɔ ngme tsɛsɛ irari khi ɔ ya vu ogbeakɔlɔ. ɔ ngme ya ramhi itsotso ogbie.

⁸ A ri igbili ni e bu ru shi elemhi owa ukhomhi atɔnga ni anye legba.

⁹ ɔzɛo oghuo ni a lu Iyutikɔsi ɔ shito okele ni o la oni atɔnga. Ukpokpomhi olesɛ o do li rue abi iPɔlu ɔ rɔ ngme e tsɛsɛ dɔsɛ. Abi iPɔlu ɔ kie li i ngme, oni olesɛ o lo ɔli egbe ramhi ni ɔ rɔ rɔte ukhomhi atɔnga nuzi-esɛ de ya tiemhi eke. Abi ɛ rɔ mu ɔli vule, ɔ she ghua.

¹⁰ Ama iPɔlu ɔ tiemhi eke, ɔ mu ɔli ko elemhi, ɔ to ɔli etuli, ɔɔ, “A li tsuke, ayɛmhɛ oyɔli ɔ kie laɔ.”

¹¹ Igho, ɔ nyenɛ egbe nga atɔnga, e le eminale ni o pɔfuaɛ. ɔ nu wɛ ngme ramhi ni ovɔ o rɔ ngale. IPɔlu ɔ vu.

¹² Eni ɛgbɔ e rue ɔni ɔzɛo je apɛ, ɔa mhɔli ikuatse okhoghhuo. Onana o ri udu pɔmɛ wɛ egbegbɔ.

IPɔlu ɔ tsɛ eni egbhali ɛfisha okhila

¹³ Anye lo ɔkɔ-okɛ oniɛmhi je odalo ya migha khe iPɔlu Asɔsi, asha ni iPɔlu ɔ te ya deba anye lo ɔkɔ-okɛ

oniemhi. Loli o mhesẹ ona itobo khi awẹ o ro ya bhale.

¹⁴ Abi o ro bhale ya ẹ anye shi Asosi, anye ga lo oko oke oniemhi oghuo je iMitileni.

¹⁵ Ogbeakolo, anye lo oko oke oniemhi te agho ya je iKhiosi, ogbele ni o de bali, anye rote agho da je iSamosi, ogbeakolo anye ramhi iMilētusi.

¹⁶ IPolu ọa nono ni loli migha ẹli Efesosi itobo ini loli khi pfuse ẹghẹghẹ a shi eke Esha, irari khi inyanya o la ini loli keke ramhi iJerusalemu shi ogbele iPetikositi.

¹⁷ Ẹli iMilētusi iPolu o te ghie usomhi ghi egbhali ni e la igba oyi ẹgbọ eni e miesuo ni e la ẹli Efesosi e bhale ya ẹ lue.

¹⁸ Abi e ro ramhi agho, oo we, “A lese abi mhi li nu ẹ ngeli abi mhi ro la iteva oyeẹ, ro te ogbele onodode ni mhi te lo eke Esha le.

¹⁹ Rote iregbemhe-tiemhile ali emie evie mhi ro gbe ikanya eyemhe abi oni oo ga oyi Onomhue, ẹghẹghẹ ni o ro ze mu mhe ni ẹgbọ iJu e ro gba khe mhe.

²⁰ Ẹa lese khi mhi aa ri emhikhoghuo ni o ya kpaghie ẹ obọ sheli ẹ abi mhi ro o tse abo ali ni mhi ro o sese ẹ elemhi igbaa ali ifuapfe.

²¹ Mhi she kpe gueye ẹgbọ iJu ali ẹgbọ iJeta khi e mema a te olamhe eyewe mu pfi deba Ẹshinegba ni e mie iJesu Onomhue oyawa suo.

²² “Memena, ni mhi ro suo eso na Ayemhe-no-pfuase, mhia le iJerusalemu, ni o khia khi mhi aa lese emini mhi ya me oobo.

²³ Mhi lese khi asha kpa ni mhi je, Ayemhe-no-pfuase o she kpe gueye mhe khi owa ighumha ali anasemhe e migha a khe mhe.

²⁴ Ama eri mhi leli agbo oyemhe shi afue, ini mhi lese me asha gbe akanya ni iJesu Onomhue o mhesẹ na mhe pfo. Ikhi itsabo usomhi onete isomhelemhi oyi Ẹshinegba.*

²⁵ “Mhi she kia rote asha je asha tse abo ungmehi Eghiele oyi Ẹshinegba

ye ẹ. Memena mhi lese khi ongee, ọa ke tigbe ya me mhe ghue.

²⁶ Irarigho, mhi gueye ẹ amo khi ini ongee o pfua, ọa ke la obọ oyemhe.

²⁷ Irari khi ulishi ogbokhoghuo ọa mu mhe ni mhi ro gue ungmehi oyi Ẹshinegba ye ẹ.

²⁸ Igho, a ri ẹloe khu egbe ẹ, ali ogbokpa ni Ayemhe-no-pfuase o ro nga ẹ obọ. Khi orisumha-kia oyi igbaa oyi eni e mie iJesu iKirisiti suo oyi Ẹshinegba ni o ri ọlia eyoli de.

²⁹ Mhi lese khi ini mhi da vu se, ẹgbọ ni e kholo abi ekpe ali idumhi e ya lo ẹ iteva le, ẹa ya ze eni isumha obọ khi ẹa kuali we utse.

³⁰ Ẹghẹghẹ o ya ramhi ni ẹgbọ eghuo elemhi ẹ e ro ya ri ingmemhi ẹgbhue di eni e miesuo, e rue iteva oyeẹ lasele.

³¹ Irarigho, a ri ẹloe shi o, a gbo sato khi elemhi ikpe ese mhi aa tigbe yemhe-a itse agua ye ẹ, shi ẹle oguota ghe ẹliyose, elemhi evie.

³² “Memena, mhi re ẹ nga Ẹshinegba obọ, ali ungmehi isomhelemhi oyoli, ni o ya re ẹ fu shi irudunga, ni o ya re ẹ mholi ugu ni eni Ẹshinegba o she khuese pfuase e ya mholi.

³³ Mhi aa do ogbokhoghuo okonyo ẹlomho ali igolu wekhi ode oyoli.

³⁴ Ẹe a lese khi abo eyemhe ena mhi ro gbe akanya ro de emini mhemhe ali eni e nu mhe kia ẹe nono kpa.

³⁵ Elemhi emini mhi riẹle kpa, mhi rokhase ẹ khi awa mema ya ri akanya igbegbe onana kpaghie eni ẹa mholi obọ. A sato ungmehi oyi iJesu Onomhue, ni oo, ‘Ikhivose o la irona dose imiemie.’”

³⁶ Abi iPolu o ro ngme se, loli ali ewe e wugha, o so iromhi.

³⁷ Ee vie abi e li i tse ọli okhila, e mu ọli, ni e pfipfi ọli egbe.

³⁸ Oni o lolo ri egbe pfo we-a khi oni o gueye we khi ẹa ke tigbe ya me lue ghue. Igho e kphase ọli ya lo oko-oke oniemhi.

21

* **20:24** Li ze 2 iTimo 4.7

IPolu o vu iJerusalemu

¹ Anye tse we okhila se, anye kia oke oniemi talala a je eoli iKosi. Ogbeakolo anye je eke iRodisi, anye rote agho je eoli iPatara.

² Anye lo oko-okke oniemi ni oo je eke iFonisha, igho anye lo o vu.

³ Anye nise alo me iSapurosi, anye rote ukieki ogobo ini a so alo ghue obini ovo o te e lo eko. Anye je eke iSiria. Anye migha eoli iTai, agho oko oyi anye o la tiese itsua shi eke.

⁴ Anye me egbo eni e miesuo eghuo, anye nu we la agho ogbele ishilua. Ayemhe-no-pfuase o gueye we iPolu o khi je eke iJerusalemu.

⁵ Anye nu we la agho ramhi eghenge ni anye nu we ya la akagho ramhi se, anye rue okiali eke. Igbaa oyi eni e mie iJesu iKirisiti suo nya ali ighuwe ali imiwe e kphase anye fie lasele oni eoli, anye ramhi eseso oke oniemi, anye wugha so iromhi.

⁶ Anye tse egbe okhila se, anye ya lo oko-okke, wewe e nyene egbe ukhokho, e je apfe.

⁷ Anye rote iTai vu, anye bhale iTolemasi. Anye la agho tse eni e miesuo, anye nu we la agho ogbeleghuo.

⁸ Anye vu ogbeakolo, anye ramhi iSizeria. Anye kushi owa oyi iFilipu oni o kia gue ungmehi oyi Eshinegba le, ni o khi oghuo egbo oshilua ni a la iJerusalemu ze.*

⁹ O mholi eniye imueshi aane ni ea ye ughue ne, ni e me eke e guele.

¹⁰ Abi anye ro la agho ogbele ni e bu, omekeguele ni a lu Agabusi o rote eke iJudia bhale.†

¹¹ Igho o rue ugbhobho ni a ro o mu oku oyi iPolu. O roli genogbo ali awe. Oo, "Ayemhe-no-pfuase oo khi, 'Ina egbo iJu ni e la iJerusalemu e li ya ge oni o mholi ugbhobho ona, e mu oli na egbo iJeta.'"

¹² Abi anye ro suo ona, anye ali egbo elese ni e la agho, anye lema iPolu o khi je iJerusalemu.

¹³ Ama iPolu oo, "Elo o ze ni a ro o vie, ni a ro o yese mhe udu-a. Aa khi eri mhi lese mu egbe ni a ro ya ge mhe tse, ama mhi ga mu egbe ni mhi ro ya ghu-a shi iJerusalemu, irari eva oyi iJesu Onomhue."

¹⁴ Abi anye aa ro dobe zu oli ode, anye yemhe-a, anye e oli, "O ka tse abi o ghole Onomhue."

¹⁵ Onana o dose se, anye mu egbe, anye nga iJerusalemu.

¹⁶ Eniye odukhokho eghuo ni e la iSizeria, e kphase anye, e ri anye bhale owa oyi iMinaso, ni o khi ongi iSapurosi ni o khi oghuo eni e kpe todode miesuo.

Abi iPolu o ro ramhi iJerusalemu

¹⁷ Abi anye ro ramhi iJerusalemu, eni e miesuo e kpe abo mie anye egbegbo.

¹⁸ Ogbeakolo iPolu ali anye enekpole anye ya me iJemhisi, eni egbhali eni e miesuo nya e li la agho.

¹⁹ IPolu o tse we, o kuegbe-a gueye we ikanya ni Eshinegba o gbe shi iteva oyi egbo iJeta rote akanya oyi Eshinegba ni oo gbe.

²⁰ Abi e ro suo ingmemhi ni iPolu o ngme se, e kueghie Eshinegba. Igho e iPolu, "Inyoghuo, wa a me egbo agbele-agbele eyi iJu ni e mie iJesu suo, wewe nya e mholi omuegbe shi iri ushi gbe akanya.

²¹ E she kpe suo khi eri u wa sese egbo iJu nya e tsua Ishi eyi iMosisi kua, khi u we e khi shele imi we-a ali e khi ke deba ighuighue eyi egbo iJu.

²² Se awa ya li, irari khi e mema ya suo khi u she bhale.

²³ Ina anye nono u li, emose aane e nu anye la ana ni e she ro nga.

²⁴ Rue emose ena, ni a ga ya riele ikhue-pfuase. U gbo fali ota na we ni a ro ya ta we itsu-a. Ishegho, ogbokpa o ya lese khi egbhali a kie me, khi u ri Ishi eyi iMosisi e gbe akanya.‡

²⁵ Ama anye she ri ebe ghi egbo iJeta eni e miesuo ro gueye we abi anye ngme, khi e ti egbe eminale ni a ro

* 21:8 Li ze Ika 6.5; 8.5 † 21:10 Li ze Ika 11.28 ‡ 21:24 Li ze iNoba 6.13-21 § 21:25 Li ze Ika 15.29

luase obo le, ali e khi ke da oia ali e khi le e lamhi ni aa fa uruli, ali e lase itsebo ikuku le.”§

²⁶ Ogbeakolo, iPolu o rue eni emose, e ga ya rieie ikhue-pfuase. Igho o je Owa Oyi Eshinegba ya gueye we ogbele ni oni ikhue-pfuase o ya pfo ali emini a ro ya rieie iluasobo na ogbogbo.

A mu iPolu

²⁷ Abi eni ogbele ishilua e ro ya gba, egbo iJu eghuo ni e rote eke Esha bhale e me iPolu elemhi Owa Oyi Eshinegba. E tan o shi eni ebubu egbo elemhi, e mu iPolu.

²⁸ E tse se leghe, e e li, “Egbo iZireni, a kpaghie anye obo. Eri oni omose ona o kia sese egbo ashakpa, mu okholi vule shi egbo eyawa o, ali ishi eyawa ali Owa Oyi Eshinegba onana. Oa khi ena tse, o she gbo rue egbo iGiriki lo Owa oyi Eshinegba oyawa ya ri ichimhi mu asha ni o pfuase onana.”

²⁹ (Eri e ngme ona itobo khi e me iTirofimosi ongi Efesosi ali iPolu ifuapfe, e dabi khi o she roli lo Owa Oyi Eshinegba.)*

³⁰ Onyaghu o lo oni ifuapfe nya le, eni egbo e rote ashakhasha na a bhale. E mu iPolu, e rote oni Owa oyi Eshinegba ti oli lasele, aghogho, e so okpe ode nya.

³¹ Abi eni egbo e li nono ni wewe gbe oli-a, oni ingme o ramhi eso oyi oni oo mhese na ekholi-okhue eyi iRomu khi edeli iJerusalemu nya o la onyaghu oniemhi.

³² Eloawe eloawe, o wolo ekholi-okhue ma egbe e na tiemhi deba eni ebubu egbo. Abi eni e nyaghu egho e ro me oli ali eni ekholi-okhue, e mu mhue, e a ke gbe iPolu.

³³ Oni o mhese na ekholi-okhue ogho o mu iPolu, o e ri iweghe e va ge oli. O mhila eni egbo oni o khi ali emini o li.

³⁴ Egbo eghuo ni e la oni igba ee tse se, ogbogbo o ngme oyoli. Abi oni oga okholi-okhue ogho o ro lese emini ee ngme, oo a mu iPolu ya shi apfe ekholi-okhue.

³⁵ Abi e ro ramhi unu owa, eni ekholi-okhue e mu iPolu tsua irari khi eni e domhi oli e bu dose.

³⁶ Igho e li kpikpi deba li, ee tse se gbii, e lie, “A gbe oli-a, a gbe oli-a.”

IPolu o pfa egboli shi eke

³⁷ Abi eni ekholi-okhue e li mu iPolu lo apfe eyi ekholi-okhue, oo oga oyewe, “Mhia nono ni mhi nu e ngme?”

Oni oga oo li, “U gue e ngme elemhi iGiriki?”

³⁸ “Oa khi yeye u khi ongi ijipiti ni o ke gba onyaghu eke le? Ni u wolo egbo agbele ene ni ee gbolo ekholi-okhue eyi iRomu-a, ni u rue we je odagbe ifufu ya mu we egbe shi onyaghu?”

³⁹ IPolu o so li o, oo li, “Ongi iJu ni a bia shi eoli iTasosi ni o la eke iSilisha mhi khi. Om o eke eoli ni o mu eloe. Kpekpe ze mhe nu eni egbo ena ngme.”

⁴⁰ Abi oga oyi ekholi-okhue o ro ri oni egheghe na li, iPolu o migha atete unu ode, o ri abo nu we ngme e tsaghie-a. Abi e ro tsaghie-a, iPolu o ri elemhi Iburu nu we e ngme.

22

¹ “Inyoghuo-mhe ali itamhe ni a mu ekpe e na, a ri eso shi eke ni a suo ezo ni mhi ya gue pfa egbemhe shi eke ena.”

² Abi e suo khi o nu we ngme elemhi Iburu, e ga lolo tsaghie-a.

Igho iPolu oo,

³ “Ongi iJu mhi khi, ni a bia shi eoli iTasosi ni o la eke iSilisha. Eoli iJerusalemu ona mhi la fu vule. Ayi iGamalie a la sese mhe egbegbo abi a lie deba ishi eyi ititawa. Eri mhi mholi omuegbe shi ingme oyi Eshinegba egbegbo ezeze abi e e a ke li ogbe na amo.*

⁴ Eri mhi mu okholi vule shi egbo ni e rote Ode oyi Onomhue o, ramhi ni mhi ro gbolo eghuo-a. Mhi mu emose ali ikpotso kulo owa ighumha.

⁵ Okpeda na ekpodalo-ugamhi eyi Eshinegba ali enighie e ya pfi otsele shi o khi igesikia mhia ngme. Mhi mie we

* **21:29** Li ze Ika 20.4 * **22:3** Li ze Ika 5.34-39

ebe ghi eni eralo na ẹgbọ iJu ni e la iDamasikosi, ni mhi rọ ya ri iwẹghẹ shi eni e miesuọ ni e la oobọ abọ, ni mhi muno wẹ je iJerusalemu ya nase.†

*IPọlu ọ guele abi lọli li mupfi
(Ika 9.1-19; 26.12-18)*

6 “Eleghuo khi mhi i lẹ iDamasikosi, itsotso ọguota khi mhi lẹsẹ ti ramhi oni ẹoli, ákpá ni o lolo gẹ nyanyanya o rọte irarogbe mi nga mhẹ egbe udemhija.

7 Ighọ mhi de ya gbe, mhi suọ khi uruli ọọ mhẹ, ‘ISọlu! ISọlu! Elo e zẹ ni u rọ mu okhọli vule shi mhẹ ọ?’

8 “Mhi mhila li, ‘Ọghuo u khi, Ọnọmhue?’

“Ọọ mhẹ, ‘Mhẹmhẹ khi iJesu ọnge iNazareti ni u mu okhọli vule shi ọ.’

9 Emọse ni e nu mhẹ kia, e mẹ oni ákpá, ama ẹa suọ uruli ni o nu mhẹ ngme.

10 “Mhi mhila li, ‘Elo mhi ya rieḽe, Ọnọmhue?’

“Ọnọmhue ọọ mhẹ, ‘Vule ni u lo elemhi ẹoli iDamasikosi, a ya la aghọ gueye emini a mhẹsẹ nẹ nya ni u ya rieḽe.’

11 Mhi zẹ alo itobọ ugẹmhi ákpá ni o mi nga mhẹ alo. Eni anye ga kia e ke mu mhẹ obọ lo elemhi ẹoli iDamasikosi.

12 “Ọmọse ọghuo ọ la aghọ ni a lu Ananayasi. Ọni ọ ga ugamhi, ni ọ ri ushi ẹ gbe akanya ọ khi. Ẹgbọ iJu nya e mu ekpe a na li.

13 Lọli ọ bhale ya migha mama mhẹ, ni ọọ, ‘Inyoghuo-mhẹ iSọlu, alo eyẹ e khueghie-a,’ utoghuo kpe, alo eyẹmhẹ e khueghie-a, mhi mẹ ekẹ mẹ ọli.

14 “Ọọ mhẹ, ‘Eshinegba oyi ititawa ọ she zẹ keẹ, ni u lẹsẹ ọghuẹmhẹ oyọli, ni u mẹ Ọni ọ suọ esọ na Eshinegba, ni ọ ri unu oyọli nu ẹ ngme.

15 Irari khi u ya khi ọtsẹḽe oyọli, ni u ke ngme emini u suọ ali ni u gbo ri alo mẹ, gueye ẹgbọ nya.

16 Memena, elọ u ke migha khẹ? Vule ni mhi batazi ẹ, ni a gbe olamhẹ eyẹ kua nẹ, rọte eva oyi Ọnọmhue.’

17 “Aghọ mhi te mu egbe pfi je ẹoli iJerusalemu. Abi mhi rọ la Owa Oyi Eshinegba lema, mhi mẹ ime-alo,

18 ighọ mhi mẹ Ọnọmhue, ọ gueye mhẹ, ‘Nyanya rọte ẹoli iJerusalemu vu, itobọ khi eni ẹgbọ ena, ẹa ya mie shi ọtsẹḽe oyẹ ni u ya pfi na mhẹ.’

19 “Mhiẹ ọli, ‘Ọnọmhue, eni ẹgbọ ena e ga lẹsẹ khi mhẹmhẹ mhi kia kia owa ugamhi muno ẹgbọ ni e mie ẹ suọ kulo owa ighumha, mhi gbe wẹ egbegbọ.

20 Ali, ẹḽe ni e gbe iSitivini-a ni ọ li khi ọtsẹḽe, mhẹmhẹ mhi la aghọ, mhii mie obọ shi oni eghuli, mhi ri ẹloe khu itsua na eni e tono ọli eche gbe-a.‡

21 “Oni Ọnọmhue ọọ mhẹ, ‘Ke lẹ, mhi ya ghie ẹ je odonue ghi ẹgbọ iJeta.’ ”

IPọlu ọmọ-ekẹ iRomu

22 Eni ebubu ẹgbọ e ku esọ-a na iPọlu kie ramhi ana ni ọ rọ ngme na, ighọ e li tsẹsẹ leghe, ẹḽe li, “A mu ọli vu, A gbe ọli-a. Ọna ọa ke khi ọni ọọ la agbọ!”

23 E tsẹsẹ, ee pfi ide idane wiliwili, e yalo ifufu ku nga idane.

24 Ọni ọọ mhẹsẹ na ekhọli-okhue, ọọ a rue iPọlu lo apfe oyi ekhọli-okhue. Ọọ wẹ, e gbe ọli itẹ ni e mhila li ini e lẹsẹ emini o zẹ khi ẹgbọ iJu e lina a tsẹsẹ ku ọli.

25 Ama abi e rọ gẹ iPọlu, ni wewẹ e gbe ọli, iPọlu ọ mhila ọni ọga oyi okhọli-okhue ni ọ migha aghọ, “Ushi o lama a shi ọ u gbe ọmọ ekẹ iRomu itali ini aa mẹ umhaguẹli ọli obọ ne?” 26 Abi ọni ọga oyi okhọli-okhue ọ rọ suọ ona, ọ lẹ ya gueye ọni ọọ mhẹsẹ na wẹ ni ọ kpeda na li. Ọọ, “Gueḽe kia e, seḽe u wa li ena? Ọmọse ọna ọmọ-ekẹ iRomu ọ khi e.”

27 Ighọ ọni ọọ mhẹsẹ na wẹ ọ lẹ deba iPọlu ọ mhila li, “Mhiẹ i, ọmọ-ekẹ iRomu u khi?”

IPọlu ọọ, “Ii, ọmọ-ekẹ mhi khi.”

28 Ọni ọọ mhẹsẹ na ekhọli-okhue ọọ, “Ọmọ-ekẹ ni mhẹmhẹ mhi khi, ikpokpomhi ikpaghọ mhi fali rọ mie ebe rọ khi ọmọ ekẹ.”

IPọlu ọọ, “Ama mhẹmhẹ oyẹmhẹ, ọngi iRomu a bia mhẹ.”

† 22:5 Li zẹ Ika 8.3; 26.9-11 ‡ 22:20 Li zẹ Ika 7.58

29 Eḷoawẹ-ḷoawẹ, eni ekhọli-okhue ni e nono ni wẹwẹ e mhila iPọlu ingme unu, e ti egbe je ukhokho, abi ọni ọọ mhẹsẹ na ekhọli-okhue ọ rọ lẹsẹ khi ọngi iRomu iPọlu ọ khi, ulishi oo mu ọli, irari khi ọ she gueyẹ wẹ e ri iweghẹ shi ọli abọ, e gbe ọli.

Abi a rọ rue iPọlu bhale odalo oyi iSaḷdiri

30 Ogbeakọlọ, ọni ọọ mhẹsẹ na ekhọli-okhue ọọ nono ni lọli lẹsẹ emini ẹgbọ iJu e nu iPọlu ẹ gue, ọ taghiẹ iPọlu iweghẹ-a. O gueyẹ ighie eyi ekpodalo-ugamhi ali iSaḷdiri e legba. Ọ rue iPọlu bhale ya migha odalo oyẹwẹ.

23

1 IPọlu ọ bino oni igbaa iSaḷdiri tatata, ọọ wẹ, “Inyọghuo-mhẹ, mhi she rọte udu onete oyẹmhẹ nya gbe akanya oyẹmhẹ pfo na Eshinẹgba ya ramhi amo.”

2 Abi ọ rọ ngme ona, Ọga oyi ekpodalo ugamhi ni a lu Ananayasi ọọ eni e ti mama iPọlu e lase ọli unu.

3 IPọlu ọọ li, “Eshinẹgba ọ ya ri emhi liẹ, yeyẹ ugbe ni a ri ẹtseli gboloa. Yeyẹ u shito aghọ a gue mhẹ ẹzọ egbe-a, ama yeyẹ oyẹ u gbe ushi-a abi u li ri unu bhale a ri emhi li mhẹ.”*

4 Eni e ti mama iPọlu ẹ ọli, “Ú ga gbudu ri unu a ghi ọga oyi ekpodalo ugamhi eyi Eshinẹgba?”

5 IPọlu ọọ wẹ, “Inyọghuo-mhẹ, mhi aa lẹsẹ khi lọli ọ khi ọga oyi ekpodalo ugamhi eyi Eshinẹgba! A kẹkẹ ọli shi ebe-no-pfuasẹ, ‘Khi gbudu ngme onobe oyi ọni ọ mhẹsẹ na ẹgbọ eyẹ.’”†

6 Abi iPọlu ọ rọ lẹsẹ khi eghuo eni ẹgbọ khi iSadusi e khi, eni e kpọle e khi iFarisi, ọ la oni igbaa ngme lasele leghe, ọọ, “Inyọghuo-mhẹ, otu iFarisi mhi la, mhi gbo khi omi iFarisi. Eri a la ana a gue mhẹ ẹzọ itobọ khi mhi mhọli irudushọ khi eni e ghu-a e ya gbo guale.”‡

7 Abi ọ li ngme ona se, uwola o de ni otu iFarisi ali otu iSadusi, oni igbaa o kemhi.

8 (Irari khi otu iSadusi ẹa lama shi ọ khi ẹgbọ e ya rọte eghuli guale, ẹa gbo lama khi igeni ali iyẹmhẹ e la ọ, ama otu iFarisi e lama shi enana nya.)§

9 Ukpokpomhi okeke o de, esẹsẹ Ishi eyi iMosisi eghuo ni e khi otu iFarisi e vule e khẹ akọ ni o toto, ẹẹ li, “Anye aa mẹ emhikhoghuo obọ oyi ọmọsẹ ọna,” e gbolo ẹ, “Ini o fẹ khi-a khi ayẹmhẹ, o ke khi aḡeni ọ nu ọli ngme?”

10 Oni ekhakọ o pfuse toto-a shọ, ulishi o mu ọni ọga oyi ekhọli-okhue khi e tigbe khẹrẹ iPọlu-a. Ighọ ọ mhẹsẹ na eni ekhọli-okhue e tiemhi ya ri itoto mie wẹ iPọlu obọ ni e rọli bhale apfẹ oyi eni ekhọli-okhue.

11 Eḷe iyosẹ ni oo deba li, Ọnọmhue ọ migha mama iPọlu, ọọ li, “Mhue igbedu! Abi u li la iJerusalemu pfi ọtsẹlẹ na mhẹ, ighọ u li mema ya li pfi ọtsẹlẹ na mhẹ ẹoli iRomu.”

Ugbamhi igbe-a ni a gba khẹ iPọlu

12 Ogbeakọlọ, ẹgbọ iJu eghuo e ya mhẹsẹ kugbe, e romhi isheli khi wẹwẹ ẹa ya le eminale wẹkhi eri wẹwẹ e ya da amẹ, ini ẹa li gbe iPọlu-a.

13 Egbọ ni e gba ugbamhi onana, e doṣe ẹgbọ egbhueva.

14 E lẹ deba ọga oyi ekpodalo ugamhi eyi Eshinẹgba ali eni egbhali, ẹ li, “Anye she romhi ukpokpomhi isheli khi anye aa ya le emhikhoghuo sẹ khi anye gbe iPọlu-a.

15 Memena, yeyẹ ali igbaa iSaḷdiri a kẹkẹ ebe ghi ọga oyi ekhọli-okhue, a liẹ khi a nono ni a lolo suọ oni ingme bie. Anye mu egbe ni anye rọ ya gbe ọli-a neni a rọli ya ramhi ana.”

16 Ama abi ọmọ ọmọsẹ ni ọ khi omi inyọghuo iPọlu ọni ọkpotoso ọ rọ suọ oni ugbamhi, ọ je oni apfẹ ekhọli-okhue ya gueyẹ iPọlu.

17 Ighọ iPọlu ọ lu ọga oyi ekhọli-okhue ọghuo, ọọ, “Rue ọzẹo ona ghi ọni ọọ mhẹsẹ na ẹ, ọ mhọli emini ọ ya gueyẹ ọli.”

18 Ighọ ọ rue ọli ghi ọni ọọ mhẹsẹ na wẹ.

* 23:3 Li zẹ iMat 23.27-28 † 23:5 Li zẹ Okiali 22.28 ‡ 23:6 Li zẹ Ika 26.5; iFili 3.5 § 23:8 Li zẹ iMat 22.23; iMak 12.18; iLuk 20.27

Ọ li, “IPọlu ni a mu shi igha ọọ mhi rue ọzọ ọna ghi ẹ, itobọ khi ọ mhọli emini ọ ya gueye.”

¹⁹ Ọni ọọ mhẹsẹ ọghọ, ọ mu ọni ọzọ obọ, e ti je olase, ọ mhila li, “Elọ wa nono ni u gueye mhe?”

²⁰ Ọọ li, “Egbọ iJu e she gba li khi wẹwẹ e ya ghie ghi ẹ akọ, ni u rue iPọlu bhale odalo oyi iSaḍiri khi ẹẹ nono ni e te unu oyọli suọ oni ingme bie.

²¹ Khi lama shi wẹ ọ, itobọ khi e bu dọsẹ ẹgbọ egbhueva ni e kpẹ ode khe ọli. E she romhi ishe khi wẹwẹ ẹa ya le, wẹkhi eri wẹwẹ e ya da ini wẹwẹ ẹa li gbe iPọlu-a. E migha a khe ni e suọ emini u ya sọ shi emini e mhila ẹ ena.”

²² Ọni ọọ mhẹsẹ na eni ekhọli-okhue ọ gueye ọli, ọọ, “Khi gueye ọgbọ ọkhọghuo khi u she gueye mhe.” Ọọ li ọ ke ẹ.

A rue iPọlu te aghọ je ẹoli iSizeria

²³ Ighọ ọni ọ mhẹsẹ ọghọ ọ lu ega ekhọli-okhue aava eyọli, ọ mhẹsẹ na wẹ, ọọ wẹ, “A wolọ ekhọli-okhue egbhuegbe, ali eni ẹ nga ichi egbhuesẹ ali ogbe, ali epfi-ote egbhuegbe ni a ke ẹ iSizeria agogo itili amiosẹ.

²⁴ A ri achi na iPọlu nga ni a rọli je oobọ ini emhikhọghuo e khi li ọli, ni a rue ọli ghi iFẹlisi ni ọ khi igovunọ.”

²⁵ Ọ lina kẹkẹ ebe na wẹ.

²⁶ Mhẹmhe iKiladiusi iLisiasi mhi kẹkẹ ebe onana ghie:

Yeye igovunọ iFẹlisi ni a mu ekpe ẹ na,

Mhia tsẹ.

²⁷ Egbọ iJu e mu ọmọsẹ ọna, e nono ni wẹwẹ e gbe ọli-a. Ama eri mhi ri ekhọli-okhue eyemhe bhale ya pfa li shi eke irari khi mhi suọ khi ọmọ-ekẹ iRomu ọ khi.

²⁸ Mhi i nono ni mhi lẹsẹ emini e ze ni e rọ gue ẹzọ ọ shi ọli egbe, mhi rue ọli je igbaa iSaḍiri oyewẹ.

²⁹ Mhi bhale ya ẹ khi ẹzọ ingme ishi eyewẹ e rọ nali i gue, ama ọa mhue emini ọ li ni abi a gbe ọli-a shi, wẹkhi imuọli shi ọgba igha.

³⁰ Abi a rọ gueye mhe ugbamhi ni e gba khe ọni ọmọsẹ, mhi rọ nyanya rue ọli ghi ẹ, mhi gbo gueye eni e gue ẹzọ

a shi ọli egbe e bhale deba ẹ ni e guele emini ọ li.

³¹ Oni ẹliyosẹ ẹlẹghọ, eni ekhọli-okhue e rue iPọlu mhọli obọ vu, abi a li mhẹsẹ ọli na wẹ, e ramhi Atipatirisi.

³² Ogbeakọlọ, eni ekhọli-okhue e rọli na eni e nga ichi ni e rue ọli kie ke ẹ, wẹwẹ e nyenẹ egbe ukhokho je apfe ekhọli-okhue oyewẹ.

³³ Abi eni e nga ichi eghọ e rọ ramhi ẹoli iSizeria, e rue oni ebe na ọni igovunọ iFẹlisi, e rue iPọlu na li.

³⁴ Ọni igovunọ ọ ze oni ebe, ọ mhila iPọlu ukiẹkiẹ obini ọ khi. Abi ọ rọ bhale ya lẹsẹ khi eke iSilisha ọ te bhale,

³⁵ ọọ, “Mhi ya suọ ẹzọ oyẹ ini eni e gue ẹzọ shi ẹ egbe e ramhi ana.” Ighọ ọ mhẹsẹ a ri iPọlu nga ekhe-khe obọ ni e la agbala oyi Erọdu.

24

Ẹzọ ni iPọlu ọ gue odalo oyi iFẹlisi

¹ Abi ogbele ishe e rọ dọsẹ, Ọga oyi ekpodalo ugamhi ni a lu Ananayasi ọ je iSizeria, lọli ali egbhali eghuo ali ilọya ni a lu iTatulọsi. E bhale odalo oyi igovunọ ni a lu iFẹlisi ni e ya gue ẹzọ shi iPọlu egbe.

² Abi a rọ lu iPọlu bhale, iTatulọsi ọ gue ẹzọ oyọli shi eke khasẹ iFẹlisi: Ọọ, “Irelo-ẹkhu oyẹ o she ri anye mhọli opfomhe ali emhi enegbọ ukhomhi eke ona.

³ Ashakhasha ali odekhode anye te ẹ kueghie ẹ, anye ẹ nono ni anye kphemhi ne shi ona, yeye iFẹlisi oghie.

⁴ Ini anye khi pfuse ẹ eghẹghe-a, mhi lema ẹ u kpekpe u ku esọ-a shi anye eke ukuku eghẹghe.

⁵ “Eri anye me ọmọsẹ ọna shi ọgbọ ingme, ni ọ tsua okhọli ẹ lasele ke tanọ ẹgbọ iJu ni e la eke agbọ nya, e ke pfi onyaghu ali umha-suesọ. Lọli ọ ralo na ẹgbọ otu iNazarini

⁶ Ọ gbolo o nono ni lọli ri ichimhi mu Owa oyi Ẹshinegba, lọli anye rọ gba li mu. [Anye e nono ni anye gue ọli ẹzọ abi ushi oyanye o ngme.

⁷ Ama iLisiasi ọni ọ mhẹsẹ na ekhọli-okhue, ọ bhale ya ri itoto ti anye lue abọ mie rue vu.

8 Oṣo eni e mē umha-guēli oyi omōse onana e bhale odalo oye.] Ini u mhila omōse onana ogbo u ya mē igesikia ni o la ezō ni anye gue shi ọli egbe ena.”

9 Eni egbo iJu ni e la agho e kugbe lama shi ezō ni a gue shi eke, khi igesikia lo.

10 Abi oni igovunō ọ ri obō nu iPolu ngme ọ gue shi ọli ọ.

iPolu ọọ, “Mhi lēse khi ikpe ni e bu u te la ukhomhi ẹoli ona a sọ ezō, itobō ona egbe ẹ mu mhe ni mhi rō migha odalo oye ya gue ezō pfa egbemhe shi eke.

11 Abi u kie kpe lēse, amo o gbe ẹle igbeva ni mhi rō je iJerusalemu ni mhi ya ga ugamhi.

12 Egbo iJu ni e gue ezō shi mhe egbe ẹa bhale ya ẹ mhe shi elemhi Owa Oyi Eshinegba khi mhi nu ogbokhoghuo ẹ khe ako, wexhi eri mhi la owa ugamhi, wexhi ifuapfe ashikhoghuo tanō ebubu egbo abo shi onyaghu.

13 Ẹa mholi abi e li doḅe rō ya migha pfi otselē shi ezō ni e gue shi mhe egbe khi igesikia lo.

14 Mhi lama shi ọ khi, eri mhia ga Eshinegba oyi eni e bia awa, mhi khi oni ọ rōte oni Ode ona, ni ẹẹ khi ẹgbhōli o khi. Ama mhi mie shi Ushi oyi iMosisi ali emini a kekē shi ebe eyi emekeguele.

15 Mhi miesuō abi egbo enana e li miesuō, khi Eshinegba ọ ya rōte eghuli guise ogbo nya le, ghe eni e guē ngeli ghe ena okhōlo.

16 Irarigho mhi rō rōsheka, emini mhia riēle nya, ini udu ni ọọ gue ogbo ezō oyemhe o pfuase shi odalo oyi Eshinegba ali ogbo.

17 “O she gba ikpe eni e bu abi mhi te lase ẹoli iJerusalemu le. Eri mhi jele agho ni mhi ya rue ikpagho ghi egbo ni ẹa mhue ali ni mhi ri isomhopfa ghi Eshinegba.

18 Emini mhii riēle na ni e rō bhale ya ẹ mhe shi Owa oyi Eshinegba abi mhi la ipfuase abi ushi o ngme. Egbo ekhoghuo ẹa le gasē mhe, wexhi eri a mē onyaghu.*

19 Ama egbo iJu eghuo ni ẹ rōte eke Esha bhale e ga li la akagho. E kha bhale odalo oye ẹ ya gue ezō oyewe, ini e mholi emini e ya gue shi mhe egbe.

20 Okekhi emose ni e la akana ena, a mhila we e guele umhaguēli ni e gue shi mhe egbe abi a rō rue mhe bhale odalo iSaḅdiri.

21 Ama emhi oghuo mhi la akpewe tseḅ ngme khi, ‘Eri a gue mhe ezō itobō khi mhi mie shō khi eni e ghua e ya gbo guale bhale agbo.’”†

22 Igho iFelisi ni ọ ga lolo lēse emhi oni Ode ona, ọọ, a yemhe oni ezō-a ne. Ọọ, “Ini iLisiasi oni ọ mhese na ekhōli-okhue ọ da bhale mhi rō ya sọ ẹ oni ingme.”

23 Ọ gueye oga ekhōli-okhue ogho ọ lolo ri ẹloe shi iPolu egbe, ama e zē ọli pfi ẹfo-a ukuku. E zē ni emole ọli e ke bhale ya tse ọli ali ni e ke ri emini ọ nono bhale ghi ọli.

IPolu ọ bhale odalo oyi iFelisi ali iDurusila

24 Abi ikuku ogbele e rō doḅe se, iFelisi ọ tsua ughue ọli ni a lu iDurusila ni ọ khi ongi iJu ma egbe bhale. Ọ ghie ya lu iPolu, ọ ri esō shi eke suō abi iPolu ọ li ngme ungmehi irudunga ni o la iJesu iKirisiti.

25 Ama abi iPolu ọ li ngme ungmehi igue-ngeli, ali ikuegbe-a ali isō-ezō oyi Eshinegba ni ọ bhale, ulishi oo mu iFelisi, ọọ, “Osomhi ghō ne! Ke vu. Mhi ya ghie lu ẹ ini mhi ke mē asha.”

26 Oni egheghe ọ dabi khi iPolu ọ ya vi ufa na lue, itobō igho ọ rō kele ẹ ghie lu ọli, ọ bhale ni wewe e ngme.

27 Abi ikpe eva e rō doḅe, iPoshushi iFesitōsi ọ ke khi igovunō ni iFelisi ọ kpe khi. Ama itobō khi iFelisi ọ nono ni lolu guē riēle ti egbo iJu ẹloe, ọ zē iPolu obō shi owa ighumha.

25

IPolu ọ bhale odalo oyi iFesitōsi

* 24:18 Li zē Ika 21.17-28 † 24:21 Li zē Ika 23.6

¹ A liẹ amo o li ẹlẹ esẹ abi iFesitosi o te khi igovunọ, o rọte ẹoli iSizeria nga ẹoli iJerusalemu.

² Oobọ ighie eyi ekpodalo-ugamhi ali enighie eyi ẹgbọ iJu e la gue ẹzọ shi iPolu egbe.

³ E nyanya lema iFesitosi o rue iPolu je iJerusalemu ni o rọli kpaghie ẹwẹ obọ. Irari khi e she gba khi ẹwẹ e ya kpẹ odẹ gbe iPolu-a ini ẹẹ lẹ.

⁴ IFesitosi ọọ wẹ, “A she ri iPolu shi owa ighumha obini ẹoli iSizeria, mhemhe mhi ya nyenẹ egbe kelẹ je oobọ.

⁵ A zẹ ni eni ẹẹ ralo na ẹ e deba mhe je iSizeria ya gue ẹzọ shi oni omose egbe, ini o khia khi eri o lue.”

⁶ Ogbele elele ya ramhi ogbele igbe iFesitosi o nu wẹ la agho, ni o ro kia tiemhi ẹoli iSizeria. Ogbeakolo o khueghie ikotu-a, ọọ a rue iPolu bhale odalo oyelue.

⁷ Abi iPolu o ro bhale, ẹgbọ iJu ni e rọte iJerusalemu bhale e migha gasẹ ọli, e gue ẹzọ ni o toto shi ọli egbe, ama ẹa dobe to eni ẹzọ migha.

⁸ Ama iPolu o gue ẹzọ pfa egbọli shi eke, ọọ, “Mhi aa riẹlẹ emhikhoghūo ni o da ushi oyi ẹgbọ iJu, wẹkhi Owa Oyi Eshinegba, wẹkhi eri mhi lue na iSiza iRomu.”

⁹ Ama iFesitosi o nono ni lolẹ riẹlẹ oguẹmhe oyi ẹgbọ iJu, igho o mhila iPolu, “O ghole ẹ ni a rue ẹ je iJerusalemu, ni a la agho gue ẹzọ oye ukpeloe mhe?”

¹⁰ IPolu ọọ, “Iye. Ikotu oyi iSiza ni a kha mema la gue ẹzọ oyemhe mhi la ena. Mhi aa mhọli onobe ni mhi li ẹgbọ iJu ni yeyẹ u lesẹ gboo.

¹¹ Ini o khia khi mhi lue nabi a gbe ọgbọ-a shi, mhi mu egbe ni mhi ro ya ghua. Ama o kha da khia khi ẹzọ ni ẹgbọ iJu ena e gue ẹ shi mhe egbe khi ẹgbọli lo, ọgbokhoghuo ọa dobe ya rue mhe na wẹ. Irarigho, mhi lema a zẹ ni iSiza luẹghuo o remhe gue oni ẹzọ ona.”

¹² IFesitosi o ri eni e nu ọli ẹ sọ ẹzọ ye ochi se, ọọ iPolu, “U she lema a rue ẹzọ ona je ayi iSiza ya gue, ayi iSiza u mema ya je.”

IPolu o migha odalo oyi Agiripa ali iBenisi

¹³ Ogbele ingme-na e dose, oghie Agiripa ali iBenisi e bhale eke iSizeria ni e ya tse iFesitosi.

¹⁴ Aborokhia khi e la akaghọ ogbele ebubu, iFesitosi o gue ingme oyi iPolu ye oni oghie, ọọ, “Omose oghuo o la owa ighumha shi ana ni iFelisi ni o kpẹ khi igovunọ o zẹ obọ shi agho.

¹⁵ Abi mhi ro ye iJerusalemu, ighie eyi ekpodalo-ugamhi ali egbhali eyi ẹgbọ iJu e tsua ẹzọ bhale ya gue shi ọli egbe, ẹẹ mhi pfa ẹzọ igbe-a mu ọli.

¹⁶ “Ama mhi gueye wẹ khi awa ẹgbọ iRomu awa aa ya pfa ẹzọ mu ọgbọ ni a gue ẹzọ shi egbe, ini ọgbọ a ri ẹghẹghẹ nali gue shi ẹzọ ni a gue shi ọli egbe ne.

¹⁷ Abi e ro deba mhe bhale ana, mhi nyanya shi oni ẹzọ shi ogbeakolo, mhi shitọ elemhi ikotu, mhiẹ a lu oni omose bhale.

¹⁸ Abi eni ẹẹ gue ẹzọ shi ọli egbe e ro vule ngme, ẹa gue ẹzọ umhaguẹli ni mhi dabi khi e ya gue.

¹⁹ Ochoghọ ẹzọ ekhako tse e lese me gue shi ọli egbe, ni o khi ingme oyi ugamhi oyewẹ, ali ekhako ni o khi ingme oyi omose ni a lu iJesu, ni o ghua, ni iPolu o khi o kie la agbo.

²⁰ Mhi aa lese abi mhi li ya tonọ udi oni ingme onana. Mhi ri irarigho mhila li ini o nono ni a rue oli je iJerusalemu ya gue eni ẹzọ ni a gue ẹ shi ọli egbe enana, oobọ.

²¹ Ama iPolu o lema a kie mu lue shi igha ne, ni a ri oni ingme ghi iSiza ni o sọ o. Irarigho mhi ro liẹ a ro ọli shi owa ighumha ramhi ni mhi ro ya rue ọli ghi iSiza.”

²² Igho Agiripa o gueye iFesitosi, ọọ li, “Mhi kha nono ni mhemhe-ghuo ni mhi li ri esọ suọ ungmehi oyi oni omose.” IFesitosi ọọ li, “U ya suọ ọli akọ.”

²³ Ogbeakolo, a ri ebola kphase Agiripa ali iBenisi lo elemhi ikotu le. Ega ekhọli-okhue ni e lolo fu, ali ẹgbọ eniemhi ni e la oni ẹoli e deba li lo. IFesitosi o ghie ya rue iPolu bhale.

24 IFesitōsi ọọ, “oghie Agiripa ali ẹgbọ ni e la ana nya, a bino ọmọse ọna. Ẹgbọ iJu ni e la ana ali iJerusalemu ali iSizeria e she bhale deba mhe, ẹẹ tseṣe a khi ke ze ni ọ la agbọ.

25 Mhi me khi ọa li emhikhoghuo onabi a ya gbe ọli-a shi, ama abi ọ rọ da lema a rue lue ghi Oghie iRomu nya egbo, mhi ya rue ọli je iRomu.

26 Ama mhi aa me ingme nabi mhi kha keke shi ọli egbe ghi Oghie iRomu nya. Irarigho, mhi rọ rue ọli bhale ghi e ẹẹ nya, yeye oghie Agiripa kpaashi, ni a bhale ya e khi ini a bino oni ingme se, otse mhi ya me emini mhi ya keke shi ọli egbe.

27 Irari khi mhia sa khi o gbe akanya ni a rọ rue oni a mu shi igha ke ghi Oghie iRomu nya, ini aa me ushi okhoghuo keke shi ọli egbe gboo.”

26

IPolu ọ pfa egbọli shi eke odalo Agiripa

1 Igho Agiripa ọọ iPolu, “A she lama ne u ngme na egbe e.” Igho iPolu ọ tsua obọ eke, ọ bele e gue ezọ, ọọ,

2 “Agiripa ni oghie, mhi me egbe mhe shi oni ọ me afa ni mhi rọ migha odalo oye amo, ni mhi rọ ọ gue ezọ pfa egbe mhe shi eke shi ingme nya ni ẹgbọ iJu e gue shi mhe egbe.

3 Oo gue ti gba irari khi u ga lese imu eyi ẹgbọ iJu nya ali emini e mie shi. Irarigho, mhi lolo leme u mhọli irabomudu na mhe ni mhi ngme.

4 “Egbọ iJu nya e lese abi mhi laọ shi abi mhi te khi omọ, rọte igbaekele agbọ oyemhe obini ushishi ẹgbọ iJu eyemhe ali ẹoli iJerusalemu.

5 Ode o she nue ni e te lese mhe, e ya dobe pfi otsele shi ọ ini o ghole we, khi abi ugamhi oyawa o ngme khi eri mhi mhọli omuegbe egbegbo shi ọ abi ọna otu iFarisi ni mhi khi.*

6 Ama mena, itobọ khi mhi mhọli iregbeda shi emini Eshinegba ọ shi na itita awa mhi rọ migha shi imufe amo.

7 Ona o khi ishobọ ni unuekpe igbeva eyawa e migha a khe, abi e li roshaka a ga Eshinegba ghe eleogwota ali ele iyose. Oghie, irari oni iregbeda onana ẹgbọ iJu e gue ezọ shi mhe egbe e shi.

8 Elo e ze ni a rọ lama shio khi Eshinegba ọ dobe e guise oni ọ ghua-le?

9 “Mhemhe mhi kpe mhọli ọli shi udu khi eri o ye ni mhi mu okhọli vule shi oni eva oyi iJesu ongi iNazareti ọ.

10 Igho mhi li i ri ele ọli obini ẹoli iJerusalemu. Irari afu ni ọga oyi ekpodalo ugamhi eyi Eshinegba ọ rọ na mhe, mhi muno ebubu eni e miesuo shi owa ighumha, abi a rọ ọ gbolo we-a, mhii mie obọ shi ọ.

11 Ebubu eghẹghe mhi te owa ugamhi je owa ugamhi ya nase we, mhi gbolo ri ajilimhe rewe ngme ungmehi ipfiunu-a deba Eshinegba. Irari elemhi we ni e bi mhe. Mhi gbolo je ẹoli oboese ya mu okhọli vule shi we ọ.†

IPolu ọ guele abi lolu li mupfi (Ika 9.1-19; 22.6-16)

12 “Eleghuo mhi i le ẹoli iDamasikosi, rọte afu ali omhesẹ ni ọga oyi ekpodalo ugamhi eyi Eshinegba ọ rọ na mhe.

13 Itsotso oguota o mu eke, oghie, abi mhi la ode, mhi me khi akpa ni o ge dose ovo o rọte idane mi gase mhe ali eni anye ga kia.

14 Anye nya, anye de eke, igho mhi suo khi uruli o nu mhe ngme elemhi Iburu, ọọ, ISolu, iSolu, elo o ze ni u rọ mu okhọli vule e shi mhe ọ, ọoyeghe wa li ini u nu mhe e khọli.’

15 “Igho mhi mhila, ‘Oghuo u khi Onomhue?’

“Oo mhe, ‘Mhemhe iJesu lo ni u mu okhọli vule shi ọ.’

16 ‘Memena, vule migha. Mhi she ri egbe mhe khasẹ irari khi mhi she ze shi oni ọọ ga mhe ali ni u ke pfi otsele oyemhe shi emini u ri ukpeloe oye mhe, ali emini mhi ya rokhase okhesẹ.

* 26:5 Li ze Ika 23.6; iFili 3.5 † 26:11 Li ze Ika 8.3; 22.4-5

17 Mhi ya tsumhi ẹ obọ oyi ẹgbọ eye ali obọ oyi ẹgbọ ijeta. Mhi ghie ẹ ghi we,

18 ni u khueghie we alo-a, ni u mu we pfi lase alo ebili le bhale ákpá, ali u rue we ekpabo eyi okphaghie lasele bhale deba Eshinegba, ni a gbe olamhe kua na we, ali ni e kugbe ẹgbọ eyi Eshinegba eni e pfuase ọ, itobo irudunga ni e mholi na mhe.

19 "Irarigho, oghie Agiripa, mhia ro ri ukpeloe gbe eke ni mhi rote iloghie me.

20 Mhi kpe te odode gue oli ye ẹgbọ iDamasikosi, mhi ke gbo gue oli ye ẹgbọ iJerusalemu ali ẹgbọ ni e la eke iJudia nya ali ẹgbọ ijeta. Mhi roli tse abo, e lase olamhe le ni e mupfi deba Eshinegba, e rokhasẹ khi wewe e she mu nyene rote ikanya ebe eyewe lasele.‡

21 Ona o ze ni ẹgbọ iju e ro bamhe rue Owa Oyi Eshinegba ni e ro roshaka ini wewe e gbe mhe-a.

22 Ama mhi she mholi ikpaghiobo oyi Eshinegba ramhi ogbe na amo, ali mena mhi migha akana a pfi otselẹ ye ọgbọ onofunẹ ali onikeke abeghuo. Mhi aa ngme dose emini emekeguele ali iMosisi ẹ khi a ya me,

23 khi oni Omiepfuese ni a shobo khi ọọ bhale ọ ya me osue, ali khi loli ni ọ kpe te odode rote eghuli guale khi ọ ya ri ákpá ru na ẹgbọ eyoli ali ẹgbọ ijeta."§

24 Abi iPolu ọ ro ngme ramhi ana, iFesitosi ọ mu oli migha, ọọ li, "Eri waa ke lese emini u wa li? Ebe ni u ze dose e she ri ujili ẹ kphe."

25 IPolu ọọ li, "Ujili ọa kpha mhe, iFesitosi ọgbegbedu, emini mhia ngme egbegbingme lo ni o tsua ẹgbhali.

26 Oghie Agiripa ọ ga lese eni ingme enana nya, emhikhoghuo ena, ẹa lase oli ẹgbhali-a irari khi aa riẹle we os-heli. Ona o ze khi mhi ga dobe nu oli a ngme oni ingme ona gboo.

27 Oghie Agiripa, u fe mieshi emini emekeguele e ngme? Mhi lese khi u mie sho ọ."

28 Igho Agiripa ọọ iPolu, "Eri u dabi khi u dobe ya ri oni ukuku ẹghẹghẹ ona ti mhe ni u remhe mele oni ọ miesu-a?"

29 IPolu ọọ li, "O kele, o tese oo, mhi lema Eshinegba o khi khi yeye-ghuo tse, ama li shi ọgbokpa ni ọ ri eso shi mhe eke ogbenamo, ni e li abi mhi li, ini a da ri obọ rue iweghe ni e lamhe abo ena ọ le."

30 Igho oni oghie ọ vule, li shi oni igovunọ ali iBenisi ali eni e nu we shito.

31 E rote oni agbala vu, ee ngme, ẹẹ, "Omose ona ọa li ingme ni a ya gbe oli-a shi wexhi oni a ro ọ mu oli shi owa ighumha."

32 Agiripa ọọ iFesitosi, "Áá kha wolo omose ona abo-a ini ọa she lema a ri oni ingme je ayi iSiza lo."

27

A rue iPolu je iRomu

1 Abi e ro lama shi ọ, anye lo oko-oke oniemi je Itili, e rue iPolu ali ighumha ni e kpolẹ mholi obọ oyi ọga ekholi-okhue ni a lu iJuliosi, ni ọ khi ọghuo ọyi ekholi-okhue eyi Oghie iRomu nya, ni a ze ọda ke.

2 Anye lo oko-oke oniemi rote Adiramitiomu, ikhi oko-oke ni o ya kia migha ikpe eghuo ni oko-oke ẹẹ migha, ni e la epfepfe oke ni e la eke Esha. Arisitakusi ni ọ khi ongi iMasidonia ọ nu anye kia.

3 Ogbeakolo anye migha iSidoni. IJuliosi ọ mholi isomhelemhi na iPolu, ọ ze oli obọ ya me emole oli, ni e ri emini ọọ nono na li.

4 Anye ke gbo rote agho mu oni oko nga, anye rote odane ukiekie eke ni oke oniemi o khi shi ni a lu iSapurosi irari khi akpekpeli oo nase anye.

5 Abi anye ro gua oko ọ da je odada iSilisha ali iPafia, anye migha ẹoli iMara na eke iLisia.

6 Agho oni ọga ekholi-okhue ọ te me oko-oke oniemi oyi ẹoli Alezadira ni oo je Itili, ọ ri anye lo ọ.

‡ 26:20 Li ze Ika 9.20,28-29 § 26:23 Li ze Aza 42.6; 49.6; 1 iKori 15.20

7 Anye e kia fię, ogbele ebubu, anye mholi omunu neni anye ramhi iKinidusi. Abi akpekpeli ọa rọ zę anye rọte ashini anye kha rọte, anye gua ọkọ-oke je ukiękię eke ni oke onięmhi o khi shi iKireti ni o sọ alo ghue ęoli iSalimo.

8 Anye mholi omunu rọte oni oke onięmhi. Ikpukhokho, anye bhale ashini ọkọ-oke ęę migha ni a lui ọpfohęębe ni o ti mama ęoli iAsia.

9 Eghęghę o she pfu anye-a. Oni okiali o de shi eghęghę ni a rọ lese pfi azumhi se, ni o khi eghęghę ni okhęna o la la okiali na ukhomhi oke onięmhi. Igho iPolu ọ tse agua ye wę, ọọ wę,

10 “Emose, mhi she mę khi okiali oyawa o ya khi okhęna ali khi o ya ri ukpokpomhi opfu ghi oni ọkọ ali itsua ni o tsua ali agbo oyawa.”

11 Ama, ocho ni oni ọga ekholi-okhue ọ kha rọ ri esọ shi emini iPolu ọ ngme, ọ deba abi oni ọ gua oni ọkọ ọ ngme ali emini oni ọ mholi oni ọkọ ọ ngme.

12 Aborokhia khi ashini anye migha ọa ya ti egbe eghęghę orue; ebubu egbọ e yemhe anye gua ke le, e dabi khi anye ya ramhi ęoli iFonisi, ni anye la agho eghęghę orue. Agho ọkọ oke onięmhi nya ęę migha yemhe-a. Eke ni oke onięmhi o khishi ni a lu iKireti ni o sọ alo ghue obini ovọ o te ę lo eko o khi.

Akpekpeli onięmhi

13 Abi akpekpeli oke o rọ ri ofię rọte ukiękię ogobo ọ pfiolo, eni emose e dabi khi okiali o ya zę wę kia ke je odalo, igho e leli uli ali akhuli ni a rọ gba ọkọ ọọ zu. Ee kia esesọ oni oke onięmhi na iKireti.

14 Ama o li dęę, akpekpeli onięmhi, o li rọte ukiękię obita ini a sọ alo ghue obini ovọ o te ę tiemhi eko pfiolo rọte oni eke ni o la iteva oke onięmhi i dọse.

15 Oni akpekpeli o tsua rughu ọkọ-oke oyanye, ọa dọbe ke kia je obini akpekpeli o te pfiolo o bhale. O losę anye. Anye bie zę ọli obọ na akpekpeli lolighuo oo tsua.

16 Anye kia rọte ukiękię ukuku eke ni o la iteva oke onięmhi ni a lu iKauda, ikhi ukiękię obini oni

akpekpeli ọa ri egbe ramhi. Irosheka anye rọ dọbe tialọ ọkọ onikeke ni a rọ ọ tsumhi egbọ lo elemhi oni ọkọ-oke onięmhi.

17 Abi eni emose e rọ tialọ li lo se, e ri ili gę oni ọkọ-oke onięmhi gase, ini eni ili e dọbe mu ọli mhue toto. Irari khi ee na ulishi ini oni ọkọ o ya gbe aye shi ugbe eke, ni o la egele eke iLibiya, ni o sọ alo ghue wę. Igho e gbaghie ode na kpishi oyi oni ọkọ-a, irari khi ęa bie ke mhue abi e ya li ọ. Ishegho ni oni akpekpeli o bie tsua wę ke le.

18 Oni akpekpeli o kie ri itoto tsua oni ọkọ-oke ramhi ogbeakolo, ramhi ni, eni emose e rọ tino itsua ni e tsua shi oni ọkọ ọ pfiolo kulo oni oke.

19 Ogbeakolo e pfiolo ikhuli ni oni ọkọ o rọ ọ gbe akanya kulo oni oke.

20 Aborokhia khi ogbele ebubu ni e dọse khi anye a ri ęloe ti ovọ wękhi ukpetata, ni oni akpekpeli o kiele rọ ri itoto o pfiolo, anye a ke ri udu shi ọ khi anye mę ode ni anye te ya pfue ọ.

21 Abi eni emose ęa rọ le eminale ogbele ebubu, iPolu ọ vule, ọ wę, “Emose a kha suọ ude ni mhi ye ę lo, a kha migha iKireti, Eghęghę agho, a kha tsumhi egbe ę oyese onana ali opfu.

22 Ama mena mhi gueye ę a mholi udu, itobọ khi ọngęę okhoghuo ọa ya pfua se ni oni ọkọ.

23 Ooyose ageni oyi Eshinęba ni ọ mholi mhe ali ni mhi a ga ọ migha mama mhe,

24 ọọ mhe, ‘Khi zę ni ulishi o muę, iPolu. U mema ya migha ęzọ odalo oyi iSiza ali khi Eshinęba ọ she rọte ilęlemhi ri agbo oyi eni a ga kia mholi ę obọ.’

25 Irarigho, a mu igbedu oye mholi, emose, irari khi mhi mhue irudunga khi Eshinęba ọ ya rięle ọli abi ọ gueye mhe.

26 Ama ọkọ oyawa o mema ya gbe aye shi ugbe eke okhoghuo ni o la iteva oke onięmhi, o tigbe migha.”

Oni ọkọ o de ya kherę-a

27 Eliyose ęlenuzi-igbene, akpekpeli o kie tsua anye e kiakia oke onięmhi

Adiriatiki. Itsotso ogbie, o li eni eẹ gbe akanya oni ọkọ ẹloẹ abinẹ khi e she ti ẹ mama eke.

²⁸ E mhẹsẹ oni oke bino, e mẹ khi ilimhi oyọli o khi ẹtẹ-awẹ egbhuẹsesa. O gbo li dẹnẹ, e gbo mhẹsẹ ọli, o ke khi ẹtẹ-awẹ egbhuẹne ali igbe.

²⁹ Ulishi o mu wẹ khi oni ọkọ o ya gbe aye shi eche, e rọte ukhokho pfi ikhuli ene ni a rọ a mu ọkọ ọ gbashi lo oni oke oniẹmhi, ee sọ iromhi ogbe o gbe a.

³⁰ Eni e la oni ọkọ ọ gbe akanya e dua abi e li mẹ asha a na kua. Ee tiese ukuku ọkọ ni e tialọ lole egho nga oke oniẹmhi, abinẹ khi eri e nono ni e rọte odalo ya pfi ikhuli lo oke oniẹmhi.

³¹ Ama iPọlu ọọ ọni ọga ekhọli-okhue ali eni ekhọli-okhue, “Ini emose enana ẹa li la elemhi oni ọkọ, ọngẹẹ, ọa ya pfue ọ.”

³² Igho eni ekhọli-okhue e pfa uli ni o mu oni ọkọ onikeke mhue-a. E zẹ ọli de tiemhi elemhi oke.

³³ Neni ogbe o maghie-a, iPọlu ọ lema wẹ nya e le eminale. Ọọ wẹ, “O she ramhi ogbele igbene ni udu ọa ke te sheshe ẹ, ni a le eminale kpe.

³⁴ Mena mhia lema ẹ, a le eminale. A lemhi ini a nono ni a kie dobe la agbo, A lemhi khi emhikhoghuo ọa ya li ọngẹẹ.”

³⁵ Abi ọ rọ ngme na se, ọ rue ibuledi lasele, o kphemhi na Eshinẹgba ukpeloẹ wẹ nya, ọ khi ọli-a, ọọ le.

³⁶ Wẹwẹ nya e mhọli udu, e le eminale.

³⁷ Anye nya ni anye la oni ọkọ, egbo egbhuẹgbesẹ ali ogbasasa 276 anye khi.

³⁸ Abi e rọ ga le eminale se abi e nono, e tino ikpulu ikpamhi emhi ni e tsua kulo oke oniẹmhi, ini oni ọkọ o kpe li fue.

Oni ọkọ oke oniẹmhi ọ kulue

³⁹ Abi ogbe o rọ gbe-a se, eni eẹ gua oni ọkọ ẹa ke lesẹ egele oke oniẹmhi bie, ama e mẹ ashini ekhashe e kpi gbili shi. Agho e ke bie rọli shi udu khi wẹwẹ e ya gua oni ọkọ ya migha ini o zẹ wẹ ẹ riẹle.

⁴⁰ Igho e pfanọ eni ili ni e mu ukpokpomhi akhuli ni o mu ọkọ-oke oniẹmhi ẹ gbashi kulo udi oke oniẹmhi. Eghẹghẹ agho e taghie uli ni a rọ mu emini a rọ mu oni ọkọ ukhomhi ẹ nyene-a. E taghie ugbakpi oyi oni ọkọ-a nga idane, ni e dobe ramhi ashini e nono.

⁴¹ Ama oni ọkọ-oke o ya tọ aye sọ ugbe eke ni o la elemhi oke oniẹmhi, o migha, akpekpele o kie ri itoto o li, o tseke udi oni ọkọ-a.

⁴² Eni ekhọli-okhue ee gba abi e li ya gbolo eni ighumha nya a, ini e ya gua oke ramhi egele ni e na vu.

⁴³ Ama ọni ọga ekhọli-okhue, ọọ nono abi lọli li ya tsumhi iPọlu, ọa zẹ wẹ riẹle emini e gba. Ochoghọ ọ gueye eni e gue ẹ gua oke e kpe danọ kulo oke ni e ramhi egele.

⁴⁴ Eni e kpọle nya e mu ikiẹkie ẹera mhue okekhi izaga oyi oni ọkọ-oke. Igho wẹwẹ nya e ramhi ekekhe emhikhoghuo ọa li wẹ.

28

Eke ni a lui iMota

¹ Abi anye rọ ri ẹpfua-ẹpfua ramhi egele se, anye bhale ya ẹ khi iMota a lu oni eke ni o la iteva oke oniẹmhi.

² Egbọ ni e ngeli oni eke e somhelemhi anye ode ni anye aa sa shi. E pfi avure rọ mu anye ẹpfese irari khi eri amẹ oo rue, ogbe o pfo.

³ IPọlu ọ ya nu iguagha ẹera, ọ rẹwẹ kpe eni erali, igho ẹnye afue ọ te eni iguagha lasele ya tsakọ shi iPọlu obọ, itobọ khi erali e she base ọli.

⁴ Abi egbo ni e la oni eke ee mẹ khi ọni ẹnye ọ ngomhi iPọlu obọ, e gueye egbe, ẹẹ, “Omose ọna, ogbo ugbeli ni ọ gbolo egbo-a ọ fe khi memena. Aa mẹ khi abi ọ ririẹ na pfue eghuli oke oniẹmhi, odeba oyi iguezo ọa kie zẹ ọli obọ ni ọ la agbo.”

⁵ Ama iPọlu ọ kpishi ọni ẹnye pfilo elemhi erali. Ingomhi ni ọni ẹnye ọ ngomhi ọli, ọa li ọli abikhoghuo.

⁶ E migha ri ẹloẹ shi eke ẹ khe abi ọ li ya fumhi, okekhi abi ọ li ya fiagbe eke ghua. Ama abi e rọ khe ọli ramhi

ni ẹa rọ mẹ khi emhikhoghuo e li ọli, e mu udu pfi, ẹẹ khi olitsa ọ khi.

⁷ Eṣẹ-aghọ iṢẹbi ni ọ khi ọgbọ igomẹti oyi oni eke ni oke oniemi o khi shi, ọ mholi apfe shi. O rue anye je apfe oyoli, ọ feli anye eṣẹ egbegbo ogbele ese.

⁸ Ita iṢẹbi ọ yeshi i ghua, iba ali ukpokpomhi elemhi ofu e to ọli. IPolu ọ lo elemhi owa ya so iromhi na li, ọ ri abo nga li egbe, ọ roli ze.

⁹ Abi a rọ mẹ ghọ se, egbo elese ni e ghua ni e la oni eke ni oke oniemi o khishi e bhale, a rewe ze.

¹⁰ Eni egbo e lolo mu ekpe na anye, e somhi anye opfa. Abi anye rọ ya lo oko-okẹ oniemi ke vu, e wolo itsua ododa ni e to anye na anye.

Rote ẹoli iMota je iRomu

¹¹ Abi o rọ gbe iki ese dose, anye lo oko-okẹ oniemi ni o migha agho khe ni orue o dose. Ẹoli Alẹzadira oni oko o te e bhale, isheli itsema iKasito ali iPolukisi a lu oni oko.

¹² Anye ramhi ẹoli iSirakusi, anye la agho ele ese.

¹³ Anye rote agho kia oke-oniemi ramhi ẹoli iRegiumu. Ogbeakolo, akpekpeli o rote ukiẹkiẹ ogobo ini a so alo ghue obini ovo o te e lo eko e pfiolo. Ogbele onuzi-eva, anye lo ẹoli iPuteoli.

¹⁴ Anye ya e eni e miesuo ni e anye nu wewe la agho elemhi efo uka oghuo. Anye rote agho vu, anye ramhi iRomu.

¹⁵ Igbaa oyi eni e mie iJesu iKirisiti suo ni e la iRomu e she suo khi anye e bhale. Igho eni e miesuo eghuo e bhale ya lu anye ode, e kia ramhi Oki Apiosi ali Owa Ese ni a ku e shi. Abi iPolu ọ rọ mẹ we, ọ tse Eshinegba uwegbe, o ri udu shi ọli ọ.

IPolu ọ la elemhi iRomu tse abo

¹⁶ Abi anye rọ ramhi iRomu, a ze ni iPolu lolighuo ọ la owa ni o ghole ọ, a ze okhọli-okhue oghuo ọ ri ukpeloe ke khu ọli.

¹⁷ Abi o rọ gba ele ese dose, iPolu ọ lu eni e ralo na egbo iju shi ilona.

Abi e rọ bhale shi oni ilona, ọọ we, “Inyoghuo-mhe, mhi aa li egbo eyawa emhikhoghuo wekhi eri mhi gbe ushi ni eni e bia awa, e rọ nga awa obo-a, ni e rọ la iJerusalemu mu mhe, rue mhe na igomẹti iRomu.

¹⁸ Abi e rọ gue mhe ezọ egbe-a se, e nono abi wewe e lie rue mhe obo-a, itobo khi mhia lue, ni a ya gbe mhe-a shi.

¹⁹ Ama abi egbo iju ẹa rọ lama shi ọ, loli mhi rọ lema a tsua oni ezọ bhale odalo oyi iSiza. Oa khi eri mhi mhue emini mhi bhale ya gue shi egbo eyemhe egbe.*

²⁰ Onana o ze khi mhi a bhale ni awa ngme. Itobo irudushi ni egbo iZireni e mholi a rọ ri iweghe shi mhe awe ena.”

²¹ E ọli, “Anye a mẹ ebe okhoghuo ni a keke ingme oye shi, rote eke iJudia bhale, ghi anye, wekhi inyoghuo awa ni e rote oobo bhale e gue ingme oye okhoghuo ni ọa ti ye anye.

²² Ama anye e nono ni anye suo unu oye, itobo khi ashakpa egbo e la ngme onobe shi oni otu onogbo ona.”

²³ Igho e shi ogbele na iPolu. Ebubu egbo e bhale asha ni iPolu ọ la oni ogbele. Rote ele uzogbe ya ramhi eliyose iPolu ọ te gue ungmehi oyi Eghiele oyi Eshinegba ye we. O rote ebe Ushi oyi iMosisi ali eyi Emekeguele roli lo we eso ini e lama mie iJesu suo.

²⁴ Ingmemhi ni ọ ngme e lo egbo eghuo eso, ama egbo eghuo ẹa mie shi ọli ọ.

²⁵ Igho e li nu egbe e khako, e vu, abi iPolu ọ rọ ngme ungmehi ona ni o kpọli ukhokho unu se ni ọọ, “Ayemhe-no-pfuase ọ she kpe rote unu oyi Azaya omekeguele gueye eni e bia awa:

²⁶ “Le deba egbo ena

ni u gueye we,

“A ya ri eso shi eke khue,

ama ọa ya tigbe lo e eso,

a feli ofeli khue,

ama aa mẹ emhikhoghuo.”

²⁷ Udu oyewe o bi obili-a,

eso eyewe e zuse,

* 28:19 Li ze Ika 25.11

e gbo guese alo.
 Ini ọa khi igho lo,
 e kha ri alo eyewe ke me eke,
 e ri esọ eyewe ẹ suọ,
 udu oyewe o kha mholi ilęsingme,
 e kha mu pfi bhale deba mhe,
 mhi rewe ze.[†]

²⁸ “Irarigho, mhia nono ni a lese khi imiepfuese oyi Eshinęgba khi a she roli ghi ębọ ijeta. E ya ri esọ shi ọ!”

²⁹ [Abi ọ ro ngme oni ungmehi ona se, eni ębọ iJu e vu, e nu egbewe khako ni o toto.]

³⁰ Ikpe eva gbada iPolu ọ la owa ni lolighuo ọ ngmomhi shi. Agho ọ la a mu ębọ ni e bhale ya feli ọli epfese.

³¹ Igbe-udu ni ọ mhue ya, ọ ro ọ gue ungmehi Eghiele oyi Eshinęgba le, ọ gbolo sese ębọ ingme eyi iJesu iKirisiti Onomhue, emhikhoghuo ọa zu ọli ode.

[†] 28:27 Li ze Aza 6.9-10

Ebe ni iPọlu o kẹkẹ ghi ẹgbọ iRoma Eni e miesuo

Otse oyi iPọlu

¹ Mhẹmhẹ iPọlu, oni ọọ ga oyi iJesu iKirisiti ni a lu mhi khi aghiusomhi na kẹẹ, ni a zẹ ọ le mhi ke tsabo usomhi onete oyi Ẹshinẹgba. Mhẹmhẹ mhi kẹkẹ ebe ona.

² Oni usomhi onete ona khi, oni Ẹshinẹgba ọ shobọ shi eke, rọte unu oyi emekeguele eyọli ni a kẹkẹ shi Ebe-no-pfuase.

³ Oni usomhi onete o ya khi, ingme oyi omi ọli ni ọ rọte unuekpẹ oyi iDefidi lasele elemhi idiegbe.

⁴ A rọte ekpabọ oyi Ayẹmhe-no-pfuase rọli khase, ikhi iJesu iKirisiti Onomhue oyawa, khi, Omi Ẹshinẹgba ọ khi, abi ọ rọ rọte eghuli guise ọli le.

⁵ Rọte obọ oyi iKirisiti ali eva oyọli anye te mie afu rọ khi ighiusomhi na kẹẹ eyọli, ni anye rọ ri ẹgbọ ijeta nya bhale ya sueso na Ẹshinẹgba. Isueso ni o rọte irudunga bhale.

⁶ Eẹ ẹgbọ iRomu a li la eni Ẹshinẹgba ọ lu, ni a li khi enayi iJesu iKirisiti.

⁷ Eẹ ni a la iRomu nya a kẹkẹ ebe ona ghi. Eẹ ni Ẹshinẹgba ọ nono ingme oyewe ni ọ zẹ, ni a khi ẹgbọ eyọli.

Okhale ali opfomhẹ e ka khi eye ẹ, rọte obọ oyi Ẹshinẹgba ita awa ali rọte obọ oyi iJesu iKirisiti Onomhue.

⁸ Onodode, mhi ri eva oyi iJesu iKirisiti tse Ẹshinẹgba oyemhẹ uwegbe shi agbọ oye ẹ nya, irari khi a she la ashakpa elemhi eke agbọ suo eko irudunga ni a mhọli.

⁹ Ẹshinẹgba ni mhi ri udu oyemhẹ nya a ga, ni mhi a tse abọ usomhi onete oyi omi ọli, ọ khi ọtsẹle oyemhẹ, khi igesikia mhia ngme, khi eghẹghẹ kpa mhi rọ ọ sa to ẹ egbe ini mhia so iromhi.

¹⁰ Mhia lema Ẹshinẹgba ọ khueghie ode-a na mhẹ ni mhi mẹ asha bhale

ya mẹ ẹ ikpukhokho abi o ghọle ọli shi.

¹¹ O ma ghọle mhẹ gba ni mhi rọ mẹ ẹ, ni mhi ri osesẹ eyi ayemhẹ na ẹ, ni ó rẹ ẹ ya toto irudunga.

¹² Emini mhi ri ọna ngme khi ni a rọ bhale ya ẹ khi awa mhue ikpaghioba na egbe. Mhi kha zese ẹ-a, eẹ a zese mhẹ-a.

¹³ Emọle mhẹ, mhia nono ni a lese khi, ebubu eghẹghẹ mhi she gba li khi mhi bhale ya feli ẹ, ni mhi gbo ri ẹgbọ bhale irudunga abi mhi kpe lie riẹle ọli ifuabọ ẹgbọese ni e khi ijeta, ama, ọzuode o zu mhẹ ode.*

¹⁴ Ẹgboli oyemhẹ o khi ni mhi rọ tse abọ ona ye ẹgbọ kpa, ghe ẹgbọ iGiriki ali eni ẹa khi iGiriki, ene fialo-a ali eni ẹa fialo-a, shi eni mhọli ẹgbhali ali eni ẹa mhọli ẹgbhali.

¹⁵ Ighọ, o gbo lie kphakpha mhẹ egbe ni mhi rọ li gue oni usomhi onete ye ẹ ni a la iRomu.

Ekpabọ ni o la oni usomhi onete

¹⁶ Omama oni usomhi onete ọa ya mu mhẹ, irari khi lọli o khi ekpabọ oyi Ẹshinẹgba ni a rọ ọ tsumhi ogbokpa ni ọ miesuo, ẹgbọ iJu o kpe ramhi egbe, neni o tigbe ramhi ẹgbọ ijeta egbe.†

¹⁷ Oni usomhi onete ona o guele abi Ẹshinẹgba ọ lie mie ogbokpa ni ọ mhọli irudunga. Ezeze abi Ebe-no-pfuase ọ ngme khi, “Oni Ẹshinẹgba ọ ri irari irudunga oyọli pfa na, ọ ya la agbọ.”‡

Elemhi ibibi oyi Ẹshinẹgba

¹⁸ Idane elemhi ibibi oyi Ẹshinẹgba o te ẹ tiemhile shi ẹgbọ ni ẹa miesuo ali ena okhọlo nya ọ, ni e ri okhọlo oyewe ẹ khukhu ẹgbọ alo ini e khi lese igesikia oyi Ẹshinẹgba.

¹⁹ Aborokhia khi e lese emini a dobe a lese ingme oyi Ẹshinẹgba, itobọ khi ọ khueghie ọli-a khase we gboo.

²⁰ Irari khi rọte igbaekele agbọ a te mẹ ekpabọ ali ufumhi ali abi Ẹshinẹgba ọ li gboo. Emini ọ ma nya o ri awa mhọli ilese abi ọ li. Onana o zẹ khi ẹgbọ ẹa mhue emini e ya lie khi o zẹ ni wewe ẹa rọ miesuo.

* 1:13 Li zẹ iKa 19.21 † 1:16 Li zẹ iMak 8.38 ‡ 1:17 Li zẹ Abak 2.4

21 E lẹsẹ Ẹshinẹgba, ama ẹa kuẹghie ọli abi Ẹshinẹgba, wẹkhi eri e kphẹmhi ọli. Ochoghọ, isamhi afue ẹẹ sa, igho udu ọyẹghẹ oyẹwẹ o bishi-a. §

22 Ẹ khi, eni e fialo-a wẹwẹ e khi, ama e mele eyẹghẹ-a.

23 E ya oghie ufumhi ni a rọ na Ẹshinẹgba ni ọ la agbọagbọ na ikhumhi ni a mama rọ khọkhọ ọgbọ ni ọ ọ ghu ali ipfeli ali elamhako ali emini ẹẹ ti akpidi eke.*

24 Irarighọ, Ẹshinẹgba ọ rọ rue wẹ obọ-a na oghuẹmhe olamhe oyi udu eyẹwẹ ali itsebọ ni e nu egbewẹ ẹ li.

25 E ri ẹgbhọli oghie igesikia oyi Ẹshinẹgba. Ee ga emini a ma, ocho ni e kha rọ ke ga Ima, oni ọ khi oni a kuẹghie ya ramhi ẹlẹ ni agbọagbọ. Atse.

26 Itobọ ona, Ẹshinẹgba ọ rọ rue wẹ obọ-a na oghuẹmhe omama. Egbegbi ikpotso eyẹwẹ, e nu egbe wẹ ẹ gbhe.

27 Ighọ li khi eni emose, ocho ni e kha rọ le ke deba ikpotso, emose na abi wẹwẹ ẹẹ ghọle wẹ inu-gbhe. Emose ẹ gbe ikanya omama ke deba emose, irarighọ, e she mie ifata ikanya ebe eyẹwẹ.

28 Irari khi ẹa lama ri egbegbi ilese oyi Ẹshinẹgba ni e mhue shi udu, Ẹshinẹgba ọ rọ zẹ wẹ obọ na isamhi ebe udu oyẹwẹ ni e ke riele emini ẹa kha riele.

29 Okhọlọ khi okhọlọ nya o kesẹ wẹ-a, ghe ingmobe, ghe emhi ito-egbe, ghe ubogbo. Ofuma ikpekpe o vọ wẹ egbe, ghe ugbeli, ghe okhọli, ghe ikpamhika, ghe obe-imumu. Eni ẹ tsue ẹgbọ kiakia e khi.

30 E ri unu ẹ yese ọgbọ-a, ẹẹ biselemhi Ẹshinẹgba, ezunu-obe, ni ẹa mhue ekpe, ni ẹẹ tono obọ udu. Ode ebe ni a rọ li okhọlọ enegbo, ẹẹ sa rọ lasale ẹghẹghẹ kpa. Ẹa ya suọ esọ na itawẹ.

31 Ẹa mhue ileasingme, ẹa ri ishobo oyẹwẹ a gbe akanya, ẹa ya ti elemhi ọgbọ wẹkhi eri e mhue ilelemhi na ọgbọ.

32 E lẹsẹ khi ushi oyi Ẹshinẹgba, ọọ khi, ẹgbọ ni e li na ngeli, eni e ya pfua e khi, ọa khi eri e lẹsẹ ẹ riele emhi eghoghọ tse, ama ẹẹ mie obọ shi eni ẹ gbe ikanya eghoghọ ọ.

2

Iguezo oyi Ẹshinẹgba

1 Yeye ni u wa gue ẹgbọese ẹzo, waa mhọli obini u pfue ọ ya je, irari khi ẹghẹghẹ kpa ni u rọ gue ọgbọese ẹzo ne, egbe ẹ wa gue ẹzo, itobọ khi yeye oye u lili ẹ riele eni emhi.*

2 Awa lẹsẹ khi ẹzo ni Ẹshinẹgba ọ gue ẹgbọ ni ẹẹ riele emhi eghoghọ, khi igesikia ọ deba gue ọli.

3 Eri u dabi khi ini yeye ọgbọ afua-fuafue u gue ẹgbọese ẹzo, khi yeye u li riele oni emhi oghoghọ, khi u ya pfue ẹzo oyi Ẹshinẹgba?

4 Abi khi eri u ri ẹloe ẹ gbe isomhelemhi ali iregbemie ali irabomudu eniemhi eyọli, nu waa lẹsẹ khi isomhelemhi oyi Ẹshinẹgba o rẹ ramhi imupfi?

5 Ama irari igbiti ali udu ni ọa mhue imupfi ni a mhue, a rọ khi ma ofu oyi Ẹshinẹgba, ni ọ rọ ya na ẹ osoli, ẹghẹghẹ ni iguezo oyọli ni ọa mhue azeba o rọ ya feli lasale.

6 Ẹshinẹgba, “Ọ ya fali ọgbogbo ota abi ọ li gbe.”†

7 Ọ ya ri agbọ na agbọagbọ na ẹgbọ ni e mhue irabomudu ẹ riele onete, ni ẹẹ nono ufumhi ali agbọ ni ọa mhue ukpesẹ.

8 Ama ẹgbọ ni ẹẹ na shi oyẹwẹ tse, ni ẹa ri esọ shi igesikia ni o la ungemhi oyi Ẹshinẹgba, ni e deba onobe vu, Ẹshinẹgba ọ ya tiese ofu ali elemhi ibibi oyọli le shi wẹ ọ.

9 Ẹgbọ eni ẹẹ riele onobe nya e ya mọ osoli ali oya. Okekhi ẹgbọ iju, okekhi ẹgbọ ijeta.

10 Ama Ẹshinẹgba ọ ya ri ufumhi ali itinga ali opfomhe na ẹgbọ nya ni ẹ riele onete. Okekhi ẹgbọ iju, okekhi ẹgbọ ijeta

§ 1:21 Li zẹ Ẹfi 4.17-18 * 1:23 Li zẹ iDeut 4.16-18 62.12; Ekpi 24.12 † 2:11 Li zẹ iDeut 10.17

* 2:1 Li zẹ iMat 7.1; iLuk 6.37 † 2:6 Li zẹ Iwolo

11 Irari khi Ẹshinẹgba ọa ya zọlo ọgbọkọghuo.‡

12 Ẹgbọkpa ni e lamhe olamhe ni ẹa me ebe ushi deba, ọgbọ ọa rọte ebe ushi ya gue we ẹzo, ama ẹgbọkpa ni e mhue ushi deba ni e lamhe olamhe, a ya rọte ushi gue we ẹzo.

13 Irari khi ọa khi ẹgbọ ni e suọ abi ushi ọ ngme tse Ẹshinẹgba ọ ya lie khi e pfuase, ama eni e suọ abi ushi ọ ngme ni e rọli ẹ gbe akanya, Ẹshinẹgba ọ ya pfa na khi e pfuase.

14 Ẹgheghe kpa ni ẹgbọ ijeta, ni ẹa mhọli ushi, e rọ rọte angeli oyewe ri ushi gbe akanya ne, eri e rokhasẹ khi e lese emini ọa ti ali emini o ti ni a rieḗ, ini ẹa ririe mhue ushi.

15 Eri angeli oyewe o rokhasẹ khi emini ushi ọọ a ke rieḗ, khi e keke ọli shi udu, udu oyewe ọ pfi ọtseḗ shi ọ, isamhi eyewe ni ẹ gue we ẹzo isheghuo, e gbo khe we shi eke.

16 Igho o ya li ogbeḗ ni Ẹshinẹgba ọ ya rọte obọ oyi iJesu iKirisiti gue we ẹzo ri osheli oyewe lasele abi mhi li ri usomhi onete tse abọ.

Ẹgbọ iJu ali ushi

17 Ini a lu egbe ẹ ẹgbọ iJu, a ri egbe da ushi ri Ẹshinẹgba a tonu obọ udu,

18 Ini a ze Ebe-no-pfuase lese ọghumhe oyi Ẹshinẹgba, ni a gbo lese emini o gbe akanya,

19 ini a lese khi ẹẹ a khi eni ẹẹ sese ezalo ode, ni a rọ gbo khi akpa na ẹgbọ ni e la alo ebili,

20 a ye ẹgbọ ni e khi eyeghe ude, a sese eni ẹa lese. A mhọli ọli shi udu khi ilese ali igesikia o gba pfo shi elemhi ushi.

21 Ẹẹ ni a sese ẹgbọese, elo o ze khi aa ya sese egbe ẹ? Ẹẹ ni a lie ọgbọ ọ khi do ughiatọ, àá lie do?

22 Ẹẹ ni a lie ọgbọ ọ khi kia okia, aa lie kia okia? Ẹẹ ni ikhumhi igaga ọọ kpase, aa lie do ughiatọ elemhi Owa oyi Ẹshinẹgba?

23 Ẹẹ ni a tonu obọ udu khi a mhue ishi eyi Ẹshinẹgba, aa ri omama mu Ẹshinẹgba abi a lie gbe eni ishi-a?

24 Ebe-no-pfuase ọọ khi: “Irari ẹẹ ni a khi ẹgbọ iJu ẹgbọ ijeta e rọ ọ ze emuebe na eva oyi Ẹshinẹgba.”§

25 Ini a ri ishi a gbe ikanya, oshelẹ oyẹ ẹ o rọ mu elo, ama ini a gbe ushi-a, eri a li abine khi aa shelẹ-a.

26 Ini ọgbọ ni ọa khi iJu ni ọgbọ aa shelẹ-a ọ ri ushi oyi Ẹshinẹgba gbe akanya, Ẹshinẹgba ọa ya leli ọli shi oni aa shelẹ-a?

27 Itobọ igho, ẹgbọ ijeta e ya pfa ẹzo mu ẹ iJu itobọ khi a gbe ushi-a, aboriekhia khi a keke oni ushi shi ebe na ẹ ni a gbo shelẹ-a, ama wewe e ri ushi ẹ gbe akanya ini aa ririe shelẹ we-a.

28 Ọa khi itobọ khi ọgbọ ọọ ngeli abi ọgbọ iJu ali itobọ khi a da shelẹ ọli-a ọ rọ khi egbegbi iJu.

29 Ama oni ọ khi egbegbi iJu ọ khi oni ọ ri ushi ẹ gbe akanya, Oshelẹ na ekelemhi udu o khi igesikia oyi oshelẹ, ọa khi ona ekuẹ idiegbe oyẹ. Ọgbọ ọghoḗ Ẹshinẹgba ọọ kuẹghie ọli, aa khi ẹgbọ ẹẹ kuẹghie ọli.*

3

1 Ighe eleli ni ẹgbọ iJu, ikhi eni a lu eni a shelẹ-a, e mhọli dose ẹgbọ ijeta? Ighe eleli ni o la ọ na ẹgbọ ni ẹ lu egbewe eni a shelẹ-a?

2 Eleli o la ọ na ọgbọgbọ ode khi ode. Odode, ẹgbọ iJu Ẹshinẹgba ọ kpe ri oni ungmehi nga obọ.

3 Ini o fe khia khi eghuo ọ ẹa mhue irudunga? Eri umha mhue irudunga oyewe o ya lie khi Ẹshinẹgba ọa ke ze ri egbe ẹ nga?

4 Iiye e! Ini ọgbọkpa o tseku khi ọloegbhue, igesikia Ẹshinẹgba ọ khi. Abi Ebe-no-pfuase o ngme, ni ọọ.*

“A mema me khi

yeḗ u te ode ini u ngme,

ali khi u ya mu ọ le

ini a gue ẹ ẹzo.”

5 Ama ini umha gue ẹ ngeli oyawa o ri ipfuase oyi Ẹshinẹgba khase gboo, sese awa ke fe ya ngme? Eri awa ya lie khi Ẹshinẹgba ọ gbe awa azeba ini ọ na

§ 2:24 Li ze Aza 52.5 * 2:29 Li ze iDeut 30.6 * 3:4 Li ze Iwolo 51.4

awa osoli tọ onobe ni awa li? Eri mhi la ana ngme abi ọgbọ ọ liẹ ngme.

⁶ Emini a sọ shi ona khi, Iiye o, ini o khia khi Ẹshinẹgba ọọ gbe azẹba lọ, se ọ kha li doḅẹ gue agbọ ẹzọ?

⁷ Ẹgbọ eghuo e ya ke khako, ẹẹ li, “Ini o khia khi ẹgbhọli ni mhi lo o ri ize-ri-egbenga oyi Ẹshinẹgba khase, ni o khi ma ufumhi oyọli, se a ke gbo liẹ pfa ẹzọ mu mhe abi ọgbọ ọna olamhe?”

⁸ Elo o ke ze ni awa a ro liẹ khi o tine ni awa ke li ingmobe ni onete o rote ọ lasele? A ya gue ọgbọgbọ eni e ngme na ẹzọ. Ezeze abi ẹgbọ eghuo e she kpe li kiẹno ẹgbhọli ma mhe khi emini mhia sese ẹgbọ gho.

Aa me oni o gue ẹ ngeli

⁹ Ini a fe bino ọ bie, eri awa iJu awa fe ti dose ijeta? Iiye o! Mhi she kpe roli khase khi ẹgbọ iJu ali ẹgbọ ijeta nya elemhi olamhe awa la a kia.

¹⁰ Abi Ebe-no-pfuase o ngme ni ọọ: “Ogbokhoghuo ọa la ọ ni ọ gue ẹ ngeli, ọgbọ aa me,

¹¹ Aa me oni ọ mhue ilese, wekhi eri ọgbokhoghuo ọọ ga Ẹshinẹgba.

¹² Ẹgbọ nya e she sọ ukhokho gbe Ẹshinẹgba.

Wewe nya e she rote ode oboese ni ọa ti.

Ogbokhoghuo ọa la ni ọọ riẹle onete,

ọgbọ aa me ọghuo kpe!”†

¹³ “Eri ukokoluoluo oyewe o li abi uji ni o

khueghie-a shi eke.

Eri elemhi oyewe

O ri udimhi ẹ pfi itsee.”‡

“Osue enye afue o la we unu.”

¹⁴ “Inu eyewe o vo

itse ebe ikuku ali oyala.”§

¹⁵ “Oa ya mu we unu

ni e ro gbe ugbeli,

¹⁶ epfua ali oyese ẹ pfi

shi obini e je kpa,

¹⁷ Ẹa lese abi a liẹ la opfomhe.”*

¹⁸ “Wekhi eri e mhọli ekpe na Ẹshinẹgba.”†

¹⁹ Mena, awa lese khi emini a keke shi ushi nya, khi eni e deba ushi ẹ ngeli a keke ọli na. Ni a ro bhale ya ẹ khi ọgbọ okhoghuo ọa ya liẹ khi emini o ze ni lue ro gbe ushi-a na, ini Ẹshinẹgba ọ gue agbọ nya ẹzọ.

²⁰ Ogbọ ọa la ọ ni a ya pfa na khi ọ pfuase irari khi ọ ri ushi ẹ gbe akanya. Ochoghọ eri ushi o ze awa lese khi olamhe o la ọ.‡

Igue-ngeli ni o rote irudunga bhale

²¹ Ama Ẹshinẹgba ọ she ri ode onogbo ni ọ te pfa na awa khase awa ni ọa khi abi ushi o sese awa. Ni ebe Ushi ali emekeguele e pfi otsese shi.

²² Oni ode onogbo ona ni Ẹshinẹgba ọ ro bhale, irudunga iJesu iKirisiti o te ẹ bhale deba eni e mie ọli suo nya. Ikhioda ọa la ọ na eni e khi iju ali iGiriki.§

²³ Irari khi ọgbokpa ọ she lamhe, ẹgbọ e she nuata shi Ẹshinẹgba ni ọọ tsumhi ọ.

²⁴ Ama afue afue ọ ri okhale oyọli pfa na awa khi awa pfuase, rote ipfasheke ni o te obọ oyi iJesu iKirisiti bhale.

²⁵⁻²⁶ Eri Ẹshinẹgba ọ ri iKirisiti khase agbọ nya, khi loli ọ khi oni ọ doḅẹ ya ri olamhe topfa agbọ, abi ọ li ku ọlia eyọli kua ukhomhi apfida. Awa kha regbenga emini iKirisiti ọ riẹle, awa mhọli ipfasheke ni o ro rokhase khi Ẹshinẹgba ọa ya gbe azẹba. Itobo khi Ẹshinẹgba ọ mhọli irabomudu ali khi ọa ya gbe azẹba, ọ ro gbe olamhe kua na ẹgbọ, ọ guele khi ọgbokpa ni ọ ri udu nga iJesu, khi oni a pfa na ọ khi.

²⁷ Elo awa ke tono obọ udu ẹ shi? Afue! Elo o ze ona? Itobo khi awa ma ro ri ushi a gbe lo? Iiye o, ama itobo khi awa miesuo.

²⁸ Irari khi awa zoli ukhomhi khi eri Ẹshinẹgba ọọ pfa na ẹgbọ ni e mhue irudunga ni ọa khi irari iri-ushi-gbe akanya.

† 3:12 Li ze *Iwolo* 14.1-3; 53.1-3 ‡ 3:13 Li ze *Iwolo* 5.9; 140.3 § 3:14 Li ze *Iwolo* 10.7 * 3:17 Li ze *Aza* 59.7-8 † 3:18 Li ze *Iwolo* 36.1 ‡ 3:20 Li ze *Iwolo* 143.2; *iGal* 2.16 § 3:22 Li ze *iGal* 2.16

²⁹ Eshinẹgba oyi ẹgbọ iJu tse ọ lese khi, ọa ke li khi Eshinẹgba oyi ẹgbọ iJeta? Oyewe ọ khi guẹguẹguẹ.

³⁰ Eshinẹgba ọghuo ọ khi, oni ọọ pfa na ẹgbọ eni e shele-a rote irudunga oyewe ali eni aa shele-a rote oni irudunga oghuo.*

³¹ Eri ona o ke lie khi itobo irudunga oyawa, khi awa a ke mhue emini awa ri ushi e li? Iye e. Ochoghọ awa kie mu ushi mhue.

4

Irudunga o ri Aburaamu migha shi ipfuase

¹ Se awa ke ya ngme shi ingme oyi Aburaamu ni ọ khi ititawa? Elo ọ fe me eni ingme ipfana rote irudunga onana?

² Ini o khia khi ikanya ni Aburaamu ọ gbe a ro pfa na li lo, ọ kha me emhi ro ke tonu obo udu, ama ọa khi odalo oyi Eshinẹgba.

³ Eri Ebe-no-pfuase ọọ, “Eri Aburaamu ọ mie Eshinẹgba suo, loli a ro leli ọli na li shi ipfuase.”*

⁴ Ini ọgbọ gbe akanya, ọgbọ ọa ya lie khi ifata ni ọ mie khi isomhopfa lo, ama eri ọ gbe akanya shi ọ.

⁵ Ama ọgbọ ni ọa ri egbe da ikanya obọ oyoli ni ọ gbe, ni ọ regbenga Eshinẹgba ni ọọ pfa na ona okhọlo, oni irudunga ni ọ mhọli egho a deba guele khi ọ pfuase.

⁶ Abi iDefidi ọ ro ngme nga ikhivose oyi oni Eshinẹgba ọ pfa na, ni ọa khi itobo ikanya obọ oyi lolighuo, ọ mu ma ingme ena, abi ọ ree,

⁷ “Oghẹle o khi na ẹgbọ ni Onomhue ọ gbe umha gueli oyewe kua, ni a ri olamhe oyewe topfa we.

⁸ Oghẹle o khi na ọgbọ ni Onomhue ọa keke olamhe eyoli shi na li.”†

⁹ Oni ikhivose ona, ẹgbọ ni a shele-a e lese mhọli ọli? Abi khi ẹgbọ ni aa

shele-a e li mhọli ọli? Awa kie kpe e ngme ọli khi irudunga ni Aburaamu ọ mhue, loli a ro guele khi ọ pfuase.

¹⁰ Eghẹghẹ onoghuo a ro leli ọli na li? Abi a ro shele ọli-a se lo, abi khi neni a shele ọli-a? Ọa khi abi a ro shele ọli-a se, ama abi aa ro shele ọli-a ne lo.

¹¹ Itobo khi ọ mhọli irudunga, Eshinẹgba ọ ro pfa na li khi ọ mhọli ipfuase neni ọ shele-a. Irarigho, ọ ro khi ita oyi ẹgbọ nya ni e miesuo, ini aa tseku shele we-a. Eghẹghẹ agho ni e khi eni a pfa na khi e pfuase.‡

¹² Ita oyi ẹgbọ eni e shele-a ọ li khi. Aa khi itobo khi a shele we-a tse, ama irari khi e deba ete-awe agbo irudunga nabi itawa Aburaamu, neni a shele ọli-a.

Irudunga a te a mie ishobo eyi Eshinẹgba

¹³ Ọa khi iri ushi gbe akanya Aburaamu ali imimi ọli e te mie oni ishobo khi loli ọ ya le ugu agbo nya, ama rote angeli ipfuase ni o rote irudunga bhale oyoli lo.§

¹⁴ Irari khi ini eni e ri ushi gbe akanya e le oni ugu lo, irudunga ọa kha ke mu elo, oni ishobo o mele afue-a.*

¹⁵ Eri ushi o ri ofu oyi Eshinẹgba bhale, irari khi ini ushi ọa la ọ, igbushi-a ọa kha la ọ.

¹⁶ Irarigho, oni ishobo, irudunga o te e bhale, ishegho ni o khi oyi okhale, ali ni o migha na imimi Aburaamu. Ọa khi oyi ẹgbọ ni e ri ushi e gbe akanya tse, ama li shi oyi eni e miesuo abi Aburaamu. Irari khi Aburaamu ọ khi ita awa nya elemhi ayemhe.†

¹⁷ Abi Ebe-no-pfuase o ngme ni ọọ, “Mhi she re mele ita oyi ushishi ebubu-a.” Irudunga ni Aburaamu ọ mhue Eshinẹgba ọ ro shobo na li. Eshinẹgba ni ọọ ri eni e ghu-a guale bhale agbo, ni ọ ma emhi enegbo.‡

¹⁸ Eri Aburaamu ọ miesuo, ọ mhue irudushi, abi ọa ro tseku me emini ọ ri udu shi ne, itobo igho ọ ro khi,

* 3:30 Li ze iDeut 6.4; iGal 3.20 * 4:3 Li ze Igbae 15.6; iGal 3.6 † 4:8 Li ze Iwolo 32.2 ‡ 4:11 Li ze Igbae 17.10 § 4:13 Li ze Igbae 17.4-6; 22.17-18; iGal 3.29 * 4:14 Li ze iGal 3.18 † 4:16 Li ze iGal 3.7 ‡ 4:17 Li ze Igbae 17.5

“Ita ishishi ebubu.” Abi a kie kpẹ li gue ọli ye ọli khi, “Imimiẹ e ya bu abi ikpẹtata.”§

¹⁹ Ọa tigbe lọsẹ Aburaamu shi irudunga oyọli, aboriẹkhia khi ọ she gbe ikpe egbhueshe, ni ọ gbo lẹsẹ khi lọli she womhẹ ramhi eghuli ali khi iSera ughuọli ọ she li womhẹ dọsẹ ni ọ ke dobẹ ya bia eniye.*

²⁰ Irudunga oyọli ọa mhue ọlọsemhẹ wẹkhi eri ọ khọkhọ udu shi emini Ẹshinẹgba ọ ngme. Oni irudunga oyọli o ri itoto na li, ọ kuẹghię Ẹshinẹgba.

²¹ Eri ọ lama shi ọ egbegbọ khi Ẹshinẹgba ọ ya dobẹ riẹlẹ emini ọ shobọ na luẹ.

²² Lọli o zẹ khi, “A pfa na li khi ọ pfuasẹ.”

²³ Ungmemhi khi, “A leli ọli na li shi angeli ipfuasẹ,” ọa khi lọlighuo tse a keke ọli na.

²⁴ Ama a li keke ọli na awa, eni Ẹshinẹgba ọ liẹ leli angeli ipfuasẹ na, ni awa mie ọli suo ikhi lọli ni ọ rọte eghuli guise iJesu Ọnọmhue oyawa le.

²⁵ Eri Ẹshinẹgba ọ rue ọli obọ-a ni ọ ghu-a shi ingmobe eyawa. O guise ọli le bhale agbọ ni ọ khuẹsẹ awa pfuasẹ.†

5

Opfomhẹ ali Oghẹlẹ

¹ Irarighọ, aborọkhia khi a she pfa na awa eghọ khi awa pfuasẹ rọte irudunga oyawa, awa she mhue opfomhẹ odalo oyi Ẹshinẹgba rọte obọ oyi iJesu iKirisiti Ọnọmhue oyawa.

² Lọli awa rọte obọ oyọli mhọli ode lo isomhelemhi oyi Ẹshinẹgba, te irudunga ni awa migha nga memena. Awa ke ghẹlẹ shi irudushi oyi ufumhi oyi Ẹshinẹgba.

³ Ọa khi ighọ tse, ama awa liẹ ghẹlẹ shi osoli oyawa, irari khi awa lẹsẹ khi eri osoli ọọ sẹsẹ ọgbọ iregbemie.

⁴ Iregbemie o ri ọgbọ ọ mhue egbegbi angeli, egbegbi angeli o ri ọgbọ ọ mhue irudushi.

⁵ Oni irudushi ona, ọa ya zẹ awa me omama. Irari khi Ẹshinẹgba ọ she tutu inono oyọli ku awa udu rọte Ayemhẹno-pfuasẹ, ni ọ rọ na awa.

⁶ Irari khi eghẹghẹ ni awa aa rọ mhọli ekpabọ ni awa rọ khi ena olamhẹ, iKirisiti ọ bhale ya ghu-a na awa.

⁷ O ma munu ni ọgbọ ọ rọ ghu-a na ọgbọ ni ọ gue ẹ ngeli, otse ọgbọ ọ ya rọshẹka ni luẹ ghu-a na ọgbọ onete.

⁸ Ama eri Ẹshinẹgba ọ ri inono ni ọ mhọli na awa khase. Lọli o zẹ khi eghẹghẹ ni awa rọ kie khi ena olamhẹ, iKirisiti ọ rọ bhale ya ghu-a na awa.

⁹ Aborọkhia khi a she rọte ọlia eyọli pfa na awa mena, seẹ ọa liẹ tsumhi awa ofu oyi Ẹshinẹgba!

¹⁰ Irari khi ini eghẹghẹ ni awa rọ khi ebe Ẹshinẹgba khi a rọte eghuli ni omiọli ọ ghu ri awa nu ọli mhue irọriẹlẹ, seẹ awa ni a she rọ nu Ẹshinẹgba somhi awa aa li gbo ya rọte agbọ oyọli mhue imiepfuese!

¹¹ Ọa khi ighọ tse, ama awa li mhọli oghẹlẹ ayi Ẹshinẹgba rọte iJesu iKirisiti Ọnọmhue oyawa, ọni awa rọte obọ oyọli mhue irọsomhi.

Adamu ọ ri eghuli bhale, iKirisiti ọ ri agbọ bhale

¹² Olamhẹ ni Adamu ọ lamhẹ o ri eghuli lo agbọ le. Olamhẹ oyọli o zẹ khi ọgbọkpa ọ khi ọna olamhẹ, irarighọ ọgbọkpa ọ rọ ya ghua.*

¹³ Irari khi neni a ri ushi bhale olamhẹ, ọ she kpẹ lo agbọ le, ama ashini ushi ọa la, aa ya leli olamhẹ na ọgbọkhoghuo.

¹⁴ Aboriẹkhi ighọ, eri eghuli o kie rọte eghẹghẹ oyi Adamu gbe egbọ ya ramhi eghẹghẹ oyi iMosisi, li shi egbọ ni ẹa gbe ushi-a abi Adamu ọ li da omhese oyi Ẹshinẹgba. Adamu ọ khi irọkhọkhọ oyi ọni ọ ya bhale.

¹⁵ Ama wewe aava ẹa li abeghuo irari khi isomhopfa onayi Ẹshinẹgba ọa li abi olamhẹ oyi Adamu. Igesikia o khi, khi ebubu egbọ e ghu-a irari olamhẹ oyi ọgbọghuo oghọ. Ama okhale oyi Ẹshinẹgba o fune. Ighọ

§ 4:18 Li zẹ Igbae 15.5 * 4:19 Li zẹ Igbae 17.17

† 4:25 Li zẹ Aza 53.4-5 * 5:12 Li zẹ Igbae 3.6

khi isomhopfa ni ọ rọ na ebubu ẹgbọ rọte isomhelemhi oyi ọgbọ ọghuo, ikhi iJesu iKirisiti.

¹⁶ Ikhioda o la isomhopfa oyi Ẹshinẹgba ali olamhẹ oyi Adamu. Oni olamhẹ ọghuo ọgho o ri ina-osoli bhale. Ama isomhopfa oyi Ẹshinẹgba o ri ipfana bhale ghi awa aboriẹkhia khi eni e lamhẹ awa khi.

¹⁷ Igesikia o khi, khi rọte olamhẹ oyi ọgbọ ọghuo, eghuli o te bhale agbọ. Ama emini ọgbọ ọghuo ọ riẹle, ikhi iJesu iKirisiti, o fune. Ẹgbọ nya ni e mie okhale oniẹmhi ali isomhopfa afue afue oyi ipfuase oyi Ẹshinẹgba, e ya mu olamhẹ ọ le, rọte obọ oyi iKirisiti.

¹⁸ Abi olamhẹ oyi Adamu o li ri ina-osoli ghi ẹgbokpa, igho ipfuase ọghuo oyi iKirisiti o li ri ipfana ali isomhopfa agbọ oyi Ẹshinẹgba na ọgbokpa.

¹⁹ Irari khi, abi umha-sueso oyi ọgbọ ọghuo o ri ẹgbọ nya khi ena olamhẹ, igho a li ya pfa na ebubu ẹgbọ shi ode oyi Ẹshinẹgba irari isueso oyi ọgbọ ọghuo.

²⁰ Eri ushi o bhale ni ẹgbọ lese ashini e khi ena olamhẹ ramhi, ama abibi olamhẹ e tseku li bu, ilelemhi oyi Ẹshinẹgba o bu dose we.

²¹ Eghẹghẹ agho ni a bhale ya ẹ khi ezeze abi olamhẹ o ri eghuli bhale, okhale oyi Ẹshinẹgba o ri ipfuase leghie, o ri agbọ na agboagbọ bhale, rọte obọ oyi iJesu iKirisiti Onomhue oyawa.

6

Ghu pfa Olamhẹ, u nu iKirisiti la agbọ

¹ Se awa ya ngme mena, eri awa ya ke li ingmobe le tse ni okhale oyi Ẹshinẹgba o ke bua shi ọ dose agho?

² Iiye o! Awa ni idiegbe oyawa o ghu pfa olamhẹ, se awa ke gbo lie ke lamhẹ?

³ Abi khi aa lese khi awa nya ni a batazi shi iJesu iKirisiti, khi eri awa batazi shi eghuli oyoli?

⁴ Irarigho, eri a ri awa nu oli to abi a rọ so awa oke batazi awa shi eghuli oyoli, ni a bhale ya ẹ khi abi a li rọte eghuli guise iKirisiti le rọte ufumhi oyi Ita, ni awa li mhọli agbọ onogbo.*

⁵ Abi a rọ ku awa ali loli gbe she eghuli oyoli egho, igho a gbo lie ku awa ali loli gbe shi iguisele oyoli.

⁶ Awa lese ona khi idiegbe oyawa onodiọ khi eri o nu iJesu ghu-a shi apfida, ni a rọ bhale ya ẹ khi idiegbe olamhẹ oyawa o mele afue-a. Ini awa khi ke gbo khi ighumha olamhẹ.

⁷ Itobo khi ini ọgbọ ọ ghu-a, ọ she pfue ekpabo olamhẹ.

⁸ Mena, ini awa she nu iKirisiti ghua, awa miesuo khi awa ya li nu oli la agbọ.

⁹ Irari khi awa lese khi abi a she rọte eghuli guise iKirisiti le egho, ọa ke gbo ya ghu ghue, eghuli ọa ke gbo mhọli ekpabo shi oli egbe.

¹⁰ Eghuli ni ọ ghu, utoghuokpe ọ ghu oli rọ mu ekpabo eyi olamhẹ ọ le. Agbọ ni ọ la, ọ la ọ na Ẹshinẹgba.

¹¹ A li ligho leli egbe ẹ shi eni e ghu pfa olamhẹ, ama a la agbọ na Ẹshinẹgba elemhi iJesu iKirisiti.

¹² Irarigho, a khi ze ni olamhẹ o le eghie shi ẹ egbe ni a ri ọghuemhẹ ebe eyoli ke gbe akanya.

¹³ A khi ri ukiekie idiegbe okhoghuo oyeẹ na olamhẹ, wekhi eri u re we shi eke shi akanya okholo, ochoghọ, a ri egbe ẹ na Ẹshinẹgba abi eni a she rọte eghuli nyene bhale agbọ, ama a ri idiegbe oyeẹ na li abi itsua ipfuase.

¹⁴ Irari khi olamhẹ ọa ke ya khi ọga oyeẹ, itobo khi ushi ọa ke ẹ ke mhese na ẹ, ama elemhi okhale oyi Ẹshinẹgba a ke la.

Ighumha eyi angeli ipfuase a ke khi

¹⁵ Se o ke li mena? Awa ke lamhẹ itobo khi ushi ọa ke mhese ẹ na awa, se ni okhale oyi Ẹshinẹgba? Iiye o!

¹⁶ Aa lese khi oghumha oyi emini a suo eso ọ na a khi? U dobe ya khi oghumha oyi olamhẹ ni o ri eghuli ẹ bhale, u gbo dobe ẹ ze isueso na

* 6:4 Li ze iKolo 2.12

Ẹshinẹgba ni o ri ọgbọ ọ bhale angeli ipfuase.

¹⁷ Ama awa tse Ẹshinẹgba uwegbe, irari khi ẹghẹghẹ ni o dọse, a kpe khi ighumha eyi olamhe, ẹghẹghẹ agho a ga ri udu oye ẹ nya a suo eso na osese ni a sese ẹ.

¹⁸ A she pfuese ẹ olamhe, ama ighumha eyi Ẹshinẹgba a ke khi, ni a ke riẹle emini o ghole Ẹshinẹgba.

¹⁹ Eri mhi ngme ona abi ọgbọ lie ngme, itobo khi aa lolo toto. Abi a kpe li ri idiegbe eye ẹ shi ighumha na ikanya ichimhi ali okholo, a li ligho ri egbe ẹ shi ighumha angeli ni o ghole Ẹshinẹgba, ni o ri ipfuase ẹ bhale.

²⁰ Abi a ro khi ighumha olamhe, aa mhuẹ emini a ri angeli ni o ghole Ẹshinẹgba riẹle.

²¹ Ighe eleli ni a mhuẹ oni ẹghẹghẹ shi ikanya ni e ke tigbe ri omama a mu ẹ ena? Emhi eghogho eghuli ẹẹ pfi.

²² Ama mena ni a she rote olamhe pfuese ẹ, ni a ke ro khi ighumha eyi Ẹshinẹgba egho, eleli ni a khiese, ipfuase o re ẹ ya khue pfuase, o ri agbo na agboagbo o na ẹ.

²³ Irari khi ifata oyi olamhe khi eghuli lo, ama isomhopfa oyi Ẹshinẹgba agbo na agboagbo lo rote obo oyi iJesu iKirisiti Onomhuẹ oy-awa.

7

Abi a lie ngeli elemhi ughue

¹ A lese inyoghuo, khi eri mhi nu ẹ ngme abi ẹgbọ ni e lese ushi, khi ushi o mhọli ekpabo shi ọgbọ egbe ini oni ọgbọ ọ kie da la agbo ne.

² Ezeze abi ushi o ngme khi okpotso ni o la ughue ọa gbudu vu odọ li obo ini oni omose o kie da la agbo ne, ama khi ini o ghu-a oni ushi ọa ke mu ọli.

³ Irarigho, ini o vu ya ngeli na omose olese, abi odoli o li kie la agbo egho, a ya lu ọli okiokia. Ama ini odọ li o ghua, oni ushi ogho ọa ke mu ọli, ọa ke khi okiokia, ini o tseku ngeli na omose olese.

⁴ Igho o li khi shi ẹ o inyoghuo-mhe. Idiegbe oyi iKirisiti a ke khi, ẹẹ a she li ghu-a pfa ekpabo oyi ushi. A she ga li mhọli ẹghẹghẹ ni a ro mele oyi ọgbọese-a, ikhi oni a rote eghuli guise le, ni a me asha ke gbe akanya enete na Ẹshinẹgba.

⁵ Irari khi abi idiegbe olamhe o ro o mhesẹ na awa, igho oghuemhe oyi olamhe ni ushi o zese-a o la awa idiegbe gbe akanya, ena e ri awa ngeli angeli ni ọọ pfi eghuli.

⁶ Ama mena, abi awa ro she ghu pfa emini e ke kpe genọ awa egho, a she pfuese awa obo oyi ushi, ni awa me asha rote ode onogbo oyi Ayemhe ke ga, ni ọa ke khi ode oyi ushi ni a keke.

Inu-olamhe khe abo

⁷ Se awa ke ya ngme mena? Olamhe oni ushi o ke khi sho? Iiye o. Egbegbo lo khi, mhi aa kha lese emini olamhe o khi, ini ọa khi ushi lo. Irari khi mhi aa kha lese emini ivie shi emhi ọgbọ o khi ini ushi ọa lie, "Khi vie shi emhi ọgbọ."*

⁸ Rote oni ushi ogho, olamhe o te me asha guise iwali oghuemhe ukphe nya ni e la mhe egbe le. Ini a rue ushi ode- a eri olamhe o ghua.

⁹ Eri mhi kpe la agbo tse abi mhi aa ro lese ushi ne, ama abi ushi o ke ro bhale, olamhe o gbo bhale agbo, lo li mhi ro ghua.

¹⁰ Mhi me khi ushi ni o kha ri agbo bhale, khi eghuli o ro bhe.

¹¹ Olamhe o me asha migha rote ushi di mhe. Rote oni ushi, eghuli o gbe mhe.†

¹² Abokieli khi, oni ushi o pfuase, omhesẹ o pfuase, e migha, e ti.

¹³ Eri emini o ti ogho o ke ri eghuli ghi mhe egho? Iiye o! Ama ni a ro lese olamhe shi olamhe o ro pfi eghuli na mhe, rote emini o ti, ni a bhale ya ẹ khi rote oni ushi, olamhe o mema khi olamhe egbegbo.

¹⁴ Irari khi awa lese khi ushi emhi Ayemhe o khi, ama mhemhe ọgbọ tse, mhi khi oni a ro na olamhe de.

* 7:7 Li ze Okiali 20.17; iDeut 5.21 † 7:11 Li ze Igbae 3.13

¹⁵ Mhi aa lẹsẹ emini e li mhe, irari khi emini mhia nono ni mhi ke rieḷe, mhi aa doḅe rieḷe ọli. Ama emini ọa ghọle mhe, mhia rieḷe.‡

¹⁶ Ini mhi rieḷe emini mhi aa nono ni mhi rieḷe, mhi lama shi ọ khi ushi o ti.

¹⁷ Abi oli khi, ọa ke khi mhemhe mhia rieḷe ọli ama olamhe ni o la mhe egbe lo.

¹⁸ Mhi lẹsẹ khi emhikhoghuo ni o ti ọa lamhe egbe, ikhi idiegbe olamhe oyemhe. Irari khi ini o tseku ghọle mhe ni mhi rieḷe emini o ti, mhia doḅe ẹ rieḷe ọli.

¹⁹ Irari khi emini mhia rieḷe ọa khi emini o ti ni mhia nono ni mhi rieḷe, ochoghọ onobe ni mhi aa nono ni mhi rieḷe, mhi kiele ẹ rieḷe.

²⁰ Mena, ini mhia rieḷe emini mhi aa nono ni mhi rieḷe, ona o rokhase khi ọa khi mhemhe mhi rieḷe ọli, olamhe ni o la agbọ oyemhe ọọ rieḷe ọli.

²¹ Ina o ga limhe egbe egheghekpa. Ini mhia nono ni mhi rieḷe onete, onobe o nu mhe la agho.

²² Irari khi ekeleghi udu oyemhe, ushi oyi Eshinẹgba o te ẹ ghọle mhe.

²³ Ama mhi me khi ushi olese o la mhe egbe ẹ gbe akanya, ni o mu okhọli vule shi ushi ni o la mhe udu ọ, o remhe mele oghumha ushi oyi olamhe-a, ni o la mhe egbe a gbe akanya.

²⁴ Ogbọ umẹobinuje nabise mhi fe khi ena. Oghuo ọ ya tsumhi mhe idiegbe eghuli ona lasele?

²⁵ Mhi kphemhi na Eshinẹgba roṭe obọ oyi iJesu iKirisiti Onomhue oyawa. Irarigho, mhemhe oyemhe, oghumha oyi ushi oyi Eshinẹgba mhi khi udu oyemhe, elemhi idiegbe olamhe, mhi khi oghumha oyi ushi olamhe.

8

Angeli na Ayemhe

¹ Irarigho, ipfezo-mu ọa ke la ọ na egbọ ne mie iJesu iKirisiti suo, ni ẹa

ke ngeli roṭe ode olamhe, ama eni ẹẹ ngeli roṭe ode Ayemhe-no-pfuase.

² Ayemhe ni o ri agbọ a na awa itobọ khi awa mie iJesu iKirisiti suo, ọ she taghie mhe obọ oyi ushi olamhe ali eghuli-a.

³ Emini Ushi oyi iMosisi ọa doḅe rieḷe irari khi idiegbe olamhe o mie ọli ekpabọ, Eshinẹgba lolighuo ọ ke ya pfuese awa abi ọ ghie Omi ọli, ni ọ li abi awa egbọ olamhe ali ni ọ ya khi iluasobo shi olamhe eyawa. Oni idiegbe ogbọ ni oni iKirisiti ọ ze ọ ro pfueche olamhe-a shi idiegbe ogbọ olamhe.

⁴ Eri Eshinẹgba ọ rieḷe ona ni ipfuase ni ushi oo nono ni awa mhọli o tse shi awa egbe, ini awa khi ke ngeli te ode olamhe, ama ni awa ke ngeli roṭe ode Ayemhe.

⁵ Egbọ ni ẹ ngeli roṭe ode olamhe, eri e ri udu shi emini idiegbe oyewe ọọ nono. Eri egbọ ni ẹẹ ngeli roṭe ode Ayemhe, e ri udu shi emini Ayemhe ọọ nono.

⁶ Irari khi udu oyi ogbọ eghuli o tsua. Ama udu ọ rieḷe emini Ayemhe ọ gueye ọli, eri ọ ya la agbọ ọ mhue opfomhe.

⁷ Obe Eshinẹgba ogbọ ọọ khi, ini udu olamhe oyọli ọọ mhese na li, irari khi ọa ya suo esọ na Eshinẹgba. Irari khi ọa ze ni ushi oyi Eshinẹgba o mhese ke na li, wekhi eri ọ tigbe ya lama ghue ni ọ mhese na li.

⁸ Egbọ ni idiegbe olamhe oyewe o mhese ẹ na, ẹa doḅe rieḷe emini o ghọle Eshinẹgba.

⁹ Yeḅe oye idiegbe olamhe ọa ke mhese ẹ ne ama Ayemhe o ke mhese ẹ ne, ini Ayemhe oyi Eshinẹgba o da la agbọ oye ne. Ogbọ ni ọa da mhue Ayemhe oyi iKirisiti ne, ọa khi onayoli.

¹⁰ Eri-tse khi ini iKirisiti ọ da la agbọ oye ne, idiegbe oye o fu pfa olamhe, ayemhe oye o kie la agbọ irari ipfuase ni awa roṭe obọ oyi iKirisiti mhue.

¹¹ Ini Ayemhe oyi oni ọ roṭe eghuli guise iJesu le o da la agbọ oye ne, loli ni ọ roṭe eghuli guise iJesu le ọ ya roṭe

‡ 7:15 Li ze iGal 5.17 * 8:11 Li ze 1 iKori 3.16

Ayemhẹ oyọli ni o la agbọ oye ri agbo na idiegbe ni o o ghu oye.*

12 Irarigho, inyoghuo-mhẹ, awa mema ya ke ngeli abi ayemhẹ Eshinẹgba o gueye awa. Awa khi ke ngeli abi o ghole idiegbe olamhẹ.

13 Irari khi, ini u wa ngeli abi idiegbe olamhẹ o gueye, eri u ya ghua, ama ini u wa ngeli abi Ayemhẹ o gueye, eri u wa gbe ekpabo olamhẹ a shi idiegbe oye, u la agbo.

14 Egbọ ni Ayemhẹ oyi Eshinẹgba o mhese e na imi Eshinẹgba e khi.

15 Irari khi Ayemhẹ ni Eshinẹgba o ro ne, o a khi oni o gbolo re khi oghumha ulishi, ama Ayemhẹ ni o ro re khi Omo oyoli u mie. Oni Ayemhẹ o ri awa mhue itoto e vie lu Eshinẹgba, awa lu o li Itamhẹ, Itamhẹ.†

16 Oni Ayemhẹ lolighuo o pfi otsese shi ayemhẹ oyawa khi eniye eyi Eshinẹgba awa khi.

17 Ayemhẹ oyoli o ze ni awa lese khi awa ya nu iKirisiti mhọli okemhi shi emini Eshinẹgba o ro shobo khi loli ya riele. Eghẹghẹ agho awa nu iJesu mhọli okemhi ufumhi oyoli ini awa li me osoli.‡

Ufumhi na ogbenako

18 Mhi me o li me khi osoli ni awa a me memena khi o a khi oni a ro khokho emini a ro ya khasẹ elemhi agbo oyawa ikpukhokho.

19 Irari khi eri emini Eshinẹgba o ma nya e ri ikphakpha-egbe migha khe eghẹghẹ ni Eshinẹgba o ro ya ri eni e khi egbegbi imioli khasẹ.

20 Irari khi emini a ma nya, a ro mele afue-a, ni o a khi oghuemhẹ oyewe, ama abi o li ghole oni Eshinẹgba lo, ni o rewe mele afue-a, elemhi irudushi,§

21 khi o ya tsumhi emini o ma nya ini e khi ke ke-a ali khi e ya nu imi Eshinẹgba kemhi epfua ni o mhọli ufumhi.

22 Awa lese khi emini a ma nya e kiele e lomhẹ memena e la otomhẹ, abi okpotso ni oku o o to.

23 O a khi emini a ma weweghuo tse, ama li shi awa ni awa mie Ayemhẹ-nopfuase ni o khi igbaekele agbo onogbo oyi Eshinẹgba. Awa lie lomhẹ abi awa li ri eloe shi eke e khe ogbele ni Eshinẹgba o ya la ukpeloe ogbokpa guele khi imi Eshinẹgba awa khi ali ni a ro ya pfa awa ike-a shi eke.*

24 Irari khi rote irudushi ona a te mie awa pfuese. Eri-tse khi irudushi ni aa me gboo o a fe khi irudushi. Oghuo o gbo ri eloe shi eke e khe emini o she me eloe ne?

25 Eri-tse khi ini awa ri udu shi emini awa aa me ne, irabomudu awa ro ke e khe o li.

26 Igho Ayemhẹ o lie kpaghie awa obo umhagbapfo oyawa, Irari khi awa aa lese abi a lie so iromhi, oni Ayemhẹ lolighuo o ri ilomhẹ e so iromhi na awa shi emini unu o a dobe e ngme.

27 Oni Eshinẹgba ni o o me elemhi udu oyi egbo, o lese usamhi eyi Ayemhẹ. Irari khi eri oni Ayemhẹ o so iromhi na egbo eyi Eshinẹgba abi o li de shi oghuemhẹ oyi Eshinẹgba.

28 Awa lese khi eri Eshinẹgba o o riele emhi nya te ode onete na egbo ni e nono ingme oyoli. Egbọ ni o khia khi o lu shi omhese oyoli.

29 Eni Eshinẹgba o she kpe lese, wewe o ze o da ke ni e ya li abi Omi o li, ni oni Omi o li o khi onodode elemhi inyoghuo ebubu.

30 Igho eni Eshinẹgba o ze o da ke, wewe o li lu. Eni o lu, wewe o li pfa na, eni o pfa na wewe o li ro khi eni e mhue ufumhi onabi oyoli.

31 Abi awa ke ro mhue ena shi udu oyawa, se awa ke ya so shi ena mena? Ini Eshinẹgba o nu awa la, oghuo o ya dobe mu okhue vule shi awa o?

32 Loli ni o a to ukphe Omi o li na awa, ni o roli luasobo na awa nya, se o a ya pfo udu gbo ri emhi nya ma oni Omi o li na awa?

33 Oghuo o ya gue ingme shi egbo ni Eshinẹgba o she ze egbe? Eshinẹgba lueghuo o pfa na ogbo.

† 8:15 Li ze iMak 14.36; iGal 4.6 ‡ 8:17 Li ze iGal 4.5-7 § 8:20 Li ze Igbae 3.17-19 * 8:23 Li ze 2 iKori 5.2-4

34 Oghuo ọ dobe pfa ẹzo ọ mu ogbọ? Ijesu iKirisiti lueghuo lo, oni ọ ghua. O gbo dose agho, Oni a guise le bhale agbo, mena ọ shito obo ita oyi Eshinegba, ọ so iromhi ẹ na awa.

35 Oghuo ọ ke dobe ya vase awa rote inono ni iKirisiti ọ nono awa lasele? Osoli abi khi omunu abi okhọli ni a mu vule shi awa ọ o ya dobe? Abi khi okiamhi abi khi umha me so lo, abi khi ini i igbe-a tsekha deba lo?

36 Abi a li keke ọli shi ebe-no-pfuase, khi,

“Itobo oyee anye ro
la okhena eghuli elekpa,
a ri anye khokho
isumha ni a ya gbolo a.”†

37 Iiye, abi a rie me eni emhi enana nya, anye fu dose oni ọ khọli mu ọ le, rote obo oyi oni ọ nono ingme oyanye.

38 Irari khi mhi me ọli me khi emhikhoghuo ọa la agbo ona, eghuli wekhi agbo ilala, wekhi igeni wekhi iyemhe okphaghiẹ ali emini e la irarogbe ẹ mhesẹ shi agbo ni awa la memena okekhi agbo ni o ke ẹ bhale wekhi ekpabo,

39 wekhi iyagha ali ilimhi, wekhi emhikhoghuo ni a ma, o dobe ya vase awa rote inono ni Eshinegba ọ nono awa rote ijesu oyawa lasele.

9

Uzemhi ni Eshinegba ọ ze egbo iZireni

1 Egbegbi ingme mhia ngme itobo khi onayi iKirisiti mhi khi. Ọa khi egbhọli mhia lo. Udu oyemhe o pfi otselẹ shi ọ elemhi Ayemhe-no-pfuase,

2 ini mhiẹ khi mhi mhọli oya ali udu ialamhe ni ọa mhue ukpese,

3 na egbo eyemhe ni anye khi egbo eghuo ali ọlia eghuo. Itobo oyewe, eri mhia lie khi Eshinegba ọ kha pfi unu na mhe ali khi a kha rue mhe ikugbe ni mhi kugbe iKirisiti ọ le, ini lolẹ rewe mhọli imiepfuese.

4 Wewe e khi imimi iZireni ni Eshinegba ọ ze, ni ọ ro khi imi ọli, ọ ri ufumhi oyọli khasẹ we, ọ nu we riẹle

ilama kugbe, ọ ri ushi oyọli na we. Wewe e mhọli egbegbi ugamhi, e she mie ishobo oyi Eshinegba.*

5 Wewe e mhọli eni egbhali ena elele ni a suọ eko, ni e gba ushishi Iburu eke le. Wewe e li khi itita iKirisiti. Eshinegba ni ọọ mhesẹ na emhikpa, ọ khi oni áá kuẹghie agboagbo.

6 Mhi aa lie khi ishobo ni Eshinegba ọ shi, khi, o fia kua. Irari khi ọa khi egbo ni e rote iZireni lasele nya, e khi egbo eyi Eshinegba.

7 Wekhi imimi Aburaamu nya e khi egbegbi imi Aburaamu. Eshinegba ọ gueye Aburaamu khi, “Imimi Aziki a ya leli shi eni u bia.”†

8 Onana o guele khi eniye ni ọ bia elemhi oghuemhe idiegbe nya ẹa khi imi Eshinegba. Ama eniye ni a bia rote ishobo onayi Eshinegba wewe a leli shi egbegbi imimi Aburaamu.

9 Irari khi ishobo onayi Eshinegba khi, “Egheghe ni ọ roshi eke o kha da ramhi ne, mhi ya ri ishobo oyemhe tse, iSera ọ bia omọ omose.”‡

10 Ọa pfo gho. Irari khi itsema emose eyi iRebeka, ita oghuo ọ bia we ikhi Aziki itita awa.

11-12 Ogbọ a bia itsema ena ne wekhi eri e lese ingme e riẹle onete ali onobe ne, ni Eshinegba ọ ro she gueye inyewe iRebeka khi, “Onogbhali ọ ya ke ga onikeke.” Eri Eshinegba ọ riẹle ona rokhasẹ khi, uzemhi ni lolẹ ẹ ze ogbọ ni ọ khi emini ọ ya khi elemhi agbo, khi ọa khi itobo akanya ni ọ gbe ama abi o ghọle Eshinegba ọ li lu ọli.§

13 Abi Ebe-no-pfuase o ngme ni ọọ, “IGiekọpu mhi nono dose iSo.”*

14 Se awa ke ngme mena? Khi Eshinegba ọọ zolo? Iiye o, ọa khi igho kpa!

15 Irari khi ọ gueye iMosisi ọọ li,

“Mhi ya mhọli ilelemhi na
oni mhi ya mhọli ilelemhi na,
mhi vie osue na
oni mhi ya vie osue na.”†

† 8:36 Li ze Iwolo 44.22 * 9:4 Li ze Okiali 4.22 † 9:7 Li ze Igbae 21.12 ‡ 9:9 Li ze Igbae 18.10 § 9:11-12 Li ze Igbae 25.23 * 9:13 Li ze iMala 1.2-3 † 9:15 Li ze Okiali 33.19

16 Itobọ ighọ, ọa khi abi o ghọle ọgbọ wẹkhi emini ọgbọ ọ riẹlẹ ama rọte ilẹlemhi oyi Ẹshinẹgba.

17 Irari khi Ebe-no-pfuasẹ o ngme na shi iFero egbe, ọọ li, “Itobọ ona mhi rọ rẹ khi oghie ni mhi rọte emini mhi ya li ẹ ri ekpabọ eyẹmhe khase, ni mhi rọ zẹ agbọ nya lẹsẹ eva oyẹmhe.”‡

18 Irarighọ, eri Ẹshinẹgba ọọ mhọli ilẹlemhi na ọni ọ ghọle ọli, ọ zese ọni ọ ghọle ọli udu-a.

19 U dobe ya mhila mhe ọgbọ ona, “Elo o zẹ ni Ẹshinẹgba ọ rọ kiele ẹ mẹ umhaguẹli oyawa shọ, aborokhia khi lẹli ọ ri awa ngeli abi o ghọle ọli? Irari khi ọgbọkhoghuo ọ dobe ya nu Ẹshinẹgba khe abọ?”

20 Ama ọghuo u khi, yeye ọgbọ ni gbudu ya mie Ẹshinẹgba unu? Emi ni a ma o dobe ya liẹ ọni ọ ma li, “Elo o zẹ ni u rọ lina ma mhe?”§

21 Omekhe ọa fe mhue afu ni ọ rọ ri eke eme ẹ ma emini o ghọle ọli? Ọ kha ma eghuo shi eni a rọ riẹlẹ emini e mu ẹloe, ọ manọ elese shi ni a rọ riẹlẹ emini a mẹ kpa.

22 Ighọ li khi emini Ẹshinẹgba ọ riẹlẹ. Aboriekhia khi ọ mhọli afu ni ọ kha rọ ri ofu ali ekpabọ oyọli khase ẹgbọ ni e kha pfua, ni ọ mẹ ofu oyewe eghọ, ama eri ọ kie mhue irabomudu na we.

23 Ilẹlemhi ni ọ mhọli na ẹgbọ ni ọ zẹ, ikhi ẹgbọ ni e ya mhọli okemhi ufumhi oyọli, ọ rọ ri abi ufumhi oniẹmhi oyọli o li khase.

24 Li shi awa, eni ọ li lu. Ọa khi ẹgbọ iju tse ama shi ẹgbọ iJeta.

25 Abi ọ ngme shi ebe Osia ni ọ, “Egbọ ni ẹa khi eyẹmhe, mhi ya lu we ẹgbọ eyẹmhe.

Ushishi ni mhi aa nono ingme oyewe, mhi ya lu,

‘Egbọ ni mhi nono.’ ”*

26 Ali khi,

“A ya mẹ khi, ashini a ga la liẹ we,

‘Aa khi ẹgbọ eyẹmhe,’

aghọ a gbo la lu we,

‘Imi Ẹshinẹgba ni ọ la ọ.’ ”†

27 Azaya o ngme ingme oyi iZireni lasese gboo, khi, “Ini o tseku khia khi ẹgbọ iZireni e bu abi ekhashe ne la okẹ oniẹmhi, ikuku ẹgbọ ọ a ya tsumhi.

28 Irari khi Ẹshinẹgba ọ ya ri inyanya sọ ẹzọ oyọli eke agbọ-a zeghele.”‡

29 Ezeze abi Azaya ọ kpẹ li ngme ọli khi:

“Ini Ẹshinẹgba ni ọ mhese shi emhi nya ọa kesẹ imi-imi le na awa lo, a kha li na awa osoli abi ẹgbọ iSodomu, a pfuse awa abi ẹgbọ iGomora.”§

Umha-miesuo oyi ẹgbọ iZireni

30 Se awa ke ya ngme? Khi ẹgbọ iJeta ni ẹa na khu ipfuase, khi a pfa na rọte irudunga,

31 ama ẹgbọ iZireni ni e na khu ushi igue-ngeli, ẹa kie te ọ?

32 Se ọ li khi ighọ? Itobọ khi ẹa rọte irudunga na khu ọli, ama e rọte ode ikanya khu ọli. E kholo awe shi, “ẹche ọzuode.”

33 Abi Ebe-no-pfuasẹ o ngme, ni ọọ, “Bino, mhi tsua ẹche shi iZayo ni o ya ri ẹgbọ kholo awe. Eche ni o ya rẹ we de. Ama ọni ọ da mie ọli suo ne, ọa ya mẹ omama.”*

10

1 Inyoghuo-mhe, emini ẹ ghọle udu oyẹmhe ali olema ni mhia lema Ẹshinẹgba khi, ni a bhale ya ẹ khi ẹgbọ iZireni eyẹmhe e khi eni a mie pfuese.

2 Mhi pfi ọtsẹle shi ọ khi e mhue ọmuegbe shi ugamhi oyi Ẹshinẹgba. Ama egbegbi ilẹsingme ọa la ọmuegbe oyewe.

3 Aborokhia khi ẹa lẹsẹ ipfuasẹ ni o rọte obọ oyi Ẹshinẹgba bhale, ni e rọ nono abi e li ya ri oyewe kọ eghọ, eri ẹa ri egbe we na ipfuasẹ oyi Ẹshinẹgba.

4 Irari khi iKirisiti ọ ri emini ushi o ngme nya gba pfo, ni o zẹ khi

‡ 9:17 Li zẹ Okiali 9.16 § 9:20 Li zẹ Aza 29.16; 45.9 * 9:25 Li zẹ Osia 2.23 † 9:26 Li zẹ Osia 1.10

‡ 9:28 Li zẹ Aza 10.22-23 § 9:29 Li zẹ Aza 1.9 * 9:33 Li zẹ Aza 28.16

Ẹshinẹgba ọ pfa na ọgbọkpa ni ọ miesuọ.

Imiepfuese, oyi ọgbọkpa lọ

⁵ IMosisi ọ lina gue ọli le emini ipfuase ushi o khi, ni ọ rẹ, “Ọni ọ da ri ushi nya gbe ne, ọ ya la agbọ.”*

⁶ Ama eri ipfuase ni o rọte irudunga bhale ọọ, “Khi la ekelemhi udu oye liẹ, ‘Oghuo ọ ya nga iloghie?’ ” (Ni ọ ya rue iKirisiti tiemhile.)

⁷ “Okekhi eri u wẹ, ‘Oghuo ọ ya tiemhi ilimhi na ningọlọ?’ ” (Ni ọ ya rue iKirisiti rọte eghuli ngale.)

⁸ Abi o ngme na: “Ungmemhi oyi Ẹshinẹgba o la mama ẹ. O lẹ unu, o lẹ udu,” ikhi ungmehi irudunga ni anye rọ ọ tse abọ.†

⁹ Ini u ri unu oye ẹ khi, “Ijesu ọ khi Onomhue,” ni u rọ miesuọ shi udu oye khi Ẹshinẹgba ọ rọte eghuli guise ọli le, a ya mie ẹ pfuese.

¹⁰ Irari khi udu ọgbọ ọ rọ miesuọ ni a rọ pfa na li, ali khi unu ọgbọ ọ rọ ngme lasela ni ọ rọ mhue imiepfuese.

¹¹ Abi Ebe-no-pfuase o ngme, ni ọọ, “Ọnini ọ da regbenga li ne, ọa tigbe ya me omama.”‡

¹² Ọgbọkpa ona o nu ngme, irari khi ikhioda ọa la shi ẹgbọ iJu ali ẹgbọ iJeta ọ. Ẹshinẹgba ọ ga khi Onomhue oyi ẹgbọ nya, ọọ khivose egbegbọ na oni ọ da lu ọli.

¹³ Irari khi, “Ọnini ọ da lu eva oyi Onomhue ọ ya khi oni a mie pfuese.”§

¹⁴ Ama se e li ya lu ọli ini ẹa mie ọli suọ? Se e li ya mie ọli suọ ini ẹa suọ oni ungmehi? Se e li ya suọ ini a ri oni ungmehi tsabo.

¹⁵ Se a li ya ri oni ungmehi tsabo ini ọgbọ a ghie eni ẹ tsabo fiẹ lase? Abi Ebe-no-pfuase o ngme ọ khi, “Eri ibhale oyi ẹgbọ ni e tsua usomhi onete bhale o ri oghẹle bhale!”*

¹⁶ Ama ẹgbọ iZireni nya ẹa mie oni usomhi onete ona suọ. Azaya ọ liẹ, “Ẹshinẹgba, oghuo ọ mie usomhi oyi anye suọ?†

¹⁷ Igho irudunga o li rọte ini ọgbọ ọ suọ oni usomhi ẹ bhale, ali khi usomhi oyi ingme iKirisiti irọ-tse abọ a te ẹ suọ oni usomhi.

¹⁸ Ama mhi mhila, eri aa suọ oni usomhi? Eeli, e suọ.

“Uruli oyewe o she ramhi

ashakpa eke agbọ,

ungmemhi oyewe

o ramhi ukpese agbọ.”‡

¹⁹ Mhi gbo mhila, Eri ọa lo ẹgbọ iZireni eso? Odode IMosisi ọ liẹ,

“Mhi ya ri ẹgbọ eyemhe

ke kpe ofuma oyi ẹgbọ

ni ẹa khi eyemhe ne,

Mhi ya rẹ ẹ mhue iyese elemhi-a

deba ushishi ni ẹa lese mhe ne.”§

²⁰ Eri Azaya ọ ri igbeudu ngme ọli khi, “Egbọ ni ẹa roshaka

nono mhe e me mhe.

Mhi ri egbe mhe khase

eni ẹa mhila ọgbọ mhe.”*

²¹ Ama abi ọ ngme shi

ẹgbọ iZireni egbe khi,

“Ogbele nya mhi nise obọ oyemhe-a

na ẹgbọ ni ẹa ya suọ eso,

ni ẹa lama mu pfi.”†

11

Ikheremhi ẹgbọ iZireni ni e kpole

¹ Mhie i. Eri Ẹshinẹgba ọ kie ẹgbọ eyi lolighuo? Iiye e! Mhemhe oyemhe ongi iZireni mhi khi. Omi-omi Aburaamu, Mhi rọte edeli oyi iBejami lasela.*

² Ẹshinẹgba ọa kie ẹgbọ eyoli ni ọ rọte igbaekele ze. Waa lese abi Ebe-no-pfuase o ngme shi ashini Elaja ọ rọ sọ iromhi ri awọlọ gueye Ẹshinẹgba emini ẹgbọ iZireni ẹ riẹle?

³ Ni ọ rẹ, “Ẹshinẹgba, e she gbolo emekeguele eye-a, e guoghọ itete eye-a. Mhemhe-ghuo kpele mhi ke kpole, e gbolo ẹ nono ni e gbe mhe-a.”†

⁴ Se Ẹshinẹgba ọ sọ li? Eri ọọ Elaja, “Mhi kesẹ emose agbele ishilua le ni ẹa lama nyese ukhomhi na olitsa iBali.”‡

* 10:5 Li ze iLev 18.5 † 10:8 Li ze iDeut 30.12-14 ‡ 10:11 Li ze Aza 28.16 § 10:13 Li ze iJofe 2.32

* 10:15 Li ze Aza 52.7 † 10:16 Li ze Aza 53.1 ‡ 10:18 Li ze Iwolo 19.4 § 10:19 Li ze iDeut 32.21

* 10:20 Li ze Aza 65.1 † 10:21 Li ze Aza 65.2 * 11:1 Li ze iFili 3.5 † 11:3 Li ze 1 Ighie 19.10,14

‡ 11:4 Li ze 1 Ighie 19.18

⁵ Igho o kie li khi memena. Itobo khi egbo iZireni e la o ni e kiele e suo esọ na Eshinegba irari okhale oyoli ni o ro ze we.

⁶ Ini oni uzemhi o khi itobo okhale, ọa ke khi itobo ikanya. Ini o khi irari ikanya lo, okhale ọa ke khi egbegbi okhale.

⁷ Elo a ke me, Egbo iZireni ẹa me emini e nono. Ikuku egbo ni Eshinegba o ze, wewe e me emini e nono. Eni e kpole e le esọ shi ulumhi ni Eshinegba o lu we,

⁸ Abi Ebe-no-pfuase o ngme khi, “Eshinegba o re we lese-a ningolo.

Alo eyewe e zuse ni ẹa ze we me eke, ali esọ eyewe e zuse ni ẹa zewe ke ro o suo esọ, ramhi ogbe-namo.”§

⁹ IDefidi ọọ liẹ, “Eshinegba o ka ze ni akhe ni e nye, e mu okholi vule shi we o. Ni o rewe kholo awe, ni o nase we.

¹⁰ Alo eyewe e ka zuse ini e khi me eke. Ugugu oyewe o nyese abi ighumha, agboagbo.”*

Iguabo ni a toma ọara

¹¹ Mhi gbo mhila, eri e kholo awe ini e de, ni ẹa ke dobe ya vule? Iiye e! Ama itobo olamhe ni e lamhe lo. Imiepfuese o she bhale deba egbo iJeta, ini egbo iJu e ba ke kpe ofuma.

¹² Mena, ini o khia khi a khivose na egbo iJeta itobo khi egbo iJu ẹa lama mie imiepfuese ni Eshinegba o ro ghi we. Sa o ghue, abi ikhivose ni agbo nya e ya mholi o ke beshi ya fu ramhi, ini eni egbo iJu e lama mie oni imiepfuese ikpukhokho.

¹³ Mena, ẹẹ egbo iJeta mhi nu e ngme. Aborokhia khi eri Eshinegba o ze mhe mhi khi aghiusomhi na ke na ghie ghi egbo iJeta egho, eri akanya oyemhe o mu mhe egbe.

¹⁴ Eri mhia riẹle ona ini mhi ri egbo iJu eyemhe ke kpe ofuma, ishegho ni mhi dobe tsumhi eghuo elemhi we.

¹⁵ Ini ukiemhi ni a kie egbo iZireni o ri egbo na agbo enekpole nu Eshinegba ro riẹle, see o ke beshi ya li ti ramhi, ini eni iZireni e ke mie oni Eshinegba suo? Eri o ya li abine khi a rote eghuli guise ogbo le.

¹⁶ Ini a ri ukiekie ibuledi onodode mele oni o pfuase-a irari khi a roli ga Eshinegba, oni ibuledi nya oni o pfuase o ke khi. Ini imhili ọọra o pfuase oni ọọra nya o ya khi oni o pfuase.†

¹⁷ Ama eri ẹẹ egbo iJeta a li abi uguabo ọọra olivu onokpo ni a khi gbose shi idiegbe oyi egbegbi ọọra olivu ni a rote eke kuele vule. Eri ẹẹ a ke ya migha ashini iguabo eni a rote oni egbegbi ọọra olivu kanọ kua. Itobo ona, ikhivose ni e rote imhili oni ọọra olivu e lasele ẹẹ a ke ro li agbo.

¹⁸ Itobo igho, a khi ri eloe gbe eni iguabo ni a kanọ-a egho. Elo o re ẹ ya ke vuse ike? Iguabo tse a lese khi. Aa mu imhili mhue, imhili e mu e mhue.

¹⁹ A dobe ya me khi a sa khi eri a kanọ eni iguabo egho kua ni a ba me asha to-ẹoli we.

²⁰ Igesikia onana o khi. Eri a kanọ we-a irari khi ẹa mholi irudunga. Eẹ la ashini a la irari khi a mholi irudunga. Ama a khi ze ni a ke vuse ike shi ona, ochoghọ a ze ni ulishi o ke mu e.

²¹ Irari khi ini Eshinegba o kholo egbo iJu ni e khi egbegbi iguabo kua, o mema ya li dobe kholo e kua.

²² Ama a sa abi isomhelemhi ali izese-inmge-a oyi Eshinegba o li. Oo zese ingme-a deba eni e de o le, ama o somhi elemhi e, a kha da la angeli isomhelemhi ne, o ti elemhi e ini a da suo esọ na li. Ini ọa khi igho eri o ya khi e kua.

²³ Ini eni egbo iJu e lase umha miesuo oyewe le, a ya gbo gbose we shi egbegbi oni ọọra olivu. Eshinegba

§ 11:8 Li ze iDeut 29.4; Aza 29.10 * 11:10 Li ze Iwolo 69.22-23 † 11:16 Emini a ri onana ngme khi: Ini Aburaamu ali Aziki ali iGiekọpu ni e khi itititawa e da khi eni e pfuase, eni e pfuase awa imimi we e li khi.

o doḅe ya gbo gbōṣe wẹ shi ashini e kpe la.

²⁴ Eri eḅe ẹgbọ iḅeta a li abi uguabo oḅra olivu onokpo na ifuegua. Ini Ẹshinẹgba o lina riẹḅe emini aa ya riẹḅe, ni o ro gbōṣe e shi egbegbi oḅra olivu. Ona o li abi ẹgbọ iJu. A leṣe khi oni Ẹshinẹgba o ya gbo doḅe gbōṣe oni uguabo oyi egbegbi olivu ni a kanḅo kwa, shi oni olivu ni a kpe te kanḅo wẹ kwa.

A ya mie ẹgbọ iZireni pfuese ikpukhokho agbo

²⁵ Mhia nono ni a leṣe igesikia oyi osheli ni o la akaghḅo inyoghuo. Ini a khi dabi khi a leṣe ingme. Oni osheli khi, umha suḅo esḅo oyi ẹgbọ iJu o a khi ona agboagbo. Ama oni umha-sueso oyewẹ o ya laḅo ramhi ni ẹgbọ iḅeta otuongme ni Ẹshinẹgba o nono ni e bhale deba li, e ro gba pfo.

²⁶ Ona o khi abi a li ya tsumhi ẹgbọ iZireni nya. Abi Ebe-no-pfuase o ngme, khi,
“Omiepfuase o ya roḅe iZayo bhale,

o ya khu ireloegbe Ẹshinẹgba idiegbe imimi iGiekḅo-pu-a.‡

²⁷ Onana khi ilama-kugbe ni mhi mḅoli na wẹ,
oni eḅeḅe ni mhi ro ya rue olamhe oyewẹ ode-a.”§

²⁸ Itobo khi ẹgbọ iJu e kie usomhi onete ona, e ro khi ebe Ẹshinẹgba, itobo onete oyewẹ ni aa khi iJu. Ama itobo ititita wẹ, e khi omole Ẹshinẹgba itobo khi o zẹ wẹ.

²⁹ Irari khi Ẹshinẹgba o a ya mu udu pfi shi isomhopfa ni o ro na oḅo ali uzemhi ni oḅo zẹ oḅo.

³⁰ Ezeze abi eḅe ẹgbọ iḅeta a kpe riẹḅe umha-sueso deba Ẹshinẹgba eḅeḅe ni o doṣe, a li mie ilelemhi oyi Ẹshinẹgba irari umha-sueso ni ẹgbọ iJu e riẹḅe.

³¹ Ezeze abi eḅe ni aa khi iJu a li mie ilelemhi itobo khi ẹgbọ iJu e khi ena umha-suḅesḅo memena, ighḅo wewẹ e ke ya li mie ilelemhi.

³² Irari khi eri Ẹshinẹgba o ri ẹgbọ nya khili ighumha umha-sueso ni o ba mḅoli ilelemhi na wẹ nya.

A kueghie Ẹshinẹgba

³³ Oghuo o doḅe ya mḅeṣe abi eḅue, ali eḅhali ali ileṣe oyi Ẹshinẹgba o limhi ramhi?

Oghuo o doḅe ya leṣe emini o la li udu ni o ya riẹḅe, ali ni o doḅe ya guanḅo ode eyḅoli?*

³⁴ “Oghuo o she leṣe udu oyi Onomhue?
Oghuo o doḅe ya ye ḅli ude?”†

³⁵ “Oghuo o ri ongmomhi na Ẹshinẹgba ghue,
ni o ya nyene egbe fali ḅli lue?”‡

³⁶ Irari khi loḅi o ma emhi nya, obḅo oyḅoli e te la agbo.
E la o gbo na li.

Loḅi a ri ufumhi a na agboagbo. Atse§

12

Iluasobo ni o la agbo

¹ Itobo ighḅo, inyoghuo-mḅe, mhi ri itobo ilelemhi oniḅemhi ni Ẹshinẹgba o mhue na awa lema e, a ri idiegbe eye e na Ẹshinẹgba, abi iluasobo ni o kie la agbo, ni o pfuase, ni o ti Ẹshinẹgba eḅoe. Onana o khi egbegbi ugamhi na elemhi ayemḅe ni a doḅe ya ga.

² A khi zẹ ni ingeli eye e ali eyi ẹgbọ na agbo e li abeghuo. Ama a zẹ ni Ẹshinẹgba o mu udu eyeḅe pfi mele udu enegbo-a. Eḅeḅe aghḅo a ya doḅe leṣe abi oghuemḅe oyi Ẹshinẹgba o li, a leṣe emini o ti, ni o gba pfo ni o ri egbe e mu Ẹshinẹgba.

³ Itobo okhale ni Ẹshinẹgba o ro na mḅe, mhi ro gue ḅli e ye e nya, a khi ke ti egbe e nga doṣe ashini á fu ramhi. Ochoghḅo, a ke ri ukpeḅoe itiegbe-tiemhi ekẹ bino egbe e, ni o de shi abi irudunga ni Ẹshinẹgba o ro ne o fu ramhi.

⁴ Ezeze abi awa li zẹ idiegbe oghuo ni o mhue iguabo ododa ni e bu, ni e a ya gbe akanya oghuo,

‡ 11:26 Li zẹ Aza 59.20 § 11:27 Li zẹ iJere 31.33-34 * 11:33 Li zẹ Aza 55.8 † 11:34 Li zẹ Aza 40.13
‡ 11:35 Li zẹ iJobu 41.11 § 11:36 Li zẹ 1 iKḅri 8.6

⁵ Igho o li khi elemhi iKirisiti ni awa rote idiegbe oghuo lasese, ni uguabo ogbogbo ali enekpole nya e li kugbe iguabo enekpole.*

⁶ Isomhopfa ododa Eshinegba o ro na awa abi o ri ekpabo na awa ramhi. O kha khi isomhopfa imekeguele ogbo o mholi, o roli ke gbe akanya ni o de shi irudunga ni awa nya awa mholi.

⁷ Ini o khi oyi oni a ro o ga egboese, o ke ga. O kha ke khi oyi oni a ro o sese, o ke sese.

⁸ O kha khi oyi irudushi egbo o o khi ni o mie, o ke ri udu shi egbo o. Ini oni a ro o kpaghie egboese obo, ini e mholi emini o to we lo, o ke rue obo-a na egbo, abi o li pfo oli udu. Ini oni a la ralo ke mhese na egbo lo, o ri eloe shi omhese ke mhese, o kha khi oyi ilelemhi, o ri egbe mu oli ke ri ele.†

Inono

⁹ Rote ekelemhi udu oye ke ri ele inono. A kie emhi onobe, a mu eminete mhue egbegbo.

¹⁰ A nono ingme oyi egbe e egbegbo, abi ogbo ali inyoghuo. A mhue ekpe na egbo elese ke dose abi u li mu ekpe na egbe e.

¹¹ Khi li owaza akanya igbegbe, ama ri omuegbe elemhi ayemhe ke ga Onomhue.

¹² Ze ni irudushi ni u mhue o ri egbe ke mue. Mhue irabomudu ini u mhue osoli, ke lema eghenge kpa.

¹³ Ke kpaghie inyoghue ni e mhue otomhe obo. Ke mu egbo epfese.

¹⁴ Ke so iromhi ikhivose na egbo ni e mu okholi e vule shi e o. Ke khivose na egbo, khi ku itse na ogbo.‡

¹⁵ Nu egbo ni e mhue oghela ke ghela, u nu eni ee vie, ee vie.

¹⁶ A ri opfomhe nu egbe e ke la. Khi khi ogbo ni oo ti ike e nga, ama ke timama egbo ni ea pfue. Khi ri ele khi u ma lese dose. §

¹⁷ Khi ri onobe fali ota onobe. Kuegbe-a ke ri ele emini o ti egbo nya eloe.

¹⁸ Ini o ze ya ri ele, rosheka odekhode, ni u ro nu egbo nya la kugbe elemhi opfomhe, ini o khi obo oye o kpole shi.

¹⁹ Emolemhe, a khi mie abo okholi, ochogh o ze Eshinegba o mie abo okholi na e. Irari khi Ebe-no-pfuase o lie, "Mhemhe mhi mholi imieabo okholi, mhi ya fali we ota." Igho Eshinegba o ngme.*

²⁰ Ochogh o ke ri ele abi Ebe-no-pfuase o ngme khi, "Ini okiamhi oo gbe obe e, ri eminale na li le. Ini okiam o o gbe oli ri am e nali da. Irari khi ini u li na, eri u we ingamhi ere a nga li ukhomhi."†

²¹ Khi ze ni onobe o mu e le, ama ri onete mu onobe o le.

13

Iregbe-tiemhie na eni e la ukpekhomhi omhese

¹ Ogbo kpa o ke suo eso na eni e la ukpekhomhi omhese. Irari khi Eshinegba lolighuo tse o dobe ze e ogbo shi ukpekhomhi omhese. Eshinegba o ri eni e la ukpekhomhi omhese nya leghie.

² Irarigho, ogbo ni o da mu okholi vule e shi eni ee mhese o ne, eri e mu okholi e vule shi emini Eshinegba o ro migha. Eni e da ligho ne, ipfezomu e nono e ghi egbewe.

³ Irari khi eni ea gue ngeli a ze enighie e ke nase, oa khi eni e gue ngeli. Irarigho oni oo ri ele okholo o na ulishi ena omhese. Waa nono ni u pfue ulishi oyi egbo ni e la ukpekhomhi? Ke ri ele emini o gbe akanya. Ini u li gh o, e ya kueghie.

⁴ Irari khi eni e la ukpekhomhi omhese, Eshinegba o ze we ni e ke kpaghie e obo. Ama u kha ri ele emini oa gbe akanya, ke na ulishi oyewe, irari khi e mhue itoto ni e ro ya nase. Eni ee ga eyi Eshinegba e khi, ni ee nase eni ea ya suo eso, ni o ro khase khi elemhi ee bi Eshinegba shi o.

* 12:5 Li ze 1 iKori 12.12 † 12:8 Li ze 1 iKori 12.4-11 ‡ 12:14 Li ze iMat 5.44; iLuk 6.28 § 12:16 Li ze Ekpi 3.7 * 12:19 Li ze iDeut 32.35 † 12:20 Li ze Ekpi 25.21-22

⁵ Irarigho, zẹ ni u ke nyẹsẹ ukhomhi na eni e la ukpẹkhomhi omhẹsẹ, itobo khi emini o ti lo ni u ke riẹlẹ, aa khi itobo elemhi ibibi oyi Eshinẹgba tse.

⁶ Onana o li zẹ khi u mema ya zẹ oga, irari khi eni e la ukpẹkhomhi omhẹsẹ eni ẹẹ ga eyi Eshinẹgba e khi, ni e ri ẹghẹghẹ oyewẹ nya na akanya omhẹsẹ.

⁷ Fali ogbokpa ota ni u lo ọli. Ini u lo ota oga, zẹ ọli, okekhi ozẹla, zẹ ọli, ri ekpẹ ke na ẹgbọ, u nyẹsẹ ukhomhi na wẹ.*

A ke riẹlẹ inono irari oni ogbẹlẹ o she ti ramhi ana

⁸ Khi lo ogbọ ota emhikhoghwo, se ni ota inono ingme oyi ọnuzava oyẹ tse! Irari khi ogbọ ni ọ da nono ingme oyi ọnuzava oyọli ne, ọ she ri ushi gbe akanya.

⁹ Ishi ni ẹẹ, “Khi kia okia,” “Khi gbe ugbeli,” “Khi do ughiatọ,” “Khi zẹ ni emhi ogbọ o to ẹ egbe,” Ali elese ni e kpole nya, ushi oghuo o zẹ wewẹ nya ukhomhi, ni ọọ, “Nono ingme oyi ọnuzava oyẹ abi u li nono ingme oyi egbe ẹ.”†

¹⁰ Ọni ọ da nono ingme oyi ọnuzava oyọli ne, ọa tigbe ya li ọ li onobe. Irarigho, inono o khi irushi gbe akanya.

¹¹ Ke riẹlẹ ona, leşẹ ẹghẹghẹ ni a la memena. Ẹghẹghẹ o she ramhi ni u ro ya rote oleşẹ guale. Irari khi ẹghẹghẹ imiepfuese oyawa ni o kpe ukhokho o she ti bhale doşẹ ẹghẹghẹ ni awa rote odode miesuo.

¹² Ẹlẹ iyosẹ ọ she ẹ doşẹ, ogbe o she ẹ gbe-a. Awa khi ke ngeli abi ẹgbọ ni e la alo ebili, awa mema mu egbe ni awa ro ya la elemhi ákpá.

¹³ Awa guẹ ke ngeli abi ẹgbọ ni e la ákpá. Awa khi nu wẹ ye ukue ebe ni e la riẹlẹ efiala, ali idonyo guoghọ-a. Awa khi kia okia ke mu ighuẹ ebe. Awa khi la agbọ okhọli wẹkhi agbọ iviẹ shi emhi ogbọ.

¹⁴ Ochoghọ awa ri iJesu iKirisiti Ọnọmhuẹ sọ abi awulu. Khi ke sa

abi u li ya riẹlẹ oghuẹmhe eyi idiegbe olamhe.

14

A khi ke ri unu zẹ ẹgbọsẹ ifue

¹ A mie ogbọ ni irudunga oyọli ọa lolo toto. Khi nu ọli ke khakọ shi emini ọ mieshi ni o khi ọda shi oyẹ.

² Irari khi ẹgbọ eghuo e miesuo khi o ti ni a ke le emhikpa. Ama ogbọsẹ ni irudunga oyọli ọa lolo toto, ọ leşẹ le ebe tse.

³ Ogbọ ni ọ le emhikpa, ọ khi ri ẹloe gbe ọni ọa ya le, ogbọ ni ọa ya le emhikpa, ọ khi gue oni ọ le emhikpa ẹzo. Irari khi Eshinẹgba ọ ga mie wẹ.

⁴ Oghuo u khi ni wa ke gue aghiusomhi oyi ogbọsẹ ẹzo? Oga oyọli tse ọ dobe ẹ liẹ khi ọ guẹli, ali khi ọa guẹli. O ya migha, irari khi Ọnọmhuẹ ọ dobe ya roli migha.

⁵ Eri ẹgbọ eghuo e dabi khi ogbẹlẹ oghuo o mu ẹloe doşẹ olese. Ogbọ ọlese ọọ khi abeghuo ogbẹlẹ nya e li. Ogbogbọ ọ ri udu oyọli shi asha ni ọ migha shi.

⁶ Ọni ọ bino khi ogbẹlẹ okhoghwo o la ọ ni o mu ẹloe ne, eri ọ roli ri ufumhi na Ọnọmhuẹ. Ogbọ ni ọ le eminale, o le ọli ri ufumhi na Ọnọmhuẹ, irari khi Eshinẹgba ọ kphẹmhi na, ọni ọa le, Ọnọmhuẹ ọ roli mu ekpẹ na, ọ kphẹmhi na Eshinẹgba.*

⁷ Aa mẹ ọngẹ-awa ni ọ la agbọ na egbọli tse, wẹ khi eri a mẹ ọngẹ-awa ni ọọ ghu-a na egbọli tse.

⁸ Ini awa la agbọ, Ọnọmhuẹ awa la ọ agbọ na. Ini awa ghu-a, Ọnọmhuẹ awa ghu-a na. Awa la agbọ o, awa ghu-a o, oyi Ọnọmhuẹ awa khi.

⁹ Onana o zẹ khi iKirisiti ọ ghu-a, ọ guale ni ọ ro khi Ọnọmhuẹ oyi ẹgbọ ni e ghu-a ali ẹgbọ ne la agbọ.

¹⁰ Yeyẹ o yẹ, elọ o zẹ ni u ro a gue inyoghwo ẹ ẹzo mena? Yeyẹ o yẹ, elọ o zẹ ni u ro ri ẹloe ẹ gbe inyoghwo. Awa nya awa ya migha odalo oyi Eshinẹgba ni ọ gue awa ẹzo.†

* 13:7 Li zẹ iMat 22.21; iMak 12.17; iLuk 20.25 † 13:9 Li zẹ Okiali 20.13-15,17; iDeut 5.17-19,21; iLev 19.18 * 14:6 Li zẹ iKolo 2.16 † 14:10 Li zẹ 2 iKori 5.10

11 Irari Ẹshinẹgba ọ lina ngme ọli shi Ebe-no-pfuase khi,

“ ‘Aborokhia khi mhi la ọ egho,’
Onomhue ọ lina ngme,
‘Ogbokpa ọ ya wugha mhe odalo,
Ogbokpa ọ ya guele khi
mhemhe mhi khi Ẹshinẹgba.’ ”‡

12 Itobo igho, ogbokpa ọ ya gue khase Ẹshinẹgba abi ọ li gbe.

A khi yese egbe e de

13 Itobo igho, lase iguegbe-ezo le. Ochogho, mholi ọli shi udu oye khi u waa ya kpe emhi wekhi ozuode shi eke ni inyoghuo e ọ kholo awe shi.

14 Ikugbe ni mhemhe ali iJesu anye kugbe, o rokhase mhe khi emhi khoghuo ọ la ọ ni ọa pfuase. Ama ini ogo ọ mholi ọli shi udu khi emhi ọa pfuase, loli oni emhi ogho ọa pfuase shi ọ.

15 Ini u yese inyoghuo udu-a, irari eminale ni u le, inono ọa ke la oni angeli. Khi ze ni eminale nu le, o ri inyoghuo e ni iJesu ọ ghu-a na de.

16 Khi ze afa ni u mholi ro ọ le emhikpa, ni u roli ri omama ghi iKirisiti.

17 Irari khi Eghiele oyi Ẹshinẹgba ọa khi ingme eminale ali onyo idada, ama oyi ipfuase, ali opfomhe ali oghelẹ na Ayemhe-no-pfuase.

18 Ogo ni ọ da lina ga iKirisiti, ọ ma ti Ẹshinẹgba eloe, ego e mu ekpe na li.

19 Itobo igho, ke riele emini e ri opfomhe e bhale, ni e gbo ya kpaghie ogbokpa ro mholi imiesuo ni o toto.

20 Khi ri itobo eminale pfueche emini Ẹshinẹgba ọ riele-a. A dobe ya le emhikpa, ama ọa ti ni a ro bhale ya e khi emini u wa le, o ze ni ogo olese ọ de pfilo olamhe.

21 O tine ini u waa bie le emhikhoghuo wekhi eri u da onyo, wekhi eri u riele emhikhoghuo ni o ya ze inyoghue de.

22 Irarigho, emini u mieshi ingme enana nya roli shi iteva oye ali Ẹshinẹgba. Oghelẹ o khi ni ogo ni ọa

pfuase mu egboli shi emini ọ riele ni ọ mie shi khi o gbe akanya.

23 Ama ini ogo ni ọ mhue akhokhomhe ọ da kie le, a she pfa ezo mu ọli. Irari khi ulemhi ni ọ le ọa khi rote irudunga. Emini ọa da rote irudunga bhale ne, olamhe o khi.

15

1 Awa ni awa toto shi irudunga, awa kha ke ri egbe mie na eni ọa toto irudunga. Awa khi ke lese riele egbe awa ti tsee.

2 Ochogho, ogo ọ ke riele inyoghuo ọli emini o ti ọli egbe, ni o ro kpaghie irudunga oyoli, ni o vule.

3 Irari khi iKirisiti ọa riele egboli tsee ti. Ochogho, abi Ebe-no-pfuase o ngme ni ọo, “Ẹshinẹgba, itsuemhi ni ego e tsue e, o de nga mhe egbe.”*

4 Emini a keke shi Ebe-no-pfuase nya, eri a keke ọli ni a ro sese awa ingme, ni a bhale ya e khi iregbemie ali irudusho ni Ebe-no-pfuase o ro na awa, o ri awa mholi irudushi.

5 Ẹshinẹgba ni ọ khi oni ọ ri iregbemie, ali irudusho ọ na ogo, ọ ka re e mhue usamhi oghuo abi a lie deba ete-awe eyi iJesu iKirisiti.

6 Ni ee nya a ri udu oghuo ali uruli oghuo kuẹghie Ẹshinẹgba ni ọ khi ita iJesu iKirisiti Onomhue oyawa.

7 Awa ke lama ingme egbe abi iKirisiti ọ li lama ingme oyawa, ni o ri ikuẹghie bhale ghi Ẹshinẹgba.

8 Itobo khi mhi gueye e khi iKirisiti ọ she bhale abi oni ọo ga ogo na ego iJu, ni o rokhase khi Ẹshinẹgba igesikia ọ khi, ni o ro mu ma ishobo ni ọ shi na itita awa,

9 ni iJeta e kuẹghie Ẹshinẹgba shi ilelemhi oyoli. Abi a li keke ọli khi, “Irarigho, mhi ya kuẹghie e iteva ego iJeta.

Mhi ya to uwolo
kuẹghie eva oye.”†

10 O gbolọ e,

“Ee iJeta, ni a kuma
ego eyoli ke ghele.”‡

11 O gbolọ e,

‡ 14:11 Li ze Aza 45.23 * 15:3 Li ze Iwolo 69.9

† 15:9 Li ze 2 iSam 22.50; Iwolo 18.49 ‡ 15:10 Li ze iDeut 32.43

“A kuęghię Ɛshinęgba
 ęę ęgbọ iJęta,
 a to uwolo kuęghię ọli
 ęgbọ nya.”§

12 Azaya ọ gbolo lię,
 “Omiami iJese ọ ya fu vule,
 oni ọ ya vule mhęę na ę iJęta,
 ęgbọ iJęta e ya ri udu nga li.”*

13 Ɛshinęgba ni a rọte obọ oyọli
 ę mhue irudushi, ọ ri oghęle ali
 opfomhę nę rọte iregbenga ni a mhue
 nali, ni a rọ bhale ya ę khi irudushi
 oyęę ọ fu shọ rọte ekpabọ oyi Ayemhę-
 nọ-pfuasę.

*IPọlu oni a zę ọ khi oni ọ gbe akanya
 na ęgbọ iJęta*

14 Inyoghuo-mhę, mhęmhę oyemhę
 mhi mhue imieshiọ khi onete o vọ ę
 egbe, khi ilęę o gba na ę ni a rọ dobę
 ya ke sęę egbe ę.

15 Mhi she kpę gue ingme eghuo yę
 ę gboo elemhi ebe ona ni mhi gbolo ę
 yele ę le ena. Itobọ afu ni Ɛshinęgba ọ
 rọ na mhę,

16 ni mhi rọ khi aghiusomhi na
 keę oyi iJesu iKirisiti na ęgbọ iJęta.
 Eri mhia gbe akanya ọkpodalo-ugamhi
 oyi Ɛshinęgba, ni a rọ tsabọ usomhi
 onete oyi Ɛshinęgba, ni a rọ bhale ya
 ę khi ęgbọ iJęta e li khi iluasobo, ni
 Ɛshinęgba ọ mie, eni Ayemhę-nọ-pfuasę
 ọ khuęę-a pfuasę.

17 Rọte iJesu iKirisiti mhi te ę mhọli
 egbe-imumhę shi ugamhi ni mhia ga
 Ɛshinęgba.

18 Mhi aa ya gbudu ngme
 emhikhoghuo, sęę ni emini iKirisiti
 ọ rọte obọ oyemhę rięle rọ ri ęgbọ iJęta
 suọ esọ na Ɛshinęgba, rọte ungmehi
 ali ikanya oyemhę,

19 rọte ekpabọ eyi ọlele ali ọnyalao,
 ali rọte ekpabọ oyi Ayemhę-nọ-pfuasę.
 Ighọ mhi rọte iJerusalemu ngme ung-
 memhi usomhi onete oyi iKirisiti ya
 ramhi iLirikumu.

20 O ma kie kpę khi emini o la
 mhę udu ni mhi rọ ngme ungmehi
 usomhi onete ye ęgbọ ni ęa kie suọ

ungmemhi oyi iKirisiti ne, ini mhi khi
 ya tọ nga irogbekę ni ọgboęse ọ rọ gbe.

21 Abi Ebe-no-pfuasę o ngme ọ khi,
 “Ęgbọ ni aa kpę
 gue ingme oyọli yę ne,
 e ya mę, ali khi eni ęa kpę suọ,
 o ya ye wę.”†

*Ugbamhi ni iPọlu ọ gba, khi lọli ya
 ye iRomu*

22 Akanya oyemhę ona o zu mhę
 ode, ni mhi aa rọ mę asha bhale deba
 ę.‡

23 Aborokhia khi mhi aa ke mhue
 ikanya ni e kpọ mhę le shi ikpe ena,
 ali ni o rọ gbo khia khi ikpe ebubu na
 ni mhi te ę nono ni mhi bhale ya mę
 eghọ,

24 o la mhę udu khi mhi ya rọte
 olięę ę ini mhia lę iSipeni. Mhi sa
 khi a dobę ya ri ikpaghiobọ na mhę
 ni mhi rọ ti okiali oyemhę je odalo, ini
 awa ri egbe mu egbe ukuku ęghęghę
 se.

25 Mena, mhia je iJerusalemu ni mhi
 ya kpaghię ęgbọ eyi Ɛshinęgba obọ.

26 Irari khi o ghọle eni miesuọ ni e
 la eke iMasidonia ali Akhaya ni e ri
 ikpaghiobọ na ęgbọ eyi Ɛshinęgba ni e
 la iJerusalemu.§

27 Egbe ę mu wę khi węwę e lighọ
 rięle ọli, e rue ọli shi khi ota węwę e
 lo wę. Irari khi ini ęgbọ iJęta e kemhi
 ikhivọę ayemhę oyi ęgbọ iJu, eri o li
 abi ota ni ęgbọ iJęta e lo ęgbọ iJu.*

28 Ini mhi gbe akanya ona se ni mhi
 rọ mę ọli mę khi e she mie ikpaghọ
 ena se, mhi ya je iSipeni, mhi ya kọ
 feli ę ini mhia lę.

29 Mhi lęę ọli gboo khi ini mhi
 bhale, ikhivọę oyi iKirisiti ni o vọ
 tsululu mhi rọ ya bhale.

30 Mhi ri iJesu iKirisiti Onomhę
 oyawa ali inono ni Ayemhę o rọ na awa
 lema ę inyoghuo, a nu mhę sọ iromhi
 ali a gbo sọ iromhi na mhę.

31 Sọ iromhi Ɛshinęgba ọ tsumhi
 mhę obọ oyi ęgbọ ni ęa miesuọ na eke
 iJudia ali ni ęgbọ Ɛshinęgba ni e la ęoli

§ 15:11 Li zę Iwolo 117.1 * 15:12 Li zę Aza 11.10 † 15:21 Li zę Aza 52.15 ‡ 15:22 Li zę iRom 1.13

§ 15:26 Li zę 1 iKọri 16.1-4 * 15:27 Li zę 1 iKọri 9.11

iJerusalemu ni e mie eni ikpaghọ ni mhi rọọ ghi wẹ.

³² Ni a rọ bhale ya ẹ khi rọte oghuẹmhe oyi Eshinegba, mhi dobe ri udu oghẹle bhale deba ẹ ali ni awa ri udu shi egbe o.

³³ Eshinegba oyi opfomhe o ka nu ẹe nya la, Atse.

16

Otse ni iPolu lolighuo o tse egbo ke

¹ Mhi gue ingme onete oyi iFobi ye ẹ, ikhi inyoghuo awa ni okpotso, ni o khi oni o ralo shi eni e miesuo ni e la ẹoli iKenkhiria.

² A ri eva oyi Onomhue kpe abo mie oli, abi egbo eyi Eshinegba e ye ni e li. A ri ikpaghie obo onini o da ya nono obo oye ẹ na li. Irari khi anamelo oyemhe ali ebubu egboese o khi.

³ Mhia tse iPisilia ali Akuila ni e kpaghie mhe obo shi akanya oyi iJesu iKirisiti.*

⁴ E ri agbo oyewe shi okhena irari oyemhe. Oa khi weweghuo tse mhia tse uwegbe, ama li shi igbaa nya eyi eni e mie iKirisiti suo enayi egbo iJeta.

⁵ Mhi gbo li tse igbaa oyi eni e mie iJesu iKirisiti suo ni o la owa oyewe.

Mhia tse egbegbi omolemhe Epanetus ni o khi ogbo onodode ni o mie iKirisiti suo ukiẹkie eke Esha.

⁶ Mhi tse iMeli ni o toto obo a gbe akanya na ẹ.

⁷ Mhi tse Adironikusi ali iJunayasi, egbo iJu nabi mhemhe ni anye ga la owa ighumha. Eni a mu ekpe na e khi elemhi idiegbe oyi ighiusomhi na kee. Ama e kpe miesuo khe mhe.

⁸ Mhia tse Amipiliatusi, egbegbi omolemhe, ni mhi mhue inono na elemhi Onomhue.

⁹ Mhia tse Urubane, ni o kpaghie anye obo akanya oyi iKirisiti.

Mhi gbo tse iSitachisi, egbegbi omolemhe.

¹⁰ Mhia tse Apelesi, ni a me gboo khi igesikia o ro deba iKirisiti.

Mhi tse ena omhue-apfe oyi Arisitolulusi.

¹¹ Mhi tse Erodioni ni o khi inyoghuo-mhe.

Tse eni e miesuo na omhue-apfe oyi iNakisusi.

¹² Mhia tse iTirifeana ali iTirifosa eni ikpotso egho ni e gbe akanya oyi Onomhue egbegbo.

Mhi li tse egbegbi omolemhe iPesisi oni okpotso ni o gbe ukpokpomhi akanya na Onomhue.

¹³ Mhia tse iRufosi, ogbakanya ni a ze oyi Onomhue, ali inyoli ni o li abi inyoshi mhe o.†

¹⁴ Mhi tse Asikiritusi, ali iFilegani, ali Amesisi ali iPatirobasi ali Amasi ali eni e miesuo ni e ga la.

¹⁵ Mhia tse iFilologusi ali iJulia ali iNirusi ali inyoghuo oli ni okpotso ali Olimpasi ali egbo Eshinegba nya ni e nu we la.

¹⁶ A tse egbe ẹ otse onete, a ghele mu egbe abi inyoghuo.

Igbaa nya eyi eni e mie iKirisiti suo, ẹ tse ẹ.

¹⁷ Mhi lema ẹ, inyoghuo, a ke to okpe egbo ni ẹ pfi okemhi ali ni e ri egbo de irudunga ni e mhue-a, eni osese oyewe oa de shi osese ni a sese awa. A nuata shi we o.

¹⁸ Irari khi egbo ni ẹ riẹle emhi eghoghọ ẹa ya ga iKirisiti Onomhue oyawa, ama elemhi oyewe ẹ ga. Rote eta-olelemhunu ni ẹ ngme, e ro o di us-amhi udu oyi egbo eghuo ni ẹa mhue ilese.

¹⁹ Ogbokpa o she suo abi a li ri ungmemhi oyi Eshinegba a gbe akanya. Itobo ona mhi ro ghele shi ingme oyee. Ama mhia nono ni a fialo-a shi emini o khi onete, ama a khi fialo-a shi emhi onobe.

²⁰ Eshinegba oyi opfomhe o ya kele guoghọ okphaghie-a shi ẹ ekowe. Okhale oyi iJesu iKirisiti Onomhue oyawa o ke deba ẹ nya.

²¹ ITimoti ni anye ga a gbe akanya, oo tse ẹ. Igho khi iLushosi ali iJasi ali iSosipata, ni anye ga khi iJu.‡

²² Mhemhe iTetiusi ni mhi ri ugba ma a keke ebe ona na iPolu, mhi tse ẹ, abi oni o miesuo.

* 16:3 Li ze Ika 18.2 † 16:13 Li ze iMak 15.21 ‡ 16:21 Li ze Ika 16.1

²³ IGayusi ni ọ ri owa oyọli na mhe kushi, ni ọ gbo ri ukpeloe ẹ khu mhe, ni ọ lama eni e miesuọ e ke legba owa oyọli, ọọ tse ẹ.

Erasitọsi, ni ọ ri ikpagho ọ shi na ẹoli oyewe ali inyoghwo anye ikhi iKaritusi, ẹẹ tse ẹ. §

²⁴ [Okhale oyi iJesu iKirisiti Onomhue oyawa o ka nu ẹ la, Atse.]

²⁵ Ufumhi khi oyi Eshinẹgba! Lọli ọ dobe re migha shi irudunga oye ẹ abi o li de shi oni usomhi onete oyi iJesu iKirisiti ni mhi ro ọ tse abo, ali ni o de shi irokhase oyi osheli ni a ro sheli agboagbo elemhi ikpe ebubu ni e dose.

²⁶ Ama mena, a she ri oni igesikia khase, rote akẹke shi eke enayi emekẹguele, abi Eshinẹgba ni ọ la ọ agboagbo ọ mhese ọli a li roli khase ishishi nya, ini e ba miesuọ ni e suọ eso na lue.

²⁷ Eshinẹgba ọna ilese, a ri ufumhi na agboagbo, rote obo oyi iJesu iKirisiti! Atse.

Ebe onodode ni iPolu o keke ghi egbo iKoritia Eni e miesuo

Otse oyi iPolu

¹ Mhemhe iPolu, aghiusomhi na kee oyi iJesu iKirisiti ni Eshinegba o ze abi o ghole oli shi mhi khi, li shi inyoghuo awa iSositenis.

² Mhemhe mhi keke ebe ona a ghi igbaa oyi eni e mie iJesu iKirisiti suo onayi Eshinegba ni e la iKoriti, ikhi eni Eshinegba o lu e khi egbo eyoli. Eri o re e khi egbo ni e pfuase rote obo oyi iJesu iKirisiti, abi o li egbo ni e miesuo ashakhasha.*

³ Eshinegba ita awa ali iJesu iKirisiti Onomhue oyawa e ka li okhale na e, e ri opfomhe na e.

IPolu o ri ikphemhi na Eshinegba

⁴ Egheghe kpa mhi ro kphemhi e na Eshinegba oyemhe irari okhale ni o ri ele na e rote obo oyi iJesu iKirisiti.

⁵ O she re mholi epfue odekhode elemhi iguengme ungmehi ali ilese nya.

⁶ Oni usomhi oyi iKirisiti o she lo e egbe shito egbegbo.

⁷ Irarigho, isomhopfa ayemhe okhoghuo o a ke to e abi a li migha khe ibhale oyi iJesu iKirisiti Onomhue oyawa ni a la roli ya khasa.

⁸ O ya mu e mhue gbaa ya ramhi ukpese, ni a khi eni ea mhue umhaguakia, a khi ogbele ni iJesu iKirisiti Onomhue oyawa o ya bhale.

⁹ Eshinegba ni o lu e ni a nu omi oli iJesu iKirisiti Onomhue oyawa mhue ugamhi kugbe, oni a ri egbe e nga o khi.

Okemhi ni o la eni e miesuo iteva

¹⁰ Inyoghuo-mhe mhi ri eva oyi iJesu iKirisiti Onomhue oyawa lema e, ee nya a ke yemhe na egbe ini okemhi o

khi lo e le, ali ni a mholi udu oghuo ali usamhi oghuo.

¹¹ Egbo eghuo na omhue-apfe oyi iKiloe e gueye mhe khi iwola e la e iteva.

¹² Emini mhi ri onana ngme khi, ogbogbo oo ngme unu ododa, oghuo o khe, "IPolu mhia deba," olese oo, "Apolosi mhia deba," olese oo, "IPita mhia deba," olese oo, "iKirisiti mhia deba."†

¹³ Eri a kemhi iKirisiti? IPolu a gbea shi ora apfida na e? Abi khi eva oyi iPolu a ro batazi e? Eniye odukhokho eyi iPolu a khi?

¹⁴ Mhi kphemhi na Eshinegba khi mhi aa batazi onge e, se ni iKirisipusi ali iGayusi.‡

¹⁵ Irarigho, onge e o a ya lie khi mhi ri eva oyemhe batazi lue.

¹⁶ Mhi lese khi mhi batazi apfe iSitefanasi, mhi aa ke sato ini mhi li batazi ogboese.§

¹⁷ Irari khi iKirisiti o a ghie mhe mhi ke batazi egbo, ama mhi ke kia gue ungmehi oyoli le ni o a rote ilese oyi ogbo bhale. Ini eghuli ni iKirisiti o ghu shi apfida o khi mele afue-a.

iKirisiti ni o khi ilese ali ekpabo

¹⁸ Irari khi eri ungmehi oyi apfida o khi afue shi eso oyi egbo ni ee pfua o, ama awa ni a mie e pfuese, ekpabo oyi Eshinegba o khi na awa.

¹⁹ Irari khi Ebe-no-pfuase oo li, "Mhi ya pfueche egbhali oyi eni e mholi egbhali-a, mhi bi ileasingme oyi eni e ri ele khi wewe e gue ebe ma."*

²⁰ Mena, ashi ona ileasingme o migha? Ashi oguebe o la? Ashi eni e gue khako ena agbo namo e migha? O a khi eri Eshinegba o ri egbhali ni e la agbo ona mele ooyeghe-a?†

²¹ Eri Eshinegba o ri ileasingme oyi lolighuo ze khi egbo e a rote ilese oyewe lese oli. Ochoghoo, eri o ghole Eshinegba ni o rote itsabo oyi usomhi ni egbo ee khi oyeghe lo, tsumhi eni e mie oni usomhi suo.

* 1:2 Li ze Ika 18.1 † 1:12 Li ze Ika 18.24 ‡ 1:14 Li ze Ika 18.8; 19.29; iRom 16.23 § 1:16 Li ze 1 iKori 16.15 * 1:19 Li ze Aza 29.14 † 1:20 Li ze iJobu 12.17; Aza 19.12; 33.18; 44.25

22 Egbọ iJu, irọkhasẹ eyi ọnyaloa e migha khe, egbo iGiriki eẹ nono ilęsingme,

23 ama eri anye ri iKirisiti ni a gbe-a tama apfida tse abo usomhi ona, o ri elemhi a bi egbo iJu, o khi oyeghe shi esọ oyi egbo iJeta,

24 ama egbo ni Eshinegba o lu, ghe iJu ali iGiriki e me oni usomhi oyi iKirisiti shi khi ekpabo ali ilęse oyi Eshinegba o khi.

25 Irari khi emini o li abi umhalese oyi Eshinegba, o mhue ilęse dose egbhali oyi ogbo, emini o li abi olosemhe oyi Eshinegba o mhue itoto dose ekpabo oyi ogbo.

26 Inyoghuo, a sato emini a kpe khi neni Eshinegba o lu e. Egbo ena agbo ona ea bino shi eni e mhọli ugbhe, ali khi ọa khi ebubu e e fialo-a, ọa khi ebubu e e khi ekhemhue.

27 Eri Eshinegba o ze emini egbo e bino shi emhi eyeghe elemhi agbo ona ke, o rewe ri omama mu elęsingme. O ze emini eẹ mhue ochi elemhi agbo ona ro khi eni e mhue ekpabo unu-a.

28 Eshinegba o ze emini ea mu eloe na agbo ona ali emini egbo e ri eloe gbe, ni e ro shi afue. O rewe ri emini egbo ea bino khi e mu eloe mele afue-a,

29 ini ogbokhoghuo o khi dobe la odalo oyi Eshinegba tono obọ udu.

30 Irari khi loli o ku awa ali iJesu iKirisiti gbe. iKirisiti ni o khi ilęse ni o rote obọ oyi Eshinegba bhale. Emini a ri ona ngme khi, loli o khi ipfuase ali iropfuase ali ipfasheke oyawa.

31 Irari ona, Ebe-no-pfuase o ro lie, "Onini o da nono ni loli tono obọ udu, o ke ri emini Onomhue o rięle tono obọ udu."‡

2

1 Inyoghuo, abi mhi ro bhale olieye e ya tsabo osheli igesikia ni o la ungmemhi oyi Eshinegba, mhi aa lii ngme ingmemhi ena ghogighogi, wekhi eri mhi rokhasẹ khi mhii wena gba.

2 Irari khi abi mhi ro la iteva oyeę, eri mhi rue udu emhikpa-a, mhi ri udu lese shi ingme oyi iJesu iKirisiti ali eghuli ni o ghu shi apfida.

3 Onana o ze khi abi mhi ro te eke bhale, eri mhi li abi oni ọa mhue ochi, ulishi o remhe kpheheli.*

4 Abi mhi ro sese e, ni mhi ro tse abo ungmemhi gueye e, mhi aa ri ilęsedose ali eta-olelemhunu nu e ngme. Ama eri mhi ri ekpabo oyi Ayemhe oyi Eshinegba khasẹ.

5 Ini irudunga ni a mhue, o khi ya migha nga egbhali oyi ogbo, ama ekpabo oyi Eshinegba.

Ilęsingme oyi Eshinegba

6 Usomhi ni o khi oyi ilęsingme anye gueye egbo ni e womhe eloe shi emhi irudunga. Ama ọa khi ilęse oyi agbo namo wekhi oyi eni eẹ mhese shi agbo namo, eni e ya mele afue-a.

7 Ingme osheli ilęsingme oyi Eshinegba mhia ngme. Ilęsingme ni o ro sheli na egbo agboagbo ni o she kpe gba shi eke khi awa ya mhọli okemhi shi ufumhi oyoli.

8 Aa me oghie okhoghuo ighie ena agbo namo ni o lese oni ilęsingme ona. Ini o khia khi e lese lo, ea kha ta Onomhue ni o mhue ufumhi ma afida gbe-a.

9 Ama abi Ebe-no-pfuase o ngme ni o,

"Ukpeloe okhoghuo ọa me ne,
esọ okhoghuo ọa suọ ne,

wekhi eri ogbokhoghuo
o sa udu oyoli ramhi o ghue,
emini Eshinegba o rięle

shi eke e khe eni

e nono ingme oyoli."†

10 Ama Eshinegba o she roli khasẹ awa rote Ayemhe oyoli. Irari khi eri Ayemhe o guano emhikpa, ya ramhi osheli ni Eshinegba o gba.

11 Itobo khi Ayemhe ni o la ogbo egbe lueghuo o lese isamhi eyi oni ogbo. Igho ogbokhoghuo ọa lese isamhi eyi Eshinegba, seę ni Ayemhe oyi Eshinegba.

‡ 1:31 Li ze iJere 9.24 * 2:3 Li ze Ika 18.9 † 2:9 Li ze Aza 64.4

12 Awa aa mie ayemhẹ oyi agbo ona, ochoghọ ayemhẹ ni o rọte obọ Eshinẹgba bhale ni awa rọ lesẹ emhi nya ni Eshinẹgba ọ rọ na awa afue-afue, awa mie.

13 Anye ẹa ya ngme ingmemhi ni a rọte ẹgbhali oyi ọgbọ sẹsẹ, ama ingmemhi Ayemhẹ oyi Eshinẹgba o sẹsẹ anye, anye liẹ sẹsẹ ẹgbọ ni e la elemhi ayemhẹ, emini e khi emhi ayemhẹ, ni e khi ẹgbegbo.

14 Ọgbọ ni ọa da mhue oni ayemhẹ ne, ọa ya lesẹ emini a ri emhi na Ayemhẹ oyi Eshinẹgba ngme. Ọgbọ ọghoghọ, afue emhi ayemhẹ e khi shi ọli ẹloe, irari khi emini e khi ode ayemhẹ, ayemhẹ a te ẹ lesẹ wẹ.

15 Ọgbọ ni ọ da mhue oni ayemhẹ ne, ọ dobe ya lesẹ udi emhikpa, ama ẹgbọese ẹa dobe ya lesẹ abi oni ọgbọ ọna ọ la ọ shi.

16 Abi Ebe-no-pfuase o ngme, ni ọọ, “Ọghuo ọ lesẹ udu oyi Onomhue?”

Ni ọ dobe ya ye ọli ude?”

Ama khi, awa mhọli udu oyi iKirisiti.‡

3

Okemhi ni o la iteva igbaa oyi eni e mie iJesu iKirisiti suo na iKoriti

1 Inyoghuo, mhi aa nu ẹ ya ngme abi eni e mhue Ayemhẹ oyi Eshinẹgba, ama abi ẹgbọ ni ẹ ngeli abi ẹgbọ na agbo, ali emofẹ elemhi irudunga oyi iKirisiti.

2 Lọli mhi rọ ri amẹ inyeli na ẹ da ni ọa khi eminale ni e toto, irari khi aa mu egbe shi eminale ni e toto ne. Ramhi memena aa kie mu egbe ne.*

3 Ẹgbọ na agbo a kie khi. Emini o da zẹ khi a kiele ẹ kpe ofuma deba egbe ali khi a nu egbe ẹ ẹ wola, ogho o rọkhasẹ khi ẹgbọ agbo a kie khi? Ọa khi eri a kiele ẹ ngeli abi ẹgbọ na agbo?

4 Ini ọtuoghuo elemhi ẹ ọọ li, “IPọlu mhia deba”, ni ọlese ọ rọ ọ li, Apolosi mhia deba, ọa khi eri a ngeli abi ẹgbọ na agbo egho?†

5 Ini ẹẹ a bino ọli bie, ọghuo Apolosi ọ fẹ khi? Ọghuo iPọlu ọ khi. Eni ẹẹ ga eyi Eshinẹgba anye ga khi ni ẹẹ a rọte obọ oyanye miesuo. Eri ọgbogbo ọọ gbe akanya oyọli ni Onomhue ọ rọna li ọ gbe.

6 Mhemhẹ mhi ri ukpamhi kọ, Apolosi ọ ku amẹ shi ọ, ama Eshinẹgba ọ zẹ ni oni ukpamhi o rọ fu.‡

7 Oni ọ rọ kọ ali oni o ku amẹ shi ọ, ẹa mu ẹloe. Sẹ khi Eshinẹgba ni ọ ri emhi ẹ fu.

8 Ikhioda ọa laọ na oni ọ rọ kọ ali oni ọ ku amẹ shi ọ, Eshinẹgba ọ ya ri elele na ọgbogbo abi ọ li gbe.

9 Irari khi eri anye kugbe ẹ gbe ikanya na Eshinẹgba, ẹẹ a khi ishemhi oyọli.

Owa oyi Eshinẹgba a gbo khi.

10 Rọte afu ni Eshinẹgba ọ rọ na mhẹ, mhi rọ ri irogbekẹ gbe, abi ọga oyi itsona. Onana ẹgbọese ẹẹ ma a nga. Eri-tse ọgbogbo ọ lesẹ abi ọ li ma a nga ọ.

11 Irari khi ọgbokhoghuo ọa ke gbo dobe ya ri irogbekẹ olese gbe dose oni Eshinẹgba ọ she rọ gbe ni ọ khili iJesu iKirisiti.

12 Ini ọgbokhoghuo ọ tọ nga oni irogbekẹ ona, ni ọ rọ ri igolu tọ nga ọ, okekhi ẹlomho, okekhi ẹche ni ẹ ghale, okekhi ẹera, okekhi ẹfolo, okekhi ifulo ọ rọ tọ nga ọ.

13 A ya ri emini e la elemhi emini ọgbogbo ọ rọ tọ nga ọ khasẹ gboo, ọgbele iguezọ. Erali a rọ ya mhese emini ọ rọ tọ nga bino ni a lesẹ emini e la elemhi wẹ.

14 Ini emini ọ rọ tọ nga ọ, o pfue oni erali, a ya ri elele na li.

15 Ini e toa, opfu o gbe ọli, ama a ya tsumhi ọli. Eri-tse khi eri o ya li abi ọgbọ ni ọ na pfue ẹlemhi erali.

16 Ẹẹ a lesẹ khi owa ugamhi oyi Eshinẹgba a khi, ali khi Ayemhẹ oyi Eshinẹgba o la ẹ egbe?§

17 Ini ọgbokhoghuo ọ yese Owa ugamhi Oniemhi oyi Eshinẹgba-a, Eshinẹgba ọ ya yese oni ọgbọ-a. Irari khi eri Owa ugamhi oyi Eshinẹgba, o

‡ 2:16 Li zẹ Aza 40.13 * 3:2 Li zẹ Iburu 5.12-13 † 3:4 Li zẹ 1 iKori 1.12 ‡ 3:6 Li zẹ Ika 18.4-11,24-28

§ 3:16 Li zẹ 1 iKori 6.19; 2 iKori 6.16

pfuase, ali khi Owa Ugamhi oniemi oyoli e e a khi.

¹⁸ A khi ke di egbe e. Ini onge e o nono ni loli khi oni o mholi ilisingme shi eghenge ni a la ena, o ka khi oyeghe ni o me asha khi oni o khi olesingme egbegbo.

¹⁹ Irari khi emini egbo na agbo ee bino shi ilisingme, afue Eshinegba o bino oli shi. Abi ebe o ngme, ni oo, "Eri Eshinegba o ri ilisedose eyi eni e lie khi wewe e lesingme rieie we gbo mu."*

²⁰ Asha olese o gbo ngme oli shi ebe khi, "Eshinegba o lese khi isamhi ni oni o lie khi loli lese dose oo sa khi ea mu ame."†

²¹ Itobo igho, a khi ke ri ogbokhoghuo tono obo udu, irari khi emhikpa, eyi ee lo,

²² o khi ipolu o, okekhi Apolosi o, okekhi iSefasi ni a gbolo a lu iPita o, okekhi agbo ali eghuli o, okekhi agbo onana ali ogbenako o, ee a ga mhuwe we nya.

²³ Ee oyee eyi iKirisiti a khi, oni iKirisiti o khi oyi Eshinegba.

4

Ighiusomhi na ke eyi iKirisiti

¹ A ke sato anye egbe abi eni ee gbe akanya na iKirisiti ni a ri osheli oyi Eshinegba nga obo.

² A ze ni a bhale ya e khi oni a ri emhi nga obo, o ri igesikia deba li.

³ Egboli oyemhe o la lo ini u gue mhe ezoo, o ke khi ikotu na agbo e gue mhe ezoo. Mhemhe mhi aa fe gue egbemhe ezoo.

⁴ Emhikhoghuo o a nase mhe udu ni o gue mhe ezoo, ama ogho o a lie khi abo eyemhe e ma pfuase gba. Onomhuwe oo gue mhe ezoo.

⁵ Irarigho, a khi gue ogbokhoghuo ezoo ne neni eghenge iguezo o ramhi. Migha ni Onomhuwe o bhale ne. O ya rue emini a ro sheli alo ebili lasale ali emini e la ogbogbo udu, eghenge agho Eshinegba o ya kueghie ogbogbo abi o ti shi.

⁶ Emole, mhi she ri Apolosi ali egbe-mhe rieie irokhokho khasa e ni a ro lese abi ungmehi onana o ngme ni oo li, "A deba oni omhese ni o gbe akanya." Aa khi ke lie khi oghuo e, o ti dose olese.

⁷ Elo o la e egbe ni o ghoro ee mu eloe? Elo a mholi ni o a khi eri a roli na e? Ini o khia khi eri a roli na e, elo o ze ni a ro tono obo udu?

⁸ Ee a she ga mhuwe emini a nono nya! Ee a she ga pfue se! Eri a ke a mhese abi ighie, anye tse anye ke khi eni ea mhuwe! Aa kpa lie khi egbegbo a khili ighie, ishegho ni anye li nu e ke mhese!

⁹ O li mhe eloe khi anye ighiusomhi na kee, Eshinegba o ro shi asha ni o ga kholo ne nya. Eri anye li abi ighumha ni a rue e je obini olele ni a te ya gbolo we-a. Ni anye khi emhi ofeli ni egbo na agbo ee gia, ali ni igeni ee gia.

¹⁰ Irari oyi iKirisiti a ro bino anye shi eyeghe, ama ee a khi eni e lolo mholi ilisingme elemhi iKirisiti. Anye aa mholi ekpabo, ama ee a mholi ekpabo, ali khi egbo ea mu ekpe e na anye, a mu ekpe e na e.

¹¹ Ya ramhi amo, okiamhi ali okiamhe o gbe anye ramhi, anye aa mholi emini a so, se ni ijeje ide. A ri ukpeloe a gbe anye, anye aa mholi ashini a la.

¹² Anye roshaka ri abo eyi anye e gbe ikanya. Ini egbo e ku itse e na anye, anye e ku isemhe na we, ini a mu okholi vule shi anye o, anye ri egbe mie.*

¹³ Ini ogbo o yese anye eva-a, anye ri unu ni o pfomhe soli o. Ramhi memena, eri a bino anye shi egbo afue ali iku ni e la agbo.

¹⁴ Aa khi eri mhi keke ebe ona ghi e ni mhi ro ri omama mu e. Eri mhia nono ni mhi kpaghie e obo, abi eni e bia eniye e lie nono ni wewe e kpaghie imi we obo.

¹⁵ U dobe ya mholi egbo agbele igbe (10,000) ododa ni e sese e ungmehi oyi iKirisiti, ama ita oghuo u lese mholi. Mhemhe khi ita e, ee a khi

* 3:19 Li ze iJobu 5.13 † 3:20 Li ze Iwolo 94.11

* 4:12 Li ze Ika 18.3

imimhẹ rọte usomhi onete oyi iJesu iKirisiti ni mhi sẹsẹ ẹ.

16 Irarigho mhia nono ni a ke khonya mhẹ.†

17 Ona o zẹ ni mhi rọ ghi iTimoti ghi ẹ. Eri mhi nono ingme oyoli abi omọ ni mhi bia, ali khi oni ọọ ga oyi Ẹshinegba ni ọ ri igesikia a gbe akanya na Onomhufe ọ khi. ITimoti ọ ya gueye ẹ angeli oyemhẹ abi mhi liẹ deba iKirisiti ali abi oni angeli oyemhẹ o li de shi osesẹ ni mhia sẹsẹ ingme oyi iKirisiti elemhi igbaa oyi eni e mie iJesu iKirisiti suọ kpa.

18 Eghuo elemhi ẹ, e tsua ipfua eke abinẹ khi mhi aa ke ẹ bhale ya feli ẹ.

19 O kha ghọle Onomhufe, mhi ya keke bhale oobo. Eghẹghẹ agho, mhẹmhẹghuo mhi ya mẹ abi eni egbo ni ẹ tsua ipfua eke egho e liẹ ngme, ni mhi gbo mẹ ekpabo nabi ẹ khi wewe e mholi.

20 Irari eghiele ni Ẹshinegba ọ le shi awa udu, ọa khi oyi ungmehi unu tse, ama oyi ekpabo lo.

21 Elo a nono ni mhi li ini mhi bhale? Mhi rue utali mholi obo bhale, abi mhi ri ayemhẹ inono ali o pfomhẹ bhale?

5

A khu inyoghuo na itsebo iteva ya fie

1 Mhi suọ khi angeli itsebo e la iteva oye ẹ. Onabi aa ya mẹ iteva oyi eni ẹa miesuo kpa, a ga mẹ iteva oye. Ni o ramhi khi ogbo ọ nu inyoli onuzava a gbhe.*

2 A gbo ti ipfuabo a nga, ocho ni egbe e kha rọ pfọ ẹ-a, ramhi ni a rọ khu ogbo oghoghọ iteva oye lasele.

3 Abi o rọ tseku khia khi mhi nu-ata shi ẹ egbe alo-gbugbugbu, ayemhẹ oyemhẹ o nu ẹ la. Mhi she pfa ẹzo mu ogbo ni ọ riẹle emhi onana, abinẹ khi mhi la agho.

4 Irarigho, ini a ri eva oyi Onomhufe iJesu lona kugbe, ali ni ayemhẹ oyemhẹ o rọ nu ẹ la, ali ni ekpabo eyi Onomhufe ọ rọ la ẹ iteva,

5 a rue ogbo oghoghọ abo-a na okphaghie, ni ọ pfueche idiegbe eyoli-a, ini a pfuese ayemhẹ oyoli ini iJesu Onomhufe ọ bhale.

6 O ma kholo gba khi a tsua ipfuabo eke. Ni a rọ ọ zẹ ni egbo enana e la iteva oye. Aa lesẹ khi eri e li abi umiesobo oghuo ni o ri oili gbolo enekpole-a?†

7 A rue ogbo okhoro onana iteva oye lasele, ni a mẹ asha la ipfuase. iKirisiti khi omi osumha oyi iPasova ni a she rọ luase obo na awa.‡

8 A khi zẹ ni awa ke riẹle imu elemhi okhoro ilili ni o li abinẹ khi a kemhi ibuledi ni a ri ifuma nye. Awa khi eni e pfuase ali ena igesikia, ni awa ke ri ibuledi ni aa ri ifuma nye li imu.§

9 Abi mhi rọ kpẹ te odode keke ebe ghi ẹ, mhi gueye ẹ a khi nu ogbo na itsebo ke kia kugbe.

10 Ama ọa khi ingme oyi egbo ena agbo mhi ngme. Irari khi u mema ya lase elemhi agbo le neni u wa kie egbo ni ẹ ku itsebo, ali ena emhi itoegbe ali ighiatọ ali eni ẹ ẹ ga ikhumhi.

11 Emini mhi ri onana ngme khi, a khi nu oni ọ miesuo olo-egbholi, ni ọọ ku itsebo kia kugbe, okekhi ogbo emhi itoegbe o, okekhi oni ọ ga ikhumhi, okekhi oni ọ yese ogbo eva-a, okekhi odonyo pfueche egbe-a, okekhi oni ọ riẹle alile. Khi ga nu egbo eghoghọ le eminale kugbe.

12 Ọa khi akanya oyawa ni awa ke gue ena odatọ ni ẹa miesuo ẹzo. Ena elemhi igbaa oyi eni e mie iJesu iKirisiti suọ tse ni e lina ngeli awa kha lesẹ ke gue ẹzo

13 Ẹshinegba ọ ya gue eni ẹa miesuo ẹzo, ama abi Ebe-no-pfuase o ngme oli khi, "A khu ogbo okhoro oghoghọ ẹ iteva le."*

6

Eni e mie suọ e khi ke lu egbe ẹzo ikotu

† 4:16 Li zẹ 1 iKori 11.1; iFili 3.17 * 5:1 Li zẹ iDeut 22.30 † 5:6 Li zẹ iGal 5.9 ‡ 5:7 Li zẹ Okiali 12.5 § 5:8 Li zẹ Okiali 13.7; iDeut 16.3 * 5:13 Li zẹ iDeut 13.5; 17.7

¹ Ini abi a li ga miesuo abi inyoḡhuo a me ingme, elo o ze khi a lu egbe ezo shi ikotu oyi esọ-ezo ni ẹa miesuo, ocho ni a kha ro ze ni eni e miesuo e so ẹẹ oni ingme?

² Aa leṣe khi awa ni awa miesuo, khi awa ya gue eḡbo na agbo ezo? Ẹẹ ni a khi eni e ya gue agbo ezo, aa doḡe a so shi ukuku ingme ifuabo eyee?

³ Aa leṣe khi awa ni awa miesuo, khi awa ya gue igeni ezo? Seṣ awa aa li ke doḡe e so egbe awa ikuku ingme na agbo ona.

⁴ Elo o ze ni a ro o tsua ingme ni a me ogbeḡe kpa ke ghi esọ-ezo ni ẹa mhuẹ unu shi ingme igbaa oyi eni e mie iJesu iKirisiti suo?

⁵ Eri mhia ngme ona ni omama o mu e. Eri aa me onḡee ni o leṣe ingme iteva oyeẹ, ni o doḡe ya ri inyoḡhuo aava ni e miesuo riḡe?

⁶ Elo o ze ni onḡee o ro o rue inyoḡhuo oḡi le deba eni ẹa miesuo ni e roḡi gue ezo?

⁷ Emini o da ze khi a me iluegbe-ezo ikotu iteva oyeẹ ne, eri o rokhasẹ khi eni e de a khi. Oni u kha ro ri egbe mie ini a lue na e, ni u kha ro lama ni a li e le,

⁸ u ri ochogho vu ya lue na eḡbo, u li we e le, gbo li shi eni e miesuo else.

⁹ A leṣe gboo khi ona okholo oya ya lo Eghiele oyi Eshineḡba. Aa khi di egbe e. Eḡbo ni e ku itsebo, okekhi eni e ga ikhumhi, okekhi eni e kia okia, okekhi emose idegbe, ali emose ni e nu emose enabi wewe e gbhe,

¹⁰ li shi ighiato, okekhi ena emhi ituegbe, okekhi edonyo yese egbe-a, okekhi eni e yese eḡbo eva, we khi eni e li eḡbo a le, e ya lo Eghiele oyi Eshineḡba.

¹¹ Eḡheḡhe o la o ni ee a ro kpe la agbo oghogho, ama a she khuṣe e olamhe-a, a khuṣe-a pfuase, a pfa na e, rote eva oyi iJesu iKirisiti Onomhuẹ ali Ayemhe oyi Eshineḡba oyawa.

Khi ke gbe ikanya itsebo

¹² Oḡbo o doḡe ya liẹ, “Emini o ghole mhe mhi doḡe ya riḡe.” Ama

mhiẹ oḡi, “Aa khi emhikpa e ti ni u riḡe.” Ali khi ini mhi tseku doḡe ya riḡe emhikpa, mhi aa gbudu mele oghumha oyi emhikhoghuo-a.*

¹³ Wa liẹ khi, “Eminale khi oyi akpidi lo, ali khi akpidi o khi oyi eminale.” Iḡesikia onana o khi, ama eḡghuo, Eshineḡba o ya yese we-a. Ama aa riḡe idiegbe eyawa shi itsebo ilili. Eri a riḡe idiegbe, ni awa rewe ke ga Onomhuẹ. Ali khi idiegbe oyawa oo mu Onomhuẹ egbe gba.

¹⁴ Ali khi Eshineḡba o ya ri ekpabo eyoli guise awa eghuli le, abi o guise Onomhuẹ oyawa eghuli le.

¹⁵ Aa leṣe khi idiegbe oyawa khi uguabo idiegbe oyi iKirisiti lo. Eri oḡbo o ke ya rue uguabo idiegbe oyi iKirisiti, o ke ku oḡi gbe uguabo oyi adegbe? Oa ze ya li!

¹⁶ Abi aa leṣe khi oḡbo ni o da le deba adegbe ne, khi o she to eḡboli ma oni adegbe o? Idiegbe oghuo e ke khi, irari khi ebe oo li, “Wewe avavava, idiegbe oghuo e ke khi.”†

¹⁷ Ama oḡbo ni o da to ma Onomhuẹ o ne, ayemhe oghuo e ke khi.

¹⁸ Me itsebo ikuku na, olamhe okhoghuo oya la o ni o ri ichimhi a mu oḡbo abi olamhe itsebo ikuku. Irari khi olamhe itsebo ikuku oo re e lamhe shi idiegbe oyi yeḡe ghuo o.

¹⁹ Aa leṣe khi idiegbe oye e khi owa ugamhi oyi Ayemhe-no-pfuase lo, ni o la idiegbe oye, ni Eshineḡba o ro na e? Oa ke khi yeḡe u mholi egbe e,‡

²⁰ irari khi eri Eshineḡba o de ghale. Irarigho, u mema ya ri idiegbe eye ri ufumhi na Eshineḡba.

7

Ingme ingeli oyi omose ali okpotso

¹ Ni mhi ro so shi oḡbo ni a keke shi ebe ya mhila mhe.

O ti ini omose ali okpotso ẹa ya le deba egbe.

² Ama irari itsebo, omose oḡboḡbo ali ughue oḡi e ke le deba egbe, okpotso ali odoli e ke le deba egbe.

* 6:12 Li ze 1 iKori 10.23 † 6:16 Li ze Igbae 2.24

‡ 6:19 Li ze 1 iKori 3.16; 2 iKori 6.16

³ Omose o khi ri okiamhi ughue gbe ughue oli, okpotso o khi li ri okiamhi ughue gbe odoli.

⁴ Okpotso lolighuo o mholi idiegbe oyoli, ama odoli o mholi we. Igho o li khi egbe oyi omose, o khi omose lolighuo o mholi idiegbe eyoli, ama ughue oli o li mholi we.

⁵ A khi kie egbe, see khi omose ali okpotso e lama shi egbe o khi wewe e ya nuata shi iledeba-egbe ne, ni e me asha mholi ukuku eghenge ro so iromhi. Oni eghenge o kha dose se, e gbo bhale ya lona, ini okphaghi o khi me asha mu we fe, irari khi egbe ea ze e mu shi ingme ughue.

⁶ Eri mhi khokho ona na e, o khi ushi ni mhi shi e shi eke na e.

⁷ O ma kha ti gba ini ogbokpa o dobe ya la o ni o rue okpotso shi abi mhemhe lo. Ama awa nya awa aa li abeghuo. Eshinegba o somhi ogbogbo isomhopfa ododa. Ona o kha mholi ona, olese o mholi ogho.

⁸ Ee ni aa la ughue ghue ali esamhi-olimhi, o ti ne ini ea bie ye ughue abi mhemhe.

⁹ Ama ini ea dobe ya mu egbe we, e ke le ughue. O tine ni a ye ughue dose ocho ni a ro ya shito, egbe ee lala e shi ingme ughue.

¹⁰ Ee ni a la ughue, mhi mhesa ona na e, ni o rote obo oyemhe bhale, ama obo oyi Onomhue. Okpotso o khi rote obo oyi odoli vu.

¹¹ Ama ini o li gho, o khi gbo ye ughue olese ghue, ochogho o ka nu odoli ro rie. Omose o khi gbuđu khu ughue oli.*

¹² Ee oyee enekpole, mhi gue ona ye e, mhemhe mhi ngme ona, o khi Onomhue. Ini omose ni o miesuo o rue okpotso ni o miesuo ughue, o kha ghole oni okpotso ni o ro nu oni omose shito, oni omose o khi khu oli.

¹³ Ini okpotso ni o miesuo o ngeli na omose ni o miesuo, ni oni omose o ro mholi oghumhe khi loli ya kie ri oni okpotso shi, oni okpotso o khi pfa oni ughue-a.

¹⁴ Irari khi okpotso ni o miesuo o rue ipfuase e bhale ughue oyoli, ali khi omose ni o miesuo o ri ipfuase e bhale ughue oyoli. Ini o khi igho lo, imi e, eni ea pfuase e kha khi, ama abi o ke li ena khi, a she khuese we-a pfuase.

¹⁵ Ama ini oni o miesuo elemhi wewe aava, o nono ni loli lase oni ughue le, o ke vu. Emhikhoghuo o ke la akana ya mu omose okekhi okpotso ni o miesuo mhue ini a me na. Eri Eshinegba o lu awa ni awa ro la agbo opfomhe.

¹⁶ Yeye okpotso, u fe lese ini itobo oye ode o kha ro mhue imiepfuese? Abi khi, yeye omose u lese ini itobo oye ughue o kha ro mhue imiepfuese?

¹⁷ Abibi o tseku li, ogbogbo o migha ashini o la ni Eshinegba o ro lu oli, ali emini o lu oli shi. Ona o khi omhesa ni mhi ro na igbaa oyi eni e mie iJesu iKirisiti suo nya.

¹⁸ Ini omose o she shele-a neni Eshinegba o lu oli, o khi mu oli pfi rie. Ini omose o shele-a ne neni a lu oli, o khi ya shele-a.

¹⁹ Oa mhue abi o ngme, ini ogbo o shele-a okekha khi o shele-a, emini o mema mu egbe khi, ni a ro ri ishi eyi Eshinegba gbe akanya.

²⁰ Ogbogbo o kie li abi o la o shi ni Eshinegba o ro lu oli.

²¹ Oghumha u khi ni Eshinegba o ro lue? Khi ze ni ogho o nase udu. Ama ini u me asha ya pfa egbe e o le, li gho.

²² Irari khi oni o khi oghumha ni Onomhue o ro lu oli, oni a rue abo-a o ke khi, igho li khi oni a rue abo-a ni Onomhue o ro lu oli, oghumha oyi Onomhue o ke khi.

²³ Eri a de e ghale, irarigho a khi gbo khi oghumha oyi ogboese.

²⁴ Inyoghuo, ogbogbo o nu Eshinegba la abi o li ni a ro lu e.

²⁵ Shi ingme oyi ozele ni ea mu ughue ghue. Mhi aa rote obo oyi Onomhue mie ushi ni mhi ya shi na we, ama mhi ri ushi oyemhe bhale abi

* 7:11 Li ze iMat 5.32; 19.9; iMak 10.11-12; iLuk 16.18

oni a ri itobọ ilelemhi khi oni a ri egbe ẹ nga.

²⁶ Ini a bino ingme ni a mẹ agbọ memena, mhi sa khi o ti ini ọgbọ ọ bie shitọ abi ọ li.

²⁷ U kha la ughue se, khi dua ni u pfa li-a. Ini waa la ughue ne, khi dua abi u li ya lo ọ.

²⁸ Ama ini o khia khi u lo ughue, waa pfido, ini o riẹ khia khi u waa mu ughue ghue. Ama eni e rue ikpotso, e ya mhọli anasemhe elemhi agbọ ona, mhi aa nono ni a mẹ onana.

²⁹ Inyoghuo emini mhi ri ona ngme khi ẹghẹghẹ o ke she. Rọ te memena vu, emose ni e rue ikpotso, ughue we e khi mu we egbe dose.

³⁰ Eni ẹ viẹ, e khi zẹ ni o lo we egbe dose ode. Eni ẹ ghele, e khi zẹ ni oghẹle rue we vu, eni ẹ de emhi, e khi zẹ ni emini e de e lo we alo,

³¹ eni e mhọli emini e ri emhi na agbọ ọ riẹle, e khi zẹ ni e rue we udu vu. Irari khi abi agbọ ona o laọ shi memena, o she ẹ dose.

³² Mhia nono ni a rue udu ayele le. Omose ni ọa rue ọkpotoso, ikanya eyi Onomhue ẹa ku ọli ẹle-a, irari khi eri ọ nono abi lọli lie riẹle oghuemhe oyi Onomhue.

³³ Ama omose ni ọ rue ọkpotoso shi, eri isamhi agbọ ẹẹ nase ọli udu, irari khi eri ọ dua ni lọli ri egbe ke mu ughue ọli.

³⁴ Irarigho, eri isamhi eyoli ẹ kemhi eva. Eri omueshi ni ọa ye ughue, okekhi, omueshi ni omose ọa ta owe lase ghue, ingme eyi Onomhue ẹ mu ọli egbe. Eri ọ dua ni lọli ri idiegbe ali ayemhe oyoli na akanya oyi Onomhue pfo nya. Ama ọkpotoso ni ọ ye ughue, emhi agbọ ọ sa, irari khi eri ọọ dua abi lọli li ri egbe ẹ ke mu ọdo.

³⁵ Eri mhi a ngme onana ni mhi kpaghie ẹ obọ, ọa khi eri mhia nono ni mhi zu ẹ ode, ini a khi la ughue. Ochoghọ eri mhia nono ni a ke riẹle emini o te ode, ini udu oye o khi kemhi eva shi iregbena Onomhue pfo oyẹ.

³⁶ Ini omose ọ mẹ khi egbe ẹa ke zẹ lọli ẹ mu deba omueshi oyoli ni omose

ọa ta owe lase ghue, ni e ga lama na egbe khi wewe e ya ri egbe shi. Ni ọ rọ she te ni ọ ye ughue abi o ye ni o, ọ rue oni omueshi ughue abi o ghọle ọli shi. Ọa lamhe.

³⁷ Ama omose ni ọ mẹ khi lọli mhọli udu no toto ni ọ dobe ya mu egbọli mhuẹ. Ini ọ lama shi udu oyoli khi lọli ẹa ya rue oni omueshi oyelue ne, oni omose ọna ọ guẹ kia.

³⁸ Ogbọ ni ọ rue omueshi oyoli ughue ọ guẹ kia. Oni ọa rue ọli, lọli ọ guẹ kia ne.

³⁹ Okpotoso ni ọ la ughue, ọa gbudu rọte obọ oyi ọdọli vu ini ọ da kie la agbọ. Ama ini ọdọli ọ ghua, ọ dobe ya ngeli na omose ni ọ nono, ama omose oni ọ miesuọ ọ mema ya khi.

⁴⁰ Abi mhẹmhẹ sọ oni ingme shi khi, ọ ya mhọli oghẹle ne ini ọ shitọ khi ọa bie ke ngeli. Mhi sa khi mhi mhọli Ayemhe oyi Eshinegba ni mhi rọ ọ ngme ona.

8

Eminale ni a rọ luase ikhumhi

¹ Mena ni mhi rọ ngme nga ogbọ ni a mhila mhe ingme eminale ni a rọ luase ikhumhi.

Awa lese khi, "Awa nya awa ga mhọli ilese," ingme ona. Eri ilese o ri ogbọ a ti-ipfuabọ nga ke titi egbe, ama eri inono o ri awa a kpaghie egbe obọ.

² Oni ọ dabi khi lọli lese gba, ọa kie lolo lese abi ọ kha li lese ne.

³ Ama ogbọ ni ọ nono ingme oyi Eshinegba, Eshinegba ọ lese ọli.

⁴ Ama memena, ingme oyi eminale ni a rọ luase ikhumhi, awa lese khi ikhumhi ọa khi emhikhoghuo elemhi agbọ, ali khi Eshinegba oghuo ọ khi.

⁵ Ini a tseku mẹ emini a lu ilitisa ali ekhemhue, o khi eni e la idane o, okekhi ena ekekhe, ongewe ọa khi Eshinegba wekhi Onomhue.

⁶ Ama oyawa khi, Eshinegba oghuo kpe awa mhọli, ikhi ita ni emhikpa e rọte obọ oyoli bhale, ali oni awa la agbọ na, ali khi Onomhue oghuo ọ la ọ, ni ọ khi iJesu iKirisiti ni emhikpa e rọte obọ oyoli bhale ali ni awa rọte obọ oyoli la agbọ.

⁷ Ama ọa khi eni e miesuọ nya e lẹṣe igesikia onana khi afuẹ ilitsa e khi. Ama ingme oyi eni ilitsa ena, o she lo egbo eghoghọ egbe ramhi khi ini e le eminale ni a rọ luasobo eghoghọ, eri o li wẹ egbe khi eni ilitsa e liẹ ga eghọ. Eri ona ọọ yese udu oyewẹ ni o gue wẹ ezọ ọ-a, irari khi ọa lolo toto imiesuọ ne.

⁸ Ama eminale ẹa ti ogbo o mama Eshinegba. Ẹa ri awa ya khi eni ẹa ti ini awa aa le, wẹkhi eri e ke ri awa ya ti ne ini awa le.

⁹ Ama a kuegbe-a ini afa ni awa mhue rọ o riẹle emini o ghole awa o khi ya khi ọzuode na ogboese ni ọa toto imiesuọ, ni o rọli ya de pfilo olamhe.

¹⁰ Ini ogbo ni o mhue udu ni ọa toto imiesuọ ne o fe me khi yeye ni u mhọli ilẹse, khi u la udi olitsa e le eminale, u sa khi ogbo ọa ya ri udu nali rọ ke le eminale ni a rọ luasẹ olitsa?

¹¹ Igho oni ogbo ni udu oyoli ọa toto egho ni o khi inyoghue ni iKirisiti o ghu-a na o li ya opfu-a itobo ilẹse oye.

¹² Ini a da me na ne, iKirisiti u lue a na, ini u da lue na inyoghue ni a ga miesuọ, eri u wa kuale udu oyewẹ ni o gue wẹ ezọ ni ọa toto egho utse.

¹³ Irarigho, ini o da khia khi eminale ni mhi le o ri inyoghuo-mhe ya de pfilo olamhe ne, mhi aa ke gbo tigbe ya le eminale, ini mhi khi ya ze ni inyoghuo-mhe o de pfilo olamhe.

9

Afu ni aghiusomhi na keẹ o mhọli

¹ Elo e kpomhe o le? Mhi áá khi aghiusomhi na keẹ? Mhi áá she me iJesu Onomhue oyawa, mhi re e mie oli suọ?

² Ini o tseku khia khi mhia khi aghiusomhi na keẹ shi egboese o, mhi aa li khi aghiusomhi na keẹ shi e o? Akanya ni mhi gbe iteva oye o rọkhasẹ khi aghiusomhi mhi khi shi e o.

³ Ina mhi li a so egbo ni e ri unu a yese afu ni mhi mhọli-a,

⁴ eri mhi aa fu te o ni a ri eminale ali onyo a na shi akanya ni mhia gbe?

⁵ Mhi aa li fu te o ni mhi li e rue okpotso ni o miesuọ shi, abi ighiusomhi na keẹ enekpole, ali inyoghuo Onomhue ali iPita e li roshi. Eghẹghẹ agho ni mhi li ke rue oli mhue obo ini mhia le asha?

⁶ Abi khi mhemhe ali iBanabasi tse anye lẹse khi eni e ri obo oyewẹ e gbe akanya ke ri eminale na egbe anye le?

⁷ A me okhọli-okhue ni lolighuo o fali egbọli ota? Oghiale onoghuo ọa ya le emhi ekomhi eyoli? Oni o ri ena kia onoghuo ọa ya rọte ena eyoli da amẹ inyeli?

⁸ Abi usamhi oyi egbo o li mhi liẹ ngme oli, abi khi eri ushi ọa li mu ma o?

⁹ Irari khi a keke oli shi ebe Ushi oyi iMosisi, “Khi mu ẹna onokpo unu zu ini u rọli e mheli ikpamhi emhi.” Ingme oyi ẹna wẹe khi Eshinegba o li ghọ lẹse sa?*

¹⁰ Itobo oyawa o rọ ngme onana? Ii, irari oyanye a rọ ligho keke oli. Itobo khi ogbo ni o gua o kha gua ni oni o khiese o rọ khiese, eri e ga rọli shi udu khi wewe e ya mhue okemhi shi eni emhi ekomhi.

¹¹ Aborokhia khi anye she ri emhi ayemhe ko iteva oye e egho, anye khi eni e kha rọte obo oye e li khiese emhi ikpaghiobo ni a me eloe.†

¹² Ini o khia khi egboese e te ni a ri ikpaghiobo e na, ọa khi anye kha ga mema te o ne? Ama anye ẹa rue ete-awe oni afu ona.

Ochoghọ, eri anye ri egbe mie emini anye me kpa ini anye khi zu usomhi onete oyi iKirisiti ode.

¹³ Aa lẹse khi eni e la Owa Oyi Eshinegba a gbe akanya, khi oni owa e te e le eminale, ali khi eni e la atete e ga, eri e rọte emini a rọ luasobo e kemhi?

¹⁴ Igho, Onomhue o li mhese oli eni e ri usomhi onete a tse abo, e rọte o ke le emhi.‡

¹⁵ Ama mhia kie ri eni afu ena gbe akanya deba e, wẹkhi eri mhi keke ebe ona ni a ba riẹle emhi eghoghọ na

* 9:9 Li ze iDeut 25.4; 1 iTimo 5.18 † 9:11 Li ze iRom 15.27 ‡ 9:14 Li ze iMat 10.10; iLuk 10.7

mhẹ. O tinẹ ni mhi bie ghu-a ni ọgbọ ọ rọ liẹ mhi khi tono obọ udu.

¹⁶ Mhia mhue afu ni mhi rọ tono obọ udu shi usomhi onete ni mhi rọ tse abọ. Eri a mhese ọli na mhẹ. O ma kholo mhẹ egbe ini mhia ri oni usomhi onete tse abọ!

¹⁷ Ini o khia khi eri mhia tsabo ungmehi oyi Eshinẹgba itobọ khi o ghole mẹ. A ya fali mhẹ ota. Ama ini o riẹ khia khi ọa ghole mhẹ, emini Eshinẹgba ọ rọ nga mhẹ obọ lo ni mhia riẹ

¹⁸ Ighe ifata ni mhi ke ya mie mena? Afa o khi na mhẹ ni mhi ke tsabo oni usomhi onete, ni mhia khi oki shi ọ, ni mhia mie emini e khi eyemhẹ shi akanya oyi itsabo usomhi onete.

¹⁹ Mhemhẹ ghuo mhi mhese ona na egbemhẹ, mhia khi oghumha oyi ọgbokhoghuo, ama mhi ri egbe mhẹ mele oghumha oyi ọgbokpa-a, ni mhi rọ lu ebubu ẹgbọ na iKirisiti abi mhi li dobe.

²⁰ Abi mhi rọ nu ẹgbọ iju u gbe akanya, mhii ngeli abi ọngi iju ni mhi rọ dobe lu wẹ. Abi o riẹ khia khi ushi iMosisi ọa mu mẹ, mhi kiele ẹ ngeli abi ọni ushi o mu ini mhi nu ẹgbọ ni e la oni ushi gbe akanya, ni mhi dobe lu wẹ.

²¹ Igbo o li khi, abi mhi rọ nu ẹgbọ ijeta ẹ gbe akanya, mhi ngeli abi ọgbọ ni ọa khi iju ni ushi iju ọa mu ni mhi rọ dobe lu wẹ. Ona ọ liẹ khi mhi aa ke ri ushi oyi Eshinẹgba a gbe akanya, ama ushi oyi iKirisiti mhi rọ gbe akanya.

²² Ini mhi la ifuabọ oyi eni irudunga oyewẹ ọa toto, irudunga oyemhẹ o li abi oyewẹ, ni mhi rọ dobe lu wẹ. Emhikpa mhia mela-a na ẹgbọ nya, ni mhi rọ tsumhi eghuo, odẹ ni mhi ya te dobe riẹ ọli kpa.

²³ Enana nya, irari oyi usomhi onete mhi rọ ligho ni mhi mhue okemhi shi ikhivose eyoli.

²⁴ A lese khi ebubu ẹgbọ e migha shi unamhi ni a na, ama ọghuo elemhi wẹ ọ kpẹ na a pfo, ni ọ mie eleli unamhi.

Irarigho, a na ode ni a te ya mie eleli oyi unamhi.

²⁵ Eri ọgbokpa ni ọ la unamhi ya na ọ kpẹ ẹ wena ushi unamhi egbegbo. Eri ẹẹ na ni e mie arula oghie ni ọọ kẹ-a. Ama arula ni o la ọ agboagbo awa na unamhi ẹ shi.

²⁶ Onana o zẹ ni mhi rọ na unamhi oyemhẹ sheshe ya ramhi ukpese. Loli o zẹ ni mhia rọ li abi ọpfiekpa ni ọọ pfi ekpa kua irarogbe.

²⁷ Eri mhia nase egbe eyemhẹ ni mhi dobe mhese ke na wẹ. Mhi aa nono, ini mhi tsabo oni usomhi onete ona se, ni mhi khi ọni a khu pfi.

10

A rọte okhẹ oyi ẹgbọ iZireni tse agua ye ẹgbọ

¹ Inyoghuo, mhia nono ni a sato emini itita awa ni e deba iMosisi e mẹ. Oguese oyi otughunu o khukhu wẹ, wewẹ nya e gbo rọte okẹ ifulo ya dose tselele.*

² Elemhi otughunu ali okẹ oniemi e la batazi abi eni ẹ deba iMosisi.

³ Wewẹ nya e le eminale ayemhẹ.†

⁴ E gbo da amẹ oyi ayemhẹ oghuo ni o rọte eche ayemhẹ ni oo deba wẹ tu. Oni eche khi iKirisiti.‡

⁵ Abi o tseku li gho, egbe ẹa mu Eshinẹgba deba ebubu wẹ, itobọ igbo, eri a miatse ilimhi eyewẹ ku ọdagbe ifufu.§

⁶ Mena, ena nya irokhasẹ e khi na awa, ni o tse agua ye awa, awa khi mhue ọghuemhẹ na emhi ebe abi wewẹ e li,*

⁷ wẹ khi ilitsa awa ya ga abi eghuo ọ e li. Ebe-no-pfuase o ngme ọli khi, "Eni ẹgbọ e shito le, e da, e gbe ishimhi idobie, e ku itsebo."†

⁸ Awa khi khili ena itsebo abi eghuo ọ e li, ni o zẹ khi agbele uye ali ese, 23,000, e ghuloa ogbeleghuo.‡

⁹ Awa khi mu Onomhẹ fe bino abi eghuo ọ e li, ni enye e rọ gbolo wẹ-a.§

* **10:1** Li zẹ Okiali 13.21-22; 14.22-29 † **10:3** Li zẹ Okiali 16.35 ‡ **10:4** Li zẹ Okiali 17.6; iNoba 20.11

§ **10:5** Li zẹ iNoba 14.29-30 * **10:6** Li zẹ iNoba 11.4 † **10:7** Li zẹ Okiali 32.6 ‡ **10:8** Li zẹ iNoba

25.1-18 § **10:9** Li zẹ iNoba 21.5-6 * **10:10** Li zẹ iNoba 16.41-49

10 Awa khi wọlọ abi eghuo ọ e li ni Aḡeni eghuli ọ rọ gbolo wẹ-a.*

11 Eri emhi ena nya e li wẹ, ni a rọ sẹsẹ awa ingme ẹlẹ-lese, a keke wẹ shi eke tse agua yẹ awa ni awa la eghẹghe ikpukhokho agbọ ona.

12 Ini u dabi khi u migha, guẹ kia ini u khi de ode-a.

13 Aa mẹ imufe okhoghhuo ni a mẹ egbe, ni ọa khi onabi egboese ẹa mẹ ghue. Ama Eshinegba ọni a ri egbe ẹ nga lọ. Ọa ya zẹ ni a mu ẹ fe ni o fu dọsẹ ẹ, ni aa ya dobe ri egbe mie. Ama ini a mu ẹ fe, Eshinegba ọ ya ri ode ni a te ya pfue ọ bhale, ni a rọ dobe ya ri egbe mie.

14 Irarigho, inyoghhuo, a nuata shi ikhumhi ọ.

15 Eri mhi nu ẹ ngme abi egbo elesingme. Eẹ ghuo a sa emini mhi ngme.

16 Ini awa rọte uko ni awa lema Eshinegba ọ khivose shi da, ọa khi ọlia eyi iKirisiti awa da? Ini awa le ibuledi ni awa kemhi, ọa khi idiegbe oyi iKirisiti ni awa le?†

17 Irari khi ibuledi oghuo o khi, awa nya ini awa tseku bu, idiegbe oghuo awa khi, irari khi eminale oghuo awa kemhi.

18 A sa ingme oyi egbo iZireni ghue. Ọa khi eri wẹwẹ nya ni ẹ le eminale ukhomhi atete ugamhi e ga mhọli obo shi oni ugamhi oyi Eshinegba egho?‡

19 Eri mhi ri ona lie khi olitsa ali eminale ni a rọ luase ọli khi egbegbi emhi e khi?

20 Iiye o! Emini mhi a ngme khi, emini eni ẹ ga ikhumhi e rọ luase obo atete, okphaghiẹ e rewe ẹ luase, ọa khi Eshinegba. Mhi aa nono ni a mhue kugbe iyemhe okphaghiẹ ọ.§

21 Wa ya rọte uko oyi Onomhue da, u gbo rọte uko oyi okphaghiẹ da. Wa ya rọte ukpeko oyi Onomhue le, u gbo te ukpeko oyi okphaghiẹ le.

22 Abi khi eri awa nono ni Onomhue ọ ke kpe ofuma? Eri awa dabi khi awa toto dọsẹ ọli?*

Epfua ni eni e miesuo e mhọli

23 “Emini o ghọle awa, awa dobe ya riẹle.” Abi a li ngme ọli. Ama aa khi emhikpa o mhọli eleli. “Emini o ghọle awa awa dobe ya riẹle.” Ama aa khi emhikpa o mhọli ikpaghiobo.†

24 Ogbokhoghhuo ọ khi lese ke na shi onote oyi egbọli tse ama onete oyi egboese.

25 Elamhi kpa ni a rọ ọ de oki, ke de ọli le, khi ri irari udu oye ni ọọ gue ẹ ezọ mhila ogbo okhoghhuo shi ọ.

26 Irari khi Ebe-no-pfuase o ngme ọli khi, “Eke ali emini e la ọ nya, khi Onomhue o ga mhọli wẹ.”‡

27 Ini ogbo ni ọa miesuo ọ lue ukue, ni u rọ sa li shi udu khi u ya ye, le emiemini ọ rọ shi ẹ eke. Khi mhila ogbo okhoghhuo oyi udu ni ọọ gue ogbo ezọ.

28 Ama ini ogbokhoghhuo ọọ yẹ, “Eminale ona, ikhumhi a rọli luase.” Khi le oni eminale ogho, irari usamhi udu oyi ọni ọ gueye ogho, ali irari udu oye.

29 Aa khi irari usamhi udu oye, ama irari usamhi udu oyi ọni ogbo ogho. “Elo o zẹ khi egboese o ke ya khi ọzuode shi epfua oyemhe, irari udu oni ọ gue ogbo ezọ oyi ọli?”

30 Ini mhi kphemhi na Eshinegba shi eminale ni mhia le, elo o zẹ khi egboese ọ ke tsue mhe shi eminale ni mhi kphemhi shi?”

31 Abi o laọ shi khi, emiemini u wa riẹle kpa, ni u wa le, ni u wa da, riẹle ọli shi ufumhi oyi Eshinegba.

32 Khi ngeli angeli ni o ya ri ogbokhoghhuo de, o khi egbo iJu okekhi egbo iJeta okekhi igbaa oyi eni e mie iJesu iKirisiti suo eyi Eshinegba.

33 Eri mhi dua ni mhi riẹle emini o ti ogbokpa eloe odekhode. Irari khi mhia lese na khu oyi mhẹmhe ghuo, ama oyi ogbokpa ini a mie wẹ pfuese.

11

1 A ke khonya mhe abi mhi lie khonya iKirisiti Onomhue.*

Ukhomhi iguese elemhi ugamhi

† 10:16 Li zẹ iMat 26.26-28; iMak 14.22-24; iLuk 22.19-20 ‡ 10:18 Li zẹ iLev 7.6 § 10:20 Li zẹ iDeut 32.17 * 10:22 Li zẹ iDeut 32.21 † 10:23 Li zẹ 1 iKori 6.12 ‡ 10:26 Li zẹ Iwolo 24.1 * 11:1 Li zẹ 1 iKori 4.16; iFili 3.17

2 Mhi kuęghię ę shi abi a lię sato mhe egbe ni a rọ a deba osesę ni mhi sesę ę.

3 Ama mhi a nono ni a lesę khi iKirisiti ọ khi ukhomhi oyi ọmose nya, ali khi ọmose ọ khi ukhomhi oyi Ọkpotoso. Ama Eshinegba ọ khi ukhomhi oyi iKirisiti.

4 Irarighọ, ọmose ni ọọ sọ iromhi okekhi eri ọ ngme ungmehi imeguele, ni ọ rọ da ri emhi guese ukhomhi ne, oyeghe ọ rọ ghi iKirisiti ni ọ khi ukhomhi oyọli.

5 Ighọ ọkpotoso ọkhoghwo ni ọọ sọ iromhi okekhi eri ọ ngme ungmehi imeguele, ni ọa rọ da ri emhi khukhu ukhomhi ne, eri ọ yeghe-a, eri ọ ri ọdọli ni ọ khi ukhomhi oyọli she-a, eri o bie li abine khi ọ kpogholo itsu ukhomhia.

6 Ini ọkpotoso ọa da khukhu ukhomhi ne, ọ ka ta itsu ukhomhi-a nyaa. Ini o da khia khi emhi omama ọọ khi ini ọkpotoso ọ kpogholo itsu-a eghọ, ọ ke khukhu ukhomhi oyọli.

7 Ọa ye ni ọmose o khukhu ukhomhi oyọli, irari khi irokhokho ali ufumhi oyi Eshinegba ọ khi. Ama ọkpotoso ufumhi oyi ọmose ọ khi.†

8 Irari khi aa rọte egbe oyi ọkpotoso ma ọmose, ama idiegbe oyi ọmose a te ma ọkpotoso.

9 Aa ma ọmose na ọkpotoso, ama ọmose a ma ọkpotoso na.‡

10 Itobọ onana, ali irari oyi igeni, ọkpotoso ọ ke khukhu ukhomhi oyọli ni ọ rọ rọkhasę khi ọ kie la omhesę oyi ọdọli.

11 Elemhi Onomhue ni awa ga la, ọkpotoso ọa khi ọngeli, we khi ọmose ọ khi ọngeli ni wewe aava ęa mhue abi e lię rięle ugamhi kugbe.

12 Irari khi abi a rọte ọmose ma ọkpotoso, ighọ ọkpotoso ọ li bia ọmose. Ama emhikpa obọ oyi Eshinegba e te bhale.

13 Eę ghwo a sọ ọ bino ini o ti ni ọkpotoso o ke sọ iromhi lema Eshinegba ọa ri emhi khukhu ukhomhi elemhi owa ugamhi?

14 Abi a ma emhi nya shi rọte eke vu, ọa sesę ę khi, omama o khi ni ọmose ọ rọ mhue itsu ni e nue dọlọ shi ukhomhi?

15 Ama khi ini ọkpotoso ọ mhue itsu ni e nue shi ukhomhi khi ufumhi ali isomhotse o khi na li? Eri a ri itsu ni e nuata na li ni ọ rọ khukhu ukhomhi.

16 Ini ọgbọ ọ nono ni lọli khakọ shi ingme onana, emini mhi mhue ya ngme khi, anye-a mhọli ode olese ni anye te ę rięle, ighọ li khi igbaa nya eyi eni e mie iJesu iKirisiti suọ eyi Eshinegba.

Ushi oyi Eminale no pfuase oyi Onomhue

(iMat 26.26-29; iMak 14.22-25; iLuk 22.14-20)

17 Rọte omhesę ni mhi rọ bhale, mhi aa kuęghię ę, irari khi ilona kugbe shi ugamhi oye ę, ọọ li oyese dọse onete.

18 Irari onodode, a she gueye mhe khi okemhi ọọ la iteva oyeę ini a lona ilegba abi eni e mie iJesu iKirisiti suọ. Mhi mie shi ọ khi ighọ o khi.

19 Aa me emini o ze khi aa ya khakọ. Ama oni ekhakọ ona o ya ri eni Eshinegba ọ mie iteva oyi ę khase.

20 Ini a lona kugbe shi oghwo, ọa khi eminale oyi Onomhue o khi ni a le,

21 Irari khi ini a le, aa ya migha khe egbe. Ọgbogbo ọ rue eminale oyọli ę le. Irarighọ, eri eghwo ę da pfueche egbe-a, eghwo ęa ga me le kpa.

22 Aa mhue apfe oye ę ni a la le ni a la da? Abi khi eri a ri ęloe a gbe igbaa oyi eni e mie iJesu iKirisiti suọ oyi Eshinegba? Eri a nono ni a ri omama mu egbọ ni ęa mhue emhikhoghwo? Se a nono ni mhi ngme shi onana? Eri mhi ya kuęghię ę mena? Iiye o!

23 Irari khi obọ oyi Onomhue mhi te mie osesę ni mhi sesę ę. Khi iJesu Onomhue, ęliyose ni a rọli de, ọ rue ibuledi,

24 ọ kphemhi na Eshinegba ọ khi ọli-a, ọọ li, "Idiegbe oyemhe na ni a rọ na e, a ke li ona rọ sato mhe egbe."

25 Ighọ ọ gbo li, abi e rọ le se. Ọ rue uko onyọ, ọọ li, "Onana o khi uko

† 11:7 Li ze Igbae 1.26-27 ‡ 11:9 Li ze Igbae 2.18-23 § 11:25 Li ze Okiali 24.6-8; ijere 31.31-34

oyi ilama kugbe onogbo, ni a ri oia eyemhe riefe. Ini a da lina da ne, eri a da li ro sato mhe egbe.”§

²⁶ Irari khi eghẹghẹ kpa ni a ro da le ibuledi onana ni a ro da oni uko onana ne, eghuli oyi Onomhue u ro tse abo egho neni o ya bhale.

²⁷ Onini o da le ibuledi oyi Onomhue ni o gbo rote uko oyoli da, ode ni o ga gbe akanya ne, o she lue, o lamhe shi idiegbe ali oia oyi Onomhue o.

²⁸ Irarigho, ogbogbo o bino egboli bie ne neni o tigbe le, neni o rote oni uko da.

²⁹ Ini u waa da lese emini oni idiegbe oyi Onomhue ona o migha shi ne, ni u ro da le oni ibuledi ni u ro gbo te oni uko da, u she le u gbo da ro ri iguezọ bhale ghi egbe e.

³⁰ Ona o ze ni ebubu e e ro o ghua, eghuo ea mhuẹ ochi, ebubu e she ghulo-a.

³¹ Ini awa kpe gue egbe awa ezọ awa aa ya de pfilo ezọ oyi Eshinegba.

³² Ini Onomhue o gue awa ezọ, eri o sese awa ingme ini awa khi nu agbo pfua.

³³ Irarigho, ee inyoghuo-mhe, ini awa lona ni awa ro ya le eminale oyi Onomhue, awa ke migha khe egbe.

³⁴ Ini a me oni okiamhi oo gbe, o la apfe le emhi ini a khi lo ezọ oyi Eshinegba, ini a lona kugbe. Mhi ya pfuse ingme enekpole ngme ini mhi bhale.

12

Isomhopfa Ayemhe

¹ Mena ni mhi ro so shi ogbo ni a mhila mhe ingme isomhopfa Ayemhe-no-pfuase.

Mhia nono ni a lese egbegbingme ni o la o.

² A lese khi eghẹghẹ ni a ro khili eni ea miesuo, a di e lo ode ni a la luase ilita ni ea mhuẹ ayemhe.

³ Mhia nono ni mhi gueye e khi aa me ogbo ni Ayemhe oyi Eshinegba o ro gbe akanya ni o ya lie, “A pfi unu na iJesu!” Aa me oni o gbolo ya lie, “Ijesu

o khi Onomhue!” Ini o li khi Ayemhe-no-pfuase o sese oli.

⁴ Isomhopfa ododa e la o, ama Ayemhe oghuo o kemhi we.

⁵ Ode ebubu e la o ni a te e ga Onomhue, ama Onomhue oghuo awa ga.

⁶ Ode ododa Eshinegba o te e gbe ikanya elemhi agbo eyi awa, ama oni Eshinegba o ligho gbe oni akanya ona rote idiegbe oyi awa nya.

⁷ Ogbogbo a ri isomhopfa Ayemhe na, ni o ro ke gbe akanya ni o kpaghie ogbokpa obọ.

⁸ Oni Ayemhe loli o ri isomhopfa oyi ungmehi egbhali na ogbo oghuo. Oni Ayemhe o kie gbolo ri isomhopfa ileasingme a na ogboese.

⁹ Oni Ayemhe o gbo ri irudunga oniemhi a na ogbo. Oni Ayemhe oghuo o kie gbo ri ekpabo na ogboese ni o ro ri ogbo toto.

¹⁰ Oni Ayemhe o ri ekpabo na ogbo ni o ro gbe ikanya onyaloa, o ri ekpabo na ogboese ni o ro me eke guele. O gbo ro-na ogboese ni o lese ikhioda ni o la iyemhe ododa o. O ro-na ogbo ni o ro dobe e ngme emue oda, o ro-na olese ni o dobe guele abi oni emue ogho o ngme.

¹¹ Ama Ayemhe oghuo o kie khi ni o ga gbe eni ikanya egho abi o ghole oli shi. O ri isomhopfa ododa na ogbogbo.*

Idiegbe oghuo ni o mhuẹ iguabo ododa

¹² Eri iKirisiti o li abi idiegbe oghuo ni o mhuẹ iguabo ododa, idiegbe oghuo o kie khi, ini o tseku mholi iguabo ebubu ododa.†

¹³ Igho awa nya awa gbo li, o khi ongi iJu u khi, okekhi onge iJeta, o ke khi oghumha oo, o ke khi oni oo khi oghumha, a she batazi awa shi idiegbe oghuo rote oni Ayemhe oghuo ogho, a kie gbo ri oni ayemhe oghuo ogho na awa.

¹⁴ Irari khi idiegbe o ga khi uguobo oghuo tse loli nya o khi, ama iguabo ni e bu o mholi.

* **12:11** Li ze iRom 12.6-8 † **12:12** Li ze iRom 12.4-5

15 Ini owe o gueye obo, "Irari khi mhia da khi obo, mhi aa ke kugbe idiegbe o," Oni owe obo kie khi oyi idiegbe?

16 Ini esọ obo khi, "Irari khi mhi aa khili eloe, mhi aa ke khili oyi oni idiegbe." Ogho o ya lie khi obo ke la oni idiegbe?

17 Ini idiegbe nya o khili eloe lo, se o kha li ke suo. Abi ini idiegbe nya o ke khili esọ lo, se o kha li ke suo isue?

18 Abi o li khi, eri Eshinegba o tono iguabo egbe ododa ma shi idiegbe abi o li nono o li shi.

19 Idiegbe o ya gbapfo, ini o khia uguabo oghuo tse lo li nya o khi?

20 Abi o li khi, iguabo ododa e la o, ama idiegbe oghuo kpe o khi.

21 Irarigho, eloe obo ya lie obo, "Mhi aa mhue emini mhi re ya li!" We khi ukhomhi o ya lie awe mhia mhue emini mhi re ya li.

22 Ini awa te ukiekie o obini o kpole oyi ingme ona bino o li, iguabo oyi idiegbe ni obo lolo toto, obo ze idiegbe ya tsua pfi,

23 ama idiegbe ni awa bino khi ea lolo mu eloe, wewe awa ga sono itsua guese. Awa a kugbea guese iguabo idiegbe ni obo ti ni a ke khueghie-a shi eke ni aa me eloe,

24 Ama awa aa ya so itsua guese ikpe ni e ze ro o shi eke ni egboese e me eloe. Eri Eshinegba o ligho ri ele idiegbe, ni awa mu ekpe na iguabo ni e li abine khi ea lolo mu eloe.

25 Itobo igho, okemhi obo la idiegbe, eri ikpe ododa egho e ri eloe a khu egbe.

26 Ini asha eghuo obo me osoli, ikpe enekpole nya e li nu o li a me oni osoli. Ini a ri ekpe na uguabo idiegbe oghuo eri enekpole nya ee ghele.

27 Ee nya idiegbe oyi iKirisiti a khi, ogbogbo obo khi uguabo oyoli.

28 Elemhi igbaa oyi eni e mie iJesu iKirisiti suo, onodode, Eshinegba o ze ighiusomhi na kee, onuzi-eva o ze emekeguele, onuzi-ese, esese, o tigde ri eni e gbe onyaloa shi asha eghuo,

gbo li shi eni mholi isomhopfa ni a ro ri ogbo ze. O gbo ze eni e gue e kpaghie egboese obo, elese o zewe eni e gue ri omhese kia, ali eni e ngme emue ododa.‡

29 Wewe nya e khi ighiusomhi na kee? Wewe nya e khi emekeguele? Wewe nya e khi esese? Ogbokpa o dobe a gbe akanya onyaloa?

30 Wewe nya e mholi isomhopfa oyi iri-ogbo ze? Egbonye e gue ngme emue ododa? Abi khi wewe nya e gue e guele abi oni emue ododa o ngme?

31 Irarigho, awa ke nono isomhopfa ni o tine nya.

Mhi ya ri ode ni o tine nya khasa e.

13

Inono

1 Ini mhi ga gue e ngme emue oyi egbo ali oyi igeni, ni mhi aa ro mhue inono, okeke ulo ali okeke ipere itasa mhi khi.

2 Ini mhi mhue isomhopfa imekeguele ali ni mhi ro lese udi osheli ali lese nya a guele. Mhi kha mholi irudunga ni a ro dobe ogghie ite, ni mhi aa ro mhue inono, afue mhi khi.*

3 Mhi kha ga ri emini mhi mhue nya somhopfa, ni mhi ro ga ri egbe mhe bhale ni a tose-a ni mhi ba tono obo udu, ni mhi aa ro mhue inono, mhi aa mhue elele okhoghuo ni mhi ya me.

4 Eri inono o mholi irabomudu, o mholi isomhelemhi. Obo ya kpe ofuma, obo ya tono obo udu, obo ya vuse ike.

5 Inono obo ya ngeli angeli obe, obo ya khu oyoli tse, elemhi ea kele bi inono, obo ya keke ingme ni a li o li ya shi na ogbo.

6 Obo ya me emhi obe ni obo ke ghele shi o, ama emhi egbegbingme o ghele e shi.

7 Obo ya mholi ukhimhi-elemhi. Irudunga ali irudushi, ali irabomudu oyoli obo ya ba li ku.

8 Inono obo mhue ukpese. Imekeguele e la o, eri-tse khi e ya dose, isomhopfa

‡ 12:28 Li ze Efi 4.11 * 13:2 Li ze iMat 17.20; 21.21; iMak 11.23

oyi ingme-ẹmuẹ ọdọda e la ọ, ama e ya dọsẹ, ilẹsingme e la ọ, ama e ya dọsẹ.

⁹ Irarikhị isomhopfa ilẹsingme ali imekẹguele oyawa ẹa ya gba pfo.

¹⁰ Ama ini oni o gba pfo o ramhi, oni ọa gba pfo o kele-a.

¹¹ Abi mhi rọ khi ọmọ, ẹmuẹ ali isamhi ali akhọkhomhẹ eyẹmhẹ, e khi eyi ọmọ. Mena abi mhi rọ ke khi ọgbhali, mhi aa ke mhue emini mhi ri angeli ọmọ a li.

¹² Emini awa mẹ memena, eri o li abi aroro ni awa rọte ughegbe ẹ mẹ lishi-lishi. Ẹgheghe agho o kha ramhi, awa ya mẹ ọli ghemhẹ, ghe ẹ. Emini mhi lẹsẹ, ọa gba pfo, ama ẹgheghe agho, o ya gba pfo, abi Ẹshinegba ọ li sẹsẹ mhẹ pfo.

¹³ Ama eni emhi esẹ enana e kie migha: Irudunga, irudushi, ali inono. Oni o ga funẹ nya shi wẹ ọ khi inono.

14

Isomhopfa imekẹguele ali ẹmuẹ

¹ Zobẹ ni inono o khi emini u na a khu.

Ke dua ni u mhọli isomhopfa eyi Ayẹmhẹ no pfuasẹ, tete isomhopfa imekẹguele.

² Ọgbọ ni ọọ ngme ẹmuẹ ni ọgbọ ọa lẹsẹ emini ọọ ngme, Ẹshinegba ọ nu ẹ ngme, irari ọgbọkhọghuo ọa ya lẹsẹ emini ọ ri eni ingmemhi ngme. Egbegbi ingme osheli ọ rọte Ayẹmhẹ no pfuasẹ ẹẹ ngme.

³ Ama ọgbọkpa ni ọ mekẹ ngme guele, eri ọọ nu ẹgbọ ọ ngme, o kpaghiẹ wẹ obọ, ọ ri udu shi wẹ ọ, ọ ri udu pfo mhi wẹ.

⁴ Ọgbọ ni ọọ ngme ẹmuẹ ọda ni ẹgbọ ẹa lẹsẹ emini o ngme, egbọli ọọ kpaghiẹ obọ, ama ọgbọ ni ọ mekẹguele, igbaa oyi eni e mie iJesu iKirisiti suọ nya ọọ kpaghiẹ obọ.

⁵ O ga ghọle mhẹ ni ẹẹ nya a ke ngme ẹmuẹ ọdọda, ama oni o ghọle mhẹ nẹ khi ni a ga mhọli isomhopfa imekẹguele. Irari khi ọni ọ mekẹguele ọ mu ẹloẹ dọsẹ ọni ọ ngme ẹmuẹ ọda. Sẹ ni eri ọgbọ ọ la agho ni ọ guele abi ọ ngme ni ọgbọkpa ni ọ la igbaa

oyi eni e mie iJesu iKirisiti suọ ọ mhue ikpaghiobọ.

⁶ Igho inyọghuo, ini mhi bhale deba ẹ ni mhi rọ ọ ngme ẹmuẹ ọda, onete onoghuo o ya riẹlẹ na ẹ? Ọa khi ini, mhi gue irọkhasẹ ni mhi rọte obo oyi Ẹshinegba mẹ ye ẹ, okekhi emini mhi lẹsẹ mhi gueye ẹ, okekhi imekẹguele mhi gueye ẹ, ọkekhi ungmehi osesẹ mhi rọ bhale ghi ẹ, o ya ri eleli na ẹ?

⁷ Bino itsua ni ẹa mhue ayẹmhẹ, ni ẹẹ ngme, enabi ofele ali ẹfa. Sẹ ọgbọkhọghuo ọ li ya lẹsẹ emini a kpheli, ini ọa suọ obini a mu abọ wẹ je?

⁸ Ali ọni ọọ pfi akala, ini ọa li pfi ọli gboo ni o de uruli ni a suọ, ọghuo ọ ya mu egbe okhọli?

⁹ Igho khi, ini u ri emue ni ẹgbọ ẹa ya suọ ọ ngme ingmemhi ni e mhọli ilẹsingme, ọgbọkhọghuo ọa ya lẹsẹ emini wa ngme. Eri u lẹsẹ ke ngme kua idane!

¹⁰ Ẹmuẹ ebubu e la agbọ ona, wẹwẹ nya e khi eni e ti shi eni ẹ ngme wẹ ọ.

¹¹ Ama ini mhi aa lẹsẹ ẹmuẹ ni a ngme, ọni ọ nu mhẹ ngme, ọpfeşe ọ khi shi mẹ ọ, mhẹmhẹ khi ọpfeşe shi ọli ọ.

¹² Aborokhia khi isomhopfa eyi ayẹmhẹ e mema kiele ẹ ghọle ẹ egho, a ke nono isomhopfa eni e ya ri ikpaghiobọ ghi igbaa oyi eni e mie iJesu iKirisiti suọ.

¹³ Itobọ igho, ọni ọọ ngme ẹmuẹ ọda ọ mema ya lema a ri ekpabọ ni ọ rọ ọ ke guele abi ọ ngme na li.

¹⁴ Irari ini mhi ri ẹmuẹ ọda a sọ iromhi, ayẹmhẹ oyẹmhẹ ọọ sọ iromhi, ama udu oyẹmhẹ ọa ya mhẹ mhue emini ọ mu ọ.

¹⁵ Sẹ mhi ke ya li shọ? Mhi ga ya riẹlẹ wẹwẹ eve-eva ena. Eri mhi ya ri ayẹmhẹ oyẹmhẹ sọ iromhi, mhi gbo li ri udu oyẹmhẹ sọ. Mhi ya ri ayẹmhẹ oyẹmhẹ to uwolo, mhi gbo li ri udu oyẹmhẹ to.

¹⁶ Ini u ri ikphẹmhi na Ẹshinegba elemhi ayẹmhẹ tse, sẹ ẹgbọ enekpọle ni ẹa ya suọ ikphẹmhi ni u rọ na Ẹshinegba e lie suọ, ni e mie Atse shi ẹ oni iromhi ali ikphẹmhi? Ẹa mhue abi e li ya lẹsẹ emini u wa ngme.

17 Ini o tseku khia khi iromhi ikphemhi eyẹ khi enete lọ, ẹa ga kpaghiẹ ẹgbọ enekpọle obọ.

18 Mhi kphemhi na Ẹshinẹgba khi mhi ga ngme ẹmuẹ ọdọda dọsẹ ẹẹ nyaa.

19 Ini a la ugamhi igbaa oyi eni e mie iJesu iKirisiti suọ, o ti mhe egbe ni mhi lẹsẹ ngme ikpamhi ingmemhi ishe tse ni ẹgbọ ya suọ abi mhi rewe ngme, rọ sẹsẹ wẹ, ocho ni mhi rọ ri ẹmuẹ ọda ya ngme ingmemhi agbẹlẹ ni ọgbọkhọghuo ọa ya suọ abi mhi rewe ngme.

20 Inyọghuo-mhe, a khi ke sa abi eniyẹ. A mhọli isamhi abi egbhali ama a li abi emofẹ ni ẹa lẹsẹ emhikhọghuo obodẹ onobe iriẹlẹ.

21 A keke ọli shi Ebe-no-pfuasẹ khi, “Emuẹ ọda mhi rọ ya
nu ẹgbọ eyemhe ngme.

Mhi ya ri uruli epfese ngme,
ama ini o tseku khi ighọ,

ẹgbọ eyemhe ẹa ya

ri esọ shi mhe eke,

ighọ Onomhufe ọ ngme.”*

22 Itobọ ighọ, ẹmuẹ ọda, ọa khi emhi onyaloa shi eni e miesuọ ọ sẹsẹ ni eni ẹa miesuọ. Ama imekẹguele, eni miesuọ o mema gọ lu, ọa khi oyi eni ẹa miesuọ.

23 Irarighọ, ini igbaa oyi eni e mie iJesu iKirisiti suọ kpa e legba ni ọgbọkpa ọ rọ ọ ngme ẹmuẹ ọdọda, eshẹbhẹ ali eni ẹa miesuọ, ẹa ya liẹ khi ujili ọọ kpha ẹ nya?

24 Ama ini ọgbọkpa ọọ mekẹguele, ni ẹgbọ ni ẹa miesuọ okekhi ọgbọ ni ọa lẹsẹ emini a riẹlẹ ọ rọ lo le. Rote ingmemhi ni ọọ suọ, ọ rọ ya lẹsẹ khi ọna olamhe lọli khi, ni ọ khi ọni ọ mu pfi.

25 Osheli isamhi udu eyọli e ya khueghie-a gboo. Ọ de yeshi, ọọ ga Ẹshinẹgba, ọọ liẹ, “Ẹshinẹgba ọ la ẹ iteva egbegbọ.”

Ugamhi ni ọa mhufe ozughu

26 Inyọghuo, abi mhi ri ona ngme khi, ini a lona kugbe shi ugamhi, ni ọghuo ọ rọ mhọli uwolo, okekha khi

ọghuo ọ mhọli emini ọ sẹsẹ, okekhi irokhase ọlese ọ mhọli, okekhi ẹmuẹ ọda ọlese ọọ ngme, okekhi aguele emini a ri oni ẹmuẹ ọlese ngme mhọli. A riẹlẹ enana nya rọ kpaghiẹ igbaa oyi eni e mie iJesu iKirisiti suọ obo.

27 Ini ọgbọ ọ ya ngme ẹmuẹ ọda, ẹgbọ aava tse e lẹsẹ ngme, ini ẹ khi e bu dọsẹ, e khi aasẹ. Ama ọtuọghuo ọghuo ọ kpẹ ke ngme, ọgbọese ọọ guele abi ọọ ngme.

28 Ini o khia khi ọgbọ ọa la oni igba oyi eni e miesuọ ni ọ ya ke mie ọli emini ọọ ngme guele, ọni ọọ ngme ungmehi ẹmuẹ ọda ọghọ ọ khukhu unu, ọ lẹsẹ nu egbọli ali Ẹshinẹgba ke ngme.

29 Emekeguele aava okekhi aasẹ e dobe ya ke ngme, ẹgbọ enekpọle e ku esọ-a ni e lẹsẹ abi ẹẹ ngme.

30 O kha ke khia khi a ri irokhase khase ọgbọese ni ọ shitọ oni ilegba, ọni ọ kpẹ ngme eghọ, o mu migha.

31 Ẹẹ nya a dobe ya meguele, ama o khi ọtuọghuo ọghuo, ni enekpọle e wena ali ni a ri udu shi wẹ ọ.

32 Eni e mhufe ayemhe imeguele e ke ri eghẹghẹ na egbe rọ ngme ini ayemhe imeguele o la wẹ egbe ẹ gbe akanya.

33 Irari khi Ẹshinẹgba ọa khi ọna ozughu, ama oyi opfomhe. Abi o li shi elemhi igba oyi eni miesuọ nya.

34 Ikpotoso e ke khukhu unu ini igbaa oyi eni e mie iJesu iKirisiti suọ e legba, abi o li shi igbaa oyi eni e mie iJesu iKirisiti suọ elese nya. A khi zẹ wẹ ngme, e ri ochoghọ ke deba omhese, abi ushi o ngme.†

35 Ini ẹ nono ni wewe e lẹsẹ udingme okhọghuo, e la apfe mhila edowe. Emhi omama o khi ni ọkpotoso ọ rọ la ilegba igbaa oyi eni e mie iJesu iKirisiti suọ ngme.

36 Abi khi obọ oye ẹ ungmehi oyi Ẹshinẹgba o te gba ekele, abi khi ẹẹ ghuo o lẹsẹ ramhi egbe?

37 Ini ọgbọkhọghuo o sa khi ọmekẹguele lọli khi, okekha khi eri ọ liẹ khi lọli mhọli ayemhe ni ọ pfuasẹ,

* 14:21 Li zẹ Aza 28.11-12 † 14:34 Li zẹ Igbae 3.16

o mema ya lẹsẹ khi emini mhi kẹkẹ ẹ ghi ẹ ena khi ushi oyi Onomhuae lọ.

³⁸ Ama ini ogbokhoghuo o ri ẹloe gbe ungmehi ona, a li ri ẹloe gbe ọli.

³⁹ Irarigho, inyoghuo-mhe, a ke nono ni a meguele, ama emue ọda ingmengme, o khi khi ighuighue.

⁴⁰ A ke rieḽe emhikpa te ode ni ọa mhue ozughu.

15

Irote eghuli guale oyi iKirisiti

¹ Mena mhia nono ni mhi yele ẹ le inyoghuo, ingme usomhi onete ni mhi ro tse abo ye ẹ ni a miesuo, ni irudunga oye ẹ o migha nga egbegbo.

² Oni usomhi onete ona a ro tsumhi ẹ, ini a da mu emini mhi ro tse abo ye ẹ mhue toto. Ini ọa khi igho, eri a miesuo shi afue.

³ Abi mhi li te eke mie oni usomhi ni o lolo mu ẹloe, igho mhi li gue ọli ye ẹ. Usomhi khi,

iKirisiti o ghu-a

to olamhe eyawa

abi a li kẹkẹ ọli

shi Ebe-no-pfuase.*

⁴ Khi a roli to,

a rote eghuli guise ọli le

ele nuzi-ese,

abi Ebe-no-pfuase o ngme.†

⁵ O ri egboli khasẹ iPita,

o tigbe ri egboli khasẹ eni ogbava.‡

⁶ O tigbe ri egboli khasẹ,

egbo ni e miesuo ni e bu dose egbo egbhue uye ali ishe (500),

ni e la asheghuo utoghuo,

ni o khia khi ebubu we

e kie la agbo,

eghuo o e she ghua.

⁷ O tigbe ri egboli khasẹ iJemhisi,

neni o tigbe gbo

ri egboli khasẹ ighiusomhi na kee nya.

⁸ Ipkukhokho o, o li ri egboli khasẹ mhe abi omọ ni a bia shi egheghe ni aa kha bia li shi. §

⁹ Irari khi mhemhe mhi ga kpoke na ighiusomhi na kee enekpole nya a. Mhi aa fe fu te ni a lu aghiusomhi na kee, itobo khi mhi mu okhọli vule shi igbaa oyi eni e mie iJesu iKirisiti suo oyi Eshinegba o.*

¹⁰ Ama okhale ni mhia fute ni Eshinegba o li na mhe o remhe khi emini mhi khi. Ali khi okhale ni o li na mhe ọa li opfu-a. Ini a ke gbo rieḽe ọli bino, mhi she ga roshaka gbe akanya dose we nya. Ama ọa khi mhemhe mhi dobe gbe ọli, ama okhale oyi Eshinegba ni o la mhe egbe a gbe akanya lo.

¹¹ Itobo igho, ini o khia khi wewe e tsabo oni usomhi, okekhi obo oyemhe o te bhale o, ungmehi oghuo anye kie ga ro tse abo, ni o khi emini a mie shi.

Irote eghuli guale oyi eni eghua

¹² Usomhi oyanye na. A she rote eghuli guise iKirisiti le. Elo o ke ze khi eghuo ẹ e ro lie khi iteghuli guale oyi eni e ghu-a ọa la o sho?

¹³ Ini irote eghuli guise eni e ghu-a le ọa la o, ogho khi aa guise iKirisiti le.

¹⁴ Ini o khia khi aa rote eghuli guise iKirisiti le lo, itsabo oyawa, afue o kha khi, igho li khi irudunga oyawa.

¹⁵ Oa khi igho tse, eni e pfi otselẹ kie egbhọli ma Eshinegba anye kha khi. Irari khi anye she ke pfi otselẹ guele na Eshinegba khi o rote eghuli guise iKirisiti le. Ini o khia khi igesikia o kha khi lo khi aa ya guise eni e ghu-a le lo, eri o kha rokhasẹ khi ọa guise iKirisiti le.

¹⁶ Irari khi ini aa ya guise eni e ghu-a le, aa li guise iKirisiti le o li khi egho.

¹⁷ Ini o khia khi aa guise iKirisiti le, irudunga oye ọa kha mhue emini o kha li na ẹ. Ee a kha kie la okhena ipfezomu shi olamhe eyee.

¹⁸ Ogho li khia khi, eni e ghuloa ni e mie iKirisiti suo khi eri e li li opfu-a.

¹⁹ Ini o khia khi agbo ana tse, irudushi ni awa mhue na iKirisiti o

* 15:3 Li ze Aza 53.5-12 † 15:4 Li ze Iwolo 16.8-10; iMat 12.40; Ika 2.24-32 ‡ 15:5 Li ze iMat 28.16-17; iMak 16.14; iLuk 24.34,36; iJon 20.19 § 15:8 Li ze Ika 9.3-6 * 15:9 Li ze Ika 8.3

pfo shi lo, awa a opfu o kha bie gbẹ ne nya.

²⁰ Egbegbi ingme ni o la o khi, a she rọte eghuli guise iKirisiti le, ni o ri awa mie shi o khi a ya gbo guise eni e ghu-a le.

²¹ Irari khi abi eghuli o rọte obọ oyi ogbọ oṣuoghuo bhale ikhi Adamu, igho iroṣe eghuli guise le o li rọte obọ oyi ogbọ oṣuoghuo bhale ikhi iKirisiti.

²² Irari khi abi egbokpa e li rọte obọ oyi Adamu ghu-a, igho a li ya rọte eghuli guise ogbokpa le, rọte obọ oyi iKirisiti.

²³ Ama a ya guise ogbogbo le abi o li te oṣi, iKirisiti o khi oni odode, o kha nyene egbe bhale, a tigbe li guise eni e mie oli suo le.

²⁴ Ishegho ozukhomhi agbo o bhale, ini iKirisiti o mu ekpabo ayemhe nya o le, ali eni e mhue afu ali itoto nya, o tigbe rue oni omheshe nya na Eshinegba ita.

²⁵ Irari khi iKirisiti o ya ke mhese ramhi ni Eshinegba o ro ya ri ebe oṣi nya kpoke ekoawe eyoli.†

²⁶ Obe ni o ya kpukhokho mu o le khi, eghuli.

²⁷ Irari khi Ebe-no-pfuase o ngme oṣi khi “Eshinegba o ri emhikpa kpoke ekoawe eyoli.” Onana o roṣi khashe gbo khi aa li ri Eshinegba ma o ro kpoke na iKirisiti, ikhi loṣi ni o ri emhikpa kpoke ekoawe eyi iKirisiti.‡

²⁸ Itobo khi ini a da ri emhikpa shi omheshe oyi iKirisiti se, eghẹghẹ agho loṣi oyoṣi ni o khi omioṣi, o ri egboṣi kpoke na Eshinegba, oni o ri emhikpa kpoke na li. Eshinegba o mhese e shi emhi nya.

²⁹ Elo ze ni egbo e ro o batazi na egbo ni e she ghu-a? Ini aa ya guise eni e ghua le, elo o ze ni a ro batazi shi na we?

³⁰ Elo o ze ni anye ro ri agbo oyanye e shi okhena eghẹghẹ kpa?

³¹ Anye e la okhena eghuli ogbelekpaa! Ititiegbe ni mhi ri itobo oye e titi, irari emini iJesu iKirisiti oyawa o riela na e, o remhe ngme ona.

³² Elo a dabi khi o khi eleli oyemhe ni mhi ro nu inyagbemhi ebe, ikhi emose egho na eoli Efesosi kholi? Ini aa ya guise eni e ghua le bhale agbo, Awa bie ke le awa a da,

irari khi awa ya ghu-a ako.§

³³ Khi ze ni a sese wase-a. “Ikugbe egbo ebe o, o ma yese egbegbi angeli-a.”

³⁴ Nyene egbe bhale egbhali eye, a tiegbe olamhe le. Eghuo e e la o ni ea lese Eshinegba. Ni o ri omama mu e, mhi ro ngme ona.

Idiegbe ni a rọte eghuli guise le

³⁵ Ama ogbọ o doṣe ya mhila ogbọ, “Se e a lie guise eni e ghu-a le bhale agbo? Idiegbe onabi onoghuo e ke ya mholi?”

³⁶ Yeye oyeghe! Waa lese khi emini a ro ko o ya ze ini o a li kpe ghua?

³⁷ Ini a ri ukpamhi okpa ko, o a ke e ze ukpamhi nge, ama ughẹghẹ oṣi o ke ze ngale.

³⁸ Eshinegba o ri idiegbe e na ikpamhi abi o ghole oṣi shi, ikpamhi emhi nya e mholi idiegbe oyewe.

³⁹ Idiegbe oyi emhi nya e a li abeghuo. Egbo e mholi idiegbe oghuo, elamhako e mholi idiegbe olese, ipfeli ali ifele e mholi idiegbe eyewe.

⁴⁰ Emhi ododa e la idane, emhi ododa e li la ekekhe. Otse oyi emhi na idane, o khi oghuo, otse ni o la emini e la ekekhe o khi o da.

⁴¹ Ovo o mholi otse oyoli o da ke, uki o mholi otse olese, ikpetata e mholi otse olese o da. Eni ikpetata e gbo somhotse dose egbe.

⁴² Igho o ya li ini a guise eni e ghu-a le. Idiegbe ni a ro to, eni e ke a e khi ni a ro to. Ama eri a guise oṣi le ni o a ke ya kea ghue.

⁴³ Ini a roṣi to, o yemhi osue, o a mhue itoto, ama ini a guise oṣi le o somhotse-a, o mhue itoto.

⁴⁴ Ini a roṣi to, o khi idiegbe ni a me alo gbugbugbu. Ini a guise oṣi le, o khi idiegbe ayemhe.

Ini idiegbe ni a me alo gbugbugbu o la o, idiegbe elemhi ayemhe o li la o.

† 15:25 Li ze Iwolo 110.1 ‡ 15:27 Li ze Iwolo 8.6

§ 15:32 Li ze Aza 22.13

45 Abi a li kẹkẹ ọli khi, “Ọmọse onodode Adamu, eri a ma li ọgbọ ni ọ mhọli ayẹmhe.” Ama khi Adamu ni o kpe ukhokho, ayẹmhe ni ọ ri agbọ a na ọgbọ ọ khi.*

46 Ọa khi idiegbe ayẹmhe o kpe bhale, ama oni a mẹ alo gbugbugbu, neni a mẹ oyi ayẹmhe.

47 Adamu, ọmọse ọnodode, itutu ena eke a rọ ma li, Adamu ọnuzava iloghie o te tiemhile.

48 Eni e khi eyi eke, eri e li abi eni a ri itutu eyi eke ma, eni e khi eyi iloghie eri e li abi eni e rọte iloghie bhale.

49 Ezeze abi awa li ri irọkhọkhọ oyi ọmọse ni a ri eke ma sọ, ighọ awa gbo li ya ri irọkhọkhọ oyi ọmọse ni ọ rọte idane bhale sọ.

50 Mhi gue ona ye ẹ inyoghuo khi, emhi idiegbe ali emhi ọlia ẹa ya lo Eghiele oyi Eshinegba. U ke-liẹ khi eri idiegbe ni ọọ ke-a, o ke ya mhọli okemhi shi oni iloghie ni ọa ya kea.

51 A ri esọ shi egbegbingme osheli ona. Awa nya awa aa ya ghua, ama ini akala ni o kpukhokho o de, a ya mu awa mela-a, bia,

52 elemhi ikoko alo khueghie-a, ini oni akala ni o kpukhokho o de. Irari khi akala o ya de, eni e ghu-a e ya ri idiegbe ni ọa ya kea guale, a ya mu we mela-a.†

53 Irari khi idiegbe ni ọọ ke-a o mema ya ri idiegbe ni ọa ya ke sọ, oni ọọ ghu o ri idiegbe ni ọa ya ghu sọ.

54 Ishegho, ini idiegbe ni ọọ ke-a o ri idiegbe ni ọa ya ke sọ se, ni idiegbe ni ọọ ghu o rọ ri idiegbe ni ọa ya ghu sọ se, ungmehi ni ebe o ngme o bhale ya tse ni ọ li khi,

“A she to eghuli lue
elemhi imuole.”‡

55 “Eghuli o, ighe imuole
ni u ke dobe ya mu ọ le mena?

Eghuli o! Ighe ekpabo eye mena?”§

56 Olamhe o ri ekpabo na utamhi oyi eghuli ẹ ta, ni o rọ kualu utse, olamhe o rọte ushi mhọli ekpabo.

57 Ama awa kphemhi na Eshinegba ni ọ ri imuole na awa rọte obọ oyi iJesu iKirisiti Ọnọmhuẹ ọyawa.

58 Irarigho, inyoghuo a migha gbaa. A gbe akanya oyi Ọnọmhuẹ oyi ẹ ke je odalo, abi a rọ lese khi akanya ni u da gbe na Ọnọmhuẹ khi ọa khi afue.

16

Ukpaghọ ni a mie ghi igbaa oyi eni e mie iJesu iKirisiti suo na iJerusalemu

1 Ni mhi rọ ngme nga ingme ikpaghọ ni a mie ni a rọ ya kpaghie igbaa nya eyi eni e mie iJesu iKirisiti suo ni e la eke iJudia obọ, ni a kẹkẹ shi ebe ghi mhe. A ke li abi mhi gueye igbaa oyi eni e mie iJesu iKirisiti suo ni e la eke iGalesha e li ke riẹle.*

2 Uka khi uka kpa, a ke rọte ikpaghọ ni a gbe, rue shi asheghuo abi ọgbọgbọ ọ mhue, ini a khi gbo ke zela ikpaghọ elese ini mhi bhale.

3 Ini mhi bhale, mhi ya kẹkẹ ebe na ẹgbọ ni á ze, mhi kẹkẹ shi ọ khi wewe a ghie, e tsua isomhopfa eyeje iJerusalemu.

4 Ini o ke khia khi o ti ni mhi li ye, anye ga kia.

Omhesẹ ni iPolu ọ mhese

5 Mhi ya bhale ya mẹ ẹ ini mhi rọte iMasidonia dose se.†

6 Mhi nu ẹ ya la deṅe. Otse, mhi ga la agho okase nya. Eghẹghẹ agho a ke ri ukpaghọ kpaghie mhe obọ je obiobini mhi ke ya je.

7 Mhi aa nono ni mhi mẹ ẹ ẹloe memena, mhi aa nono ni mhi lese te agho dose tse. Mhia nono ni mhi nu ẹ shito tese ukukuọ ini Eshinegba ọ lama.

8 Mhi ya la Efesosi ramhi ẹle ukpe iPetikositi,‡

9 irari khi asha oniemhi o khueghie-a na mhe shi ana ni mhi rọ mẹ asha gbe akanya Eshinegba. Ama khi eni e mu okhue vule shi mhe ọ e bu.§

* 15:45 Li ze Igbae 2.7 † 15:52 Li ze 1 iTesa 4.15-17 ‡ 15:54 Li ze Aza 25.8 § 15:55 Li ze Osia 13.14 * 16:1 Li ze iRom 15.25-26 † 16:5 Li ze Ika 19.21 ‡ 16:8 Li ze iLev 23.15-21; iDeut 16.9-11 § 16:9 Li ze Ika 19.8-10 * 16:10 Li ze 1 iKori 4.17

10 Ini iTimoti o bhale, a lolo mu oḷi epfese, irari oni o gbe akanya na Eshinegba nabi mhemhe o li khi.*

11 Ogbokhoghuo o khi ri eloe gbe oḷi, ama a kpaghie oḷi obo ni o ro dobe ti okiali eyoḷi je odalo shi opfomhe, ni o dobe bhale deba mhe. Mhia khe oḷi, ali inyoghuo enekpole.

12 Ingme oyi Apolosi. Eri mhi ga lolo ye oḷi ude o ko ya feḷi e, loḷi ali inyoghuo enekpole. Ama oḷa ghole oḷi ni o ro ye memena, ama ini o mhue oni egheghe, o ya bhale.

13 A ke to eloe eke, a migha gbaa shi irudunga, a khi egbo ni e mholi aye, a khi eni e toto.

14 A ri inono ke gbe ikanya eye nya.

15 A lese khi iSitefanasi ali omhue-apfe oyoli nya, e kpe todode khi eni e miesuo shi obini eke Akhaya. E she ri egbewe na ugamhi oyi egbo ni a pfa na. Mhi lema e,†

16 a ke nyese ukhomhi na omhese oyi egbo eghoghoho ali ogboese ni e nu we e gbe ikanya eghoghoho.

17 Egbe e ma mu mhe shi ibhale oyi iSitefanasi ali iFotunatusi ali Akhaikusi irari wewe e ke to-eoli e abi aa ro la akaghoho.

18 Eri e ri egbe mu mhe e ti ayemhe oyemhe nga, abi e ri egbe mu e. Egbo enana, e ti ni a tse, e mu akanya.

19 Igbaa nya eyi eni e mie iJesu iKirisiti suo eni e la eke Esha ee tse e. Akuila ali iPisilia ali igbaa oyi eni e mie iJesu iKirisiti suo ni e lona apfe oyewe, e li e tse e otse irudunga.‡

20 Inyoghuo nya ni e la ana ee tse e. A ke tse egbe egbegbi otse a ghele mu egbe.

21 Mhemhe iPolu mhi ga ri obo ma ebe ona.

22 Oni oḷa da nono ingme oyi Onomhue ne, Eshinegba o ya pfa ezohu mu oḷi. Mhi lema, Onomhue o kele bhale.

23 Okhale oyi iJesu Onomhue o ke deba e.

24 Inono oyemhe o ka nu e la nya ni a khi eyi iJesu iKirisiti. Atse.

† 16:15 Li ze 1 iKori 1.16 ‡ 16:19 Li ze Ika 18.2

Ebe onuzi-eva ni iPoļu ọ keke ghi egbo IKoritia Eni e miesuo

¹ Mhemhe iPoļu, aghiusomhi na kee oyi iJesu iKirisiti ni Eshinegba ọ ze abi o ghole oli shi mhi khi, li shi inyoghuo awa iTimoti. Mhemhe mhi keke ebe ona ghi igbaa oyi eni e mie iJesu iKirisiti suo onayi Eshinegba ni e la eoli iKoriti ali eni a pfa na nya ni e la eke Akhaya.*

² Mhi lema Eshinegba ita awa ali iJesu iKirisiti Onomhue e ka li okhale na e, e ri opfomhe na e.

Eshinegba ona irudushi nya

³ Awa kuęghie Eshinegba, ni ọ khi ita iJesu iKirisiti Onomhue oyawa, loli ọ khi ita ona ilelemhi, ni ọ khi Eshinegba na irudusho nya.

⁴ Loli ọ ri udu e shi awa ọ ini awa la osoli khi osoli, ni awa li dobe ri udu shi eni e la osoli ọ, ikhi irudusho onabi Eshinegba ọ ro shi awa ọ.

⁵ Itobo khi awa li nu iKirisiti me osoli ebubu eyoli, awa li ya rote obo oyi iKirisiti kemhi irudusho oyi Eshinegba ni o gbeku ọ.

⁶ Anye kha me osoli, ni a ro mholi irudusho ali imiepfuese lo. Okekha khi eri a ri udu shi anye ọ, ee a ri udu shi ọ, ni o re e mholi irabomudu ri egbe mie osoli onabi anye li ri egbe mie.

⁷ Irengbanga ni anye rengbanga e, o kie migha, itobo khi anye lese khi abi a li nu anye me osoli eyi anye, igho a li nu anye mholi okemhi shi irudusho oyanye.

⁸ Inyoghuo, anye e nono ni a lese osoli ni anye me obini Esha. Eri anye me ukpokpomhi omunu ni o ne anye abo. Ni o khia khi eri anye ke khena egbe anye eghuli ukhomhi.†

⁹ Eri anye she ri oli shi udu khi eni eghuli o mema ke ya gbe anye ke khi. Eri a me ona ini anye khi rengbanga

egbe anye, se ni Eshinegba tse ni ọ guise oni ọ ghu-a le.

¹⁰ Loli ọ rue anye okhena eghuli ukhomhi le, ọ ya rue awa ọ le. Loli awa ri udu nga khi ọ ya gbo rue awa ọ le.

¹¹ A li ri iromhi ke kpaghie anye obo, ini ebubu egbo e me asha ri itobo oyanye kphemhi na Eshinegba, oni ọ pfo udu ri iromhi ni ebubu egbo e so a tse.

IPoļu ọ mu ugbanhi eyoli pfi

¹² Anye ma tono obo udu shi ọ, udu oyi anye ni ọ ọ gue anye ezo o gbo pfi otsele shi ọ, khi, angeli oyanye elemhi agbo ona ali angeli ni anye nu e ngeli, khi ikhueghie elemhi-a ali igesikia oyi Eshinegba o ri anye e gbe akanya. Oa khi ileasingme agbo anye te riele ona, ama okhale oyi Eshinegba a ro riele oli.

¹³⁻¹⁴ Emini a dobe ya ze, ni o ya gbo lo e eso anye keke ghi e. O kha rie khia khi emini anye e ngme oa lo e eso pfo ne, anye mholi ọ shi udu khi o ya lo e eso pfo nya elelese, ni a ri anye ke tono obo udu, abi anye li re e ya ke tono obo udu, ogbele oyi iJesu Onomhue oyawa.

¹⁵ Itobo khi mhi aa mholi akhokhomhe shi ona, mhi ro nono ni mhi kpe bhale ya bino e, ni a mholi ikhivose asha eva.

¹⁶ Mhi she gba li khi mhi bhale ya bino e ini mhia le iMasidonia ali ini mhia jele, ni mhi me asha mie e ikpagho ro ye eke iJudia.‡

¹⁷ Eri a dabi khi mhia dobe ya lie khi emini mhi ya riele na, ni mhi riele oli? Abi khi eri mhi li abi ogbo ni ọ khe, "Ii." O gbolo e, "Iiye." Ini mhi ba riele oguemhe oyi ogbo?

¹⁸ Abi ungmehi oyi Eshinegba o migha shi igesikia, igho emini mhi gueye e oa li khi unu eva ni o ri utoghuo lie "Ii." Ali "Iiye."

¹⁹ Itobo khi iJesu iKirisiti Omi Eshinegba ni mhemhe ali iSivanosi ali iTimoti anye ro tse abo ye e, oa khi, "Ii." Ali "Iiye," eghenge oghuo. Ama Eshinegba "Ii," ọ khi.§

* 1:1 Li ze Ika 18.1 † 1:8 Li ze 1 iKori 15.32 ‡ 1:16 Li ze Ika 19.21 § 1:19 Li ze Ika 18.5

20 Irari khi emiemini Ẹshinẹgba ọ ro nga nya, iJesu iKirisiti ọ rewe nya khi, "Ii." Irarigho, rote iJesu iKirisiti awa te ẹ mie "Atse." Ni anye ro ri ufumhi na Ẹshinẹgba.

21 Ama Ẹshinẹgba ọ ri anye ali ẹẹ migha elemhi iKirisiti. Loli ọ ze awa.

22 O she shi oṣeṣe oyoli shi awa egbe. O ri Ayemhe-no-pfuase shi awa udu abi oṣeṣe ni ọ khi iyobo shi emini Ẹshinẹgba ọ ya rieṣe na awa.

23 Ama mhi ze Ẹshinẹgba oṣeṣe, loli ọ lese udu oyemhe. Itobo khi mhi aa nono ni mhi ri elemhi ibibi nu ẹ ngme, loli mhi aa ro ke ye iKoriti.

24 Oa khi eri anye ri ekpabo gueye ẹ emini a ya miesuo. Anye lese khi a migha gbagbagba shi irudunga. Itobo ni a mholi oghese anye ro nu ẹ gbe akanya.

2

1 Loli o ze ni mhi roo khi, mhi aa ke gbo ya bhale deba ẹ, ini mhi khi yese ẹ udu-a.

2 Ini mhi yese ẹ udu-a, oghuo ọ la akagho ni ọ ya ri egbe mu ẹ. Se ni oni ogo ni mhi yese udu-a.

3 Loli o ze ni mhi ro keke ebe ogho ghi ẹ, itobo khi mhi aa nono ni mhi bhale ya me iyese-udu-a obo eyi eni e kha remhe gheshe. Irari khi mhi lese khi ini mhia gheshe egheghe agho, ee a lie ke gheshe.

4 Elemhi ukpokpomhi osoli ali ameh evie mhi te ẹ keke ebe ona ghi ẹ, oa khi eri mhi ni udu o ba yese ẹ-a, ama ni a ro lese abi mhi nono ingme oye nya ramhi.

5 Ama ini ogbokhoghuo ọ pfi iyese udu-a, oa khi mhemhe ọ mema lolo yese udu-a, ama ee nya ọ rote opfoghuo yese udu-a. Ama khi, mhia nono ni mhi ngme oli ze dose ana.

6 Osoli ni ebubu ẹ e lama shi a na ogo onana, e bu.

7 Ama a ro topfa li a gbo ri udu shi oli ọ, ini ọ khi yese udu-a dose ode, ni o te ya pfanu ku oli alo.

8 Mhi lema ẹ, a ze ni ọ lese khi egbegbo a nono ingme oyoli.

9 Eri mhi mu ẹ fe bino ni me ini a ri ungmehi oyemhe ya gbe akanya.

10 Ini a ro topfa ogbokhoghuo shi emini ọ rieṣe, mhemhe mhi li ro topfa li. Ini o khia khi mhi mhuṣe emini mhi kha ro topfa, mhi she ro topfa. iKirisiti ọ khi oṣeṣe oyemhe khi mhi she ro topfa.

11 Egheshe agho, okphaghe oa me ashikhoghuo regbenga doṣe mu awa ọ ya le, itobo khi awa aa khi eni ea lese igbamhi eyi okphaghe.

Egbe akanya ena ishobo onogbo

12 Abi mhi ro bhale iTiroasi ya gue usomhi onete oyi iKirisiti le, mhi me oli khi Ẹshinẹgba ọ khueghie ode-a na me shi akanya oyoli, shi oobo.

13 Udu oyemhe oa sheshe, itobo khi mhi aa me iTatosi oobo. Igho mhi tse ego ena obo okhila, mhi ya je iMasidonia.*

14 Ama, awa kueghie Ẹshinẹgba. Loli o ze ni iKirisiti ọ ro ri awa la orolo ni a la mie obo abi eni e mu ọ le. O ri awa ri ilese oyi iKirisiti ẹ gbhiaku asha kpa abi ikphela.

15 Ẹshinẹgba ọ she ri awa mele ighiusomhi eyoli-a, ni awa ba ri usomhi onete oyoli gbhiaku asha kpa, abi ikphela oyi ituale ni oo pfi o lie gbhiaku, ni o lo iteva ego eni a mie ẹ pfuese ali eni ẹ nono ni wewe e pfua.

16 Uwemhi ugo oyi eghuli, usomhi oyawa ona o khi shi eni e ya pfua, ama upfiemhi oyi ago o khi shi eni a mie ẹ pfuese ọ. Oghuo ọ doṣe gbe onana?

17 Anye aa khi eni e ri ungmehi oyi Ẹshinẹgba nono epfue abi ego eghuo ẹ li. Ama ighiusomhi eyi Ẹshinẹgba ni e ri igesikia ngme ungmehi oyoli anye khi. Ekpabo oyi iKirisiti anye ro gue usomhi oyanye le. Ẹshinẹgba ọ khi oṣeṣe oyanye.

3

Eni ee ga ena ishobo onogbo

1 Oa ya li abine khi eri anye ke ẹ titi egbe anye mena? Anye ea li abi eni ẹ mie ebe ni a titi we shi neni e tsabo

* 2:13 Li ze Ika 20.1

ungmemhi ye ẹ, ali ni e kha gbolo te agho vu e gbo mie ẹ ebe oghogho olese? Anye ẹa mhọli emini anye ri ebe eghogho o riele.

² Ẹẹ oyẹ ẹ a khi ebe oyanye ni a keke shi ekelemhi udu oyi anye ni ẹgbọ nya e me ẹẹ zẹ.

³ Eri o rokhasẹ khi ebe ni iKirisiti lolighuo o keke, a khi. Itobọ khi a mie itsabọ ungmehi oyanye suo. Oa khi ọgbọ o ri atsu keke ẹ shi ebe, ama Ayemhe oyi Eshinegba o keke ẹ. Oa khi ukiẹkiemhi ẹche o keke ẹ shi ama elemhi udu oyi ẹgbọ.*

⁴ Onana o khi iregbenga ni anye mhọli na Eshinegba rote obọ oyi iKirisiti.

⁵ Oa khia khi eri anye gho gue ẹ gbe oni akanya ona, ama Eshinegba o ri iguegbe-akanya ona na anye.

⁶ Lolli o ri anye khi eguegbe oyi akanya igue ungmehi oyoli le, na ishobọ onogbo, ni oa khi oni a keke shi ebe, ama ena elemhi Ayemhe. Irari khi emini a keke shi ebe, eri o ri eghuli ẹ bhale, ama Ayemhe o ri agbo a na ọgbọ.†

⁷ Ushi oyi iMosisi ni o ri eghuli bhale, ni a keke shi ikiemhi eche, ufumhi ni o ge nyanyanya, ni ọọ kala, o deba bhale. Ini oni ufumhi ona ni o ze khi ẹgbọ iZireni ẹa ke dobe ẹ bino iMosisi alo ukhomhi tatata, o kala,‡

⁸ Seẹ ufumhi oyi ikanya eyi Ayemhe ni o ri agbo a na ọgbọ o ke beshi ya li?

⁹ Ini ufumhi o la ugamhi ni o ri eghuli ẹ bhale, seẹ ugamhi ni o ri ipfuase ẹ bhale oa li ya mhọli ufumhi oni o fune?

¹⁰ Itobọ ona, awa dobe ya lie khi emini o kpe ligho mhọli ufumhi ni o ge nyanyanya elele, oa ke mhọli ufumhi, itobọ ufumhi oyi emini o ke to-ẹoli ọli.

¹¹ Ini emini oo kala, o mhọli ufumhi, seẹ ufumhi ni o la oni o migha agboagbo ọọ lie fu ne.

¹² Itobọ khi anye mhọli oni irudushi ona anye ro li gho mhọli igbeudu.

¹³ Anye ẹa li abi iMosisi o li, ni o ri ijejeti ku alo ini ẹgbọ iZireni e khi me abi oni ufumhi ni oo ge nyanyanya ogho, o li i kala li alo-a.§

¹⁴ Ama eri a guese we udu, irari khi ramhi amo, eri a kie ri oni ijejeti ogho ku we alo, ini ẹẹ ze ebe ishobọ ona elele. Ini ọgbọ o ro ghi iKirisiti ko tse, o ro o rue ọgbọ oni ijejeti alo-a.

¹⁵ Igho o kie li ogbe na amo, eri ijejeti o kie guese we udu ini ẹẹ ze oni Ushi oyi iMosisi.

¹⁶ Ama ini ọgbọ da mupfi bhale deba Onomhue ne, o rue ọli oni ijejeti ode-a.*

¹⁷ Onomhue ni a ngme shi akana ena, lolli khi iKirisiti, Ayemhe oyoli o te ẹ gbe akanya, ali khi ashini Ayemhe oyi Onomhue o da la ne, epfua o la akagho.

¹⁸ Alo eyawa nya ni aa ri ijejeti ku, o ri ufumhi oyi Onomhue ẹ ge nyanyanya abi ughegbe. Oni ufumhi ogho, obọ oyi Onomhue o te bhale, ni o khi oni Ayemhe. Lolli o mu awa pfi ya li abi lolli, rote ufumhi ni o rue ẹ nga o.

4

Osoli ali osuemhe ni e la akanya oyi iKirisiti

¹ Irarigho, aborokhia khi ilelemhi oyi Eshinegba anye ro mie akanya igue ungmehi le ona egho, lolli egbe ẹa ro pfo anye-a.

² Eri anye ri ochogho she kie angeli osheli ali omama. Anye ẹa ya ngeli angeli ikpamhika wekhi eri anye ẹ mu ungmehi oyi Eshinegba ukhomhi pfi kpoke. Ochogho eri anye ri emini e khi igesikia khasẹ gboo, abi o khi shi ukpelo oyi Eshinegba. Onana o ri ẹgbọ mie shi o khi eni a ri egbe ẹ nga anye khi rote udu oyewe ni ọọ gue we ezọ.

³ A kha usomhi onete ni anye gue ẹ le sheli, eri a roli sheli na eni e ya pfua.

⁴ Okphaghiẹ ni ọọ mhesẹ ẹ shi agbo ona, o she zuse ẹgbọ ni ẹa miesuo udu

* 3:3 Li ze Okiali 24.12; ijere 31.33; Ezik 11.19; 36.26

† 3:6 Li ze ijere 31.31

‡ 3:7 Li ze Okiali 34.29

§ 3:13 Li ze Okiali 34.33 * 3:16 Li ze Okiali 34.34

ini e khi mę ákpá ali ufumhi ni o la usomhi onete oyi iKirisiti, ọni lọli ali Ẹshinegba e li abeghuo tee.

⁵ Irari khi anye aa ri egbe anye tse abọ, ama iJesu iKirisiti anye rọ ọ tse abọ, khi lọli ọ khi Ọnọmhuẹ, ali khi eni ẹẹ ga enaye ẹ anye khi, irari oyi iJesu.

⁶ Ebe-no-pfuase ọọ, “Ẹshinegba ọ gueye ákpá o rọte alo ebili gẹ lasele.” Mena ọni Ẹshinegba ọ ri ákpá oyọli ẹ gẹ shi elemhi udu oyanye, ni ẹẹ a rọ lẹse khi ufumhi oyelue khi, alo eyi iJesu iKirisiti a te ẹ mę ọli.*

⁷ Eri anye li abi akhe afue ni a ri oni ẹpfue onana shi. Ona o rọkhasẹ khi ekpabọ eniemhi, obọ oyi Ẹshinegba e te ẹ bhale, ọa khi obọ oyanye.

⁸ Isheghuo a na anye osoli, ama ọa pfuse anye-a. Isheghuo anye mhọli akhọkhọmhe, ama anye ẹa la okhena.

⁹ A mę anye omi olimhi ama Ẹshinegba ọa tsua anye pfi-a. A gbe anye de eke, ama anye ẹ ghua.

¹⁰⁻¹¹ Ogbele kpa anye rọ la okhena eghuli itobọ oyi iJesu. Eri onana ni anye ẹ mę egbe o li abi irọkhọkhọ eghuli ni iJesu ọ ghu, ẹghẹghẹ aghọ ni ọ ri egbọli khasẹ elemhi agbọ oyanye.

¹² Onana o guele khi akanya ni anye gbe ẹ na iJesu, eri o ri anye la okhena eghuli ogbelekpa, ama agbọ onogbọ o rọ ọ na ẹ.

¹³ Ebe-no-pfuase ọọ, “Irari khi mhi mhọli irudunga mhi rọ ngme.” Oni ayemhe irudunga onana, anye li rọ ngme.†

¹⁴ Anye lẹse khi Ẹshinegba ni ọ rọte eghuli guise iJesu Ọnọmhuẹ le bhale agbọ ọ ya li rọte eghuli guise anye le, o rue anye ali ẹẹ bhale odalo oyọli.

¹⁵ Itobọ oyẹẹ a rọ riẹle enana nya, ni ebubu ẹgbọ e lẹse okhale ni Ẹshinegba o li, isheghọ ni e ke sọ iromhi ikphemhi ri ufumhi na Ẹshinegba.

Agbọ irudunga

¹⁶ Itobọ onana, egbe ẹa tigbe ya pfo anye-a, ini anye ririẹ kuanọ-a pfo, ama ogbele kpa ekelemhi udu oyanye o rọ ọ khi onogbọ-a shi ọ.

¹⁷ Eri ikuku osoli ni ẹa ya tẹse eyi anye, e muno anye egbe ẹ khe ufumhi na agbọagbọ. Lọli o zẹ khi osoli eyi anye e li abi emhi afue shi anye ọ.

¹⁸ Emini áá mę ẹloe ẹa ya la ọ agbọagbọ, ama emini aa ya mę ẹloe ẹẹ la ọ agbọagbọ. Lọli o zẹ khi anye ri udu oyanye shi emini aa ya mę ẹloe.

5

Apfe oyawa na iloghie

¹ Anye lẹse khi ini idiegbe oyanye ona, na elemhi agbọ, ni o li abi okhọlo, o ghua, anye mhọli idiegbe olese ni o rọte obọ oyi Ẹshinegba bhale. Ikhi idiegbe no ọa ya ghu ni o la iloghie, owa ni ọa khi abọ a rọ mama li.

² Memena eri anye la oni elemhi idiegbe na agbọ ona a to ekperumhe-a, irari khi eri ọọ ghọle anye ni a kpha oni owa na iloghie sọ anye.

³ Itobọ khi ini a rọli sọ anye, anye ẹa ke ya la irumheba.

⁴ Irari khi abi anye kie li la idiegbe ona agbọ ena, eri anye ẹ to ekperumhe-a abi eni egbe ẹ to. Ọa khi eri anye ẹa ke nono ni anye ké la oni idiegbe oyanye ona, ama eri ọ ghọle anye ni a ri idiegbe na iloghie ni ọa ya ghu ghue eghọ sọ anye. Ẹghẹghẹ aghọ ni agbọ o to idiegbe ni ọọ ghu lue elemhi imuọle.

⁵ Ẹshinegba ọ ma anye shi agbọ na agbọagbọ ona, lọli ọ gbo ri ọni Ayemhe shi anye egbe ni ọ khi iyobọ khi lọli ya riẹle emini ọ rọ nga na awa.

⁶ Irarighọ, anye rọ ọ mhọli igbedu ẹghẹghẹ kpa.

Anye gbo lẹse khi ini anye kha da la apfe elemhi idiegbe oyanye ne, anye ẹa ke nu Ọnọmhuẹ la.

⁷ Ama irudunga o ri anye la agbọ, ọa khi emini anye ri ukpẹloe mę, o ri anye la agbọ.

⁸ Udu oyanye o migha gbaa shi ọ, khi, oo kha ti anye ẹloe ni anye lase idiegbe oyanye ona le, ni anye nu Ọnọmhuẹ la apfe.

* 4:6 Li zẹ Igbae 1.3 † 4:13 Li zẹ Iwolo 116.10

⁹ Irarigho, eri anye ro li shi udu oyanye khi anye mema ya rięle emini o ghole ęli, okekha khi anye ke la apfe elemhi idiegbe oyanye o, okekhi anye ęa la apfe elemhi idiegbe oyanye.

¹⁰ Irari khi awa nya, awa mema bhale ya migha odalo ukpekhomhi iguezo oyi iKirisiti, ni oębogo ro mie ifata ni o khi oyoli, shi emini o rięle abi o ro la idiegbe oyoli, shi oni o ti o, shi oni ęa ti.*

Akanya iri-ębo ali Eshinęba rięle

¹¹ Irarigho, aboroęhia khi anye lese emini inulishi oyi Onomhue o khi egho, loli anye ro roshęka roli e lo ębo eso. Emini anye khi o ga khueghie-a shi Eshinęba o, anye gbo sa khi o gbo ligho khueghie-a shi udu oyęę, ni ęo gue e ęzo.

¹² ęa khi eri anye titi egbe anye e khasę e, ama eri anye ri eęheęhe e na e ni a me asha ri anye ke gha. Eęheęhe agho ni a me emini a ya so ębo eni e ri emini ri ukpeloe e me e gha, ocho ni e kha ro ri emini e la udu, ke gha.

¹³ Ini anye ęa ke lese emini anye e rięle, irari oyi Eshinęba lo, anye kha ke lese emini eę rięle o, irari oyę e lo.

¹⁴ Inono oyi iKirisiti o mhese e na anye, itobo khi anye me oli me khi oębo otuoghwo o ghu-a na agbo nya, irarigho eri awa li ghu pfa olamhe.

¹⁵ Eri iKirisiti o ghu-a na oębokpa ini eni e la agbo e khi ke la agbo na egbe we, ama ni e ke la agbo na oni o ghu-a ni a gbo guise le na we.

¹⁶ Itobo igho, rote ana je odalo, anye ęa ke ri ukpeloe ni ębo na agbo e ro bino ębo ke bino oębo khoghwo. Ini o ririę kha khi anye kpe lina ri ukpeloe agbo bino iKirisiti eęheęhe ni o dose, anye ęa ke ligho.

¹⁷ Irarigho, ini oębo o da she ku ma iKirisiti o ne, oębo onogbo ni a lese ma o ke khi, agbo onodi o she dose, agbo onogbo o ke la.

¹⁸ Eshinęba o ga rięle eni emhi enana nya. Loli o ri awa ni awa kpe khi ebe oli nu egbeoli rięle, rote obo

oyi iKirisiti. O ri akanya na awa, awa ro ke ri eęboese nu lue rięle.

¹⁹ Eri Eshinęba o ri ębo na agbo nya nu eęboli i rięle rote obo oyi iKirisiti, ni o kha khi Eshinęba ęa ri olamhe mu ota so we. Igho o she ri usomhi ni a ro ri ębo ali Eshinęba a rięle nga awa obo.

²⁰ Irarigho eni e to eloli iKirisiti awa ke ri irarigho khi, ni o ro li abine khi eri Eshinęba o rote unu oyawa a lema ębo. Anye lema e na iKirisiti, a ka nu Eshinęba ro rięle.

²¹ Eri Eshinęba o ri iKirisiti ni ęa mholi olamhe mele ona olamhe itobo oyawa, eęheęhe agho, ni awa me asha rote iKirisiti mholi ipfuase oyi Eshinęba.

6

¹ Abi eni wewe ali Eshinęba e ga a gbe akanya oghwo, anye lema e, a khi ze ni a mie okhale oyi Eshinęba shi afue.

² Irari khi Eshinęba ęo lie,

“Abi eęheęhe ni mhi ro ya

rięle isomhelemhi na e,

o ro ramhi,

mhi ri esho shi e eke,

abi oębele imiepfuese

oyęę o ro ramhi,

mhi kpaghię e obo.”

Mhi gueye e khi memena o khi eęheęhe isomhelemhi, amo khi oębele imiepfuese.*

³ Anye ęa ya pfi ęzode shi oębokhoghwo ode, ini ębo e khi me emini ęa ti okhoghwo gue shi akanya oyi Eshinęba ni anye e gbe.

⁴ Ama abi ighumha eyi Eshinęba ni anye khi, eri anye ri emini anye khi khasę odekhode, abi anye li ri egbe mie osoli ali umhame ali iyese-udu-a.

⁵ A gbe anye itali, a gbo mu anye shi oęba-ighumha, a la onyaghu kuale anye utse, anye gbe akanya agbeghua, anye mhue umha-ke-lese ali okiamhi.†

⁶ Ama anye kie la elemhi ipfuase ali ilese, ali irabomudu ali isomhelemhi,

* 5:10 Li ze iRom 14.10 * 6:2 Li ze Aza 49.8 † 6:5 Li ze Ika 16.23

rõte Ayemhẽ-nõ-pfuasẽ ali inono ni o rõtẽ udu igesikia lasele.

⁷ Anye ẽ ngme ingmemhi igesikia, ali ekpabõ oyi Eshinẽgba o la anye egbe ẽ gbe akanya. Akhegbe oyanye khi iguẽ-ngeli odalo oyi Eshinẽgba, abi okhõli-okhuẽ ọ liẽ mu itsua okhõli mhũẽ obita ali ọgobõ.

⁸ A ri ekpẽ na anye a gbo yeghẽ anye-a, a ngme onete oyanye, a gbo ngme onobe oyanye. Anye ẽgbõ igesikia, a lu anye elo-egbhũẽ,

⁹ E li anye abi eni aa lẹsẹ, ama a kie lẹsẹ anye, a li anye abinẹ khi eni e ghuloa anye khi, ama, a mẹ ọli mẹ khi anye kie la agbõ. A na anye osoli ama aa gbolo anye-a,

¹⁰ Anye mhõli iyese-elemhi-a, ama anye kiele e ghele, anye li abi eni ẹa mhũẽ, ama eri anye ri ebubu ẽgbõ khi eni e pfue. Anye li abi eni ẹa mhõli emhi khõghuo, ama emhikpa anye mhũẽ.

¹¹ Ẹgbõ iKoriti, anye she ri igesikia nu ẽ ngme, anye khueghie udu oyi anye-a gbodogio deba ẹ.

¹² Anye ẹa ti egbe je ukhokho inono ni anye mhõli na ẹẹ, ẹẹ tse ẹa ke nono anye.

¹³ Irarighõ, mhi nu ẽ ngme abi eniyẹ eyemhẽ, a li mhõli usamhi nabi anye sa deba ẹ na anye. A khueghie udu oyẹ ẹ-a na anye gbodogio.

¹⁴ Khi zẹ ni u nu ọni ọa miesuõ ke riẹle emhi kugbe. Sẹ, igesikia ali ẹgbhõli e li guẹ la asheghuo kugbe? Elo o ku ẹkpá ali obili gbe?

¹⁵ Elo e ku iKirisiti ali Okphaghie? Abi elo ọni ọ miesuõ ali ọni ọa miesuõ e mhõli kugbe?

¹⁶ Ilama-kugbe onoghuo o la Owa Oyi Eshinẽgba ali ikhumhi ọ? Irari khi Owa Oyi Eshinẽgba ni ọ la ọ, awa khi, ẹzẹzẹ abi Eshinẽgba ọ ngme ọli khi,

“Mhi ya la wẹ elemhi,

mhi la wẹ iteva a kia,

mhi khi Eshinẽgba oyewẹ,

wewẹ e khi ẹgbõ eyemhẽ.”†

¹⁷ “Irarighõ, a rõtẽ wẹ iteva lasele,

ni a khi ọda shi wẹ ọ,
ali a khi ri obõ ti
emini ọa pfuase,
egheghe aghõ
ni mhi ti ẹ mama egbe.”

Eshinẽgba Onõmhũẽ nõ funẹ nya,
ọ ngme na.‡

¹⁸ “Mhi ya khi ita ẹ,
ẹẹ a khi imimhẽ
emõse ali ikpotso.”

Eshinẽgba Onõmhũẽ nõ funẹ nya
ọ ngme na.*

7

¹ Aborõkhia khi awa mhõli ishobõ ena, emõle mhẽ, awa kpe idiegbe ali ayemhẽ oyawa-a, rõtẽ emini e ri ichimhi ẹ shi ọgbõ egbe ali ayemhẽ nya. Awa ke rõsheka ini awa dobe ramhi irõpfuasẽ pfo nya, itobõ khi awa a na ulishi Eshinẽgba.

Igbaa oyi eni e mie ijesu iKirisiti suõ e ri egbe mu iPolu

² A khueghie udu oyẹ ẹ-a na anye. Anye ẹa li ọgbõkhõghuo onobe, wẹkhi eri anye yese ọgbõkhõghuo udu-a, uke-liẹ khi eri anye li ọgbõkhõghuo le.

³ Ọa khi eri mhi ngme ona rõ pfuẹchẹ ẹ-a, irari khi mhi kpẹ ngme ọli khi ingme oyẹ ẹ o la anye elemhi udu ramhi ni anye rõ ya lama nu ẹ ghua, okekhi ni anye rõ nu ẹ la agbõ.

⁴ Mhi lolo regbenga ẹ, mhi ma rẹ ẹ gha gba. Elemhi osoli ni anye mẹ nya, eri iridushio ali oghẹle oyanye o vọ ọ tsuakua.

⁵ Irari khi abi mhi rõ lo iMasidonia le, idiegbe oyanye ona ọa mhõli iyemhẹa okhõghuo. Ode-khode a na anye osoli, eghuo e nu anye wola, ulishi o la anye udu.*

⁶ Ama Eshinẽgba na irudushõ, ni ọ ri udu ẹ shi ọni egbe e pfo-a ọ, ọ ri iTatosi ni ọ bhale ri udu ke shi anye ọ.

⁷ Ọa khi ibhale oyõli tse ọ ri udu shi anye ọ, ama abi a li ri udu shi ọli ọ. Ọ gbo gueyẹ anye abi o liẹ ghõle ẹ ni a mẹ mhẽ, ali abi a li viẹ oya, ali abi ingme oyemhẽ ọ li mu ẹ egbe.

† 6:16 Li zẹ iLev 26.12; Ezik 37.27; 1 iKori 3.16; 6.19
1 Okhẹ 17.13; Aza 43.6; ijere 31.9

* 7:5 Li zẹ 2 iKori 2.13

‡ 6:17 Li zẹ Aza 52.11

* 6:18 Li zẹ 2 iSam 7.14;

Irarigho, oghelẹ oyemhẹ o ro fu dose abi o kpe li ghue.

⁸Ini ebe ni mhi keke ghi e, o ri iyese-udu-a na e, o a limhe egbe abine khi emini o a ti ni mhi rihele. O kie remhe chima, mhi me khi ebe oyemhẹ o re e yese udu-a ukuku eghẹghẹ.

⁹Ama egbe e kiele mu mhe, o a khi itobo khi mhi ri udu oye e yese-a, ama itobo khi iyese-udu-a oye e o re e mu pfi. Eri a mholi iyese-udu-a abi Eshinegba o nono oli shi. Irarigho, o a li e onobe.

¹⁰Irari khi ivie-osoli ni o ghole Eshinegba, eri o ri ogo o mudu pfi, o roli e nono ni a mie oli pfuese. Onana o a ri ogo ngomhi obo-a. Ama ini ogo vie osoli abi ego na ago, eghuli o ro o bhale.

¹¹A lese bino emini ivie-osoli ni o ghole Eshinegba o ro na e. Abi a li roshaka ni a rokhase khi aa mhue umhagueli. Elemhi e bi e. Abo e sha e, ni o re e yila. A gbolo nono ni a so ingme shi ode igesikia! A rokhase khi aa mholi ashini a te rihele oni ingme do-a, eghẹghẹ kpa.

¹²Irarigho, ini mhi ririe keke ebe ogho ghi e, o a khi irari eni e li ingme wekhi irari eni e a li ingme. Ama eri mhi keke ebe ona ghi e, ni a ba me abi ingme oyanye o li mu e egbe odalo oyi Eshinegba.

¹³Enana nya e ri udu shi anye o.

Abi o li ri irudusho na anye, igho egbe ma mu anye abi anye ro me abi iTatosi o li ghele, itobo ayemhẹ oyoli o ti nge abi e e nya a ri egbe mu oli.

¹⁴Mhi kpe re e tono obo udu khase iTatosi, ama aa ri omama mu mhe. Abi emini anye gueye e nya e li khi igesikia, igho abi anye re e gha khase iTatosi o li ya khi igesikia.

¹⁵Igho inono ni o mholi na e o li nga shi o, ini o sato abi a li suo eso na li, ali abi a ri ulishi ali iguomhise-egbe mie oli.

¹⁶O ma remhe ghele gba khi eni e ze ri egbe e nga a khi.

8

Abi eni e miesuo e lie somhopfa

¹Inyoghuo, anye e nono ni a lese afu ni Eshinegba o ro na igbaa nya eyi eni e mie iJesu iKirisiti suo ni e la eke iMasidonia.

²Eri a rote osoli ni e me mu we fe bino, ama eri e kie ri ukpokpomhi oghelẹ e somhopfa, abi o rie khia khi e mhue.

³Mhi gue oli e ye e egbegbo khi eri e pfue elemhi somhopfa dose ashini e mhue ramhi.

⁴E lema anye, anye kpekpe anye ze ni wewe e mholi okemhi shi oghelẹ ni o la irikpaghiobo na ego eyi Eshinegba ni e la eke iJudia.*

⁵Eri e ga rihele dose abi anye sa khi e li ya rihele. E kpe te odode ri egbe we na Onomhwe, neni e ke ri egbe we na anye abi Eshinegba o nono ni e li rihele.

⁶Irarigho, anye ro lema iTatosi, oni o re e bele oni egbegbi akanya ona, o kpaghie e ni a ri eminete ni a gba eke le ramhi ukpese.

⁷Eri a gue e rihele emhikpa dose egboese nya. A toto irudunga ne, a gue e ngme emue ne, a gbo lese ne. A ma nono ni a rue obo-a, a gbo nono ingme oyanye ne. Zobe ni u dose ogbokpa okpokhe ilili.

⁸O a khi itoto mhi ro mhese oli na e ama eri mhia mhese igesikia ni o la inono ni a mholi bino, abi mhi li roli e khokho omuegbe ni egboese e mholi na anye.

⁹A lese abi okhale oyi iJesu iKirisiti Onomhwe oyawa o li, khi aboriekhia khi oni o pfue o khi, eri o ri egbe oli mele o na umhame-a shi itobo oye e, ni o me asha ri umhame oyoli re e pfue.

¹⁰Ude ni mhi ya ye e ena, ni o ro ti e egbe lo: O ma ti ini isomhopfa ni a te eke bele aolukpe ni a roli ramhi ukpese, abi a li kpe te odode khi eni e mholi oghumhẹ somhopfa, ni e gbo somhopfa.

¹¹A zobe ni a pfuse oni akanya gbe pfo, ni abi o li te eke mu e egbe ni a ro

* 8:4 Li ze iRom 15.26

somhopfa, ni a ligho somhi oni opfa abi abo e te e.

¹² Emini a mholi o mu Eshinegba eloe. Emini o mu eloe khi abi a li mholi oghuemhe ni a rote emini a mhue somhopfa, o a khi oni aa mhue, aa bino.

¹³ Oa khi eri mhia mie egbo eghuo itsua shi eke ni mhi ro ri itsua na egboese tsua. Ama ni a ga li abeghuo.

¹⁴ Aborokhia khi a mholi gbeku o memena egho, o ti ni a kpaghie eni ea mhue obo. Ini wewe e ke li mhue gbeku o elelese, ni ee aa ke ro mholi, wewe e li kpaghie e obo, ishegho o gue ti e egbe abeghuo.

¹⁵ Abi a li keke oli shi Ebe-no-pfuase khi,

“Oni o ti e gbili

o ya tigbe mholi gbeku o,
ama oni o ti ikukuwe gbili,
emhi khoghuo
o ya tigbe e baliku.”†

A ghie iTatosi je iKoriti

¹⁶ Mhi kphemhi na Eshinegba ni o li ri omuegbe onabi mhi mholi na e, shi iTatosi udu.

¹⁷ Irari khi o a khi eri o lese lama shi emini anye lema li o riele tse, ama eri o she kpe la li udu khi loli e bhale deba e.

¹⁸ Anye li ghie inyoghuo ooghuo deba li e bhale. Ogbu ni a ga lolo mu ekpe e na elemhi igbaa oyi eni e mie iJesu iKirisiti suo nya shi akanya itsabo usomhi onete oyi Eshinegba o khi.

¹⁹ Oa khi ogho tse, eri eni igbaa nya eyi eni e mie iJesu iKirisiti suo, e ze oli o deba anye kia abi anye li tsua eni isomhopfa ikpagho ni anye ro ya na e kia. Ikhi ikpaghiobo ni e ya ri ikueghie ghi eva oyi oni Onomhue, ni o rokhase khi anye mholi omuegbe ro kpaghiobo.

²⁰ Anye ea nono ni ogbokhoghuo o me emhi akhokhomhe okhoghuo gue shi abi anye li ri isomhopfa ikpagho okpokhe ena kia.

²¹ Emini o ze khi anye lina riele oli khi, eri anye roshaka ni anye rokhase

khi anye gue ri eni isomhopfa ikpagho ena kia. Oa khi odalo oyi Eshinegba tse ama li shi odalo oyi egbo nya.‡

²² Anye gbo li ghie inyoghuo olese ma aava ena egbe e ghi e. Anye she mu oli fe itingmingme, anye me oli me khi o ma nono ni loli kpaghie obo. Eena o mema ghole oli o ro kpaghie obo, eena ni o she me khi eni a ri egbe e nga a khi.

²³ iTatosi onuzava oyemhe ali oni anye ga a gbe akanya kugbe o khi, ama inyoghuo awa enekpole, etololi igbaa nya eyi eni e mie iJesu iKirisiti suo, ni e ri ufumhi na iKirisiti.

²⁴ Irarigho, a ri inono oyee khase eni egbo ena, ali emini o ze ni anye ro ree a gha, ni igbaa eyi eni e mie iJesu iKirisiti suo e me oli.

9

Ikpaghiobo ni a ro na egbo eyi Eshinegba

¹ Mhi aa kha ke gbo keke ingme ikpaghiobo ni a nono ni a ro na egbo eyi Eshinegba ni e la eke iJudia shi ebe ghi e.

² Mhi lese khi oo ghole e ni a ro kpaghie obo, mhi gbo roli ree e neta omose khase egbo na obini iMasidonia, khi aolukpe, ee ni a la Akhaya a te muegbe ni a ro ya kpaghie obo, ali khi omuegbe oyee o she li guise egbo eghuo le, ni e ro li riele ikpaghiobo.

³ Ama eri mhi ghi inyoghuo awa ena ghi e ni a ro mu egbe shi eke, ini eta omose ni anye re e na shi isomhopfa ni a somhi, o khi li abi afue ni anye re e na eta omose, ama ni o kie khi abi anye e khi a li.

⁴ Irari khi ini onge iMasidonia okhoghuo o deba mhe bhale, ni aa ro mu egbe shi eke, omama o ya mu anye shi abi anye li ligho beshi regbenga e ree neta omose. Ee omama o ya mu ne.

⁵ Loli o ze ni mhi ro ghie eni inyoghuo awa ena ralo na mhe, ni e ya muegbe isomhopfa okpokhe oyi

† 8:15 Li ze Okiali 16.18 ‡ 8:21 Li ze Ekpi 3.4

ukpaghọ, ni ẹ khi a ya rọ bhale shi eke neni mhi bhale. Ẹghẹghẹ aghọ ni a rọkhasẹ khi eri o pfo ẹ udu li oni okpokhẹ ni ọa khi oyi ichiobo.

⁶ A sato khi ọni ọ chi-obo ri emhi kọ khi ukukuọ ọ ya mẹ khiẹsẹ. Ọni ọ ri emhi kọ tuọ, emini e bu o ya mẹ khiẹsẹ.

⁷ Ọgbọgbọ ọ ri irarighọ ke rona abi o pfo ọli udu, ama ọ khi ri iwọlọ rona, ali o khi li abinẹ khi oni a ri ekpabọ rẹ ẹ riẹlẹ, irari khi Ẹshinẹgba ọ ma nono ọni ọ ri oghelẹ ẹ rue obo-a.

⁸ Ẹshinẹgba ọ dobe ya ri ikhivose ni o dose oni a nono na ẹ, ni a rọ bhale ya ẹ khi a mholi emhikpa gbeku ọ dose abi a nono ọli shi, ni a rọ dobe ke riẹlẹ eminete khi eminete na ẹgbọese ẹghẹghẹ kpa.

⁹ Ezeze abi a li keke ọli shi Ebe-nopfuase, ni ọọ,

“Ọ li okpokhẹ tuotuo,
o somhi eni ẹa mhue opfa,
ogbo ọa ya yele
igue-ngeli oyoli-a ghue
agboagbo.”*

¹⁰ Ẹshinẹgba ni ọ ri ukpamhi ẹ na ogbo rọ kọ, ọ gbo ri eminale na ogbokpa a le. Ọ ya gbo ri ikpamhi ni a rọ ọ kọ ghi ẹ, ọ gbo rẹwe ze, ọ rẹwe fu ni a mẹ khiẹsẹ. Isheghọ ni onete ni u riẹlẹ na ẹgbọ o mọ umomhi ne, ni u pfa le.†

¹¹ Ọ ya rẹ ẹ pfue odekhode ni a ke li okpokhẹ ẹghẹghẹ kpa, ni ebubu ẹgbọ e ke kphẹmhi na Ẹshinẹgba ini anye tsua isomhopfa eyẹ ghi wẹ.

¹² Oni ugamhi ni a lina ri okpokhẹ oyeẹ ona ga ena, ọa khi ẹgbọ eyi Ẹshinẹgba na pfa na tse o kpaghiẹ obo, ẹgbọ ebubu e ri itobo ona a kphẹmhi na Ẹshinẹgba.

¹³ Eri akanya ni a gbe na ẹgbọ eyi Ẹshinẹgba o ri ufumhi na Ẹshinẹgba, o rẹwe kueghie Ẹshinẹgba. Ona o rọkhasẹ khi eni e mie usomhi onete oyi iKirisiti suọ a khi, ni a ri oni usomhi gbe akanya, abi a li li okpokhẹ na wẹ ali ẹgbọ elese.

¹⁴ Inono ni e rọte ekelemhi udu mholi na ẹ, e te ẹ sọ iromhi na ẹ, itobo

ikhivose ni Ẹshinẹgba ọ rẹ ẹ khivose na wẹ.

¹⁵ Awa ke kphẹmhi na Ẹshinẹgba shi isomhopfa oyoli ni unu ọa dobe ngme pfo.

10

IPolu ọ ri akanya aghiusomhi oyoli lo ẹgbọ esọ

¹ Eri a rọli shi khi eri mhia pfo ini mhi la odalo oye ẹ nu ẹ ngme, ama ini mhi aa nu ẹ migha, mhi nu ẹ ẹ ngme ingmemhi ni e ze. Mena, mhi lema ẹ a ri esọ shi mhe eke, irari khi ẹgbegbi iKirisiti lue ọ, ọna ipfomhe ali ikuegbe-a ọ khi.

² Ẹgbọ eghuo ẹ lie khi eri mhia ngeli abi ẹgbọ na agbo ẹẹ li. Irarighọ mhi ya ri uruli ni o ze nu wẹ ngme emini mhi nu wẹ ya ngme ini mhi bhale. A kpekpe a khi yese mhe lighọ ngeli deba ẹ.

³ Irari khi ini o ri riẹ khia khi elemhi agbo anye la, anye ẹa ya khọli abi ẹgbọ na agbo e lie khọli.

⁴ Irari khi itsua okhọli eyanye, ẹa khi eni áá mẹ alo gbugbugbu, ama obo oyi Ẹshinẹgba e te bhale. E mholi itoto ni e rọ dobe ẹ guoghọ ekpabọ itoto oyi okphaghie-a. Anye ẹ guoghọ ekhako-a,

⁵ ali isamhi ighagha nya-a, ni ẹ khi ọzuode, ni e ti egbewe nga a dose ilẹse eyi Ẹshinẹgba. Anye ẹ mu isamhi ebe nya iko, anye rẹwe ẹ nyese ukhomhi na iKirisiti.

⁶ Anye mu egbe ni anye rọ ya na umha-suesọ nya osoli ini issueso-negbe oyeẹ o gba se.

⁷ Ọa khi abi emhi o li odagbe a lie bino ọli? Ọnge ẹ okhoghuo ọ la ọ ni ọọ lu egbọli onayi iKirisiti, ọ gbo sa ingme egbọli bino, irari khi oyi iKirisiti anye li khi abi lolli ọli khi oyi iKirisiti.

⁸ Omama ọa ya mu mhe shi ọ, ini mhi riẹ tonọ obo udu dose ode shi afu ni Onomhwe ọ rọ na mhe, mhi rọ kpaghiẹ ẹ obo, ni ọa khi oni a rọ yese ẹ.

* 9:9 Li ze *Iwolo 112.9* † 9:10 Li ze *Aza 55.10*

⁹ Mhi aa nono ni mhi li abine khi eri mhi ri ebe ni mhi keke e nyamhise e alo.

¹⁰ Irari khi eri egbo eghuo e lie khi, ebe eyi iPolu e ma kho dose, ama ini o nu awa la ana o pfo-a, ingmemhi eyoli ea ke mu ame.

¹¹ A ze egbo eghoghohose khi emini anye keke shi ebe ini anye ea la agho, khi wewe anye gbolo e rielle, ini anye bhale migha.

¹² Anye ea gbudu ya ri egbe anye khokho eni ee titi egbe we. Irari khi eni eri e ri egbewe mhese egbewe, ni e ri egbewe khokho egbewe, eyeghe e khi.

¹³ Ama anye ea ya tono obo udu da ode, ama ashini Eshinegba o ri afu na anye ramhi anye ya tono obo udu ramhi, ikhi akanya ni anye gbe ni o ramhi e egbe.

¹⁴ Anye ea ya titi egbe anye dose ashini anye kha titi egbe anye ramhi, irari khi anye e mema rue usomhi onete oyi iKirisiti bhale ghi e, ni a ga lese gboo.

¹⁵ Anye ea ya ri ikanya ni egboese e gbe ke tono obo udu abine khi anye gbe we. Ochoghohose eri anye ri udu shi khi irudunga oye e o ya ke nga shi o, ni anye gbo dobe gbe akanya ni e fune iteva oye e, abi Eshinegba o mhese oli ni anye.

¹⁶ Isheghohose ni anye dobe tsabo usomhi onete obini eke oboese ni o kpe obo na e, ini anye khi tigbe ri ikanya ni a gbe oboese tono obo udu.

¹⁷ Oni odo tono obo udu, o ke ri emini Onomhue o rielle tono obo udu.*

¹⁸ Irari khi o kpe khi oni o ti egbe oli nga egbo ee mie khi o ti, ama oni Onomhue o mie, o khi oni a mie.

11

IPolu ali ighiusomhi na kepe eyi egbhohi

¹ Mhi lema e a kpekpe a roshaka ri egbe mie oyeghe oyemhe ukuku o tse!

² Ingme oye e o ma mu mhe egbe gba abi o li mu Eshinegba egbe, itobo

khi eri a li abi omueshi ni o me omose ghue, ni mhi she ro nga na omose oghuo, ikhi iKirisiti.

³ Ulishi odo mu mhe ini a ya yese e udu-a ali khi a ya tsua inono na tselele ni a mholi na iKirisiti pfi, ezeze abi enye o li ri ikpamhika eyoli di livu.*

⁴ Irari khi ini ogboese o bhale deba e ya ri iJesu olese tse abo ye e, ni mhia ro tsabo ye e ghue, okekha khi ayemhe olese ni o khi oda shi oni a kpe mie, a ke mie, okekha usomhi onete olese ni o khi oda shi oni a kpe mie a ke mie, eri a mema nyanya mie oli.

⁵ Mhi aa sa khi mhi kpe dose ighiusomhi na kepe ena aakemeghue eye e ni e ghohose mu e olo egho.

⁶ Ini o ri rielle khi ungmehi o lolo bie shi mhe unu, mhia khi oni o la lese ebe. Anye she ri ona lo e esohoo, odekhode.

⁷ Eri mhi ri ona lamhe ni mhi aa rodo khi oki nga e ike abi mhi ro gue usomhi onete oyi Eshinegba ye e? Ni mhi ro ri egbe mhe tiemhie eke ni mhi ro re e fu?

⁸ Igbaa nya eyi eni e mie iJesu iKirisiti suo elese ee fali mhe ota abi mhi ro la iteva oye e gbe akanya. Mhi mie we ro zuse na e.

⁹ Abi mhi ro la aye e, mhi aa ri ingme ukpaghohose nase e, inyoghoo awa ni e rothe iMasidonia bhale e tsua emhikpa ni mhi i nono ghi mhe. Abi o kpe li ookhokho, ni mhi aa kpe ri itsua na e tsua igho o kie ya li odalo.†

¹⁰ Ini igesikia oyi iKirisiti o da kie la mhe egbe ne, ogbohohoo o la o ni o dobe ya khu mhe mhi khi ke lina tono obo udu elemhi eke Akhaya.

¹¹ Oa khi eri mhi aa nono ingme oye, ini mhi ke da lie khi mhi aa nono ni mhi ri itsua na e tsua. Eshinegba o lese khi mhi nono ingme oye.

¹² Mhi ya kie ke rielle emini mhi kie kpe rielle. Egheghe agho, eni ee nono ni wewe e lie khi ikanya eyewe ali eyanye khi abeghoo e li, ni mhi roli khi we unu-a.

* 10:17 Li ze iJere 9.24 * 11:3 Li ze Igbae 3.1-5,13 † 11:9 Li ze iFili 4.15-18

13 Emose eghoḡo, ighiusomhi na keḡ eyi eḡbḡoli e khi, ni e ri ikanya ni e gbe e lono eḡbḡoli, ni eḡ li eḡbo ikokoalo, ni e ri egbe we shi khi ighiusomhi na keḡ eyi iKirisiti wewe e khi.

14 Oa ke khi emini áá khokho, irari khi eri okphaghi e o ri eḡbḡoli mele aḡeni oyi ákpá a li eḡbo ikokoalo.

15 Irarigho, oa khi emhi oshabo ini ighiusomhi eyoli, eḡ li ikokoalo ri eḡbewe mele ighiusomhi ni e migha shi ipfuase. Ikpukhokho, e ya me iso-ezo oyewe mie.

Osoli ni iPolu o me na iKirisiti

16 Mhi gbo ngme oli, oḡbokhoghuo o khi sa khi oyeghe mhi khi, ama ini u ke ligho sa, kie ligho mie mhe abi oyeghe, ni mhi me emhi ro ke neta omose.

17 Ama oa khi emini Onomhue o kha lie mhi ngme mhia ngme memena. Eri mhi ga ngme abi oyeghe elemhi ingme ineta omose ona.

18 Aborokhia khi eḡboese e ri emini e rieḡ eḡ neta omose egho, mhi ya li lana ligho.

19 Ilesingme dose oyee o ze ni a ro ri oghelie mie eyeghe shi iteva oyee ena!

20 Eḡbo ni eḡ mu e ighumha, ni e ri ikpamhika do e ighiatu, ni e reḡ le emhi, ni e ri ukpeloe e gbe e e gbo pfi ima shi e alo, wewe áá mie.

21 Omama o khi, ni mhi ro lie khi eri anye pfo alo-a, ni anye a ro lina ngeli deba e.

O kha khia khi onete o khi ni eni ighiusomhi eyi eḡbḡoli egho e ro ke neta omose shi emhi afue ni eḡ rieḡ deba e, mhi ya li nu we la ana neta omose. Ama a roli shi udu khi oḡbo ni oḡ neta omose shi angeli oghoḡo, khi ooyeghe o khi.

22 Ghe khe, e khe khi Iburu wewe e khi, Iburu mhi li khi, eḡ khi iZireni wewe e khi, iZireni mhi li khi. Imimi Aburaamu ni e khi, lolu mhi li khi.

23 Ighiusomhi eyi iKirisiti eḡ khi wewe e khi? Mhi la ana ya li oyeghe! Mhi ga ti dose we e! Mhi ga gbe akanya dose we. Mhi la owa ighumha

itingme ni e bu ne, iti-ingme ni a gbe mhe itali e bu dose eyewe. Iti-ingme ni eghuli o kha gbe mhe e bu ne.†

24 Agbhagbhamhi ishe eḡbo iju e gbe mhe itali oghuo oa la eḡbhueva. §

25 Itese eḡbo iRomu e gbe mhe ikpokpo, a tono mhe eche utoghuo. Itese oko oke oniemhi ni mhi lo e kulue, oḡbeḡghuo ali eliyose nya mhi la ukhomhi oke oniemhi, ni o tsua mhe gase, ni mhia me abi mhi li kia.*

26 Iti ingmi-ingme mhi ye asha, ni mhi kha ri egbe na oke oniemhi ali ighiatu gbe-a, mhi gbo la okhena oyi eḡbo iju eyemhe, ali iJeta. Mhi li la eḡbegbi okhena elemhi ifui apfe, mhi la okhena odagbe ifufu, mhi la okhena ukhomhi oke oniemhi, mhi gbo la okhena oyi eḡbo eghuo, ni e li abi eni e mie Onomhue suo.†

27 Egheḡhe kpa mhi ro la iroshaka ali akanya agbeghua, mhia me olesese lese ele-iyose eni e bu, okiamhi ali okiam e o gbe mhe. Eminale eyemhe e pfo mhe isheghuo, isheghuo ulili o gbe mhe, mhi aa me itsua so.

28 Ini a ri obo ri egho shi eke, oḡbeḡkpa usamhi ni mhi sa shi ingme oyi igbaa nya eyi eni e mie iJesu iKirisiti suo o ro nase mhe.

29 Oghuo o famhi lose ni oa li pfi olosemhe na mhe? Abi khi oḡbokhoghuo o lamhe olamhe ni oa ri egbe lala mhe?

30 Ini mhi rie neta omose, emini e ri olosemhe oyemhe ya khase mhi ro ya neta omose.

31 Eshineḡba ita Onomhue iJesu o lese khi oa khi eḡbḡoli mhia lo. Ikhivose khi eva oyoli agboagbo

32 Abi mhi ro la eoli iDamasikosi, eri igovun o ni o gbe akanya deba oghie Aretasi o ri idogeli kpe khe mhe ode unuekpe ni a te lo oni eoli, ni e ba gba mhe mu.

33 Ama eri oḡbo rue mhe pfilo ugi rote okele ni o la ugbe ni a khi gase oni eoli bena tiemhi, ni mhi ro me asha na vu.‡

‡ 11:23 Li ze Ika 16.23 § 11:24 Li ze iDeut 25.3 9.23; 14.15 † 11:33 Li ze Ika 9.23-25

* 11:25 Li ze Ika 16.22; 14.19 † 11:26 Li ze Ika

12

Irokhase ni iPolu o me

¹ Mhi ya kie ke neta omose, ama, mhi lese khi o mholi eleli ni o ro o bhale. Irarigho ingme imeke ali irokhase ni Onomhue o ro na mhe mhi ke ya ke ngme nga memena.

² Mhi lese omose oghuo ni o la elemhi iKirisiti ni a rue je idane agbhagbhamhi onuzi-ese, oonokpe-igbene. Ini elemhi idiegbe o la o, ini o a khi elemhi idiegbe o, mhia lese. Ama Eshinegba o lese.

³ Abi mhi ngme, mhi e khi Eshinegba tse o lese ini elemhi idiegbe o la, ini o a la elemhi idiegbe.

⁴ Eri a rue oli eke-a zai, ya nga Apfe oyi Eshinegba na iloghie. O suo emini ea ze ya guele, ni aa ya lama shi a gbudu ngme unu le.

⁵ Oni omose ogho mhi ro ya neta omose. Ama mhia ya ri egbemhe neta omose, se e ni umha mhue ekpabo oyemhe.

⁶ Ini mhi ri rie neta omose, mhia ya rie e ingme oyeghe, itobo khi igesikia mhia ngme tse. Mhi ya roshaka ini mhi khi ngme da ode. Eghenge agho ongee okhoghuo o a ya timhe nga dose abi a kha timhe nga ramhi, rote emini a me khi mhi rie e ali emini a suo khi mhi ngme.

⁷ Eri a ri emini o li abi ugba ni o ya ke nase mhe shi mhe egbe ni o khi aghiusomhi oyi okphaghi e, ini mhi khi vuse ike dose shi irokhase ebubu ni mhi me.

⁸ Itese mhi lema Eshinegba o mie mhe oni emhi anasemhe ona pfi-a.

⁹ Ama emini o ro so mhe o khi, "Ekpabo eyemhe o she bu e, irari khi ini o lose, loli ekpabo eyemhe e ro me asha ri egbe e khase." Irarigho mhi ro ri oghel e ri olosemhe oyemhe ya neta omose, ni ekpabo eyi iKirisiti e me asha remhe gbe akanya.

¹⁰ Ini mhi mhue olosemhe, ali ni a ro tsue mhe, ali ni mhi ro la umhame ali ni a ro mu okholi vule shi mhe o, ali ni mhi ro mholi iyese-udu-a, o kha da khi itobo oyi iKirisiti, eri o ri egbe e

mu mhe. Irari khi ini o lose mhe, loli mhi ro mholi itoto.

Ingme oyi egbo iKoriti o mu iPolu egbe

¹¹ Eri mhi chi oyeghe-a, ama e e a yese mhe e chi oli-a. E e a kha ke titi mhe. Ini mhi aa ririe khi emhi khoghuo, mhia mhue emhikhoghuo ni mhi te kpodo dose eni a lui, "Ighiusomhi na ke e ena aakemehue."

¹² Elemhi iregbemie osoli, mhi ro la iteva oyee gbe rie e ole e onyaloa ali oshabo ni o rokhase khi aghiusomhi na ke e oyi iKirisiti mhi khi.

¹³ Eri ikhivose ni igbaa nya eyi eni e mie iJesu iKirisiti suo elese e me mie o de e unu-a? Abi mhi aa li ri ingme ikpaghiobo ukpagho nase e lo? A kpekpe, a ro topfa mhe shi o.

¹⁴ Utonuzese na ni mhi ro mu egbe ni mhi ro bhale ya bino e. Mhi aa ya mhila e emhi khoghuo. E e oyee mhia nono, o a khi ukpagho oyee. O a kpe khi eniye e ri emhi na eni e bia we e le, ama eni e bia eniye e ri emhi na we e le.

¹⁵ Irarigho, mhi ro ya ri oghel e ri ukpagho ni mhi mholi nya ali mhemhe nya na e, ro kpaghi e obo. Inono onikeke a ya mholi deba mhe ini mhi mholi inono oniemhi na e?

¹⁶ A lama shi o khi mhi aa khi itsua na e ni aa tsua. Ama egbo eghuo e ya lie khi ikpamhika mhi ro ri egholi di e mu.

¹⁷ Eri mhi ri egbo ni mhi ghie ghi e mu e ma eke?

¹⁸ Eri mhi lema iTatosi o ke le, mhi e inyoghuo awa onokpole o kphase oli. Eri a ya lie khi eri iTatosi o mu e ma eke? O a fe ligho. Abi khi aa lese khi usamhi oghuo mhemhe ali loli anye mholi shi udu ni anye ro rie e emini mhemhe ali loli anye ga rie e?

¹⁹ Otse eri a dabi khi eri anye kie kpe roshaka ke ke egbe anye shi eke odalo oye e. O a khi igho. Ama abi iKirisiti o nono ni anye li ngme, anye li odalo oyi Eshinegba. Emole, eri anye rie e emini anye rie e nya ro kpaghi e obo.

20 Egbe limhẹ khi ini mhi ramhi agho khi mhia ya bhale ya me ẹ shi abi mhia nono ni a li, ali khi aa ya me mhe abi a nono ni mhi li. Ulishi o o mu mhe khi mhi ya bhale ya ẹ shi uwola ali ubogbo, ali udu ni o o to, ali ukphe, ali ikemhi ikui-iku, ali iyese egbe eva-a, ali ineta, ali itipfuabo-nga, ali ozughu iteva oyeẹ.

21 Egbe limhẹ khi ini mhi ke bhale, khi Eshinegba o ya ri omama mu mhe odalo oyeẹ. Mhi ya vie na ebubu ẹ ni ẹa kie rote agbo olamhe oyewe mupfi lasela. Ni a kie la angeli efiala, ikhi usamhi irumheba, ali olamhe ighue imumu.

13

Itse-agua ali otse enekpukhokho

1 Utonuzese na ni mhia bhale ya bino ẹ. Abi Ebe-no-pfuase o ngme ni o o, "Otsela eva, okekhi ese, a ro o mu ma ingme, ni a ro so ezọ."*

2 Mhi kpe tse agua ye ẹ, ẹ ẹ ni a kpe lamhe olamhe, ali egboese eni e kpole nya. Mhi kpe ngme o li ibhale onuzi-eva oyemhe. Memena, mhi gbo ngme o li abi mhi la oboese, mhi tse agua khi ini mhi gbo bhale khi mhi aa ya ze we obo khi mhi aa na we osoli.

3 Onana o ya rokhasẹ ẹ khi iKirisiti mhi ngme ẹ na. Ini o sese ẹ ingme se, a ro ya lese khi o mholi ekpabo iteva oyeẹ.

4 Ini o ri rie khia khi o a mhuẹ itoto abi a ro tali ma apfida gbe-a, ekpabo oyi Eshinegba o ro a la agbo. Eri awa aa li mhuẹ itoto abi iKirisiti. Ama a ya me o li khi anye ya ri ekpabo oyi Eshinegba la agbo, ezese abi iJesu o li, ni anye ro ga ẹ.

5 A mhesẹ egbe ẹ bie bino ni a me ini a kie la elemhi irudunga oye ẹ. Ini a mhesẹ egbe ẹ bino ni a ro me khi iJesu iKirisiti o a la agbo oyeẹ, a lese khi a she de oni imhesẹbino.

6 Mhi lese khi a ya me o li me khi anye ẹa de oni imhesẹbino.

7 Anye lema Eshinegba, a khi rie de-a. Ona o a khi ni anye ro rokhasẹ khi anye she me emini anye ẹ nono

mu mhuẹ, ama ni o re ẹ ke rie ẹ emini e gbe akanya ini anye rie li abi eni de.

8 Irari khi anye ẹa ya rie ẹ emini o mu okholi vule shi igesikia o, ama emini o ya mu igesikia mhuẹ anye ya rie ẹ.

9 Egbe ma mu anye, ini o lose anye ni ẹ ẹ a ro mholi itoto. Igho anye gbo lie so iromhi Eshinegba o re ẹ ke ngeli shi egheghe, abi o nono ni a li ke ngeli.

10 Loli o ze khi mhia keke ebe ona abi mhia ro nu ẹ la oobo ena. Igho lo, ini mhi khi roli ze mu ẹ, ini mhi bhale deba ẹ. Irari khi eri mhia nono ni mhi ri afu ni Onomhuẹ o ro na mhe gbe akanya, ni mhi ro kpaghie ẹ obo, ni o a khi ni mhi ro bighi ẹ de.

11 Ni mhi ro gbe o li ukhomhi inyoghuo-mhe, Okhila! A mu udu oye ẹ pfi, a suo olema oyemhe, a lama shi egbe ẹ o, a ri opfomhe nu egbe ke la. Egheghe agho ni Eshinegba na inono ali opfomhe o nu ẹ la.

12 A ke tse egbe egbegbi otse, a ghele mu egbe.

13 Egbo eyi Eshinegba nya ẹ ẹ tse ẹ.

14 Okhale oyi iJesu iKirisiti Onomhuẹ, ali inono oyi Eshinegba, ali iregbemu onayi Ayemhe-no-pfuase, e ka nu ẹ ẹ nya la.

* 13:1 Li ze iDeut 17.6; 19.15

Ebe ni iPọlu o keke ghi egbo IGalesha Eni e miesuo

¹ Mhemhe iPọlu aghiusomhi na kee ni o a khi obọ oyi egbo mhi te bhale, wekhi obọ oyi ogbo a te ghie mhe, ama obọ oyi iJesu iKirisiti ali Eshinegba Ita ni o rote eghuli guise o li le mhi te bhale, mhemhe mhi keke ebe ona.

² Mhemhe ali inyoghuo ni e miesuo nya ni e nu mhe la, anye ga tse igbaa nya eyi eni e mie iJesu iKirisiti suo ni e la eoli iGalesha nya.

³ Eshinegba itawa ali iJesu iKirisiti Onomhue oyawa e ka li okhale na e, e ri opfomhe na e.

⁴ Loli o ri egboli bhale shi iluasobo shi olamhe eyawa ni o ro pfa awa shi eke agbo okholo ali agbo ingmobe ni awa la ena abi o ghole Eshinegba oyawa ni o gbo khi ita awa.

⁵ Loli a ri ufumhi ya na ya ramhi ele na agboagbo. Atse.

Usomhi onete olese o a ke la o

⁶ Abọ e sha mhe khi a she gbẹ kie oni o rote isomhelemhi oyi iKirisiti lu e, a mu egbe nyene e deba usomhi onete olese ni o khili oda,

⁷ ni o khia khi ea fe ga khi usomhi onete. O rokhasẹ khi egbo eghuo e she pfi e lo omunu ali khi ee dua ni e mu usomhi onete oyi iKirisiti ukhomhi pfi kpoke

⁸ Ama ini otseku khi aanye, okekhi ajeni ni o rote iloghie tiemhile, o ya gue usomhi olese ye e ni o khi oda shi oni anye kpe gue ye e, a ze ni a rue o li shi ogbo ni a she pfa ezọ mu je ilimhi iriere.

⁹ Abi anye kpe ngme loli mhi gbo ri ele ngme memena, khi ini ogbo o bhale ya gue usomhi onete olese ye e ni o khi oda shi oni a miesuo, oni a pfa ezọ mu o pfa agboagbo o khi!

¹⁰ Eri mhia nono ni egbo e ba mie shi mhe o abi khi Eshinegba mhia nono ni o mie shi mhe o? Abi khi egbo mhia nono ni mhi ri egbe mu? Ini o khia khi egbo mhi kiele a nono ni mhi ri egbe mu lo, mhi aa kha khi aghiusomhi oyi iKirisiti.

Eshinegba o lu iPọlu

¹¹ Mhia nono ni mhi gueye e inyoghuo-mhe khi usomhi onete ni mhi ro o tse abọ o a khi obọ oyi ogbo o te bhale.

¹² Mhi aa rote obọ oyi ogbokhoghuo mie o li, wekhi eri a sese mhe lue. Ime-alo mhi te mie o li rote obọ oyi iJesu iKirisiti.

¹³ Irari khi a she kpe suo mhe eko abi mhi ro la ugamhi oyi egbo iJu, abi mhi li lolo rosheka e mu okholi vule shi ena igbaa oyi eni e mie iJesu iKirisiti suo oyi Eshinegba o. Mhi rosheka ini mhi yese imiesuo oyewe-a.*

¹⁴ Mhi fu shi oni ugamhi egbo iJu dose ebubu egbo ni anye la otu oghuo, ali mhi mhọli omuegbe shi ishi eyi eni e bia mhe.†

¹⁵ Ama abi Eshinegba ni o rote eke ze mhe kee neni inyemhe o bia mhe, ni o lu mhe rote okhale oyoli. Egbe mu o li khi

¹⁶ o ri omioli khasẹ mhe ni a bhale ya e khi mhi ri o li tsabo ifuabọ egbo iJeta. Mhi aa vu ya mhila ogbokhoghuo,‡

¹⁷ wekhi eri mhi je eoli iJerusalemu ya me eni e khi ighiusomhi na kee, neni o ze mhe, ama eri mhi je eke Arabia ali mhi tigbe nyene egbe jele eoli iDamasikosi.

¹⁸ Abi ikpe ese e ro dose se, mhi ro tigbe nga iJerusalemu ni mhemhe ali iPita anye lese egbe, mhi nu o li la ogbele igbeshe.§

¹⁹ Mhi aa me aghiusomhi na kee olese se khi iJemhisi ni o khi inyoghuo Onomhue.

²⁰ Mhia gueye e ukpeloe Eshinegba khi emini mhi keke e ghi e ea khi egbhọli.

* **1:13** Li ze Ika 8.3; 22.4-5; 26.9-11 † **1:14** Li ze Ika 22.3 ‡ **1:16** Li ze Ika 9.3-6; 22.6-10; 26.13-18 § **1:18** Li ze Ika 9.26-30

21 Elẹlese, mhi je eke iSiria ali eke iSilisha.

22 Ogbokhoghuo ọa la elemhi igbaa nya eyi eni e mie iJesu iKirisiti suọ na eke iJudia ni ọ mẹ mhe ukpelo ghue.

23 Eko ni e lese suọ khi: “Oni omose ni ọ kpe mu okhọli vule shi awa ọ, eri ọ ke tsabo oni ungmehi irudunga oni ọ kpe dua ni lue yese-a.”

24 E kueghie Eshinegba itobo oyemhe.

2

Ighiusomhi na ke e mie IPolu

1 Ikpe igbene e dose, mhi nga iJerusalemu. Utona, iBanabasi ọ deba mhe. Mhi li gbo rue iTatosi.*

2 Eri mhi nga obo ni mhi ro ri imealo ni mhi me gbe akanya, ali ni mhi rokhasẹ we usomhi onete ni mhi ro ọ tse abo ifuabo egbo iJeta. Ama eri mhi bena riele ona khasẹ egbo ni e khi eni ee ralo, irari khi ulishi oo mu mhe ini ikanya ni mhi kpe gbe ghue ali ena ikpukhokho eyemhe e ya khi afue.

3 ITatosi ni ọ nu mhe kia, aa lie khi ọ mema shele-a, abi ọ tseku khi ongi iGiriki.

4 Eri ingme oshẹle onana o lasele irari khi inyoghuo eghuo ena egbholi e bena lo anye ifuabo, ni e ba me asha guano udi epfua ni iJesu iKirisiti ọ ro na anye, mu anye ighumha.

5 Ama anye ea tigbe lama na we ukuku eghẹghẹ ni a ro bhale ya e khi igesikia oyi oni usomhi onete o nu e kie la.

6 Egbo eni e bino egbewe khi wewe e mu eloe, ea mu mhe eloe, irari khi Eshinegba ọa mhue oni ọ kpe mhe ne, ali khi abi ogbo li edato ọa roli e gue ogbo ezọ. Eni egbo eghoghọ ea mhue emini e ro ma mhe usomhi onete.†

7 Ama eri e me khi a she ri akanya itsabo usomhi onete ghi egbo iJeta nga mhe obo, ezeze abi a li li ghie iPita ghi egbo iJu.

8 Irari khi abi Eshinegba ọ li nu iPita e gbe akanya abi aghiusomhi na ke ni a ghie ghi egbo iJu, igho ọ li nu mhe

gbe abi aghiusomhi ni a ghie ghi egbo iJeta.

9 IJemhisi ali iPita ali iJoni ni a lese khi wewe e mu oni igbaa oyi eni e mie iJesu iKirisiti suọ mhue, e me khi Eshinegba ọ ri isomhopfa na ke na mhemhe ali iBanabasi, e ro lama na anye, anye ke tsabo oni usomhi onete oghuo ye egbo iJeta. Wewe e tsabo ye egbo iJu.

10 Emini e ngme khi anye ke kpaghie egbo ni ea mhọli obo, igho mhi li roshẹka riele ọli.

IPolu ọ gueye iPita khi ọa gue riele

11 Abi iPita ọ ro bhale Atioki, mhi gueye ọli gboo ghemhe ghe e khi ọa gue kia, irari khi ọ lue.

12 Neni egbo ni iJemhisi ọ ghie usomhi, e bhale, iPita ọ kpe nu egbo iJeta a le eminale kugbe, ama abi eni egbo e ro bhale, ọ ti je ukhokho na iJeta egho, irari khi ulishi oyi egbo ni e lie khi ogbo ọ mema shele-a oo mu ọli.

13 Egbo iJu eni e miesuo enekpole e li kuma ọli ọ riele ikokoalo, ya ramhi khi oni ikokoalo o li ri iBanabasi kuma we ọ.

14 Abi mhi ro me khi, ea rote ode igesikia abi oni usomhi onete o ngme, mhi la ukpelo eni egbo lie iPita, “Ogbo iJu u khi, ama wa ngeli abi ogbo iJeta. Elo o ze ni u ke ro nono ni i ri itoto mu egbo iJeta ke riele ighuighue eyi egbo iJu?”

15 “Egbo iJu a bia awa, awa aa khi egbo iJeta ena olamhe,” abi a lu we.

16 Lese khi aa ya pfa na ogbo irari khi ọ ri ushi a gbe akanya, ama itobo irudunga iJesu iKirisiti. Igho awa li li ri udu nga iJesu iKirisiti ni a ro pfa na awa. Ọa khi itobo irushi-gbe akanya, irari khi ogbokhoghuo ọa la ọ ni a ya pfa na irari khi ọ dobe ri ushi a gbe akanya.‡

17 “Abi awa lie dua ni awa khi eni a pfa na elemhi iKirisiti, eri o rokhasẹ khi ena olamhe awa khi. Ogho khi eri iJesu ọ mu e ma olamhe? Iiye o, ọa khi igho!”

* 2:1 Li ze Ika 11.30; 15.2 † 2:6 Li ze iDeut 10.17 ‡ 2:16 Li ze Iwolo 143.2; iRom 3.20,22

18 Mhi kha rieḷe emini mhi guoḡho-a roko, eri mhi rokhasẹ khi oḡbushia mhi khi.

19 Irari khi roṭe ushi mhi te ghu pfa ushi, ni mhi doḃe la o na Eshineḡba.

20 A she li ta mhe ma apfida abi a li ta iJesu ma apfida, ali khi aa ke khi mhemhe mhi ke la agbo, ama iKirisiti o ke la agbo oyemhe. Agbo ni mhi la elemhi idiegbe oyemhe memena, irudunga Omi Eshineḡba mhi te la o, ni o nono ingme oyemhe, ni o ghu-a, ni o ro agbo oyoli na mhe.

21 Mhi aa ri obọ gbe isomhelemhi oyi Eshineḡba nye, irari khi ini o khia khi itobọ iri-ushi-gbe akanya oḡbo ro pfuase lo, eghuli afue iKirisiti o ghu!"

3

Irudunga tse o khi ode imiepfuese

1 Ee eyeḡhe eḡbo iGalesha! Oghuo o ro oḡbo na e le? Ukpeloe oyee a la ri iJesu iKirisiti khasẹ gboo khi eri a ta li ma apfida.

2 Mhia nono ni mhi roṭe obọ oyee lese emhi oghuo. Eri a mie Ayemhe oyi Eshineḡba irari khi a ri ushi gbe akanya, abi khi irari khi a mie emini a suo suo?

3 Eeyeḡhe a ḡho khi? A kha ri Ayemhe oyi Eshineḡba gba ekele se, a tigbe e dua ni a ri ekpabo oḡbo gbe oni akanya pfo?

4 Eri a na lina me osoli shi afue? Ini afue a me osoli,

5 Ayemhe oyi Eshineḡba ni o ro na e, ali ikanya oshabo ni o gbe iteva oyee, itobọ khi a ri Ishi eyi iMosisi gbe akanya lo abi khi irari emini a mie ingme oyi iKirisiti suo, o ze ni o ro rieḷe ena?

6 A sa ingme oyi Aburaamu ghue, "Eri o mie Eshineḡba suo ni a ro pfa na li khi o pfuase."*

7 A lese oli sho, khi eḡbo ni e miesuo, e khi imi Aburaamu.†

8 Ebe-no-pfuase o kpe ngme oli shi eke khi Eshineḡba o ya roṭe irudunga

oyi eḡbo iḡeta pfa na we, o gue oni ungmehi ye Aburaamu oḡ li, "A ya roṭe obọ oyee khivose na ishishi ena ekagbo nya."‡

9 Irarigho, eni e mholi irudunga a ya khivose na abi a li khivose na Aburaamu, ikhi omose irudunga.

10 Eḡbo nya ni e ri egbe da iri-ushi gbe akanya, a pfi unu na, irari khi a keke oli khi, "Unu a pfi na oḡbo ni o da ri emini a keke shi ebe ushi nya gbe akanya."§

11 Mena, aa me oḡbokhoghuo ni a pfa na odalo Eshineḡba irari khi o ri ushi gbe akanya, itobọ khi, "Eni e pfuase, irudunga o re we ya la agbo."*

12 Ode irudunga o kioda shi ode ushi, ni oḡ, "Oni o da ri ushi gbe akanya, ushi o ro ya la agbo."†

13 Eri iKirisiti o pfa awa shi eke elemhi ipfiunu-a oyi ushi abi o li khi oni a pfi unu na irari oyawa, irari khi a keke oli khi, "Unu a pfi na oḡbokpa ni a soli-a shi oora."‡

14 Eri o pfa awa shi eke ni ikhivose eyi Aburaamu e ramhi eḡbo iḡeta egbe, roṭe iJesu iKirisiti, ni awa me ikhivose oyi ishobọ Ayemhe-no-pfuase roṭe irudunga.

Oni Ushi ali oni ishobọ

15 Inyoḡhuo a ze mhe ri angeli eḷekpa rue irokhokho. Ezeze abi oḡbokhoghuo oḡ li doḃe ya shishi o-a, wekhi eri o doḃe ya ro ma ilamasho, ni Eshineḡba o nu oḡbo lama sho, ni o she ḡbola migha. Igho oni ingme onana o li.

16 Oni ishobọ, Aburaamu ali omioli a shi oli na. Ebe-no-pfuase oḡ li, "Ali imioli," ni e khi ebubu eḡbo, ama, "Ali omie," ni o khi oḡbo oghuo, ni o khi iKirisiti.§

17 Emini mhi ri ona ngme khi, ushi ni a tigbe ro lasese abi ikpe egbhue uye ali uye ali igbe (430) e ro doḃe se, oḡ guoḡho oni ishobọ ni Eshineḡba o shi-a, ni a yeke oni ekha-a.*

* 3:6 Li ze Igbae 15.6; iRom 4.3 † 3:7 Li ze iRom 4.16 ‡ 3:8 Li ze Igbae 12.3 § 3:10 Li ze iDeut 27.26 * 3:11 Li ze Abak 2.4 † 3:12 Li ze iLev 18.5 ‡ 3:13 Li ze iDeut 21.23 § 3:16 Li ze Igbae 12.7 * 3:17 Li ze Okiali 12.40 † 3:18 Li ze iRom 4.14

18 Ini oni ugu o migha shi ushi lo, ọa kha ke migha nga ishobo, Ama rote isomheleghi oyi Eshinegba o ro shi oni ishobo na Aburaamu.†

19 Elo o ze ni a ro ri ushi bhale? Eri a ri ushi bhale ni a ro rokhase khi awa lamhe. Eri a roli shi eke ramhi eghenge ni omiomi Aburaamu ni a riege ishobo khe o ro ya bhale. Eshinegba o ri oni ushi na igeni tiemhile na iMosisi ni o la iteva ogbo ali Eshinegba.

20 Awa kha da ngme ingme omighana ogbo ne, o rokhase khi egbo aava e mema lasela shi agho, Ama Eshinegba lolighuo o shi oni ishobo ona, Eshinegba oghuo, o khi.

Emini ushi o migha shi

21 Eri ushi o ke a zu ishobo oyi Eshinegba ode? Iiye o! Irari ini eri a ri ushi bhale ni o ri agbo ke na ogbo lo, a kha ri irarigho pfa na ogbokpa ini o ri ushi gbe akanya.

22 Ama Ebe-no-pfuase o ngme gho khi ekpabo olamhe o mhesa a na agbo nya, ni a ba bhale ya e khi emini a shobo, ni a ro o na ogbo rote obo oyi iJesu iKirisiti ni a roli na egbo ni e miesuo.

23 Neni oni irudunga o bhale, eri ushi o mu awa ighumha, o pfi awa okpe ramhi ni irudunga o ro bhale.

24 Eri a ri ushi na awa ni o sese awa ode ramhi ni iKirisiti o ro bhale, ni a rote irudunga pfa na awa.

25 Memena abi eghenge irudunga o ro bhale, ushi ọa ke e sese awa ode.

Imi Eshinegba

26 Ee nya, imi Eshinegba a khi rote irudunga oyi iJesu iKirisiti.

27 Irari khi ee nya ni a batazi elemhi iKirisiti, a she ri iKirisiti so.

28 Ikhioda ọa la o na ogbo iJu ali ogbo iJeta, wekhi ikhioda o la oghumha, ali oni ọa khi oghumha, wekhi omose ali okpotso, irari khi ee nya, oghuo a khi shi iJesu iKirisiti o.

29 Ini a khi onayi iKirisiti, eghenge agho imi Aburaamu a khi, a khi eni e mholi okemhi shi oni ishobo.‡

4

1 Emini mhia ngme khi, ini oni oni ugu o go lu o da kie khi ukuku omone, ọa kioda shi oghumha o, ama loli o kie ya mholi eni apfe nya.

2 Eri o kiele ya la obo oyi eni e ri eloe e khu oli, ali eni a ri eni ugu nga obone, ya ramhi eghenge ni itali o shi shi eke, ni o ro ya womhe eloe.

3 Igho o li khi shi awa egbe. Ighumha eyi iyemhe ni e mhesa na agbo nya, e mhesa e na awa neni awa mholi iwomheloe elemhi ayemhe.

4 Ama abi oni eghenge o ro ramhi, Eshinegba o ghie omioli ni okpotso o bia, ni a bia shi eghenge ushi,

5 ni o ro tsumhi egbo ni ushi o mhesa e na, ni awa te eni a lu Imi Eshinegba.

6 Itobo khi a khi imioli, Eshinegba o ro ghie Ayemhe oyi Omioli bhale udu oyawa, Ayemhe ni o sese lie, "Itamhe, Itamhe."

7 Itobo ona, wa a ke khi oghumha ama omioli, abi u ke ro khi omioli egho, Eshinegba o she re mie oni ishobo.*

Omuegbe ni iPolu o mholi na egbo iGalesha

8 Eghenge ni o dose ni aa ro kpe lese Eshinegba, a khi ighumha eyi emini e khi ilitsa ni ea khi Eshinegba.

9 Ama memena ni a ke ro lese Eshinegba, ali abi Eshinegba o ke ro lese e ena, elo o ze khi a nono ni a nyene egbe gbo deba iyemhe afue ni ea mhue ekpabo? Elo o ze ni a ro o nono ni e gbo mu e ighumha utonuzieva?

10 A ri eloe e shi ogbele na ke ali iki ali eghenge ali ikpe.

11 Ulishi oo mu mhe irari khi o li mhe eloe abine khi eri mhi pfuse eghenge-a shi e egbe shi afue.

12 Mhia lema e, inyoghua a li abi mhi li, irari khi eri mhi li abi a li. Aa li mhe ingmobe.

13 A yelee, khi elemhi umha ze mhi la ni mhi ro tse abo usomhi onete ye e odo-ode.

‡ 3:29 Li ze iRom 4.13 * 4:7 Li ze iRom 8.15-17

14 Abi o tseku khia khi ughuamhi oyemhe khi eri o li abi anasemhe na e, aa ri eloe gbe mhe, aa kie mhe. Ochoghò, eri a kpe abo mie mhe abine khi agheni Eshinegba mhi khi, abi a kha li mie iJesu iKirisiti.

15 Elo o li oghelè oyeè? Mhi dobe ya pfi otselè khi ini o zè ya li lo khi a kha ga vuonyò ikpamhi alo eye e na mhe.

16 Mhi she mele obo e-a irari khi mhi gue igesikia ye e?

17 Egbò e nono ni e ti e ma egbe, ama oà khia ode ni o ti o khi. Emini e nono khi ni e re e mele epfese-a shi anye o, ni a khi eni e mhòli omuegbe na we.

18 O ti ni ogbo o mhòli omuegbe ini o da khi eminete o mhòli o shi, ali ni o ke mhòli o eghèghe kpa, oà khi ini mhi da lese la aghò tse.

19 Imimhe, egbe e to mhe shi ingme oyeè, abi okpotso ni oku o to, ni a ro bhale ya e khi a me iKirisiti agbo oyeè.

20 Abi a khe khi mhi nu e la, ni mhi mu uruli oyemhe pfi, irari khi egbe e pfo mhe-a shi ingme oye e!

Ega ali iSera

21 A gueye mhe ghue, ikhi ee ni a nono ni a khi eni ushi o mhesè a na, a lese abi ushi o ngme?

22 Irari khi a keke oli khi Aburaamu, o bia eniye emose aava, oghuo o o khi omi okpotso oghumha, onokpole o khi omi ogbo.†

23 Omò ni oghumha o bia na li, eri a bia li rote ode na tse, ama oni egbegbi okpotso o bia, a bia li rote ode ishobo.

24 Eni ingme ena nya e mhòli emini e migha shi, irari khi ikpotso aava ena, ilama na egbe eva e khi. Ilama-negbe oghuo o khi ona ukhomhi ute iSinai, o bia eniye ni e ya khili oghumha. Loli khi Ega.

25 Mena, Ega o migha shi ute iSinai na eke Arebia ni o khili eoli iJerusalemu, irari khi eri o nu imioli khili oghumha.

26 Ama inyò awa o khi eoli iJerusalemu ni o la odane, omi ogbo o khi.

27 Irari khi a keke oli, e li:

“Ke ghele, ye ye aga
ni oà bia eniye,
ri oghelè tsesè leghe,
ye ye ni oku oà to ghue,
irari khi okpotso ni a kie,
o mhòli eniye ni e bu
dose okpotso ni o mhòli odo.”‡

28 Memena, inyoghuo-mhe, eniye ishobo a li khi ezeze abi Aziki o li khi omò ishobo.

29 Abi o kpe li oni eghèghe, ni omò ni a bia elemhi idiegbe, o o li mu okhòli vule shi omò ni a ri ekpabo Ayemhe oyi Eshinegba bia o, ighò o kie li memena.§

30 Ama se Ebe-no-pfuase o ngme? Oo, “Khu okpotso oghumha ali omioli vu, irari khi omi okpotso oghumha oà tigbe ya nu omi egbegbi okpotso kemhi ugu.”*

31 Irarighò, inyoghuo, awa aa khi eniye eyi okpotso oghumha ama eniye eyi okpotso ni o khi omi ogbo.

5

Irueole ni o la obò oyi iKirisiti

1 iKirisiti o she rue awa o le. Irarighò, a migha gbaa shi oni irueole, a khi ke gbo zè ni a gbo ya nyene ri egbe e khi oghumha oyi ushi.

2 A ghe i! Mhemhe iPolu, mhi gue e ye e khi, akanya ni iKirisiti o gbe oà ke ya mhòli elele okhoghuo na e, ini a ya shele-a.

3 Mhi gbo gue e ye ogbo ni o da zè ni a shele oli-a ne, o mema ya ri ushi nya gbe akanya.

4 Ee ni a dua ni a khi eni a pfa na rote iri-ushi gbe akanya, aa ke mhòli obò shi ikanya ni iKirisiti o gbe, a she de okhale oyoli-a.

5 Ama rote irudunga awa te lolo migha a khe ipfuase ni awa ri udu nga rote elemhi Ayemhe-no-pfuase.

6 Irari khi elemhi iJesu iKirisiti, oshelè ali umha-shele-a eamhue eleli. Emini o mema mu egbe khi irudunga ni o mhòli inono.

† 4:22 Li zè Igbae 16.15; 21.2 ‡ 4:27 Li zè Aza 54.1 § 4:29 Li zè Igbae 21.9 * 4:30 Li zè Igbae 21.10

7 A kpẹ guẹ ẹ kia. Oghuo ọ mu alo nyene ni aa ke rọ ọ deba igesikia?

8 Oni ọ lina mu ẹ alo nyene, ọa rọte obọ oyi iKirisiti oni ọ lu ẹ bhale.

9 “Ogbọ obe ọtuoghuo ọ dobe ya yese egbo eni e bu-a. Eri ọ li abi umiesobo oghuo, ni o ri oili ẹ gbolo enekpole-a.”*

10 Ama mhi regbenga ẹ khi eyi Onomhue a khi. Onana o rẹ mhe lese gboo khi emini mhi gueye ẹ a ya riẹle, khi aa ya riẹle emini ogboese ọ gueye ẹ. Ogbọ ni ọọ nase ẹ, ọ ya ri ukhomhi kpẹ ọ, onini ọ riẹ khi.

11 Inyoghuo, ini ishele-a mhi kiele rọ tse abọ lọ, abi egbo eghuo ẹẹ ngme, elo a mu okholi vule shi mhe ọ ke shi? Ini o khi igho lọ, ungmehi apfida ọa kha ke ri elemhi ke bi.

12 Egbo ni e na ri ingme oshelẹ a nase ẹ ena, mhi kha ga liẹ e bie wali egbewe-a.

Agbọ na elemhi Ayemhe

13 Eẹ oyẹ, inyoghuo-mhe, eri a lu ẹ ni a la elemhi epfua. Ama a khi ze ni a ri oni epfua ona ke riẹle emini idiegbe olamhe oyẹ ọọ nono. Ochoghọ a ri inono ke ga egbe ẹ.

14 Irari khi emini a rọ ze ushi nya ukhomhi khi, “Nono onuzava oyẹ abi u li nono egbie.”†

15 Ini a mu okholi vule ẹ shi egbe ẹ ọ, ni a rọ ọ khu egbe ẹ, a mhue egbhe ini a khi a ya pfuse egbe ẹ-a.

16 Emini mhia ngme khi, a ke kia okiali elemhi Ayemhe, eghẹghẹ agho aa ya riẹle oguemhe oyi idiegbe olamhe.

17 Irari khi idiegbe, obe Ayemhe o khi, ali khi emini Ayemhe ọ nono, eri ẹ zu oguemhe idiegbe olamhe ode. Wewe ava-ava obe e khi shi egbe ọ, loli o ze khi u waa dobe a riẹle emini u wa nono ni u riẹle.‡

18 Ama ini Ayemhe ọ rẹ ẹ kia, waa tigbe ya riẹle oghumha oyi ushi.

19 Emini ikanya idiegbe olamhe ẹẹ gbe na; Itsebo, ikanya ichimhi na itsebo ali angeli efiala,

20 ikhumhi igaga, ali ogbho ipfipfi, ibiselemhi, umha lama a na egbe, ofuma ikpekpe, ofu imholi, ikanya ukphe, elemhi ibibi, ikemhi egbe,

21 Idegbe-okonyo, idonyo dose, iye-ukue ni a la li itsebo, ali emhi elese eghoghọ. Mhi tse agua ye ẹ, abi mhi kpẹ li tse oli ye ẹ, khi egbo ni e da a ngeli angeli eghoghọ ne khi ẹa ya mholi okemhi shi Eghiele oyi Eshinegba.

22 Emini Ayemhe ọ rọ ọ lasela khi; Inono, oghelẹ, opfomhe, irabomudu, isomhelemhi, onete, izẹ-ri-egbeda,

23 Ipfomhe, igue-regbekia. Ushi ọa ya mu ogbo shi ọ ini ọ riẹle enana nya.

24 Eni e khi eyi iJesu iKirisiti e she rọte idiegbe olamhe oyewe ali oguemhe eyewe nya ma apfida.

25 Aborokhia khi Ayemhe ọ ri awa a kia egho, awa ke deba ete-awe eyoli.

26 Awa khi ke mu egbawa eloe dose ode, yese elemhi ke bi egbe, ni o ri awa a ke kpe ofuma deba egbe.

6

A ke riẹle onete na egbo nya

1 Inyoghuo-mhe, a kha bhale ya ẹ khi a mu ogbokhoghuo shi olamhe, ẹẹ ni a la elemhi ayemhe, a kuegbe-a sheshe oli shi ode fie. Ama a ke to egbe ẹ okpe, ini a khi li de pfilo imufe.

2 A kpaghie egbe ẹ itsua, ini a li igho, a ya riẹle oguemhe oyi iKirisiti.

3 Ini ogbo ọ dabi khi loli mu eloe, ni a rọ bhale ya ẹ khi ọa khi emhikhoghuo, egboli ọọ di.

4 Ogbogbo ọ ke mu angeli eyoli fe ni ọ bino ini e ti. Oni eghẹghẹ, ọ tigbe me asha a titi egboli. Ọ khi ri egboli khokho ogboese.

5 Ogbogbo ọ tsua itsua eyoli.

6 A ke ri eminete nya somhi ogbo ni ọọ sese ẹ emini Eshinegba ọ ngme.

7 Khi di egbe ẹ. Ogbokhoghuo ọa dobe ya ghagha Eshinegba. Emini ogbo ọ rọ kọ, loli ọ ya khiese.

8 Ini ogbo ọ deba oguemhe oyi idiegbe olamhe oyoli rọ kọ ọ khiese epfua. Oni ọ rọ kọ rọ ri egbe

* 5:9 Li ze iKori 5.6 † 5:14 Li ze iLev 19.18 ‡ 5:17 Li ze iRom 7.15-23

mu Ayemhe, o ya khiese agbo na agboagbo.

⁹ A khi ze ni onete iriele o khuese awa, irari khi o kha ramhi oni egheghe, awa ya khiese, ini o da lose awa.

¹⁰ Irarigho, abi awa da mholi oni egheghe kpa, awa ke riele onete deba ogbokpa, tee-tee, ena omhue-apfe irudunga.

Itse-agua ni o kpukhokho

¹¹ A bino ikpamhi alo ebe eniemhi ni mhi ri obo oyemhe keke ghi e.

¹² Egboni e riele abamemhe, e dua ni e ri itoto ti e shi ishele-a, emini o ze ni e ro o li igho khi, ea nono ni a mu okholi vule shi we o shi osese oyi apfida oyi iKirisiti.

¹³ Egbegbi eni e shele-a, ea ri ushi e gbe akanya, ama e nono ni a shele e-a, ni e ba me asha ke neta omose khi e re e she shele-a.

¹⁴ Ama mhi aa tigbe ri emhikhoghwo ya neta omose, ini o li khi ingme oyi apfida oyi iJesu iKirisiti Onomhue oyawa. Itobo oni apfida ona, mhi ro ghu pfa oguemhe agbo, oguemhe agbo o ghu pfa agbo oyemhe.

¹⁵ Ishela-a ali umha shele-a o mholi abi o ngme, emini o mu egbe khi, ni a ro riele ogbo bia elemhi iKirisiti.

¹⁶ Opfomhe ali ilelemhi e ka nu eni e deba osese onana la elemhi agbo oyewe, li shi egbo iZireni eyi Eshinegba.

¹⁷ Ozukhomhi emhikpa khi, ogbokhoghwo o khi ke nase mhe, irari khi mhi mholi emeli oyi iJesu shi egbe oyemhe.

¹⁸ Inyoghwo-mhe, okhale oyi iJesu iKirisiti Onomhue oyawa, o ka nu ayemhe oye e nya la. Atse.

Ebe ni iPolu o keke ghi egbo Efisha Eni e miesuo

IPolu o tse eni e mie iJesu suo ne la Efesosi

¹ Mhemhe iPolu, aghiusomhi na kee oyi iJesu iKirisiti ni Eshinegba o ze mhi khi.*

Egbo eyi Eshinegba ni e la eke Efesosi, eni e regbenga iJesu iKirisiti mhi keke ebe ona a ghi.

² Mhi lema Eshinegba ita awa ali iJesu iKirisiti Onomhue, e ka mhue isomhelemhi na e, e gbo ri opfomhe na e.

Eshinegba o she te obo oyi iKirisiti riele eminete na awa

³ Awa kueghie Eshinegba. Loli o khi Eshinegba ali ita iJesu iKirisiti Onomhue oyi awa. Loli o ri ikhivose ni o te iloghie bhale na awa, ikhivose oni o kpaghie ayemhe oyi awa obo. Ikugbe ni o ku awa ali iKirisiti gbe o ro riele ona.

⁴ Neni Eshinegba o ma agbo, o she kpe ze awa eni e khi egbo eyoli, rote obo oyi iJesu iKirisiti, ini awa khi eni e pfuase ni ea mhue umha-guekia shi odalo oyi Eshinegba. Itobo khi oo nono ingme oyawa o ro ligho riele oli.

⁵ Neni Eshinegba o ma agbo, o she te eke gba li khi loli ya ri awa mele imi oli-a, itobo emini iJesu iKirisiti o riele, ni o de shi o abi o ghole Eshinegba.

⁶ Eri o lina riele oli ini awa kueghie oli shi okhale oniemhi ni o mhue na awa, itobo emini omi oli otuoghuo kpe ni o nono ingme oyoli, o riele.

⁷ Obo oyi iKirisiti awa te mholi ip-fasheke, itobo o lia eyoli ni o ku shi eke abi o ro ghu-a na awa. Ona a te ri olamhe topfa awa. Itobo epfue oyi okhale oyi Eshinegba ni o gbeku o, o ro riele ona.†

⁸ Oni okhale ona o tutu ku awa, rote ileasingme ali egbe o te riele oli.

⁹ Eshinegba O khueghie osheli emini o gba shi eke-a khasa awa, ikhi emini o rote obo oyi iJesu iKirisiti ro tse, abi o ghole oli.

¹⁰ Emini Eshinegba o gba khi loli ya pfuse riele khi, ini o ramhi oni egheghe te, o ya ku emhi na agbo ali ena iloghie gbe khi oghuo, o ya ri iKirisiti le oghie wewe nya.

¹¹ Itobo khi Eshinegba o ku anye ali iKirisiti gbe, anye she mie ugu obo oyi Eshinegba. Irari khi o she kpe te eke gba li khi loli ligho ya riele oli, o ro ligho riele oli. O ri emhikpa tse shi abi o ghole oli shi.

¹² Ishegho ni anye iJu ni e khi egbo eni odode ni e kpe regbenga iKirisiti, e kueghie Eshinegba shi ufumhi oyoli.

¹³ Eri a li ku e ma iKirisiti abi a ro suo oni ungmehi igesikia, oni o khi usomhi onete oyi Eshinegba, abi o mie e pfuese. Abi a ro mie iKirisiti suo, Eshinegba o ro shi olele shi e egbe. Ayemhe-no-pfuase ni O kie kpe ro nga na awa o khi oni olele.

¹⁴ Itobo Ayemhe-no-pfuase ni Eshinegba o kpe ro na awa, awa ro mholi o shi udu khi Eshinegba o ya ri emini o ro nga na egbo eyoli gbo na awa. Egheghe ni Eshinegba o ro pfa awa egbo eyoli shi eke nya, awa ro mholi eni emhi ena. Ona o ya ri egbo eyoli kueghie oli shi ufumhi oyoli.

IPolu o lema na eni e mie iJesu suo ni e la Efesosi

¹⁵ Itobo emhi ena nya ni Eshinegba o riele, ali abi mhi te suo abi a mie iJesu iKirisiti Onomhue suo ni a gbo mholi inono shi egbo eyi Eshinegba nya o,

¹⁶ mhia tigbe yemhe ikphemhi-a, ni mhi ri itobo oye e kphemhi na Eshinegba, ini mhi da lema na e.

¹⁷ Eri mhia lema Eshinegba oyi iJesu iKirisiti Onomhue oyawa, oni o khi ita awa ni o mholi ufumhi oniemhi, o re e mholi ayemhe ileasingme. O gbo ri egbe oli khasa e ni a lolo lese oli egbegbo.

* 1:1 Li ze Ika 18.19-21; 19.1 † 1:7 Li ze iKolo 1.14

18 Mhi gbo lema Ẹshinẹgba ọ khueghie ẹ udu-a ini a leṣe oni igesikia oyọli, ini a gbo leṣe irudushi ni a regbenga, ni Ẹshinẹgba ọ lu ẹ shi. Ni a gbo me ẹpfue oyi ugu oniemhi oyọli ni eni e mie ọli suọ e mhọli.

19 Mhi gbo lema li ọ zẹ ni a leṣe ekpabọ ni e fune eyọli, ni ẹa mhue irokhokho, ni a rọ na awa eni e miesuọ.

20 Eni ekpabọ ena ọ rọ gbe akanya abi ọ rọ guise iKirisiti eghuli le abi ọ rọ ghua. Wẹwẹ ọ rọ ri iKirisiti shitọ obọ ita oyọli obini iloghie.‡

21 Oobọ iJesu iKirisiti ọ la mhese na ekpabọ, ali itoto ali igeni, ghe enete ghe eni ẹa ti, ghe eni a me agbọ ona ne, ghe ena agbọ ni aa me ne.

22 Emhi nya Ẹshinẹgba ọ rọ shi ufuege oyọli ni ọ mhese shi. Lọli ọ zẹ iJesu ozukhomhi emhi nya ni o pfomhe igbaa oyi eni e mie iJesu iKirisiti suọ eyọli egbe.

23 Ẹgbọ ni e mie iJesu suọ e khi idiegbe oyi iJesu, iJesu ọ khi ukhomhi. Ekpabọ ali agbọ oyi iJesu iKirisiti o vose agbọ eyi eni e mie ọli suọ. Ufumhi oyọli o gase agbọ ali emhikpa odekhode nya.§

2

Okhale oyi Ẹshinẹgba ọ rọ mie awa pfuese

1 Eghẹghe ni o dose ni a rọ kpe la agbọ olamhe, a la agbọ umha-suoseso, a khi egbo eni e ghu shi olamhe ni ẹa mhọli Ayemhe oyi Ẹshinẹgba.

2 Eghẹghe agho ingeli agbọ a ngeli, a ri ungmehi oyi okphaghi ọni ọ khi oghie ayemhe alo ebili i gbe akanya. Oni ayemhe ona o kiele la agbọ oyi egbo ni ẹa ya suọ esọ na Ẹshinẹgba a gbe akanya.

3 Igho awa nya awa kpe li ngeli. Awa ri oghuemhe egbe, ali usamhi ebe ni udu oyi awa o gueye awa a riẹle emhikpa. Abi egboese na agbọ ni ẹa ya suọ esọ na Ẹshinẹgba e li ya pfua, awa kha li pfua.

4 Ama Ẹshinẹgba ọ nono ingme oyi awa gba, igho ilelemhi oyọli oó gbẹdi.

5 Lọli o zẹ ni ọ rọ rọte obọ oyi iJesu iKirisiti ni ọ guise le ri agbọ ayemhe onogbo na awa, aboriekhia khi eni umha-guekia o kese-a awa khi. Okhale oyi Ẹshinẹgba a rọ mie ẹ pfuese.*

6 Eri ọ ri agbọ onogbo oyi iKirisiti na awa, ọ ri awa nu iKirisiti shitọ obini iloghie, nu ọ li ẹ mhese, itobọ emini iKirisiti ọ riẹle na awa.

7 Rote iJesu iKirisiti Ẹshinẹgba ọ te ri okhale ni ọ mhọli na awa khase, ogbenako ni egbo e me ashini okhale oyọli o fu ramhi, ni ọa mhọli irokhokho.

8 Okhale oyi Ẹshinẹgba a rọ mie ẹ pfuese abi u rọ miesuọ, ọa khi ingeli enete ni u ngeli e mie ẹ pfuese. Afue-afue ọ mie ẹ pfuese.

9 Ẹshinẹgba ọa ri itobọ ingeli enete ni u ngeli mie ẹ pfuese, ini ogbokhoghuo ọ khi vuse ike.

10 Ẹshinẹgba ọ ma awa. Ikanya enete ọ ma awa awa ke gbe abi awa ali iJesu iKirisiti awa rọ da ke khi oghuo egho.

Ẹshinẹgba ọ she te iKirisiti ku egbo iJu ali egbo iJeta gbe

11 A yelele egbo enabi a khi elele, khi aa khi iJu. Egbo iJu e ma kpe ri ukpeloe gbe ẹ, itobọ khi aa shele a, ali itobọ khi aa khi egbo iJu. Ama ee lu egbe we eni e khi egbegbi egbo, itobọ khi a shele we-a. Oshele ni o khi akanya ni egbo e ri abo gbe idiegbe.

12 Yelele khi eghẹghe agho khi aa kpe ku ma iJesu iKirisiti ọ, a khi opfese shi ishiobọ ni Ẹshinẹgba ọ rọ nga na egbo iZireni. A khi eni ẹa mhọli iregbenga ni ẹa mhọli Ẹshinẹgba shi el-emhi agbo.

13 Ama, memena, ẹẹ ni a kpe nuata shi Ẹshinẹgba ọ, ọ ri ọlia eyi iKirisiti ti ẹ mama egbe.

14 IJesu iKirisiti ọ ri egbo iJeta ali egbo iJu riẹle. Ọ rue ugbe ibiselemhi ni o kpe la we iteva ode-a, ọ rewe mele egbo eghuo-a.

‡ 1:20 Li zẹ Iwolo 110.1 § 1:23 Li zẹ Iwolo 8.6; iKolo 1.18 * 2:5 Li zẹ iKolo 2.13

15 Eghuli ni ọ ghu ọ rọ shishi ishi ni e la wẹ iteva-a, Ini ọ mẹ asha ri ẹgbọ iJu ali ẹgbọ iJeta khi ẹgbọ enegbọ eghuo. Ona ọ rọ rẹwẹ riẹlẹ ini e khi ke biselemhi egbe.†

16 Eghuli ni ọ ghu-a shi ọọra apfida ọ rọ ku ẹgbọ ena gbe, ọ gbo rẹwẹ ali Ẹshinẹgba riẹlẹ. Aghọ ibiselemhi egbewẹ o pfo shi.‡

17 Usomhi onete oyi Ẹshinẹgba oyi opfomhẹ, iJesu ọ bhale ya tse abọ gueyẹ ẹgbọ iJeta ni e nuata shi Ẹshinẹgba ọ, ali ẹgbọ iJu ni e timama Ẹshinẹgba.§

18 Obọ oyi iJesu iKirisiti awa te mhọli Ayemhẹ oghuo ni o zẹ khi awa ga rọ doḅe a lẹ deba Ẹshinẹgba.

19 Itobọ ighọ ẹẹ ẹgbọ iJeta, aa ke khi epfese, ama a she ku ma ẹgbọ eyi Ẹshinẹgba. Ena omhue-apfẹ oghuo a ke ga khi.

20 Oni idiegbe owa a li khi. Ighiusomhi na kẹ ni iKirisiti ọ ze ali emekeguele eyi Ẹshinẹgba e khi igbaekẹle oyi oni owa. IJesu iKirisiti ọ mu oni owa mhue.

21 iKirisiti ọ zẹ ni eche ni a rọ ma oni owa nya e rọ toma, ni oni owa o rọ mele owa oniemi a. Ọ rọ li khi oni o pfuase na Onomhue.

22 Itobọ khi a ku ma iJesu ọ, ọ rọ rẹ ẹ ma eni e mie ọli suọ. U ya mele owa ni Ayemhẹ oyi Ẹshinẹgba ọ ya ke la-a.

3

Ẹshinẹgba ọ ghi iPolu ghi ẹgbọ iJeta

1 Itobọ ona, mhẹmhẹ iPolu mhi rọ lema na ẹ. Mhẹmhẹ ni a ri itobọ khi mhia gbe akanya na iJesu iKirisiti mu shi owa ighumha. Akanya abi mhi liẹ tse abọ usomhi onete oyi Ẹshinẹgba ye ẹ ẹgbọ iJeta.

2 O limhẹ ẹloẹ khi ẹẹ ẹgbọ iJeta, khi a she kpe suọ khi Ẹshinẹgba ọ ghie mhe ghi ẹ mhi bhale ya tse abọ ye ẹ. Itobọ okhale oyọli ọ rọ ghie mhe usomhi ona, ni mhi kpaghiẹ ẹ obọ.

3 Oni usomhi khi, ugbamhi ni Ẹshinẹgba ọ gba ni o khi oyi osheli, ni ọ khueghie-a khase mhe. Mhi kpe

khueghie ukukuọ li-a khase ẹ elemhi ebe ni mhi kpe keke ghi ẹ.

4 Ini a zẹ ebe onana, a ya mẹ emini mhi lẹsẹ osheli oniemi ni o khi osheli na iJesu iKirisiti, ni Ẹshinẹgba o gba.

5 Ẹshinẹgba ọa kpe khueghie osheli emini ọ ya riẹlẹ ni ọ gba shi eke khase ẹgbọ na agbọ ena ẹlẹlẹ. Ama ọ she rọte elemhi Ayemhẹ-nọ-pfuase khueghie ọli-a khase ighiusomhi na keke ali emekeguele eyi Ẹshinẹgba.

6 Emini Ẹshinẹgba ọ gba khi, a ya rọte itsabọ usomhi onete oyi iJesu iKirisiti ri ẹgbọ iJeta ni e miesuọ nu ẹgbọ iZireni ni e miesuọ le ugu oghuo, abi ẹgbọ ni e khi idiegbe oghuo. Eghẹghẹ aghọ ni a bhale ya ẹ khi ẹẹ ni aa khi ẹgbọ iJu, a nu ẹgbọ iJu mhue obọ shi emini Ẹshinẹgba ọ rọte iJesu iKirisiti rọ nga na iJu.*

7 Ẹshinẹgba ọ ri akanya ni mhi rọ ọ tse abọ usomhi onete oyọli na mhe. Itobọ okhale oyọli ọ rọ ri oni akanya na mhe. Ọ ri ekpabọ eyọli rẹ mhe ẹ gbe oni akanya.

8 Ini Ẹshinẹgba ọ pfi ukpeloe bino uwali ọgbọ ni mhi kpe khi ẹlẹlẹ lọ, ọa kha zẹ mhẹ, mhi ke tse abọ usomhi onete oyọli. Ama itobọ okhale oyọli ọ rọ ri akanya ona na mhe mhi ka tse abọ usomhi onete oyi upfuemhi ni o la iKirisiti ye ẹ ẹgbọ iJeta. Upfuemhi ni ọgbọ ọa doḅe lẹsẹ udi ọli ẹ pfo.

9 Ọ gbo zẹ mhe mhi ka khueghie-a khase agbọ kpa abi ọ li ri oni osheli ni ọ gba nya ya tse. Ẹshinẹgba ni ọ ma emhi nya ọ kpe rọ te igbaekẹle ri osheli ona sheli agbọ nya.

10 Eri Ẹshinẹgba ọọ nono ni lọli rọte igbaa oyi eni e mie iJesu iKirisiti suọ ri ilẹsingme ode ebubu eyelue khase igeni ali ekpabọ na idane.

11 Ina Ẹshinẹgba ọ te eke gba li neni ọ ma agbọ. Rọ te iJesu iKirisiti Onomhue oyi awa ọ te rọli tse.

12 Itobọ khi awa mie iJesu suọ, ali khi awa gbo ku gbe ọli ọ, awa rọ a mhue igbedu rọ a lo deba Ẹshinẹgba.

13 Itobọ ighọ, a khi zẹ ni egbe pfọ ẹ-a ini a suọ abi mhi liẹ mẹ osue shi itobọ

† 2:15 Li zẹ iKolo 2.14 ‡ 2:16 Li zẹ iKolo 1.20 § 2:17 Li zẹ Aza 57.19 * 3:6 Li zẹ iKolo 1.26-27

khi mhia tse abo usomhi onete oyi Eshinegba ye e. Ochogho, a ze ni osue ni mhia me o ri ufumhi oyi Eshinegba ghi e.

¹⁴ Loli o ze ni mhi ro wugha odalo oyi Eshinegba ni o khi ita awa a so iromhi na e.

¹⁵ Ro te ayi oli unuekpe nya ni e la agbo ali iloghie e te le eva.

¹⁶ Eshinegba o mholi ikhivose eniemhi ni o ro o na egbo eyoli, itobo igho mhi ro lema li, o ri Ayemhe oyoli ri udu oye e toto a,

¹⁷ ini iKirisiti o lo e udu shito kpe abi a mie oli suo. Mhi gbo lema Eshinegba o re e migha abi ora ni o pfi imhili lo eke egbegbo, ni a nono ingme oyi Eshinegba ali ingme egbe e, ini a khi de.

¹⁸ Mhi gbo lema Eshinegba o ze ni ee ali egbo eyi Eshinegba nya a dobe lese abi inono oyi Eshinegba o gba ramhi.

¹⁹ Eshinegba o ze ni a lese inono ni iKirisiti o nono awa, inono ni o gho fu dose ode ni o mholi ukpese, egheghe agho ni ingeli eyi ee, e li abi eyi Eshinegba.

²⁰ A kphemhi na Eshinegba ni o mholi ekpabo ro ri ele emhi eniemhi, eni e fu dose emini awa mhila li, ali emini awa da dobe sa. Ekpabo eyoli eni e la awa ayemhe e gbe akanya, o deba a ri ele eni emhi na awa.

²¹ A ze ni awa egbo eyoli ni awa ali iJesu iKirisiti e khi oghuo, e kueghie Eshinegba, ogbe na ako ali agboagbo, ya ramhi ukpese. Atse.

4

Ikugbe onayi eni e miesuo

¹ Mhemhe ni mhi ri itobo khi mhia ga Onomhue la owa ighumha, mhi lema e, a ke ngeli ingeli enete, enabi Eshinegba o o a ke ngeli egheghe ni o ro lu e.

² Emini a ri ele nya, a ke ti egbe e tiemhi eke, a ri ofie ali ikuegbe-a nu egbe ke ngeli. A ri inono ni a nono egbe ri ipfomhe-udu ke ngeli.*

³ A roshaka mu ikugbe ni Ayemhe-nopfuase o ku awa gbe mhue ali el-emhi opfomhe ni o gono awa kugbe.

⁴ Idiegbe oghuo awa khi, Ayemhe-nopfuase oghuo o la awa egbe, Igho awa gbo li ri eloe shi eke e khe iregbenga oghuo oyi imiepfuese ni Eshinegba o ro nga na awa abi o ro lu awa.

⁵ Onomhue oghuo ni o khi iKirisiti, ali irudunga oghuo, ali ibatizi oghuo, awa mholi.

⁶ Eshinegba ni o khi itawa nya, awa a ga, loli o mhesa a na awa nya, loli o ri awa a gbe akanya oyoli, loli o gbo la agbo oyawa nya.

⁷ Ama iKirisiti o kemhi afu ododa ke a na ogbogbo ni o ro ke gbe akanya oyoli. Lolighuo o mhesa abi o li kemhi we.

⁸ Ona o ze ni ungmehi oyi Eshinegba o ro o. "Abi o ro kholi ebe oli pfuse-a nya, o nga obini o yagha ne nya, o ri ebe oli ni o mu o le la orolo, ee deba li ukhu-khokho abi eni a mu okholi. O tigbe kemhi isomhopfa enete na egbo."†

⁹ Emini a ri ungmehi oyi Eshinegba ona ngme, ni oo, "O nga obini o yagha," loli khi, eri iKirisiti o kpe tiemhie agbo ona, neni o nga idane obini o yagha.

¹⁰ IJesu iKirisiti oni o tiemhie agbo ona, o gbo nga obini idane iloghie ni o yagha ne nya, ini o ze emhikpa ukhomhi ni e gue ga ti.

¹¹ iKirisiti o kemhi afu na ke na ogbogbo. O ze eghuo ighiusomhi na ke eyoli, o ze eghuo emekeguele eyi Eshinegba, O ze eghuo eni e kia tse abo ungmehi oyi Eshinegba, o ze eghuo eni eri ukpeloe e khu egbo eyi Eshinegba ali eni e sese we.

¹² Eri o lina kemhi afu na we ni e rewe ke gbe ikanya eyoli, ini eni e khi idiegbe oyoli e ke fu sho, ishegho ni idiegbe oyi iKirisiti o totoa elemhi ugamhi oyoli.

¹³ Ina a li ya ke me oli, ramhi egheghe ni awa nya awa ro kugbe e khi oghuo (abi awa mie Eshinegba suo,

* 4:2 Li ze iKolo 3.12-13 † 4:8 Li ze Iwolo 68.18

ni awa gbo lẹsẹ omi ọli), ya ramhi ni awa rọ fu shi imiesuọ mele eni e womhelo e shi imiesuọ, ramhi ni awa rọ ya womhelo e nya abi iKirisiti.

¹⁴ Eghẹghẹ agho awa aa ke ẹa li abi eniyẹ, ini ẹgbọ eni ẹ di ẹgbọ e khi dobe di awa ya mie emini ẹa khi egbegbingme suọ. Awa aa ke ya li abi oko-oke oniemi ni akpekpeli oniemi o tsua gasẹ ukhomhi oke oniemi,

¹⁵ ni awa ri ochoghọ ke ngme igesikia elemhi inono, ni awa womhelo e shi emhikpa, ni awa li abi iKirisiti Onomhue, oni o li abi ukhomhi, awa li abi idiegbe oyọli.

¹⁶ IKirisiti o ku ẹgbọ eyọli nya gbe abi idiegbe ọgbọ o tonon elamhi manọ khi oghuo, ni uguabọ ọgbọgbọ o lie gbe akanya oyọli. Eghẹghẹ agho oni idiegbe nya o fu, o totoa, o womhelo e shi o, ẹgbọ e mhọli inono na egbe.‡

Awa mu ingeli eyi awa pfi

¹⁷ Itobọ ona, mhi lo ye ẹ ude, itobọ eva oyi Onomhue, a khi gbo ngeli abi ẹgbọ ni ẹa lẹsẹ Eshinẹgba, ni usamhi ni ẹ ẹ sa ọa mu amẹ.

¹⁸ Ẹgbọ eghoghọ ẹa ya dobe lẹsẹ udi emhi eyi Eshinẹgba gboo. Ẹa mhue obọ shi agbọ onogbọ oyi Eshinẹgba, itobọ umha lẹsẹ Eshinẹgba oyewẹ, igbe udu oyewẹ o tsua ghi wẹ.

¹⁹ Egbe ẹa kẹ lili wẹ ini ẹ riẹlẹ ingme ebe. E she ri egbe wẹ na ikanya ebe eni ẹ ghọle wẹ dẹ. Ingeli khi ingeli eyi itsebọ ẹ ẹ ngeli. Ingeli eghoghọ ẹ ghọle wẹ eghẹghẹ kpa e ke ngeli.

²⁰ Ama, ọa khi ina a sẹsẹ ẹ a li ke ngeli abi a rọ lẹsẹ mie iKirisiti suọ.

²¹ Mhi lẹsẹ khi a she suọ ingme oyọli, a gbo sẹsẹ ẹ igesikia ni o la ingme oyọli.

²² Emimi a sẹsẹ ẹ khi, a khi ke ngeli eni ingeli ni a kpe ngeli, ni oghumhe egbe ni ẹa ti egho e rẹ ẹ ngeli, ni e yese ẹ agbọ-a.‡

²³ A zẹ ni Eshinẹgba o mu isamhi ali ingeli eyi ẹ pfi ya khi enegbọ.

²⁴ Eshinẹgba o she ri ingeli enegbọ enabi eyọli na ẹ. Itobọ igho a ke ngeli

abi Eshinẹgba, elemhi ingeli enete ali ipfuase.*

²⁵ Irarigho, a khi ke gbo lo ẹgbhọli, ama a ke gue igesikia ye egbe, itobọ khi eri awa li abi iguabọ ododa eyi idiegbe oghuo.†

²⁶ Ini u mẹ elemhi ibibi, khi lamhe, khi zẹ obili o bi ya ẹ elemhi-ibibi oye shi ẹ elemhi,‡

²⁷ Khi ri eghẹghẹ na okphaghiẹ ni o mu ẹ fe.

²⁸ Oni o kpe ẹ do ughiatọ o khi ke gbo do, ama o ri abọ eyọli ke gbe akanya ni o te mẹ ẹ ke le, ni o gbo te mẹ ẹ ke kemhi na eni ẹa mhọli.

²⁹ A khi ke ngme ingmemhi ichimhi unu, ama a ke ngme ungmehi onete ni e ri egbe ẹ mu ọgbọ ni e ri ọgbọ ẹ fu shi imiesuọ. Zobẹ ni ungmehi oyi ẹ o guẹ ke de shi eghẹghẹ ni a kha rọ ngme ọli, ni o mhọli ikpaghiobọ na eni e suọ li.

³⁰ A khi ri egbe pfo Ayemhe-nọ-pfuase oyi Eshinẹgba-a. Itobọ khi Ayemhe-nọ-pfuase khi ọlẹlẹ ni Eshinẹgba o shi shi ẹ egbe, ni o rẹ lẹsẹ ọli shi udu gboo khi ogbẹlẹ ọọ bhale ni o ya pfa ẹ olamhe eye ẹ shi eke.

³¹ Zobẹ ni, iyese-a, ofu, elemhi ibibi, okhọli, ali iyese egbe eva, ghe imuegbe oke kpa, ali ikanya ebe nya, e lase ẹ udu le.

³² A ke mhọli ilelemhi na egbe ẹ. A rọ ke topfa egbe abi Eshinẹgba o ri itobọ iKirisiti rọ topfa ẹ.‡

5

Angeli oyi oni o miesuo

¹ Irarigho, a roshẹka ke khonya Eshinẹgba abi a rọ da khi imi ọli ni o nono egbegbọ egho.

² A la agbọ inono, ezeze abi iKirisiti o nono awa ni o rọ ghu-a na awa abi iluasobo ni ẹ kphela ni e ghole Eshinẹgba.*

³ Abi a rọ khi ẹgbọ eni e pfuase egho, a khi riẹlẹ emini ọa gbe akanya nabi itsebọ, ukeliẹ emini ọọ pfi omama.

‡ 4:16 Li zẹ iKolo 2.19 § 4:22 Li zẹ iKolo 3.9 * 4:24 Li zẹ Igbae 1.26; iKolo 3.10 † 4:25 Li zẹ iZaka 8.16 ‡ 4:26 Li zẹ Iwolo 4.4 § 4:32 Li zẹ iKolo 3.13 * 5:2 Li zẹ Okiali 29.18; Iwolo 40.6

A khi khi ena-emhi-ituegbe. Emhi enana ẹa khi emini a suọ khi a me iteva oye ẹ ẹgbọ eyi Eshinegba ni e khi eni e pfuase.

4 A khi gbo ngme ingmemhi omama ali ungmehi oyege unu, we khi eri a gbudu li iweghie ali iba izeze ni e we-a. Ochoghọ, a ke kuẹghie Eshinegba.

5 A lese khi, ghe ẹgbọ ena itsebo, ali ọna ingeli omama, ali ọna emhi ituegbe, khi ẹa ya mhọli okemhi shi iloghie oyi iKirisiti ali oyi Eshinegba. Eri ọna emhi-ituegbe o li abi ọni ọọ ga ikhumhi.

6 A khi ze ni ọgbọkhoghwo o ri ingmemhi afue di e, itobọ khi ẹgbọ eni e ngeli ingeli olamhe eghoghọ, Eshinegba o ya na we ali ẹgbọ ni ẹa ya suọ esọ na li osue.

7 Irarighọ, khi ku ma ẹgbọ eni e ngeli ingeli olamhe eghoghọ o.

8 Elele a kpe la alo ebili, ama memena elemhi akpa a ke la, itobọ khi, a ku ma Onomhue o. Irarighọ, a ke ngeli abi eni e la elemhi akpa.

9 Itobọ khi onete ali ipfuase, ghe igesikia e khi umomhi ni akpa o ro lasela.

10 Rosheka ni u wena emini e ti Onomhue eloe, ni u ke rielle we.

11 Khi ke nu ẹgbọ na alo ebili gbe ikanya afue na alo ebili, ni ẹa mhue eleli. Ri ochoghọ ke khueghie osheli oye we-a.

12 Emhi omama ọọ khi, ini a ta unu emini ẹgbọ ena alo ebili e rielle elemhi osheli.

13 Ama, ini akpa o khueghie ikanya eghoghọ-a gbo o, ẹgbọ e ya lese emini e khi,

14 itobọ khi akpa ọọ khueghie emhi nya-a, ni a ke me gbo o. Lọli Ebe-nopfuase o ro, "A guale eni e lese a, a khi li abi ọni o ghua, ni akpa oyi iKirisiti o la e egbe ke ge."

15 Itobọ ighọ lese abi u ke li ya ke ngeli. Khi ke ngeli abi oyege, ama ke ngeli abi olesingme.

16 Ini u da mhọli egege ro ya rielle onete ne, nyanya rielle oli, itobọ khi agbo ingme-obe awa ke la.†

17 Itobọ ighọ a khi khi eyege, ama a ze ni a lese emini e ghole Onomhue ni a ke rielle.

18 Khi da onyo pfueche egbe-a, ochoghọ ze ni Ayemhe-no-pfuase o ke vo agbo oye.

19 A ke to iwolo ena irudunga khasa egbe, ke to uwolo eni e te e udu lase ke kuẹghie Onomhue.

20 Egege kpa, ke kuẹghie Eshinegba ita awa shi emhikpa, itobọ iJesu iKirisiti Onomhue oyi awa.‡

Ingeli oyi emose ali ikpotso ni e la ughue

21 A ri egbe tiemie na egbe e pfo nya itobọ khi u mu ekpe na iKirisiti.

22 Ee ikpotso ni a la ughue, a ri egbe e tiemie na ọdo e, abi u li ri egbe e tiemie na Onomhue.§

23 Itobọ khi omose o khi ukhomhi oyi okpotso ọni o ro shi ughue, ezeze abi iKirisiti o khi ukhomhi oyi igba oyi ẹgbọ eni e mie oli suọ. Eni e mie oli suọ e khi idiegbe oyoli ni o mie pfuese.

24 Itobọ ighọ okpotso ọgbogbo ni o mhue ọdo, o nyese ukhomhi na ọdo li pfo, elemhi emhi nya, abi igba oyi eni e mie iKirisiti suọ e li ri egbe we na li.

25 Ee emose eni e ri ikpotso shi, a mhọli inono ni o te eke elemhi udu lasela shi ighue e o, ezeze abi iKirisiti o nono igba oyi eni e mie oli suọ, ni o ze khi o ghu-a na we.*

26 O ri itoto oyi ungmehi oyi Eshinegba ri eni e miesuọ khi eni e pfuase, o ri amẹ khuesẹ we-a ni e dala.

27 Eri o rielle ona na igba oyi eni e mie oli suọ, ni o ro ri ewe somhi otse, ni e ze oli ro migha odalo oyoli, ni e khi ẹgbọ ni uchimhi ọa ta ma egbe, wekhi eni e mhọli ichinya, u ke lie khi emhi olese ni ọa ti, ama ni e khi eni e pfuase ni ẹa mhọli umha-guekia.

28 Ina, ee emose e li nono ingme oyi ughue we abi e nono ingme oyi

† 5:16 Li ze iKolo 4.5 ‡ 5:20 Li ze iKolo 3.16-17 iKolo 3.19; 1 iPit 3.7

§ 5:22 Li ze iKolo 3.18; 1 iPit 3.1 * 5:25 Li ze

idiegbe oyewẹ. Ọni ọ nono ingme oyi ughue ọli ingme egbe ọli ọ nono.

²⁹ Ini a mema bino ọ bie, a ya me khi ọgbokhoghuo ọa ya biselemhi egbe ọli, ama eri ọ ri emhi na egbe ọli ẹ le, ọ ri ukpeloe ẹ khu egbe ọli, ezeze abi iKirisiti o li ri ukpeloe ẹ khu igba oyi eni e mie ọli suo oyoli.

³⁰ Uguabọ idiegbe oyi iKirisiti awa khi.

³¹ “Onana o ze ni omose ọ ro ri ita li ali inyo li ẹ shi eke, ọ ya toma ughue ọli ọ, eghẹghẹ agho wewe aava e mele ogbo oghuo a.”†

³² Ukpokpomhi osheli na ni mhi gue ẹ le, ni o la iteva iKirisiti ali igba oyi eni e mie ọli suo.

³³ Ama, ni mhi ro gbe ọli ukhomhi, omose ogbogbo ọ lolo nono ingme oyi ughue ọli abi ọ li nono ingme egbe ọli, yeye okpotso ni u la ughue, lolo mu ekpe ke na odo ẹ.

6

IPolu ọ ye eniye ali eni e bia we ude

¹ Eniye, a ri ungmehi oyi eni e bia ẹ ke gbe akanya, itobo khi loli o ti ni eni e mie Onomhue suo e ke riye.*

² “Mu ekpe na ita ẹ ali inye ẹ.” Ona o khi ushi oni odode ni Eshinẹgba ọ shi ni ọ ri ishiobo ma.

³ “Ini u mu ekpe na eni e bia ẹ, agbo oye o ya ke je odalo egbegbo, u ya gbo li agbo tese agbo ona.”†

⁴ Ee ita eniye, a khi riye emini o ri elemhi ẹ ke bi imie, a ri ochogho ke ri ukpeloe khu we, a ke sese we ode oni o ghole Onomhue.‡

IPolu ọ ye ighumha ali eni e mholi we ude

⁵ Ee ighumha, a ri ungmehi oyi oni ọ mholi ẹ ni ọ la agbo ona ke gbe akanya. A rote ekelemhi udu ke mu ekpe na we. A ri ukpeloe oni o fu ke bino we abi a kha li ri ungmehi oyi iKirisiti gbe akanya.

⁶ A ke ri ingme oyi ewe gbe akanya eghẹghẹ kpa, ọa khi ini ẹ bino ẹ tse a ro

ri ingme oyewẹ ke gbe akanya ini e ba ke kueghie ẹ. Ama a ke li abi ighumha eyi iKirisiti e li mu ekpe ẹ na li, ikhi eni e rote ekelemhi-udu oyewẹ ẹ riye emini Eshinẹgba ọọ a ke riye.

⁷ Rote elemhi udu oye ke gbe akanya abine khi Onomhue wa ga, itobo ọ a khi egbo tse awa ga.

⁸ Roli shi udu khi Onomhue ọ ya somhi ogbogbo opfa shi ikanya enete ni ọ gbe, shi oghumha o, shi oni ọ a khi oghumha.§

⁹ Ee eni e mholi ighumha, a li gue ke ngeli deba ighumha eyi ee, A khi so we ulishi khi a ya nase we. A lese khi oni ọ mholi ẹ, mholi ighumha eyi ee, ọ la iloghie. Loli ọ khi oni ọa mhue khi ọna ọ kpe mhe dose ogho.*

Abi eni e miesuo e li nu okphaghiye ẹ kholi

¹⁰ Ni mhi ro gbe oni ungmehi oyemhe ukhomhi, a rote obo oyi Onomhue mie itoto eniemhi. Rote ekpabo eniemhi eyoli mie itoto.

¹¹ Rue itsua okholi nya ni Eshinẹgba ọ ro ne so, ni u dobe nu (ekpabo ali ode ebubu ni okphaghiye ọ rote ẹ lasele shi ogbo ọ) khe abo pfuse a.

¹² Itobo khi ọa khi egbo nabi awa, awa nu ẹ kholi, ama itoto ali ekpabo ali ighie eyewẹ ni ẹ mhese agbo ona alo ebili, ali ayemhe ebe eyi okphaghiye ena irarogbe ni awa a ya me.

¹³ Itobo igho ri itsua okholi eni Eshinẹgba ọ ro ne nya so, ini u dobe kholi ẹle ni ekpabo ebe e mu okholi ẹ vule shi ẹ ọ. Ini u kholi se nya, gbe lighi.

¹⁴ Mu egbe ni u ro kholi okholi elemhi ayemhe. Eghẹghẹ kpa, mie emini e khi igesikia suo. Eri ona o li abi ogbene ni okholi-okhue ọ ro mu oku. Ke ngeli ingeli eni e migha shi ipfuse odalo oyi Eshinẹgba. Ona o migha shi awulu akhuli ni a ro mu aye ini a ya kholi.†

¹⁵ Ke mu egbe eghẹghẹ kpa ni u ro gue usomhi onete oyi Eshinẹgba oyi

† 5:31 Li ze Igbae 2.24 * 6:1 Li ze iKolo 3.20 † 6:3 Li ze Okiali 20.12; iDeut 5.16 ‡ 6:4 Li ze iKolo 3.21 § 6:8 Li ze iKolo 3.22-25 * 6:9 Li ze iDeut 10.17; iKolo 3.25; 4.1 † 6:14 Li ze Aza 11.5; 59.17 ‡ 6:15 Li ze Aza 52.7

opfomhẹ le, onana o li abi ẹkuẹ ni ọkhọli-okhue ọọ sọ shi awe.‡

¹⁶ Ke regbenga Ẹshinegba, ona o ya khukhu ẹ obọ oyi ikuatse ni ọkphaghie ọọ nono ni lọli kuali ẹ, eri ona o li abi ofiase ni ọkhọli-okhue ọ rọ mhọli obọ rọ ke fiase ote-osue erali kua.

¹⁷ Yelele khi Ẹshinegba ọ mie ẹ pfuese. Onana o li abi arula akhuli ni ọkhọli-okhue ọ rọ rughu ẹ ye okhọli. Rue ungmehi oyi Ẹshinegba ni Ayemhẹ-no-pfuase ọ rọ nẹ mhue obọ ke khọli, eri o li abi ọgbhoro ni a rọ khọli okhọli. §

¹⁸ Rọ te elemhi Ayemhẹ no pfuase ke lema ẹghẹghẹ kpa. U kha lema, ke sọ iromhi ọdoda. Ke liẹ Ẹshinegba ọ kpaghie ẹ obọ. Abi u liẹ lema, ke tokpe. Ke lema na ẹgbọ eyi Ẹshinegba ẹghẹghẹ kpa.

¹⁹ A gbo li ke lema na mhẹ ni Ẹshinegba ọ ri ungmehi shi mhẹ unu ẹghẹghẹ kpa ini mhi ya khueghie unu a ngme, ni mhi dobe khueghie osheli ni o la usomhi onete oyi Ẹshinegba-a khasẹ ẹgbọ, ini mhi khaa ngme, ni ulishi o khi mu mhẹ.

²⁰ Oni ọ to-ẹoli iKirisiti ẹ tse abọ usomhi onete oyi Ẹshinegba ona mhi khi. Ona o zẹ ni mhi rọ la owa ighumha. Itobọ ighọ, a ke lema na mhẹ ni Ẹshinegba ọ ri udu na mhẹ ke tse abọ usomhi onete oyọli abi mhi kha li tse ọli.

IPọlu ọ lema Ẹshinegba ọ khivoṣe na eni e miesuo

²¹ Inyoghwo awa ni awa nono ingme oyọli, ni ọ gbe akanya oyi Onomhue te ode igesikia, iTakikosi ọ khi. Ọ ya gue ingme eyemhẹ nya ye ẹ, ni a rọ gbo leṣe abi o li mhẹ egbe ali emini mhia rieṣe.*

²² Itobọ ighọ mhi rọ ghie ọli ghi ẹ, ni a rọ leṣe abi anye li la ọ shi, ni ọ gbo ri udu shi ẹ ọ. †

²³ Ẹshinegba ita awa ali iJesu iKirisiti Onomhue, e ri opfomhẹ na ẹ ni a miesuo. E ka re ẹ nono ingme egbe ẹ, ali ni a kie ke mie iJesu suo

²⁴ Ẹshinegba ọ ka li okhale na ẹgbọ nya ni e nono ingme oyi iJesu iKirisiti Onomhue ọyi awa, ikhi inono ni ọa ya pfo ghue.

Ebe ni iPolu o keke ghi egbo iFilipia Eni e miesuo

¹ Mhemhe iPolu ali iTimoti eni e ga eyi iJesu iKirisiti anye ga khi.*

Mhemhe mhi keke ebe ona a ghi egbo ni e mie iJesu iKirisiti suo nya ni e la eke iFilipi shi eni e ri ukpeloe e khu eyi igbaa oyi eni e mie iJesu iKirisiti suo ali eni e la agho o kpaghie obo.

² Eshinegba Ita awa ali iJesu iKirisiti Onomhue e ka li okhale na e, e gbo ri opfomhe ghi e.

³ Egheghe kpa ni mhi ro da sato e egbe ne, eri mhia kphemhi na Eshinegba.

⁴ Egheghe kpa ni mhi ro da a so iromhi na e nya ne, eri oghela o la mhe udu ke so iromhi.

⁵ Irari ode ni a te nu mhe ri oni usomhi onete kia, rote ele nodode ya ramhi amo.

⁶ Mhi ro sho khi, Eshinegba ni o gba ikanya enete eke le shi agbo oye, loli o ya nu e tsua li ramhi ele ni iJesu iKirisiti o ro ya nyene egbe bhale.

⁷ O ti ni mhi lina ke saa ingme oye egheghe kpa irari khi ingme oye o la mhe udu. O kha ririe khi ighumha mhi la, okekhi ini mhia khe oni usomhi onete shi eke, ali ini mhia pfi otsele ro lama shi emini oni usomhi onete o riele. Irari khi eri Eshinegba o ri oni afu ona ga na awa, ni awa ro gue oni usomhi onete le.

⁸ Eshinegba o khi otsele oyemhe khi igesikia mhia ngme ini mhiye khi inono ekelemhi udu ona iJesu iKirisiti mhi mhu na e.

⁹ Iromhi ni mhia so na e khi, inono ni a mhu ena, o ke nga sho, rote ilisingme ali ilese udi ingme,

¹⁰ ni a ro dobe ke ze emini o ti ne. Ini a pfuase, ni a khi eni ea mhu

umha-guekia ya ramhi ele ni iKirisiti o ya nyene egbe bhale.

¹¹ Ni agbo oye o ro ingeli ipfuase ni e rote obo oyi iJesu iKirisiti bhale. Ni a ro me asha ri ufumhi ali ikuegie na Eshinegba.

IKirisiti a la agbo o na

¹² Mena, mhia nono ni a lese khi emini mhi me khi eri o kpaghie obo ti usomhi onete je odalo.

¹³ Irarigho, ekhe-khe na agbala nya e she lese khi itobo khi mhi khi aghiusomhi oyi iKirisiti a ro mu mhe shi owa ighumha.†

¹⁴ Ogba ighumha ni a mu mhe shi o she ri inyoghwo awa ebubu regbenga Onomhue, ni a ro bhale ya e khi e zese udu-a egheghe kpa ro gue usomhi onete oyi Eshinegba le, ni o khia khi ulishi o mu we.

¹⁵ Egbegbo lo, khi, rote ayemhe ubogbo ali ofuma, egbo eghuo e ro ri iKirisiti e tse abo, ama eghuo e rote udu igesikia roli e tse abo.

¹⁶ Eni e rote udu igesikia a tse abo, ayemhe inono e ro o riele oli, irari khi e lese khi itobo igho Eshinegba o ro remhe shi akana ni mhi migha ke khe oni usomhi onete shi eke.

¹⁷ Elese e rote udu aro-timhenga ri iKirisiti e tsabo. Oa khi ode igesikia e te roli e tse abo. Eri o li we egbe abine khi e kha me asha to ingme shi eke na mhe abi mhi la owa ighumha ena.

¹⁸ Abiabi e li ri iKirisiti tsabo kpa, oa mhu abi o ngme. O ke khi ode egholi o, o khi egbegbi ode oo, mhi mema ya ke ghele shi o.

Igho lo e, mhi mema ya ke ghele shi o.

¹⁹ Itobo khi mhi lese khi rote iromhi ni a so, ali ikpaghiobo ni o rote Ayemhe oyi iJesu iKirisiti bhale, a ya rue mhe elemhi owa ighumha ona lasale.

²⁰ Mhi ma to eloe eke, mhi gbo mhu irudushi o khi, mhi aa ya tigbe ze ni akanya oyemhe o ba mhe ku. Ama egheghe kpa ali memena mhi ya ri igbedu ke ngme ni mhi ke ri ufumhi

* 1:1 Li ze Ika 16.12 † 1:13 Li ze Ika 28.30

ghi iKirisiti rōte angeli oyemhẹ, mhi la agbọ oo, okekhi ini mhi ghua.

²¹ Irari ini ẹ oyemhẹ, agbọ ni mhi la, iKirisiti mhi la ọ na. Mhi kha ghua, eleli o khi na mhe.

²² Ama ini mhi kie la agbọ a lẹ, mhi kha kie mhọli ikanya enete ni mhi kha gbe na iKirisiti. Ama onoghuo ọ, mhi kha zẹ mena? Mhi aa lẹsẹ e!

²³ Udu o zẹ mhe eva, mhi aa lẹsẹ oni mhi ya zẹ ọ. Mhi ga nono ni mhi deba iKirisiti ni mhi lase agbọ le. Ona o ga ti mhe egbe nẹ.

²⁴ Ama itobọ oye ẹ, o ti ni mhi la agbọ.

²⁵ Mhi lama shi ona, mhi lẹsẹ khi mhi ya la agbọ. Mhi ya nu ẹẹ nya la agbọ ni a ke je odalo, ali ni a mhọli oghẹlẹ ni o la irudunga.

²⁶ Ni a rọ bhale ya ẹ khi ini mhi nyene egbe bhale gbo nu ẹ la, a ya mẹ asha ke titi egbe irari oyemhẹ, rōte elemhi agbọ oye ẹ ni o kuma iJesu iKirisiti ọ.

²⁷ Abibi o riẹ li, ke ngeli abi ungmemhi oyi iKirisiti o ngme. Ni a rọ bhale ya ẹ khi, mhi bhale ya mẹ ẹ o, okekhi eri mhi suọ eko ẹ o, mhi kẹ lẹsẹ khi a kie migha egbegbọ elemhi ayemhẹ oghuo. A khọli okhue usomhi onete elemhi ikudugbe abi ogbọ oghuo.

²⁸ A khi zẹ ni ulishi ebe ẹ o mu ẹ, ona o ya rẹ wẹ lẹsẹ khi a ya mhue eleli, ama wẹwẹ e ya pfua, irari khi Eshinẹgba lọli o ri imuọle na ẹ.

²⁹ Irari khi a she ri ẹghẹghẹ na ẹ ni a rọ ga iKirisiti, ni ọa khi irari khi a lẹsẹ ya miesuọ tse, ama ni a rọ li ya mẹ osue na li.

³⁰ Memena, a li kuma mhe ọ shi oni okhọli. Oni a mẹ khi mhii khọli ẹghẹghẹ ni o dọsẹ, ni mhi kiele ẹ khọli memena.‡

2

A ke khọnya iregbe-tiemhie onabi oyi iJesu

¹ Agbọ oye ẹ ni o kugbe iKirisiti ọ, o zẹ ni a rọ toto. Inono ni ọ mhue na ẹ o ri udu shi ẹ ọ. Eẹ ali Ayemhẹ

oyọli a mhue ikugbe. A gbo mhue isomhelemhi ali ilelemhi na egbe ẹ.

² Irarighọ, mhia nono ni a remhẹ ke ghele shi abi a mhue isamhi eghuo, ni a riẹlẹ inono na egbe, a gbo khili oghuo elemhi ayemhẹ ali udu.

³ A khi ri ayemhẹ a ba timhẹ nga ali ni a ba mẹ asha ke tono obọ udu, riẹlẹ emhikhoghuo. Ama a nyese ukhomhi na egbe. A bino khi ogbọse ọ somhi dọsẹ ẹ.

⁴ A nono onete oyi egbe ẹ, ọa khi onete oyi yeyeghuo tse.

⁵ Mhue angeli nabi iJesu iKirisiti ọ mhue.

⁶ Abi o riẹ khia khi eri iKirisiti ọ li abi Eshinẹgba.

Ọa tigbe sa li khi otu lọli ali Eshinẹgba e khi.

⁷ Ochoghọ, eri ọ rōte udu oyọli rue emini ọ mhue nya obọ-a, ọ mele ọni ọọ ga ogbọ-a.

Ọ mele ogbọ-a, ọ ri ẹkuẹ ogbọ ku egbe bhale.

⁸ Ọ ri egbọli tiemhile, ọ kia okiali issuesọ ya ramhi ni ọ rọ ghua, ikhi eghuli oyọli na apfida.

⁹ Itobọ ona, Eshinẹgba ọ yase ọli nga obini o yagha nẹ nya. Ọ ri eva ni o fu dọsẹ eva nya nali,

¹⁰ ni a rọ bhale ya ẹ khi ashiashini a da la lu eva oyi iJesu ne,

ikhomhẹgbhẹ nya e nyese ghe emhi nya ni e la idane ali eni e la eke, ali eni e la elemhi eke,

¹¹ emhi nya e ya pfi ọtsẹle khi iJesu iKirisiti ọ khi Ọnọmhue, ni a rọ ri ufumhi na Eshinẹgba Ita.*

¹² Itobọ ighọ, emọle mhe, abi a liẹ suosọ ukpẹloe oyemhẹ a gbo lighọ ke suosọ odukhokho oyemhẹ. A ri ulishi ali ikpheli ke gbe ikanya, ni irudunga oye ẹ o gba pfo.

¹³ Itobọ khi ẹghẹghẹ kpa Eshinẹgba ọ rọ la ẹ egbe ẹ gbe akanya ni ọ rẹ ẹ mhue oghuemhẹ, ni a gbo dọbẹ ke

‡ 1:30 Li zẹ Ika 16.19-40 * 2:11 Li zẹ Aza 45.23

riẹlẹ emini o de shi omhẹsẹ onete oyọli.

¹⁴ A khi ri awọlọ wẹ ekhakọ riẹlẹ emhikhoghuo.

¹⁵ Ni a khi ẹgbọ ni ẹa mhue umh-aguẹkia, ni e pfuasẹ abi imi Ẹshinẹgba ni e gba pfo, elemhi agbọ ni ẹgbọ ali ena ikanya ichimhi e la. A mema la wẹ iteva ke gẹ abi ikpẹtata ni e la idane,†

¹⁶ abi a liẹ gue ungmehi agbọ ke yẹ wẹ. Ini a li ghọ, mhi ya mẹ asha ke rẹ ẹ titi egbe ẹlẹ ni iKirisiti ọ ya nyenẹ egbe bhale. Irari khi eri ona o ya rọkhasẹ khi irọshẹka ni mhi rọshi ali ikanya ni mhi gbe, ẹa khi afue.

¹⁷ Ini a tseku ku ọlia eyemhẹ abi onyọ shi iluasobo ali ikanya enete ni o rọte irudunga oyẹẹ lasese, eri egbe e mu mhẹ shi ọ, mhi nu ẹ ghele.

¹⁸ Irarighọ, egbe e li ke mu ẹ, a li nu mhẹ ke ghele.

ITimoti ali Epafuroditusi

¹⁹ Ini o ghọle Ẹshinẹgba, mhi khọkhọ khi mhi ya dobe kele ghie iTimoti ghi ẹ. Ni mhi rọ suọ eko ẹ, ni mhi mhue oghẹle ini ọ jele.

²⁰ Lọlighuo kpe ọ leşẹ abi o li mhẹ egbe, ni ingme oyẹẹ o gbo mu egbe.

²¹ Ẹgbọ eni e kpọle nya, eleli oyẹwe e na khu, ama ọa khi eleli oyi iJesu iKirisiti.

²² Ama, ẹẹ, a leşẹ abi iTimoti ọ li ri egbọli khase ẹ abi ọ la ọ shi. Abi mhemhẹ ali lue anye li kugbe gbe akanya oyi usomhi onete oyi Ẹshinẹgba abi ita ali omọ ẹẹ li.

²³ Mhi ya kele ghie ọli ghi ẹ ini mhi da leşẹ abi o ya li mhẹ egbe.

²⁴ Mhi ri egbe da Ọnọmhue khi mhi ya kele bhale.

²⁵ Mhi kie gbo li khọkhọ khi o ti ni mhi ghie inyoghuo awa ghi ẹ, ikhi Epafuroditusi ni ọ she gbe akanya deba mhẹ, ni ọ she gbo nu mhẹ gbe akanya ode-khode. Ni ọ gbo khi aghiusomhi oyẹẹ ni ọọ kpaghie mhẹ obọ.

²⁶ Egbe ẹẹ kphakpha li ni ọ rọ mẹ ẹ. Egbe ẹ a ke sheshe ọli itobọ khi a suọ khi ọọ ghua.

²⁷ Egbegbọ lọ, ọọ ghua gba, ukukuọ o kpọli eghuli le. Ama Ẹshinẹgba ọ mhue ilelemhi na li. Ọa khi lẹlighuo Ẹshinẹgba ọ mhue ilelemhi na tse, ọ li mhue na mhẹ, ọ tsumhi mhẹ elemhi osue ni o to-nga osoli.

²⁸ Mhemhẹ egbe ẹẹ kphakpha ne ni mhi rọ ghie ọli ghi ẹ. Ni a gbo mhue oghẹle ini a mẹ ọli, ni osoli oyemhẹ o kelea.

²⁹ A ri oghẹle kpe abọ mie ọli abi inyoghuo na elemhi oni irudunga. A mu ekpe nofunẹ na ẹgbọ nya nabi lẹli.

³⁰ Itobọ khi ọ ri agbọ oyọli shi okhena, ukukuọ o kpọle suii ni ọ kha rọ ghu-a shi akanya oyi iKirisiti, ini ọ mẹ asha ri ikpaghiobọ na mhẹ ni ẹẹ aa dobe rona mhẹ.

3

Angeli ni o migha shi ipfuasẹ

¹ Ni mhi rọ gbe ọli ukhomhi, inyoghuo, a ke ghele shi abi a li kuma Ọnọmhue ọ. Ọa mhue abi o ngme mhẹ ini mhi riẹlẹ emini mhi kpẹ keke ghi ẹ gbo keke, lẹli o ya ti ẹ egbe ne.

² A mu egbe ẹ shi ẹgbọ eghọ ni e li abi ewa, ni ẹẹ gbe ikanya ebe. Ikhi eni ẹ liẹ khi ọgbọ mema shele-a neni imiepfuese oyọli o gba pfo.

³ Anye ena, a shele egbegbi ishele-a, irari khi anye te ode ayemhẹ ẹ ga Ẹshinẹgba. Anye mholi oghẹle shi elemhi agbọ oyi anye khi anye kuma iJesu iKirisiti ọ, ni anye ẹa ri egbe da ikanya idiegbe.

⁴ Ama mhemhẹ mhii kha ri egbe da ikanya idiegbe eghoghọ ne.

Ini àá nono ọgbọ ni ọ kha regbeda ikanya idiegbe eghoghọ lọ, mhemhẹ o kha khi.

⁵ Irari khi ẹle-nuzi-elele ni a rọ bia mhẹ, a rọ shele mhẹ-a. Ọngi iZireni a bia mhẹ, mhi rọte unuekpẹ oyi iBejami lasese, egbegbi ọngi Iburu. Ini ẹẹ, iri ushi oyi ẹgbọ iJu gbe akanya, iFarisi mhi khi.*

⁶ Mhi mhue omuegbe ramhi ni mhi rọ mu okhọli vule shi igbaa oyi eni e mie iJesu iKirisiti suọ ọ. Ini ẹẹ

† 2:15 Li zẹ iDeut 32.5 * 3:5 Li zẹ Ika 23.6; 26.5; iRom 11.1

abi ogbo o lie pfuase, ode irushi-gbe akanya, mhi aa mhuẹ ashini o kpo mhe shi.†

7 Ama emhi eghoghọ ni mhi kha leli shi eleli, mhi rewe shi afue, itobo oyi iKirisiti.

8 Oa khi egho tse, mhi lama emhikpa o limhe opfu-a, itobo ufumhi ni o la ilese ni mhi lese iJesu iKirisiti Onomhuẹ oyemhe. Itobo oyoli mhi ro tsua emhi nya kua. Eri mhi ga bino we shi iku, ni mhi me asha mhuẹ iKirisiti,

9 ali ni mhi ga toma li o pfo. Mhi aa ke mhuẹ angeli no migha shi ipfuase oyemhe, angeli ipfuase onabi mhi ri itobo khi mhi ri ushi e gbe akanya mholi. Ama angeli ni o migha shi ipfuase ni a rote irudunga oyi iKirisiti ro na mhe mhi ke mholi memena, angeli ipfuase ni o rote obo oyi Eshinegba bhale, ni o rote irudunga bhale.

10 Emini mhia nono ni mhi lolo lese khi iKirisiti ali ekpabo ni o rote eghuli guise oli le. Ni mhi ro nu oli me osoli ni o me, ni mhi nu oli ghu eghuli onabi o ghu.

11 Itobo khi mhi mholi oli shi udu khi a ya li rote eghuli guise mhe le.

Roshaka na ya ramhi ukpese elemhi irudunga

12 Mhi a lie khi mhi she ramhi ashini mhia nono ni mhi ramhi ne, wekhi eri mhi she gba pfo. Ama eri mhi roshaka ni mhi li abi iKirisiti. Onana o ze khi iKirisiti o pfi obo rue mhe.

13 Igesikia, inyoghuo, mhi aa bino egbemhe shi oni o she lo owa ne. Emhi oghuo ni mhia li, khi, ni mhi ro rue eloe emini e je ikhokho a, ni mhi roshaka ri obo ramhi emini e la odalo.

14 Irarigho, eri mhi na le talala, ni mhi ro mhuẹ ifata, ni o khi ulumhi ni Eshinegba o lu mhe, rote iJesu iKirisiti je agbo ni o la iloghie.

15 Awa nya ni awa mholi iwomheloe shi elemhi ayemhe, awa li mhuẹ udu onana. Ama ini eghuo elemhi e,

e mhuẹ udu oda shi ingme onana, Eshinegba o ya roli khase e.

16 Abibi o ya li, awa ke je odalo shi ushi oghuo ni awa deba ramhi ana.

17 A ke khonya mhe inyoghuo. A ri eso shi egbo ni e deba oni ode onete ni anye ro shi eke na e.‡

18 Mhi she kpe gueye e ne, mhi gbolo ri evie shi alo a gueye e memena, khi egbo eghuo e la no khia khi uwali agbo ni e la, o she re we khi obo oyi eghuli ni iKirisiti o ghu shi apfida.

19 Owa ere ee je, irari khi oghuemhe idiegbe oyewe o khi olitsa oyewe. Eri ee titi egbe shi emini e kha ro shi omama. Usamhi emhi agbo ona e lese e sa.

20 Ama awa, udiokute oyawa o la iloghie, awa lolo ri alo shi eke ke khe Omiepfuese ikhi iJesu iKirisiti ni o rote iloghie jele.

21 O ya ooghiẹ idiegbe oyawa ona ni o o ghu, o ri idiegbe oyi ufumhi onabi oyoli to-eloli oli. Itoto ogho ni o ro dobe ri emhikpa bhale omhesẹ oyoli o ro ya riẹle we.

4

Ungmemhi irudusho

1 Itobo igho, inyoghuo, ingme oyee oo mu mhe egbe gba. Eloli e, o she nga mhe. A ma ri egbe a mu mhe, mhi gbo re e titi egbe, igho o ti ni a kha li migha agbo oyee na Onomhuẹ.

2 Mhi lema Euodia ali iSitaiki, a kpekpe a lama na egbe abi inyoghuo ni e mie Onomhuẹ suo.

3 Ali yeye onuzava oyemhe, iSizigusi, kpaghie eni ikpotso ena obo irari khi e she nu mhe me osue shi itsabo usomhi onete ona kia kia. Ghe iKilemeti ali eni anye ga gbe akanya kugbe ali elese nekpole, eni eva oyewe o la ebe ni a keke eva oyi eni e ya mholi agbo na agboagbo.

4 Eshinegba o ze ni a ke mholi oghelẹ eghẹghe kpa irari khi a kugbe Onomhuẹ o. Mhi gbolo e i, a ke ghele!

† 3:6 Li ze Ika 8.3; 22.4; 26.9-11 ‡ 3:17 Li ze 1 iKori 4.16; 11.1

⁵ Zẹ ni ọgbọkpa ọ ke mẹ iguẹ riẹlẹ emhi shi ẹghẹghẹ oye gboo. Irari khi Ọnọmhuẹ ọ keḗ ya bhale.

⁶ A khi zẹ ni emhikhoghuo o mu ẹ egbe doṣe. Ama, emhikpa, a ri udu ikphẹmhi ke sọ iromhi mhila Ẹshinẹgba emini u wa nono.

⁷ Ni opfomhẹ oyi Ẹshinẹgba ni o doṣe ilẹṣe oyi ọgbọ nya, o ri igbe udu ali ayemhẹ ni o migha na ẹ, irari ikugbe ni a kugbe iJesu iKirisiti ọ.

⁸ Ni mhi rọ gbe ọli ukhomhi i, inyoghuo-mhẹ, a zẹ ni isamhi eminete ni a kueghie ọgbọ ọ shi e vọ ẹ udu, li shi emini e khi egbegbo, ni e mu ẹloe, ni e roṣe ode ipfuase bhale, ni e khi eyi inono, ni a mu ekpe shi.

⁹ A ri emini a wena obọ oyemhẹ ali eni amie obọ oyemhẹ, okekhi eni a mẹ agbọ oyemhẹ ke gbe akanya. Shi eni mhi ri unu ngme ali eni mhi riẹlẹ. Ẹshinẹgba ni ọ ri opfomhẹ ẹ na ọgbọ ọ ya nu ẹ la.

IPolu ọ tṣe obode shi isomhopfa

¹⁰ Abi ọgbọ ni ọ mie Ọnọmhuẹ suọ, egbe ma mu mhẹ shi ọ gba, khi, abi o tseku tṣe, khi a kie gbo mẹ asha ri inono ni a mhue na mhẹ khasẹ mhẹ. Ọa ke khia khi eri mhi ri ona liẹ khi aa ke kpe ri ẹloe e khu mhẹ, ama eri áá ke kpe mẹ asha kpaghie mhẹ obọ.

¹¹ Ọa khi eri mhia ngme ona irari khi o limhẹ egbe abine khi a pfi mhẹ esọ-a, itobọ khi abi oni mhi mhue o liẹ khuese mhẹ o she ma mhẹ-a.

¹² Mhi lẹṣe abi ọọ li egbe ini ọgbọ ọ la umhamẹ ali abi ọọ li ini ọgbọ ọ la ọsuemhẹ. Mhi she wena osheli ona ni a rọ bhale ya ẹ khi oni mhi mhue o bu mhẹ. Obiobini o khi oo, ashishini o khi oo, mhi le khue oo, o ke khia khi okiamhi ọọ gbe mhẹ.

¹³ Mhi doṣe riẹlẹ emhikpa roṣe itoto ni iKirisiti ọ rọ na mhẹ.

¹⁴ A ma khale, abi a li kpaghie mhẹ obọ abi mhi rọ la ọmunu.

¹⁵ Ẹẹ ẹgbọ iFilipi, a lẹṣe khi abi mhi rọ roṣe eke iMasidonia vu, ni mhi rọ lẹṣe gba akanya itsabọ usomhi onete le, ẹẹghuo kpe a khi eni e miesuọ ni

e kpaghie mhẹ obọ elemhi irona ali imemie.

¹⁶ Ọa khi utoghuo tṣe, a kpaghie mhẹ obini eke iTesalonika abi mhi rọ nono ikpaghioṣo.*†

¹⁷ Ọa khia khi isomhopfa mhi lẹṣe nono, ama emini a ya keke shi ẹkue oye na iloghie mhia nono.

¹⁸ A she fali mhẹ ota gba pfo, e gbo gba nga ọ. A she ri itsua ghi mhẹ ni e vọ mhẹ eke, abi mhi rọ mie Epafuroditusi emini a rona li ghi mhẹ ena, eri e li abi irona ni ẹẹ kphela, ikhi iluasobo ni a mie, ni e ti Ẹshinẹgba ẹloe.‡

¹⁹ Ẹshinẹgba oyemhẹ ọ ya ri emini ẹ ghole ẹ nya na ẹ. Ẹpfue ni o funẹ ni o la iJesu iKirisiti onayi ọli ọ te ya riẹlẹ ọli.

²⁰ Ufumhi o khi oyi Ẹshinẹgba Ita awa ya ramhi ẹlẹ ni agbọagbọ, Atse!

Otṣe ni o kpukhokho

²¹ Mhia tṣe ọgbọkpa ni ọ khi Omi Ẹshinẹgba ni ọ khi oyi iJesu iKirisiti. Inyoghuo nya ni e nu mhẹ la ana ẹẹ tṣe ẹ.

²² Ẹgbọ eyi Ẹshinẹgba ni e la ana nya ẹẹ tṣe ẹ, ghe eni e la agbala oyi iSiza.

²³ Okhale oyi iJesu iKirisiti Ọnọmhuẹ o ka nu ayemhẹ oye ẹ la. Atse.

* 4:16 Li zẹ Ika 17.1 † 4:16 Li zẹ 2 iKori 11.9 ‡ 4:18 Li zẹ Okiali 29.18

Ebe ni iPolu o keke ghi egbo IKolosha Eni e miesuo

¹ Mhemhe iPolu, aghiusomhi na kee oyi iJesu iKirisiti ni Eshinegba o ze abi o ghole oli shi mhi khi, li shi inyoghuo awa iTimoti.

² Mhemhe mhi keke ebe ona ghi egbo eyi Eshinegba ni e la eoli iKolose, ikhi inyoghuo awa ni e pfuase ni a ri egbe e nga elemhi iKirisiti.

Eshinegba Ita awa o ka li okhale na e, o ri opfomhe na e.

Iromhi ali ikphemhi

³ Egheghe kpa anye ro kphemhi na Eshinegba, Ita iJesu iKirisiti Onomhue oyawa, ini anye e so iromhi na e.

⁴ Itobo khi anye she suo abi a migha shi irudunga oyi iJesu, ali abi a li nono ingme oyi egbo eyi Eshinegba nya.

⁵ Emini Eshinegba o ro shi eke e khe e obini iloghie, o re e mholi irudunga ali inono ona, ikhi emini a she suo elemhi ungmehi igesikia, ikhi usomhi onete oyi iJesu iKirisiti ni a she gueye e.

⁶ Oni usomhi onete ona o she ri umomhi e lasele, o gbolo fu e shi o elemhi agbo nya, abi o kie kpe e li iteva oye e rote ogbele ni a te lese igesikia ni o la ukpokpomhi okhale ni Eshinegba o li.

⁷ Obọ oyi Epafurasi a te suo oni okhale oyi Eshinegba, oni o khi otuoghuo elemhi anye, ni oo gbe akanya oyi iKirisiti te ode igesikia ni o to eloli anye.*

⁸ Loli o gbo gueye anye abi oni Ayemhe o li re e mholi inono na egbo eyi Eshinegba.

⁹ Abi anye te lina suo esọ onete oyi angeli oye e, anye e tigbe yemhe iromhi isoso-a, ni anye so o na e. Anye e so iromhi, Eshinegba o rote

ileasingme ali ilese elemhi Ayemhe- no-pfuase kpaghie e obo, ni a lese oguhemhe oyoli, ni a riele oli.

¹⁰ Eri anye lina so iromhi na e, ni a gue ke ngeli abi egbo eyi Onomhue ee li, ni a ri egbe ke mu oli, a ri imomhi eyi onete iriele lasele, a gbolo e lese Eshinegba gbo shi o.

¹¹ Anye gbolo e lema li, o ri itoto na e, ni a ke ri ekpabo eyoli nya gbe akanya, ni a mholi ukpokpomhi iregbemie ali irabomudu ali oghele.

¹² Ni a ke kphemhi na Eshinegba Ita, ni o li re e fu te eni e li mholi okemhi shi ugu oyi egbo eyi Eshinegba, eni e la akpa, ni o roo khe e.

¹³ Eshinegba o she rue awa obo oyi ekpabo alo ebili eyi okphaghie lasele, o rue awa bhale iloghie oyi omi oli ni o nono.

¹⁴ Obọ oyoli awa te mholi ipfasheke, ni o ri olamhe topfa awa.†

IKirisiti o fu ne nya

¹⁵ IKirisiti khi irokhokho oyi Eshinegba ni ogbo aa ya me eloe. Loli o khi oni odode emini Eshinegba o ma nya.

¹⁶ Irari khi obọ oyoli a te ma emhikpa, ikhi emini e la ukhuli ali eke, ghe eni a me ali eni aa ya me, okekhi ikpekhomhi eghiele o, o khi ekpabo o, o khi ighie o, okekhi ena omhese o, loli o ma emhikpa, o ma we na egboli.

¹⁷ O kpe la o neni a ma emhi nya, loli o ze ni emhi nya e ro kugbe khi oguo.

¹⁸ Loli o khi ukhomhi oyi idiegbe, ikhi igbaa oyi eni e mie iJesu iKirisiti suo. Loli o khi igbaekele, itobo khi loli Eshinegba o kpe guise le, ni o ke gbo ya ghu ghue, egheghe agho ni lolighuo o ri obọ nga emini e la agbo nya ke mhese shi.‡

¹⁹ Irari khi eri o ghole Eshinegba ni emini o khi nya o la agbo oyi Omi oli.

²⁰ Ishegho ni o me asha rote obo oyi oni Omi oli nu emhikpa mhue iro- riele, o khi emhi na agbo ona okekhi ena idane. Olia eyoli ni o ku abi o ro

* 1:7 Li ze iKolo 4.12; iFile 23 † 1:14 Li ze Efi 1.7 ‡ 1:18 Li ze Efi 1.22-23 § 1:20 Li ze Efi 2.16

ghu-a shi ukhomhi apfida o ro rieḷe ona.Ṣ

²¹ Eghẹghẹ ni o doṣe ni aa ro kpẹ lẹṣe Ẹshinẹgba, eri a nuata shi ọli o. A khi ebe ọli elemhi udu oyẹe, itobọ angeli obe ni a ngeli.

²² Ama Ẹshinẹgba o she re e nu egbọli ro rieḷe. Eghuli oyi iKirisiti o ro re e khi eni e pfuaṣe shi odalo oyọli, ni aa ke mḥọli iḥimhi, ni a pfue umhaguekia.

²³ Ini a da kie la elemhi irudunga oyẹe, ni a ro migha gbagbagba shi o, ni aa ro ze ni irudushi ni a mḥọli o nighise, ikhi oni a mḥọli shi emini Ẹshinẹgba o ro shobọ na e elemhi usomhi onete oyọli. Oni usomhi onete ona ni a she ro tse abọ khaṣe oḡbọkpa elemhi agbọ ona, lọli a ze mḥe iPolu shi abi aghiusomhi, mhi roli ke tse abọ.

Ikanya ni iPolu o gbe na igbaa oyi eni e mie iJesu iKirisiti suọ

²⁴ Memena, egbe ga a mu mḥe shi osoli ni mhi me e na e elemhi idiegbe oyemḥe. Eri mhi ri oni osoli ona pfuse ikanya eni e kpọle gbe, abi iKirisiti oḡ me osoli na idiegbe oyọli, ikhi igbaa oyi eni e mie iJesu iKirisiti suọ.

²⁵ Ẹshinẹgba o she remḥe khi oni oḡ ga oyi igbaa oyi eni e mie iJesu iKirisiti suọ oyọli, ni mhi ya tse-abọ oni usomhi oyọli nya ye e.

²⁶ Ona o khi osheli ni o kpẹ ro sheli na egbọ roṣe igbaekele ramhi eghẹghẹ ana. Ama, lọli o tigbe khueghie a khaṣe egbọ eyọli ena.

²⁷ Eri Ẹshinẹgba o rieḷe ona ni eni egbọ eyọli e lẹṣe epfue oniemi ni o la oni osheli ona. Oni osheli khi, iKirisiti ni o la agbọ oyẹ e, ni o re e mḥọli irudushọ khi, a ya nu ọli mḥọli okemhi shi ufumhi oyi Ẹshinẹgba.

²⁸ Lọli o ze ni anye ro ri iKirisiti e tse abọ khaṣe oḡbọkpa. Roṣe egbhali ni anye mḥọli nya anye te e tse agua ye oḡbọ, anye gbolo e seṣe we ni anye ro rue we bhale odalo oyi Ẹshinẹgba abi egbọ ni e mḥe iwomḥeḷoe, ni e toma iKirisiti o.

²⁹ Ni a bhale ya e khi ona o ze ukhomhi, eri mhi ri ekpabọ eyi iKirisiti nya ni e la mḥe egbe roshẹka gbe akanya.

2

¹ Mhia nono ni mhi gueye e abi mhi li roshẹka a kpaghie e ali eni e miesuo ni e la ọli iLaodisha ali egboṣe ni ẹa me mḥe ukpẹloe ghue obọ.

² Emini o ze ni mhi ro o rieḷe ona khi ni a ro ri udu shi we o, ali ni e kugbe elemhi inono, ini e mḥọli epfue ni o gba pfo ni ileṣe o ro o na oḡbọ. Eghẹghẹ aghọ ni e lẹṣe osheli ni Ẹshinẹgba o gba, ni o khi iKirisiti.

³ Lọlighuo kpe o khi okpe ni oḡ khueghie epfue-a ni o la ileṣingme ali ileṣe eyi Ẹshinẹgba.

⁴ Eri mhi gue ona a ye ini oḡbọkhoghuo o khi ri oseṣe egbhali bhale ya di e, abibi eni oseṣe e ririe dala esọ ramhi.

⁵ Irari khi, ini mhi aa ririe nu e la aghọ, ayemḥe oyemḥe o nu e la aghọ. Mhi nono ni mhi bhale ya me e abi a guẹ la kuete, ni irudunga ni a mḥọli shi iKirisiti o ọa li nighise.

⁶ Aborokhia khi a she rue iJesu iKirisiti abi Onomhue, a nu ọli ke ngeli kugbe,

⁷ a gbelighi migha, a gbo ro ma imiesuo ni a mie iKirisiti suọ, a kie mḥọli ọli shi udu khi emini a seṣe e ikhi ingme eyi iKirisiti khi igesikia e khi. A kphemhi e na Ẹshinẹgba eghẹghẹ kpa.

⁸ Khi ze oḡbọkhoghuo di e mu lama shi oseṣe afue ali eyi ikpamhika. Ikhi oseṣe ni e migha nga angeli ali egbhali oyi agbọ, ni ẹa roṣe obọ oyi iKirisiti bhale.

⁹ Irari khi emini Ẹshinẹgba o khi nya e la idiegbe oyi iKirisiti.

¹⁰ Irari khi a kugbe iKirisiti o, a ro mḥọli agbọ ni o gba pfo elemhi ayemḥe. Lọli oḡ kpeda nya elemhi ekpabọ ali omḥeṣe ali afu nya na elemhi ayemḥe.

¹¹ Itobọ khi a kugbe iKirisiti o, o ro rue e oghuemḥe idiegbe udu lasele, ezeze abi a lie sheḷe oḡbọ epfi-a.

12 Ezeze abi a li ri iKirisiti to abi o ro ghua, ni a gbo guise oli le, igho a li pfi e lo elemhi oko gbo mu e vule, elemhi ibatizi. A guise e le bhale agbo irari khi a mholi irudunga shi ekpabo oyi Eshinegba ni o rote eghuli guise iKirisiti le.*

13 Eri a kpe ghu-a shi elemhi ayemhe eghoghe no dose, irari khi a la agbo olamhe. Ama memena, Eshinegba o she ri iKirisiti re e gbo mholi agbo. O ri olamhe eyawa nya topfa awa.†

14 Abi Eshinegba o ro shishi ishi ni a ze shi awa egbe-a se, ikhi eni e migha zu awa ode, o rue we awa ode-a, o ta we ma apfida abi iJesu o ro ghua.‡

15 Abi o ro mie iyemhe okphaghe ekpabo se, o re we lasese gboo yeghe-a abi o ro ghu-a shi apfida.

16 Irarigho, khi ze ni ogbokhoghuo o gue ezo shi emini u wa le ali oni u wa da, uketeta ushi imu Uki Onogbo ali ogbele ne pfuase ali Ogbele iyemhe oyi iJu.§

17 Enana nya, irokhokho oyi emini e ya bhale ikpukhokho agbo e khi, iKirisiti o khi ozukhomhi we nya.

18 Khi ze ni ogbokhoghuo ni o riye iregbe-tiemhie eyi ikpamhika, ni oo ga igeni, o di e dobe eleli oye-a. Emini egbo eghogho e me e la tono ali udu oyewe ni imiesuo o roli e vuse ike shi isamhi afue.

19 Ogbo oghogho oa ke kugbe iKirisiti o, ni o khi Ozukhomhi oyi oni idiegbe, ikhi igbaa oyi eni e mie iJesu iKirisiti suo miesuo. Ezeze abi ukhomhi oyi ogbo o lie gueye idiegbe abi o lie kia, igho omhese oyi iKirisiti o lie mhese na egbo eyoli nya, rewe gbe akanya kugbe abi idiegbe ogbo o tono elamhi ali ikpese egbe mano, khi oghuo. Eghoghe agho oni idiegbe nya o fu abi Eshinegba o nono oli shi.*

20 Aborokhia khi u she nu iKirisiti ghua, ni ushi agbo oa ke ro mhese ne egho, elo o ze khi u kie ri egbe e na we,

ni u ro ri ushi eyewe gbe akanya, ni ee lie,

21 “Khi mu ona mholi obo,” “Khi to elemhi ogho bino,” “Khi ri obo ti onana?”

22 Enana nya, emini e ya mele afue-a e khi, ini a rewe riye emini a rewe ya riye se. Irari khi ishi ali omhese ni egbo e mhese lo.

23 Eri omhese eghogho e li abine khi ileingme e la o, ikhi eni e ri itoto ri egbo ga ugamhi ikpamhika ali iregbe-tiemhie oyi ikpamhika, ali ina-idiegbe-osoli, ama eni e riye ena ea rewe lase olamhe le.

3

Angeli ni o ghole Eshinegba

1 Aborokhia khi a she rote eghuli guise e ali iKirisiti le bhale agbo egho, ri udu oye shi emini e la obini iloghie obini iKirisiti o shito obita Eghiele oyi Eshinegba.*

2 Ri udu oye shi emini e la obini iloghie, khi roli shi emini e la agbo ana,

3 irari khi u she ghua, elemhi iKirisiti u ke la, ni o la elemhi Eshinegba.

4 Egbegbi agbo oye, elemhi iKirisiti o la. O kha da feli lasese, yeye, u li ya nu oli la akagho, u li nu oli mholi okemhi shi ufumhi oyoli.

5 Irarigho, ze ni ogueme oyi emhi agbo ni o kpe la agbo oye o ghua. Enabi itsebo, ali angeli ichimhi, ali isamhi ebe, ali ogueme ni ea ti, ali emhi-itoegbe ni o li khi ikhumhi igaga.

6 Itobo enana, elemhi e ro bi Eshinegba deba egbo ni ea ya suo esona li.

7 Ee, a kpe li lina ngeli elele, abi a ro la ifuabo eyi egbo eghogho.

8 Ama, memena a ze ni emhi eghogho nya e lase e egbe le. Emhi nabi elemhi-ibibi, ali ofu imholi, ali imuegbe obe, ali iyesegebe-eva-a, ali ingmemhi iditse, ali itono obo udu.

* 2:12 Li ze iRom 6.4 † 2:13 Li ze Efi 2.1-5 ‡ 2:14 Li ze Efi 2.15 § 2:16 Li ze iRom 14.1-6 * 2:19 Li ze Efi 4.16 * 3:1 Li ze Iwolo 110.1 † 3:9 Li ze Efi 4.22

9 A khi ke lono ẹgbhọli khase ẹgbe aborokhia khi a she gueghie ingeli ali idiegbe onodiọ shi eke ẹgho,†

10 ni a shi ri idiegbe enegbo ku ẹgbe, ni Eshinẹgba Ima o ro ya mele onogbo-a, ni o li abi oyoli. Ini o me asha re e mhọli ilẹse oyoli.‡

11 Itobo ona, azolomhe o a ke la iteva eni e khi iju ali ẹgbo ijeta, we ẹni a shele-a ali eni aa shele-a, we ẹgbo eni ẹa fialo-a ali ẹgbo eni e rote ifui ishemhi lasela, we ẹghumha ali omi obo. Ama iKirisiti o khi oni o mu ẹgbe ne.

12 Irarigho, abi a ro da khi eni Eshinẹgba o ze, ni e pfuase ni o nono ingme oyewe ẹgho, a ri ilemhi, isomhemhi, itiegbe-tiemhi, ali ipfomhe ali irobomudu so abi awulu.

13 A ke ti eni e miesuo nabi ee ma ẹgbe. Ini a lue na ẹgbe, a ro ke topfa ẹgbe e. A ro topfa abi Onomhue o li ro topfa e.‡*

14 Emini u gbo ro ya ma eni ingeli enete ena nya khi, inono ni o geno eni ingeli ena nya kugbe, elemhi ikugbe ni o gba pfo.

15 Zobe ni opfomhe oyi iKirisiti o mhọli omheshe shi udu oye, aborokhia khi ẹgbo ni e kugbe elemhi idiegbe oghuo a khi ẹgho, aa kphemhi.

16 A ze ni ungmehi oyi Onomhue o la agbo oye e, abi a lie sese ẹgbe, ni a ri ilasingme e ye ẹgbe ude. A gbo ligho ke to iwolo ena irudunga, ni a rote elemhi ayemhe e to ke lasela. A ri ayemhe ikphemhi e to uwolo kuẹghie Eshinẹgba.†

17 Emhikpa ni u wa riẹle ni u wa ngme, ri eva oyi iJesu Onomhue riẹle we. U gbolo ri eva oyoli e kphemhi na Eshinẹgba Ita.

Abi eni e miesuo e li ya ke ngeli

18 E ẹkpotso ni a la ughue, a ri ẹgbe e na odo e pfo, irari khi ina ee eni e miesuo e ke li.‡

19 E ẹdo, a nono ingme oyi ughue e, a khi ri obo ni o toto dose mu we.‡

20 Eniye, a ke suo eso na eni e bia e odekhode, irari khi onana o ti Eshinẹgba eloe.*

21 Ita eniye, a khi riẹle emini e ya ri elemhi bi imi e, irari khi o ya ri ẹgbe pfo we a.†

22 E ẹghumha, a ri ungmehi oyi oni o mhọli e ni o la agbo ona ke gbe akanya. Oa khi ini e nu e la agho tse a ro ri ungmehi oyewe ya ke gbe akanya ini e ba somhi-elemhi e. Ama ri udu oghuo ke gbe akanya irari khi u mu eke a na Onomhue.

23 Emiemi u wa riẹle nya ri omuegbe ni o rote udu oye nya lasela ke riẹle oli, abine khi Onomhue u gbe akanya a na, ni oa khi obo.

24 Lina ke ngeli abi u ro da lese khi u ya rote obo oyi Onomhue me eleli ẹgho.

25 Eshinẹgba o ya fali oni o li onobe ota, oa ya gbe obokhoghuo azeba.‡§

4

1 E ẹega, a gue ke riẹle deba ighumha eye e abi o ti shi, a ri igesikia deba we. Sato khi yeye u li mhọli Oga shi iloghie.*

Emini o gbo mheshe na we

2 A lolo ke so iromhi, a to eloe eke, a tse Eshinẹgba uwegbe.

3 A gbo li ke so iromhi na anye, ni Eshinẹgba o khueghie ode-a na anye ini anye me asha gue ungmehi oyoli le. Ikhi ungmehi onayi osheli oyi iKirisiti, ni o ze khi mhi la oga ighumha memena.

4 A lema na mhe, ni mhi gue oni usomhi le gboo ni ẹgbo e suo li.

5 Ri ilasingme nu ẹgbo eni ẹa miesuo ke ngeli. Eghẹghẹ ni u mhọli nya, roli riẹle onete.†

6 Ze ni ilasingme o la ungmehi ni u wa ngme, u gbolo e ngme ingmemhi

‡ 3:10 Li ze Igbae 1.26; Efi 4.24 § 3:13 Li ze Efi 4.32 * 3:13 Li ze Efi 4.2 † 3:16 Li ze Efi 5.19-20

‡ 3:18 Li ze Efi 5.22; 1 iPit 3.1 § 3:19 Li ze Efi 5.25; 1 iPit 3.7 * 3:20 Li ze Efi 6.1 † 3:21 Li ze Efi 6.4

‡ 3:25 Li ze iDeut 10.17; Efi 6.9 § 3:25 Li ze Efi 6.5-8 * 4:1 Li ze Efi 6.9 † 4:5 Li ze Efi 5.16

eni eḡ ti esò, eḡheḡhe aḡhò ni u lẹṣe emini u ya ke sò shi oḡbòkpa ingme.

Otṣe ni o kpukhokho

⁷ ITakikòsi ọ ya gue ingme eyemhe nya ye ẹ. Egbegbi inyoghuo ni ọọ gbe akanya oyi Eshineḡba te ode igesikia, ni mhi nono ingme oyoli ọ khi. Oni anye ga kugbe eḡ ga Onomhue ọ li khi.

⁸ Ni a rọ lẹṣe abi anye li la ọ shi memena mhi rọ ghie ọli ẹ ghi ẹ, ali ni ọ gbo ri udu shi ẹ ọ.‡

⁹ Lọli ali Onesimusi mhi ga ghie ẹ ghi ẹ. Inyoghuo anye oni ọọ gbe akanya oyi Eshineḡba te ode igesikia ni anye nono ingme oyoli ọ li khi. Onge ẹoli oye ẹ ọ khi. E ya gueye ẹ emini áá me oola nya.§

¹⁰ Arisitakusi ni anye ga la owa ighumha, ọọ tṣe ẹ. IMaki ni lọli ali iBanabasi e khi inyoghuo, eḡ tṣe ẹ. Ini iMaki ọ bhale a kpe abọ mie ọli abi a li mhese ọli na ẹ.*

¹¹ IJesu ni akiseva oyoli o khi iJositòsi, ọ li tṣe ẹ. Eni eḡbọ aase ena e khi eḡbọ iju tṣe eni e nu mhe ẹ gbe akanya iri-ungmemhi oyi Eghiele oyi Eshineḡba ke kia gase. Eri e ga ri egbe ẹ mu mhe.

¹² Epafurasi ni ọ khi onge ẹoli oye ẹ, ni ọ khi oni ọọ ga iJesu iKirisiti, ọ li tṣe ẹ. Eḡheḡhe kpa ọ rọ ọ do oḡbọ elemhi iromhi isoso itobọ oye ẹ, ni a migha gbagbagba, ni a womheloe shi elemhi oghuemhe oyi Eshineḡba. Ali ni a gbo mhọli ọli shi udu khi Eshineḡba ọ ya riẹle emini ọọ khi lọli ya riẹle.†

¹³ Mhi pfi ọtṣele na li khi ọ ma a gbe akanya egbegbọ itobọ oye ẹ, ali eḡbọ ni e miesuo ni e la iLaodisha ali Erapolisi.

¹⁴ ILuku omole anye ni ọ khi idokita, ali iDemasi eḡ tṣe ẹ.‡

¹⁵ A li nu mhe tṣe eni e miesuo ni e la iLaodisha, ali iNifa ali igbaa oyi eni e mie iJesu iKirisiti suo ni e la owa oyoli.

¹⁶ Ini a ze ebe ona se, a ze ni a li ze ọli ye igbaa oyi eni e mie iJesu iKirisiti

suo ni o la ẹoli iLaodisha. Zobe ni a li mie eḡbọ iLaodisha ebe ni mhi keke ghi we li ze.

¹⁷ Gueye Achiposi khi mhiye ọli ọ roshẹka pfuse akanya ni Onomhue ọ rọ nga li obọ gbe pfo.§

¹⁸ Mhemhe iPolu mhi ri ugba ma ebe ga keke otṣe ona ghi ẹ. A khi yelea khi eri a sọ mhe igha. Okhale oyi Eshineḡba o nu ẹ la.

‡ 4:8 Li ze Ika 20.4; 2 iTimo 4.12; Efi 6.21-22 § 4:9 Li ze iFile 10-12 * 4:10 Li ze Ika 19.29; 27.2; iFile 24; Ika 12.12,25; 13.13; 15.37-39 † 4:12 Li ze iKolo 1.7; iFile 23 ‡ 4:14 Li ze 2 iTimo 4.10,11; iFile 24 § 4:17 Li ze iFile 2

Ebe onodode ni iPɔlu o keke ghi egbo ITɛsalonia Eni e miesuo

¹ Mhɛmhɛ iPɔlu ali iSalasi ali iTi-moti anye ri ebe ona ghi ɛ igbaa oyi eni e mie iJesu iKirisiti suo ni o la eke iTɛsalonika, ni e khi egbo eyi Ɛshinɛgba Ita awa ali iJesu iKirisiti Onomhuɛ.

Okhale ali opfomhɛ oyi Ɛshinɛgba e ka nu ɛ la.

Angeli ali irudunga oyi egbo iTɛsalonika

² Anye maa tɛ Ɛshinɛgba uwegbe ɛghɛghɛ kpa shi itobo oyi ɛɛ nya, igho anye gbo liɛ teva ɛ elemhi iromhi isoso oyi anye.

³ Anye ma la odalo oyi Ɛshinɛgba oyawa ali Ita awa sato ikanya eyɛ ɛ ni iregbenga oyɛ ɛ, o rɛ ɛ gbe. Abi inono ni a mhuɛ na egbe ɛ o li rɛ ɛ toto obo akanya, ali abi irudunga ni a mhuɛ na iKirisiti Onomhuɛ o li migha.

⁴ Inyoghwo anye, anye lɛɛ khi Ɛshinɛgba o nono ingme oyɛ ɛ, o she gbo zɛ ɛ ni a khi egbo eyoli.

⁵ Irari khi eri anye ri usomhi onete bhale ghi ɛ. Oa khi ungmehi unu tɛ anye ro roli bhale, ama li rote elemhi ekpabo ali Ayɛmhɛ-no-pfuasɛ. Anye li ri igɛsikia oyoli lo ɛ esɔ egbegbo. A lɛɛ abi anye li ngeli abi awa ro ga la kugbe, irari ni o ro ti na ɛ anye ro ligho ngeli.

⁶ Áá khonya anye ali Onomhuɛ abi o tseku khia khi a mɛ osoli egbegbo, a ri oghɛlɛ mie oni usomhi ni o rote Ayɛmhɛ-no-pfuasɛ bhale.*

⁷ Itobo igho, eni khonya a ngeli a ke khi shi egbo ni e miesuo na eke iMasidonia ali Akhaya o.

⁸ Irari khi aa khi eri usomhi oyi Onomhuɛ o lɛɛ rote ɛ unu fiɛ lase ya je eke iMasidonia ali Akhaya tɛ, ama, iregbenga ni a mhuɛ na Ɛshinɛgba o she ramhi asha kpa. Itobo ona, anye

a ke mhuɛ ingme olese ni anye ke ya ngme.

⁹ Egbo egho nya e ngme oli abi a li ri ɛloe e khu anye abi anye ro ku shi na ɛ. Ali abi a li tsua ikhumhi kua bhale deba Ɛshinɛgba, ni áá gá egbegbi oni Ɛshinɛgba ni o la o.

¹⁰ A gbo gueye anye abi a li migha a khe Omioli ni o rote iloghie ya bhale, ikhi iJesu ni o rote eghuli guise le, ni o mie awa pfuese ofu oyi Ɛshinɛgba ni o o bhale.

2

Ikanya eyi iPɔlu elemhi ɛoli iTɛsalonika

¹ Inyoghwo anye eni emose ali eni ikpotso, ɛɛ a lɛɛ khi ifeli ni anye bhale ya feli ɛ, oa khi afuɛ.

² A lɛɛ abi anye li mɛ osoli ni a li tsue anye obini eke iFilipi neni anye bhale deba ɛ eke iTɛsalonika. Abi o tseku khia khi anye mɛ ukpokpomhi ozuode, Ɛshinɛgba oyawa o ri igbedu na anye ni anye kiele rue usomhi onete ni o rote obo oyoli bhale ghi ɛ.*

³ Olema ni anye lema ɛ oa khi ode ni oa gbe akanya, wɛkhi rote usamhi ni oa ti, wɛkhi eri anye e nono ni anye di ɛ.

⁴ Ochoghɔ, eri anye a ngme abi Ɛshinɛgba o o anye li ngme. Irari khi o she bino anye shi egbo ni e nga obo ni o ri oni usomhi onete ona a te obo. Oa khi eri anye roshɛka ni anye ba ri egbe ke mu egbo, ama Ɛshinɛgba anye roshɛka ri egbe a mu. Loli o she bino isamhi udu eyi anye bie.

⁵ Ɛɛ a lɛɛ khi oa khi ingmemhi udimhi anye ro bhale deba ɛ, wɛkhi eri anye ri ingmemhi ikokoalo ɛ guese ukpokɔ. Ɛshinɛgba o khi otɛlɛ oyi anye.

⁶ Oa khi eri anye ɛ dua ni ɛɛ ukɛliɛ ogboese o kuɛghie anye, ukɛliɛ khi eri anye nono oli obo oyɛɛ wɛ khi obo oyi egboese.

Abi ighiusomhi na keɛ eyi iKirisiti, anye tɛ o ni anye kha mhila ɛ emhi obo.

* 1:6 Li zɛ Ika 17.5-9 * 2:2 Li zɛ Ika 16.19-24; 17.1-9

⁷ Ama abi anye rọ nu ẹ la, eri anye ku egbe a abi inyọ ọ li ri ẹloe ẹ khu eniyẹ eyọli.

⁸ Itobọ inono ni anye mhuẹ na ẹ, ọa khi usomhi onete oyi Ẹshinegba ona tse anye lese nono ni anye rọ ghi ẹ. Ama li shi agbọ oyi anye. Irari khi ingme oye ẹ o mu anye egbe gba.

⁹ Inyoghuo, a ga sato abi anye toto obọ gbe ikanya ali omunu ni anye me. Eri anye e gbe ikanya ogbele kpa, ini anye khi nase ongee abi anye li i gue usomhi onete oyi Ẹshinegba ye ẹ.

¹⁰ Ẹẹ ali Ẹshinegba a khi otsele eyi anye, khi angeli oyi anye khi eri o pfuase, o ti, ọa mhuẹ umhagueli abi anye rọ la ẹẹ eni e miesuo iteva.

¹¹ Anye riẹle deba ogbogbo abi ita ọ li riẹle a deba omọ.

¹² Anye ye ẹ ude, anye yese ẹ, anye ri udu u shi ẹ ọ, ni a ke ngeli angeli ni o ri egbe a mu Ẹshinegba ni ọ lu ẹ, ni a mhuẹ okemhi shi eghiele ali ufumhi onayi ọli.

¹³ Emhi olese ni o gbo ri anye a kueghie Ẹshinegba khi, abi anye rọ ri usomhi oyi Ẹshinegba bhale ghie ẹ, a suo a kpe abọ mie ọli. Aa mie ọli abi usomhi ogbo ama eri a mie ọli abi usomhi oyi Ẹshinegba ni o khia khi igho o khi. Irari khi ungmehi oyi Ẹshinegba o la ẹ ni a miesuo egbe ẹ akanya.

¹⁴ Inyoghuo, eri a ga li abi igbaa nya eyi eni e mie iJesu iKirisiti suo eyi Ẹshinegba ni e la eke iJudia, ni e khi egbo eyi iJesu iKirisiti. Abi e li me ajilimhe obọ oyi egbo iJu eyewe, igho a li li me ajilimhe obọ oyi egbo eye ẹ.†

¹⁵ Eni egbo ena, e gbe iJesu Onomhuẹ ali emekeguele-a. E tigbe khu anye ya fie. E ma ri elemhi a bi Ẹshinegba. E khi obe ogbokpa.‡

¹⁶ Eri e ga roshẹka ni wewe e zu anye ode ini anye khi me asha gue usomhi oyi Ẹshinegba ye egbo iJeta, ikhi ungmehi ni o ri imiesuo ọ ghi we. Ode ona e te buse olamhe ni ẹẹ lamhe-a. Mena, elemhi ibibi oyi Ẹshinegba o she tiemhile shi we ọ.

IPolu ọ nono ni ọ gbo ya bino egbo iTɛsalonika

¹⁷ Inyoghuo, abi a rọ vase anye ali ẹẹ-a ukuku egheghe, (elemhi idiegbe ọa khi usamhi), eri eloli ẹ o nga anye. Anye dua ini anye gbo me ẹ.

¹⁸ Anye nono ni anye gbo deba ẹ. Mhemhe oyemhe mhi dua ni mhi bhale iti-ingmi-ingme, ama okphaghie ọ zu anye ode.

¹⁹ Ini a bino ọ, ẹẹ a ze ni anye rọ mholi irudushi ali oghelẹ, ni a gbo ze khi anye rọ to no obọ udu shi imuole ni anye ya mhuẹ odalo oyi iJesu, ini ọ bhale.

²⁰ Igẹsikia, ẹẹ a khi ititiegbe ali oghelẹ ni anye mholi.

3

¹ Abi anye ẹa ke rọ dobe ri egbe mie, anye ke bie rọ shito obini ẹoli Ateni.*

² Loli o ze ni anye rọ ghie iTimoti inyoghuo anye ni ọ nu anye ẹ gbe akanya na Ẹshinegba, ikhi akanya itse-abọ usomhi onete oyi iKirisiti. Anye ghie ọli ghi ẹ ni ọ zese ẹ-a, ni ọ gbo kpaghie irudunga oye ẹ obọ,

³ ini ongee ọ khi nyene egbe ukhokho irari ajilimhe enana. Ẹẹ oye ẹ a lese khi ajilimhe eghogho e li la emini e ghole Ẹshinegba khi awa ya me.

⁴ Irari khi abi anye rọ nu ẹ la, anye kpe gue ọli ye ẹ shi eke khi a ya mu okholi vule shi anye ọ, a lese khi igho o kie tse.

⁵ Loli o ze ni mhi rọ ghie iTimoti. Itobọ khi mhi a ke dobe ri egbe mie, mhi rọ ghie ọli ọ bhale ya bino abi irudunga oye ẹ o ke la ọ shi. Eri udu o nase mhe khi okphaghie ọ dobe ya mu ẹ fe, o li abine khi akanya ni anye gbe nya e ya mele afue-a.

Emini o ri egbe ẹ mu ni iTimoti ọ guele

⁶ Mena, iTimoti ọ she jele ya gue usomhi onete oyi irudunga ali inono oye ẹ ye anye. Ọ she gueye anye abi a lie sa usamhi onete oyi anye ali abi o

† 2:14 Li ze Ika 17.5 ‡ 2:15 Li ze Ika 9.23,29; 13.45,50; 14.2,5,19; 17.5,13; 18.12 * 3:1 Li ze Ika 17.15

† 3:6 Li ze Ika 18.5

li ɛ ghole ɛ ni a mɛ anye, abi anye liɛ nono ni anye li mɛ ɛ.†

⁷ Itobɔ ona inyɔghuo, irudunga oyɛɛ o she ri udu shi anye ɔ, abi a riɛ mu okhɔli vule shi anye ɔ ni anye la osoli.

⁸ Eri ayɛmhɛ oyanye o mhɔli itije-odalɔ abi anye rɔ suɔ abi a li kie migha shi ikugbe ni ɛɛ ali Ɔnɔmhue ɔ kugbe.

⁹ Mena sɛɛ anye liɛ doɔɛ kphɛmhi na Ɔshinɛgba shi oghɛɛ ni a rɔ ghi anye?

¹⁰ Ni o gbe no bi anye rɔ ri udu oyanye nya mhila li, ɔ zɛ ni anye mɛ ɛ ɛloe ni anye ri emini e kpɔ ɛ irudunga le na ɛ.

¹¹ Ɔshinɛgba ɔyawa ali Ita awa lɔlighuo ali iJesu Ɔnɔmhue e ka bɛ ode na anye ni anye rɔ bhale deba ɛ.

¹² Ɔnɔmhue ɔ ka zɛ ni inono ni a mhue na egbe ɛ ali ɛgbɔ kpa e ke fu shi ɔ, ni o fu abi inono ni anye mhue na ɛ.

¹³ Odeɔ ona ɔ te ya zese ɛ udu-a, ni a khi eni e gba pfo, ni e pfuase shi odalo oyi Ɔshinɛgba ɔyawa ali Ita awa, ini iJesu Ɔnɔmhue ali eni e khi eyɔli e bhale.

4

Angeli ni o ghole Ɔshinɛgba

¹ Ni mhi rɔ gbe ɔli ukhomhi inyɔghuo, anye e sɛsɛ ɛ abi a li ya ke ngeli ni o ya ghole Ɔshinɛgba. A she lighɔ ɔ ngeli. Mena anye ri eva oyi iJesu Ɔnɔmhue gbo lema ɛ, a kie lina ke ngeli. A gbo khi ma ɔ.

² Irari khi a lesɛ osɛsɛ ni anye sɛsɛ ɛ rɔte afu ni iJesu Ɔnɔmhue ɔ rɔ na anye.

³ Eri Ɔshinɛgba ɔɔ nono ni a rɛ ɛ khi eni a khuɛsɛ pfuase ni a pfi angeli itɛɔɔ shi eke,

⁴ khi ɔmɔsɛ ɔgbɔgbɔ ɔ guɛ ri egbɔli ke kia ɔ gbo guɛ ngeli deba ughue-ɔli, ode ipfuase ali ekpɛ.

⁵ A khi mhɔli ɔghuɛmhɛ oyi efiala ona itɛɔɔ deba egbe, abi eni ɛa lesɛ Ɔshinɛgba ɛɛ li.

⁶ Emini a ngme ena khi, ɔgbɔkhɔghuo ɔ khi kia ɔnuzava ɔyɔli ni e ga mie

iKirisiti suɔ okiɛngme. Ɔ khi li ɔli le irari khi ɔɔ da nɛ ɔli. Anye she kpɛ gue ona yɛ ɛ anye rɔli tse agua yɛ ɛ khi Ɔnɔmhue ɔ ya na ɛgbɔ eghɔghɔ osue.

⁷ Ɔshinɛgba ɔa lu awa shi ikanya itɛɔɔ, ama eri ɔ lu awa ni awa khi eni e pfuase.

⁸ Itobɔ ona, ɔgbɔ ni ɔ da kie osɛsɛ ona ne, ɔa khi osɛsɛ oyi ɔgbɔ ɔ kie ama oyi Ɔshinɛgba ɔ kie ni ɔ ri Ayɛmhɛ-nɔ-pfuase na awa.

⁹ Ɔa khi oni anye ya gbo kɛkɛ ebe ghi ɛ, a nono ingme oyi eni e miesuɔ enabi ɛɛ. Irari khi Ɔshinɛgba lɔlighuo ɔ she sɛsɛ ɛ abi a li ya nono ingme egbe ɛ.

¹⁰ Igɛsikia, ighɔ a kie li ɛ ngeli deba inyɔghuo ɛ ni e la eke iMasidonia. Irarighɔ, inyɔghuo, anye lema ɛ a gbo khi ma oni angeli.

¹¹ Rɔshɛka la agbɔ ni o pfoɛmhɛ. Ke mu alo shi akanya oyɛ, u ri abɔ eyɛ ɛ gbe akanya, abi anye kie kpɛ gueyɛ ɛ.

¹² Ini a da lina ne, o ya ri ekpɛ shi ɛ egbe odalo oyi ɛgbɔ ni ɛa miesuɔ. Ɔghɛghɛ aghɔ wa ya ri egbe da ɔgbɔ shi emini e to ɛ.

Inyenegbe bhale oyi Ɔnɔmhue

¹³ A ghe i inyɔghuo, anye ɛ nono ni a lesɛ igɛsikia ni o la ingme oyi ɛgbɔ ni e ghua, ini egbe e khi pfo ɛ-a abi ɛgbɔ ni ɛa mhue irudushi

¹⁴ Irari khi ini awa miesuɔ khi iJesu ɔɔ ghu-a ɔ gbo guale. Awa li miesuɔ khi ini Ɔshinɛgba ɔ rue iJesu nyenɛ ɛ bhale, ɔ ya li rue eni e mhɔli irudunga shi iJesu ɔ ramhi ni e rɔ ghua, ma li egbe bhale.

¹⁵ Osɛsɛ ni anye ɛ sɛsɛ ɛ ena, osɛsɛ oyi Ɔnɔmhue lɔ. Awa ni awa la agbɔ awa aa ya ralo na eni e ghua-a, ɛɛ ni Ɔnɔmhue ɔ ya bhale.

¹⁶ A ya mhɛsɛ leghe, uruli oyi agɛni ni ɔ kpɛda nya o pfi leghe, a pfi akala oyi Ɔshinɛgba. Ɔnɔmhue ɔ ya rɔte iloghie tiemhile irarogbe. Ɔgbɔ ni e ri udu nga iKirisiti ramhi ni e rɔ ghua, e kpɛ ya guale bhale agbɔ.

¹⁷ Awa ni awa la agbɔ oni ɛghɛghɛ, a tigbe rue awa nga idane vui, ya ma wɛ egbe deba Ɔnɔmhue irarogbe

elemhi otughunu. Igho awa ke liɛ nu Onomhue la agboagbo.*

¹⁸ Irarigho, a ri ingmemhi ena ke ri udu shi egbe ɛ ɔ.

5

A mu egbe khe ibhale oyi Onomhue

¹ Inyoghuo, ɔa khi oni a ke gbolo ɛ keke ebe ghi ɛ shi ingme ɛghɛghɛ ali oni ogbele ni a ya me ingme enana nya.

² Irari khi ɛɛ oyee a ga lese egbegbo khi ogbele iguezo oyi Onomhue eri o ya li abi ogbiato ɔ liɛ bhale eliyose.*

³ Ini egbo e da liɛ. “Emhikpa o she pfomhe, ingme okhoghuo ɔa ke la ɔ ne.” Eghɛghɛ agho opfuse o ro ya de rughu we. Eri o ya bhale udemhija abi oku o liɛ to okpotso. Egbo ɛa ya pfue oni iguezo.

⁴ Ama ɛɛ inyoghuo aa la alo ebili nabi oni ogbele o ya bhale guo shi ɔ abi ogbiato.

⁵ Irari khi ɛɛ nya egbo ni e khi eyi akpa a khi. Eyi ele oguota a khi. Awa a khi egbo na eliyose wekhi egbo alo ebili.

⁶ Itobo igho awa khi ke lese abi egboese, a bino angeli bie ke ngeli, aa ke tokpe.

⁷ Eliyose egbo e ro lese, eliyose onyo o roo gbe egbo.

⁸ Aborokhia khi egbo ena ele oguota awa khi egho, awa bino angeli bie ke ngeli. Awa mema ya ri irudunga ali inono so abi awulu akhuli ni okholi-okhue ɔ roo mu aye, awa ri irudushi oyi imiepfuese rughu abi arula akhuli ni okholi-okhue ɔ ro rughu.†

⁹ Irari khi Eshinegba ɔa ze awa shi eni a ya pfuse-a, ama eni iJesu iKirisiti Onomhue ɔ ya mie pfuese.

¹⁰ Eri ɔ ghu-a na awa, ni awa nu oli la, awa la agbo o, okekhi ini awa ghua.

¹¹ Itobo ona, awa ri udu shi egbe awa ɔ, awa a kpaghie egbe awa obo, abi a kiele ɛ li ena.

Ungmemhi ali otse ni e kpukhokho

¹² A ghe ii, anye lema ɛ inyoghuo, a ze ni a ke mu ekpe na eni e totoobo ɔ gbe akanya egbegbo ifuabo oyee, ni ee sese ɛ ode ni a te ya khi eni e miesuo.

¹³ A ga ri ekpe ali inono onofune ke na we, itobo akanya ni ee gbe. A nu egbe ɛ ɛ ngeli angeli opfomhe.

¹⁴ Anye gbo lema ɛ inyoghuo, a ke tse agua ye egbo olemhe. Aa ye eni ulishi oo mu ude. Aa kpaghie eni ea mhue ekpabo obo. A mhue irabomudu ke deba ogbokpa.

¹⁵ A khi ze ni ogbo ɔ ri onobe fata onobe, ama eghɛghɛ kpa a ze ni a roshaka ke riɛle onete na egbe ɛ ali ogbokpa.

¹⁶ Egbe e ke mu ɛ eghɛghɛ kpa.

¹⁷ Aa so iromhi eghɛghɛ kpa.

¹⁸ A ke tse uwegbe shi emiemini a me kpa. Ona o khi emini Eshinegba oo nono obo oyee, abi yeye ali iJesu iKirisiti a ro ga kugbe egho.

¹⁹ Khi ke pfuse erali Ayemhe-nopfuase a.

²⁰ A khi ri eloe gbe ungmehi imekeguele.

²¹ A ke mu emhikpa fe bino, a rue onete ni o lao.

²² Ti egbe emhi obe nya le.

²³ Eshinegba lolighuo ni ɔ khi Eshinegba ona opfomhe, ɔ ka re khi oni ɔ pfuase ode khi ode. ɔ ri yeye nya, ghe ayemhe ali agbo ali idiegbe eye khi eni e gba pfo ni ea mholi umhaguekia, ya ramhi eghɛghɛ ni iJesu iKirisiti oyawa ɔ ro ya bhale.

²⁴ Loli ni ɔ lu ɛ, ɔ ya riɛle oli, irari khi oni ɔ ze ri egbe ɛ nga ɔ khi.

²⁵ A ke so iromhi na anye inyoghuo.

²⁶ A ke tse egbo ni e miesuo egbegbi otse, a ghele ɛ mu we.

²⁷ Mhi ri afu ni mhi mhue obo oyi Onomhue lema ɛ, a ze oni ebe ona khase egbo ni e miesuo nya.

²⁸ Okhale oyi iJesu iKirisiti Onomhue oyawa o ka nu ɛ la.

* **4:17** Li ze 1 iKori 15.51-52 * **5:2** Li ze iMat 24.43; iLuk 12.39; 2 iPit 3.10 † **5:8** Li ze Aza 59.17; Efi 6.13-17

Ebe onuzi-eva ni iPolu o keke ghi egbo ITēsalonia Eni e miesuo

¹ Mhēmhē iPolu ali iSalasi ali iTi-moti anye ri ebe ona ghi igbaa oyi eni e mie iJesu iKirisiti suo ni o la eke iTēsalonika, ni e khi egbo eyi Eshinēgba Ita awa ali iJesu iKirisiti Onomhuē.*

² Mhi lema Eshinēgba Ita awa ali iJesu iKirisiti Onomhuē e mhue isomhelemhi na e, e ri opfomhē na e.

Ikphēmhi ali Iromhi isos

³ Inyoghuo, anye mema ya ke tse Eshinēgba uwegbe na e eghēghē kpa. O ti ni anye ke ligho, irari khi irudunga oyee oo fu sho eghēghē kpa. Inono ni a mhue na egbe oo fu sho.

⁴ Loli o zē ni anye rore e la iteva igbaa nya eyi eni e mie iJesu iKirisiti suo eyi Eshinēgba a neta omose. Eri anye re e neta omose itobo abi a li dobe ri obo mu udu migha irudunga oyee elemhi okhōli ali imufe nya ni a mu vule shi e o.

⁵ Enana nya e rokhasē khi ezo oyi Eshinēgba o migha shi ipfuasē. Itobo igho Eshinēgba o ya leli e shi eni e te o, ni e ya lo iloghie oyoli ni a me osoli e shi.

⁶ Eshinēgba oa ya gbe azeba, o ya ri osoli fali eni e na e osue ota.

⁷ O ya ri iyēmhea na ee ni a me osue, o gbo li ri oni iyēmhea na anye. O ya riele ona ini iJesu Onomhuē o da feli lasela shi idane elemhi avuere, loli ali igeni eniēmhi eyoli.

⁸ O ya na egbo ni ea lese Eshinēgba osue, ali eni ea ri usomhi onete oyi iJesu Onomhuē gbe akanya.

⁹ E ya me osue. E ghu tiemhi ilimhi irierie. A rue we odalo oyi Onomhuē ali ufumhi oniēmhi oyoli le.†

¹⁰ Ele ni a ya me ona khi, ogbele ni Onomhuē o ya bhale, ni eni e ri udu

nga li e ri ikueghie ali ekpe na li. Li shi ee lo, itobo khi a she mie ungmehi ni anye gueye e suo.

¹¹ Loli o ze ni anye roo so iromhi na e, Eshinēgba o ze ni a li khi eni e ya la agbo ni oo ghole oli. Ali o ri ekpabo eyoli ri ugbamhi onete ni a mholi bhale ya tse na e, li shi onete ni irudunga oyee o re e riele.

¹² Itobo okhale oyi Eshinēgba oyawa ali oyi iJesu iKirisiti Onomhuē oyawa, a ya rue ufumhi ghi eva oyi iJesu Onomhuē oyawa, o li ri ufumhi ghi e.

2

Ona okhōlo

¹ Inyoghuo, ingme ibhale oyi iJesu iKirisiti Onomhuē oyawa, ali abi awa li ya kuma li egbe,*

² a khi ze ni usamhi oyee o nyanya ghagha ku ni a yila. Ini ogbokhoghuo o ririe khi imeke loli me, okekhi usomhi ona ke o guele, okekhi eri oo khi ebe ni anye keke ghi loli lue rote ze oli khi ogbele oyi Onomhuē o she bhale,

³ a khi ze ni ogbokhoghuo o te ode okhoghuo di e. Irari khi oni ogbele oa ya bhale ini aa li me ukpokpomhi imuokhue-vule shi Eshinēgba o ali ini ona umhasuo-eso ni o khi ogbo obe oa li feli lase gboo, ikhi oni a mhese owa ere na.

⁴ O ya mu okhōli vule shi emhikpa ni egbo e lu Eshinēgba, ilitsa ali emhikpa ni egbo ee ga o, o ri egboli fu dose we nya. O gbo ga vu ya shito Owa oyi Eshinēgba oyi Eshinēgba oo lie khi loli ke khi Eshinēgba.†

⁵ Aa ke sato khi mhi gue ingme ena nya ye e abi mhi ro nu e la?

⁶ Ee a lese emini o ze khi aa roli lasela khase ne, ini eghēghē oyi ona okhōlo ona o da ramhi, a ya roli lasela khase.

⁷ Ama eni ikhiakhiamhi ekpabo okhōlo ena e she bele e gbe ikanya eyewe, ama oni o mu oli gbaga. Ama oni ona okhōlo oa ya feli lasela ini oni o mu oli gbaga oa li lase ode-a.

* 1:1 Li ze Ika 17.1 † 1:9 Li ze Aza 2.10 * 2:1 Li ze 1 iTesa 4.15-17 † 2:4 Li ze iDan 11.36; Ezik 28.2

⁸ Eghɛghɛ agho a ya ri ona okholo khase, oni iJesu Onomhue o ya ri ungmehi ni o rote oli unu lasele pfuse-a. Ugemhi oyoli ini o nyene egbe bhale o ya ga pfuse oli-a nya.‡

⁹ Ona okholo ona, o ya ri ekpabo oyi Okphaghiɛ bhale, oo gbe onyaloa egbhue ali oshabo ododa.§

¹⁰ O ri udimhi ododa ni e kholo di egbo ni ee pfua. E ya pfua irari khi ea lama mie wekhi eri e nono igesikia, ni o kha mie we pfuese.

¹¹ Itobo igho, Eshinegba o ro ghie ayemhe egbholi ghi we, ni ee ro mie emini e khi egbholi suo.

¹² A ya pfa ezoo mu ogbo ni oa da mie igesikia suo ne, ni o da mhue oghuemhe shi olamhe.

A migha gbagbagba

¹³ Anye mema ya ke tse Eshinegba uwegbe egheghe kpa na e, inyoghuo ni Onomhue o nono. Irari khi ee Eshinegba o kpe ze ni a ya mie pfuese. Ayemhe oyoli o ree khi eni e pfuase, ali eni e mie igesikia suo.

¹⁴ Rote usomhi onete oyanye, Eshinegba o te lu e shi ona. Eri o lu e ni a ro mhue okemhi shi ufumhi oyi iJesu iKirisiti Onomhue oyawa.

¹⁵ Irarigho, inyoghuo, a migha gbagbagba, a mu eni igesikia ni anye sese e mhue abi anye rote itsabo ali elemhi ebe ni anye keke gue oli ye e.

¹⁶ IJesu iKirisiti Onomhue oyawa lueghuo ali Eshinegba Itawa ni o nono ingme oyawa, ni o rote okhale oyoli ri udu shi awa o, ni o gbo ri irudushi ni oa ya nighise na awa,

¹⁷ e ka ri udu shi e o, e gbo zese e a shi ikanya ali ingmemhi enete.

3

IPolu oo, a so iromhi na wewe

¹ Ni mhi ro gbe oli ukhomhi inyoghuo, a ke so iromhi na anye. A so iromhi ni ungmehi oyi Onomhue o nyanya ke ga asha kpa, ni egbo e gbo mie oli, ni e ri ufumhi ke ghi Eshinegba, abi a li mie oli abi o ro la e iteva.

² A gbo ke so iromhi Eshinegba o rue anye oboo oyi egbo ebe ali ena okholo lasele, irari khi oa khi ogbokpa o miesuo.

³ Ama oni a ri egbe e nga Onomhue o khi. O ya ri itoto na e o khukhu e oboo oyi ona okholo.

⁴ Anye regbenga Onomhue khi a rielee ali khi a kiele e ke rielee emini anye sese e.

⁵ Mhi lema, Onomhue o ka udu oyee lese inono ni o fune ni Eshinegba o mhue ali ni iKirisiti o ree migha egbegbo.

Ogbogbo o ke gbe akanya

⁶ Inyoghuo, anye ri eva oyi iJesu iKirisiti Onomhue oyawa mhese na e, a ti kia na inyoghuo okhoghuo ni o la agbo owaza ni oa ya deba osese ni anye e sese e.

⁷ Ee oyee a lese khi o ti ni a ke li abi anye e li. Anye ea li owaza abi anye ro nu e la,

⁸ wekhi eri anye mie ogbokhoghuo emhi le ni anye a fali ota shi. Eri anye ri ochoghoo gbe akanya, opfo o ta anye ghe ele oquota ali ele iyose, ini anye khi ya khi itsua na ongee tsua.

⁹ Oa khi itobo khi anye ea te eni e mhila e ikpaghiobo, anye ro ligho ngeli. Eri anye ligho, ni anye khi irokhokho ni aa ke deba.

¹⁰ Abi anye ro nu e la, anye gueye e khi, "Ogbo ni oa lama gbe akanya o khi le eminale."

¹¹ Eri anye ngme ona itobo khi anye suo khi egbo eghuo e la e iteva ni ea lama gbe akanya, ni ea ya li emhikhoghuo ama ikanya eyi egbo elese ee sono unu ke pfueche-a.

¹² Anye ri eva oyi iJesu iKirisiti Onomhue mhese na egbo eghoghoo, anye gbo tse agua yewe e ke ngeli angeli ni o te ode. E ke gbe akanya ni e te me emhi ya ke le.

¹³ Ama ee inyoghuo a khi ze ni onete irielee o susu e.

¹⁴ Ini ogbokhoghuo o la o ni oa ya ri omhese ni a keke shi ebe ona gbe akanya, a lolo to ogbo oghoghoo okpe. A

‡ 2:8 Li ze Aza 11.4 § 2:9 Li ze iMat 24.24

khi kugbe ɔgbɔ ɔghɔghɔ ɔ, ni omama o mu ɔli.

¹⁵ Ama a khi ngeli deba li abi ɔbe ɛ, ama a ri ochoghɔ tse agua ye ɔli abi inyɔghuo.

Ingmemhi ni e kpe ukhokho

¹⁶ Ɔnɔmhue luɛghuo ni ɔ khi ode opfɔmhɛ oyawa ɔ ka ri opfɔmhɛ na ɛ ɛghɛghɛ kpa ali ode khi ode. Ɔnɔmhue ɔ ka nu ɛ la.

¹⁷ Mhɛmhɛ iƆɔlu mhi ri obɔ oyɛmhɛ kɛkɛ ebe ona ghi ɛ. Mhi tse ɛ. Ina mhi liɛ kɛkɛ eva oyɛmhɛ shi ebe ni mhi kɛkɛ kpa. Ina mhi liɛ kɛkɛ ebe.

¹⁸ Okhale oyi iJesu iKirisiti ɔyawa o ka nu ɛ la nya.

Ebe onodode ni iPolu o keke ghi ITimoti

¹ Mhemhe iPolu aghiusomhi na kee oyi iJesu iKirisiti, rote omhese oyi Eshinegba ni o mie awa pfuese ali iJesu iKirisiti ni o khi irudushi oyawa.

² Mhemhe mhi keke ebe ona ghi iTimoti, ni o khi egbegbi omimhe elemhi imiesuo, okhale ali ilelemhi ali opfomhe enayi Eshinegba e ka khi eye.*

Mhue egbhe shi ena osese egbholi egbe

³ Mhia nono ni u la eoli Efesosi abi mhi kie kpe gueye abi mhi ro lee iMasidonia, ni u me asha gueye egbo eghuo ni e la oobo o sese osese egbholi e mu migha.

⁴ Gueye we, e tsua okhe igbaekele oyi egbo enede ali ida-echere ku-a ni o khia khi ekhako o lese roo bhale, ea ya kpaghie akanya oyi Eshinegba ni o rote irudunga bhale obo.

⁵ Emini e ze ni a ro mhese omhese ona khi, ni a ro guise inono, ni o rote udu no pfuase bhale le, ali oni o rote udu-onete ni o gue ogbo ezọ ali egbegbi irudunga bhale.

⁶ Egbo eghuo e she rote enana lasela, nyene egbe je ingmemhi afue.

⁷ Ee nono ni wewe e khi esese Ishi eyi iMosisi eyi Eshinegba, ama ea lese emini e ngme wekhi eri e lese emini e ri itoto ge ma gue gagaga.

⁸ Awa lese khi ushi o ti ini awa gue deba li abi awa kha li.

⁹ Awa lese khi ọa khi itobo egbo enete a ro shi ushi, ama itobo egbo ni ee gbe ushi-a ali ighiatọ ali eni ea mhue ulishi Eshinegba ali ena olamhe, ali egbo ni ea lese ugamhi, ni ea mu ekpe e na emhi eyi Eshinegba, ali egbo ni ee gbe itawe ali inyewe-a, ali egbo ni ee gbe ugbeli.

¹⁰ A shi ushi na egbo okia ali eni nu emose nabi wewe ali ikpotso nabi

wewe ee gbhe, ali egbo ni e muno egbo o de, ali egbo ni e lo egbhue ali eni ee pfi otsele egbhue, ali emhi elese ni ea de shi egbegbi osese,

¹¹ ni o khi osese ni o de shi usomhi onete oni o mholi ufumhi oyi Eshinegba, ni o mholi ikhivose ni a ro nga mhe obo.

Ikpemhi shi ilelemhi oyi Eshinegba

¹² Mhi kpemhi na iJesu iKirisiti Onomhue oyawa ni o ri itoto na mhe, ni o me khi mhi te o ni o ro ze mhe shi akanya oyoli.

¹³ Abi o tseku khia khi egheghe ni o dose khi mhi pfi unu-a deba Eshinegba, ali ni mhi i jili egbo ni e miesuo, ni mhi nu we kholi, oo mholi ilelemhi na mhe irari khi umhalese ali umha miesuo o remhe li gho.†

¹⁴ Onomhue oyawa o ya tutu okhale ku mhe. O ri irudunga ali inono na mhe ni e khi eyawa irari ikugbe ni awa ali iJesu iKirisiti awa kugbe.

¹⁵ Egbegbi ungmehi na, ni awa kha mie shi nya, khi eri iJesu iKirisiti o bhale agbo ya tsumhi ena olamhe, ni o khia khi mhemhe mhi ga kholo ne nya.

¹⁶ Ama eri Eshinegba o mhue ilelemhi na mhemhe ni o kholo ne ena olamhe nya, ni a ro bhale ya e khi irabomudu oniemhi ni iJesu o mhue na mhe o khi irokhokho shi egbo ni e ke ya mie oli suo o, ali eni e ya mhue agbo na agboagbo.

¹⁷ Ekpe ali ufumhi o khi oyi Oghie na agboagbo, ni ọa ya ghu, ni aa ya me, Eshinegba ni o khi oghuo kpe, rote agboagbo ya je agboagbo! Atse.

¹⁸ Yeye iTimoti omimhe, ena e khi omhese ni mhi ro ne, ni e de shi abi a li me eke shi e egbe egheghe ni o dose. Ke ri omhese ena gbe akanya, irari khi itsua-okhue e khi ne, ni u ro dobe ya kholi okholi onete,

¹⁹ kie mu irudunga oye ali udu onete ni o gue ogbo ezọ oye mhue. Egbo eghuo ni ea ke ri ele emini udu onete ni o gue ogbo ezọ oyewe o gueye

* 1:2 Li ze Ika 16.1 † 1:13 Li ze Ika 8.3; 9.4-5

wẹ e riẹ, eri irudunga oyewẹ o de guoghọ-a abi okọ-okẹ oniẹmhi.

²⁰ Egbọ enabi eghoghọ iManiusi ali Alẹzada e khi, ni mhi wolo abọ na okphaghie ni o sẹsẹ wẹ ingme, ini e khi ke ngme ungmehi ipfiunu-a deba Eshinegba.

2

Ugamhi igbaa oyi eni e mie ijesu iKirisiti suo

¹ Mhi gueye ẹ, a kpẹ te odode sọ iromhi na egbo kpa. Abi u lie gue emini e to ẹ le, lema Eshinegba shi ilelemhi na wẹ, u kphemhi na Eshinegba na wẹ.

² U li sọ iromhi na enighie ali eni ẹẹ mhese ni awa, ni e rọ dobe ke la agbo na tsuke ali opfomhe, elemhi ekpe oyi Eshinegba rote igue-ngeli.

³ Ona oo ti, o ma ri egbe a mu Eshinegba otsumhi oyawa.

⁴ Ni o o nono ni ogbokpa o mhọli imiepfuese, ni o gbo lese igesikia.

⁵ Irari khi Eshinegba oghuo o la, ali omigha iteva ogbo ali Eshinegba oghuo, omose ni a lu ijesu iKirisiti.

⁶ Ni o ri egbo bhale shi otoeloli, ni o rọ mie egbo nya pfuese. Ona o khi usomhi ni Eshinegba o o nono ni loli gueye ogbokpa ni o gue de shi eghẹghe oyoli.

⁷ Ona o ze ni a rọ ghie mhe abi aghiusomhi na ke ni iKirisiti o ze ali osese oyi iJeta ni mhi rọ gue usomhi irudunga ali igesikia le. A khi egbhue mhia lo, igesikia mhia guele.*

⁸ Ini a ye ugamhi, mhia nono ni emose e tsua abo eke shi iromhi isoso ni o mhue elemhi ibibi wekhi ekhako.

⁹ Mhi lili ẹ nono ni eni ikpotso e gue ke sọ itsua ni e gbe akanya, a khi khue akhue abamemhe, wekhi ie-itsu dolodolo shi ukhomhi, wekhi iri-igolu khue akhue ali ifefe isoso wekhi itsua ni e lolo ghale isoso.†

¹⁰ Ama e ke gbe ikanya enete, ni o ye ni ikpotso ni ẹẹ khi wewe a ga Eshinegba ẹ gbe.

¹¹ Ikpotso e ke ri iregbe-tiemhile ke ku esọ-a wena.

¹² Mhi aa ze okpotso ni o sese, wẹ khi eri o ya mhue omhese shi emose ukhomhi. O ke tsaghie-a.

¹³ Itobo khi Adamu a kpe ma neni a ma Ivu.‡

¹⁴ Oa khi Adamu okphaghie o di, ama okpotso a di ni o gbe ushi oyi Eshinegba-a.§

¹⁵ Ama a ya tsumhi okpotso rote eniye ibiabia, ini o kiele ẹ deba irudunga ali inono ali ipfuase, ni o rọ mu ekpe shi egbo egbe.

3

Eni ẹ mhese elemhi igbaa oyi eni e mie ijesu iKirisiti suo.

¹ Oni ungmehi ona oo gbe akanya gba. Ini ogbo o o nono ni loli khi oni o ri eloe ẹ khu egbo eyi Eshinegba, eminete lo ni o ghole oli.

² Oni o ri eloe a khu eni e miesuo o mema ya khi ogbo ni o fu dose umhagueli, o khi odo okpotso oghuo, o mhue ikuegbe-a, o mu ekpe shi egbo egbe, o khi oni a mu ekpe a na, o mema ya ke kpe abo mie epfese lo apfe oyoli le, o mema ya dobe ke sese ose.

³ O khi khi odonyo, wẹ ogbo okhọli, ama o pfomhe, o khi khi ogbo uwola, o khi nono ingme ukpagho dose.

⁴ O mema khi oni o gue ri eloe ẹ khu omhue-apfe oyoli. O khi oni imioli e mu ekpe ẹ na, ẹe suo esọ na li egbegbo.

⁵ Itobo khi ini ogbo o a gue ri eloe ẹ khu omhue-apfe oyoli, se oli ya dobe ri eloe khu igbaa oyi eni e mie ijesu iKirisiti suo?

⁶ O khi khi oni o lese miesuo ni ode o a nue ne ini ititiegbe e khi vo li egbe ni o tige ya de pfilo epfua nabi okphaghie o de pfilo.

⁷ O mema khi ogbo ni o mhọli eva onete iteva oyi ena edato, ini o khi yeghe-a ni o de ya pfilo igha okphaghie.*

* 2:7 Li ze 2 iTimo 1.11 † 2:9 Li ze 1 iPit 3.3 ‡ 2:13 Li ze Igbae 2.7,21-22 § 2:14 Li ze Igbae 3.1-6

* 3:7 Li ze iTato 1.6-9

8 Eni ẹẹ kpaghie elemhi owa ugamhi, e khi ẹgbọ ni a mu ekpe ẹ na, e khi ẹgbọ ni a ri egbe ẹ nga. E khi khi eni e da onyọ ọ dọse wẹkhi eni ẹẹ li oyamhi ukpaghọ.

9 E ri udu-onete ni ọọ gue ọgbọ ẹzọ mu igesikia ni a rọkhasẹ ni e la irudunga mhue.

10 A kpe mu wẹ fe bino, ini o khia khi e gue gbe, a tigbe zẹ wẹ obọ ọ gbe akanya oni ọọ ga.

11 Ighuewe e mema ya mhue ingeli enete. E khi khi eni ẹẹ le ẹgbọ itsa uruli kiakia, e mhọli ayemhe ni o pfomhe, e khi eni a ri egbe ẹ nga shi emhikpa.

12 Omose okpaghiobọ ọ mema ya khi oni ọ rue okpotso ọghuo shi, ọ khi oni ọ gue ẹ sese eniye eyoli ode, ọ gue ri ukpeloe a khu omhue-apfe oyoli.

13 Ekpaghie-obọ eni e gue ga, e she roli mie ashini o mu eloe, ali e dobe ri igbedu ẹ ngme ingme oyi irudunga oyi iJesu iKirisiti ni e mhue.

Osheli ni o la irudunga oyawa

14 Aboriekhia khi mhi ririẹ mhọli ọli shi udu khi mhi ya kele bhale ya bine, mhi rọ kie keke eni omhesẹ ena ghi ẹ. Eghẹghẹ aghọ ni a bhale ya ẹ khi,

15 ini o khia khi mhi tese dene, ebe ona o ya sese ẹ abi o ti ni ẹgbọ e li ke ngeli elemhi omhue-apfe oyi Eshinegba, ni o khi igbaa oyi eni e mie iJesu iKirisiti suo oyi Eshinegba ni ọ la agbọ. Ikhi igbaa oyi eni e mie iJesu iKirisiti suo ni o khi oche ali irogbekẹ ni a ma igesikia nga.

16 Igesikia ni o la osheli oniemi ni o la irudunga oyawa o fu dọse oni ọgbokhoghuo ọ mhue ekhakọ ẹ shi.

Ijesu ọ bhale agbọ abi ọgbọ,

Ayemhe ọ roli khase
khi ọ ghole Eshinegba,

igeni e me ọli

A roli tse abo gase
ushishi nya,

ẹgbọ e mie ọli suo

elemhi agbọ nya
a rue ọli nga iloghie.

4

Ena Osese egbhọli

1 Ayemhe ọ guele gboo khi, ikpukhokho agbọ, ẹgbọ eghuo e ya tsua irudunga pfi-a. E deba iyemhe ni ẹẹ di agbọ, ẹẹ deba osese ni ayemhe okphaghie e tsua lasele.

2 Osese eghoghọ, obọ oyi elo-egbhue ena ikokoalo e te ẹ bhale, eni udu-onete ni ọ gue ọgbọ ẹzọ oyewe o she ghua dishi.

3 Egbọ eghoghọ ẹ sese ẹgbọ e khi rue okpotso, eni ikpotso e khi ye ughue, e gueye we e khi ke le eminale eghuo. Ama eri Eshinegba ọ ma eminale eghoghọ, eni e miesuo ni e lese igesikia e ke ri ikphemhi mie we le.

4 Emhikpa ni Eshinegba ọ ma o ti, a khi me emini a kie, ama a ke ri ikphemhi mie emhikpa.

5 Irari khi ungmehi oyi Eshinegba ali iromhi isoso a ro rewe ẹ shi eni e pfuase.

6 Ini u ri oni omhesẹ ona na eni e miesuo, u ya khi oni ọ gue gbe akanya ugamhi oyi iJesu iKirisiti, ni a kuele vule rote igesikia na irudunga ali osese enete ni u wa deba.

7 Khi mhọli emini u ri okhe oyi ẹgbọ nede, ali okhe ikpotso egbhali ẹ riẹle. Ke ngeli riẹle ọghuemhe oyi Eshinegba.

8 Inisegbe-a o mhọli ukuku eminete ni o riẹle a na ọgbọ, ama ni a rọ suo eso na Eshinegba, eri o ti odekhode, itobọ khi o mhọli ishobọ na awa memena ali agbọ ni o ke ẹ bhale.

9 Ungmemhi igesikia na ni o ti ni a mieshi, ni a gbo lama shi ọ.

10 Onana o ri anye roshẹka a gbe akanya egbegbọ, irari khi awa she ri irudushi oyawa shi Eshinegba obọ, oni ọ laọ ni ọ khi Omiepfuese oyi ọgbokpa, eni e miesuo kpaashi.

11 Mhesẹ, u gbo sese ena nya.

12 Khi zẹ ni ọgbokhoghuo ọ ri eloe gbe ẹ irari khi ozele u khi, ama rote ungmehi oye, ali agbọ oye, ali inono oye, elemhi irudunga ali ipfuase oye khili irokhase na eni e miesuo.

¹³ Ya ramhi eghẹghẹ ni mhi rọ ya bhale, ri ẹloe shi ọ kie ke zẹ Ebe-nopfuasẹ khasẹ igbaa, u kie le ẹ tse-abo oni ungmehi, wa sẹsẹ wẹ.

¹⁴ Khi ri obọ gbe isomhopfa ni Ẹshinẹgba ọ rọ nẹ nyẹ. Oni a rọ nẹ abi a rọ mekẹguele shi ẹ egbe ali abi eni egbhali e rọ ri abọ ngẹ egbe.

¹⁵ Ke ri ẹloe shi eni emhi ena egbegbo, u ri egbe ẹ na wẹ pfo ni egbo nya e ke mẹ ije-odalalo oyẹ.

¹⁶ Ri ẹloe shi egbe ẹ egbe ali osesẹ oyẹ. Kie ke riẹlẹ emhi ena, irari khi ini u wa ligho u ya tsumhi egbe ẹ ali eni ẹ suọ ẹ.

5

Abi ẹẹ a ke li esamhi-olimhi, ali egbhali ali ighumha

¹ Khi dese ogbhali, ri ipfomhẹ uruli nu ọli ngme abinẹ khi itẹ ọ khi. Ke riẹlẹ deba ozele abinẹ khi inyooghuo ẹ u ngeli ẹ deba.

² U riẹlẹ deba ikpotso eni egbhali abinẹ khi inye e khi. Ke ngeli deba ozele ikpotso abi inyooghue ni ikpotso.

³ Khi ri ẹloe gbe esamhi-olimhi ni e khi esamhi-olimhi egbegbo, ni e mhọli ọtomhẹ.

⁴ Ini oni osamhi-olimhi ọ bia eniye, o ke khia khi ọ mhue imimi, eni eniye e kpẹ ke ri emini e wena imiesuọ gbe akanya, abi e li ri ẹloe ẹ khu omhue-apfe oyewe. Ini e lina, eri ẹ feli eni e bia wẹ ali itita wẹ egho, irari khi onana o ma ri egbe a mu Ẹshinẹgba.

⁵ Oni ọ khi osamhi-olimhi igesikia ni ọa ke ye ughue, ni lolighuo ọ la, ọ she regbenga Ẹshinẹgba, ọ so iromhi ẹ mhila li ikpaghiobọ obọ, ẹlẹogwota ali ẹlẹ iyose.

⁶ Ama osamhi-olimhi ni ọ ri egboli shi aruele agbo, ọ she ghu-a ini ayemhẹ oyoli o kie tseku laọ.

⁷ Mhesẹ enana na wẹ ini a khi mẹ gue shi wẹ egbe.

⁸ Irari khi ini ogbo ọa ri ukpeloe khu ena omhue-apfe oyoli, tete imi ọli ali ughue ọli, ọ she kie oni irudunga. O khọlọ dọsẹ oni ọa miesuọ.

⁹ Khi kẹkẹ eva oyi osamhi olimhi kuma eva eyi esamhi-olimhi sẹ ni ọ she dọsẹ ikpe egbhuẹsẹ, oni o khia khi utoghuo-kpe ọ kpẹ lesẹ ye ughue.

¹⁰ O khi oni a suọ eko shi ikanya enete, okpotso ni ọ gue kuẹlẹ imiọli. Ni ọ mie epfese ẹ shi owa. O gue a gbe ikanya deba eni e miesuọ, ni ọo kpaghie egbo ni e la omunu obọ ni o ri egboli shi onete ododa iriẹlẹ.

¹¹ Ama khi ri eva oyi ozele esamhi-olimhi shi ebe. Irari khi ini ogghumhẹ idiegbe oyewe o nga wẹ ukhomhi le dọsẹ ugamhi ni ẹ ga iKirisiti, e vu ya ngeli.

¹² Eri e rọte agho lue, irari khi e she gbe ironga ni e kpẹ te eke rọ nga ni iKirisiti-a.

¹³ Egbo owaza e khi ni ẹẹ kia ifui owa. Oni o khọlọ nẹ nya khi ẹẹ le egbo itsa uruli kia kia, ẹẹ sonọ unu ingme ni aa fe lu wẹ shi, ẹẹ ngme ungmehi ni ẹa kha ngme.

¹⁴ Itobọ igho, ọ ghọle mhe ni ozele isamhi olimhi e ye ughue, e bia eniye, e ri ẹloe ẹ khu omhue-apfe oyewe. Ini awa khi ri eghẹghẹ na ebe awa mẹ asha yese awa eva-a.

¹⁵ Eni esamhi-olimhi eghuo e she lase ode oyi iKirisiti le deba okphaghie.

¹⁶ Ama ini okpotso okhoghuo ni ọ miesuọ ọ mhue osamhi-olimhi she unuekpẹ oyoli, ọ mema ya ke ri ẹloe khu ọli, ọ khi rue ọli ghi igbaa oyi eni e mie iJesu iKirisiti suọ ke tsua, ni e dọbẹ ri ẹloe ke khu eni e khi egbegbi esamhi-olimhi ni e mhọli ọtomhẹ.

¹⁷ A ke fali eni egbhali ni e ri igbaa oyi eni e mie iJesu iKirisiti suọ ẹ kia ni e gue gbe akanya egbegbo ifata agbhaghhamhi eva, tete eni e mema lolo toto obọ itse-abọ ali osesẹ ungmehi oyi Ẹshinẹgba.

¹⁸ Irari khi ebe ọ ngme ọli, u khi gẹ ena unu ini u rọli ẹ kpishi ikpamhi emhi. A ke fali egbakanya ifata eyewe.*

¹⁹ Khi rọli shi egbegbi ingme ini ogboghuo a bhale ya ngme ingme shi

* 5:18 Li zẹ iDeut 25.4; iMat 10.10; iLuk 10.7 † 5:19 Li zẹ iDeut 17.6; 19.15

ogbhali egbe, se ini e gbe aava okekhi aase.†

²⁰ La odalo egbo kpa ke dese eni e lamhe ni o tse agua ye enekpole.

²¹ Mhi la ukpeloe onayi Eshinegba ali iJesu iKirisiti ali oyi igeni ni e pfuase mhese ne, u ri omhese ena gbe akanya, khi rote ode oshili wefe azeba riele emhikhoghuo.

²² Khi tigbe kele ri obo nga ogbo egbe roli nga akanya ugamhi oyi Onomhue, u khi ya nu oli mhue okemhi shi olamhe oyi oli. Ri egbe e shi ipfuase.

²³ Khi ke da amefese, ama ke da ukuku onyoro ni eminale e kele ke daghie-a shi e elemhi, abi o ro khia khi u ma kele e ghua egho.

²⁴ Eri a ga egbo eghuo zu olamhe eyewe, neni a re ramhi iguezo, ama olamhe oye egboese elelese e ya lasele.

²⁵ Igho a lie me ikanya enete gboo. Shi eghuo ni aa ya me memena, ea ya sheli okhese.

6

¹ Eni e khi ighumha e ke ri ekpe na ega eyewe eghoghekpa ini ogbokhoghuo o khi ze emuebe na eva oyi Eshinegba ali osese oyawa.

² Ighumha e khi ri eloe gbe ega eyewe ni e miesuo, ni e mholi we, irari khi inyoghuo egbe e ga khi ni efe deba iKirisiti, oni iKirisiti o nono ingme oyewe. Ochoghoe e ke ga we dose abi e kpe li a ga we, Eni ingme ena e khi eni u ya ke sese we, u gbo rewe e ye we ude.

³ Ogbo ni o da sese osese olese ne, oa lama shi egbegbi osese oyi iJesu iKirisiti Onomhue oyawa ali ugamhi oyawa,

⁴ eri itipfuabo-nga o she vo li egbe ni oa ke lese emhikhoghuo. O mhue ogueme obe na ekhako ali uwola shi ingmemhi ni efe pfi ofuma ali uwola ali itsue ali ireloevioba.

⁵ E gbolo e pfi ekhako shi iteva egbo ni isamhi udu oyewe oa ya gbe akanya te ode, ni igesikia o she wa we-a. Eri

e dabi khi ugamhi khi efue a roli e nono.

⁶ Egbegbo lo khi ugamhi o ri ogbo o mhue efue egbegbo, o ri emini u mhue khuese e.

⁷ Irari khi awa a kpe tsua emhikhoghuo bhale agbo ona. Igho awa a li rote agbo ya tsua emhikhoghuo vu.

⁸ Irari onana, ini awa da mhue eminale ali itsua na so ne, o khuese awa.

⁹ Ama eni e nono ni wewe e pfue eri efe de pfilo imufe ali igha ali ogueme eyi oyeghe ni e kuale ogbo utse, ni o pfi egbo pfilo epfua ali oyese.

¹⁰ Irari khi rote oyamhi ukpagho iwali onobe nya e te e ze lasele. Egbo eghuo e she kphakpha egbe ini e mhue ikpagho, ni o she rewe kia lase ode irudunga le. E she ri ebubu oya yese egbe we udu-a.

Agbo ni o ti ni oni o miesuo o la

¹¹ Ama yeye Omose oyi Eshinegba, ti egbe emhi enana nya le, na ke khu ipfuase, ali iriele emini o ti Eshinegba eloe, ali irudunga, ali inono, iregbemie ali angeli ipfome.

¹² Ga ri itoto eye nya na unamhi oni irudunga oye, ni u mie eleli agbo na agboagbo. Itobo khi oni agbo onana Eshinegba o lu e shi abi u ro pfi otsele shi irudunga oye odalo ebubu egbo.

¹³ Odalo oyi Eshinegba ni o ri agbo na emhi nya ali odalo oyi iJesu iKirisiti, ni o pfi otsele odalo iPotiusi iPaleti, mhi la mhese ne ena,*

¹⁴ u ri omhese enana gbe akanya, ri igesikia mu we mhue gbaa ya ramhi ele ni iJesu iKirisiti Onomhue oyawa o ro ya bhale.

¹⁵ Oni ibhale oyoli o ya tse shi eghoghe ni Eshinegba o mhese oli shi te, loli o khi Oghie oguho kpele ni a khivose na, Oghie oyi ighie nya, ali Onomhue oyi ekhemhue nya.

¹⁶ Lolighuo kpele o lese la o le agboagbo. Eri o la akpa ni ogbokhoghuo oa gbudu a ti mama. Oni ogbokhoghuo oa me ghue wekhi eri

* 6:13 Li ze ifon 18.37

ogbo tigbe doḅe ya me ọli ghue. A ri ufumhi ali ekpabọ oniḅmhi nali. Atse.

¹⁷ Mhese na egbo ni e pfue shi elemhi agbo ona, e khi ke ti-ipfuabọ nga, a e khi ri udu shi epfue ni ẹa ze ri egbe ẹ da, ama e mhue irudushi na Eshinegba ni o ri emhikpa somhi awa opfa tuo, awa ro ke li agbo.

¹⁸ Mhese na we e ke rieḅe onete, e khili eni e pfue shi elemhi onete irieḅe, e ke somhi egbo opfa, e ke rote emini e mhue rue obọ-a.

¹⁹ Ini e da li na ne, e ya ti epfue ma na egbewe abi irogbekẹ ni o migha, elemhi agbo ni o bhale, ni e la agbo ni Eshinegba o nono ni e la.

²⁰ ITimoti, ri elo khu emini a ro shi e obọ. Khi kuma ingmemhi ni ẹa khi eyi Eshinegba ali ekhako eyeghe ni egbo eghuo e ri egbholi ẹ lu ilese,

²¹ ni egbo eghuo e deba ni o rewe lase ode irudunga oyewe le.

Okhale oyi Eshinegba o ka nu ẹ ẹ nya la.

Ebe onuzi-eva ni iPoḷu o keke ghi ITimoti

¹ Mhemhe iPoḷu ni mhi khi aghiusomhi na kee oyi iJesu iKirisiti abi o ghole Eshinegba shi. Mhemhe mhi keke ebe ona. Mhemhe ni o ghie mhi ka ri agbo ni o la iJesu iKirisiti ni Eshinegba o ro shobo na awa tse abo guele.

² ITimoti mhi keke ebe ona ghi. Okhale ali ilelemhi ali opfomhe eyi Eshinegba ali eyi iJesu iKirisiti Onomhue oyawa e ka khi eye.*

³ Mhi tse Eshinegba ni mhi ri udu no pfuase e ga abi eni e bia mhe e li ga. Eri mhi a tse Eshinegba uwegbe ini mhi la iromhi isoso sato e egbe, eleiyose ali ele oguota.

⁴ Mhi aa sato evie oye, mhi aa nono ni mhi me e, egheghe agho ni oghela oyemhe o vo.

⁵ Mhi aa sato egbegbi irudunga ni u mhu. Irudunga onabi inyinye o mhu ikhi iLoisi ali ni inyeyi Yunisi o li mhu. Mhi mie shi o khi oni irudunga o li le egbe.†

⁶ Irari ona, mhia ye e ude u guise isomhopfa ni Eshinegba o ro ne le ke gbe akanya egbegbo, eni u mie abi mhi ro ri abo nge ukhomhi.

⁷ Irari khi Eshinegba o ri ayemhe ulishi na awa, ama ayemhe ekpabo ali inono ali igue ri egbe kia.

⁸ Itobo ona, khi ze ni omama o mu e ni u ro pfi otsele na Onomhue oyawa, wekhi omama mhe ni mhi khi oghumha itobo iKirisiti. Ama kuma mhe o shi osoli imeme shi iri usomhi onete tsabo, rote ekpabo oyi Eshinegba,

⁹ ni o tsumhi awa, o lu awa ni awa nu o li la agbo ipfuase ni o khia khi o a khi irari emhikhoghuo ni awa riele, ama abi o li gba li ali irari okhale oyoli. Eri a li oni okhale ona na

awa rote obo oyi iJesu iKirisiti neni egheghe o gba eke le.

¹⁰ Ama mena, a she roli khasa awa rote ibhale oyi Omiepfuese, iJesu iKirisiti ni o pfueche eghuli-a, ali ni o ri agbo bhale, ni o rote usomhi onete ri agbo ni o a ya ghu khasa gboo.

¹¹ Oni usomhi onete ona Eshinegba o ze mhe shi mhi ke guele abi aghiusomhi na kee oyi iJesu, ali oni oo sese.‡

¹² Itobo ona o ze ni mhi ro me osue abi mhi li ena. Abi o tseku li, omama o a mu mhe irari khi mhi lese oni mhi miesuo ali khi mhi mie shi o khi o dobe ya ri eloe khu emini mhi rongali obo shi ogbe ni elegho.

¹³ Emini u rote unu oyemhe suo, mu we mholi ni e khi ete-awe ni u ro ya ke sese osese ni o dala. Gbo sato ke la elemhi irudunga ali inono ni u mhu elemhi iJesu iKirisiti.

¹⁴ Ri eloe khu osese onete ni a ro nga e obo, rote ikpaghiobo oyi Ayemhenopfuase ni o nu awa la ini ogbo khi dobe pfi o li ukhomhi kpoke.

¹⁵ U lese khi egbokpa ni e la eke Esha e she me mhe na, li shi iFigelusi ali Emogenesi.

¹⁶ Eshinegba o ka mhu ilelemhi na unuekpe oyi Onesiforosi, irari khi eri o ri egbe e mu mhe egheghe kpa, o a na omama iweghe ni a so mhe.

¹⁷ Ni mhi ro ma o, abi o ro bhale iRomu, o nono mhe ya ramhi ni o ro me mhe.

¹⁸ Eshinegba o ka ze ni o me ilelemhi oyi Eshinegba ogbele elegho. U ga lese gboo abi o li kpaghiemhe obo abi mhi ro la Efesosi.

2

Abi a lie khi Okholi-okhue oyi iJesu iKirisiti

¹ ITimoti omimhe, ze ni u toto shi okhale ni o rote obo oyi iJesu iKirisiti bhale.

² Emini u suo khi mhi ngme ukpele otsele ebubu, rewe nga egbo ni a dobe ri egbe e nga obo, ni e ya dobe sese egboese.

* 1:2 Li ze Ika 16.1 † 1:5 Li ze Ika 16.1 ‡ 1:11 Li ze 1 iTimo 2.7

3 Nu mhe ri egbe mie osoli abi okholi-okhue onete oyi iJesu iKirisiti.

4 Ogbọ ni ọọ gbe akanya okholi-okhue, ọa ya ku abọ lo emhi agbọ, irari khi ọga ọyọli ọọ ke dua ni lọli ri egbe ke mu.

5 Igho o li khi, ini ogbọ o kuma eni e ya na, aa ya rughu ọli arula oghie khi o lo owa, ini ọa li deba ushi ni o la unamhi.

6 O ti ni oghiale ni o toto obọ gbe akanya, o kpẹ khi onodode ni o le emhi ekomhi ni o gua.

7 Sa shi emini mhi ngme ena irari khi Onomhue o ya re lese udi emhi ena nya.

8 Sato iJesu egbe ni a rote eghuli guise le, ni o khi unuekpẹ oyi iDefidi. Onana o khi usomhi onete ni mhi ro a tse abọ,

9 ni o re mhe a me osoli ramhi ni a ro ri igha shi mhe abọ abi ogbọ usueso-akhue. Ama, ungmehi oyi Eshinegba ọa ze e so igha.

10 Irarigho, mhi ro ri egbe mie emhikpa irari egbọ ni Eshinegba o ze ni wewe e li mie imiepfuese ni o te obọ oyi iJesu iKirisiti bhale, li shi ufumhi na agbọagbọ.

11 Egbegbi ungmehi ni a ri egbe a da na.

Ini awa nu ọli ghua,
awa gbo li ya nu ọli la agbọ.

12 Ini awa ri egbe mie,
awa ya nu ọli ke mhesẹ.

Ini awa kie ọli,
O ya kie awa.*

13 Ini awa a ya gbe akanya
te ode igesikia,
Ona igesikia o kiele khi.
Irari khi ọa ya kie egbọli.

Ogbakanya ni o ghole Eshinegba

14 Ke yele egbọ eye enana le. U gbo tse agua ye we ukpeloe Eshinegba, e khi wola shi ingmemhi, ni ọa mhọli eleli, eri o lese e yese eni e suọ ọli-a.

15 Roshẹka ni u ri egbee na Eshinegba abi, ogbakanya ni o mie ni omama ọa ya mu, ni o guẹ e sese ungmehi igesikia.

16 Nuata shi ingme afue ni ẹa mhọli eleli, irari khi egbọ ni e so egbe ingme eghoghọ, eri e ri egbọ nuata shi Eshinegba o.

17 Osesẹ oyewe, o ya ke ge abi ug-boko. Egbọ eghoghọ khi Ameneusi ali iFiletusi.

18 E she zobe ode igesikia obọ. E khi irote eghuli guale o she bhale ya dose, e yese irudunga oyi egbọ eghuo-a.

19 Abi bi o tseku li, irogbekẹ ni Eshinegba o ro gbe eri o migha gbaa, ni a kekẹ ena ro shi ọli olele khi: "Onomhue o lese egbọ ni e khi eyọli." Ali, "Onini o da guele khi oyi Onomhue lọli khi ne, o mema ya ti egbe okhọlo iriele le."†

20 Ukpokpomhi owa ọa lese mhue itasa igolu ali eyi elomho tse, ama o li mhọli eyi ẹra ali eme, eghuo, e khi eni e mu eloe, eghuo, e khi eni ẹa mu eloe.

21 Ini ogbọ khuese egbọli-a pfuase lase emhi ebe le, a ya roli riele egbegbi emhi. A roli pfuase, ọga ọyọli o roli li emhi, ali khi o ya riele ọli shi oni a ro ke gbe ikanya enete.

22 Me oghuemhe ebe oyi ozele na, ke na khu igue-ngeli ali irudunga, ali inono ali opfomhe. Kuma egbọ ni e ri udu ni o pfuase e lu eva oyi Onomhue o.

23 Khi mhọli emini u ri ekhako oyeghe ali umhalesẹ li, irari khi u lese khi uwola e pfi.

24 Oni ọọ ga Eshinegba ọa gbudu wola. O mema khi oni ọọ riele isomhelemhi deba ogbokpa, o khi osese onete ni o ri abọ o mudu.

25 O ri ofie sese eni e nu ọli khako. O mhọli ọli shi udu khi Eshinegba o ya khueghie ode-a na we ro mu pfi ni o ya rewe bhale ya lese igesikia,

26 ali khi egbhali oyewe o ya tiemhile, e na pfue igha ni okphaghiẹ o kpẹ khe we. Oni o she mu we ighumha e ke riele oghuemhe oyọli.

3

Angeli oyi egbọ ikpukhokho agbọ

* 2:12 Li ze iMat 10.33; iLuk 12.9 † 2:19 Li ze iNoba 16.5

¹ Ke bino ọli khi ẹghẹghẹ ọmunu o ya la ọ ogbele ni e kpe ukhokho.

² Ẹgbọ e ya ke nono ingme oyi egbe wẹwẹ-ghuo tse, e mhọli ọghuẹmhe ebe na ukpago, ẹẹ tonu obọ udu, ẹẹ titiegbe, ẹẹ wẹghie ẹgbọ, ẹẹ riẹle umha-sueso deba eni e bia wẹ, ẹa mhọli itsuwegbe wẹkhi itsobode, e khi ẹgbọ ni ẹa mu ekpe na emhi Ẹshinẹgba.

³ Ẹa mhue isomhelemhi, ẹa mhue igbekua na ọgbọ, e ri unu ẹ pfuẹche ẹgbọ-a, ẹa mhọli igue-regbekia, wẹkhi ilẹlemhi, ẹa nono eminete.

⁴ E ri egbewẹ ẹ de, ẹẹ li umumume, ẹẹ ti ipfuabọ nga, e mhọli ọghuẹmhe na agbọ ilili, ocho ni e kha rọ mhọli inono na Ẹshinẹgba.

⁵ E riẹle abine khi eri e miesuo, ama e kie ekpabọ ni o la imiesuo. Khi mhọli emini u ri ẹgbọ eghoghọ li.

⁶ Ẹgbọ eghoghọ e bẹna lo owa deba ikpotso ni ẹa mhue ẹgbhali, eni usamhi oyi olamhe eyewẹ enedio ẹ nase, ali ni ọghuẹmhe khi ọghuẹmhe ọọ gua.

⁷ Eri ikpotso eghoghọ ẹẹ nono ni e wena, ama ẹa dobe ẹ lese igesikia.

⁸ Ezeze abi iJanesi ali iJabiresi e mu okhue vule shi iMosisi ọ, igho eni ẹgbọ ena e li mu okhue vule shi igesikia ọ. Ẹgbọ ni o khia khi usamhi oyewẹ ọa ke a gbe akanya ni e she de ode irudunga-a.*

⁹ Ama ẹa ya kia nuata, itobo khi oyeghe oyewẹ o ya ri egbe khase ọgbokpa, abi o ke li eni emose aava egho egbe.

Omhesẹ ni iPolu ọ rọ na iTimoti

¹⁰ Ama u she lese osese oyemhe nya ali abi mhi lie ngeli, U lese emini mhi la agbọ shi, u lese irudunga, ali irabomudu ali inono ali iregbemie eyemhe.

¹¹ U lese okhọli ni a mu vule shi mhe ọ, ali osoli ali emini mhi me egbe obini ẹoli Atioki, ali ẹoli iKoniomu ali ẹoli iLisitira. Okhọli oniẹmhi a mu vule shi mhe ọ ni mhi ri egbe mie. Ama Onomhue ọ rue mhe ọ le nya.†

¹² Egbegbo lo khi, ọgbokpa ni ọ da nono ni lue la agbọ ipfuase oyi iJesu iKirisiti ne, a ya mu okhọli vule shi ọli ọ.

¹³ Ẹgbọ okhọli ni ẹ ri egbe wẹ khi emini ẹa futẹ e ya ke riẹle onobe ke khi ma ọ, ẹẹ di ẹgbọ, a lili ẹ di wẹ.

¹⁴ Ama yeye oye, toto obọ emini u wena ni u she mie shi, irari khi u lese obọ oyi eni u te wena wẹ,

¹⁵ Ali abi u te rote omofẹ lese Ebe-no-pfuase ni e dobe ya re khili ọlesingme shi irudunga ni u mhọli na iJesu iKirisiti ni u khi oni a mie pfuese.

¹⁶ Emini a keke shi Ebe-no-pfuase nya, ungmehi oyi Ẹshinẹgba lo. E ti ni a rọ ọ sese emini e khi igesikia, ali ni a rọ ọ tse agua ye ọgbọ shi iriele do-a, ali ni a rọ ọ sheshe ọgbọ shi ode rote umhaguẹli, ali ni a rọ ọ sese ọgbọ iguengeli.

¹⁷ Ni rọ a bhale ya ẹ khi a sese Omose oyi Ẹshinẹgba egbegbo ni ọ gue ke gbe ikanya enete ododa.

4

¹ Ukpeloe oyi Ẹshinẹgba ali iJesu iKirisiti, ni ọ ya gue ẹgbọ ni e lao ali eni e ghu-a ezọ, ali oni ọ bhale ya mhese abi Oghie, mhi la ri oni omhesẹ onana ne.

² Ke tse abo oni ungmehi, ke mu egbe ẹghẹghẹ kpa ni u rọ ke tse ọli, o khi ẹghẹghẹ ni o ti, o ke khi ẹghẹghẹ ni ọa ti, ke sheshe ẹgbọ, wa dese wẹ ali u ri udu ẹ shi wẹ ọ. U ri iregbemie ri ofie sese wẹ.

³ Irari khi ẹghẹghẹ ọọ bhale ni ẹgbọ ẹa ke rọ ya ri esọ shi egbegbi osese. Ama ni e ba ke suo emini e ti wẹ esọ, e ya ri ochoghọ ti esese gbili gasẹ egbe ni e ya ke ngme emini esọ ni ẹ riẹle wẹ e nono ni wewe e ke suo.

⁴ E ya rue esọ egbegbi ungmehi le, e ri esọ shi okhe nede.

⁵ Ama yeye oye, u mema ya ku egbe-a abibi o riẹ li. U ri egbe mie osoli, ri abo mu udu ini u wa a me osoli. Ke gbe akanya oyi oni ọ ri usomhi onete

* 3:8 Li ze Okiali 7.11 † 3:11 Li ze Ika 13.14-52; 14.1-7,8-20

a tse abo, u ri eloe shi ikanya eye e gbe abi oni o o ga oyi Eshinegba.

⁶ Irari khi a she ku mhe abi onyo ni a ku shi iluasobo, ali oni eghenge o she bhale ni mhi ro ya ghua.

⁷ Mhi she kholi oni okholi onete, mhi she na oni unamhi pfo, mhi mu oni irudunga mhue ya to.

⁸ Mena, a shi ri arula igue-ngeli shi na mhe, ni Onomhue ni o pfuase ni o khi oso-ezo o ro ya na mhe ogbe na elegho. Oa khi mhemheshuo tse a ya roli na, ama li shi egbo ni e nono inyenegbe bhale oyoli.

IPolu oo ghie iTimoti usomhi

⁹ Rosheka ni u keke ramhi mhe egbe.

¹⁰ Irari khi idemasi o mholi inono na oni agbo ona. O she tsua mhe pfa je eoli iTesalonika. IKiresenisi o she je eke iGalesha, iTatosi o je eoli iDalimatia.*

¹¹ ILuku lueghuo kpe o ke lese nu mhe la akana. Rue iMaki mholi obobhale, irari khi o mholi ikpaghiobona mhe oni akanya.†

¹² Mhi ghie iTakikosi je eoli Efesosi.‡

¹³ Ini u wa bhale rue awulu ugbakpi ni mhi ro shi obo oyi iKari-pusi obini eoli iTiroasi ali ebe eyemhe mhue obobhale. Tete ekue elamhi ni a keke emhi shi.§

¹⁴ Alezada oni oo lumhi ikhuli, oo li mhe onobe gba. Onomhue o ya fali oli ota shi emini o riela.*

¹⁵ Yeye li mu egbe e shi oli egbe, irari khi eri o lolo mu okhue vule shi usomhi ni awa ro o tse abo o.

¹⁶ Abi mhi ro kpe tode pfa egbe mhe shi eke, ogbokhoghuo oa nu mhe migha, eri wewe nya e na tsua mhe pfa. Eshinegba o khi roli mu ota so we.

¹⁷ Ama eri Eshinegba o migha kpeshe mhe, o ri ekpabona mhe ni a bhale ya e khi, rote obo oyemhe, oni ungemhi o lolo ze guele ni egbo iJeta e suo li. Ali ni a ro tsumhi mhe obo oyi

eghuli abine khi a mie ogbo unu oyi idumhi.

¹⁸ Onomhue o ya pfuese mhe okholi obe ni o vule shi mhe o, ali khi o ya rue mhe bhale iloghie oyoli tselele. Loli o mholi ufumhi ele na agboagbo ya je agboagbo. Atse.

Otse ni o kpe ukhoko

¹⁹ Tse iPisilia ali Akuila ali omhue-apfe oyi Onesiforosi na mhe.†

²⁰ Erasitosi o la eoli iKoriti, ali mhi ze iTirofimosi obobshie eoli iMiletusi irari khi oo ghua.‡

²¹ Rosheka ni u keke ramhi ana neni orue oo pfi. Ebulusi oo tse ali iPudenisali ali iLanusali ali iKilaudia, ali eni e miesuo nya e ga tse.

²² Onomhue o nu ayemhe oye la. Okhale oyi Eshinegba o nu e la.

* **4:10** Li ze iKolo 4.14; iFile 24; 2 iKori 8.23; iGal 2.3; iTato 1.4 † **4:11** Li ze iKolo 4.14; iFile 24; Ika 12.12,25; 13.13; 15.37-39; iKolo 4.10 ‡ **4:12** Li ze Ika 20.4; Efi 6.21-22; iKolo 4.7-8 § **4:13** Li ze Ika 20.6 * **4:14** Li ze 1 iTimo 1.20; Iwolo 62.12; iRom 2.6 † **4:19** Li ze Ika 18.2; 2 iTimo 1.16-17 ‡ **4:20** Li ze Ika 19.22; iRom 16.23; Ika 20.4; 21.29

Ebe ni iṖolu o keke ghi iṬatọsi

Otse

¹ Mhẹmhẹ iṖolu ni a zẹ abi oni ọọ ga oyi Ẹshinẹgba ali aghiusomhi na keke oyi iJesu iKirisiti, mhi keke ebe ona. Eri a ghie mhẹ ni mhi ya zese irudunga oyi eni Ẹshinẹgba o zẹ-a, ali ni mhi rẹwẹ khase igesikia ni o ya sese wẹ abi e li ya la agbọ ni o ri egbe e mu Ẹshinẹgba.

² Oni irudunga ali ilẹse ona o migha nga irudushi oyi agbọ na agbọagbọ, ni Ẹshinẹgba ni ọa ya lo egbhọli o ri nga na awa neni a mẹ igbaekele oyi agbọ.

³ Eghẹghẹ ni o ghọle Ẹshinẹgba, o la rọte ungmehi oyọli ni o rọ nga mhẹ obọ ri usomhi oyọli khase gboo. Ẹshinẹgba oni o mie awa pfuese o ligho mhẹse ọli.

⁴ Mhi keke ebe ona ghi iṬatọsi omimhẹ esheshi elemhi irudunga, ni mhẹmhẹ ali lọli anye ga la elemhi imiesuọ oghuo.

Ẹshinẹgba Ita iJesu iKirisiti oni o mie awa pfuese o ka li okhale nẹ, o ri opfomhẹ nẹ.*

Akanya ni iṬatọsi o ya gbe ẹoli iKireti

⁵ Emini o zẹ ni mhi rọ zẹ obọ shi iKireti khi, ni u mẹ asha pfuse ikanya ni e kpọle nya gbe, ali ni u zẹ egbhali shi igbaa nya eyi eni e mie iJesu iKirisiti suọ na ukhomhi ẹoli ni e la iKireti nya. Sato abi mhi gueye khi:

⁶ Oni o khi ogbhali shi elemhi igbaa oyi eni e mie iJesu iKirisiti suọ o mema ya khi ogbọ ni o guẹ e ngeli, ini a khi mẹ asha gue ezọ shi ọli egbe. O mema ya khi oni o rue okpotso oghuo shi. Imi ọli e khi eni e miesuọ ni ẹa khi eniyẹ ni e gbakaa ni ẹa ya suọ esọ.

⁷ Aborokhia khi eri a ri akanya oyi Ẹshinẹgba nga oni o ralo na igbaa oyi eni e mie iJesu iKirisiti suọ nya obọ egho, ọọ mema khi ogbọ ni o guẹ e

ngeli ini a khi gue ezọ shi ọli egbe. O khi khi ogbọ ni o ri imebie e ngeli deba egbọ. O khi khi oni elemhi e kele e bi. O khi khi ogbọ ni o da onyo pfueche egbe-a. O khi khi ogbọ ni o kele e pfi obọ, wẹkhi ogbọ ni ingme ukpaghọ o ghọ mu egbe dọse ode.

⁸ Ochoghọ o khi oni o ghele e mu egbọ, ni ọọ nono eminente. O khi ogbọ ni o guẹ ri egbọli e kia. O khi ogbọ igesikia, ali ogbọ ni o pfuase. O khi ogbọ ni o mu ekpe shi egbọli egbe.

⁹ O mema mu oni usomhi onete ni o mholi iregbenga mhue jijiji, abi a li sese ọli. Lọli o rọ dobe ya ri osese igesikia ni ọọ sese egboese ke ri udu shi wẹ o, ali ni o gbo ri ida-ode oyi eni e nu wẹ e khako khase, khi egbhọli ẹe lo.†

¹⁰ Irari khi egbọ iJu ebubu eghuo ni e miesuọ ni e pfi ozughu, e la o, ni ẹẹ ngme ingmemhi afue ni ẹẹ di egbọ. Wẹwẹ e sese ode egbhọli khi a mema shele ogbọa neni o khi oni o miesuọ.

¹¹ O ti ni a pfi wẹ okpe unu, itobọ khi eri e ri emini e sese yese udu oyi omhue-apfe ebubu-a. Itobọ ini e ba mẹ asha ke ti ukpaghọ ma, e rọ ligho sese.

¹² Egbegbi omekeguele oyewẹ, o ke ngme ọli ghue, ọọ, “Egbọ iKireti, egbọ egbhọli, ali egbọ ebe ali egbọ iwaza elemhi-gbidi-a, a khi.”

¹³ Igesikia oni ungmehi ona o khi. Irarigho, ga lolo gbe omama ku wẹ, ni irudunga oyewẹ o mẹ asha migha.

¹⁴ Eghẹghẹ agho, ẹa ke ke ri esọ shi okhe afue oyi egbọ iJu ali ishi eyi egbọ eni e kie igesikia.

¹⁵ Eri emhi nya e pfuase shi odalo oyi egbọ ni e pfuase. Ama emhikhoghuo ọa ya pfuase shi ẹloe oyi egbọ ni ẹa pfuase ni ẹa miesuọ, irari khi a she kesẹ wẹ udu ali isamhi-a.

¹⁶ E ma lie khi wẹwẹ e lese Ẹshinẹgba, ama eri angeli oyewẹ o rokhasẹ gboo, khi ẹa lese ọli. Egbọ ni aa ti e mama ali egbọ umha-sueso e khi, ni ẹa ti okie wẹ itoto.

2

* 1:4 Li zẹ 2 iKori 8.23; iGal 2.3; 2 iTimo 4.10 † 1:9 Li zẹ 1 iTimo 3.2-7

Osesẹ ni a ya ke sesẹ iku ẹgbọ ọdọda

¹ Ghe i! Yeyẹ oye, u mema ya ke sesẹ emini o lama shi egbegbi osesẹ ọ.

² Sesẹ emose ni e she khi egbhali, e ke ri abọ mu udu. E khi eni a mu ekpe na, e khi ẹgbọ ni e guẹ ri egbewẹ kia. E zẹ ni irudunga ali inono ali iregbemie oyewẹ o lolo mu eke.

³ Gbo lighọ sesẹ ikpotso eni egbhali e ke ngeli abi ikpotso egbhali ni e la agbọ ipfuasẹ. E khi khi eni e ri unu ẹ yese ẹgbọ a, e khi ditse onyo idada a, ama e ke sesẹ ẹgbọ ingeli enete.

⁴ Ishegho ni e ke sesẹ izele ikpotso e nono ingme oyi ọdọ wẹ ali imi wẹ.

⁵ E khi ẹgbọ ni e guẹ ri egbewẹ ẹ kia, e khi eni e pfuasẹ. E khi shito ni ẹa mholi oni ẹẹ gbe owa. E khi eni e mholi isomhelemhi. E ke nyese ukhomhi na ọdọ wẹ pfo. Ini ọgbọkhoghwo ọ khi mẹ asha ngme ungmehi imẹbie deba usomhi onete oyi Ẹshinegba.

⁶ Gbo li lighọ gueye eni izeo e khi ẹgbọ ni e guẹ ri egbewẹ ẹ kia.

⁷ Zẹ ni emini u wa riẹle nya e khi eminete ni ẹgbọ nya e ya ke khonya. Ri igesikia ali omuegbe ke khasẹ elemhi osesẹ ni u wa sesẹ.

⁸ Ke ri ingmemhi ni e gba pfo ni ọgbọkhoghwo ọa mẹ te ya ke zẹ ifue ngme ungmehi oye. Ini ebe awa e khi mẹ emini ọa ti okhoghwo ngme shi awa egbe, ni omama o mu wẹ.

⁹ Sesẹ ighumha e ri egbewẹ na ega eyewẹ pfo nya, e ga ke riẹle emini o ri egbe ẹ ke mu wẹ odekhode. E khi ke solọ shi wẹ ọ ini e nu wẹ ẹ wola.

¹⁰ E khi bẹna ke do wẹ ughiatọ. E ri ochoghọ ke rokhase khi ẹgbọ enete ni ẹ gbe akanya te ode igesikia wewe e khi. Eghẹghẹ agho ni e ri osesẹ ungmehi oyi Ẹshinegba ni ọ mie awa pfuese ke ghole.

¹¹ Irari khi okhale oyi Ẹshinegba ni o ri imiepfuese bhale o she ri egbọli khasẹ ọgbokpa.

¹² Lolọ o sesẹ awa, awa ke kie ingeli ni ẹa ghole Ẹshinegba ali ọghuẹmhe oyi emhi agbọ, ni ọgbogbọ ọ ke nu

egbọli ngme. Awa a ngeli angeli ni o migha shi ipfuasẹ eghẹghẹ ni awa la memena.

¹³ Abi awa li ri ukpeloe shi eke ẹ khe ogbele ni Ẹshinegba ni ọ fune Omiepfuese iJesu iKirisiti oyawa o ro ya nyene egbe bhale.

¹⁴ IJesu iKirisiti ni ọ ri egbọli bhale ro pfa awa shi eke rote obọ oyi okholo nya lasela, ali ni ọ ro khuesẹ ẹgbọ eyoli-a, ikhi ẹgbọ ni ikanya enete igbegbe ẹ ghole.*

¹⁵ Enana e khi emini u wa ke sesẹ. Ri afu ni mhi ro ne ke ri udu shi we ọ, u gbo tse agua ye we. Khi zẹ ni ọgbokhoghwo ọ ri ukpeloe gbe ẹ.

3

Abi eni e miesuọ e liẹ ke ngeli

¹ Ke yele eni ẹgbọ le, e ke nyese ukhomhi na enighie ali eni ẹ mhesẹ, ali e ri ungmehi oyewẹ ke gbe akanya. E mu egbe ni e ro ke gbe ikanya enete.

² E khi lo egbhọli yese ọgbokhoghwo eva-a, e khi ẹgbọ opfomhe, e khi nu egbewẹ ke wola, ama e khi eni e ri ikuegbe-a a ngeli deba ọgbokpa.

³ Irari khi awa kpe li riẹle ingme oyeghe ali umha-sueso. Awa khi eni a di, ni a ri ọghuẹmhe egbe, ali aruele mu shi igha. Awa la angeli ubogbo ali ofuma ikpekpe. Áá biselemhi awa, awa gbolo biselemhi egbe.

⁴ Ama abi isomhelemhi ali inono oyi Ẹshinegba Omiepfuese oyawa o ro feli lasela.

⁵ O mie awa pfuese, ni ọa khi itobọ ingeli ni e migha shi ipfuasẹ ni awa ngeli, ama itobọ ilelemhi oyoli. O rote iriẹle bia ali ikhuesẹ-pfuasẹ oyi Ayemhe-no-pfuasẹ tsumhi awa. O ri agbọ onogbo na awa.

⁶ Eri Ẹshinegba ọ tutu Ayemhe-no-pfuasẹ ku awa tuọ itobọ emini iJesu iKirisiti ọ riẹle na awa.

⁷ Eghẹghẹ agho, awa kha khi eni ọ rote okhale oyoli ro pfuasẹ se, awa mele imi ọli a ni e mholi ọli shi udu

* 2:14 Li zẹ Iwolo 130.8; Okiali 19.5; iDeut 4.20; 7.6; 14.2; 1 iPit 2.9

khi e mhue obọ shi ugu agbọ na agbọagbọ.

⁸ Egbegbi ungmehi ni a ri egbe ẹ nga ona o khi.

Mhia nono ni u lolo gue ọli ye wẹ jijiji, ini eni e she kpẹ regbenga Ẹshinẹgba, ni e kuegbe-a ke gbe ikanya enete. Eni emhi ena e ma ti gba irari khi e ma ri eleli ẹ na ọgbọkpa.

⁹ Khi nu ẹgbọ khe akọ shi ingme afue, ali itonọ utetọ oyi echeli idada. Khi wola ali khi khọli shi ingme Ishi eyi iMosisi, itobọ khi afue ali emini ẹa ri eleli a bhale e khi.

¹⁰ Kpẹ tse agua ye ọgbọ ozughu iteva, ini ọa kie suọ, u ti gbe me ọli na, ini emhikhoghuo e khi ku ẹ gbe.

¹¹ Lọli u rọ ya lese khi ẹgbọ enana e she de ode khi ode, olamhe e ke la. Angeli oyewe o she pfa ezọ mu we.

Omhesẹ ni o kpukhokho

¹² Mhi kha da lese ghie Atemasi ghi ẹ ne o ke khi iTakikosi, rosheka ni u bhale ya ẹ mhe iNikapolisi irari khi mhi she ri ọli shi udu khi oobọ mhi ya la eghẹghe oruame.*

¹³ Abibi o rie li, rosheka kpaghie iZenasi oni o khi iloya ali Apolosi obọ, ini ẹẹ vu. Ri emini ẹ nono nya na we.†

¹⁴ Ẹgbọ eyawa e khi eni e wena abi a lie gbe akanya enete, ni e dobe ke riele emini ẹẹ nono elemhi ogbele na egbewe, ini e khi la agbọ ighalaba.

¹⁵ Ẹgbọ ni e nu mhe la ana nya e ga tse ẹ. A tse eni e li miesuọ ali eni e nono ingme oyi anye.

Okhale oyi Ẹshinẹgba o ka nu ẹ la.

* **3:12** Li ze Ika 20.4; Ẹfi 6.21-22; iKolo 4.7-8; 2 iTimo 4.12 † **3:13** Li ze Ika 18.24; 1 iKori 16.12

Ebe ni iPọlu o keke ghi iFilemọ

¹ Mhemhe iPọlu ni a ri itobo khi mhi a gbe akanya na iJesu iKirisiti mu shi ogba ighumha, mhi keke ebe ona, ali iTimoti. iFilemọ omole anye ni anye ga a gbe akanya, a keke ọli ghi,

² li shi igbaa oyi eni e mie iJesu iKirisiti suọ ni o la owa oye ali inyoghuo awa ni okpotso na lui Apfia ali Achiposi ni anye ga khi ekholi-okhue eyi Eshinegba.*

³ Eshinegba Ita awa ali iJesu iKirisiti Onomhue e ka li okhale na e, e ri ofomhe na e.

Inono ali iregbenga ni iFilemọ o mhọli

⁴ iFilemọ, eghẹghẹ kpa mhi ro kphemhi na Eshinegba ini mhia so iromhi ne.

⁵ Irari khi mhi suọ inono ni u mhọli na egbo eyi Eshinegba nya ali irudunga ni u mhue shi iJesu Onomhue.

⁶ Iromhi ni mhia so khi, o ze ni ilakugbe oyawa abi eni e mhọli irudunga oghuo, o ri awa lese ikhivose nya, ni awa mhọli irari khi awa kugbe iKirisiti o.

⁷ Inono oye i, inyoghuo-mhe, o she ri ukpokpomhi oghẹghẹ ghi mhe, o gbo ri udu shi mhe o! U gbo guise udu oyi eni e miesuọ le.

iPọlu o so iromhi na Onesimusi

⁸ Itobo igho, ini o rie khia khi mhi kha dobe mhesẹ ne emini o ti ni u rieghẹ abi inyoghuo elemhi iKirisiti,

⁹ mhi ya ri itobo inono lema e, abi mhemhe iPọlu ni o she khi oghali ni mhi gbo khi oni o ga oyi iJesu iKirisiti memena.

¹⁰ Mhi lema e shi itobo oyi Onesimusi ni o la elemhi ogba ighumha ana mele omimhe-a.†

¹¹ Ni o khia khi waa ke kpe mhue emini a roli e rieghẹ, ama memena, o she mhue emini awa roli ya rieghẹ.

¹² Mhi ghie ọli nyene egbe e ghi e, rote ekelemhi udu inono oyemhe.

¹³ Mhii kha ze ọli obo ni o nu mhe la akana ni o to eloli e ke ri elo khu mhe abi mhi li la ogba oghumha ena shi usomhi onete oyi Eshinegba.

¹⁴ Ama mhi aa nono ni mhi rieghẹ emhi okhoghuo ni u waa lama shi, ni a ro bhale ya e khi ikanya enete ni u gbe, eri u rote elemhi udu gbe we. Ni o ga khi eri a tan o e abo shi o.

¹⁵ A dobe e me khi eri Onesimusi o rote e obo vu ukuku eghẹghẹ, ni o kha ke jele deba e, o nu e la agbo agbo.

¹⁶ Oa ke khi oghumha tse, ama o fu dose oghumha, inyoghuo awa elemhi iKirisiti o ke khi. Oni awa nono ingme oyoli egbegbo o khi, abi obo ali inyoghuo, elemhi Onomhue.

¹⁷ Ini o khia khi u lese mhe shi onuzava oye, gbo mie ọli abi u kha li mie mhe.

¹⁸ Ama ini o khia khi o lue ne, okekha khi eri o lo e ota, ku ota eyoli lo eku oyemhe.

¹⁹ Mhemhe iPọlu mhi ri obo oyemhe e keke ebe ona. Mhie ye khi mhi ya fali e ewe. Mhia ke khi oni o ke gbolo e ye le khi mhemhe mhi mhọli agbo oye nya.

²⁰ Irarigho, inyoghuo, ri ikpaghiobo ona na mhe itobo Onomhue, abi inyoghuo ni awa ga mie iKirisiti suọ ri oghẹghẹ shi mhe udu.

²¹ Mhi lese gboo khi abi mhi lie keke ebe ona ghi e, khi u ya rieghẹ emini mhie u rieghẹ, mhi ga lese khi u ya rieghẹ dose abi mhie u li rieghẹ.

²² Gbo li rieghẹ elemhi owa oghuo shi eke khe mhe. Irari khi mhi lese khi a ya rue mhe obo a na e, ni o ri iromhi ni a so bhale ya tse.

²³ Epafurasi ni anye ga khi eni ee ga eyi iJesu iKirisiti, oo tse e.‡

²⁴ Igho li khi iMaki ali Arisitakusi ali iDemasi ali iLuku ni anye ga gbe akanya, ee tse e.§

* 1:2 Li ze iKolo 4.17 † 1:10 Li ze iKolo 4.9 ‡ 1:23 Li ze iKolo 1.7; 4.12 § 1:24 Li ze Ika 12.12,25; 13.13; 15.37-39; 19.29; 27.2; iKolo 4.10,14; 2 iTimo 4.10,11

25 Okhale oyi iJesu iKirisiti
Ọnọmhue o ka la ayemhe oyi eẹ nya.

Ebe ni a keke ghi egbo Iburu Eni e miesuo

Ungmemhi oyi Eshinegba ni o rote obo oyi Omioli bhale

¹ Agbo-ndede, ebubu egheghe ali ode ododa Eshinegba o te ri emekeguele nu ititawa ngme.

² Ama omioli ni o ze ni o le ugu emhikpa o ke ro nu awa ngme ogbele ikpukhokho ni awa la memena. Obo oyoli o gbo rote ma agbo

³ Loli o ri ufumhi oyi Eshinegba khase. Eri o gbo li abi Eshinegba o li tee. Loli o ri ungmehi ni o tsua ekpabo oyoli mu agbo nya mholi. Abi o ro khuse awa olamhe-a se, o shito ukiekie obita na Eghiele oyi Eshinegba ni o mholi ekpabo ni o fune nya.

Ufumhi oyi Omi Eshinegba

⁴ A ri oni omioli fu dose igeni abi eva ni Eshinegba o ro na li o li fu dose oyewe.

⁵ Ageni onoghwo Eshinegba o tigbe lie oli,

“Omimhe u khi amo mhi te khi Ite?”

Ali onoghwo o gbolo oli;

“Mhi ya khi Ita e,

yewe u khi Omimhe?”*

⁶ Ama abi Eshinegba o ro ya ghie Omioli oghwo kpe je elemhi agbo, oo,

“Igeni eyi Eshinegba nya e mema nyese ukhomhi ga li.”†

⁷ Abi o ro o ngme ingme oyi igeni, oo,

“O ma igeni eyoli abi akpekpeli,

o ma eni ee ga eyoli abi elemhi ere.”‡

⁸ Ama abi Eshinegba o ro o ngme ingme oyi Omioli, oo,

“Eshinegba u khi!

Omhesa oye, agboagbo o ya la o.

Ipfuase ali igesia

u ro ya ke mhese na egbo eye.

⁹ Ipfuase u nono, ingmobe o a ghole e, irarigho Eshinegba u khi! Eshinegba oye, o she re fu dose etu-e,

itobo khi o ri

oili oghole to e ukhomhi.”§

¹⁰ O gbolo lie,

“Yeye Onomhue, rote igbaekele,

u te ma agbo.

Abi eye u ro ma ukhuli.

¹¹ Wewe nya e ya pfua, ama yeye u kiele e la o.

E ya taa abi itsua ni a so.

¹² U khili we abi ide, e ya oghie abi a lie oghie itsua ni a so.

Ama abi u li u kiele e li, agbo oye o a tigbe ya mholi ukpese.”*

¹³ Ageni onoghwo Eshinegba o tigbe lie oli,

“Shito mhe ukiekie obita omhesa, ramhi ni mhi ro ya ri ebe e

mele ukpekhome akphawe-nga oye-a?”†

¹⁴ Oa khi iyemhe eni ee ga Eshinegba igeni nya e khi, ni Eshinegba oo ghie e ke ga eni e ya le ugu imiepfuese?

2

Ukpokpomhi imiepfuese

¹ Irarigho a ze ni awa lolo mu igesia ni awa suo mhu, ini a khi tsua awa ibe vu.

² Irari khi ini usomhi ni igeni e bhale ya guele, o khi egbegbo, ni a ya na egbo ni ea roli gbe akanya osoli to shi;

³ se awa li ya pfue oni osoli ona, ini awa ri eloe gbe ukpokpomhi imiepfuese oghoghwo ni Onomhue lolighwo o te odode gue le, ni eni e suo li, e gweye anye khi igesia lo?

⁴ Oni usomhi ona ni Eshinegba o gbo ri olele, ali ikanya oshabo ali onyaloa

* 1:5 Li ze Iwolo 2.7; 2 iSam 7.14; 1 Okhe 17.13 † 1:6 Li ze iDeut 32.43 ‡ 1:7 Li ze Iwolo 104.4 § 1:9 Li ze Iwolo 45.6,7 * 1:12 Li ze Iwolo 102.25-27 † 1:13 Li ze Iwolo 110.1

oḍoḍa zẹ ọtsẹlẹ shi, li shi isomhopfa eyi Ayemhẹ-no-pfuase ni ọ kemhi abi o li ghọle ọli shi.

Ijesu ọ bhale agbọ abi ọgbọ

⁵ Eshinẹgba ọa ri omhese oyi agbọ ni ọọ bhale nga igeni obọ, ikhi agbọ ni awa ngme ena.

⁶ Ama, a mholi ashini a ngme ọli shi elemhi Ebe-no-pfuase, ni ọọ.

“Elo ọgbọ fe khi,
ni ingme oyọli o rọ na mu
yeyẹ Eshinẹgba egbe,
elo ọ khi ni u rọ
lina ri eloe ẹ khu ọli?”

⁷ U ma li kpọkẹ
na igeni dene,
u ri ufumhi
ali ekpe rughu ọli,
u rọli loghie nga
emini u ma nya.

⁸ U rọli loghie
emhi nya.”*

Eshinẹgba ọ she ri emini ọ ma nya na li ọ rọ ke mhese shi. Ọa kese emhikhoghuo le ni ọa rọ shi ọli omhese. Ama memena, awa aa kie me eni emhi nya pfo ne ni ọ rọ nali ọ ke mhese shi.

⁹ Ama ijesu awa a me, ni a kpe ma kpọkẹ na igeni ukuku ọ dene. Oni a ri ufumhi ali ekpe rughu memena itobọ eghuli ni ọ ghu. Igho lo, okhale oyi Eshinẹgba o rọli ghu-a na egbokpa.

¹⁰ Ni Eshinẹgba, ni ọ ma emhi nya ni ọ mu we mholi, ọ me asha ri oni ufumhi ona na ebubu egbo, ọ rọ ri ijesu khi oni ọ gba pfo rọte osoli ni ọ me. Irari khi ijesu ọ re egbo nya bhale imiepfuse.

¹¹ Ghe oni ọ ri egbo pfuase ali eni a rọ pfuase nya, unuekpe oghuo e ke ga khi. Lọli o ze khi omama ọa mu ijesu ni ọ rọ lu we inyoghuo.

¹² Ọọ Eshinẹgba,
“Mhi ya gueye
inyoghuo-mhe
emini u she riẹlẹ,
Mhi ya la ilegba oyewe
to uwolo ikueghie oye.”†

¹³ Ọ gbolo ẹ,

“Mhi ya regbenga
Eshinẹgba.”

Ọ gbolo ẹ,
“Ghe mhemhe ali eniye
ni Eshinẹgba ọ rọ na mhe.”‡

¹⁴ Aborokhia khi imi Eshinẹgba, egbo ni e ze idiegbe ogbo ali ọlia e khi, loli ijesu Omiqli ọ rọ li mele ogbo ni ọ mholi idiegbe ali ọlia-a. Eri ọ lina ini ọ me asha rọte eghuli ni ọ ghu pfuse Okphaghie-a ni ọ kpe mu ekpabo oyi eghuli mhue,

¹⁵ ni ọ me asha pfuse egbo ni ulishi eghuli ọọ mu ẹlẹkhele.

¹⁶ Egbegbo lo khi ọa khi igeni ọ bhale ya kpaghie obọ, ama imimi Aburaamu. §

¹⁷ Itobọ ona a rọ rọli li abi inyoghuo ọli nya odekhode. Ni ọ me asha khi Okpodalo-ugamhi oyi Eshinẹgba ni ọ kpeda nya, ni ọ mholi igesikia ali ilemhi shi elemhi ugamhi oyi Eshinẹgba, ni ọ me asha shishi olamhe eyi egbo-a.

¹⁸ Irari khi ọ li me osoli abi a rọ mu ọli fe, ọ li dobe ẹ kpaghie eni a lili ẹ mufe obọ.

3

Ijesu ọ fu dose iMosisi

¹ Irarigho, inyoghuo-mhe ni Eshinẹgba ọ ze ni e khi egbo ni e pfuase eyoli, a sa ingme oyi ijesu ni awa lui aghiusomhi na kee, ali Ọga oyi ekpodalo ugamhi nya.

² Eri ọ ri igesikia deba Eshinẹgba, ni ọ ze ọli ọ ke gbe akanya eyoli, ezeze abi iMosisi oni ọọ ga ọ li ri igesikia gbe akanya elemhi Owa oyi Eshinẹgba.*

³ A she me khi ijesu ọ mhue imueloe ni o fu dose oyi iMosisi, ezeze abi atsona ọ lie mholi imueloe ni o fu dose owa ni ọ to.

⁴ A kie kpe lese khi ogbo ọọ to owa kpa, Eshinẹgba ọ ma emhikpa.

⁵ IMosisi ọ khi ogbo igesikia elemhi Owa oyi Eshinẹgba abi oni ọọ ga. Akanya ni ọ gbe o khi ọtsẹlẹ oyi

* 2:8 Li ze Iwolo 8.4-6 † 2:12 Li ze Iwolo 22.22

* 3:2 Li ze iNoba 12.7

‡ 2:13 Li ze Aza 8.17,18 § 2:16 Li ze Aza 41.8-9

igèsikia oyi emini a ya ngme ogbe na ako.

⁶ Ama iKirisiti ọ khi Omi Ẹshinẹgba ni ọ mhẹsẹ ẹ shi Owa ugamhi oyọli. Owa oyọli awa khi ini awa da kie mu igbedu ali irudushi oyawa ni awa regbenga mhue ne.

Iyemhẹa ni a rọ na Ẹgbọ eyi Ẹshinẹgba

⁷ Irarigho, abi Ayemhẹ-no-pfuasẹ ọ ngme, ni ọọ,

“A kha suọ uruli
oyi Ẹshinẹgba amo,

⁸ a khi zese udu-a,
abi eni e bia ẹ e li
ẹghẹghẹ ni e rọ ọ riẹlẹ
umha-suesọ deba Ẹshinẹgba.

Ẹghẹghẹ ni a rọ la
ọdagbe ifufu mu wẹ fẹ,

⁹ ikhi obini ita ẹ e la
mu mhẹ fẹ, mhẹsẹ mhẹ bino,
e mẹ emini mhi riẹlẹ
elemhi ikpe egbhueva

¹⁰ Lọli o zẹ ni elemhi e rọ bi mhẹ
deba oni agbhotu ogho,
ni mhi rọ liẹ, ‘Ẹghẹghẹ kpa
udu oyewẹ o rọ rẹwẹ lo ebuli,
ẹa lẹsẹ ode eyemhẹ.’

¹¹ Irarigho, mhi rọ ri
elemhi-ibibi shi-ẹmuẹ liẹ,
‘Ẹa ya tigbe lo
iyemhẹa oyemhẹ.’ ”†

¹² Inyoghuo, a mu egbe ẹ ini ọngẹ ẹ ọ
khi mhọli udu umha-miesuọ, ni ọ ya
lase ode oyi Ẹshinẹgba ni ọ la ọ le.

¹³ Ochoghọ a ke ye egbe ẹ ude, itobọ
khi, “Amo.” Oni ẹghẹghẹ o kie la ọ, ni
a rọ ọ mu pfi, ini udimhi ni olamhẹ ọọ
di ọgbọ o khi ri ọngẹ ẹ zese udu-a.

¹⁴ Eni e kuma iKirisiti ọ awa khi ini
awa lolo mu igbedu ni awa rọte eke
mhọli mhue ya ramhi ukpese.

¹⁵ Abi Ebe-no-pfuasẹ o ngme.
“Ini u suọ uruli
oyi Ẹshinẹgba amo,
a khi zese udu-a,
abi eni e bia ẹ e li
ẹghẹghẹ ni e rọ ọ riẹlẹ
umha-suesọ deba Ẹshinẹgba.”‡

¹⁶ Eghuo e khi eni ẹgbọ ni e suọ
uruli oyi Ẹshinẹgba ni e riẹlẹ umha suọ
esọ deba li? Ọa khi eni iMosisi ọ rọte
eke ijipiti rue lasele?

¹⁷ Eghuo ọ biselemhi deba ikpe egb-
hueva? Ọa khi eni e lamhẹ, ni e ghuloa
shi ọdagbe ifufu?

¹⁸ Eghuo Ẹshinẹgba ọ shi ẹmuẹ deba
khi ẹa ya tigbe lo iyemhẹa, ọa khi eni
ẹa suọ esọ na li?§

¹⁹ Irarigho, awa mẹ khi itobọ
umha-miesuọ oyewẹ ẹa rọ dobe lo.

4

Iyemhẹa ni a shobọ na ẹgbọ eyi Ẹshinẹgba

¹ Aborokhia khi ishobọ ni awa rọ ya
lo iyemhẹa khi o kie la ọ, awa mu egbe
awa ini o khi de onge ẹ obọ-a.

² Awa she li suọ oni usomhi onete
abi wewẹ e ke li suọ ọli. Ama oni
usomhi ọa mu wẹ ẹloe irari khi ẹa ri
irudunga mie ọli.

³ Awa ni awa mhue irudunga, awa
ya lo oni iyemhẹa. Ama eni ẹa miesuọ,
Ẹshinẹgba ọọ liẹ

“Elemhi ibibi
mhi rọ shi-ẹmuẹ,
khi ‘Ẹa ya tigbe lo
asha iyemhẹa oyemhẹ.’ ”

Aboriekhia rọte abi ọ te ma agbọ ọ
te riẹlẹ oni iyemhẹa ona shi eke.*

⁴ A ngme na shi Ebe-no-pfuasẹ abi
ọ rọ ngme ingme ogbele onuzi-ishilua
khi, “Ẹshinẹgba ọ yemhẹ ikanya-a nya-
a ẹlenizu-ishilua.”†

⁵ A gbo ngme oni ingme onana khi.
“Ẹa tigbe ya lo iyemhẹa oyemhẹ.”‡

⁶ Elese e laọ ni a ya ri ẹghẹghẹ na
ni e rọ lo oni iyemhẹa. Irari khi eni
e kpẹ suọ oni Usomhi Onete ẹa lo oni
iyemhẹa ogho, itobọ khi ẹa miesuọ.

⁷ Irarigho, Ẹshinẹgba ọ rọ gbo ri
ẹlelese shi eke ni a rọ ya lo iyemhẹa
oyọli, ni ọ lu Amo. Ẹzeze abi ọ rọte unu
oyi iDefidi ngme ọli ẹlelese abi a kpẹ li
ngme ọli, ni ọọ:

“A kha suọ uruli oyọli Amo,
a khi zese udu-a.”§

† 3:11 Li zẹ *Iwolo* 95.7-11 ‡ 3:15 Li zẹ *Iwolo* 95.7-8 § 3:18 Li zẹ *iNọba* 14.1-35 * 4:3 Li zẹ *Iwolo* 95.11 † 4:4 Li zẹ *Igbae* 2.2 ‡ 4:5 Li zẹ *Iwolo* 95.11 § 4:7 Li zẹ *Iwolo* 95.7-8 * 4:8 Li zẹ *iDẹut* 31.7; *iJosh* 22.4

⁸ Ini iJoshua ọ́ọ́ ri iyemhẹ́a na wẹ́ lọ́, Eshinẹ́gba ọ́a kha gbo te ikpukhokho ri ogbẹ́lẹ́ olese shi eke na wẹ́.*

⁹ Abi o li ena, Ogbẹ́lẹ́ iyemhẹ́a o kie la ọ́, ni egbo eyi Eshinẹ́gba e la yemhẹ́-a

¹⁰ Itobọ́ khi ọ́ni ọ́ da lo iyemhẹ́a oyi Eshinẹ́gba ne, eri ọ́ li yemhẹ́ ikanya eyọ́li-a, abi Eshinẹ́gba ọ́ li yemhẹ́ eyọ́li-a.†

¹¹ Irarighọ́, awa roshẹ́ka ini awa dobe lo oni iyemhẹ́a oghọ́, ini awa khi de itobọ́ khi awa khọ́nya wẹ́ riẹ́lẹ́ umha-suesọ́.

¹² Irari khi eri ungmehi oyi Eshinẹ́gba o mhọ́li agbo, ọ́ọ́ gbe akanya. Ọ́ mu dọ́sẹ́ itakobi ọ́zalo eva kpa, ni ọ́ọ́ gbese lo ogbo udu, o khueghie ọ́li-a, ni ọ́ọ́ guanọ́ emini e la usamhi ali ayemhẹ́, o gbo li gbese lo ikpésẹ́ ali ikhọ́rọ́ na elemhi igua. O dobe ẹ́ khueghie ingeli ali isamhi na ekelemhi udu-a.

¹³ Emhikhoghuo ọ́a la emini a ma nya ni o sheli shi ọ́li ọ́. Eri emhikpa e na khueghie-a shi ukpẹ́loe oyi Eshinẹ́gba, ikhi ọ́ni awa ya ri abọ́ khase abi awa li gbe.

Ijesu ọ́ khi Ọ́ga Ọ́kpodalo-ugamhi Oniemhi Oyawa

¹⁴ Irarighọ́, a zẹ́ ni awa lolo mu irudunga ni awa mhọ́li mhue, abi o rọ́ da khia khi awa mhọ́li Ọ́ga oyi ekpodalo ugamhi ni ọ́ Funẹ́ ni ọ́ she je odalo oyi Eshinẹ́gba. Lọ́li ọ́ khi ijesu Omi Eshinẹ́gba. ¹⁵ Ọ́a khi Ọ́ga oyi ekpodalo ugamhi ni ọ́a ya lẹ́lemhi awa shi emini awa dọ́-a riẹ́lẹ́. Ama ọ́ni a she mu fẹ́ abi awa, odẹ́khode ọ́ khi, ama ọ́a tigbe lamhẹ́.

¹⁶ A zẹ́ ni awa ri igbedu ti deba Eshinẹ́gba ni ọ́ mhọ́li isomhelemhi. Aghọ́ awa te ya mie ilẹ́lemhi ali isomhelemhi ni o ya kpaghiẹ́ awa obọ́ egheghẹ́ ni awa rọ́ ọ́ nono ikpaghiobọ́.

5

¹ Ọ́ga oyi ekpodalo ugamhi, ni a da rọ́te elemhi egbo zẹ́ kpa, eri a zẹ́ ọ́li ni ọ́ ke migha na wẹ́ ingme ugamhi

eyi Eshinẹ́gba. Ni ọ́ ke riẹ́lẹ́ irona ali iluasobo na wẹ́ shi olamhẹ́ eyewẹ́.

² Ọ́fiẹ́ ọ́ rọ́ọ́ deba eni ẹ́a lẹ́sẹ́ emini aa li, ni ẹ́ẹ́ da ode, itobọ́ khi lọ́li ọ́ li mhọ́li ode ni ọ́a te li gba pfo.

³ Onana o zẹ́ khi egbọ́li ọ́ kpẹ́ luasobo a na shi olamhẹ́ eyọ́li, neni ọ́ luase na egbo nya shi olamhẹ́ oyewẹ́.*

⁴ Ogbokhoghuo, ọ́a ya rue oni okhale ona ni a rọ́ lu ogbo shi Ọ́ga oyi ekpodalo ugamhi. Eshinẹ́gba lolighuo tse ọ́ọ́ lu ogbo, ọ́ rọ́li khi Ọ́ga oyi ekpodalo ugamhi, ezeze abi a li lu Eroni.†

⁵ Ighọ́ iKirisiti ọ́a li mie oni okhale rọ́ lu egbọ́li Ọ́ga oyi ekpodalo ugamhi. Ama Eshinẹ́gba ọ́ọ́ li,

“Omimhẹ́ u khi,

Amo mhi te khi Itẹ́.”‡

⁶ Ọ́ gbo ngme ọ́li shi ashese,

“Ọ́kpodalo-ugamhi oyi Eshinẹ́gba u khi agboagbo,

ezeze ọ́nabi iMekizedeki.”§

⁷ Abi ijesu ọ́ rọ́ la agbo, atsesẹ́ ali iku-ame-ewie alo ijesu ọ́ rọ́ọ́ sọ́ iromhi lema Eshinẹ́gba, ọ́ni ọ́ kha tsumhi ọ́li obọ́ eghuli. Itobọ́ khi eri ọ́ ri egbọ́li tiemhile, ri egbọ́li na Eshinẹ́gba pfo, lọ́li ọ́ rọ́ suọ́ iromhi eyọ́li.*

⁸ Abi o riẹ́ khia khi Omi Eshinẹ́gba ọ́ khi, osoli ni ọ́ me, o rọ́li wẹ́na isuesọ́ na Eshinẹ́gba.

⁹ Abi a rọ́ rọ́li gba pfo se, obọ́ oyọ́li eni e suọ́ esọ́ nali e ke rọ́te mhọ́li imiepfuese na agboagbo.

¹⁰ Eshinẹ́gba ọ́ zẹ́ ọ́li Ọ́ga oyi ekpodalo ugamhi, ọ́nabi iMekizedeki.

Ogbo khi pfi irudunga ona shi eke

¹¹ Emhi ebubu e la ọ́ ni awa ya ngme shi eni ingme enana, ama o ma a munu ni a rọ́ zọ́lo wẹ́-a lo ẹ́ esọ́, itobọ́ khi aa mhọ́li oguẹ́mhẹ́ ni a rọ́ suọ́.

¹² Abi o riẹ́ khia khi a she ramhi eni ẹ́ẹ́ esesẹ́ egboese, ni a rọ́ kie khi eni a sesẹ́ owẹ́na eni odode eyi ingme Eshinẹ́gba eghọ́, ẹ́nyeli o ti ẹ́ egbe a tẹ́ eminale ni o toto ne.

¹³ Onini ọ́ da kiele ẹ́ nye ẹ́nyeli ne, eri ọ́ li abi ọ́mọ́ ni ọ́a lolo mhọ́li ilẹ́sẹ́ shi osesẹ́ igue-ngeli.†

† 4:10 Li zẹ́ Igbae 2.2 * 5:3 Li zẹ́ iLev 9.7 † 5:4 Li zẹ́ Okiali 28.1 ‡ 5:5 Li zẹ́ Iwolo 2.7 § 5:6 Li zẹ́ Iwolo 110.4 * 5:7 Li zẹ́ iMat 26.36-46; iMak 14.32-42; iLuk 22.39-46 † 5:13 Li zẹ́ 1 iKori 3.2

14 Ama eminale ni e toto, eni e womhẹ ẹloe ẹẹ le. Ikhi eni e ri itobọ eni eminale ni e toto ni ẹẹ le ẹghẹghẹ kpa lẹsẹ ikhiọda shi emini o migha shi onete ali onobe.

6

1 Irarigho, a zẹ ni awa je odalo shi osesẹ ni e womhẹloe ni awa pfi osesẹ ni a ro gba ingme eyi iKirisiti eke le. Awa khi ke gbo tiemhi eke je osesẹ ena imupfi rote ikanya ebe lasese, ali osesẹ ena irudunga Eshinegba,

2 ali osesẹ ibatizi, ali irobo-nga ogbo egbe, ali irote eghuli guale oyi eni e ghua, ali osesẹ oyi iguezọ ni ogbo la je obini o ya la agboagbo.

3 O kha ghole Eshinegba awa ya je odalo elemhi owena.

4-6 Egbọ ni e she kpe me akpá, ni e she kpe mie isomhopfa oyi iloghie ghue, ni e kpe mie Ayemhe-no-pfuase, ni e she lẹsẹ onete ni o la ungmehi oyi Eshinegba ali ekpabo oyi agbo ni o o bhale, ni e tigbe tsua irudunga oyewe pfa, o ke zẹ e riele ni a dobe nyene we gbolo bhale imiesu, aborokhia khi eri e she gbolo ta Omi Eshinegba ma apfida utonuzi-eva, ri omama mu o li gboo.

7 Eri awa egbo awa li abi eke. Ini amẹ o ruẹ shi eke ni emhi ekomhi e ro zẹ na oghiale, ikhivose oyi Eshinegba o khi.

8 Ama ini o zẹ igba ali ebuli-a, ogbo o a mholi emini a roli ya riele, o ya la okhena ipfiunu-a oyi Eshinegba ali khi a ya ri erali tose o li-a.*

9 Emole mhe, ini anye rie lina a ngme i, anye lẹsẹ khi o a khi e e o nu ngme, anye lẹsẹ gboo khi emini e ti egbegbo a riele, enabi egbo ẹẹ riele ini a mie we e pfuese.

10 Eshinegba o a ya gbe ogbo azeba. O a ya yele ikanya ni u gbe-a ali inono ni u rokhasẹ khi u nono o li abi u li ri ikpaghiobo na egbo eyoli ni u kiele e kpaghie we.

11 Anye e nono ni ogbogbo o mu omuegbe ni o mholi mhue ya ramhi

ukpese, ni o rokhasẹ abi irudushi oyoli o toto ramhi.

12 Anye e a nono ni a mele ewaza-a, ama ni a ke khonya eni e rote irudunga ali irobo mudu mie ishobo oyi Eshinegba.

Ekha oyi Eshinegba o a ya fiakua

13 Abi Eshinegba o ro tse ekha na Aburaamu, Eshinegba o romhi egboli aborokhia khi ogboese o a ke gbo fu dose o li ni o ke ya romhi.

14 O o li, "Mhi mema ya khi vose ne, mhi ya re mholi eniye ali imi-imi ni e bu."[†]

15 Aburaamu o ri abo mu udu, irarigho o me emini Eshinegba o ro tsekha nali mie.

16 Ini ogbo o tse ekha, ogboese ni o fu dose o li o romhi ni o mu oni ekha migha, eghẹghẹ akhokhomhe o a ke la o, oni ekha o migha.

17 Eri Eshinegba o romhi isheli ro roli khase eni o tse ekha na gboo, khi emini loli ro tse ekha khi loli ya riele o li, khi o a ya fiakua.

18 Irarigho, Eshinegba o ro ri emhi eva ena shi eke; ekha ali isheli ni o romhi. Eni emhi eva ena e a zẹ mupfi irari khi Eshinegba o a tigbe ya lo egbholi ghue. Irarigho awa ni awa she na deba li shi akhukhu, awa ya mholi iregbeda abi awa li mu irudushi oyoli ni o la odalo mhue.

19 Eri oni irudushi ona o li abi azu ni o toto ni o migha gbaa, ni ayemhe oyawa o mhue. Onana o ri awa dobe dose ode ugbakpi ni a ro pfa ode ni o lo ashini o pfuase ne nya-a.‡ 20 Ijesu o she ralo itobo oyawa, o mele Oga oyi ekpodalo ugamhi na agboagbo-a, onabi iMekizedeki.§

7

iMekizedeki okpodalo-ugamhi oyi Eshinegba

1 Oni iMekizedeki ona, oghie oyi eoli iSalẹmu o khi, o gbo khi okpodalo-ugamhi onayi Eshinegba ni o Yagha ne nya. Abi Aburaamu o ro rote okholi ni o la gbe ighie okholi jele, iMekizedeki

* 6:8 Li zẹ Igbae 3.17-18 † 6:14 Li zẹ Igbae 22.16-17 ‡ 6:19 Li zẹ iLev 16.2 § 6:20 Li zẹ Iwolo 110.4

o ya eẹ ọli ode, o so iromhi khivose na Aburaamu.

² Igho Aburaamu o rote itsua ni o rote okhọli ti nya ze aze-oghuo-igbe na li. Emini a ri iMekizedeki ngme khi, "Oghie Igue-ngeli," emini a ri oghie iSalemu ngme khi, "Oghie opfomhe."*

³ Oa mhuẹ ita wekhi inyo, wekhi eri o mhọli unuekpe ni o te lasese, wekhi eri a mhuẹ ashini a keke abi a li bia li ali abi o li ghu-a shi. Abi Omi Eshinegba, Okpodalo-ugamhi oyi Eshinegba na agboagbo o khi.

⁴ Waá me ashini o fu ramhi. Egbegbi Aburaamu oni o gba ushishi egbo iZireni eke le, o ze aze-oghuo-igbe epfue ni o tsua rote okhọli ni o ye na li.

⁵ Eri ushi oo Imi iLiva ni e khi ekpodalo-ugamhi eyi Eshinegba e ke mieno egbo iZireni ni e khi inyoghuo we, aze-oghuo-igbe, aboriekhia khi imi-imi Aburaamu e ga khi.†

⁶ IMekizedeki oa khi omi iLiva, ama o mie Aburaamu aze-oghuo-igbe, so iromhi khivose na li, ikhi omose ni o mie ekha ni Eshinegba o shi na li.

⁷ Akhokhomhe oa la o khi ogbo oni kpeda, oo so iromhi ikhivose na oni o kpoke.

⁸ Eralo-ugamhi eyi Eshinegba ni ee mie aze-oghuo-igbe, egbo ni ee ghu-a e khi. Ama iMekizedeki ona o fu dose we nya itobo khi a gueye awa khi agboagbo o la o le.

⁹ Ogbo dobe e lie khi imi imi iLiva ni ee mie aze-oghuo-igbe, e she li ze oni aze-oghuo-igbe ona rote obọ oyi iti-iti itawe Aburaamu.

¹⁰ Itobo khi eghẹghẹ ni iMekizedeki o ro me Aburaamu, iLiva o kie la elemhi oyi Aburaamu. Ogbo a bia li ne.

Abi Ijesu ali iMekizedeki e li kpo egbe

¹¹ Irari khi ini akanya eghiele ekpodalo-ugamhi eyi Eshinegba, ni Ushi oyi iMosisi o ro migha, ni imi imi iLiva ee gbe, o dobe ri ogbokhoghuo gba pfo lo, aa kha ke gbo ri okpodalo-ugamhi oyi Eshinegba olese lasese, oni o

li abi iMekizedeki, ni oa khi unuekpe oyi iLiva wekhi oyi Eroni.

¹² Irari khi ini a mu eghiele ona ekpodalo-ugamhi eyi Eshinegba pfi, a mema li ya mu ushi pfi.

¹³ Onomhuẹ oyawa ni a ngme ingme oyoli ena, edeli olese o te lasese. Ogbokhoghuo oa rote oni edeli oyoli gbe akanya okpodalo-ugamhi oyi Eshinegba ukhomhi atete ghue.

¹⁴ Awa ga lese gboo khi Onomhuẹ, edeli iJuda o te lasese. IMosisi oa teva oni edeli abi o ro o ngme ungmehi oyi ekpodalo-ugamhi eyi Eshinegba.

¹⁵ Ibhale ni okpodalo-ugamhi oyi Eshinegba olese ni o li abi iMekizedeki o bhale, o rokhasẹ gboo khi ushi oyi Eshinegba o she mu pfi.

¹⁶ Oa khi itobo khi o rote edeli oyi iLiva lasese abi ushi oo a ke li, lolu a ro ze ọli okpodalo-ugamhi oyi Eshinegba, ama itobo khi lolu o mhọli ekpabo ni o ro o la agbo agboagbo.

¹⁷ Itobo khi Ebe-no-pfuase o ngme ọli khi,

"Okpodalo-ugamhi
oyi Eshinegba
ele na agboagbo u khi,
onabi iMekizedeki."‡

¹⁸ Eri a ri obọ gbe ushi oni elele nye, itobo khi oa mhọli ekpabo wekhi eri o gbe akanya.

¹⁹ Irari khi Ushi oyi iMosisi oa dobe ri emhikhoghuo gba pfo. Memena irudushi oni o ti ne a ke ro na awa, ni o ri awa dobe ti bhale mama Eshinegba.

²⁰ Eshinegba o gbo romhi ishe ma o khi iKirisiti khi okpodalo-ugamhi oyi Eshinegba o ya khi agboagbo. Oa romhi isheli abi a ro ri egboese ya le oghie ekpodalo-ugamhi eyi Eshinegba.

²¹ Ijesu tse a romhi isheli ro le eghie abi Eshinegba o re.

"Mhemhe Onomhuẹ
mhi she shi-emuẹ, khi
'Okpodalo-ugamhi oyi Eshinegba
u ya khi agboagbo.
Mhi aa ya da o ghue.'"§

* 7:2 Li ze Igbae 14.17-20 † 7:5 Li ze iNoba 18.21

‡ 7:17 Li ze Iwolo 110.4 § 7:21 Li ze Iwolo 110.4

22 Itobọ oni emue ni Eshinegba o shi, iJesu o ro khili oni iregbenga ni o ri awa mhọli ishobọ onogbo ni o tine.

23 Ikhioda olese ni o gbo la akaghọ khi, ekpodalo-ugamhi eyi Eshinegba ebubu elese e la o egheghe ishobọ onodio. Eghẹghe agho ini okpodalo-ugamhi oyi Eshinegba o ghua, olese o to elolo oli.

24 Ama eri iJesu o la o agbo le agboagbo, akanya okpodalo-ugamhi oyi Eshinegba oyoli, eri o migha agboagbo ni o a ze e kpe na ogboese.

25 Irarigho, o dobe ya tsumhi eni e ri eva oyoli bhale deba Eshinegba zeghele. Itobọ khi eri o la o agboagbo, oo lema na we.

26 IJesu o khi oni Okpodalo-ugamhi oyi Eshinegba ni o kpeda, ni o ri emini awa nono na awa. Oni o pfuase o khi, o a mhọli umhaguekia wekhi olamhe shi egbe. A she zolo li iteva ena olamhe lasela, a yase oli nga yagha dose idane.

27 Oa li abi Ega eyi ekpodalo-ugamhi eyi Eshinegba elese ni e kpe luase obọ oyi igbe-olamhe kua na egbewe elekhele, neni e tigbe e luase na egboese. Iluasobo oghuo iKirisiti o lese luase utoghuo kpele shi olamhe oyi egboese abi o ro ri egboli luasobo.*

28 Egbọ eni mhuẹ ashini o kie kpo we le shi, Ushi oyi iMosisi oo ze shi Oga oyi ekpodalo ugamhi, ama ishobọ ni Eshinegba o ri isheli shi, ni o kpe ukhokho bhale khe Ushi oyi iMosisi, o ro ze Omi Eshinegba, ni a she ro khi oni o gba pfo agboagbo.

8

Oga oyi ekpodalo ugamhi ona Ishobọ onogbo

1 Ozukhomhi emini anye e ngme na. Awa mhọli Oga oyi ekpodalo ugamhi, ni o shito ukiekie obita omhesẹ oyi Eshinegba ni o mhọli ekpabo nya na obini iloghie agboagbo,*

2 ni oo ga abi Oga oyi ekpodalo-ugamhi eyi Eshinegba elemhi Okholo ni a ri ode ghi ni o khi egbegbi igholo

ni o la iloghie, oni Onomhuẹ lolighuo o to, ni o a khi abo eyi egbo a ro to li.

3 Eri a ze eni e kpeda na ekpodalo-ugamhi eyi Eshinegba kpa ni e ri isomhopfa ali iluasobo ke luase. Loli o ze khi Oni o kpeda na ekpodalo-ugamhi eyi Eshinegba oyawa, o mema mhọli emini o li ro ya luase.

4 Agbo o kha la lo, o a kha fe khi okpodalo-ugamhi oyi Eshinegba, aborokhia khi ekpodalo-ugamhi eyi Eshinegba ni e deba ushi oyi egbo iJu e la agho egho.

5 Okholo ni a ri ide to ni e la ga, irokhokho ali aroro oyi emini e la iloghie e khi. Loli o ze khi abi iMosisi o ro ya to oni igholo, khi Eshinegba oo li, "Zobe ni a bhale ya e khi abi a li re we khasẹ ukhomhi ute, u li ya riele we tee."†

6 Ama, memena, akanya okpodalo-ugamhi ni a ro na iJesu, o mu eloe dose oni a ro na ekpodalo-ugamhi enedio, ezeze abi ishobọ ni o migha shi ro gbe akanya o li mu eloe dose onodio, itobọ khi o migha nga ironga eni e ti ne.

7 Ini ishobọ oni odode o a mhọli ashini o kpoli le shi lo, ogbo o a kha ke mhọli emini a ri ishobọ olese e riele.

8 Ama Eshinegba o me ashini egbo eyoli e a kie te gba pfo, loli o re.

"Oni ogbele oo bhale,
ni mhi ro ya shobọ onogbo
na egbo iZireni
ali egbo iJuda.

9 Oa ya li abi ishobọ
ni mhi nu iti-itita we shi,
ogbele ni mhi mu we oobo
rote eke ijipiti ya fie.

Ea ri igesikia deba
oni ishobọ ni mhi nu we shi,
itobọ igho mhi ro
rue we eloe egbe-a.

10 Onomhuẹ oo,
ogbele ni oo bhale,
Ishobọ ni mhi ya shi
na egbo eyi iZireni na,
Mhi ya ri ishi eyemhe
shi we isamhi,
mhi keke oli shi we udu.

* 7:27 Li ze iLev 9.7 * 8:1 Li ze Iwolo 110.1 † 8:5 Li ze Okiali 25.40

Mhi ya khi Ẹshinẹgba oyẹwẹ,
wẹwẹ e khi ẹgbọ eyẹmhe.

11 Ọngẹwẹ ọa kẹ ke sẹsẹ
Ọnuzava ọyọli, wẹkhi eri
ọ ya liẹ inyoghwo ọli,
'Lẹsẹ Ẹshinẹgba.'

Itobọ khi wẹwẹ nya
e ya lẹsẹ mhe,
rọte ọni ọ kpọkẹ nya
ya je ọni ọ funẹ nya.

12 Mhi ya ri olamhe topfa wẹ,
mhi aa ke gbo ya sato
ipfidọ oyẹwẹ.”‡

13 Abi ọ rọ da lu ishobọ onana,
“Onogbo” ẹghọ, o she ri oni odode
mele onodiọ-a. Emini o da mele
onodiọ-a ni o she ẹ womhe, o keleş ya
kele-a.

9

Ugamhi na iloghie ali eke agbo

1 Ishobọ onodode o mholi ishi ni a
rọ ọ ga ugamhi, o gbo mholi igholo ni
a ri ide ghi shi eke agbo.

2 A tọ okhologo ni a ri ide ghi gase shi
elemhi oni igholo. Elemhi owa eva e
la ọ oni okhologo. Elemhi owa ni a kpe
ramhi aa lui, Asha no Pfuase. Akaghọ
a ri emini a ri ákpá ru ẹ nga shi, ali
itebu ni a ri ibuledi ni o pfuase ẹ nga.*

3 Elemhi owa onuzi-eva ni o kpe
oobọ na ode ugbakpi ni a rọ pfa ode-a,
a lui Ashini o Pfuase ne nya.†

4 Aghọ adido igolu ni a la tose ituale
afu ẹra ni ẹ pfie o la. Akpati ishobọ
ni a ri igolu ku o li la Ashini o Pfuase
ne nya. Oni akpati ona, omi utasa
igolu o la ọ ni a ri ibuledi imana a
shi.‡ Aghọ a li ri orokpo oyi Erọni ni
o zẹ ukhuli shi, ali ipẹpẹmhi eche eva
ni a kẹkẹ ishi shi.§* 5 Ikpada na oni
akpati ona, a ma emhi eva ni e li abi
igeni ni e zẹ ipfua shi, ni e sọ alo ghue
ufumhi oyi Ẹshinẹgba. E naghie ipfua
eyẹwẹ-a guese ashini a la ri olamhe ẹ
topfa. Ama ọa khi memena awa ya

mẹ ẹghẹghẹ rọ ke tọno eni emhi ena
nya ramhi udi wẹ pfo.†

6 A kha da she lina ri emhi ọgbogbo
nya shi ashini a rọli ẹ shi se, lọli eni
ẹẹ ralo ugamhi e rọ ọ lo elemhi owa
onodode ya gbe akanya ododa eyẹwẹ
ogbele kpa.‡

7 Ama Ọga ọyi ekpodalo ugamhi
lọlighuo tse ọ dobe ẹ lo elemhi Owa Ni
o pfuase ne nya ni o la ọ. Utoghwo el-
emhi ukpe ọ lẹsẹ ẹ lo akaghọ. Ọlia eni
ọ rọ luasobo na egboali ali ẹgbọese shi
olamhe ni e lamhe elemhi umhalese,
ọọ rue ẹ mholi obo lo akaghọ.§

8 Eri Ayẹmhe-nọ-pfuase ọ ri onana
guele khi, ọgbọ ọa khueghie ode ni o lo
elemhi Owa ni o Pfuase ne nya-a, na
ọgbokhoghwo ne, ini okhologo onodode o
kie migha.

9 Eri emhi enana e khi irokhokho
na awa ẹghẹghẹ ana. Emini onana
o ngme khi irona ali iluasobo eyi
elamhako ni a luase ukpe khi ukpe
khi, ẹa dobe khuese eni e bhale ya ga
Ẹshinẹgba udu-a pfuase, rewe gba pfo.

10 Ingme eminale, ali onyo ali
ikpegbe-a enana e migha shi, ni e khi
ushi na elele. Eri ushi onana o gbe
akanya ramhi ẹghẹghẹ ni Ẹshinẹgba ọ
rọ ri ushi onogbo shi eke.

Ọlia eyi ifesu

11 Ama iKirisiti ọ she bhale abi Ọga
ọyi ekpodalo ugamhi, ni ọ khi ọyi em-
inete ni e she bhale. Ọ she lo elemhi
Okhologo ni a ri ode ghi ni o funẹ ogho
ni o gba pfo, ni o la iloghie, ni ọgbọ ọa
ri abọ tọ wẹkhi eri o la eke agbo.

12 Abi iKirisiti ọ rọte elemhi oni
okhologo lo oni elemhi Owa ni o Pfuase
ne nya, ọa rue ọlia eyi elamhi ali ena
ya luase obo, ama ọlia eyi lẹlighuo ọ
rue utoghwo kpele rọ mie ipfasheke
na agboagbo na awa.

13 Eri ọlia eyi elamhi ali ena, ali
emuẹ eyi ozele ẹna ni a tose-a, ni áá

‡ 8:12 Li zẹ ifere 31.31-34 * 9:2 Li zẹ Okiali 26.1-30; 25.31-40, 23-30 † 9:3 Li zẹ Okiali 26.31-33 ‡ 9:4
Imana khi eminale ni Ẹshinẹgba ọ rọte idane ruese kule abi amẹ na eniye iZireni abi e rọ rọte ijipiti vu
je eke ishobọ, ni a lu iKena § 9:4 Eri orokpo onayi Erọni ni a ngme ena ni o she khakha o kie zẹ ukhui
onogbo. * 9:4 Li zẹ Okiali 30.1-6; 25.10-16; 16.33; iNoba 17.8-10; Okiali 25.16; iDeut 10.3-5 † 9:5 Li zẹ
Okiali 25.18-22 ‡ 9:6 Li zẹ iNoba 18.2-6 § 9:7 Li zẹ iLev 16.2-34 * 9:13 Li zẹ iLev 16.15-16; iNoba
19.9, 17-19

miatse ku egbo ni ea pfuase, o rewe khi eni e pfuase idiegbe.*

14 See oia eyi iKirisiti ea ke lie li dobe khuese udu oyawa-a pfuase, rote ikanya ni ee pfi eghuli. Ikhi oni o rote ekpabo Ayemhe oyi Eshinegba ri egboli na Eshinegba abi iluasobo ni o gba pfo itobo olamhe eyawa-a, ni awa dobe ke ga Eshinegba ni o la o agboagbo.

15 Itobo ona iKirisiti o ro migha iteva Eshinegba ali egbo ri ishobo onogbo ona gbe eke, egheghe agho ni eni Eshinegba o lu, e li mie ugu na agboagbo ni Eshinegba o ro nga. Onana o ya ze li, itobo khi o ghu eghuli ni o ro gbe olamhe ni egbo e lamhe egheghe ishobo onodode kua.

16 Ini ogbo o keke shi eke abi a li ya kemhi ugu oyoli se, ni o ro ghua, a mema ya me oli me gbo khi o she ghu-a neni ogbokhoghuo o ya me emhikhoghuo le ugu.

17 Irari khi emhi afue oni ebe ni a keke abi a li ri ugu ya kia o ya khi, ini oni o keke oli o da kie la agbo ne. Ama ini o ghu-a se, a ro tigbe ri oli e gbe akanya.

18 Ona o ze khi ishobo onodode oa kha ze ro gbe akanya ini oia oa ma o lo.

19 Abi iMosisi o ro ze ishi eyi Eshinegba ye eni egbo se, o rue oia eyi ena ali elamhi, o ku amehi shi o. O rue uguabo oora ni a khili oolu opfopfo shi, o roli miatse eni oia shi oni emini a keke ishi nya shi, o gbo li miatse ku egbo nya.

20 Oo we, "Oia eyi oni ishobo na, ni Eshinegba oo awa ro ghu."†

21 Igho o gbo li miatse eni oia shi oni owa ugamhi ali emhi nya ni a ro la o riele ugamhi.‡

22 Abi o li, khi, eri ushi oo a ri oia ri emhi nya khi eni e pfuase, ali khi ini aa li ri oia luase, irolamhe-topfa oa la o. §

23 Owa Oyi Eshinegba na eke agbo ni a lina ri oia ro khi oni o pfuase, irokhokho oyi owa ugamhi na obini

iloghie o khi. Ama emini e la obini iloghie, iluasobo oni o tine a mema ro ya rewe shi ipfuase.

24 IKirisiti oa lo elemhi okhoro ni a ri ode ghi ni egbo e ri abo ma ni o khi irokhokho eyi egegbewe. Ama iloghie o ri ochogho ya lo, ni o la migha odalo oyi Eshinegba na awa memena.

25 Wexhi eri iKirisiti o lo iloghie ya ri egboli luasobo iti-ingmingme, abi Oga oyi ekpodalo ugamhi o lie tsua oia eni ea khi eyoli e lo elemhi Owa ni o Pfuase ne nya, ukpe-khi-ukpe ya luase.

26 Igho o kha khi lo, eri iKirisiti o kha me osue iti-ingmingme abi a te ma agbo. Ama oa khi igho. Eri o bhale utoghwo tse abi oni egheghe o ro gba, ni o ro ri egboli luasobo ro rue olamhe ode-a.

27 Ezeze abi ogbo o lie ghu-a utoghwo tse, o kha da ghu-a se, o bhale shi iguezo.

28 Igho a li ri iKirisiti luasobo utoghwo kpele ni a ro shishi olamhe oyi ebubu egbo-a. O ya gbo bhale utonuzi-eva. Oa khi ni o ro gbo tsua olamhe, ama ni o ro tsumhi eni e migha a khe oli.*

10

Iluasobo utoghwo kpele oyi iKirisiti

1 Ugamhi onodi o ni a ga egheghe Ushi oyi iMosisi, aroro oyi eminete ni e bhale e khi. Ea khi wewe e khi egegbewe we. Eni iluasobo ni a kpe luase egheghe agho ukpe kpa, ea tigbe dobe ri ipfuase ni o gba pfo na eni bhale odalo oyi Eshinegba ya ga ugamhi.

2 Ini eni iluasobo ee dobe ri eni egbo pfuase lo, a kha yemhe eni iluasobo a? Irari khi e kha ri eni e bhale ya ga pfuase utoghwo kpele, ni udu oyewe oa ke mholi umhaguekia.

3 Ama eri eni iluasobo e yeke egbo olamhe eyewe le ukpe khi ukpe.

4 Irari khi oia eyi ena ali elamhi ea dobe rue olamhe ode-a.

† 9:20 Li ze Okiali 24.6-8

‡ 9:21 Li ze iLev 8.15

§ 9:22 Li ze iLev 17.11

* 9:28 Li ze Aza 53.12

⁵ Irarigho, abi iKirisiti o ro ya bhale agbo, oo Eshinegba, "Iluasobo ali isomhopfa e a ghole e.

Ama u she ri idiegbe na mhe, ni mhi ri ungmehi oye gbe akanya.

⁶ Iluasobo eni a tose ali iluasobo igbe-olamhe kua e a tigbe ti e eloe.

⁷ Igho mhi re, 'Ghe mhe ana, Eri mhi bhale ya rieje oghumhe oye, Eshinegba.' **

⁸ O te eke ya ngme, oo, "Iluasobo ali isomhopfa e a ghole e, wekhi iluasobo eni a tose ali iluasobo igbe-olamhe kua e ghole e, wekhi eri e ti e eloe." Ama khi a lese khi eri ushi oo a mema ligho ke rieje we.

⁹ Igho o ke re, "Ghe mhe ana Eshinegba, eri mhi bhale ya rieje oghumhe oye." Eri o ri obo ri iluasobo eni elele shi eke, o ri iluasobo oyi iKirisiti to eloli we.

¹⁰ Itobo khi iJesu iKirisiti o rieje oghumhe oyi Eshinegba, loli o ze ni a ro ri iluasobo ni o ri idiegbe oyoli luase utoghuo kpele khuese awa nya olamhe-a pfuase.

¹¹ Elekhele, ekpodalo-ugamhi eyi Eshinegba nya e ro gbe ikanya ugamhi eyewe, eri e rieje eni iluasobo gbo rieje iti ingmi-ingme, ama e a tigbe dobe rue olamhe ode-a.†

¹² Ama abi iKirisiti, oni okpodalo-ugamhi oyi Eshinegba ona, o ro luasobo utoghuo kpele oyi igbe-olamhe-kua ni o khi oyi ona agboagbokpa, ni o ro shito obita oyi Eghiele oyi Eshinegba.

¹³ Agho o ke shito migha a khe eghenge ni Eshinegba o ro ya ri ebe oli mele akphawe-nga eyoli-a.‡

¹⁴ Irari iluasobo utoghuo kpele ni o luase o ro ri egbo eni o rote olamhe pfuase khi eni e pfuase agboagbo.

¹⁵ Ayemhe-no-pfuase o gbo pfi otsele shi ona ye awa. Oni odode, oo,

¹⁶ "Ishobo ona mhi ya nu we shi.

Onomhue o ngme gho khi, oni eghenge ogho o kha ramhi, mhi ya ri ishi eyemhe shi we udu, mhi keke oli shi we ayemhe."§

¹⁷ O ke gbo ro ma o khi, "Mhi aa ke ya sato olamhe ali ikanya ebe eyewe."*

¹⁸ Irarigho, a kha she da ri ena topfa se, ogbo oa ke gbo mholi emini a ri iluasobo irue-olamhe ode-a ya rieje.

A ze ni awa ti bhale deba Eshinegba

¹⁹ Irarigho, inyoghuo-mhe, aborokhia o lia eyi iJesu e ri igbedu na awa ro lo Ashini o Pfuase ne nya egho,

²⁰ ikhi ode onogbo ni o mholi agbo, ni o ri awa te ode ugbakpi ni a ro pfa ode-a a dose.

²¹ Abi o ro gbo li khia khi awa mholi okpodalo-ugamhi oyi Eshinegba oniemhi ni oo mheshe shi Owa ugamhi oyi Eshinegba na iloghie egho,

²² awa ri udu igesikia ali irudunga ni o migha gboo ti bhale deba Eshinegba. Awa gbo mholi udu ni a ri imiatse o lia eyi iKirisiti ro khi ipfuase ni e a ke mholi umhaguekia, ali awa mholi idiegbe ni a ri ameh khuese-a pfuase.†

²³ Awa mu irudushi ni awa guele khi awa mholi mhue gagaga, irari khi Eshinegba ni o shobo na awa, oni a ri egbe e nga o khi.

²⁴ Awa ke sa abi awa li ya ke ri udu shi egbe o, ni awa ke rieje inono ali awa gbe ikanya enete.

²⁵ Awa khi ti egbe ilona oyi egbawa je ukhoko, abi egbo eghuo e e li, ama, awa totobo ke ri udu shi egbe o, aborokhia khi u me khi Ogbele oyi Onomhue o shi ti e bhale.

²⁶ Irari khi iluasobo olese oa ke gbo la o ni o ya rue olamhe ode-a, ini awa mema famhi e lamhe, ikpukhoko khi a she kpe gue oni igesikia ye awa ne.

²⁷ Emini egbo eghogho e ke ya shito ke khe khi iguezo ni o ri ulishi e mu ali erali na biobiobio, ni o ya pfuse eni e a ya suo eso na Eshinegba-a.‡

* 10:7 Li ze Iwolo 40.6-8 † 10:11 Li ze Okiali 29.38 ‡ 10:13 Li ze Iwolo 110.1 § 10:16 Li ze ijere 31.33 * 10:17 Li ze ijere 31.34 † 10:22 Li ze iLev 8.30; Ezik 36.25 ‡ 10:27 Li ze Aza 26.11

28 Onini o da gbe Ushi oyi iMosisi-a, ni a ro da ri oli gue ezọ, ni o ro da lue ne, ni a ro me otsele egbo aava okekhi aase, eri a gbe oli-a, ni o a mholi ilelemhi. §

29 Se u sa khi a kha li nase eni e ri awe wu Omi Eshinegba eke-a, ni e ri ukpeloe gbe oia ni Eshinegba o ro riele ishobo, ikhi oia ni o khuese we olamhe-a pfuase, ali eni o khia khi eri e ze emuebe na Ayemhe Okhale?*

30 Irari khi awa lese oni oo, "Mhemhe mhi ya nase eni e lina ngeli, Mhi ya fali oru," ali oni o gbolo e, "Onomhue o ya ri egbo eyoli gue ezọ."†

31 Irari khi emhi okhena o khi ni ogbo o ro ya pfi obo lo ingme oyi Eshinegba ni o la o.

32 A ke sato eghegehe ni a ro lese mie oni akpa, ni a ro migha mu imiesuo oye e mhue, aboriekhia khi aa na e ukpokpomhi osoli shi o.

33 Isheghuo, eri egbo e ga la igbaa a pfi itsue manya e, a mu okholi vule shi e o. Isheghuo, a kugbe egbo elese ni a ligho mu okholi vule shi o.

34 Elemhi eni e la oga ighumha ee ala e. Abi a ro ri itoto mie e itsua, aa khako, a ri oghere rue we obo-a na we, itobo khi a lese khi a mholi itsua eni e tine ni e ya la o agboagbo.

35 A khi tsua igbedu oye pfi, irari khi o ma mholi eleli oniemi.

36 A mholi iregbemie, ni a bhale ya e khi ini a dobe riele oghuemhe oyi Eshinegba se, ni a mie emini o ro nga na e.

37 Irari khi Ebe-no-pfuase o ngme oli khi,

"Ini o rie tese ukuku o,
Oni o ya bhale o ya bhale,
o ya tese.

38 Ama eni Eshinegba o pfa na, irudunga e ro ya ke la agbo, ama ini ongewe o nyene egbe ukhokho, elemhi ea ya timhe deba li."‡

39 Awa aa li abi eni ee nyene egbe ukhokho ni e ya pfua, ama eni e miesuo ni a mie pfuese awa khi.

11

Irudunga

1 Mena, irudunga khi, ini ogbo o a mholi akhokhomhe shi udu shi emini o ri udu shi eke e khe, ali ni ogbo ro mholi oli shi udu gueguegue khi emini aa me ne khi e la agho.

2 Irudunga ona, o ri egbo enede le eva onete odalo oyi Eshinegba.

3 Awa lese khi irudunga ona, Eshinegba o ro ri ungmehi oyoli ma emini awa me eloe nya. Ni a ro bhale ya e khi, a rote emini aa ya me eloe riele emini a me eloe.*

4 Irudunga, o ri Ebeli ri iluasobo ni e ti dose eyi iKeni na Eshinegba. Rote irudunga oyoli, Eshinegba o ro mie obo shi o khi ogbo ni o mholi angeli onete o khi, abi Eshinegba o ro ngme onete irona eyoli. Irudunga ona o ri Ebeli kiele ngme, abi o ro ririe ghua.†

5 Irudunga a ro rue Enoki agbo vu, ini o khi me eghuli. Ogbo o ke me oli, irari khi eri Eshinegba o rue oli nga idane. Neni a rue oli vu, o mholi otsele khi ogbo ni o ri egbe mu Eshinegba o khi.‡

6 Ogbokhoghuo o dobe ya riele emini e ri egbe e mu Eshinegba, ini o a mholi irudunga. Irari khi neni ogbo o ya bhale deba Eshinegba, o mema mholi irudunga khi o la agho, khi loli o somhi eni e kugbe-a nono oli opfa.

7 Irudunga o ri iNoa, abi o ro suo agua ni Eshinegba o tse ye oli shi emini aa me ne, roli ri ikugbe-a ali ulishi oyi Eshinegba, khali oko-okhe oniemi ni o pfuese apfe oli. Irudunga oyoli o ri umha miesuo oyi eni egbo na agbo khase gboo, ni o ro mie ikhivose itobo khi irudunga oyoli o ti Eshinegba eloe. §

8 Irudunga o ri Aburaamu vule abi Eshinegba o ro lu oli o vule ke je ashini loli shobo khi loli ro ya na li le ugu. O

§ 10:28 Li ze iDeut 17.6; 19.15 * 10:29 Li ze Okiali 24.8 † 10:30 Li ze iDeut 32.35,36 ‡ 10:38 Li ze Abak 2.3-4 * 11:3 Li ze Igbae 1.1; Iwolo 33.6,9; ifon 1.3 † 11:4 Li ze Igbae 4.3-10 ‡ 11:5 Li ze Igbae 5.21-24 § 11:7 Li ze Igbae 6.13-22 * 11:8 Li ze Igbae 12.1-5

rõte eke oyõli vu, abi otseku khia khi òa lẹse obini ọọ je.*

⁹ Irudunga o rõi ngeli eke ishobo abi ọpfe. Ọọ la ifui okholo, igho li khi Aziki ali iGiekọpu, ni e ga le ugu oni ekha oghuo.†

¹⁰ Irari khi eri ọ ri ẹloe shi eke khe ẹoli oni o mhõli irõgbeke, ni Ẽshinẹgba ọ vi ali ni ọ gbo khi atsona oyõli.

¹¹ Irari irudunga a rõ ri Aburaamu dobe khi ita eniyẹ abi ọ rõ ririye rõ she dose oni eghẹghe ni ọ kha la dobe bia omọ ali ni iSera ọ rõ khi aga. Irari khi ọ lẹse khi Ẽshinẹgba ni ọ shobo nali khi ona igesikia ọ khi lo.‡

¹² Rõte obọ oyi Aburaamu, ni ọ li abi oni oyõli o she pfo se, a te me imimi ni ẹa zẹ leli abi ikpõtata na idane ali ekhashe na ese okẹ oniemi.§

¹³ Agbọ irudunga ẹgbọ ena e kie la ramhi ni e rõ ghua. E kie miesuo khi wewe e ya mie emini a rõ shobo na we. Eri e lẹse li rõte odonue pfi alo o me we odalo, o ri egbe mu we. E lama shi ọ khi ena ẹoli oboese ali epfe wewe e khi shi elemhi eke agbo.*

¹⁴ Ini ẹgbọ e da lina ngme ne, eri o rokhasẹ khi ẹoli oni e ya ke lu oyewe ẹẹ nono.

¹⁵ Ini eri ẹoli ni e rõte vu kha o la we udu lo, e kha mhõli eghẹghe rõ mu egbe pfi je obini e te vu.

¹⁶ Eri ẹoli ni o tine o ri okiamhi i gbe we, oni o khi ona iloghie. Irarigho, ọa ri omama mu Ẽshinẹgba khi ee lu lue Ẽshinẹgba oyewe, irari khi ọ she mu egbe ẹoli shi eke khe we.

¹⁷ Irudunga o ri Aburaamu ri Aziki luasobo, abi Ẽshinẹgba ọ rõ mu ọli fe bino. Lõli ni ọ she mie oni ekha, ọọ nono ni lõli ri omi ọli ọtuoghuo kpe luasobo,†

¹⁸ aboriẹkhia khi Ẽshinẹgba ọ gueye ọli khi, “Rõte Aziki u te ya mhõli imi imi e.”‡

¹⁹ Eri Aburaamu ọ sa li shi udu khi

Ẽshinẹgba ọ dobe ya rõte eghuli guise ọgbọ le. Eri o li abine khi eri oni Aziki ọ ghu-a egho, ni o rõ li abine khi eri Aburaamu ọ rõte eghuli gbo mie Aziki.

²⁰ Irudunga o ri Aziki ku isemhe na iGiekọpu ali iSo shi emini a ya me odalo.§

²¹ Irudunga o ri iGiekọpu abi ọ rõ ya ghu-a sọ iromhi na imi iJosefu avava, ọ da abo na Ẽshinẹgba abi ọ li kie ri egbe da orokpo oyõli.*

²² Irudunga o ri iJosefu, abi ọ rõ ya ghu-a ngme ingme abi eniyẹ iZireni e li rõte eke ijipiti ya vu shi eke. Ọ guele shi eke abi a ya li igua eyelue.†

²³ Irudunga o ri eni e bia iMosisi rõi sheli ramhi iki ese abi a rõ bia li se, irari khi ọa khi omọ na tse, ulishi ọa mu we ni e rõ ri ukpeloe gbe omhesẹ oyi oghie.‡

²⁴ Irudunga o zẹ khi abi iMosisi ọ rõ fu vule se, khi ọa lama a ke lu lue omi omi iFero onokpotso.§

²⁵ Ọ lama khi lõli ya nu ẹgbọ eyi Ẽshinẹgba me osoli, ocho ni lue rõ ya li agbọ olamhe ukuku eghẹghe.

²⁶ Ọ bino ọli khi, omama ni ọgbọ ọ ri itobọ iKirisiti ẹẹ me o mu ẹloe dose epfue na ijipiti nya. Itobọ khi eleli ni o la odalo ọ ri ukpeloe shi.

²⁷ Irudunga o rõi rõte ijipiti vu, ni o khia khi ulishi elemhi ibibi oyi oghie ọa mu ọli. Itobọ khi o li abine khi eri ọọ me Ẽshinẹgba ni aa ya me ẹloe, lõli ọa rõ mu egbe pfi.

²⁸ Irudunga o rõi ri Ukpe iPasova na iri-ọlia to ogbhele kọ, ni ọ re, eniyẹ iZireni e miatse ọlia ku shi ogbhele, ini aḡeni eghuli ọ khi gbe emodiọ eyewe-a.*

²⁹ Irudunga o ri ẹgbọ iZireni dobe da okẹ oniemi ni a lu Okẹ Ifulo, abine khi eni e rõte eke ifufu dose. Abi ẹgbọ ijipiti e rõ li mu ọli fe, khonya we, oni okẹ o to we lue.†

† 11:9 Li zẹ Igbae 35.27 ‡ 11:11 Li zẹ Igbae 18.11-14; 21.2 § 11:12 Li zẹ Igbae 15.5; 22.17; 32.12

* 11:13 Li zẹ Igbae 23.4; 1 Okhe 29.15; Iwolo 39.12 † 11:17 Li zẹ Igbae 22.1-14 ‡ 11:18 Li zẹ Igbae 21.12 § 11:20 Li zẹ Igbae 27.27-29,39-40 * 11:21 Li zẹ Igbae 47.31; 48.1-20 † 11:22 Li zẹ Igbae 50.24-25; Okiali 13.19 ‡ 11:23 Li zẹ Okiali 2.2; 1.22 § 11:24 Li zẹ Okiali 2.10-12 * 11:28 Li zẹ Okiali 12.21-30 † 11:29 Li zẹ Okiali 14.21-31 ‡ 11:30 Li zẹ ijosh 6.12-21

30 Irudunga o ri ugbe ni a khi gasẹ iJeriko de ya gbe abi egbo iZireni e ro kia gasẹ ọli se ogbele ishilua.‡

31 Irudunga a ro tsumhi iRé-àbu ni o khi adegbe ni ọa ro nu eni ẹa suọ esọ na Eshinegba pfua. Irari khi egbo iZireni ni a ghie e ka bẹna tokpe oni eke bino, o mie we shi owa.§

32 Seẹ mhi ke gbo ya ngme ma o? Mhi kie ke zono we? Eghẹghẹ ọa la o na mhe ni mhi ro ya ngme ingme oyi iGidioni, iBaraki, iSamusi, iJefita, iDefidi, iSamueni ali emekeguele eyi Eshinegba.*

33 Irudunga e ro mu omhesẹ eyi ighie le, e mhesẹ na egbo abi Eshinegba ọọ li nono ọli shi. E mie emini Eshinegba o tse ekha na we. E guese inu eyi idu,†

34 e pfuse erali ebe-a, e na pfue eghuli ogbhorọ. O losẹ we, ama e toto-a, e khi idenomọ elemhi okhọli, e pfuse ekhọli-okhue eyi ẹoli oboese-a.‡

35 Irudunga, ikpotso e ro gbo mie egbo eyewe ni a rote eghuli guise le bhale agbo.§

Egbo elese e ri egbe mie ugbemhi obe, ẹa lama a wolọ wewe abo-a, ama e ghu-a shi ugbemhi obe, itobo khi e ri udu shi irote-eghuli-guale bhale agbo ni o tine.

36 Eghuo o, a rewe li egia, a gbe we itali, a so eghuo igha ro shi oga ighumha.*

37 A tono we eche, a ri iso kie we shi asha eva, a ri ogbhorọ gbolo we-a. E ri ekuẹ elamhi ali isumha ku egbe, e khi ena umha me, a nase we, a li we umumume.†

38 Egbo ni agbo ẹa lu emhi eni egbo ena e khi. E dudu kia kia ifui odagbe ifufu ali ikhomhi ite abi eni ẹa mhọli apfe, ee la elemhi irui ali ifui ese na elemhi eke.

39 Itobo irudunga oyi enana a ro kueghie we, ama ongewe ọa kie mie emini Eshinegba o shobo.

40 Itobo khi Eshinegba o she mhesẹ emini o tine shi eke e khe awa, eghẹghẹ agho e kha kugbe awa o, o ri awa ali wewe gba pfo.

12

1 Aborokhia khi ebubu otsẹ eyi ingme agbo irudunga e she lina le gasẹ awa ena, awa tsua emini ẹẹ zu awa ode ku-a ali olamhe ni e kele ti awa je ukhokho. Awa ze ni awa ri iregbemie ke na oni unamhi ni a roshi awa odalo.

2 Awa ri ẹloe shi iJesu egbe ke bino ọli, oni o khi igbaekele ali oni o ri irudunga oyawa gba pfo. Oni o ri itobo oghẹ oni a ro shi eke e khe ọli, ri egbe mie eghuli na apfida, o ri ukpeloe gbe omama ni o la apfida ya me. Mena, o she shito obita ukpekhomhi Eghiele oyi Eshinegba.

3 Pfi ukpeloe ke bino loli ni o ri egbe mie ibiselemhi ni me obọ oyi egbo olamhe, ini o khi losẹ e ni o pfanọ ku e alo.

4 Inu-olamhe khe abo oye, ọa kie re ramhi oyi eghuli ne.

5 Eri a she yele ungmehi iyude ni Eshinegba o nu e ngme-a, abi imi ọli eni emose ali eni ikpotso? Ni o le.

“Omi mhe, khi ri
 ẹloe gbe isheshe shi ode
 oyi Onomhue,
 ali a khi ze ni
 egbe pfo e-a
 ini o sheshe e shi ode,

6 Irari khi eni Onomhue
 o nono ingme oyewe
 ọọ sheshe shi ode,
 ogbokpa ni o lama
 khi omioli lue khi
 ọọ na osoli.”*

7 Ri egbe mie ini a sheshe shi ode, eri Eshinegba ọọ riẹle e abi imi ọli. Mhie ii, omọ onoghuo itali ọa ya sheshe shi ode?

8 Ini aa sheshe e shi ode abi a lie sheshe omọ kpa shi ode, eri o rokhasẹ

§ 11:31 Li ze iJosh 2.1-21; 6.22-25 * 11:32 Li ze Egezo 6.11-8.32; 4.6-5.31; 13.2-16.31; 11.1-12.7; 1 iSam 16.1-1 Ighie 2.11; 1 iSam 1.1-25.1 † 11:33 Li ze iDan 6.1-27 ‡ 11:34 Li ze iDan 3.1-30 § 11:35 Li ze 1 Ighie 17.17-24; 2 Ighie 4.25-37 * 11:36 Li ze 1 Ighie 22.26-27; 2 Okhe 18.25-26; iJere 20.2; 37.15; 38.6 † 11:37 Li ze 2 Okhe 24.21 * 12:6 Li ze iJobu 5.17; Ekpi 3.11-12

khi waa khi egbegbi omiṣi ama ọmọ ni aa lẹsẹ ọni ọ bia li u khi.

⁹ Itawa ena agbọ ẹa ya sheshe awa shi ode, ni awa rọ kiele ẹ mu ekpe na we? Elo o ze ni awa aa ke rọ lili ẹ ze ni ọni ọ khi Itawa elemhi ayemhe ọ li sheshe awa ni awa mholi egbegbi agbọ?

¹⁰ Ukuku egheghe itawa ena agbọ ẹ sheshe awa shi ode abi ọ ti we eloe shi, ama itobọ onete oyawa Eshinẹgba ọ rọ sheshe awa shi ode, ini awa nu ọli mholi okemhi shi ipfuase oyoli.

¹¹ Isheshe shi ode okhoghwo ọa ya violọ egbe, ama eri ọọ to. O kha ke deṣe, o ri ọni a lighọ sese ingme ẹ ngeli angeli enete, ali ọ gbo mholi opfomhe.

¹² Irarigho, abọ eye ẹ ni o losẹ ali ikhomhegbhe eye ẹ ni ẹ kpheli rerere, a zese we-a.†

¹³ A ke kia ode ni o sheshe talala, ni a ri eni e cheghele awe-a ze, ocho ni e rọ ya de.‡

¹⁴ A roshẹka odekhode ni a nu ogbokpa la agbọ opfomhe, ni a gbo la agbọ ipfuase, irari khi ogbokhoghwo ni ọa mholi ipfuase ọa ya me Onomhue.

¹⁵ A roshẹka ini onge ọ khi khi ọni okhale oyi Eshinẹgba ọa ramhi obọ ali a khi ze ni iyese-elemhi-a o ze shi ẹ iteva ni ọọ pfi ingme obe rọ pfueche egboese-a.§

¹⁶ Ogbokhoghwo ọ khi khi ọni ọọ ku itsebo, we onge okhoghwo ọ li abi iSo ni ọa mholi ayemhe oyi Eshinẹgba, ni ọ ri itobọ eminala utoghwo kpele ri ugu odiọ oyoli de.*

¹⁷ A lẹsẹ khi eṣelese, abi ọ ke rọ ọ nono ni loli mie oni ikhivose, a kie ọli. Itobọ khi ọa ke me asha mu udu pfi, abi ọ tseku ke ri amẹ evie nono ọli.†

¹⁸ Irari khi aa bhale ute ni a dobe ri obọ ọ ti, onabi ute iSinai ni egbo iZireni e ke bhale, ni elemhi erali o la a de biobiobio, ni obili ulishi o la, ali ni okiki olitsa o la khili eke,

¹⁹ ali ni akala o la de limhilimhi, ni uruli oniemi o la a ngme, ni egbo ni ẹ

suo oni uruli e rọ lema oni ungmehi o kpesẹ agho.‡

²⁰ Itobọ khi ẹa dobe ri egbe mie ushi ni a shi na we ni ọọ, “Ini o riẹ khia khi elamhako ọ ri egbe ti oni ute, a mema ya tono ọli eche gbe-a.”§

²¹ Eri emini a me agho o lolo ri ulishi mu ramhi ni iMosisi ọ re, “Ulishi oniemi o ga mu mhe!”*

²² Ama, mena, a she bhale ute iZayo, ali ọli oyi Eshinẹgba ọni ọ la ọ, iJerusalemu ona iloghie ali obini ilegba oghẹle oyi igeni upfoleli.

²³ A she bhale igbaa oyi eni e mie iJesu iKirisiti suo oyi emodiọ eyi Eshinẹgba, eni a keke eva oyewe shi iloghie. A she bhale deba Eshinẹgba ni ọ khi osọ-ezọ oyi egbo kpa, ali a gbo bhale deba ayemhe oyi egbo enete ni a rọ khi eni e gba pfo.

²⁴ A she bhale deba iJesu ọni ọ ri ishobọ onogbo ko, a gbo bhale deba ọlia ni a miatse ku, ni ẹ ngme emini e ti dose emini ọlia eyi Ebeli e ngme.†

²⁵ A mu egbe ẹ ini a khi kie ungmehi oyi ọni ọ nu ẹ ngme. Ini eni egbo ẹa dobe pfue ọ, abi ẹa rọ ri ungmehi oyi ọni ọ la agbo tse agua ye we gbe akanya, se u sa khi awa li ya pfue ọ, ini awa aa ri ungmehi oyi ọni ọ rọte idane tse agua ye awa gbe akanya.‡

²⁶ Eri uruli oyi Eshinẹgba o nighise eke agbo egheghe agho, ama mena, ọ she shobọ, ọọ, “Ọa khi eke agbo tse mhi gbo ya nighise utoghwo shi ọ, ama li shi ukhui.”§

²⁷ Eri ungmehi ni ọọ, “Utoghwo shi ọ,” o rohasẹ gboo khi emini a ma nya, khi a ya nighise we, a rue we ode-a, ni a bhale ya ẹ khi emini ẹa ze nighise e ke kpole.

²⁸ Irarigho, aborokhia khi awa a mie omhese ni ọa ze nighise egbo, a ze ni awa ke kphemhi, awa ri ekpe ali ulishi ga Eshinẹgba abi o ti shi,

† 12:12 Li ze Aza 35.3 ‡ 12:13 Li ze Ekpi 4.26 § 12:15 Li ze iDeut 29.18 * 12:16 Li ze Igbae 25.29-34
 † 12:17 Li ze Igbae 27.30-40 ‡ 12:19 Li ze Okiali 19.16-22; 20.18-21; iDeut 4.11-12; 5.22-27 § 12:20
 Li ze Okiali 19.12-13 * 12:21 Li ze iDeut 9.19 † 12:24 Li ze Igbae 4.10 ‡ 12:25 Li ze Okiali 20.22
 § 12:26 Li ze Agai 2.6 * 12:29 Li ze iDeut 4.24

²⁹ irari khi Ẹshinẹgba oyawa erali op-fuse o khi.*

13

Ugamhi ni o ghọle Ẹshinẹgba

¹ A kie ligho ke nono ingme oyi egbe e abi inyoghuo.

² A ke sato mie epfese shi owa, a mu we epfese. Irari khi egbo eghuo ee ke ligho, ni e ro mu egbo eghuo epfese, ni ea lese khi igeni e khi ni wewe e mu epfese.*

³ A ke sato eni a mu shi owa ighumha egbe abine khi eri a nu we la agho. A ke sato egbo eni a na osoli egbe abine khi eri a li nu we me oni osoli.

⁴ Omose ali ughue oli e mu ekpe shi angeli oyewe. Omose ali ughue oli e khi li egbe le. Irari khi Ẹshinẹgba o ya gue eni e ku itsebo ali eni e kia okia ezọ.

⁵ Zobe ni agbo oye o nuata shi oghumhe ukpago, ze ni emini u mholi o ke khuese e. Irari khi Ẹshinẹgba o o li,

“Mhi aa tigbe ya ze obo,
mhia ya tsue pfa ghue.”†

⁶ Loli o ze ni awa ro ya ri igbedu li,

“Onomhue o khi
okpaghiobo oyemhe,
mhia ya tigbe na ulishi.

Elo ogbo dobe ya li mhe?”‡

⁷ A pfi elo bino eni e ralo na e ena elele. Eni e ri irudunga gue ungmemhi oyi Ẹshinẹgba ye e. A sa je abi e li ngeli ramhi ni e ro ghua, ni a ke khonya irudunga oyewe.

⁸ Ijesu iKirisiti, abeghuo o khi, ode, amo, ali agboagbo.

⁹ Khi ze ni ose e egbholi ododa e tsua e udu vu. Irari khi okhale o ri udu oyawa ze-a, o a khi ni a ri ushi eminale gbe akanya, ni o a kpaghie eni e rewe gbe akanya obo.

¹⁰ Ama awa mholi atete ni ekpodalo-ugamhi eyi Ẹshinẹgba na

elemhi owa ugamhi oyi egbo iJu ea mholi afu ya rote le emhi iluasobo.§

¹¹ Eri Oni o kpeda na ekpodalo-ugamhi eyi Ẹshinẹgba oyi egbo iJu o o tsua o lia eyi elamhako lo elemhi Asha-no-Pfuase ne nya ya ro luase obo shi olamhe irotopfa, ama eri a rue eni idiegbe eyi eni elamhako fie ifui apfe je odagbe ya tose-a.*

¹² Onana o ze ni ijesu o ro li ghu-a shi ikhokho apfe, ni o ro ri o lia eyoli ri egbo khi eni e pfuase.

¹³ Irarigho, a ze ni awa le deba li ikhokho apfe ni awa nu oli me omama ni o me.

¹⁴ Irari khi agbo oola, awa aa mholi eoli ni o la o agboagbo, ama eoli ni o ya bhale awa ri ukpeloe shi eke e khe.

¹⁵ Awa ri irarigho rote ijesu ke ri iluasobo ikuoghi na Ẹshinẹgba. Ini awa ligho, eri awa pfi otsele shi o khi loli o khi Onomhue.

¹⁶ A khi yele onete iriele-a, ali ni a gbo ke kpaghie egbe obo, irari khi enana khi iluasobo ni e lie ti Ẹshinẹgba eloe.

¹⁷ A ke suo eso na eni e ralo na e, a ri egbe e tiemhie na omhese oyewe. Eri e ri ukpeloe shi e egbe abi eni e ya rokhase abi e li gbe. A ke suo eso na we ni akanya ni ee gbe o ri oghela na we, ini o khi khi itsua na we, irari khi u wa mholi eleli ni u ya me o.

¹⁸ A ke lema na anye. Anye lese khi udu oyanye o pfuase, anye gbolo e ngeli ke mu ekpe shi egbe anye egbe odekhode.

¹⁹ Mhi gbo ga lolo lema e, a lolo lema Ẹshinẹgba o gbo remhe kele nyene egbe bhale deba e.

²⁰ Mhi lema Ẹshinẹgba ona opfomhe, oni o ri o lia oyi ishobo na agboagbo rote eghuli guise ijesu Onomhue le, ikhi Orisumha-kia oniemhi oyi isumha ogho.

²¹ O ri eminete nya shi e egbe ni a ro ke ri ele oghumhe oyoli. O gbo gbe

* 13:2 Li ze *Igbae* 18.1-8; 19.1-3 † 13:5 Li ze *iDeut* 31.6,8; *iJosh* 1.5 ‡ 13:6 Li ze *Iwolo* 118.6 § 13:10 Emini onana o ngme khi, ‘Awa mholi atete ni o khi apfida ni ijesu o la ri idiegbe oyoli luasobo. Ama egbo ni ee sa khi iluasobo ni a luase elemhi owa ugamhi oyi egbo iJu, e te ya mholi imiepfuese, ea mholi okemhi shi oni atete ona.’ * 13:11 Li ze *iLev* 16.27

ikanya eni e ti ọli ẹlo e shi awa egbe, rọte obọ oyi iJesu iKirisiti, ni ọ mholi ufumhi na agbọagbọ. Atse.

²² Inyoghwo-mhe, mhi lema e, a kuegbe-a ri esọ shi oni usomhi irudushọ ona, irari khi ebe ni mhi keke ghi e ena ọa lolo nuata.

²³ Mhia nono ni a lese khi a she rue iTimoti inyoghwo awa ọgba ighumha lasale. Ini ọ kele bhale, mhi ya rọli bhale ya me e.

²⁴ A tse eni ee ralo na e nya, ali egbo eyi Eshinegba nya. Inyoghwo awa eni e la Itili ee tse e.

²⁵ Okhale oyi Eshinegba o ka nu e nya la. Atse.

Ebe ni iJemhisi O keke

¹ Mhemhe iJemhisi ni mhi khi oni o o ga oyi Eshinegba ali oyi iJesu iKirisiti Onomhue mhia keke ebe ona ghi egbo eni e miesuo, ni e la edeli igbeva eyi egbo iZireni, ni e gbhiaku elemhi eke agbo nya.*

Mhi tse e.

Ke ghele elemhi imufe

² Inyoghuo-mhe, leli oli shi emhi oghela ini imufe ododa e bhale debe.

³ Irari khi u lese khi ini a da mu irudunga oye fe bino ne, iregbemie oye o ya me asha fu-a shi o.

⁴ Zobe ni iregbemie oye o gbe akanya oyoli pfo, ni a mholi iwomhelo, ni o gba pfo, ni a khi eni ingeli enete ea baku.

⁵ Ama ini onge o nono egbhali, o mhila Eshinegba ni o pfo elemhi ro o na ogbokpa, ni o ya me umha-guekia oyi ogbo. O ya roli na li.

⁶ Ama ini o mhila, o mholi irudunga ni o mhue akhokhomhe, irari khi oni mholi akhokhomhe, eri o li abi izughuse oyi oko oniemhi ni akpekpeli o pfi e kia.

⁷ Ogbo oghogh o khi sa khi loli me emhikhoghuo ya mie ob oyi Onomhue.

⁸ Ogbo ozidu eva o khi, o ya ri ele emini o mu ame.

Epfue ali umhame

⁹ Eni e mie iJesu iKirisiti suo ena umhame e ke ghele irari khi e ma ghale ukpeloe oyi Eshinegba.

¹⁰ Igbaa oyi eni e mie iJesu iKirisiti suo ni e pfue, e ke ghele ini agbo o ke ti we tiemhile. Irari khi eri epfue e ta a kua abi udodo.

¹¹ Irari khi ini ovo o ngale khi o to, eri o tose ebuli a, e khakha-a, idodo eyewe e de kua, isomhotse eyewe o yese a. Igho, oni o pfue o li ya ta kua,

abi o li na ya nga na ya tiemhi shi akanya oyoli.†

Imhese-bino ali imufe

¹² Ikhivose o khi na ogbo ni o kie migha ini o mholi imufe, irari khi ini o dobe ri egbe mie, o ya mie arula oghie oyi agbo na agboagbo, ni Eshinegba o she shobo khi loli ya ro na eni e nono ingme oyelu.

¹³ Ini a mu ogbo ligo fe bino, o khi lie khi, "Eshinegba o mu mhe e fe." Irari khi ogbo o ri onobe ya dobe mu Eshinegba fe, wekhi eri loli o mu ogbokhoghuo e fe bino.

¹⁴ Ama oghuemhe eyawa ni e di awa mu, e ri awa mholi imufe.

¹⁵ Eghenge agho oni oghuemhe o kha me, o bia olamhe, ini olamhe o fu, khi o te, o bia eghuli.

¹⁶ Inyoghuo-mhe a khi ze ni a di e.

¹⁷ Isomhi-opfa onete kpa ni o gba pfo, idane o te bhale, obini oyi Ita ni o ma ikpa na idane, o rote e tiemhile. Oni o ya mu pfi abi aroro ni o je oola je oob.

¹⁸ Oghuemhe oyoli o ro ri ungmehi igesikia oyoli ri awa bhale agbo, ini o me asha ri awa khi imomhi eni odode elemhi emini o ma nya.

Iso-ungmemhi oyi Eshinegba ali iroli-gbe akanya

¹⁹ A sato ona inyoghuo-mhe, ogbokpa o kele ke suo ungmehi, ama o khi kele ke ngme unu, o khi gbo kele ke mhue elemhi ibibi.

²⁰ Irari khi elemhi ibibi oyi ogbo o ri ogbo o mholi igue-ngeli oyi Eshinegba

²¹ Irarigho, a ti egbe ingeli ichimhi-a ali ingeli ingmobe ni e sha e ma-a. A ri egbe e tiemhile na Eshinegba, a ri eloe shi ungmehi oyoli, ikhi oni a ro ko e udu, ni o dobe ya mie e pfuese.

²² A khi khi eni e lese ri eso suo tse ni e di egbe we, a ri ochogh o ke ri emini a suo gbe akanya.

²³ Oni o ri eso suo oni ungmehi ni o ri ele emini o ngme, eri o li abi oni o le ya bino egboli ughegbe abi loli li.

* 1:1 Li ze iMat 13.55; iMak 6.3; Ika 15.13; iGal 1.19 † 1:11 Li ze Aza 40.6-7

24 O kha bino egboli se, o vu agho le, aghoaghо o yele abi o li-a.

25 Ama ogbo ni o bino elemhi ushi ni o gba pfo ni o rue ogbo o le, ni o kiele e riele emini o ngme, ni o a yelea abi oni ushi o ngme, a ya khivose na li emiemini o riele kpa.

26 Ini onge e o rue egboli khi ona ugamhi loli khi, ni o a ro lolo mu elemhi oyoli mhuе kpе, egboli o di. Ugamhi afue o ga.

27 Ugamhi ni o pfuase ni o mholi ifue ni Eshinegba Ita awa o mie loli o khi, ni u ro ri ukpeloeh khu imi-olimhi ali esamhi-olimhi ini e me osoli. Ali ni ogbo o mu egboli ini agbo o khi ri ichimhi mu oli.

2

A khi zolo egbe e

1 Inyoghuo-mhe, ini u mie iJesu iKirisiti Onomhuе oyawa ni o mholi ufumhi oniemhi suo, a khi riele khi onana o kpe mhe ne.

2 Ini a fe bhale ya e khi ogbo ni o pfue ni o so ukpekhuhi oyi igolu ali ide eni e somhotse, o lo ilegba oye le, ali ni a ro gbo me khi ona umhame o so ijeje ide li lole.

3 Ini u ri ekpe na oni o so itsua ni e somhotse ne, ni u ro lie oli, "Bhale ya shito ashini o ti ne," ni u ro lie ona umhame, "Migha oobo," okekha khi eri u we oli, "Shito ekekhe epfe awe eyemhe." O fe ti gho?

4 Aa she riele azolomhe deba egbe e egho? Aa gbolo ri isamhi ebe e gue egbe e ezо egho?

5 A ri esо shi mhe eke inyoghuo-mhe, o a khi eri Eshinegba o she ze ena umhame ukpeloeh agbo, ni e mholi epfue oyi irudunga, ali ni e mholi okemhi shi ugu eghiele ni o ro shobo na eni e nono ingme oyoli?

6 Ama u she me ena umhame bie. O a khi eri eni epfue e li e le? O a khi wewe e re e ye ikotu?

7 O a khi wewe e ri unu e yese eva onete oyi iJesu iKirisiti-a oni a kugbe o?

8 Onete wa riele ini u ri ushi ni o mu egbe ne nya, ni o la Ebe-no-pfuase gbe akanya, ni o o, "Nono ingme oyi onuzava oye abi u li nono ingme egbe e."*

9 Ama ini u riele azolomhe, u she lamhe, ushi o gbo pfa ezо mu e khi oni o gbe ushi-a u khi.

10 Irari khi onini o da ri ishi nya ghue ni o pfi do elemhi ushi oghuo tse, ishi enekpole nya o gbe-a.

11 Irari khi oni o o, "Khi kia okia." Loli o gbolo e, "Khi gbe ugbeli." Ini u wa ririe kia okia, ni u ro da gbe ugbeli ne, ogbushia u khi.†

12 A ke ngme ungmehi, aa ngeli abi egbo eni a ri ushi inono ya gue we ezо, ikhi ushi oni o ri epfua a na ogbo.

13 Irari khi Eshinegba o a ya mholi ilelemhi na ogbo ni o a ya mholi ilelemhi, ele ni Eshinegba o roli ya gue ezо. Irari khi ini u mholi ilelemhi, eri u ya ke ghele ini a re e gue ezо.

Irudunga ali iro-gbe akanya

14 Inyoghuo-mhe ini ogbo guele khi loli mholi irudunga, ni o a ro mholi iro-gbe akanya, onete onoghuo o ya li nali? Imiesuo oghoghо o a ya dobe tsumhi oli?

15 Ini a fe bhale ya e khi inyoghuo awa oni omose okekhi okpotso o a mholi itsua ni a so ali eminale ni o ya le ogbele.

16 Ni onge o ro gueye oli, "Ke vu, o ya ti ne, Eshinegba o khi ze ni ulili ali okiamhi o ne osoli", ni o a ro mholi emhi khoghuo ni o riele na, ighe onete ni o riele?

17 Eri o li abine khi ogbo mholi irudunga ni o a roli gbe akanya. Irudunga lueghuo tse ni a ri akanya ma, irudunga oni o ghu-a o khi.

18 Ama a dobe ya me khi ogbo o o li, "U mholi irudunga, mhemhe mhi gueye oli khi irogbe-akanya mhi mholi." Ri irudunga oye khasе mhe ni o a mholi akanya igbegbe, mhemhe mhi ya ri emini mhi riele ro ri irudunga oymhe khasе e.

* 2:8 Li ze iLev 19.18 † 2:11 Li ze Okiali 20.13,14; iDeut 5.17,18

19 U miesuo khi Eshinegba oghuo o khi, oo ti gba. Egbegbi ayemhe eyi okphaghię e mie ona suo, eę na ulishi, eę guo.

20 Yeye omose ooyeghe, eri u wa nono ni a gbo gue oli ke ye, khi irudunga ni o mholi akanya igbegbe, khi afue o khi?

21 Oa khi emini ititawa Aburaamu o riele a ro roli lie khi oni o pfuase o khi, abi o ro ri omi oli Aziki luase obo ukhomhi atete?‡

22 U me oli khi irudunga ali irogbekanya oyoli e ga gbe akanya kugbe, emini o riele o ri irudunga oyoli gba pfo.

23 Loli o ze khi emini Ebe-no-pfuase o ngme o ro bhale ya tse ni oo, "Aburaamu o mie Eshinegba suo, a leli oli nali shi ipfuase", A lu oli omole Eshinegba.‡

24 U me oli egho khi emhi ni ogbo o riele a ro lie khi ogbo ona ipfuase o khi, oa khi irudunga tse ogbo o ro khue pfuase.

25 Igho o gbo li egbe oyi iRé-àbu ni o khi adegbe. Emini o riele o roli khue pfuase odalo oyi Eshinegba. Abi o li mu egbo iZireni ni e bhale ya tokpe eke bino epfese. Ni o gbo kpaghię we obo ni e ro me asha na rote ode oboese vu.*

26 Irarigho, abi idiegbe ni oa mholi ayemhe o li khi oni ghua, igho irudunga ni oa mholi akanya o li khi oni ghua.

3

Ekpabo oyi elemhi

1 Emole mhe, eę nya a khi ya khi eni eę sese, irari khi a lese khi anye ni anye khi eni eę sese egbo, a ri ezọ oni o ze ne nya na ya gue.

2 Awa nya awa mholi ashini awa te pfi do. Ama ini ogbo oa pfi do elemhi ungmehi oyoli ghue, ogbo oni o gba pfo o khi, ni o dobe e mhese ni idiegbe oyoli nya.

3 Eri a so achi aghekpe unu ni o ke suo eso na awa, loli o ze khi awa dobe nga li e je obini o ghole awa.

4 Gbo li sa ingme oko oke oniemi bino, ashini o gbedi ramhi egho, ni o khia khi akpekpeli oniemi o kha rie e li, ukuku akhuli, oni oo gua li o ro mu oli ukhomhi e pfi je obiobini o ghole oli.

5 Igho elemhi o li li. Ashini o she ramhi elemhi idiegbe oyi ogbo, o ma pfi okhorobo.

Sa o ghue, abi ukuku akhuere o lie ma ere osha.

6 Eri elemhi o li abi erali. Emhi obe o khi ni o la elemhi idiegbe ogbo. Eri oo yese ogbo-a nya ode khi ode. Ilimhi irierie oni erali ogho o te bhale elemhi.

7 Elamhako nya e ze e mu abo, ghe ipfeli o, ghe eni e tialo akpidi eke o, ghe elamhako ena oke o, ogbo o dobe e mu we abo.

8 Ama ogbo khoghuo oa dobe ya mu elemhi abo. Eri o li abi osue enye obe ni oo gbe.

9 Oni elemhi awa ro o kuęhię Ita awa Onomhue. Loli awa gbo ro o ku itse na egbo ni a ro khokho Eshinegba ma.*

10 Ikuęhię ali itse ikuku e rote unu oghuo e lasele. Oa kha khi igho inyoghuo-mhe.

11 Ame eni e ti unu ali ame ni ea ti unu ea dobe ya rote unupfie oyi oke oghuo ke chocho lasele.

12 Inyoghuo-mhe, okhua-eni o fe dobe ya mo udumhi olivu? Wexhi eri olomu iba o dobe ya mo udumhi okhua-eni? Igho oke oni oo chocho ame ugbheli, oa dobe ri ame eni e ti unu ya lasele.

Iku ileasingme eva

13 Oghuo o elemhi e o khi otsegbhe ni o mholi ilese? Oni ogbo o ri angeli onete oyoli roli khase, ikhi onete ni o ri iregbe-tiemhile ni o rote ileasingme bhale riele.

‡ 2:21 Li ze Igbae 22.1-14 § 2:23 Li ze Igbae 15.6; 2 Okhe 20.7; Aza 41.8 * 2:25 Li ze iJosh 2.1-21

* 3:9 Li ze Igbae 1.26

14 Ama ini u mhọli ayemhẹ ubogbo ali emhi-itoegbe shi udu oye, khi vuse ipfua shi o, ni u roli kie oni igesikia.

15 Ilesingme oghoghọ o a khi iloghie o te bhale, ama onayi agbo ona o khi, ni o a rote Ayemhẹ-no-pfuase bhale, el-emhi ayemhẹ oyi okphaghie o te lasese.

16 Ashini ubogbo ali emhi ituegbe o da la ne, ozughu ali emhi ebe ododa, e ma la akaghọ.

17 Ama egbhe ali ilese ni o te idane bhale, eri o kpe te eke pfuase, o nono opfomhe. Eri o kuegbe-a, o ri egbe oli e tiemhile na ogbokpa pfo, o mhọli elemhi-iamhe, o ri umomhi angeli onete e khashe. O a ya gbe azeba, o mhọli igesikia.

18 Eni e nono opfomhe ni e ri ayemhẹ opfomhe ri onete ko, ikhiese oyi ipfuase ee me.

4

A ri egbe e na Eshinegba pfo

1 Elo o o pfi okholi ali uwola a na e? O a khi itobo oghuemhe, ni e la e udu nu e a kholi o ze ni a ro nu egbe e kholi?

2 Emhi o o ghole e, ama aa mhọli oli. A gbe ugbeli, a mhọli eloe-iamhe ama a dobe mhọli emini ee ghole e. A kha wola, a kholi. Aa ya mhọli emini a nono, irari khi aa mhila Eshinegba.

3 A kha mhila, aa ya me mie, irari khi usamhi obe a ro shi udu ke mhila, ini a ba me asha ri emini a mhila ro li agbo shi egbe.

4 Ee ni a khi egbo ni e li abi okpotso ni o o kia okia, eri aa lese khi ini emhi agbo o ghole e dose, khi obe Eshinegba a khi? Onini o da ze agbo ona omole ne, obe Eshinegba o khi.

5 Eri u dabi khi afue Ebe-no-pfuase o ngme oli khi, eri ayemhẹ ni Eshinegba o ro shi awa egbe o o kpe ofuma egbegbo, ni o khia khi eri o nono ni awa khi oyi Eshinegba pfo nya.

6 Ama eri Eshinegba o khi ma okhale na awa. Onana o ze ni Ebe-no-pfuase o ro lie,
“Eri Eshinegba

o mu okholi e vule shi
oni o ti egbe oli e nga o.

O o somhi elemhi

oni o ti egboli e tiemhile.”*

7 Ri egbe e tiemhile na Eshinegba pfo nya. Tseshe ku okphaghie o ti kia ne, khi o ya na ne.

8 Ti bhale deba Eshinegba, khi o ya ti bhale debe. A kpe abo eye e-a, ee ena olamhe, a ri udu oye e shi eni e pfuase, ee ezidu-eva.

9 Vie osoli, vie oya, mu egia oye mele evie-a, u gbo mu oghelẹ oye pfi bhale iyese udu-a.

10 Ti egbe e tiemhile odalo oyi Onomhue, khi o ya ti e nga.

11 A khi ke yese egbe eva inyoghuumhe. Ini u da yese onuzava oye ni a ga mie iKirisiti suo eva-a ne, ni u ro da gue oli ezọ, ushi wa ze ifue, ni u wa gue ezọ. Ini u gue ushi ezọ, wa ke khi oni o ri ushi e gbe akanya! Ama oni o gue oli ezọ u ke khi.

12 Eshinegba lolighuo tse o khi oni o rue ushi na agbo ni o o gue ogbo ezọ egbe-a. Lolighuo tse o dobe a tsumhi, ni o dobe a gbe-a. Oghuo u sa khi u khi ni u wa gue ogboese ezọ?

Awa khi ke tono obọ udu

13 A suo mhe, yeye ni u we, “Amo okekhi akọ awa ya ye eoli ona okekhi ogho, awa ya la oobọ elemhi ukpe oghuo, awa la oobọ gbe akanya ona ali ogho, awa gbe ukpagho tima.”

14 Waa lese emini ogbe na akọ o ngme ne, wekhi emini a ya me akọ. Se u lese abi agbo oye o ya li? Eri u li abi otughunu ele uzogbe ni o o lasese ukuku eghẹghe, o gbo kala-a.†

15 Eri u kha ri ochoghọ lie, “Ini o ghole Onomhue, awa ya la agbo, awa li ona ali ogho.”

16 Mena eri u wa tono obọ udu, waa ti ipfuabọ nga. Itonobọ-udu eghoghọ nya e a gbe akanya.

17 Irarigho, onini o da lese onete ni o kha ri ele ni o a ro da ri ele oli ne, olamhe o khi na li.

* 4:6 Li ze Ekpi 3.34 † 4:14 Li ze Ekpi 27.1

5

A tsē agua yē eni e pfue, ni ē nasē eni ēa pfue.

¹ Ghe ii, ēe eni a pfue, a vīe, a vīe oya irari osoli ni ōo bhale na ē.

² Ēpfue eyē ē, e she k̄e a, ali khi esele e she rē ē ide le.

³ Igotu ali ēlomho eyē ē, e she mu oghuoghuo-a. Oghuoghuo ni e mu, e ya pfi ōtsēle mu ē, a ya na ē osoli to ō irari khi u ti ikpagho ma leghe na egbe ē ya ramhi memena.*

⁴ Waa fali ēgb̄o eni e gbe ikanya ishemhi oyē nē ifata ne. Ēe vīe, ēe wōlo. Evīe oyi eni e nu ē khīēē itsua ishemhi, o she ramhi es̄o eyi Ēshinēgba ni ō funē nya ni ō mhūē ekh̄oli-okhūē na iloghie.†

⁵ Eri u la agb̄o ē li agb̄o nyafunyafu, u li agb̄o ō tsua kua. Wa le ōkp̄o, ali ōfōlo, u gb̄edi-a lōogh̄o abi ēlamhi ni a mu ya gbe-a.

⁶ U she pfa ēzō ugbeli mu ēgb̄o eni ēa mhūē abi e li, u gbolo wē-a. Wewē na, ēa dōbē līē khi wewē a lama shi ē ō.

Irab̄omudu elemhi osoli

⁷ Irarigh̄o, inyogh̄uo, ri ab̄o mudu ramhi ibhale oyi On̄omhūē. Bino ghuē abi oghiale ō līē migha k̄hē egh̄ēgh̄ē ni ishemhi e la bie. Abi ō li ri ab̄o mudu ni otsukpe o de, ni oruamē o r̄o le.

⁸ Yēyē li ligh̄o ri ab̄o mu udu abi oghiale. Lolo ri ukp̄elōe shi ekē, u migha gbagbagba irari khi ibhale oyi On̄omhūē o ti bhale.

⁹ A khi ke mē umha-gūeli oyegbe inyogh̄uo-mhē, ini a khi guē ē ēzō. Os̄ēzō ō ga ti mama awa memena.

¹⁰ Inyogh̄uo-mhē, a ke kh̄onya emekēguele ni ēe ngme na On̄omhūē. Eri e ri ab̄o mudu ini o rīē khi e ya mē osoli.

¹¹ A she kp̄ē lēsē khi eni a khiv̄osē na, anye ē lu ēgb̄o eni e ri egbe ē mie. A she kpē sūō eko iJobu abi ōo ri egbe mie t̄esē. A mē emini Ēshinēgba ō

rīēlē na li ikpukhokho. On̄omhūē, ona il̄ēlemhi ō khi.‡

¹² Inyogh̄uo-mhē, oni o mu egbe nē nya khi, khi romhi iloghie ali ekē agb̄o ali emhese. Zē ni, “Ii oyē o khi ii, u zē ni iyē oyē, o khi iyē.” Ini a khi mē asha pfa ēzō mu ē. §

Iromhi ni a ri irudunga so

¹³ Ini on̄gēē ō la elemhi omunu, o lema Ēshinēgba. Ini on̄gēē ōo gh̄ēlē, o to uwolo ikuēgh̄iē.

¹⁴ Ini on̄gēē ōo ghua, o ka lu egbhali ni e la igbaa oyi eni e mie iJesu iKirisiti sūo, ni e sō iromhi na li, e ri eva oyi On̄omhūē ri oili to ōli egbe.*

¹⁵ Egh̄ēgh̄ē agh̄o, ni iromhi ni e ri irudunga so, ni o ri ōli zē. Ni On̄omhūē ō r̄otē ughuamhi mu ōli vule. Ini o lamhē olamhē, On̄omhūē ō ya r̄o topfa li.

¹⁶ Irarigh̄o, a zōnō olamhē eyēē yē egbe ē, a lema na egbe, ni a rē ē ze. Eri iromhi oyi ōgb̄o ni ō la ipfuasē o migha a gbe akanya egbegb̄o.

¹⁷ Ogb̄o onabi awa, Elaja ō khi. Eri o te ekelemhi udu lema egbegb̄o. Oō amē o khi ruē, amē o mu oni ekē elemhi ikpē es̄ē ali ukhukhui.†

¹⁸ O gbo lema, ōo amē o ruē, amē o ruē, ekē o ri emhi ēk̄omhi zē lasele.‡

¹⁹ Ini on̄gēē ē ō pfi egbegbi odē oyi Ēshinēgba shi ekē, no ōgb̄osē ō r̄o mu ōli nyenē bhale ukhokho,

²⁰ sato ō khi, on̄ini o mu ona olamhē r̄otē odē ēgb̄h̄oli oȳoli pfi, o ya tsumhi ayemhē oȳoli ob̄o eghuli, o guesē olamhē ebubu na li. §

* 5:3 Li zē iMat 6.19 † 5:4 Li zē iDeut 24.14-15 ‡ 5:11 Li zē iJobu 1.21-22; 2.10; Iwolo 103.8 § 5:12 Li zē iMat 5.34-37 * 5:14 Li zē iMak 6.13 † 5:17 Li zē 1 Ighie 17.1; 18.1 ‡ 5:18 Li zē 1 Ighie 18.42-45 § 5:20 Li zē Ekpi 10.12; 1 iPit 4.8

Ebe onodode ni iPita O keke

¹ Mhemhe iPita aghiusomhi na kee oyi iJesu iKirisiti mhi keke ebe ona ghi e egbo ni Eshinegba o ze, ni a khi epfese shi elemhi eke agbo, ni a mitase ku asha khi asha eke iPontusi, ali iGalesha ali iKapadosha ali Esha, ali iBitinia.

² Eri Eshinegba ita o ze e abi o li ghole oli shi, o rote ikanya eyi Ayemhe-nopfuase khuese-a pfuase ni a ke suo eso na iJesu iKirisiti ali ni o ri o lia eyi iKirisiti re e khi egbo oda shi ugamhi oyoli.

Opfomhe ali okhale ni e gbeku o, e ka nu e la.

A kuoghi Eshinegba shi Irudushi ni o mhue agbo

³ Awa kuoghi Eshinegba, ita iJesu iKirisiti Onomhue. Itobo ilelemhi oniemi ni o mholi na awa o ro rote eghuli guise iJesu iKirisiti le. Onana o ri agbo onogbo ali irudushi ni o mhue agbo na awa.

⁴ Lori o li ri awa ri eloe shi eke e khe ugu ni Eshinegba o ro shi agho o khe egbo eyoli. Iloghie o re we shi ne, ni o khi asha ni ea la ke-a, ni ea la pfueche, wekhi eri e ya taa.

⁵ Eye e eni ugu ena e khi, ikhi ee ni a mholi iregbenga, ni Eshinegba o ri ekpabo eyoli khukhu shi e khe imiepfuese, ikhi imiepfuese ni a ya rokhase ikpukhokho agbo.

⁶ A ze ni onana o ri egbe ke mu e ini o tseku khia khi a ya mholi iyeseudu- a ukuku eghenge irari imhese bino ebubu ni a ya me.

⁷ Eri a ri ena mu e fe bino ni a me ini egbegbo irudunga oye e o khi. Igotu ni o li opfu-a, erali a ro o mhese oli bino ni a me ini egbegbo o khi. Igho a ya li mhese irudunga oye ni o mu eloe dose gotu bino, ni a me asha

mie ekpe ali ikueghie ali ufumhi ele ni iJesu o ya nyene egbe bhale.

⁸ A nono ingme oyoli, a gbo mie oli suo, aboriekhia khi aa me oli eloe ghue. A mholi oghete oniemi ni unu oa dobe e ngme.

⁹ Itobo khi u mholi imiepfuese elemhi ayemhe oye, o ze khi a miesuo, a regbenga li.

¹⁰ Eri emekeguele ngme ingme okhale ni oo bhale deba e, e kuebega guan o bie abi Eshinegba o li ya mie egbo eyoli pfuese, onana o ze ni e ro ngme angme-shi-ekpe oyi oni imiepfuese ona.

¹¹ Ayemhe oyi iKirisiti ni o la emekeguele udu o gueye we abi iJesu o li ya me osoli, neni o ya me ufumhi oniemi, eghenge ni e ro ngme ungmehi ameguele. E roshaka guan o ni e lese oghuo o ya khi oni iKirisiti ali abi eni ingme e ga li ya de nyaa.

¹² Eshinegba o rokhase eni emekeguele khi oa khi itobo eleli oyewe a ro ri emhi ena khase we ama irari oye e. Memena, eni emekeguele e she gue eni ingme ena nya ye e, abi ekpabo Ayemhe-nopfuase ni o rote iloghie bhale o li gue we ye we. Eri igeni e lili nono ni wewe e li me eni ingme ena.

A ke la angeli ipfuase

¹³ Irarigho, a bino angeli bie ke ngeli ni a mu egbe shi ugamhi oyi Eshinegba, a ke te eloe eke, a ri udu oye e shi isomhelemhi ni a ya me ogbele ni a ya ri iKirisiti khase.

¹⁴ Abi eniye ni ee suo eso na Eshinegba ni o la iloghie, a khi nyene egbe ukhokho je angeli ni u kpe ngeli neni a lese ungmehi oyi Eshinegba.

¹⁵ Lese khi Eshinegba ni o lu e, o ma pfuase ni a li gho mholi ingeli ni e pfuase shi emiemini a riye nya.

¹⁶ Ebe-no-pfuase oo, "Ze ni u khi oni o pfuase, itobo khi mhemhe mhi pfuase."*

¹⁷ Ini o khia khi Ita wa lu Eshinegba ini u wa so iromhi, ikhi ita ni oa ya gbe

* 1:16 Li ze iLev 11.44,45; iLev 19.2; iLev 20.7

azẹba ini ọọ gue ẹzọ, ri ekpẹ ali ulishi ke ga li aborokhia khi ọpfese eke agbọ u khi eghọ.

¹⁸ Irari khi a lẹse khi ọa khi emhi nabi igolu ali ẹlomho ni ẹẹ li opfu-a a rọ pfa ẹ shi eke, lase elemhi imu ali angeli afue le, ni eni e bia ẹ e roshi eke na ẹ.

¹⁹ Ọlia ni e ghale eyi iJesu iKirisiti, ni ọ khi omi osumha ni ọa mhue ichimhi, a rọ luase obọ na awa.

²⁰ Ẹshinẹgba ọ zẹ ọli neni a ma agbọ, ọ gbo ri ọli lasele khase ẹgbọ ikpukhokho agbọ ni awa la ena, irari oyẹ ẹ.

²¹ Obọ oyi iJesu a te mie Ẹshinẹgba suọ ni ọ te eghuli guise oni iJesu le, ni ọ gbo ri ufumhi oniemi na li, irarighọ a mhọli irudunga ali irudushi na Ẹshinẹgba.

²² Aborokhia khi a she ri udu eye ẹ khi eni e pfuase eghọ, abi a ri ungmehi igesikia a gbe akanya, ni a rọ mhọli inono na egbe ẹ abi a ga miesuọ, a kie lighọ ke nono ingme egbe ẹ.

²³ Irari khi ungmehi oyi Ẹshinẹgba ni o mhue agbọ na agbọagbọ a rọ riẹle ẹ bia, ọa khi emini ẹẹ pfua a rọ riẹle bia.

²⁴ Ebe-no-pfuase o ngme ghọ khi,

“Eri ẹgbọ nya
e li abi ebuli.

Eri isomotse oyewe
o li abi udodo.

Ini ebuli o khakha-a,
udodo e de ọ kua.

²⁵ Ama eri ungmehi
oyi Ẹshinẹgba o laọ agbọagbọ.”†

Ona o khi usomhi onete ni a tse abo ye ẹ.

2

Ẹche ni o mhọli agbọ ali ushishi no pfuase

¹ A she riẹle ẹ bia, irarighọ, khi kono onobe shi elemhi deba ọgbọ, khi ke lo ẹgbhọli, khi ke ngeli ingeli abamemhe, khi ke do ọgbokhoghuo

okonyo ali khi ke ngme ungmehi yese ọgbọ-a.

² Ochoghọ, zẹ ni angeli oyẹ ẹ e li abi oyi emofẹ. Okiamhi egbegbi amẹ inyeli eyi ayemhe ni o khi ungmehi oyi Ẹshinẹgba, o ke gbe ẹ. Eni a kha da, o reẹ fu shi imiepfuese,

³ mena ni a she mu Onomhue fe bino ni a me ọli me khi ọọ ti.*

⁴ Abi a li bhale deba Onomhue ni ọ khi eche no mhue agbọ, ni ẹgbọ e kie, ama Ẹshinẹgba ọ zẹ ọli, ọ mu ọli ẹloe.

⁵ Ighọ, ẹẹ abi eche ni e mhue agbọ, a rọ tọ owa ayemhe, ni a khi ekpodalougamhi eyi Ẹshinẹgba ni e pfuase, ni a ke luasobo ena ayemhe eni e ghọle Ẹshinẹgba, rọte obọ oyi iJesu iKirisiti.

⁶ Irari khi Ebe-no-pfuase ọọ,

“A bino khi mhi ri
eche gbe eke shi iZayo,

echeli ebẹ ni o mu owa mhue,
ni mhi zẹ ni o mu ẹloe.

Oni ọ da ri egbe da li ne,
ọa ya me omama.”†

⁷ Irari khi eche ona oni o mu ẹloe o khi na ẹẹ ni a mie ọli suọ. Ama eni ẹa mie ọli suọ, o khi,

“Eche ni itsona e kie,
ni o tigbe mele oni
o mu ẹloe ne nya-a.”‡

⁸ “Onana o kie gbo khi
eche ni ebubu ẹgbọ

e ya kholo awe shi
ukpokpomhi eche
ni o ya pfi we gbe.”

Itobọ khi ẹa ri ungmehi oyi Ẹshinẹgba gbe akanya e rọ de. Abi o kha li we o li eghọ.§

⁹ Ama eni Ẹshinẹgba ọ zẹ a khi, ni a khi ekhemhue ni ẹẹ ga Ẹshinẹgba, ushishi na ipfuase, ẹgbọ enayi Ẹshinẹgba, ni a rọ me asha ri ikuẹghie na oni ọ rọte alo ebili lu ẹ lasele bhale akpá ni o somhotse oyoli.*

¹⁰ Eghẹghẹ ni o dose aa kpẹ khi ẹgbọ eyi Ẹshinẹgba, ama memena, ẹgbọ eyi Ẹshinẹgba a ke khi, aa kpẹ mhọli ilelemhi na ẹ, ama memena Ẹshinẹgba ọ she mhọli ilelemhi na ẹ.†

† 1:25 Li zẹ Aza 40.6-9

* 2:3 Li zẹ Iwolo 34.8

† 2:6 Li zẹ Aza 28.16

‡ 2:7 Li zẹ Iwolo 118.22

§ 2:8 Li zẹ Aza 8.14-15

* 2:9 Li zẹ Okiali 19.5-6; Aza 43.20,21; iDeut 4.20; 7.6; 14.2; iTatọ 2.14; Aza 9.2

† 2:10 Li zẹ Osia 2.23

Ighumha eyi Eshinegba

¹¹ Emọle mhe, mhi lema e, ee abi epfese ni a la elemhi agbo ona, a lase oghuemhe ni e khi eyi olamhe le, ni e mu okholi e vule shi isamhi eye e o.

¹² A kie ke ngeli ingeli enete elemhi ifuabo oyi egbo ni ea miesuo. Ini e tseku e ze e unu, e kie ke me ingeli enete ni a ngeli, ni e ke kueghie Eshinegba, ogbele ni o ya bhale deba awa.

Iregbe-tiemhie na Enighie ali Ega eyawa

¹³ A ri itobo Onomhue ke ri egbe e tiemhie na eni ee mhesenya ni a mu vule shi iteva egbo. Okekhi oghie ni o fune,

¹⁴ okekhi igovuno ni oni oghie oo ghie o ke nase eni e pfido, ali e ke kueghie eni e rieles onete.

¹⁵ Irari khi eri Eshinegba oo nono ni a pfi egbo okholo okpe unu, rote angeli enete ni a ya ke ngeli.

¹⁶ A ke ngeli abi egbo ni ea mholi ozuode, ama a khi zudigba umha mholi ozuode oyeke ke ngeli ingeli ebe. A ke ngeli abi eni ee ga Eshinegba.

¹⁷ A ke ri ekpe na ogbokpa. A nono ingme oyi egbo ni a ga ro khi ena irudunga. A ke na ulishi oyi Eshinegba. A gbo mu ekpe e na oghie.

¹⁸ Ee ni a khi eni ee ga, a ri egbe e tiemhi eke na eni e khi ega eye e. Oa khi ega ni eri opfomhe ngeli deba e tse ama li shi eni e ngeli angeli ni o ze deba e.

¹⁹ Eshinegba o ya khivose ne ini u ri egbe mie osoli anasemhe ni u wa kha me, itobo khi u lese oghuemhe oyi Eshinegba.

²⁰ Eleli onoghuo o la o ini ogbo o me osoli shi umha-sueso ni o rieles? Ama ini u wa me osoli shi onete ni u rieles, ni u ro ri egbe mie oli, Eshinegba o ya khi vose ne shi o.

²¹ Irari onana Eshinegba o ro lu e, abi iJesu o ro me osoli na e ro ri angeli irokhokho shi eke na e ni a ke deba. A roshaka ke deba oni angeli.

²² Oa lamhe olamhe okhoghuo, wekhi eri a me khi o ngme ungmehi egbholi.‡

²³ Abi egbo e ro tseku u tsue oli, oa tsue we shi o. Abi o ro tseku me osoli oa tsekha we. Ama eri o ri egboli mholi Eshinegba obo, oni o guese so ezoo shi ode igesikia.§

²⁴ IKirisiti lolighuo o tsua olamhe eyawa shi egbe je apfida, ini awa khi ghu eghuli olamhe, ama ni awa la agbo igue-ngeli elemhi ipfuase. Utse ni a kuale oli o ri awa ze.*

²⁵ Eri a kpe la agbo abi osumha ni o waa, ama a she mu pfi deba Oni Orisumha-kia ni o khi oni o khekhe ayemhe o ye.†

3

Angeli oyi ikpotso ni e la ughue ali odowewe

¹ Ee ni a khi ikpotso, a nyese ukhomhi na edo e, ishegho a khi me ongewe ni oa mie ungmehi oyi Eshinegba suo, ni eni edo e ri itobo ekpe ni a mholi a na we ali angeli eyi e mu udu pfi, ini aa ke tseku ngme ungmehi unu lasele,*

² ini ee me angeli ipfuase ali angeli ekpe ni a ngeli.

³ Khi ze ni isomhotse oye o rote akhue idiegbe ri egbe khasa, ni a la do itsu shi ukhomhi dolodolo, ali ena igolu isoso ali igbanoo itsua ni e somhotse.†

⁴ Ochoghoo, ze ni isomotse oye o khi ona ekelemhi udu. Isomhotse ni oaya taa, ni o khi ona ikuegbea ali ayemhe no pfomhe, ni o ghole Eshinegba ne nya.

⁵ Ina ikpotso eni elesle ni e ri egbe da Eshinegba, e li ri egbe we shi isomotse, irari khi e nyese ukhomhi na edo we.

⁶ Abi iSera o li mu ekpe na odoli Aburaamu ramhi ni o ro lu oli, onomhuemhe. Imi oni iSera a khi, ini a da ngeli ingeli enete ne, ni aa ro da ze ni ulishi o mu e.‡

‡ 2:22 Li ze Aza 53.9 § 2:23 Li ze Aza 53.7 * 2:24 Li ze Aza 53.5 † 2:25 Li ze Aza 53.6 * 3:1 Li ze Efi 5.22; iKolo 3.18 † 3:3 Li ze 1 iTimo 2.9 ‡ 3:6 Li ze Igbae 18.12

⁷ Igho, eẹ edo, a guẹ ke ngeli deba ighue ẹ. A ri iwomhelo nu we ke ngeli. A leşe khi ẹa mhue ekpabo abi eẹ. A gbo leşe khi eni e nu ẹ mhọli okemhi shi isomhopfa oyi isomhelemhi oyi Eshinegba ni o mhọli agbo onogbo e li khi. A guẹ ri ẹloe ke khu we, ini emhikhoghuo o khi zu iromhi oyeẹ ode. §

Ime-osoli shi onete iriele

⁸ Ozukhomhi ungmehi oyemhe khi, eẹ nya a mhọli udu oghuo, a mhọli ilelemhi na egbe, a nono ingme egbe abi inyoghuo, a vie osoli ke na egbe, a ke ri egbe ẹ tiemhile.

⁹ Khi ri onobe fata onobe. Ini ogbo o tsue ẹ, khi tsue oli shi o, ochoghọ so iromhi onete na li. Itobo khi eri Eshinegba o lue ni u khi ogbo oyoli, ni u le ikhivose ugu.

¹⁰ Irari khi,
oni o da a nono
ni loli me agbo li
ali ni loli mhọli
ebubu ogbele enete,
o khi ke ri elemhi oyoli
ngme ingmemhi ebe,
ali ingmemhi egbhọli.

¹¹ O mema ya me
ingmobe na,
o riele onete.
O mema ya ke
nono opfomhe,
o na khu oli.

¹² Irari khi eri ukpeloe
oyi Onomhue o la
egbo eni e guẹ ngeli egbe,
eso eyoli e khueghie-a
shi iromhi ni ẹ so,
ama elemhi e ma bi

Onomhue deba egbo okhọlo.*

¹³ Oghuo o ya ri emhi obe li ẹ, ini onete iriele o mema ghole ẹ?

¹⁴ Ama ini u tseku me osoli shi onete iriele, ikhivose o khi ne. "Khi na ulishi ogbokhoghuo."

¹⁵ Ama a rote eke elemhi udu oyeẹ rue iJesu abi Onomhue oye ẹ. A ke mu egbe shi eke egheghẹkpa, ini ogbokhoghuo o ya mhila ẹ emini

irudushi oyeẹ o migha nga, ni a gue oli ye we. Ama a ri ipfomhe-udu ali ekpe ke so we o. †

¹⁶ Zobe ni udu oye o pfuase ishegho ni eni ẹ ngme onobe shi angeli onete oye abi oni o deba iKirisiti, e me omama ingmemhi ipfueche ogbo-a eyewe.

¹⁷ Ini o ghole Eshinegba ni u ro me osoli shi itobo khi u riele onete, o ti dose khi u me osoli shi okhọlo ni u riele.

¹⁸ Irari khi iKirisiti o ghu-a shi olamhe oyi ogbokpa utoghuo kpe, ikhi loli ni o pfuase, o me osoli na ena umhapfuase, ni o ro rue awa bhale ghi Eshinegba. A gbe oli-a alo gbugbugbu, ama o la agbo elemhi ayemhe, a ri Ayemhe guise oli le bhale agbo.

¹⁹ Elemhi ayemhe ni o la, o ro vu ya tse abo usomhi onete oyi Eshinegba ye iyemhe ni e la owa ighumha.

²⁰ Iyemhe ena e khi eni ẹa suo eso, abi Eshinegba o ro ri abo mu udu, ni iNoa o ro khali oko-oke oniemhi se. Egbọ etu-olale kpele a pfuese elemhi oni amẹ. ‡

²¹ Oni amẹ o migha shi ibatizi, ona o mie ẹ pfuese memena. Oa khi ileşe khue ichimhi idiegbe-a, ama, imhọli udu ni o pfuase deba Eshinegba ni o tsumhi ẹ rote irote eghuli guale oyi iJesu iKirisiti.

²² IJesu iKirisiti o she je iloghie, o shito epfe obo obita oyi Eshinegba, o mhese ẹ na igeni ali afu ali ekpabo ni e la idane.

4

Angeli ni o mu pfi

¹ Abi o ro khia khi iKirisiti o she me osoli idiegbe, a li mu egbe ni a li ya mhọli angeli oghoghọ, irari khi oni o da ligho me osoli idiegbe ne, oa ke gbo mhọli emini o ri olamhe ẹ riele.

² Rote memena je odalo elemhi agbo oye, khi gbo ze ni oghuemhe idiegbe oye o mhese ne, ochoghọ, ze ni u ke ngeli abi Eshinegba o li nono oli shi.

§ 3:7 Li ze Efi 5.25; iKolo 3.19 * 3:12 Li ze Iwolo 34.12-16 † 3:15 Li ze iMat 5.10; Aza 8.12-13 ‡ 3:20 Li ze Igbae 6.1-7.24

3 A she kpe pfuse ukpokpomhi egheghe-a je ukhokho ro o ri ele emini eni ea miesuo e ri ele. A la agbo itsebo ilili, idokonyo, idonyo yesegbe-a, ali idobie, ali ikia-ye-ukue ke da onyo, ali ilitsa igaga.

4 Ama memena, abo e sha we khi aa ke nu we a ri ele ikhiakhiamhi emini ee ri ele, e ri itobo igho o tsue e.

5 Ama khi e mema ya gueye Eshinegba abi e li gbe, oni o ya gue egbo ezọ, shi eni e lao ali eni e ghua.

6 Onana o ze ni a ro tse abo usomhi onete ye egbo ni e ghua, ni a ro gue we ezọ abi a li ya gue egbo na agbo ezọ, ama eri e la elemhi ayemhe abi Eshinegba o la o.

Gue ri ukpelo ke khu isomhopfa eyi Eshinegba

7 Egheghe ni agbo o ro ya pfo o she ti ramhi ana. Irarigho, a bino angeli bie ke ngeli ni a dobe toto obo iromhi isoso.

8 Oni o mema mu egbe ne nya khi, a nono ingme egbe e egbegbo, itobo khi eri inono oo khukhu olamhe ebubu.*

9 A ke mu egbe e epfese, ni awolo o la.

10 Ogbogbo o ri isomhopfa ni o mhu e ke kpaghie onuzava oyoli obo, o ri igesikia ke ri eloe khu okhale oyi Eshinegba odekhode.

11 Ini ogbokhoghuo o mholi ungmemhi ya ngme, o ke ngme ungmemhi oyi Eshinegba. Onini o ya kpaghie ogbo obo, o ri itoto ni Eshinegba o ro na li ri ele oli. Ni a ro bhale ya e khi a rote obo oyi iJesu iKirisiti ri ikueghie na Eshinegba odekhode. Loli o mholi ufumhi ali ekpabo rote agboagbo ya je agboagbo. Atse.

Ime-osoli irari khi u miesuo

12 Emole mhe abo e khi sha e shi omufe ni o toto ni a me, abine khi emini aa kpe me ghue a me.

13 A ri ochoghọ ke ghele khi a li nu iKirisiti me osoli ni o me. Egheghe agho ni a mholi ogheloniemhi, ini a ri ufumhi oyoli khase.

14 Ini a ri itobo eva oyi iKirisiti ee tsue e, ikhivose o khi ne, irari khi Ayemhe oyi ufumhi ali oyi Eshinegba o nu e la.

15 Ini u me osoli, khi ze ni a bhale ya e khi itobo khi u gbe ugbeli ali itobo khi u do ighiato, wekhi angeli ikpamhika ali itashingme u ro me osoli.

16 Ama ini u wa me osoli abi oni o miesuo, khi ze ni omama o mu e, ama ke kueghie Eshinegba irari khi u wa yemhe eva oyoli.

17 Irari khi egheghe o she ramhi ni iguezo o ro ya rote Owa oyi Eshinegba ya gbaekele. Ini o te awa egbe gbaekele, se o ke beshi ya li eni ea mie usomhi onete oyi Eshinegba suo egbe?

18 Abi Ebe-no-pfuase o ngme o li khi,

“Ini o ya munu ni a ro tsumhi

ogbo ni o gue e ngeli,

se o ke bie ya li

egbo okholo ni ea mholi

Eshinegba egbe?”†

19 Irarigho, eni ee me osoli, abi o li ghole Eshinegba shi, e ri egbe we mholi Eshinegba ni o ma we ni o ze ri egbe e nga obo. E kie ke gbe ikanya enete.

5

Ude ni a ye Egbhali ali ozele

1 Mhi lolo ye e ude, ee ni a khi egbhali abi mhemhe mhi li khi ogbhali, ni mhi ri eloe me osoli ni iJesu o me, ni mhi gbo li ya mholi okemhi shi ufumhi oyoli ini o nyene egbe bhale.

2 A ri eloe ke khu isumha eyi Eshinegba ni a ro nga e obo. O ga pfo e udu ke ri eloe khu we. Oa khi irari eleli ni u ya me o tse, ama abi ogbo ni o mholi ogueme ugamhi oyi Eshinegba.*

3 Khi ri itoto mhesa na egbo ni Eshinegba o ro nge obo, ochoghọ angeli o ye o khi irokhokho ni egbo ke deba.

4 Ini iJesu iKirisiti ni o khi Oreloukhu isumha onofune o bhale, o ya ri arula oghe ni o tige ya taa ne.

* 4:8 Li ze Ekpi 10.12 † 4:18 Li ze Ekpi 11.31 * 5:2 Li ze ifon 21.15-17

⁵ Eẹ ezele, a li ligho nyese ukhomhi ke na egbhali. Ogbokpa o ke ti egbe oli tiemhi eke, aa ga egbe e. Irari khi Ebe-no-pfuase o ngme gho khi.

“Eshinegba o ma biselemhi
ogbo ni o ti egboli a nga,
ama o khi e vose na eni
e ti egbewe e tiemhile.”†

⁶ Irarigho, a ri egbe e tiemhile na ekpabo oyi Eshinegba ni e fune, ni o ti e nga idane ini o ramhi oni egheghe.‡

⁷ A ze otoemhe eye e obo na Eshinegba, itobo khi o ya rue e o le.

⁸ A bino angeli bie ke ngeli, aa tokpe, itobo khi obe e ni o khi okphaghe, o kia gase abi odumhi ni oo khoshe, eri o nono oni o ya mu nyanole.

⁹ Khi ze oli lo e le! Gbe lighi irudunga oye, itobo khi u lese khi eni e miesuo nabi yeye ni e la elemhi agbo ashakhasha e lili e me osoli enabi enana.

¹⁰ Ini u me osoli ukuku egheghe se, Eshinegba na okhale nya, ni o rote iKirisiti lu e shi ufumhi oyoli na agboagbo, o ya rie e ti dose abi o kpe li e egbe. O re toto, o mu e mholi re gbelighi.

¹¹ Ekpabo o khi oyoli agboagbo. Atse.

Otse ni o kpukhokho

¹² ISalasi ni mhi ro shi inyoghwo ni o mholi igesikia o nu mhe keke ebe ona. Eri mhi keke ebe ona ni o a nue ghi e, ro ri udu shi e o ali ni a ro lese khi emiemini a rie me khi egbegbi okhale oyi Eshinegba na. A mu oli mhue gagaga.§

¹³ Egboni e miesuo ni a ze abi ee na eke iBabilo, ee tse e, li shi iMaki ni o limhe egbe abi omimhe.*

¹⁴ A ke tse egbe e a ri inono ghele mu egbe. Opfomhe o ka nu ee nya ni a la elemhi iKirisiti la.

† 5:5 Li ze Ekpi 3.34 ‡ 5:6 Li ze iMat 23.12; iLuk 14.11; 18.14

§ 5:12 Li ze Ika 15.22,40

* 5:13 Li

ze Ika 12.12,25; 13.13; 15.37-39; iKolo 4.10; iFile 24

Ebe onuzi-eva ni iPita O keke

1 Mhemhe iSamọ iPita ni mhi khi oghumha ali aghiusomhi na keke oyi iJesu iKirisiti, mhi keke ebe ona ghi eni e mhọli irudunga nabi oyi anye ni o mu eloe, ni a rote angeli onete oyi Eshinegba ali iJesu iKirisiti Omiepfuese ro na we.

2 Okhale ali opfomhe o ka khi oyee rote ilese ni a lese Eshinegba ali iJesu Onomhue oyawa.

Ulumhi ali uzemhi oyi Eshinegba

3 Itoto oyi Eshinegba o she ri emhikpa ni o ri awa ya ke la agbo irudunga na awa, irari khi awa lese oni o ri ufumhi ali onete oyoli ti awa mama egbe.

4 Eni ekpabo eniemhi ena o ro rue isomhopfa ni e mu eloe ni o shobo na awa. Ini a bhale ya e khi irari eni isomhopfa ena awa me asha na pfue epfua ni o la oghuemhe emhi agbo, ni awa mhọli okemhi shi agbo oyi Eshinegba.

5 Irarigho, roshaka ri ingeli enete ma irudunga oye, gbo ri ilese ma ingeli enete.

6 Ri igue-regbekia she egbe ma ilese, ri iregbemie ma igue-regbekia shi egbe, ri angeli irudunga ma iregbemie,

7 ri isomhelemhi-inyoghwo ma angeli irudunga, ri inono ma isomhelemhi inyoghwo.

8 Irari khi ini u mhọli eni ingeli enana egbegbo, e ya re ke zaza, wa gbe akanya elemhi ilese ni u lese Onomhue iJesu iKirisiti.

9 Ama oni o da mhọli eni ingeli ena ne, o ya me eke nuata, eri o ze alo, o she yele-a khi Eshinegba o she kpe khuese luẹ olamhe enedio-a pfuase.

10 Irarigho, inyoghwo-mhe, roshaka ni uzemhi ali ulumhi oye o migha egbegbo. Ini u wa ligho, waa ya tigbe do owe eke-a wekhi eri u ya de.

11 Egheghe agho Eshinegba o ya khueghie ode Omhese oyi Onomhue-a ne lo. Ikhi Onomhue na agboagbo Omiepfuese iJesu iKirisiti oyawa.

A ri esọ shi emini Ebe-no-pfuase o ngme

12 Mhi ya ke yele e le eni ingme ena nya egheghe kpa. Ini a ririe kpe lese we, ni a migha gba elemhi igesikia ni a mhọli ena.

13 Mhi lese khi o ti ni mhi yele e eni ingme ena nya le, ini mhi da kie la agbo.

14 IJesu iKirisiti Onomhue oyawa o she ro li khashe mhe khi ogbele eyemhe ea ke bu, khi mhi kele ya ghua.

15 Mhi ya roshaka ri ingme ena nya shi e odalo ni a ke sato o, ini mhi so ukhokho gbe.

Eni e ri ukpeloe me ufumhi oyi iKirisiti

16 Oa khi okhe egbhọli anye regbenga gue ingme inyenegbe bhale oniemhi oyi iJesu Onomhue ye e. Alo eyanye anye ro me ufumhi oyoli.

17 Anye la agho ni Eshinegba ita o ro ri ufumhi ali ekpe na li, ni uruli oyi Eshinegba o ro rote otughunu ni o ge nyanyanya ngme, ni oo, "Omimhe ni mhi nono ingme oyoli na, o ma ghole mhe."

18 Eri anye suo khi oni ungmehi o rote idane ngme tiemhile, abi anye ro nu oli la ukhomhi ute no pfuase.*

19 Igho anye li mhọli iregbenga shi usomhi ni emekeguele e guele, khi egbegbo lo. O ma a ti e egbe ini a ri esọ shi oni ungmehi, itobo khi eri o li abi akpa ni o la alo ebili e ge nyagha, ramhi ni ogbe o ro maghie alo-a, ni imeke oyi ukpetata na obili-atso o ro ge shi udu o ye.

20 Ozukhomhi oni ungmehi khi, a lese khi ungmehi ameguele

* 1:18 Li ze iMat 17.1-5; iMak 9.2-7; iLuk 9.28-35

okhoghuo ọa rọte ilẹse oyi ọmekẹguele okhoghuo bhale.

²¹ Irari khi ungmehi amẹguele okhoghuo ọa ri imẹlemhi oyi ọgbọ bhale ghue, ama Ayemhe-nọ-pfuase o la ẹgbọ egbe gbe akanya rewe gue usomhi oyi Eshinegba le.

2

Ena Osese ẹgbhọli ali epfua oyewe

¹ Abi emekẹguele eyi ẹgbhọli e ke li la iteva eyi ẹgbọ iZireni, igho esese ẹgbhọli e ya li la ẹ iteva. E ya tsua osese ẹgbhọli ni ọọ yese ẹgbọ-a lasele ke sese ẹgbọ, e ga kie Onomhue ni ọ de we, e ya ri epfua ni o kele ghi egbewe.

² Igho ebubu ẹ e li ya deba ode omama eyi itsebo eyewe, e ri omama shishi oni ode igesikia oyi iKirisiti-a.

³ E ya ri emhi ituegbe rue okhe ẹgbhọli lasele gueye ẹ, ni e rọ me asha di ẹ mie ikpagho. Eshinegba ọ she so we ezọ se agboagbo, epfua oyewe o migha khe we ode.

⁴ Irari khi ini Eshinegba ọa kesẹ igeni le abi e rọ lamhe deba Eshinegba, ama ọ ku we lo ilimhi iriere, ọ ri iweghe ge we abo pfino kulo alo ebili migha khe ogbele iso-ezo.

⁵ Ini Eshinegba ọa pfuese agbo onodio, ama ọ ri ochikpho oniemhi pfuse oni agbo olamhe-a, se ni iNoa ni ọọ tse abo igue ngeli ali apfoli oshilua.*

⁶ Ini Eshinegba ọ pfa ezọ mu iSodomu ali iGomora, khi ọ ri erali tose we ni e de emue-a, ni ọ rewe riẹle irokhokho abi o ya li ẹgbọ ni ẹa mhọli Eshinegba egbe,†

⁷ ni ọ rọ pfuese iLoti, omose ni ọ gue ngeli, ni ẹgbọ ena umhasuo-eso e ri ingeli ebe nase ayemhe.‡

⁸ Eri oni omose ọna ipfuase ọnana ọ vie oya elemhi ayemhe oyoli eghẹghe kpa shi ingeli okhọlo ni ọọ me ali ni ọọ gbolo suo.

⁹ Ini o khi igho, Onomhue ọ lese abi ọ lie tsumhi ẹgbọ eyoli elemhi imhesebino, ali ọ gbo li lese abi ọ li

ya pfi ẹgbọ okhọlo lo anasemhe ramhi ogbele iso ezọ.

¹⁰ Tete ẹgbọ ni e deba oghuemhe idiegbe oyewe ni e ri ukpeloe gbe omhesẹ oyi Eshinegba.

E mhọli igbedu obe ali ititiegbe. Ulishi ọa ya mu we ni e rọ ri unu ghi igeni rọ yese we-a.

¹¹ Ama abotseku khia khi eni igeni ena e mhọli ekpabo dose eni esese ẹgbhọli ena, ẹa ya yese we-a khase Onomhue.

¹² Eri eni ẹgbọ ena ẹ pfi unu-a shi emini ẹa lese udi oli. Eri e li abi elamhako ni ẹa mhọli ẹgbhali ni a bia, ni a mu ẹ gbolo le tse. Igho e li ya pfua abi elamhako.

¹³ Opfuse a rọ ya fali we ota shi ode opfuse ni weweghuo e be na egbewe. Idobie ẹle oguota gboo, ẹẹ bino khi o khi agbo ilili, ni o ya khuese idiegbe oyewe. Ẹgbọ ebe e khi itobo khi ini e nu ẹ le eminale inono kugbe egho, eri e kiele ẹ ngeli angeli efiala.

¹⁴ Alo efiala eyi okia, e ze shi ukhomhi, ikpotso ni e ya yemhe shi we ọ, e kia bino alo. Okiamhi olamhe ni ọọ gbe we ọa tigbe ẹ mhọli ukpese. Ẹgbọ ni udu oyewe ọa sheshe ẹ di kulo igha olamhe. E she wena emhi ituegbe shi udu. Elemhi itse eyi Eshinegba e la kia.

¹⁵ E she da egbegbo ode lase, e wasẹ ode oyewe-a. E she deba ode oyi iBelamu omi iBeo vu ni ọ mhọli ukpokọ shi ukpagho ni ọ ya mie shi onobe ilili.

¹⁶ Ni akphere ọ dese shi angeli olamhe. Akphere ni o khia khi ọa kpe mhọli ungmehi ọgbọ shi unu, ni ọ ri uruli ọgbọ nu iBelamu ngme shi angeli ujili.§

¹⁷ Eri ẹgbọ ena e li abi oke ni o khakha-a, ali uza ni o bi abi amẹ ni akpekpeli o pfiolo irarogbe kua. Eshinegba ọ she riẹle ilimhi iriere shi eke ẹ khe we ni e la me osoli.

¹⁸ Eri ẹ ngme ingmemhi itono obo udu, ali ingmemhi ni e violo, rọ re ẹgbọ sato oghuemhe idiegbe oyewe, ni

* 2:5 Li ze Igbae 6.1--7.24 † 2:6 Li ze Igbae 19.24 ‡ 2:7 Li ze Igbae 19.1-16 § 2:16 Li ze iNoba 22.4-35

e ba di wẹ nyenẹ egbe je olamhẹ. Ikhi ẹgbọ ni e lẹsẹ rọte ifuabọ eyi ẹgbọ ni e la agbọ ẹgbhọli pfue.

¹⁹ E shobọ ẹpfua na wẹ, ama wẹwẹ ni e shi oni obọ onana, e khi ighumha angeli ẹpfua. Irari khi oghumha ọgbọ ọ khi shi emini o da mhẹsẹ na ayemhẹ oyoli.

²⁰ Irari khi, ini ẹgbọ e she da rọte oyese ni o la agbọ pfue ne itobọ khi e lẹsẹ iJesu iKirisiti Onomhūẹ, ni e rọ gbo ri egbewẹ na emhi agbọ genọ ne, ikpukhokho oyewẹ o kẹ khọlọ dọsẹ igbaekele oyewẹ.

²¹ O kha tinẹ ini ẹa bie kpẹ lẹsẹ odẹ ipfuasẹ oyi Ẹshinẹgba lọ, khi e lẹsẹ ọli se, e tigbe sọ ukhokho gbe ode ipfuasẹ oyi Ẹshinẹgba ni a rọ na wẹ.

²² Emini ọ li wẹ o rọkhasẹ khi ekpita ona khi igesikia lọ, ni ọọ,

“Áwá ọ mu egbe nyenẹ
gbo ya le ekpa
ni ọ kpa shi ekẹ.

Agulu ni a kpe khuẹsẹ-a se,
ọ gbo mu egbe nyenẹ
je igbọlọ ya pfue.”*

3

Onomhūẹ ọ nyenẹ egbe ẹ bhale

¹ Emọlemhẹ, ebe onuzi-eva ni mhi kẹkẹ ẹ ghi ẹ na, eri mhi ri ebe eva ena ya guise ẹ le ali ni a rọ mhọli isamhi eni e te ode.

² A sato ingmemhi ni emekẹguele ni e pfuasẹ e ngme ni o she tẹsẹ, ali omhẹsẹ ni Onomhūẹ Omiepfuese oyawa ọ mhẹsẹ rọte obọ ighiusomhi na kẹ eyawa.

³ Onodode, a lẹsẹ khi ogbele ni e kpukhokho, ẹgbọ ni e ri ungmehi oyi Ẹshinẹgba a li egia e ya lasele. Ẹẹ li egia ẹẹ riẹle ọghuẹmhe idiegbe oyewẹ.*

⁴ E ya ke liẹ, “Ighe ibhale ni ọ shobọ khi lọli ya bhale mena? Abi ititawa e te ghuloa, emhikpa e kiele ẹ je odalo abi e li rọte igbaekele agbọ la ọ.”

⁵ Eri e famhi rọli shi iẹ-esọ-a, khi rọte ungmehi oyi Ẹshinẹgba a te ma idane, ni a rọ gbo rọte amẹ ri amẹ ma ekẹ agbọ.†

⁶ Ama, eni amẹ ena a gbo rọ ri ochikpho pfuse ẹgbọ na agbọ onodiọ-a.‡

⁷ Ama agbọ ali idane ni e kie laọ ogbe-namo, Eghiele oyi Ẹshinẹgba a rọ rẹwẹ migha rẹwẹ ẹ khẹ opfuse oyi erali. Eri a zẹ wẹ obọ ọ khẹ ogbele iguezọ ni a rọ ya pfuse ẹgbọ ọkhọlọ-a.

⁸ Emọlemhẹ, a khi yele emhi oghuo-a khi, eri ogbeleghuo o li abi ogbele agbele, ogbele agbele o li abi ogbeleghuo ukpẹloe oyi Ẹshinẹgba.§*

⁹ Oa khi eri Ẹshinẹgba ọ ti egbe ẹ je ukhokho shi emini ọ rọ shobọ, abi ẹgbọ eghuo e liẹ sa khi ini emhi ọọ ti ekẹ eri o wu ekẹ-a eghọ. Eri ọ mema mhọli irabomudu na ẹ, itobọ khi ọa nono ni ọgbokhoghuo ọ pfua, ama ni ọgbokpa ọ te agbọ olamhẹ mu nyenẹ.

¹⁰ Ama eri ogbele oyi Onomhūẹ o ya bhale abi ibhale oyi oghiatọ. Oni ogbele, eri idane o ya ri okeke oniẹmhi kele-a udemhija. Erali oniẹmhi o daghiẹ emini e la idane nya kua. Ekẹ ali emhikpa ni e laọ e kala-a.†

¹¹ Aborokhia khi a ya lina pfuse emhi nya ena, uwali ẹgbọ enabise a kha ke fẹ khi? A kha ke la agbọ ipfuasẹ ali agbọ Ẹshinẹgba,

¹² abi a li ri ẹloe shi ekẹ ẹ khẹ ogbele oyi Ẹshinẹgba, ni awa ke riẹle emini o ya rọli bhale pia, ali ogbele ni a ya ri erali pfuse idane-a erali oniẹmhi o daghiẹ emini e la idane-a nya.

¹³ Ama emini Ẹshinẹgba ọ rọ shobọ, awa migha a khẹ, ikhi iloghie ali ekẹ agbọ onogbọ, ni o khi apfẹ igue-ngeli.‡

¹⁴ Irarighọ, ẹẹ emọle mhẹ, abi a li ri ẹloe shi ekẹ ẹ khẹ oni ogbele ena, a zẹ ni a bhale ya ẹ ẹ shi ingeli ni ẹa mhọli ichimhi ali umhaguekia, ali a la opfomhẹ.

¹⁵ Ri ọli shi udu khi irabomudu ni Onomhūẹ ọ mhọli na awa, khi, ni ọ ba

* 2:22 Li zẹ Ekpi 26.11 * 3:3 Li zẹ ifu 18 † 3:5 Li zẹ Igbae 1.6-9 ‡ 3:6 Li zẹ Igbae 7.11 § 3:8

Emini a ri onana ngme khi Ẹshinẹgba ọa deba ẹghẹghẹ gbe akanya. * 3:8 Li zẹ Iwolo 90.4 † 3:10 Li zẹ iMat 24.43; iLuk 12.39; i 1Tesa 5.2; Iro 16.15 ‡ 3:13 Li zẹ Aza 65.17; 66.22; Iro 21.1

ri egheghe na awa mholi imiepfuese lo, ezeze abi inyoghwo awa iPolu o kpe li kẹkẹ ọli shi ebe ghi ẹ abi Eshinegba o li ri oni ilẹsingme na li.

¹⁶ Ina o kie lie kẹkẹ ọli shi ebe, ini o da a ngme eni ingmemhi ena ne. Ebe ni o kẹkẹ e tsua ingme eghuo ni e lolo ẹ munu irọlo-ogbo-esọ, ni egbo ni ẹa mholi ilẹse ali igesikia e kholo ẹ manọ, abi e lie khi ma ingmemhi elese ni e la Ebe-no-pfuase ni o ya ri epfua ghi we.

¹⁷ Irarigho, emolemhe, abi a ke ro lese onana egho, a mu egbe ẹ ini a khi ya deba ode egbhọli oyi egbo ena umhasuo-esọ, ini a khi rote iguemigha oye ẹ de.

¹⁸ Ama mena awa ke fu shi okhale ali ilẹse ni awa lese Onomhue Omiepfuese oyawa ikhi iJesu iKirisiti. Lọli a ri Ufumhi a na agboagbo. Atse!

Ebe onodode ni Iḵoni O keke

Ungmemhi ni o mhōli agbō

¹ Anye keke ungmehi oyi ɔni ɔ ri agbō ɔ na ɔgbō ghi ẹ, ɔni ɔ rōte igbaekele la ɔ. Anye she suɔ ɔli, anye ri alo eyi anye me ɔli, anye bino ɔli, anye gbo ri abo eyi anye ti ɔli.*

² Abi ɔni ɔ ri agbō ɔ na ɔgbō ɔna ɔ rō felī lasele, anye me ɔli, anye gbo li pfi ɔsele shi ɔni agbō na agbōagbō ɔna. Lōli ɔ nu Ita la, ni a rōkhasẹ anye.†

³ Eminī anye me ni anye suɔ, anye gbo liẹ gueye ẹ, ishegho ni awa kugbe nu Ita ali Omi ɔli iḵesu iḴirisiti la.

⁴ Eri anye keke ɔna ni oghẹle oyawa o gba pfo.

Okiali elemhi ákpá

⁵ Onana khi usomhi ni anye rōte obō oyi Omi ɔli suɔ, ni anye gue ẹ ye ẹ khi, Ẹshinẹgba khi ákpá, obili okhoghuo ɔa fe la li egbe kpa.

⁶ Awa kha guele khi awa nu ɔli la kugbe ni awa rō kie la elemhi alo ebili ẹ kia, ẹgbhōli awa lo, awa aa la agbō igesikia.

⁷ Ama ini awa la elemhi ákpá a kia, abi lōli ɔli la elemhi ákpá, ɔna o rōkhasẹ khi awa nu ɔli la kugbe, ishegho ɔlia eyi iḵesu Omi ɔli, e khuẹse awa olamhe-a pfuase.

⁸ Ini awa guele khi awa aa mhōli olamhe, egbawa awa a di, awa aa mhōli igesikia.

⁹ Ama ini awa zono olamhe eyawa ye Ẹshinẹgba ni ɔ ri igesikia riẹle emhikpa; ɔni ɔo riẹle emini o te ode ɔ khi, ɔ ya ri olamhe eyawa topfa awa, ɔ khuẹse awa umha-pfuase egbe-anya.

¹⁰ Ini awa ẹ khi awa aa lamhe, eri awa ri Ẹshinẹgba mele ɔlo-ẹgbhōli-a. Ungmemhi oyoli ɔa la agbō oyawa.

2

IKirisiti, ɔkpaghiobō oyawa

¹ Eniye eyemhe, ẹẹ mhi keke ebe ɔna ghi, ini a khi lamhe. Ama, ini a bhale ya ẹ khi ɔgbōkhoghuo ɔ lamhe, awa mhōli ɔni ɔ nu Ita a ngme khe awa shi eke. Lōli khi iḵesu iḴirisiti ɔni ɔ pfuase.

² Lōli ɔ khi iluasobo ni a rō shishi olamhe eyawa-a, ɔa khi eyawa tse ama olamhe eyi ẹgbō kpa.

³ Ini awa ri omhesẹ eyoli ẹ gbe akanya, lōli awa rō ya lese gboo khi awa lese ɔli.

⁴ Eni liẹ khi wewe e lese ɔli ni ẹa ri omhesẹ eyoli ẹ gbe akanya, elo-ẹgbhue e khi, ẹa mhōli igesikia.

⁵ Ama ɔnini ɔ da ri ungmehi oyoli da gbe akanya ne, inono oyi Ẹshinẹgba o gba shi ɔli egbe. Ina awa li ya lese khi awa ali Ẹshinẹgba khi ɔghuo awa khi.

⁶ Eni e da liẹ khi wewe e kugbe Ẹshinẹgba ɔ ne, e mema ya ke ngeli abi iḵesu iḴirisiti ɔ liẹ ngeli.

Ushi onogbō

⁷ Emole mhe, ɔa khi omhesẹ olese mhi keke ẹ ghi ẹ, ama onodiɔ lo, ikhi oni a rōte igbaekele rō na ẹ. Oni omhesẹ onodiɔ ɔna o khi oni usomhi ni a she kpe suɔ.*

⁸ Aboriẹkhi igho, omhesẹ onogbō mhi keke ẹ ghi ẹ, irari khi a me igesikia oyi oni omhesẹ ɔna iḵesu egbe, a gbo me ɔli agbō oyeẹ. Itobō khi obili o she ẹ kalaa, oni ákpá oyi igesikia o she ẹ ge.

⁹ ɔnini ɔ da liẹ khi lōli la elemhi ákpá ni ɔo biselemhi inyoghuo ɔli ne, elemhi alo obili ɔ kie la.

¹⁰ ɔnini ɔ da nono ingme oyi inyoghuo ɔli ne, elemhi ákpá ɔ la, emhikhoghuo ɔa la li egbe ni o rōli ya khi owe.

¹¹ Ama ɔnini ɔ da biselemhi inyoghuo ɔli ne, alo obili ɔ la, alo obili ɔ la kia gasẹ. ɔa lese obini ɔo je, irari khi obili o she zuse ɔli alo.

¹² Mhi keke ebe ɔna ghi ẹ eniye, itobō khi a she ri olamhe topfa ẹ itobō eva oyi iḴirisiti.

* 1:1 Li ze iḵon 1.1 † 1:2 Li ze iḵon 1.14 * 2:7 Li ze iḵon 13.34

13 Mhi keke ebe ona ghi e, ee ita,
itobo khi a she lese oli,
oni o rote igbaekele la o.
Mhi keke ebe ona ghi e ozele,
itobo khi a she mu
Oni o khi Ogbọ-obe o le.
Mhi keke ebe ghi e eniye,
itobo khi a she lese oni Ita.
14 Mhi keke ebe ghi e, ee ita,
itobo khi a she lese oli,
oni o rote igbaekele la o.
Mhi keke ebe ona ghi e ezele,
itobo khi a mhọli ekpabo,
ali khi ungmehi
oyi Eshinegba o la
elemhi oye e,
ali khi a she mu
Oni o khi Ogbọ-obe o le.

Agbo ona o khi ghole e dose

15 Agbo ona o khi ghole e dose,
wekhi emhikhoghuo ni e la o. Ini
ogbokhoghuo o mhọli oghumhe na
agbo, inono oyi Ita o la agbo oyoli.

16 Irari emhikpa ni e la elemhi
agbo, ni e khi, oghumhe olamhe
idiegbe, emini ukpeloe o vie shi, ali
itipfuabo-nga shi emini o mhọli ali ni
o dobe e riele. Okhoghuo ena nya ea
rote obọ oyi Ita bhale, ama agbo ona
e te bhale.

17 Oni agbo ona ali emini e la o ni
ee ghole egbo e she e dose, ama eni e
riele oghumhe oyi Eshinegba e ya la o
agboagbo.

Eni ee kholi iKirisiti

18 Eniye, ukpese agbo o she ti
bhale! A she gueye e khi oni o khọli
Omiepfuese o ya bhale, memena eni
ee khọli Omiepfuese ebubu e she bhale
agbo. Onana awa ro ya lese khi
ukpese agbo o she ti bhale.

19 Eni egbo ena ea mema kie kpe
khi eyawa, loli o ze khi e rote awa
iteva vu. Ini e kie kpe khi eyawa lo,
e kha migha. Ama eri uvumhi oyewe
o rohasa khi ea ku ma awa o.

20 Ama Omiepfuese, Oni o pfuase o
she ze e, irarigho a she lese igesikia.

21 Oa khi itobo khi aa lese igesikia
mhi ro keke ebe ona ghi e, ama itobo

khi a lese igesikia, a gbo lese khi
egbhọli o rote igesikia a lasele.

22 Mena, oghuo o khi olo-egbhue?
Oni oo khi iJesu o a khi oni Omiepfuese,
loli o khi Obe vule shi Omiepfuese o, loli
o kie Ita ali Omọ.

23 Aa me ogbokhoghuo ni o kie Omọ
ni o mhọli Ita. Oni o da mie-obọ shi
Omọ o, o li mhọli Ita.

24 Zobe ni emini u rote eke suo o kie
le egbe. Ini o ligho kie le egbe, u ya li
kie nu oni Omọ ali Ita la kugbe.

25 Emini o shobo na wa na, ikhi
agbo na agboagbo.

26 Ingme eyi egbo eni e nono ni
weye e yese e da ode mhi keke e ghi
e.

27 Ama ee oye e, ekpabo Ayemhe
no pfuase ni a mie, o kie la e egbe,
irarigho, aa ke khi eni a sese. Ama eri
Ayemhe oyoli oo sese e emhikpa, ikhi
emini e khi igesikia ni ea khi egbhọli. A
ri osese oyi Ayemhe ke gbe akanya, a
kie nu oli la kugbe.

Imi Eshinegba

28 Mena, eniye, a kie kugbe oli o.
Ishegho ini o feli lasele, awa mhọli
igbedu ni omama o mu awa odalo
oyoli, ini o nyene egbe bhale.

29 Ini u lese khi iKirisiti khi oni o
migha shi ipfuase o khi, lese khi oni
o riele emini e te ode Omi Eshinegba o
khi.

3

1 A bino abi inono ni Ita awa o nono
awa o li fu ramhi, ni a ro bhale ya
e khi aa lu awa imi Eshinegba! Ni o
khia khi igho awa khi! Emini o ze khi
egbo na agbo ea lese awa khi, ea lese
Eshinegba.*

2 Emole mhe, imi Eshinegba awa khi,
ama, awa aa lese ne, abi awa ya li,
ama awa lese khi ini iKirisiti o lasele,
awa ya li abi loli, irari khi awa ya me
oli abi o li tee.

3 Ogbokpa ni o da mhọli irudushi
ona ne, oo mhọli oni oghumhe ni o
ro khi oni o pfuase abi iKirisiti o li
pfuase.

* 3:1 Li ze iJon 1.12

4 Onini o da lamhe ne, eri o gbe ushi oyi Eshinegba-a, irari khi olamhe, igbushi oyi Eshinegba-a o khi.

5 Ama u lese khi eri iKirisiti o bhale ni o ya rue olamhe eyawa vu, ali khi olamhe o la li egbe.†

6 Irarigho, ogbokpa ni o nu oli la kugbe, o ya lamhe ke le. Onini o kie da la olamhe ne, o a fe me oli ghue wekhi eri o lese oli.

7 Eniye, a khi ze ni ogbokhoghuo o di e ya de ode-a. Oni o da riye emini o te ode ne, o pfuase, ezeze abi iKirisiti o li pfuase.

8 Onini o da riye emhi olamhe ne, oyi Okphaghiye o khi. Irari khi te-ekẹ vu, okphaghiye o te e lamhe. Emini o ze ni Omi Eshinegba o ro feli bhale khi, ni o ro me asha pfueche ikanya eyi okphaghiye-a.

9 Ogbokpa ni o da khi Omi Eshinegba o ya lamhe, irari khi ukpamhi oyi Eshinegba o la li egbe, e ya lamhe irari khi Eshinegba o khi Ita we.

10 Onana o ri ikhioda shi iteva imi Eshinegba ali imi Okphaghiye. Enieni e da riye emini o te ode ne ali ni e mholi inono na egboese ne, e a khi imi Eshinegba.

A nono ingme oyi egbe e

11 Onana o khi usomhi ni a rote eke suo. Ikhi, awa nono ingme oyi egbe awa.‡

12 Khi li abi iKeni ni o khi oyi Ona Okholo, ni o gbe Ebeli inyoghuo oli-a. Elo o ze ni iKeni o ro gbe oli-a? Irari khi emini oni iKeni oo riye, e a gbe akanya, ama emini inyoghuo oli oo riye e khi eni e pfuase.§

13 Irarigho, o khi sha e abo, inyoghuo-mhe eni emose ali eni ikpotso, ini egbo na agbo e a ti elemhi e.

14 Awa lese khi awa she te eghuli lasela je agbo, itobo khi awa nono ingme oyi inyoghuo awa. Onini o da mholi inono ne, elemhi eghuli o kie la.*

15 Onini o da biselemhi inyoghuo oli ne, ogbo-ugbeli o khi. U lese khi ogbo-ugbeli o mholi agbo oyi Eshinegba shi agbo oyoli.

16 Ina awa lie lese emini inono o khi. Eri iJesu iKirisiti o ri agbo oyoli bhale, ni e pfuse-a, shi itobo oyawa. Awa kha li rue agbo oyawa li shi eke na inyoghuo awa.

17 Ini ogbo o mholi epfue, ni o ro me khi inyoghuo oli o mholi emini o to oli, ni o ro mholi ilelemhi na li, see o li dobe ya lie khi loli mholi inono oyi Eshinegba?

18 Eniye, a khi ze ni awa ri ungememhi ali elemhi ke riye inono, ama awa ri iriye ali igesikia ke ri inono khasa.

19 Ini awa nono ingme oyi egboese, awa lese khi igesikia awa la kia, awa mholi udu opfome odalo oyi Eshinegba.

20 Abi eni e miesuo, ini udu oyawa o pfa ezo mu awa, awa lese khi Eshinegba o fu dose udu oyawa, ali khi o lese emhikpa.

21 Irarigho, emole mhe, ini udu oyawa o da pfa ezo mu awa ne, loli awa roo mholi igbedu odalo oyi Eshinegba.

22 Emiemini awa da mhila kpa, awa te obo oyoli ya mie oli, itobo khi awa ri ishi eyoli e gbe akanya ali khi awa a riye emini e ghole oli.

23 Emini o mhesa na awa khi, awa mie Omi oli iJesu iKirisiti suo, ali awa nono ingme oyi egbe, ezeze abi iKirisiti o li mhesa na awa.†

24 Eni e ri omhesa oyi Eshinegba a gbe akanya, eri wewe ali Eshinegba e ga kugbe, Eshinegba o li kugbe we o. Itobo Ayemhe ni Eshinegba o ro na awa, awa ro lese khi awa kugbe Eshinegba o.

4

Ke mu Iyemhe fe bino

1 Emole mhe, a khi mie shi iyemhe nya o, ama mu we fe bino ni a me ini obo oyi Eshinegba e te bhale. Irari khi

† 3:5 Li ze iJon 1.29 ‡ 3:11 Li ze iJon 13.34 § 3:12 Li ze Igbae 4.8 * 3:14 Li ze iJon 5.24 † 3:23 Li ze iJon 13.34; 15.12,17

emekeḡuele eyi eḡbhṵli ebubu e she fiḡ lasele shi agbṵ ona.

² Ina a li ya leṡe ini Ayḡmḡe oyi Ḳshineḡba lṵ: Ayḡmḡe nya ni o da lama khi iḲisu iḲirisiti ṵ she bhale abi ṵgbṵ ne, oyi Ḳshineḡba lṵ.

³ Ama ayḡmḡe nya ni ṵa da mie-obṵ shi iḲisu ṵ ne, ṵa rṵte obṵ oyi Ḳshineḡba bhale. Onana o khi ayḡmḡe oyi ṵni ṵ khṵli Ṁmiepfuese, ni a suṵ khi ṵṵ bhale, o she ga la elemhi agbṵ memena.

⁴ Ama enayi Ḳshineḡba a khi, imi mḡe, a she gbo mu emekeḡuele eyi eḡbhṵli ṵ le, irari khi Ayḡmḡe ni o la e egbe o fu dṵṡe oyi ṵni ṵ la elemhi agbṵ.

⁵ Elemhi agbṵ eni emekeḡuele eyi eḡbhṵli eḡṵ e rṵte lasele, ingmemhi agbṵ eḡ ngme, irarighṵ eḡṵ agbṵ e rṵ mie shi emini eḡ ngme.

⁶ Ama enayi Ḳshineḡba awa khi. Ṁnini ṵ da leṡe Ḳshineḡba, lṵli ṵ ri esṵ ṵ shi emini anye e ngme. Ṁni ṵa da khi oyi Ḳshineḡba ne, ṵa ya ri esṵ shi emini anye e ngme. Ina awa liḡ leṡe ikhiṵda ni o la Ayḡmḡe iḡesikia ali ayḡmḡe eḡbhṵli.

Ḳshineḡba inono ṵ khi

⁷ Emṵle mḡe, a zḡ ni awa nono ingme egbe, irari khi obṵ oyi Ḳshineḡba inono o te bhale. Ṁni ṵ da mhṵli inono, Ḳshineḡba ṵ khi itali ali khi ṵ leṡe Ḳshineḡba.

⁸ Ṁgbṵ ni ṵa da mhṵli inono ne, ṵa leṡe Ḳshineḡba, irari khi Ḳshineḡba khi inono.

⁹ Eri Ḳshineḡba ṵ ri Omi ṵli ṵtuṵghuo kpe ni ṵ ghie bhale agbṵ rṵ ri inono ni ṵ mhṵli na awa khase, ini awa a rṵte obṵ oyṵli mhṵli agbṵ.

¹⁰ Onana o khi eḡbegbi inono, ṵa khia khi eri awa nono ingme oyi Ḳshineḡba, ama eri ṵ nono ingme oyawa, lṵli o zḡ ni ṵ rṵ ghie Omi ṵli bhale ni ṵ rṵ luase obo rṵ shishi olamḡe eyawa.

¹¹ Emṵle mḡe, ini o khia khi ina Ḳshineḡba ṵ li nono awa, awa li nono ingme egbe awa.

¹² Ṁgbṵkhṵghuo ṵa mḡe Ḳshineḡba ghue, ama ini awa nono ingme egbe awa, Ḳshineḡba ṵ la agbṵ oyawa, ali khi, inono oyṵli ṵṵ gbe akanya ni ṵ nono ni lṵli gbe agbṵ oyawa.*

¹³ Awa ga leṡe khi Ḳshineḡba ṵ la agbṵ oyawa, irari khi ṵ she ri Ayḡmḡe oyṵli na awa.

¹⁴ Ali khi awa mḡe, awa gbo pfi ṵṡeḡe khi Ita ṵ ghie Omi ṵli ni ṵ rṵ khi Ṁmiepfuese oyi agbṵ.

¹⁵ Ini ṵgbṵkhṵghuo ṵ mie shi ṵ khi Omi Ḳshineḡba iḲisu ṵ khi, Ḳshineḡba ṵ la agbṵ oyṵli, lṵli ṵ li la elemhi Ḳshineḡba

¹⁶ Isheḡṵ, awa leṡe, awa gbo mie shi inono ni Ḳshineḡba ṵ mhṵli na awa.

Inono Ḳshineḡba ṵ khi, eni e la agbṵ inono e nu Ḳshineḡba la kugbe, Ḳshineḡba ṵ li nu wḡ la kugbe.

¹⁷ Ina inono oyṵli o liḡ gbe akanya ni ṵ nono ni lṵli gbe agbṵ oyawa, ni awa rṵ mhṵli igbedu ṵgbḡe iguezo, irari khi eri awa li abi lṵli ekagbṵ ona.

¹⁸ Ulishi ṵa la inono. Ama eri inono ni o gba pfo, ṵṵ khu ulishi fiḡ, irari khi eri eḡṵ eḡ na ulishi Ḳshineḡba itobṵ khi ṵ ya na wḡ osoli. Ṁni ṵṵ na ulishi ṵa gba pfo elemhi inono.

¹⁹ Eri awa mhṵli inono, itobṵ khi lṵli ṵ kpe nono ingme oyawa.

²⁰ Ini ṵgbṵkhṵghuo ṵṵ liḡ, “Mhi nono ingme oyi Ḳshineḡba,” ama ṵ kiele e biselemhi inyṵghuo ṵli, ṵloḡgbhue ṵ khi. Irari khi ṵgbṵ ni ṵa da nono ingme oyi inyṵghuo ṵli ni ṵṵ mḡe ḡloe, ṵa dṵḡe ya nono ingme oyi Ḳshineḡba ni ṵa mḡe ḡloe ghue.

²¹ Omḡeṡe ni iḲirisiti ṵ rṵ na awa na: Eni e nono ingme oyi Ḳshineḡba nya, e mema li nono ingme oyi inyṵghuo wḡ.

5

Imuṵle ni awa mu agbṵ ṵ le

¹ Ṁnini ṵ da mie shi ṵ ne khi iḲisu ṵ khi ṵni iḲirisiti Ṁmiepfuese, Omi Ḳshineḡba ṵ khi, Ṁnini ṵ da nono ingme oyi Ita ne, ṵ li nono ingme oyi omi ṵli.

* 4:12 Li zḡ iḵṇ 1.18

2 Abi awa liẹ lẹsẹ khi awa nono ingme oyi imi Ẹshinẹgba khi, ini awa nono ingme oyi Ẹshinẹgba, ni awa gbo rọ ri omhẹsẹ oyọli gbe akanya.

3 Ini awa nono ingme oyi Ẹshinẹgba egbegbo, awa mema ya ri omhẹsẹ oyọli gbe akanya. Ama omhẹsẹ eyọli ẹa ya mu unu irọgbe-akanya.*

4 Itobọ khi ọgbọkpa ni Ẹshinẹgba ọ bia, lọli ọ dobe ya mu agbo ọ le, irudunga oyawa o khi oni imuọle.

5 Ọghuo ọ dobe mu agbo ọọ le? Se ni ọgbọ ni ọ miesuọ khi, iJesu khi Omi Ẹshinẹgba.

6 Ọna khi iJesu iKirisiti ni ọ bhale, rọte iri-amẹ-batazi, ali rọte ọlia ikushieke abi ọ rọ ghua. Ọa khi rọte amẹ tse, ama li shi ọlia ni ọ ku shi eke abi ọ rọ ghua. Ayemhe ọ pfi ọtsẹle shi ọ, irari khi ọni Ayemhe oyi igesikia lọ.

7 Irari khi ọtsẹle esẹ e la ọ.

8 Ayemhe, amẹ, ali ọlia. Eni ọtsẹle esẹ ena unu oghuo ee ngme.

9 Ọtsẹle oyi agbo awa mie ẹ suọ, ama ọtsẹle oyi Ẹshinẹgba ọ toto ne. Ọ she pfi ọtsẹle shi ingme oyi Omi ọli

10 Irarigho, ọgbọkpa ni ọ mie Omi Ẹshinẹgba suọ nya, ọ mhọli ọtsẹle onana shi udu oyọli. Ama ọni ọa mie Ẹshinẹgba suọ, eri ọ rọli shi ọlo-ẹgbhọli, itobọ khi ọa mie shi emini Ẹshinẹgba ọ ngme shi ingme oyi Omi ọli.

11 Oni ọtsẹle o khi Ẹshinẹgba ọ she ri agbo na agboagbo na awa. Oni agbo ona o la obọ oyi Omi ọli.†

12 Irarigho, ọni ọ da kugbe Omi Ẹshinẹgba ọ ne, lọli ọ mhọli oni agbo oyi Ẹshinẹgba ona. Ọni ọa da kugbe Omi Ẹshinẹgba ọ ne, ọa mhọli agbo oyi Ẹshinẹgba.

13 Mhi she keke emhikpa shi elemhi ebe ona ghi ẹ, ni a mie iJesu Omi Ẹshinẹgba suọ, ni a rọ mhọli ọli shi udu khi a mhọli agbo oyi Ẹshinẹgba.

14 Igbe-udu ni awa a mhọli ini awa la odalo oyi Ẹshinẹgba a sọ iromhi khi, awa lẹsẹ khi ẹgheghe kpa ni awa rọ mhila li emhikhoghuo abi o ghọle ọli shi, eri ọọ suọ awa ọ.

15 Irarigho, abi awa rọ da lẹsẹ khi ọọ suọ awa ini awa da mhila emhi ne, awa lẹsẹ khi awa she mhọli emini awa mhila li.

16 Ini ọgbọkhoghuo ọ me khi inyoghuo ọli ọọ lamhe olamhe ni ọa ri eghuli gbe ọgbọ, ọ lema na li, khi Ẹshinẹgba ya ri agbo nali. Eni olamhe oyewe e khi olamhe ni ẹa ri eghuli gbe ọgbọ mhia ngme. Olamhe o la ọ ni o ri eghuli ẹ gbe ọgbọ. Ọa khi olamhe eghoghọ mhiẹ a lema shi.

17 Umha-gueli kpa, olamhe o khi. Ama olamhe o la ọ ni ọa ya ri eghuli gbe ọgbọ.

18 Awa lẹsẹ khi ọni Ẹshinẹgba ọ bia, ọa ya lamhe olamhe, irari khi eri Omi Ẹshinẹgba ọ khukhu ọli, ini Ọkphaghie ọ khi dobe li ọli onobe.

19 Awa lẹsẹ khi imi Ẹshinẹgba awa khi, ali khi Ọkphaghie ọ mhẹsẹ ẹ na ẹgbọ nya ni ẹa lẹsẹ Ẹshinẹgba.

20 Awa gbo lẹsẹ khi Omi Ẹshinẹgba ọ she bhale elemhi agbo, ali khi ọ she ri ilese ni awa rọ lẹsẹ ọni egbegbi Ẹshinẹgba. Ali khi awa kugbe ọni Ẹshinẹgba ni ọ khi igesikia ọ, igho awa gbo li kugbe iJesu iKirisiti ni ọ khi Omi ọli ọ. Lọlighuo kpe ọ khi egbegbi Ẹshinẹgba, ali oni agbo na agboagbo.

21 Eniye eyemhe, a mu egbe ẹ. A khi mhọli emini e ku ẹ ali ilitsa gbe.

* 5:3 Li ze iḵṇ 14.15 † 5:11 Li ze iḵṇ 3.36

Ebe onuzi-eva ni Iḵḵḵ Ḷ keḵe

¹ Mḵemḵe ḵḵbhali na igbaa oyi eni e mie iḶesu iḶirisiti suḵ mḵia keḵe ebe ona ghi e.

Yeḵe ḵḵpotso ni Eḵshineḵba ḵ zḵ ali imi e, ni mḵi nono ingme oyewe mḵi keḵe ḵli ghi. Ḷa khi mḵemḵeḵhuo tse mḵi nono ingme oyee, li shi eni e lese igesikia.

² Eri anye nono ingme oyee, itobo igesikia ni o la anye egbe, ni o kie ya la anye egbe agboagbo.

³ Mḵi lema Eḵshineḵba Ita ali iḶesu iḶirisiti Omiḵli e ri okhale ali ilelemḵi ali opfomḵe na awa elemḵi igesikia ali inono.

⁴ Egbe ma mu mḵe gba abi mḵi ro suḵ ingme oyi imi e eghuo, ni e la angeli ode oyi Eḵshineḵba, ni ee riḵe emini e ḵḵle Ita.

⁵ Irarigho, noḵpotso, onana ḵa khi omḵese onogbo ni mḵia yele e le, ama oni awa roḵe eḵe lese lo. Eri mḵie awa nono ingme egbe awa.*

⁶ Inono ni mḵia ngme khi awa mema ya ke ri omḵese oyi Eḵshineḵba gbe akanya. Oni omḵese abi ee nya a she li suḵ li roḵe eḵe vu khi, ee nya a mema la angeli inono.

⁷ Ebubu eḵbo ni e di eḵbo e she lasela shi asha kpa elemḵi agbo, ni ee liḵe khi iḶesu iḶirisiti ḵa li abi oḵbo li bhale agbo. Eḵbo enana nya, eḵbo elo-eḵbhue e khi, e gbo khi eni ee khḵli Omiepfuese.

⁸ Irarigho, a mu egbe e ini emini awa gbe akanya a shi o khi de awa obḵ-a, ama ni awa khi eni a somhopfa gba pfo.

⁹ Mḵi gueye e khi onini ḵa da mu emini iḶirisiti ḵ sese mḵue, ni ḵ da ḵ, ḵa mḵli Eḵshineḵba. Ama onini ḵ da mu emini iḶirisiti ḵ sese mḵue ne, ḵ mḵli Eḵshineḵba Ita ali Omiḵli.

¹⁰ Irarigho, ini oḵboḵḵḵghuo ḵ bhale debe ni ḵ ro tsua oseḵe olese ni ḵa khi onana bhale, khi ze ḵli lo owa oyḵe le, khi ga fe mḵli ikpaghiobo shi ḵli oni oseḵe.

¹¹ Onini ḵ da mḵli ikpaghiobo shi oni oḵbo oḵḵḵḵ oseḵe ne, eri ḵ kugbe ḵli ḵ, ni e ga riḵe oni oḵḵḵḵ.

Ungmemḵi ni o ḵpukḵokho

¹² Mḵi ga mḵli emḵi ebubu ni mḵi kḵa keḵe ghi e, ama mḵi aa nono ni mḵi keḵe we shi ebe. Eri mḵi ya ri ochoghḵ bhale ya bino e, isheḵḵo ni awa me egbe imi-alo nu egbe ngme. Ni oḵḵe oyawa o vo.

¹³ Imi inyoghue ni oḵpotso ni Eḵshineḵba ḵ ze, ee tse.

* 1:5 Li ze iḵḵḵ 13.34; 15.12,17

Ebe onuzi-ese ni Ijoni O keke

¹ Mhemhe ni mhi khi ogbhali.*

Mhia keke ebe ona ghi omole mhe iGayusi ni mhi nono ingme oyoli egbegbo.

² Omole mhe, mhi so iromhi ne, Eshinegba o ka re ze, ali emhikpa e ke je odalo ne onete abi ayemhe oye o lie je odalo shi o.

³ Egbe ma mu mhe gba abi eni anye ga miesuo eghuo e ro bhale ya bino anye, ni e ro guele khi u ma mu igesikia mhue ali khi u kiele e ngeli angeli igesikia.

⁴ Emhese ea la o ni o remhe e ghele, abine khi ini mhi suo khi imi mhe e la angeli igesikia.

⁵ Omole mhe, u ga ri igesikia ri ele emhi ebubu ro kpaghie inyoghwo awa ni awa ga miesuo obo, abi e ririe khi epfese.

⁶ Eni egbo e she gue ingme inono oye ye igbaa oyi eni e mie iJesu iKirisiti suo ni o la akana. Kpekpe kpaghie we obo ni e dobe ri oni okiali ke je odalo abi o li ghole Eshinegba.

⁷ Itobo oni Eva ona, e ro vu oni okiali ona, ni o khia khi ea lama mie eni ea mie Eshinegba suo ikpaghiobo.

⁸ Irarigho, awa egbo eyi iKirisiti, awa khi eni e mema ya kpaghie eni egbo eghoghwo obo, ni awa kugbe we o gbe oni akanya, shi igesikia.

⁹ Mhi kpe keke ebe ghi igbaa oyi eni e mie iJesu iKirisiti suo ni o la eoli oye, ama iDiotefisi ni o kie kpe ligho nono ni loli ralo na eni igbaa oyi eni e mie iJesu iKirisiti suo, o la lama ri emini mhi gueye oli gbe akanya.

¹⁰ Irarigho, mhi kha bhale, mhi ya guele emini o ri ele le gboo. Abi o lie gue anye ezoo, ni o lie ki eno egbholi ma anye. Ogho o ga bu oli, ama o ga gbo lama mie apfowa ni awa ga miesuo. Eri o ga khu egbo ni e nono ni wewe

e mie we shi owa ya fie igbaa oyi eni e mie iJesu iKirisiti suo.

¹¹ Omole mhe khi ke khonya angeli obe, ama khonya eminete. Oni o da ri ele eminete ne, Omi Eshinegba o khi. Onini o da ri ele onobe, o la lese Eshinegba.

¹² Ogbokpa oo ngme onete oyi iDemetriusi. Egbegbi angeli igesikia oyoli o gbo pfi otsele na li. Anye gbo ri otsele oyanye ma o. A lese khi otsele oyanye khi igesikia o khi.

Otse ni o kpukhokho

¹³ Emhi ebubu e la o ni mhi kha keke ghi e, ama mhi aa nono ni mhi keke we shi ebe.

¹⁴ Mhi sa khi mhi ya kele bhale ya me, ni awa me egbe imialo nu egbe ngme.

¹⁵ Opfomhe o ka nu e la. Emole e ni e la oola, ee tse e. Kpekpe tse emole anye nya ni e la oobo, otuoghwo.

* 1:1 Li ze Ika 19.29; iRom 16.23; 1 iKori 1.14

Ebe ni iJudu O keke

¹ Mhẹmhẹ iJudu ni mhia ga iJesu iKirisiti, ni mhi gbo khi inyoghuo iJemhisi mhi keke ebe ona.*

Eni Eshinegba Ita o ze, ni o nono ingme oyewe, ni a ri akhukhu oyi iJesu iKirisiti khukhu, mhi keke oli ghi.

² Ilemhi ali opfomhe ali inono ni e gbeku o, e ka khi oyeye.

Epfua oyi egbo esese egbholi

³ Emole mhe ni awa ga a ga Eshinegba, o mema ghole mhe ni mhi keke ingme imiepfuese ni awa mholi shi ebe ghi e, ni mhi ro me khi o mu egbe ne ni mhi ri ebe ya ri udu shi e o, ni a dobe gbelighi shi oni irudunga ni Eshinegba o ro nga egbo eyoli obo agboagbo kpa.

⁴ Oni irudunga o she la okhena, irari khi egbo ni ea ya na ulishi Eshinegba e she kuma awa o ni awa aa lese. Eni e mu ilelemhi oyi Eshinegba nyene, khi eri o ri egheghe na we e ro ke li itsebo. E kie iJesu iKirisiti ni o khi Oga ali Onomhue oyawa. O she tese ni Ebe-no-pfuase o ro kpe te eke ngme oli khi eni e ya pfua ele iguezo e khi.

⁵ Irari khi ini a ririe kpe kie lese ena nya, mhi kie gbolo e yele e le khi Onomhue o rue egbo eyoli rote eke iJipiti lasele, ama, elelese, o pfuse ni ea lama miesuo ni e la we iteva-a.†

⁶ A sato khi igeni ni ea mu omhese ni a ro na we mhue, ni e lase ashini a re we shi-a. Eri o rewe shi obili, o ri iweghe na agboagbo ge we, o rewe e khe iguezo ona ogbele ni o fune ni a la ya pfuse we a.

⁷ A sato khi igho egbo iSodomu ali iGomora ali eni e la eoli ni e mama we e li i ngeli, ni e ro ku abo lo itsebo ali ighue ebe imumu. Eri a na we osoli

na agboagbo, ro re we riele irokhokho, ro tse agua ye egbo kpa.‡

⁸ Igho eni egbo ena, e li la elena ni o rewe lamhe ri ichimhi mu egbe we, e ri ukpeloe gbe omhese oyi Eshinegba, e tigbe gbo me igeni na idane bie.

⁹ Egbegbi ageni ni o fune nya ni a lu iMakieni oa fe gbudu ri ungmehi imebie pfueche Okphaghi-a, abi e ro khe olimhi oyi iMosisi, ama eri o lese lie, "Onomhue o kie e."§

¹⁰ Ama eri eni egbo ena e kie pfi itsue e manya egbo shi emini ea ririe lese udi oli. Eri e li abi elamhako ni ea ya sa. Angeli obe oyewe o ze ni e ro pfua.

¹¹ Epfua e ya pfua! Ode oyi iKeni e rote, eri itobo ukpagho ri egbewe ni ode ni oa gbe akanya de abi oni iBelamu o riele. E nga engo, abi iKora o li nga engo, ni o ro li pfua.*

¹² Egbo ukhimhi elemhi e khi ini e nu e la ukue ni a la le eminale inono. E ri umha a na omama ali ulishi, e ro nu e a le eminale. Egbewe tse, e so eminale e shi idi. Eri e li abi uza ni akpekpeli o tsua kia. Eri e li abi era okase ni ea ya mo idumhi, ni a vu a pfia, e khakha.

¹³ Eri angeli oyewe o ri egbe a khas e abi ofulu oke oniemhi ni akpekpeli oo tsughuse. Eri e li abi ikpetata ni e kelea, ni Eshinegba o ri obili ni o limhi shi eke e khe agboagbo.

¹⁴ Agbhotu ishilua, Enoki o khi ini a rote Adamu leli oli, ayemhe o ro ngme ingme angme-shi-eke oyi egbo ena, ni o la lie, "Ghe khi Onomhue oo bhale, loli ali igeni agbele agbele eni e pfuase eyoli,

¹⁵ ni o ro bhale ya gue ogbokpa ez o, ni o ro pfa ez o mu egbo ebe nya shi ingeli ebe ni e ri ode obe ngeli, ali ingmemhi ebe ni e toto ni egbo ebe e ngme deba li."

¹⁶ Egbo awolo ali eni ee me umhagueli oyi ogbo e khi, oghumhe obe oyi egbewe e deba, e ri unu e nyanofifele shi osomhi ro ti egbewe nga. E

* **1:1** Li ze iMat 13.55; iMak 6.3 † **1:5** Li ze Okiali 12.51; iNoba 14.29-30 ‡ **1:7** Li ze Igbae 19.1-24 § **1:9** Li ze iDan 10.13,21; 12.1; Iro 12.7; iDeut 34.6; iZaka 3.2 * **1:11** Li ze Igbae 4.3-8; iNoba 22.1-35; 16.1-35

ri ikhomhi akọ ẹ titi ẹgbọ, ini o ba mẹ
asha ti wẹ egbe.

Itse-agua ali Ude

¹⁷ Ama emọle mhe, a sato em-
ini ighiusomhi na keẹ eyi iKirisiti
Ọnọmhue e ngme shi eke.

¹⁸ Ee gueye ẹ khi, “Ogbẹle
ikpukhokho, ẹgbọ ni e ri ẹgbọ ẹ li egia,
ni e ya ke deba oghuemhe ebe eyewe e
ya la o.”†

¹⁹ Eni ẹgbọ ena ẹẹ pfi okemhi shi ẹ
iteva. Isamhi agbọ, ni udu oyewe o
gueye we, ẹẹ deba. Eẹ mhọli Ayemhe
oyi Eshinẹgba.

²⁰ Ama ẹẹ emọle mhe, a ke sese egbe
ẹ ode irudunga ni o pfuase. A ke lema
elemhi Ayemhe-nọ-pfuase

²¹ A la elemhi inono oyi Eshinẹgba
abi a li migha a khe ilelemhi oyi iJesu
iKirisiti Ọnọmhue oyawa ni o re ẹ bhale
agbọ na agbọagbọ.

²² Le elemhi eni e mhue akhokhomhe
shi irudunga oyewe.

²³ Tsumhi ẹgbọ ni ẹẹ nono ni wewe
e mie iwali osese ẹgbhọli suo abine
khi u wa ti ọgbọ erali lasele, lelemhi
ẹgbọese ni e nono ikpaghiobo. Ama
mu egbe ẹ ini e khi yese li de pfilo
olamhe eyewe.‡

Iromhi ikuẹghie

²⁴⁻²⁵ Awa ri ikuẹghie na Eshinẹgba
Ọtsumhi oyawa itobo iJesu iKirisiti
Ọnọmhue oyi awa! Lọli o dobe ya mu
ẹ mhọli ini u khi de, ni o re pfuase,
re ẹ ghele odalo oyoli ni o mhọli
ufumhi. Eshinẹgba, lolighuo o fute ni
a ri ufumhi, ekpe, ekpabo ali omhesẹ
ẹ na, neni a mẹ igbaekele agbọ, ghe
memena, ali agbọagbọ. Atse.

† **1:18** Li ze 2 i*Pit* 3.3 ‡ **1:23** Abi a li keke ona shi elemhi iGiriki khi. ‘Khi mhọli emini u ri itsua ni
idiegbe olamhe e ri ichimhi a mu li.’

Irokhase Ni iJoni o keke

Ikhueghie ungmehi-a

¹ Ebe ona a keke imekeguele oyi iJesu iKirisiti shi ni Eshinegba o ro nali ni e khi emini a ya me ni ode o a ke ne, ni o rote obo oyi agheni rokhase iJoni oni oo ga oyoli.

² IJoni o pfi otsela shi emhi nya ni o me ni o khi ungmehi oyi Eshinegba ali otsela oyi iJesu iKirisiti.

³ Ikhivose o khi na ogbo ni o ya ze ingmemhi eyi imeguele ena, ikhivose o li ya khi na ogbo ni o suo we, ali oni o ri emini a keke shi o gbe akanya, irari khi oni eghenge ni a ro ya me eni emhi enana nya o she ti bhale.

⁴ IJoni o ri otse ghi igbaa nya eyi eni e mie iJesu iKirisiti suo ishilua ni e la eke Esha.

Okhale ali opfome o ka khi oye rote obo oyoli, Oni o khi loli, ni o kie kpe khi loli, ni o kie gbo ya bhale. Iyeme ishilua ni e migha odalo ukpekhomhi oyoli e li e tse e.*

⁵ Li shi iJesu iKirisiti ni o khi otsela ona igesikia, oni o te odode mu eghuli o le, ni o mhesa na ighie na agbo, o li ri otse ghi e.†

Loli ni o nono ingme oyawa, ni o ri o lia eyoli rue awa olamhe eyawa le,

⁶ o she ri awa khi ighie ali ekpodalougamhi eyi Eshinegba ni e ke ga Eshinegba oyoli ali itali. Ufumhi ali ekpabo e khi eyoli agboagbo ya je agboagbo! Atse.‡

⁷ A ghe i, o ya la
elemhi otughunu
ke bhale,
ukpeloe nya e ya me oli,
ghe egbo ni e sono li iwere.

Egbo nya na eke agbo
e ya vie oya irari oyoli.

Igho o ya li! Atse.§

⁸ “Mhemhe mhi khi Aafa ali Omega.” Eshinegba Onomhue Nofune nya o ngme gho, Oni o khi loli, ni o kie kpe khi loli, ali ni o ya bhale.*

Oni o li abi Omi ogbo

⁹ Mhemhe iJoni ni mhi khi inyoghue e ni awa ga me osoli, ni awa ga mholi obo shi omhesa ali ni awa kuegbe-a regbemie itobo iJesu. Abi mhi ro la eke ni i la iteva oke oniemhi ni a lu iPatimosi irari ungmehi oyi Eshinegba ali otsela oyi iJesu.

¹⁰ Ayeme o tiemhile shi mhe o ogbele oyi Onomhue, mhi suo uruli na leghe nabi akala ukhokho oyeme.

¹¹ Oni uruli oo, “Keke emini u me shi ebe, ni u rue oli ghi igbaa nya eyi eni e mie iJesu iKirisiti suo ishilua eni e la eoli Efesosi, ali iSimirina ali iPagamu ali iTiatira ali iSadisi ali iFiladefia ali iLaodisha.”

¹² Mhi mu egbe nyene ni mhi me uruli ni o nu mhe e ngme. Abi mhi ro nyene egbe, mhi me ikhuli igolu ishilua ni a ri ikpa ru e nga.

¹³ Ifui eni ikhuli ni a ri akpa ru e nga, mhi me ogbo, “Ni o li abi Omi Ogbo.”† O so itsua na dogo ni e ramhi oli imekene awe, ni o ri ugbhogbho igolu mu aye.

¹⁴ Ukhomhi ali itsu eyoli ee pfuase abi afuolu, ee pfuase pepere abi otughunu opfopo, ikpamhi alo eyoli e li abi elemhi erali.

¹⁵ Awe eyoli e ge nyagha abi akhuli ide. Uruli oyoli oo de limhilimhi abi ikhoshe oyi utumhi oke nofuni ni o rote ikhomhi eche tu e tiemhile.‡§

¹⁶ Obita oyoli o mu ikpetata ishilua mhue, itakobi ozalo eva o rote unu oyoli lasele. Alo eyoli e ga nyanyanya abi ovo o khueghie unu-a.

¹⁷ Abi mhi ro me oli, mhi de yeshi oli awe abi oni o she ghu-a. Ama o ri obita oyoli nga mhe egbe, oo mhe, “Khi na ulishi, mhemhe mhi

* 1:4 Li ze Okiali 3.14; Iro 4.5 † 1:5 Li ze Aza 55.4; Iwolo 89.27 ‡ 1:6 Li ze Okiali 19.6; Iro 5.10 § 1:7 Li ze iDan 7.13; iMat 24.30; iMak 13.26; iLuk 21.27; iTesa 4.17; iZaka 12.10; iJon 19.34,37 * 1:8 Li ze iRom 1.17; Iro 22.13; Okiali 3.14 † 1:13 Li ze iDan 7.13 ‡ 1:15 Li ze Ezik 1.24; 43.2 § 1:15 Li ze iDan 7.9; 10.6 * 1:17 Li ze Aza 44.6; 48.12; Iro 2.8; 22.13

khi Onodode ni mhi khi oni o kpe ukhokho.*

¹⁸ Mhemhe mhi khi Oni o la agbo, Mhi kpe ghua, ghe khe khi mhi la agbo agboagbo. Mhi mu okpe eghuli ali ilimhi mhue obo.

¹⁹ “Irarigho, keke emini u me, emini aa me mena, ali emini a ya me ini oo dene.

²⁰ Osheli oyi ikpetata ishilua ni u me mhe obita ali ikhuli igolu ishilua ni a ri ikpa ru e nga na. Eni ikpetata ishilua wewe e khi eni igeni ena igbaa oyi eni e mie iJesu iKirisiti suo ishilua, eni ikhuli ikpa ishilua e khi igbaa nya eyi eni e mie iJesu iKirisiti suo ishilua.

2

Ebe ni a keke ghi igba eni e miesuo ena eoli Efesosi

¹ “Keke enana ghi ageni na igbaa oyi eni e mie iJesu iKirisiti suo ni o la eoli Efesosi: Enana e khi ingmemhi eyi oni o mu ikpetata ishilua mhue obita, ni oo kia ifuabo eyi ikhuli igolu ni a ri ikpa ru e nga. ² Mhi lese onete ni aa rieleshi ali itotobo gbe akanya oyele ali iregbemie oye e. Mhi lese khi aa ya so egbo okholo shi iteva oye e, ali khi a she mu egbo ni e lu egbewe ighiusomhi na keke fe bino, a me khi egbholi ee lo.

³ A she mhue iregbemie, a ri egbe mie omunu irari eva oyemhe, aa ti egbe je ukhokho.

⁴ Ama mhi mholi ona ya gue shi e egbe, khi a she kie inono ni a te eke mhue.

⁵ A sato ashini a ti nga ramhi elemhi ayemhe ni a te de. A mu pfi, ni a rieleshi emini a kpe te eke e rieleshi gbo ke rieleshi. Ini aa mu pfi, mhi ya bhale deba e ya wololo ikhuli ni a ri ikpa ru e nga eye e ashini e la le.

⁶ Ama a mhue onete ona ni a rieleshi. Eri angeli eyi egbo iNikolaita e kpare e, ni o khia khi e lili e kpare mhe.

⁷ Oni o ze eso, o ro suo abi Ayemhe o gue e ye igbaa oyi eni e mie iJesu

iKirisiti suo nya.* Oni o da mu o le ne, mhi ya lama na li ni o le ukpamhi oora oyi agbo ni o la Apfe oyi Eshinegba ni o la iloghie.

Ebe ni a keke ghi igba eni e miesuo ena eoli iSimirina

⁸ “Keke enana ghi ageni na igbaa oyi eni e mie iJesu iKirisiti suo na eoli iSimirina.†

“Enana e khi ingmemhi eyi oni o ralo ni o gbo kpe ukhokho, ni o ghua ni o gbo bhale agbo.

⁹ Mhi lese osoli ali umhame oyele, ama a mholi epfue. Mhi lese ungmemhi opfueche ni egbo ni e lu egbewe iJu ni ea khi, e ro o pfueche e-a, no khia khi egbo owa ugamhi oyi okphaghie e khi.

¹⁰ A khi na ulishi osoli ni oo bhale na e. A ghe i, okphaghie o ya pfi eghuo lo ogba ighumha ni a mu e fe bino, a ya nase e ogbele igbe. A mu irudunga oyele mhue ramhi eghuli, egheghe agho, mhi ya ri arula oghie agbo na e.

¹¹ Oni o ze eso, o ro suo abi Ayemhe o gue e ye igbaa oyi eni e mie iJesu iKirisiti suo nya. Oni o da mu o le ne, eghuli ni uzeva oa ya ramhi oli egbe.‡

Ebe ni a keke ghi igba eni e miesuo ena eoli iPagamu

¹² “Keke ona ghi ageni na igbaa oyi eni e mie iJesu iKirisiti suo na iPagamu.

“Enana e khi ingmemhi eyi oni o mholi itakobi ozalo-eva ni o lolo e mu.

¹³ Mhi lese ashini a la, ikhi ashini okphaghie o ri ukpekhomhi oyoli shi. Ama a kie mu eva oyemhe mhue. Aa kie irudunga ni a mholi na mhe. Gbo li shi egheghe oyi Atipasi, ni o khi otsele oyemhe ni o migha shi igesikia, ni a gbe-a shi ifu apfe oyele ashini okphaghie o ngeli.

¹⁴ Ama mhi mhue ikuku ingme shi e egbe. A mholi egbo eghuo iteva oyele ni e mu osese oyi iBelamu mhue. Loli o sese oghie iBalaki o di egbo iZireni lo olamhe. Eri o gueye we e le eminale

* 2:7 Li ze Igbae 2.9; Iro 22.2; Ezik 28.13; 31.8 † 2:8 Li ze Aza 44.6; 48.12; Iro 1.17; 22.13 ‡ 2:11 Li ze Iro 20.14; 21.8 § 2:14 Li ze iNoba 22.5,7; 31.16; iDeut 23.4; iNoba 25.1-3

ni a ro luase obo na ikhumhi ali e ke ku itsebo. §

¹⁵ Igho a gbo mhue egbo ni e mu osese oyi iNikolaita mhue.

¹⁶ Irarigho, a mupfi. Ini o a khi igho, mhi ya kele bhale ya ri itakobi ni o la mhe unu nu we kholi.

¹⁷ Oni o ze eso o ro suo abi Ayemhe o gueye igbaa oyi eni e mie iJesu iKirisiti suo nya. Onini o da mu o le, mhi ya ri ibuledi eghuo ni a ro sheli na li le. Mhi gbo li ya ri eche opfopfo na li ni a keke eva onogbo shi, ni ogbo okhoghuo o a lese, se ni ogbo ni o mie oni echeli.*

Ebe ni a keke ghi igba eni e miesuo ena eoli iTiatira

¹⁸ “Keke ona ghi agheni na igbaa oyi eni e mie iJesu iKirisiti suo na eoli iTiatira: Enana e khi ingmemhi eyi Omi Eshinegba ni o mhue ikpamhi alo ni e ge abi elemhi erali, ni awe eyoli e li abi ide.

¹⁹ Mhi lese ikanya eye e, abi a li mholi inono ali irudunga ali abi a li ga egbe e ali iregbemie ni a mholi. A gbolo e ri ele memena dose abi a te eke li.

²⁰ Ama mhi mhue ingme onana ni mhi ya gue shi e egbe. A mie oni okpotso iJezebe ogho lama, oni o lu egboli omekeguele. Rote osese oyoli o te di eni ee ga eyemhe ya lo itsebo, ni e gbolo a le eminale ni a ro luase ikhumhi. †

²¹ Mhi she ri eghenge na li ni o ro mupfi lase itsebo eyoli le, ama o a ghole oli.

²² A ghe i, mhi ya ri ughuamhi pfi oli gbe she ukpho osoli, mhi ya pfi egbo ni e nu oli kia okia lo osoli, se ni e mupfi lase ode okholo oyoli le.

²³ Mhi ya ri eghuli gbe imioli, eghenge agho eni igbaa nya eyi eni e mie iJesu iKirisiti suo e ya lese khi mheme khi oni oo bino udu ali isamhi eyi ogbo. Mhi ya fali e ota abi ogbogbo o li gbe. ‡

²⁴ “Ama ee ni e kpo le shi eoli iTiatira ni ea lama mu osese eyi iJezebe mhue, ni aa lama wena owena eyi okphaghiye ni ee lu osheli ni e limhi, mhi aa ya khi omhese olese nga e ike.

²⁵ A lese mu emini a mholi mhue obo egbegbo ya ramhi ni mhi ro ya bhale.

²⁶ Oni o mu o le, ni o ri oghumhe oyemhe gbe ya ramhi ukpese, mhi ya ri ishishi nali ke mhese shi.

²⁷ ‘O ya ri akhuli mhue obo ke mhese na we, o ya guoghwo we-a abi a lie ma ekhe.’ §

²⁸ O ya mholi afu onabi mhi rote obo oyi Itamhe mie. Mhi gbo ri ukpetata anukpesumegie na eluzogbe na li.

²⁹ “Oni o ze eso, o ro suo abi Ayemhe o gueye eni igbaa nya oyi eni e mie iJesu iKirisiti suo.

3

Ebe ni a keke ghi igba eni e miesuo ena eoli iSadisi

¹ “Keke ona ghi agheni na igbaa oyi eni e mie iJesu iKirisiti suo na eoli iSadisi.

“Enana e khi ingmemhi eyi oni o mu iyemhe ishilua eyi Eshinegba ali ikpetata ishilua mhue. Mhi lese ikanya eye e. A mholi eva onete abi ezeze khi a la agbo, ama eri a ghua.

² A guale ni a zese emini o kpo e le-a ni e nono ni e ghua. Irari khi mhi me ikanya eye e khi ea gba pfo odalo oyi Eshinegba oyemhe.

³ A ri itobo igho sato emini a she mie ni a suo, a ri oli gbe akanya, a mupfi. Ama ini aa da guale, mhi ya bhale abi oghiat, aa ya lese eghenge ni mhi ro ya bhale na e.*

⁴ Abi o kie li ena, a kie mhue egbo eghuo eoli iSadisi ni ea ri ichimhi mu itsua eyewe. E ya so itsua epfopfo nu mhe kia, irari khi e te o.

⁵ Oni o mu o le, igho o li ya so itsua epfopfo. Mhi aa ya shishi eva oyoli ebe ni a keke eva oyi eni e ya mholi

* 2:17 Li ze Okiali 16.14-15; 16.33-34; ifon 6.48-50; Aza 62.2; 65.15 † 2:20 Li ze 1 Ighie 16.31; 2 Ighie 9.22,30 ‡ 2:23 Li ze Iwolo 7.9; ijere 17.10; Iwolo 62.12 § 2:27 Li ze Iwolo 2.8-9 * 3:3 Li ze iMat 24.43-44; iLuk 12.39-40; Iro 16.15

agbo na agboagbo shi-a. Ama mhi ya ngme ingme oyoli le khase itamhe ali igeni eyoli.†

6 Oni o ze esọ, o ro suo emini Ayemhe o gueye eni igbaa oyi eni e mie iJesu iKirisiti suo nya.

Ebe ni a keke ghi igba eni e miesuo ena eoli iFiladefia

7 “Keke ona ghi ageni na igbaa oyi eni e mie iJesu iKirisiti suo na eoli iFiladefia. Ena e khi ingmemhi eyi oni o pfuase, ni o khi igesikia, ni o mholi okpe oyi iDefidi. Oni o kha khueghie-a, ogbo o la o dobe ya khukhu, oni o kha khukhu, ogbo o dobe khueghie-a.‡

8 Mhi lese ikanya eye e. A ghe i, mhi she khueghie ode-a shi eke na e, ni ogbo o dobe ya khukhu. Mhi lese khi ukuku itoto a mholi, abotseku khi igho, a kie ri ungemhi oyemhe e gbe akanya, aa tigbe kie eva oyemhe.

9 A ghe i, mhi ya ri eni e la owa ugamhi oyi okphaghi e ni e lu egbewe iJu ni o khia khi egbholi e lo, bhale ya nyese ukhomhi shi e ufuege ni e lese khi mhi nono ingme oye e. §

10 Irari khi a ri omhese oyemhe gbe akanya ni o gueye e a ri irabomudu ri egbe mie, mhi ya rue e imufe le, ni o bhale eke agbo nya. Imufe ni o ya mu egbo na agbo nya fe bino.

11 Mhi ya keke bhale. Mu emini u mholi mhue toto, ini ogbokhoghuo o khi mie e arula oghie oye.

12 Oni o da mu o le ne, mhi ya roli khi oche elemhi Owa ugamhi oyi Eshinegba oyemhe. Oa ya tigbe rote agho vu. Mhi ya keke eva oyi Eshinegba oyemhe shi oli egbe, li shi eva oyi eoli oyi Eshinegba oyemhe ni o khi iJerusalemu onogbo, ni o rote Eghiele oyi Eshinegba oyemhe e tiemhile ali eva onogbo oyemhe.*

13 Oni o ze esọ, o suo emini Ayemhe o gue e ye eni igbaa oyi eni e mie iJesu iKirisiti suo nya.

Ebe ni a keke ghi igba eni e miesuo ena eoli iLaodisha

14 “Keke ona li ghi ageni na igbaa oyi eni e mie iJesu iKirisiti suo na eoli iLaodisha. Enana e khi ingmemhi eyi Atse, ni o khi otsele oni o ze ri egbe e nga, ni o khi igesikia, oni o mhese e na emini Eshinegba o ma nya.†

15 Mhi lese ikanya eye e khi, aa mhue utomhi wekhi eri a pfo. O kha ti ini a khi oghuo o lo.

16 Irarigho, itobo khi a rimhe, ni aa ro to wekhi eri a pfo, mhi ya rote unu oyemhe to e pfa.

17 Irari khi a lie, ‘Mhi pfue, mhi she ti epfue ma, mhi aa ke mhue emini o to mhe.’ Ama aa lese khi egbo eyemhe a khi, eni a vie osoli e na, ena umhame, ni e khi ezalo ali ebanoa.

18 Irarigho, mhia ye e ude ni a nu mhe de elomho ni a ri erali nye-a ini a mele eni e pfue-a, ni a mholi itsua epfopo ni aa so, ni a ro khukhu irumheba omama eye e. Ni mhi ri ogugu na e vi shi alo ni a ke me eke.

19 Egbo ni mhi nono ingme oye we, mhi ya dese, mhi gbo sheshe we shi ode, irarigho a mhue omuegbe ni a mu nyene.‡

20 A ghe i! Mhi migha ode mhia kpheli obo o, ini ogbokhoghuo o suo uruli oyemhe ni o ro khueghie-a na mhe, mhi ya lo le, mhi nu oli le, o nu mhe le.

21 Oni o mu o le, mhi ya lama na li ni o nu mhe shito ukpekhomhi oghie oyemhe, ezeze abi mheme mhi li mu o le ni mhi nu Itamhe shito ukpekhomhi oghie oyoli.

22 Oni o ze esọ, o ro suo emini Ayemhe o gueye eni igbaa nya eyi eni e mie iJesu iKirisiti suo.”

4

Ugamhi na iloghie

1 Abi mhi ro me ena dose se, mhi ke gbo me imeke olese. Mhi me khi ode o khueghie-a shi iloghie, mhi suo khi uruli ni o kpe nu me mhe ngme abi

† 3:5 Li ze Okiali 32.32-33; Iwolo 69.28; Iro 20.12; iMat 10.32; iLuk 12.8 ‡ 3:7 Li ze Aza 22.22; iJobu 12.14 § 3:9 Li ze Aza 49.23; 60.14; 43.4 * 3:12 Li ze Iro 21.2; Aza 62.2; 65.15 † 3:14 Li ze Ekpi 8.22 ‡ 3:19 Li ze Ekpi 3.12; Iburu 12.6

akala. Oo mhe, “Bhale odane ana, khi mhi ya re khase emini a ya me ini ena e dose se.”

² Utoghuo kpe mhi la elemhi Ayemhe, mhi me odalo oyemhe khi ukpekhomhi o migha iloghie, khi ogbo o shito nga o.

³ Oni o shito o, o li abi echere ni oo ge ni a lu ijasipa ali ikaneliani. Ogaji ni o li abi echere ughegbe ni a lu emeradi o vi gasere oni ukpekhomhi.*

⁴ Ikpekhomhi uye ali ene elese e la gasere oni ukpekhomhi. Egbhali uye ogbo ali aane e shito eni ikpekhomhi. E so itsua epfopfo, e rughu irula oghie igolu shi ukhomhi.

⁵ Rote oni ukpekhomhi oghie, inyamhisalo amere ali ingmolo oyi akphala e te o o lasele. Rote oni ukpekhomhi oghie ikpa ishilua e lala ni e khi Ayemhe ishilua eyi Eshinegba.†

⁶ Ali khi oni ukpekhomhi khi emini o li abi okere ighegbe oniemhi o la odalo oli ni o pfuase ni a te e mere eke gboo.

Elamhako aane ni e mhue ayemhe ni e zere alo gasere egbe odalo ali ukhokho, e le gasere oni ukpekhomhi oghie roli shi iteva.

⁷ Emini o mhue ayemhe onodode o li abi idu, onuzava o li abi ena, onuzase o zere alo abi ogbo, onuzi-aane o li abi akpa odegbe ni oo fiala.‡

⁸ Eni elamhako aane ena e mholi ipfua esesa esesa, e mholi ikpamhi alo gasere idiegbe, li ghe elemhi ipfua eyewe, Ele oguota ali ele iyose ea tigbe e yemhe-a, eri e lese lie,

“Ipfuase, ipfuase, ipfuase
khi Eshinegba Onomhue
Nofunere nya,

Oni o khi loli,
ni o kie kpe khi loli,
ali ni o ya bhale.”§

⁹ Ini eni elamhako aane egho e da ri ufumhi ali ekpere ali ikphemhi na oni o shito oni ukpekhomhi oghie ne, ni o laa a lere lere na agboagbo,

¹⁰ eni egbhali uye ogbo ali aane egho, e de ya yeshi na oni o shito oni ukpekhomhi, e ri kphemhi na oni laa a lere lere na agboagbo. E gueghie irula eghiele eyewe shi eke odalo oni ukpekhomhi oghie, ere lie.

¹¹ “U tere Onomhue ali
Eshinegba oyanye,
Ni o mie ufumhi
ali ekpere ali ekpabo,
Irari khi yere u ma emhikpa.
Oghumhe oye u ro ma we,
loli e gbo ro laa abi a li ma we.”

5

Ebe ali Omi Osumha

¹ Mhi ke gbo mere oni o shito oni ukpekhomhi oghie khi o mu ebe ni a kere emhi shi odalo oli ali ukhokho oli mhue obita. A ri erueli rote asha ishilua to oli ma.*

² Mhi mere ageni ni o funere ni o tseere ngme leghe oo lie, “Oghuo o ya dore maghie eni erueli oni ebe-a?”

³ Ama ogbokhoghuo oa la iloghie, wekhi eke agbo, wekhi ikpere na agbo, ni o dore khueghie oni ebe-a, ukeneta khi eri o dore ya bino elemhi oni ebe.

⁴ Mhi viere egbegbo irari khi aa mere ogbo ni o tere ni o ya khueghie oni ebe-a wekhi ni o bino elemhi oli.

⁵ Otuoghuo eni egbhali egho oo mere, “Khi ke viere! Ghe kere, Odumhi na unekpere oyi iJuda, Omiomi iDefidi o she mu o le. O dore ya khueghie oni ebe-a ali erueli ishilua eyoli.”†

⁶ Igho mhi mere khi Omi Osumha khi o migha odalo oyi oni ukpekhomhi oghie ni elamhako aane egho, ali eni egbhali e gasere. O li abine khi a she kere gbe oli-a. O zere ekphali ishilua ali ikpamhi alo ishilua ni e khi Ayemhe ishilua eyi Eshinegba ni o she ghie je eke agbo nya.‡

⁷ Oni omi osumha o le ya rue oni ebe obita oyi oni o shito oni ukpekhomhi oghie.

* 4:3 Li zere Ezik 1.26-28; 10.1 † 4:5 Li zere Okiali 19.16; Iro 8.5; 11.19; 16.18; Ezik 1.13; Iro 1.4; iZaka 4.2

‡ 4:7 Li zere Ezik 1.22,5-10; 10.14 § 4:8 Li zere Ezik 1.18; 10.12; Aza 6.2-3 * 5:1 Li zere Ezik 2.9-10; Aza 29.11 † 5:5 Li zere Igbae 49.9; Aza 11.1,10 ‡ 5:6 Li zere Aza 53.7; iZaka 4.10

8 Abi o ro rue oni ebe se, eni elamhako aane egho ali egbhali uye ogho ali aane, e de yeshi odalo oyi oni Omi osumha. Wewe nya ogho o mu efa mhali obo ali itasa igolu ni ituale afu era ni a tose e vo, ni e khi iromhi ni eni Eshinēgba o she pfa na e so. §

9 E to uwolo onogbo, e lie,
 “U te oni o rue oni ebe,
 u gbo te oni o ya maghie
 erueli ni a ro ma o-a,
 Irari khi a gbe-a,
 U ri o lia eye de egho
 na Eshinēgba,
 egho ni e rote agbo nya bhale
 rote unuekpe nya ali
 emue ododa ali egho ododa nya.*

10 U rewe mele ighie
 ali ekpodalo-ugamhi ni e ga
 Eshinēgba oyawa-a.

E ya la agbo ke mhesē.”†

11 Mhi bino mhi suo iruli eyi igeni ebubu ni e ramhi igbele ali idududu. E le gase oni ukpekhomhi oghie ali elamhako egho ali eni egbhali. ‡

12 E ri ukpokpomhi uruli i to uwolo, e lie,

“Oni o teo Omi osumha
 ni a gbe-a o khi,
 ni o mie ekpabo ali epfue
 ali ilasingme ali itoto,
 ali ekpe ali ufumhi
 ali ikueghie!”

13 Mhi tigbe suo khi emhikpa ni a ma na iloghie ali eke agbo ali ikpoke na agbo ali ena oke oniemhi ali emini e lao elemhi o ni nya khi e to uwolo, ee lie,

“Oni o shito oni ukpekhomhi
 ali Omi osumha,
 Ikuēghie ali ekpe
 ali ufumhi ali ekpabo,
 e khi eyeē, rote
 agbo agbo ya je agbo agbo!”

14 Eni elamhako aane egho e li, “Atse,” eni egbhali egho, e de yeshi, e ga li.

6

Eni erueli

1 Mhi tokpe bino abi oni Omi Osumha o ro maghie erueli onodode elemhi eni erueli ishilua-a. Mhi suo khi oghuo eni elamhako egho o ngme abi uruli akphala, o o li, “Bhale!”

2 Mhi bino, ghe achi opfopfo odalo oyemhe khe! Omose ni o nga li o mu usheli mhue, a ri arula oghie na li, o nga oni achi ya fie abi okhali-okhue ni o khali mu o le ni o gbo vu ya khali mu o le.*

3 Abi oni Omi Osumha o ro maghie erueli onuzi-eva-a, mhi suo khi elamhako onuzava o ngme, o o li, “Bhale!”

4 Mhi me khi achi olese ni o o yile nyogh o fie lasele. A ri afu na oni o nga li ni o ro rue opfomhe eke agbo-a, ni o ro ri egho ke gbolo egbe we-a. A ri oghoro oniemhi na li. †

5 Abi oni Omi Osumha o ro maghie erueli onuzi-ese-a, mhi suo khi elamhako onuzi-aase o ngme, o o li, “Bhale!” Mhi bino, ghe achi obishi odalo oyemhe khe! Oni o nga li o mu emini a ro o mhesē ukhomhi oyi emhi. ‡ 6 Mhi suo khi emini o li abi uruli o la elemhi ifuabo oyi eni elamhako aane egho ngme, o o lie, “Ifata ogbeleghuo a ri ago oghuo oyi ado e de, idiakpala ese oyi okpa, o li migha shi ifata ogbeleghuo. Khi yese oili olivu-a ali onyo!”

7 Abi oni Omi Osumha o ro maghie erueli onuzi-ene-a, mhi suo khi uruli oyi elamhako onuzi-aane o o li, “Bhale!”

8 Igho mhi me achi ni o li abi oni o ya ghu-a. Oni o nga li a lui Eghuli, ali eghiele ilimhi oo deba li udidi, a ri afu na we ni e ro ri oghoro ali okiamhi ali ighuamhi ali elamhako okhena gbolo egho iku akemhishi asha ene egho na eke agbo-a. §

9 Abi oni Omi Osumha o ro maghie erueli onuzi-ishe-a, mhi me iyemhe eyi egho na gbolo-a irari ungemhi

§ 5:8 Li ze Iwolo 141.2 * 5:9 Li ze Iwolo 33.3; 98.1; Aza 42.10 † 5:10 Li ze Okiali 19.6; Iro 1.6 ‡ 5:11 Li ze iDan 7.10 * 6:2 Li ze iZaka 1.8; 6.3,6 † 6:4 Li ze iZaka 1.8; 6.2 ‡ 6:5 Li ze iZaka 6.2,6 § 6:8 Li ze Ezik 14.21

oyi Eshinegba ali otsele ni e mu mhue ufui oni atete.

¹⁰ Ee vie leghe, e lie, "Onomhue ni o khi ona ipfuase ali igesikia, egheghe onoghuo u ro ya gue egbo na agbo ezọ, ni u ro ya ye okhue oia eyi anye obo oyewe na anye?"

¹¹ Egheghe agho, a ri itsua epfopfo na we. A gueye we e migha ne ukuku o, ramhi egheghe ni eni ee ga nabi wewe etuangme ni a nono ni a li gbolo-a e ro ya gba. Ezeze abi a li gbolo wewe-a.

¹² Mhi bino abi o li khueghie erueli onuzi-esesa-a. Ukpokpomhi eke o kulue. Ovo o bishi-a abi ode abuma ni a ri iriria elamhi do. Uki nya o yile-a abi oia.*

¹³ Ikpetata na idane e deno kule eke abi ikpamhi okhua-eni ni ea yile ne e lie de kule ini akpekpeli ni o ze o jighise we.

¹⁴ Irarogbe o khili ode-a abi a lie khili ighele eke-a. Ite nya ali eke ni e la iteva oke, a rue we ashini e la le.††

¹⁵ Egheghe agho, ighie na eke agbo ali ekhemhue ali idenomọ okholi ali eni e mhọli epfue ali eni e mhọli ekpabo ali ogbokpa ali ighumha ali eni ea khi ighumha, e na ya sheli ifui irui ali echẹ na ite.§

¹⁶ Ee vie lu ite ali echẹ eniemhi, e lie we, "A de mu anye ni a ri anye sheli eloe oyi oni o shito oni ukpekhomhi oghie ali ofu oyi oni Omi Osumha!*

¹⁷ Irari khi ogbele ofu oniemhi oyi Eshinegba o she ramhi ni o ro ya tiemhile shi we o, oghuo o dobe ya migha?"†

7

Egbo agbele egbhueshilua ali ene (144,000) ni a shi olele

¹ Ona o dose se, mhi ke gbo me khi igeni aane e migha iguabo enenene na eke agbo. E mu akpekpeli enenene na iguabo eke agbo gba ini akpekpeli

o khi ke li eke agbo, wewe ukhomhi oke oniemhi wewe era.*

² Igho mhi ke me ageni olese khi o rote obini ovo o te e ngale laselle, o tsua akhuli ni a ro o shi emhi olele oyi Eshinegba ni o la agbo. O ri uruli na leghe lu eni igeni aane egho ni a ri ekpabo na ni e ro yese eke ali oke oniemhi-a.

³ Oo we, "A khi yese eke-a wewe oke oniemhi wewe era, se khi awa shi olele shi eni ee ga eyi Eshinegba alukpo se."†

⁴ Igho mhi suo khi eni a rote elemhi edeli eyi iZireni nya shi olele, e ya khi egbo agbele egbhueshilua ali ene (144,000).

⁵ A rote unuekpe oyi iJuda, shi olele shi egbo agbele igbeva egbe (12,000).

A rote unuekpe oyi iRubeni, shi olele shi egbo agbele igbeva egbe (12,000).

A rote unuekpe oyi iGadi, shi olele shi egbo agbele igbeva egbe (12,000).

⁶ A rote unuekpe oyi iAsha, shi olele shi egbo agbele igbeva egbe (12,000).

A rote unuekpe oyi iNafutali, shi olele shi egbo agbele igbeva egbe (12,000).

A rote unuekpe oyi iManase, shi olele shi egbo agbele igbeva egbe (12,000).

⁷ A rote unuekpe oyi iSamo, shi olele shi egbo agbele igbeva egbe (12,000).

A rote unuekpe oyi iLiva, shi olele shi egbo agbele igbeva egbe (12,000).

A rote unuekpe oyi iSaka, shi olele shi egbo agbele igbeva egbe (12,000).

⁸ A rote unuekpe oyi iZebulo, shi olele shi egbo agbele igbeva egbe (12,000).

A rote unuekpe oyi iJosefu, shi olele shi egbo

* **6:12** Li ze Iro 11.13; 16.18; Aza 13.10; iJofe 2.10,31; 3.15; iMat 24.29; iMak 13.24-25; iLuk 21.25 † **6:14** Li ze Iro 16.20 ‡ **6:14** Li ze Aza 34.4 § **6:15** Li ze Aza 2.19,21 * **6:16** Li ze Osia 10.8; iLuk 23.30 † **6:17** Li ze iJofe 2.11; iMala 3.2 * **7:1** Li ze iJere 49.36; iDan 7.2; iZaka 6.5 † **7:3** Li ze Ezik 9.4,6

agbele igbeva egbe (12,000).
A rote unuekpe oyi iBejami,
shi olole shi egbo
agbele igbeva egbe (12,000.)

⁹ Ona o dose se, mhi bino, ghe ebubu egbo ni ogbokhoghuo o dobe ya leli khe! Ishishi khi ishishi ali unuekpe nya ali egbo ali emue ododa e te bhale. Igho e migha odalo oyi oni ukpekhomhi oghie, e migha odalo oyi oni Omi Osumha, e sono itsua epfopo, e muno eyamhi mholi abo.

¹⁰ E tsele leghe, e lie.
“Eshinegba oni o shito
oni ukpekhomhi oghie,
O mholi ekpabo
ni o ro mie egbo eyoli pfuese,
igho li khi oni Omi Osumha.”

¹¹ Igeni nya e migha gaso oni ukpekhomhi oghie, ali eni egbhali ali elamhako aane e de ta alo mu eke odalo oni ukpekhomhi oghie e ga Eshinegba.

¹² E lie,
“Atse!
Ikueghie ali ufumhi,
ali egbhe ali
ikphemhi ali ekpe,
ali ekpabo ali itoto,
e khi eyi Eshinegba oyawa,
ele na agboagbo.
Atse!”

¹³ Igho ogbhali oghuo elemhi we o nu mhe ngme o mhe, “Eghuo egho e khi ni e sono itsua epfopo? U lese obini e te bhale?”

¹⁴ Mhie oli, “Oga, yeye u ya lese.”[‡]
Oo mhe, “Ena e khi eni e pfue oni ukpokpomhi ajilimhe, e she pfue itsua eyewe-a, e ri oia eyi oni Omi Osumha rewe pfuase.

¹⁵ Irarigho,
“E ro migha odalo
ukpekhomhi oghie
oyi Eshinegba.
Ni e la
elemhi Owa oyi Eshinegba oyoli
ke ga li ele oguota ali eliyose.
Oni o shito oni

ukpekhomhi oghie oyoli,
o ya ri okhoro oyoli
khukhu we.

¹⁶ Okiamhi o ke
gbo ya gbe we ghue,
wekhi okiamo o ke ya gbe we
ghue.

A ya khukhu we ovo erere,
o ke tose we ghue.[§]

¹⁷ Irari khi oni Omi Osumha
ni o migha odalo oni
ukpekhomhi oghie,
o ya ri eloe ke khu we.
O rewe je oke ame
ni o ri agbo a na ogbo.
Eshinegba o ya shishi we amevie alo-
a.”*

8

Erueli onuzi-ishilua

¹ Abi oni Omi Osumha o ro maghie eru e onuzi-ishilua-a, iloghie o kekeke elemhi iminiti uye ali igbe.

² Igho mhi me igeni oshilua ni e migha odalo oyi Eshinegba, khi a ri ikala ishilua na we.

³ Ageni olese o bhale ya migha atete. O tsua ilolo oyi elomho. A ri afu ituale ne e bu na li ni o ya tose, gbo li shi iromhi ni eni Eshinegba o she pfa na e so. O la oni atete elomho ni o la oni eghiele tose we.*

⁴ Ewoli eyi oni ituale afu era ni aa tose ali iromhi eyi eni Eshinegba o she pfa na, e rote obo oyi oni ageni nga idane deba Eshinegba.

⁵ Igho oni ageni o rue oni ilolo, o we erali ni e la ukhomhi oni atete vo o. O pfi oli tiemhi eke agbo, igho ikphala e de, ali ingmolo, ali inyamhise alo ame, ali eke ikulue.[†]

Eni ikala

⁶ Mena, igeni oshilua ni e mholi ikala ishilua e mu egbe ni e ro pfi we.

⁷ Ageni onodode o pfi akala oyoli, eche ame ali erali e kuma oia wushe kugbe, e de ku shi ekekhe. Ukiekie opfoghuo akemhishi ese oyi eke agbo, o

[‡] 7:14 Li ze iDan 12.1; iMat 24.21; iMak 13.19 § 7:16 Li ze Aza 49.10 * 7:17 Li ze Iwolo 23.1; Ezik 34.23; Iwolo 23.2; Aza 49.10; 25.8 * 8:3 Li ze Emo 9.1; Okiali 30.1,3 † 8:5 Li ze iLev 16.12; Ezik 10.2; Okiali 19.16; Iro 11.19; 16.18 ‡ 8:7 Li ze Okiali 9.23-25; Ezik 38.22

to-a. Asheghuo akhemhi shi ese oyi epera nya e toa, ebuli nya e toa.‡

8 Ageni onuzi ava o pfi akala oyoli, emini o li abi ute o lala, a pfi oli lo oke oniemi. Ukiekie oghuo ini a kemhi oni oke oniemi shi asha ese o mele oia-a

9 asheghuo akemhi shi ese elamhako ni e lao e ghuloo, asheghuo akemhishi ese oko-okoniemi ni e la oni oke e tseke-a.

10 Ageni onuzase o pfi akala oyoli, ukpokpomhi ukpetata ni o lala abi ugbili, o rote idane pfa, o de ya shi asheghuo akemhi oke nya shi asha ese ali inu we ni oke e te e chocho. §

11 Eva oyi oni ukpetata a lu Oyala. Asheghuo akemhi-shi ese ame eyi oke nya ni o de pfilo egho e yala, ebubu egbo e ghuloo irari khi eni ame oke e yala.*

12 Ageni onuzi-aane o pfi akala oyoli, a gbe emhi shi asheghuo akhi ovo-a shi asha ese, ali akhi uki-a shi asha ese, ali akhi ikpetata-a shi asha ese. Eni asha esesese ena e bishi-a. A khi ogbe-a shi asha ese, o bi obili-a, igho a li li khi eliyose-a shi asha ese, akpa oa ge. †

13 Abi mhi li bino egho, mhi suo khi akpa odegbe ni o la irarogbe fiala, o vie, o lie, "Epfua, Epfua! Epfua o khi na eni e la eke agbo itobo ikala ni igeni aase enekpole e ya pfi."

9

1 Ageni onuzi-oshe o pfi akala oyoli. Mhi me ukpetata ni o rote idane de tiemhile ekেকে. A ri okpe oyi ode oyi ilimhi na ningolo na li.

2 Abi o ro khueghie ode oyi oni ilimhi na ningolo-a, ewoli e rote o lasele abi ewoli ni e rote avuerelasele. Ovo ali irarogbe e bishi-a irari eni ewoli ni e rote oni ilimhi na ningolo lasele.*

3 Initso e rote eni ewoli ve e kule eke agbo, a ri afu na we ni e ro mhue ekpabo nabi eyi izage. †

§ 8:10 Li ze Aza 14.12 * 8:11 Li ze Ijere 9.15 † 8:12 Li ze Aza 13.10; Ezik 32.7; ijoe 2.10,31; 3.15

* 9:2 Li ze Igbae 19.28 † 9:3 Li ze Okiali 10.12-15 ‡ 9:4 Li ze Ezik 9.4 § 9:6 Li ze ijebu 3.21; ijere

8.3 * 9:7 Li ze ijoe 2.4 † 9:8 Li ze ijoe 1.6 ‡ 9:9 Li ze ijoe 2.5 § 9:13 Li ze Okiali 30.1-3

4 A gueye we e khi ri unu ti ebuli ali emhi ekomhi okhoghuo wekhi oora na eke agbo, ama e ke nase egbo ni ea mholi olele oyi Eshinegba shi alukpo oyewe. ‡

5 Aa lie we e gbolo eni egbo ena-a, ama ni e ro nase we iki ishe. Utomhi ni e to we, eri e li abi utomhi oyi okpi ini o ta ogbo.

6 Egheghe ni a ngme ena, egbo e ya ke nono eghuli ama ea ya me, o ya ghole we ni e ghu-a ama eghuli o ya me we na. §

7 Eni initso e li abi ichi ni a mu egbe shi okholi. E rughu emini o li abi arula oghie igolu shi ukhomhi, alo eyewe e li abi alo egbo.*

8 Itsu eyewe e li abi itsu eyi ikpotso, ako eyewe e li abi ako idumhi. †

9 E ze ipfiapfia shi egbe abi awulu akhuli ni okholi-okhue o ro a mu aye. Okeke ni ipfua eyewe e kpe, e li abi okeke oyi ichi ikhuli ni e lo bu ni e na le okhue. ‡

10 E ze ighia ali eka, ee ta abi ikpi, e mholi ekpabo shi eni ighia ni e ro na egbo osoli iki ishe.

11 E mholi oghie oyewe ni o khi ageni oyi ilimhi na ningolo. Abi a lu eva oyoli o khi Abadoni a lu oli elemhi Iburu. Ama Apolioni a lu oli elemhi iGiriki. (Oni o Yese-a a ri ona ngme.)

12 Epfua onodode o she dose, ama epfua eva elese ea bhale ne.

Akala onuzi-esesa

13 Ageni onuzi-osasa o pfi akala oyoli, mhi suo khi uruli o rote igo ene oyi atete igolu ni o kpo eke le ni o la odalo oyi Eshinegba ngme lasele. §

14 O gueye oni ageni onuzi-osasa ogho oo li, "Taghie igeni aane ni a ge shi epfe oke oniemi na lu iYufiretisi-a."

15 Igho a li rue eni igeni aane egho obo-a, ni a she ge shi agho, ro khe oni egheghe ona, ali ogbele ali uki ona, ali ukpe ona, ni e ya gbolo egbo igbekhi ese na eke agbo ona-a.

16 Ekholi-okhue etuangme ni a ro shi eke e khe okholi e bu ramhi udududu asha egbhuegbe, 200,000,000. Mhi suo etuangme ni a lu we.

17 Abi eni ichi ali eni e nga we e li na, abi mhi me we elemhi imealo oyemhe. Iwulu ikhuli ni ekholi-okhue e ro o mu aye eyewe, ee yile nyoghoh abi erali, e li abi egholi ibulu na koli, o mhohi oyile abi ofu. Ikhomhi eyi eni ichi e li abi ikhomhi idumhi, erali, ewohi ali ofulu e rote we unu lasese.

18 Igbekhi asha ese egbo nya, eni erali ali ewohi ali ofulu ni e rote we unu lasese e gbolo-a.

19 Ekpaboh eyi eni ichi e la we unu ali ighia. Irari khi eri ighia eyewe e li abi enye, e ze ikhomhi ni e ro kuale egbo utse.

20 Egbo ni e kpole shi agbo ni oni opfuse oha gbolo-a, eha kie mu pfi lasese ikanya aboh eyewe le. Eha lasese ekphaghie igaga le, li shi ugamhi eyi ikhumhi ni a ri igolu ali elomho ali ide ali eera khali. Ikhumhi ni eha ya me eke wekhi eri ee suo eso, wekhi eri e dobe e kia.*

21 Wekhi eri e lama mu pfi lasese ugbeli le, ali imhesese imumu ali itseboh ilili ali ighiatoh idodo.

10

Oni ageni ali ebe nikeke

1 Ighoh mhi me ageni nofuneh olese, khi oh rote idane e tiemhile, oh ri otughunu khukhu egbe, ogaji oh vi gasoh oli ikhomhi, alo eyohi e li abi ovoh, awe eyohi e li abi ocheh erali.

2 Oh mhohi ukuku ebe mhohi oboh ni o khueghie-a shi eke. Oh gbosoh owe obita oyohi shi elemhi okoh oniemhi, oh ri owe ohoboh nga eke.

3 Oh ri ukpokpomhi uruli pfi lasese leghe abi odumhi oh khoshe. Abi oh ro pfi, uruli ikphala ishilua e ngme.

4 Abi eni ikphala ishilua e ro ngme se, mhi nonoh ni mhi kekeh shi ebe, ama mhi suo khi uruli oh rote idane lie,

“Ri emini eni ikphala ishilua eghoh e ngme sheli, khi kekeh we shi eke.”

5 Ighoh onih ageni ni mhi me ni oh migha okoh oniemhi ali ekekeh eghoh, oh yase obita oyohi nga ukhui.

6 Oh ri eva oyi Eshinegba ni oh laoh le eh na agbohagboh romhi ishe. Oni oh ma ukhui ali emhikpa ni e laoh, ali eke ali emhikpa ni e la oh ali okoh oniemhi ali emhikpa ni e laoh. Oh, “Emhi enana eha ke ya tesh ni e ro bhale ya tse.

7 Ama khi ogbele ni ageni onuzi-oshilua oh da ya pfi akala oyohi, Eshinegba oh ya khueghie osheli oyohi-a ni oh gba abi oh li gue oh yeh eni eh ga ni e khi emekeguele eyohi.”*

8 Ighoh uruli ni mhi rote iloghie suo eghoh oh gbo nu mhe ngme, oh mhe, “Le ya mie ageni ni oh migha okoh oniemhi ali ekekeh igheloh ebe ni o khueghie-a, ni o la li oboh.”

9 Ighoh mhi leh deba onih ageni mhi eh oh ri oni ebe nikeke ohoh na mhe. Oh mhe, “Moh oli le. Oh ya yese eh elemhi-a, ama oh ya viloh eh unu abi iwoh.”

10 Mhi mie onih ageni oni ebe nikeke oboh, mhi roli le. Oh viloh mhe unu abi iwoh, ama abi mhi ro roli le se, oo yala mhe elemhi.†

11 Ighoh a gueyeh mhe, “U mema ya mekeguele shi ebubu unuekpe, ali egboh ali emueh ododa ali ighie egbe.”

11

Eni otseloh aava

1 Ighoh a ri ufuloh ni o li abi ukpokpo ni a ro oh mheseh emhi na mhe, a gueyeh mhe, “Le ya mheseh Owa Ugamhi oyi Eshinegba ali ateteh ali eni eh ga ugamhi akagho.*

2 Khi mheseh atukpapeh oniemhi oyohi, khi mheseh oli irari khi a she roli na iheta. Weweh e ya lighi oni ehoh no pfuase ekeh-a elemhi iki egbhueva ali eva (42.)†

3 Mhi ya ri afu na otseloh aava eyemhe. E ya mekeh guele elemhi ogbeleh agbeleh ali egbhuegbeseh (1,260.) E soh ide ibuma.”

* 9:20 Li zeh Iwolo 115.4-7; 135.15-17; iDan 5.23 * 10:7 Li zeh Okiali 20.11; iDeut 32.40; iDan 12.7; Emo 3.7 † 10:10 Li zeh Ezik 2.8-3.3 * 11:1 Li zeh Ezik 40.3; iZaka 2.1-2 † 11:2 Li zeh iLuk 21.24

4 Otselẹ aava ena e khi eera olivu eva ali emhi eva ni a ri akpá ru e nga ni e migha odalo oyi Onomhue ni o mhue eke agbo.‡

5 Ini ogbokhoghwo o o dua ni loli kwale we utse, erali e rote we unu fie ya tose eni ebe we-a. Ina ebe we ni e nono ni e kwale we utse e mema li ya ghua.

6 E mholi afu ni e ro pfi okpe ukhui ini ame o khi rue eghẹghẹ ni e ro da me guele ne. E gbo mholi afu ni e ro mu ame oke mele o lia-a. E gbo ku ighuamhi khi ighuamhi she eke abi o li ghole we shi. §

7 Ini e da pfi o otselẹ se ne, inyagbemhi ni o ya rote ilimhi na ningolo lasela o ya tsua mu we, o mu we o le, o gbolo we-a.*

8 Ilimhi eyewe e ya de yeshi ifui eoli ni o fune ashini a la gbe Onomhue oyewe-a shi apfida. Irokhokho iSodumu ali ijipiti eoli ona o khi. †

9 Ogbele ese ali ukhukui, egbo na agbo nya ali edeli ali emue ali ushishi e ya ke nise uruli bino ilimhi eyewe, e a lama rewe to.

10 Egbo na eke agbo e ya ke ghele shi eghuli ni e ghu, ee bola, e de isomhopfa a ghi egbewe, irari khi emekeguele aava egho, e she nase egbo ni e la eke agbo khue.

11 Ama abi ele ese ali ukhukui e ro dose, Ayemhe oyi Eshinegba ni mholi agbo o lo we egbe, e vule migha. Ulishi oniemi o lo egbo ni e me we egbe. ‡

12 Igho e suo uruli na leghe o rote idane ngme. O o we, "Ngale odane oola." Igho e li nga idane elemhi otughunu. Ebe we e lese fe kpee. §

13 Oni eghẹghẹ a me ukpokpomhi inighise eke ni o ku eke asheghuo akemhishi igbe oyi oni eoli lue. Egbo agbele oshilua, 7,000, e ghulua, ulishi o mu egbo ni e kpole, e kueghie Eshinegba ni o la iloghie.

14 Opfuse onuzi-eva o she dose, opfuse onuzi-ese o kele ya bhale.

Akala onuzi-ishilua

15 Igho ageni onuzi-oshilua o pfi akala oyoli, igbo ikpokpo iruli e la idane ngme. Ee lie,

"Eghiele agbo o she mele

eghiele oyi Onomhue oyawa-a,
ali onayi iKirisiti oyoli-a.

O ya mhesa ke le agbo agbo."*

16 Egbhali uye ali aane ni e shito ukpekhomhi oyewe odalo Eshinegba, e de ya ta alo mu eke ga Eshinegba.

17 Ee lie,

"Anye ri ikphemhi ne,

Eshinegba Onomhue Nofune nya,
Oni o khi loli, oni o kpe khi loli,

irari khi u she rue
ekpabo eniemhi eye,
u she e mhesa.

18 Abi elemhi e ro bi ishishi,

ye ye u li mholi ofu. †

Eghẹghẹ o she ramhi

ni u ro ya gue eni eghua ezo,

ni u ro ya ri eleli na eni ee ga eye

ni e khi emekeguele,

ali eni Eshinegba o she pfa na

ni e ri ekpe na eva oye,

ghe egbo ni e mu eloe

ali ekhemhue,

abi u li pfuse eni e pfuse eke agbo-a."

19 Igho a li khueghie Owa ugamhi oyi Eshinegba na iloghie-a, a me Akpati Ishobo agho. Igho inyamhisalo ali ukpimhi ali ingmolo ali ikphala, eke e de kulue, eche rote idane deno kule. ‡

12

Oni Okpotso ali Oligio oniemi

1 Ukpokpomhi irokhase onyaloa o feli shi idane: Okpotso o ya la o ni itsua ni o so e khi ovo, uki o kpoke awe eyoli, arula oghie oyi ikpetata igbeva o rughu oli ukhomhi.

2 O o me. O tsesa leghe elemhi otomhe abi o ro ya bia.

‡ 11:4 Li ze iZaka 4.3,11-14 § 11:6 Li ze 1 Ighie 17.1; Okiali 7.17-19; 1 iSam 4.8 * 11:7 Li ze iDan 7.7,21; Iro 13.5-7; 17.8 † 11:8 Li ze Aza 1.9-10 ‡ 11:11 Li ze Ezik 37.10 § 11:12 Li ze 2 Ighie 2.11 * 11:15 Li ze Okiali 15.18; iDan 2.44; 7.14,27 † 11:18 Li ze Iwolo 2.5; 110.5; 115.13 ‡ 11:19 Li ze Iro 8.5; 16.18,21

3 Igho emhi olese o gbo feli shi idane, ukpokpomhi Oligio oniemi oyi ni o ze ikhomhi ishilua ali ekphali igbe, ali o rughu irula oghie ishilua shi ukhomhi.*

4 O ri ughia oyoli fuomhi asheghuo akemhishi ese ikpetata ni e la ukhuli pfino kule eke agbo. Oni Oligio oniemi o migha oni okpotso ni oku o to egho odalo, ni o ba me asha gbe oli oni omoo ogho le, ini a lese bia li lasele.†

5 Oni okpotso o bia omose ni o ya ri otsuodu akhuli mhese na egbo ni e la eke agbo nya. Ama a ba oni omoo eke rue ya nga idane ghi Eshinegba ali ukpekhomhi eghiele oyoli.‡

6 Oni okpotso, o na je odagbe ifufu asha ni Eshinegba o rieleshi eke khe oli ni a la ya dua li egbe ogbele agbele ali egbhuegbeshe (1,260.)

7 Igho okholi o lasele shi obini iloghie, iMakeni ali igeni eyoli, e nu oni inyagbemhi i kholi. Oni Oligio oniemi ali igeni eyoli e mie we abo oni okholi.§

8 Ama oa mhue ekpabo te iMakeni ali igeni eyoli oni okholi. Ashini a kpe ro na we obini iloghie o de we oba-a.

9 A pfi oni ukpokpomhi oni Oligio oniemi ogho tiemhile eke agbo, oni enye onede ogho ni a lu Etse ali Okphaghiye, oni o di agbo nya ya da ode, a pfi oli tiemhile eke agbo, a li pfi igeni eyoli li tiemhile.*

10 Igho mhi suo ukpokpomhi uruli obini iloghie khi oo li,

“Mena, imiepfuese

ali ekpabo ali

Eghiele oyi Eshinegba oyawa

e she bhale!

IKirisiti oyoli ni o ze

o she ri afu oyoli khase.

Irari khi Okphaghiye,

ni o gue ezoo shi

inyoghuo awa egbe,

odalo oyi Eshinegba

ghe ele oguota ghe ele-iyose,

a she pfi oli tiemhile.†

11 E gbe oli mu oli le,

itoboo oia eyi oni Omi Osumha ali ingmemhi otsese oyewe.

Ea ligho nono ingme agbo oyewe, ni o rewe ya ke ti je ukhoko na eghuli.

12 Irarigho, a ke ghele,

ee iloghie ali egbo

ni e la elemhi oli.

Ama epfua o khi na

e eke ali oke oniemi,

irari khi Okphaghiye

o she ri ofu tiemhie deba e!

Ofu o she vo li elemhi,

irari khi o lese khi

ukuku eghenge o ke mholi.”

13 Abi oni Oligio oniemi o ro me khi a she pfi lue tiemhile eke, o khu oni okpotso ni o bia oni omoo omose.

14 Ama a ri ipfua eva eyi akpa odegbe oniemi na li, ni o ro fila je odagbe ifufu. Ikhi obini a rieleshi eke khe oli ni a la ya ri eloe khu oli, eghenge ali igheghe ali ukhukhui eghenge ni o khi ikpe ese ali ukhukhui, ini oni inyagbemhi o khi ri emhi li o.‡

15 Oni Oligio oniemi o rote unu ku amese lasele abi oke ni oo tu, ro khu oni okpotso ni o ba ri ochikpho fuomhi oli ya gbe.

16 Ama eke o kpaghiye oni okpotso oboo irari khi eke o nya unu-a ri oni oke da ni oni Oligio oniemi o rote unu kpa ku le.

17 Igho oni inyagbemhi o pfaa deba oni okpotso, o ya mu okholi vule shi imi oli enekpole o, ikhi eni e ri Omhese eyi Eshinegba gbe akanya, ni e ri igesikia mu otsese oyi iJesu.

18 Igho oni Oligio oniemi o migha egele oke oniemi.

13

Oni Inyagbemhi ni o rote oke oniemi lasele

1 Mhi me inyagbemhi khi o rote elemhi oke oniemi ngale. O ze ekphe igbe ali ikhomhi ishilua, o rughu irula oghie igbe shi eni ekphali.

* 12:3 Li ze iDan 7.7 † 12:4 Li ze iDan 8.10 ‡ 12:5 Li ze Aza 66.7; Iwolo 2.9 § 12:7 Li ze iDan 10.13,21; 12.1; iJu 9 * 12:9 Li ze Igbae 3.1; iLuk 10.18 † 12:10 Li ze iJobu 1.9-11; iZaka 3.1 ‡ 12:14 Li ze iDan 7.25; 12.7

Ukhomhi ogbogbo a keke eva ni o khi ungmehi ipfiunu-a shi.*

² Oni inyagbemhi ni mhi me, o li abi ekpe, awe eyoli e li abi eyi akpogene, unu oyoli o li abi unu odumhi. Oni oligio oniemhi o ri afu na oni inyagbemhi ni o ro mholi ekpabo ro ke mhese abi oghie.†

³ A kuale oni inyagbemhi ukpokpomhi utse ni o ge ugboko oniemhi. Ama oni ugboko ogho o bie. O ri abo sha agbo nya, e ve deba li.

⁴ Egbogbo ee ga oni Oligio oniemhi irari khi o she ri afu na oni elamhako, egbo e li ga oni elamhako, e lie, "Oghuo o li abi oni inyagbemhi!" "Oghuo o dobe ya nu oni inyagbemhi kholi?"

⁵ A ri unu na oni elamhako ni o ro ngme ingmemhi emuebe ali ipfiunu-a. A ri eghenge na li ni o ro ri afu oyoli gbe akanya iki egbhueva ali eva.

⁶ O khueghie unu-a, o ngme ipfiunu-a deba Eshinegba, ro pfueche eva oyi Eshinegba ali ashini oo la ali egbo ni e nu oli la iloghie-a.‡

⁷ A ri afu na li ni o nu eni Eshinegba o she pfa na kholi, ali ni o mu we o le. A ri afu na li ni o mhese shi edeli nya, egbo ali emue ododa ali ishishi.§

⁸ Egbogbo ni e la eke agbo nya e ya ke ga oni inyagbemhi. Eni ea ga oni inyagbemhi ona, e khi eni a keke eva oyewe shi ebe ni a keke eva oyi eni e ya mholi agbo na agbogbo shi, neni a ma agbo. Oni ebe agbo ona o khi ebe agbo oyi Omi Osumha ni a ro luase obo.*

⁹ Oni o mholi eso, o ro suo!

¹⁰ Eni okholi o ya mu, o mema ya mu we.

Eni a ya gbolo-a, a mema ri itakobi ya gbolo we-a.

Eri a ri ona lie eni Eshinegba o pfa na e ri irabomudu ri egbe mie, e ri igesikia ke khase.†

Oni Inyagbemhi ni o rote agbo lasele

¹¹ Igho mhi gbo me inyagbemhi olese ni o rote eke e lasele. O ze ekphali eva abi omi osumha, oo ngme abi oligio oniemhi.

¹² O ri afu oyi inyagbemhi oni odode e gbe akanya na li. O ri itoto ri egbo na eke agbo o ga inyagbemhi onodode, ikhi oni ukpokpomhi ugboko oyoli o she bie.

¹³ O riege irokhase onyaloa enefune, o ga ri erali rote idane e tiemhile, ni egbo ee me.

¹⁴ Itobo irokhase ni a ri afu oyi inyagbemhi onodode lina a riege, o di egbo ni e la eke agbo. O gueye we e khali ikhumhi, ro khi ufumhi na oni inyagbemhi ni oni itakobi o kualit utse, ni o kie la agbo.

¹⁵ A ri afu na li ni o ri ayemhe na oni ikhumhi irokhokho oyi oni inyagbemhi onodode, ni o dobe ke ngme, ali ni a ke gbolo egbo ni ea lama ga li-a.

¹⁶ O gbo ri itoto mu ogbokpa shi olele shi obita okekhi alukpo, ghe egbo eniemhi ali enikeke, ghe eni e mholi epfue ali eni ea mholi, ghe eni ea khi ighumha ali eni e khi ighumha.

¹⁷ Ogbokhoghuo oa dobe ke e de emhikhoghuo wekhi eri o ro o de, se ni oni o mholi olele ogho, ni o khi eva oyi oni inyagbemhi ali inoba oyi eva oyoli.

¹⁸ Eri onana gueye awa, awa mholi ilasingme. Oni o lolo lese ingme o sa abi a ri oni inoba ona ngme. Oni inoba khi (666), egbhue uye ali igbe ali egbhuese ikpamhi esesa. Inoba ni o migha shi ogbo na.

14

Oni Omi Osumha ali eni egbo agbele egbhueshilua ali ene (144,000)

¹ Igho mhi bino. Ghe Omi Osumha odalo oyemhe khi o migha Ute iZayo. Egbogbo 144,000 (agbele egbhueshilua ali ene) ni a keke eva oyoli ali eva oyi itali shi we alukpo e nu oli migha.*

² Mhi ya rote idane suo uruli abi ikhoshe oyi utumhi oyi oke nofuno ni o rote ikhomhi echete tu e tiemhile. Oo

* 13:1 Li ze iDan 7.3; Iro 17.3,7-12 † 13:2 Li ze iDan 7.4-6 ‡ 13:6 Li ze iDan 7.8,25; 11.36 § 13:7 Li ze iDan 7.21 * 13:8 Li ze Iwolo 69.28 † 13:10 Li ze iJere 15.2; 43.11 * 14:1 Li ze Ezik 9.4; Iro 7.3

ngmolo abi akphala. Oni uruli ni mhi suọ, o li abi ini eni ẹ kpheli ẹfa, ẹ kpheli ẹfa.

³ E to uwolo onogbo odalo ukpekhomhi oghie ali ukpeloe oyi eni elamhako aane ni Eshinegba o ma ali ukpeloe oyi eni egbhali. Ogbokhoghuo o dobe wena oni uwolo ogho, se ni egbo agbele egbhueshilua ali ene egho (144,000), ni a she rote eke agbo pfasheke.

⁴ Enana e khi egbo ni ẹa ri ikpotso ri ichimhi mu egbewe, irari khi eri e ri egbewe shi ipfuase. E deba oni Omi Osumha a je obiobini o je kpa. Eni a rote ifuabo egbo pfasheke e khi ni a rote odode ro na Eshinegba ali oni Omi Osumha pfo.

⁵ Ogbọ o ma me egbhali okhoghuo unu oyewe, irari khi ẹa mholi umhagueli okhoghuo.†

Eni Igeni Aase

⁶ Igho mhi me agheni olese khi o la iteva irarogbe e fiala, o mhuẹ usomhi onete na agboagbo ni o ro ya tsabo gueye egbo na agbo, ikhi eni e la ishishi nya, ali edeli nya, ali emue-khi-emue ali egbo kpa.

⁷ O ri ukpokpomhi uruli lie, "Na ulishi Eshinegba, ri ufumhi nali, irari khi eghẹghẹ iguezọ oyoli o she ramhi, a ke ga oni o ma idane ali eke ni o ma oke oniemi ali ashini amẹ o te e chọchọ."

⁸ Agheni olese onuzava o deba li, oo, "IBabilo okekhui o de, oni o ri onyo ni o pfuase oyoli ona okia na ishishi nya da."‡

⁹ Agheni onuzi-aase o deba we, o ri ukpokpomhi uruli lie, "Ini ogbokhoghuo o ga oni inyagbemhi ali ikhumhi oyoli, ni o ro mie olee oyoli shi alukpo, okekhi obo,

¹⁰ oni ogbọ ogho, o ya rote onyo elemhi ibibi oyi Eshinegba li da, ikhi onyo ni aa pfose-a ni a she ku vo uko elemhi ibibi oyoli. A ya ri ofulu ni o o lala biobiobio tose oli-a ukpeloe oyi

igheni eni e pfuase ali ukpeloe oyi oni Omi Osumha.§

¹¹ Ewoli oyi anasemhe eyewe ee nga idane agboagbo. Eni e ga oni inyagbemhi ali inyagbemhi ni a khali, ali onini o da mie olee oyi eva eyoli ne, ẹa mhuẹ iyemhe shi eleeoguota, shi eliyose."*

¹² Eri onana o gueye eni Eshinegba o pfa na e ri irabomudu ri egbe mie, ikhi eni e ri omhese eyi Eshinegba a gbe akanya, ni e ri igesikia a deba iJesu.

¹³ Igho mhi suọ khi uruli o rote idane lie, "Keke onana: Ikhivose o khi na eni e ghu-a shi elemhi Onomhuẹ rote memena vu."

"Ikhivose o khi na we egbegbo!" "Igho Ayemhe o ngme, khi e ya yemhe inyama-egbe agbo-a, irari khi eminete ni e rielee, e ya deba we!"

Ikhiese oyi eke agbo

¹⁴ Igho mhi bino, mhi me otughunu opfopo odalo oyemhe. Oni o shito o, "O li abi Omi Ogbọ." O rughu arula igolu oyi oghie shi ukhomhi, o ri agaga ni oo mu mholi obo.†

¹⁵ Agheni olese o rote Owa oyi Eshinegba lasale ri ukpokpomhi uruli lu oni o shito nga ukhomhi otughunu egho leghe, oo li, "Rue agaga oye ni u ke khiese, irari khi eghẹghẹ ikhiese o she ramhi, irari khi agbo o she bie ni a khiese."‡

¹⁶ Igho oni o shito otughunu egho, o ri agaga oyoli khiese agbo.

¹⁷ Agheni olese o rote Owa oyi Eshinegba na iloghie fie lasale, loli o li mholi agaga ni oo mu.

¹⁸ Igho agheni olese o rote atete fie lasale, ikhi agheni ni o mholi omhese shi erali. O ri uruli oniemi lu oni o mholi agaga ni oo mu egho leghe, oo li, "Rue agaga oni oo mu oye, ni u ro khiese ipfonu eke agbo-a, irari khi ipfonu e she yile!"

¹⁹ Igho oni agheni o pfi agaga oyoli gase eke agbo, o khiese ipfonu nya, o ku we lo ashini a te e mino onyo.

† 14:5 Li ze iZef 3.13 ‡ 14:8 Li ze Aza 21.9; iJere 51.8; Iro 18.2 § 14:10 Li ze Aza 51.17; Igbae 19.24; Ezik 38.22 * 14:11 Li ze Aza 34.10 † 14:14 Li ze iDan 7.13 ‡ 14:15 Li ze iJoq 3.13

Amino onyọ ona, elemhi ibibi oyi Eshinegba o migha shi.

²⁰ Igho a la ashini a la amino onyọ ni o la olase oni ẹoli ri awe gue we. Olia e rote oni amino onyọ tu lasela. Utumhi oyi oni olia o ga nuata ramhi imali egbhuegbe, e limhi abi ete-awe ishe. §

15

Igeni oshilua ni e tsua anasemhe ishilua

¹ Igho, mhi me irokhase oniemi ni o mu ẹloe olese ukhomhi idane, ikhi igeni oshilua ni e mhọli anasemhe ishilua ni e khi eni e kpukhokho, irari khi wewe Eshinegba o ro ya gbe ofu oyọli ukhomhi.

² Mhi me emini o li abi oke ighegbe oniemi ni erali e solọ shi, o migha epfe oke oniemi. Egbọ ni e mu oni inyagbemhi ali oni ikhumhi oyọli ali inoba oyi eva oyọli o le, e mu ẹfa ni Eshinegba o ro na we mhue abo.

³ E to uwolo oyi iMosisi oni oo ga oyi Eshinegba ali uwolo oyi oni Omi Osumha, e lie,

“Ufumhi ali oshabo
e khi ikanya eye,
Eshinegba Onomhue Nofune nya.
Ipfuase ali igesikia
ode eye e khi,
oghie ni o mhọli ishishi nya!”*

⁴ Oghuo o ya na
ulishi oye Onomhue,
ni o ya ri ufumhi
bhale ghi eva oye?
Irari khi yeyeghuo kpele
u khi oni o pfuase.
Ishishi nya e ya bhale
ya kueghie e, irari khi
ikanya ipfuase eye
e she ri egbe khase.”†

⁵ Onana o dose se, mhi bino, mhi me Owa oyi Eshinegba na iloghie, ni o khi Igholo oyi otsela khi o khueghie-a.‡

⁶ Rote oni owa ugamhi, eni igeni oshilua ni e mhọli anasemhe ishilua e

te lasela. E sonọ itsua ni e pfuase ni ee ge nyanyanya, e ri ogbene igolu mu aye.

⁷ Igho otuoghuo eni elamhako aane ni e mhọli ayemhe egho, e ri italabi igolu ishilua ni ofu oyi Eshinegba e la, na eni igeni oshilua. Ikhi Eshinegba, ni o la o le agbo agbo.

⁸ Oni owa ugamhi o vo ewoli oyi ufumhi ali ekpabo oyi Eshinegba. Ogbọ okhoghuo o la o ni o dobe lo oni owa ugamhi ya ramhi ni eni anasemhe ishilua e ro gba pfo. §

16

Italabi ishilua ofu eyi Eshinegba

¹ Igho mhi suo khi uruli na leghe o rote oni Owa ugamhi oyi Eshinegba gueye eni igeni oshilua, “A ka ku eni italabi ishilua eyi ofu oyi Eshinegba shi eke agbo.”

² Ageni onodode o vu ya ku atalabi oyọli shi eke agbo. Iwali igboko ebe ni e lolo e to, e ge egbo ni e mhọli oleda oyi oni inyagbemhi, ni e ga oni inyagbemhi ni a khali.*

³ Ageni onuzava o ya ku atalabi oyọli lo oke oniemi, oni oke oniemi o mele olia eyi egbo ni e ghua-a. Emhikpa ni e mhọli ayemhe ni e la elemhi oni oke oniemi e ghulua.

⁴ Ageni onuzi-aase, o ku atalabi oyọli lo oke ali ichochọ ame, e mele olia-a.†

⁵ Mhi suo khi ageni ni a ri ame nga obọ khi oo li,
“Ogueso-ezo ni o pfuase
u khi, irari khi
u gue so ingme ena,
Yeye u khi Eshinegba No pfuase,
Yeye u la o memena,
ni u kpe la o, ni u gbo ya la o,
itobọ khi igesikia u ro o so ezọ eye.”

⁶ Irari khi egbo e she gbolo
eni a pfa na-a
ali emekeguele,
u she ri olia na we da,
abi o ti shi!”

⁷ Mhi suo khi atete o tsesẹ, oo,

§ 14:20 Li ze Aza 63.3; iLame 1.15; Iro 19.15 * 15:3 Li ze Okiali 15.1 † 15:4 Li ze ijere 10.7; Iwolo 86.9 ‡ 15:5 Li ze Okiali 38.21 § 15:8 Li ze Okiali 40.34; 1 Ighie 8.10-11; 2 Okhe 5.13-14; Aza 6.4 * 16:2 Li ze Okiali 9.10 † 16:4 Li ze Okiali 7.17-21; Iwolo 78.44

“Gueguegue,

Eshinegba Onomhufe Nofune nya,
iguezo eye, eyi igesikia
ali eni e te ode e khi!”

⁸ Ageni onuzi-aane o ku atalabi oyoli ku ovo, a ri ekpabo na ovo o ri erali ke tose egbo-a.

⁹ Egbo e daghie-a irari utomhi oyi erali, e ze emube na eva oyi Eshinegba ni o mholi ekpabo ro mhese na anasemhe enana, ama ea lama mupfi ni e ri ufumhi na eva oyoli.

¹⁰ Ageni onuzi-oshe o ku atalabi oyoli kushi ukpekhomhi oghie oyi oni inyagbemhi, eghiele oyoli o la obili. Egbo e ngomhi elemhi unu, shi oya.‡

¹¹ E ku itse na Eshinegba na iloghie irari utomhi ali igboko eyewe, ama ea lama mupfi lase ode okholo oyewe le.

¹² Ageni onuzi-osasa o ku atalabi oyoli lo oke iyufiretisi ni o fu, o khakha ameha ni ighie na obini ovo o te e ngale e me asha rote dose. §

¹³ Igho mhi me khi ikhiakhiamhi iyemhe aase ni e li abi ikele e rote unu oyi oni oligio oniemhi ali unu oyi inyagbemhi ali unu oyi omekeguele oyi egbholi, lasele.

¹⁴ Wewe e khi iyemhe okphaghie ni ee gbe ikanya oshabo, ni e fie deba ighie ni e la eke agbo nya, ni e ya ti we gbili shi okholi ogbele oyi Eshinegba Nofune nya.

¹⁵ “A ghe i, mhi ya bhale abi oghiatu! Ikhivose o khi na ogbo ni o ya gualo, ni o ya ri eloe khu ide eyoli ini o khi bano-a ni a me oli irumheba!”*

¹⁶ Igho eni iyemhe okphaghie e ti we gbili ashini a ri elemhi Iburu e lui Amagedo. †

¹⁷ Ageni onuzi-oshilua o ku atalabi oyoli nga idane, igho uruli na leghe o rote Owa ugamhi oyi Eshinegba rote ukpekhomhi eghiele ngme lasele, oo li, “A she rielle oli!”

¹⁸ Igho, inyamhisalo ameha, ali ukpimhi ali ingmolo oyi ikphala ali

inighise eke ee bhale. Inighise nabi ogbo-a kpe me ghue abi a te ma ogbo shi eke agbo. Oni inighise o ga khi oniemhi!‡

¹⁹ Oni eoli oniemhi o kemhi asha ese, eoli oyi eni ishishi nya e de kua. Eshinegba o sato eoli iBabilo no fu egbe. O mhese uko ni onyo ofu oyoli o vo nali. §

²⁰ Eke ni e la iteva elemhi oke nya e kelea, aa ke me ite ekhoghuo.*

²¹ Eche ameha na idane oniemhi e rote idane de mu egbo. Ee ngmano ku Eshinegba irari eni opfuse oyi eni eche ameha, irari khi oni opfuse o kholo gba. †

17

Adegbe nofunu

¹ Igho ageni oghuo ni o mholi italabi ishilua o bhale, oo mhe, “Bhale khi mhi ya ri abi a li ya nase oni adegbe onofune khase, ikhi eoli oniemhi ni o la epfe oke ni e bu.*

² Loli ighie na eke agbo e nu kia okia, onyo okia eyoli e gbe egbo ni e la eke agbo.” †

³ Igho oni ageni o rue mhe je odagbe ifufu elemhi Ayemhe. Igho mhi me okpotso ni o shito nga inyagbemhi oyile, ni o le iwali eva ipfunu-a, o ze ikhomhi ishilua ali ekphali igbe. ‡

⁴ Oni okpotso o sono itsua eyile, a ga mema ri igolu ali ifefe ali ema ro khuse o li-a. O mu uko igolu mholi obo ni o vo emhi ighuighue ali ikanya ichimhi eyi itsebo eyoli. §

⁵ Emhi osheli na keke shi oli alukpo khi.

Osheli.

IBabilo Oniemhi.

Inyo idegbe nya.

Ali inyo itsebo nya.

⁶ Mhi me khi oni okpotso, o da o lia eyi egbo ni a pfa na, o lia eyi eni a gbe-a irari khi e mie ifesu suo.

Abi mhi ro me oli, mhi yila.

‡ 16:10 Li ze Okiali 10.21 § 16:12 Li ze Aza 11.15 * 16:15 Li ze iMat 24.43-44; iLuk 12.39-40; Iro 3.3 † 16:16 Li ze 2 Ighie 23.29; iZaka 12.11 ‡ 16:18 Li ze Iro 8.5; 11.13,19 § 16:19 Li ze Aza 51.17 * 16:20 Li ze Iro 6.14 † 16:21 Li ze Okiali 9.23; Iro 11.19 * 17:1 Li ze iJere 51.13 † 17:2 Li ze Aza 23.17; iJere 51.7 ‡ 17:3 Li ze Iro 13.1 § 17:4 Li ze iJere 51.7

⁷ Igho oni ageni oṣo mhe, “Elo o ze ni u ro yila? Mhi ya gueye osheli oyi oni okpotso ali oyi oni inyagbemhi ni oṣo nga, ni o ze ikhomhi ishilua ali ekphali igbe.

⁸ Oni inyagbemhi ni u me ni o kpe khi, mena ni o ke khi loṣi, o ya roṣe ilimhi na ningolo ngale ya je epfua oyoli. Abo e ya sha egbo ni e la agbo ni aa keke eva oyewe shi ebe ni a keke eva oyi eni e ya mholi agbo na agboagbo shi, roṣe igbaekele agbo, ini e me oni inyagbemhi irari khi, o kpe khi, mena o ke khi, ni o ya bhale.*

⁹ “Onana o khi emini ogbo te e sa us-amhi ilisingme. Eni ikhomhi ishilua egbo, e khi ikhomhi ite ishilua ni oni okpotso oṣo shito.

¹⁰ Ighie oshilua e li gbo khi. Etu-oshe o, e she ghua, oghuo oṣo kiele e mheṣe, oni o kpoṣe o bhale ne. Ini o da bhale, o mema ya laṣo ukuku egheghe.

¹¹ Oni inyagbemhi ni o kpe laṣo ni o ke laṣo egbo, o khi oghie onuzi-olale, abeghuo loṣi ali oshilua enekpoṣe e li, o ya li je epfua oyoli.

¹² “Eni ekphali igbe ni u me egbo, e khi ighie ogbe ni aa ri eghiele na ne, ama a ya ri afu na we elemhi iwakati oghuo tse ni e ro mheṣe abi ighie, li shi oni inyagbemhi.†

¹³ Enana emhi oghuo e khi, e ya ri ekpabo ali afu oyewe na oni inyagbemhi.

¹⁴ E ya nu oni Omi Osumha kholi. Oni Omi Osumha o ya gbe we oni okholi, irari khi Onomhue oyi en-emhue o khi, ali Oghie ni o mholi ighie o khi. Irari khi e nu oli la, wewe o lu ni o ze, ali ni e khi eni e ri igesikia deba li.”

¹⁵ Igho oni ageni oṣo mhe, “Eni oke eniemhi ni u me, ni oni adegbe o shito, egbo ali ebubu egbo ali ishishi ali emue ododa e la agho.

¹⁶ Oni inyagbemhi ali ekphali igbe ni u me egbo e ya biselemhi oni adegbe. E pfuse oli-a, e banṣo oli-a, e

nyano li elamhi egbe ro le, e ri erali tose oli-a.

¹⁷ Irari khi Eshinegba o roṣi shi we udu e rieṣe emini o gba, loṣi e ro lama kugbe ri ekpabo eyewe na oni inyagbemhi ni o mheṣe, ya ramhi ni ungemhi oyi Eshinegba o ro bhale ya tse.

¹⁸ Oni okpotso ni u me loṣi o khi oni eoli oniemhi ni oṣo mheṣe na ighie na agbo.”

18

Udemhi oyi iBabilo

¹ Onana o dose se, mhi me ageni olese khi o roṣe iloghie e tiemhile. O mholi afu nofunṣe, ugemhi oyoli o ri eke agbo o ge nyanyanya.

² O ri uruli oniemhi tseṣe leghe, o li.

“Eoli iBabilo Oniemhi,
o she de.

O she mele ugbebo

oyi iyemhe eyi

okphaghiṣe-a,

ali ashini iyemhe

okphaghiṣe e la lese,

ashini ipfeli ali elamhako

ni aa pfuase ni aa ghue,

ee la.*

³ Irari khi ishishi nya,

e she kpoṣo onyo,

ni o ri ujili e kpha,

ikhi onyo okia oyoli.

Ighie na eke agbo

e she kia okia deba li.

Eduoki na eke agbo,

e she roṣe

iliagbo-tsuakua oyoli

mhue epfue.”†

⁴ Igho mhi suo uruli olese ni o roṣe idane lie,

“Egbo eyemhe, a na li egbe kua,

ini a khi mhue okemhi

shi olamhe eyoli,

ini a khi mhue okemhi

shi osoli anasemhe oyoli.‡

⁵ Irari khi olamhe eyoli

e she tigbili yagha ramhi idane,

Eshinegba o she sato

* 17:8 Li ze iDan 7.7; Iro 11.7; Iwolo 69.28 † 17:12 Li ze iDan 7.24 * 18:2 Li ze Aza 13.21; 21.9; iJere 50.39; 51.8; Iro 14.8 † 18:3 Li ze Aza 23.17; iJere 51.7 ‡ 18:4 Li ze Aza 48.20; iJere 50.8; 51.6,45 § 18:5 Li ze Igbae 18.20-21; iJere 51.9

umha-gueli eyoli. §
 6 Ā li ọli, abi ọ li e,
 ā fali ọli ota asha eva
 shi ikanya ni ọ gbe.
 Onyọ ni o toto ni ọ rọ na e da,
 a sọ oghoghọ nali da asha eva.*
 7 A ri osoli ali oyala nali
 ni o guẹ to ufumhi ali ẹpfue
 ni ọ rọna egbọli.
 Irari khi eri Ọni Ọkpotso
 ọ la ekelemhi tono obọ udu liẹ,
 ‘Mhemhe mhi khi ọni ọlele!
 Mhi aa tigbe ya khi
 ọsamhi-olimhi,
 mhi aa tigbe ya
 me oya egbe ghue.’
 8 Irarigho, ogbeleghuo
 anasemhe oyoli
 o rọ ya sha rughu ọli,
 shi eghuli ali evie
 ali okiamhi.
 A ya ri erali tose ọli-a.
 Irari khi Ẹshinegba Ọnọmhuẹ
 ni ọ ya gue ọli ẹzọ,
 ọnofunẹ nya ọ khi.”†
 9 “Ini ighie na agbọ ni e kia okia
 deba li, ni e nu ọli li agbọ tsua kua,
 e ya vie, e vie evie oya na li, ini e me
 ewoli erali ni ẹẹ tose ọli-a.
 10 E ya tapfia migha ke vie irari
 ulishi osoli ni a na li, ẹẹ liẹ,
 “‘Eekhue o Eekhue o
 yeye ẹoli nofunẹ,
 iBabilo ẹoli no mhuẹ ekpabọ!
 Elemhi iwakati oghuo tse
 epfua oye o she bhale!’‡
 11 “Eduoki na agbọ e ya vie ọli e vie
 oya irari khi ọgbokhoghuo ọa ke nu we
 ya de itsua. §
 12 Itsua igolu ali ẹlomho, imieche ni
 e somhotse ni e ghale, ifefe ali ema,
 ide epfopfo na kpishi, ali eni e yile,
 ghe ena wono, ali ilolo eni eyile ali it-
 sua ododa ni a ri ọora ni e pfi khali, ali
 itsua ododa ni a ri ekphali eni khali,
 ali ẹera ni e ghale, ide ali ikhuli ali
 eche imabo.

13 Ali alagho na lu ikinamoni ali
 ọshamhi ali ituale afu ẹera ali ituale
 ni a ku e shi olimhi egbe, ali atike
 ni ọọ pfi ni o ghale ali onyo ali oili
 ali ifulawa ali ikpamhi emhi ni a lu
 ado, ena ali isumha ali ichi ali amoku
 ni ichi ẹẹ tsua, li shi egbo ni e khi
 ighumha.*

14 “Eni eduoki e ya lie ọli, ‘Imomhi ni
 u ri ukpeloe shi eke e khe, o she me na.
 Ẹpfue ali ọsuumhe eye nya e she kele-a,
 ni a ke dobe gbolo me ya mie.’

15 Eduoki ni e ri emhi enana de ni e
 me elele ẹpfue rọte obọ oyi ọni ọkpotso,
 e ya migha tapfia, ulishi osoli ni ọ me
 ọọ mu we. E ya vie e vie oya,†

16 e vie nyogho, ee lie,
 “‘Eekhue-o! Eekhue-o,
 ẹoli Onofunẹ,
 ni a ri iwulu ichẹ eneyile,
 ni a ri igolu ali eche
 ni e ghale ali ifefe
 khue akhue!’

17 Aboriekhi igho,
 elemhi iwakati oghuo tse,
 eni ẹpfue eniemhi egbo
 e li opfu-a.‡

“Eni e khi ega oko-okẹ oniemhi nya
 ali eni e lo oko-okẹ oniemhi ya asha ali
 eni e gua li ali eni e rọte okẹ oniemhi e
 mie ifata, e ya tapfia migha.

18 Ini e me ewoli eyi utomhi oyoli, e
 ya lie, ‘Eoli okhoghuo o la ọ ni o li abi
 oni ẹoli oniemhi?’ §

19 E yalo ifufu ku ukhomhi, e ri evie
 ali oya vie leghe, ee lie,*

“‘Eekhue-o! Eekhue-o,
 yeye ẹoli oniemhi,
 ni eni e mholi
 oko-okẹ oniemhi nya,
 e te mholi ẹpfue eyewe
 rọte ọsuumhe oyi oni ẹoli!
 Elemhi iwakati oghuo tse
 a rọ pfuse ọli-a.†

20 A ri itobo li
 ke ghele, iloghie,
 A ke ghele,
 ẹẹ eni a pfa na

* 18:6 Li ze Iwolo 137.8; iJere 50.29 † 18:8 Li ze Aza 47.7-9 ‡ 18:10 Li ze Ezik 26.16-17 § 18:11 Li ze Ezik 27.31,36 * 18:13 Li ze Ezik 27.12,13,22 † 18:15 Li ze Ezik 27.31,36 ‡ 18:17 Li ze Aza 23.14; Ezik 27.26-30 § 18:18 Li ze Ezik 27.32 * 18:19 Li ze Ezik 27.30-34 † 18:19 Li ze Ezik 27.30-34

ali ighiusomhi na keę ali
emekeguele!
Irari khi Eshineęba
o she gue o li ezo
shi abi o li nase e. †

²¹ Igho aęeni nofunę o rue udumhi
eęę ni o li abi eęę iko pfilo oni oke
onięmhi, o o li,
“Ekpabọ na guo

a ro ya guoęho
ęoli iBabilo onięmhi-a,
aa ke gbo ya

mę e ęloe ghue. §

²² Ogbọ ọa ke gbo ya suọ

uruli efa
wekhi oyi emini áá kpheli
wekhi oyi ofele,
wekhi oyi akala

elemhi yeęę oni ęoli ona ghue.

Ogbọ ọa ke ya mę
ogbakanya okhoghuo
elemhi e ghue.

Ogbọ ọa ke ya suọ
okeke emini a mhele iko,
elemhi e ghue.*

²³ Erali akpa ọa ke gbo ya ge
elemhi e ghue,

wekhi eri a ya gbo suọ
uruli eni e zu ode
elemhi e ghue.

Eduoki eye e khi
ęgbọ eni e funę na eke agbo,

u ri ogbho oye
di ishishi nya wase-a. †

²⁴ Elemhi oni ęoli a mę
olia eyi emekeguele
ali eyi eni a pfa na,
ali eni a gboloa shi eke agbo
nya.” †

19

Okuekhoogo!

¹ Onana o doęę se, mhi suọ uruli ni
o li abi okeke onięmhi oyi ebubu ęgbọ
obini iloghie khi oo tseęę, oo lie,
“Okuekhoogo,
Imiepfuese ali ufumhi
ali ekpabọ khi

eyi Eshineęba oyawa.

² Irari khi iguezo oyoli
eyi igesikia ali
eni e sheshe e khi.

O she pfa ezo mu
adegbe onofunę,
oni o she ri okia eyoli
yese eke agbo-a.
Eshineęba o she ye okholi
to o lia eyi eni eę ga eyoli.”*

³ Igho e gbo tseęę, e lie,
“Okuekhoogo!

Ewoli eyoli e she e nga
idane agbo agbo.” †

⁴ Igho egbhali uye ali aane ali
elamhako aane, e de yeęhi, e ga
Eshineęba ni o shito oni ukpekhomhi
oghie, e lie,
“Atse! Okuekhoogo!”

⁵ Uruli o rote oni ukpekhomhi oghie
ngme o o lie,

“A kuęhie
Eshineęba oyawa,
eę ni eę ga eyoli nya,
eę ni a na ulishi oyoli,
ghe ęgbọ ni e fu
ali eni e she!” †

⁶ Igho mhi suọ uruli ni o li abi uruli
onięmhi oyi ebubu ęgbọ ni o li abi
ingmolo oyi oke ni o o tu, ni o gbo li abi
ingmolo oyi akphala. Ee lie,
“Okuekhoogo!

Irari khi Eshineęba
Onomhuę oyawa Nofunę nya,
loli o le oghie! §

⁷ Awa ke ghele,
egbe ke mu awa,
awa ri ufumhi nali!
Irari khi izu-ode oyi
oni Omi Osumha
o she ramhi,

omueshi o she mu egbe shi eke.

⁸ Ode opfopfo
ni o dala ni o pfuase,
a ro nali so.”
(Oni Ode opfopfo, igue ngeli oyi eni a
pfa na o migha shi.)

† 18:20 Li ze iDeut 32.43; iJere 51.48 § 18:21 Li ze iJere 51.63-64; Ezik 26.21 * 18:22 Li ze Ezik 26.13; Aza 24.8 † 18:23 Li ze iJere 7.34; 25.10 † 18:24 Li ze iJere 51.49 * 19:2 Li ze iDeut 32.43; 2 Ighie 9.7 † 19:3 Li ze Aza 34.10 † 19:5 Li ze Iwolo 115.13 § 19:6 Li ze Ezik 1.24; Iwolo 93.1; 97.1; 99.1

9 Oni aḡeni oḡ mhe, “Keke khi. ‘Ikhivose o khi na eḡbo ni a lu shi oni ukue aruele oyi izu-ode oyi oni Omi Osumha.’ ” O gbolo e mhe, “Ingmemhi enana, eḡbegbi ingmemhi eyi Eshineḡba e khi.”*

10 Igho mhi de ya wugha li awe ni mhi ga li. Ama oḡ mhe, “Khi li ghō! Oni oḡ ga nabi yeye ali onabi inyoghuo e enekpole mhi khi ni e mu oḡsele oyi iJesu mhue. Ga Eshineḡba! Irari khi oḡsele oyi iJesu o khi ayemhe imekeḡuele.”

Oni o nga achi opfopfo

11 Igho mhi me khi iloghie o khueghie-a mhi me achi opfopfo. Oni o nga li a lu oze-regbenga ali oni o khi igesikia. Ode ni o a mhue azeba o te e so ezō, ni o te e khōli.†

12 Ikpamhi alo eyoli e li abi elemhi ere. O rughu irula oghie ni e bu. O mhōli eva ni a keke shi oli egbe ni oḡbo olese o a lese, se ni loḡli ghuo kpele.‡

13 O so awulu ni a so oḡia. Eva ni a lu oḡli khi, “Ungmemhi oyi Eshineḡba.”

14 Ekhoḡli-okhue ni e la iloghie e deba li kia, e soḡo itsua epfopfo ni e dala ni e pfuase, e nga ichi epfopfo.

15 Itakobi ni oḡ mu o roḡe unu oyoli lasese, ni o ro ya khōli eni ishishi. Otsuodu akhuli o ro ya ke mhese na eni ishishi. O ya roḡe ashini a te e mino-onyo mino onyo lasese, Ikhi onyo no khi ofu oniemhi oyi Eshineḡba Nofune nya.§

16 A keke eva, “Oghie Ni o Mhōli Ighie, Ali Onomhue Ni o Mhōli Ekhemhue,” shi awulu na dogo oyoli ali ukhiowe oyoli.

17 Igho mhi me aḡeni khi o migha ovo, ni o vie lasese leghe lui ipfeli ni e la irarogbe e fiala, “A bhale a ka legba shi aruele oḡbomhi oniemhi oyi Eshineḡba.

18 Eḡheḡhe agho ni a le elamhi idiegbe oyi ighie ali ega ekhoḡli-okhue ni e ri ekhoḡli-okhue e ye okhue, ali elamhi idiegbe eyi eḡbo nefune, shi

elamhi ichi ali eni e nga we, ali elamhi idiegbe eḡbo nya, shi ighumha ali eni ea khi ighumha ghe eḡbo enikeke ali eḡbo eniemhi.”*

19 Igho mhi me oni inyagbemhi ali ighie na eke agbo ali ekhoḡli-okhue eyoli khi e lona kugbe, ni e ro nu oni o nga oni achi ali ekhoḡli-okhue eyoli khōli.

20 Ama a mu oni inyagbemhi ma omekeḡuele oyi eḡbhōli oyoli, oni o ri eva oyoli gbe irokhase onyaloa. Eni irokhase ena o ro di eḡbo ni e mie eni oḡle eyi oni inyagbemhi shi egbe, ni e ga irokhokho oyoli ni a khali. Oni inyagbemhi ali oni omekeḡuele oyi eḡbhōli, a mu we pfilo uyele erali ni ofulu o la to kua yala.†

21 Eni e kpole, a ri itakobi oni o roḡe unu oyi oni o nga oni achi gbolo we-a. Eni ipfeli nya e ri elamhi idiegbe eyewe le.

20

Ikpe Agbele

1 Igho mhi me khi aḡeni o roḡe idane e tiemhile o mu okpe ilimhi na ningolo mhōli obō, o tsua ukpokpomhi uweḡhe.

2 O gamhi oni oligio oniemhi rue, ikhi enye onede ogho ni o khi etse ali Okphaghie, o ge oḡli ikpe agbele oghuo.*

3 O pfi oḡli lo oni ilimhi na ningolo, o pfi okpe o. O pfi oni ilimhi na ningolo unu ma, ini o khi ke gbo me asha di ishishi eḡbo, ya ramhi ni eni ikpe agbele e ro ya gba. Ini ona o dose se, a mema ya rue oḡli obō-a ukuku eḡheḡhe.

4 Igho mhi me ikpekhomhi ighie. Eni e shitō o, e khi eni a ri afu na ni e ri eḡbo gue ezō. Igho mhi gbo li me iyemhe eyi eḡbo ni a kholo ikhomhi o, irari oḡsele ni e pfi na iJesu ali ungmemhi oyi Eshineḡba. Eni eḡbo ena ea ga oni inyagbemhi wekhi irokhokho eyoli, wekhi eri e mie oḡle eyoli shi atete ukhomhi, wekhi obō. E ya te

* 19:9 Li ze iMat 22.2-3 † 19:11 Li ze Ezik 1.1; Iwolo 96.13; Aza 11.4 ‡ 19:12 Li ze iDan 10.6 § 19:15 Li ze Iwolo 2.9; Aza 63.3; iJoḡ 3.13; Iro 14.20 * 19:18 Li ze Ezik 39.17-20 † 19:20 Li ze Iro 13.1-18

* 20:2 Li ze Igbae 3.1 † 20:4 Li ze iDan 7.9,22

eghuli guale, e ya nu iKirisiti mhese ikpe agbele.†

⁵ Egbò ni e kpòle ni e ghuloa ẹa ke rọte eghuli guale, ramhi ni ikpe agbele egho e ro gba. Onana o khi irote eghuli guale onodode.

⁶ Ikhivose ali ipfuase e khi eyi eni e mholi obò shi iguale onodode onana. Eghuli onuzi-eva ọa mholi ekpabò shi egbo eghoghò egbe, ama e ya khi ekpodalo-ugamhi eyi Eshinegba ali eyi iKirisiti. E ya nu ọli mhese ikpe agbele.

⁷ Ini eni ikpe agbele e gba se, a ya taghie Okphaghie owa ighumha oyoli-a.

⁸ O ya fie lasale ya di egbo ni e la ishishi nya na eke agbo, ikhi egbo ni a lu iGogi ali iMagogi, ni o ro ti we gbili shi okhòli. Eri e bu abi ekhashe ni e la egele okè oniemi.‡

⁹ Igho e to ogholi ya gbe eke agbo khia, e pfi gasè apfe eyi egbo eyi Eshinegba, ọli ni o nono egbegbo. Ama erali e rọte idane tiemhile ya tose we-a.

¹⁰ Oni etse ni o di we, a mu ọli pfilo erali ilimhi iriere ni ofulu o la to kua yala. Ikhi ashini a pfi oni inyagbemhi ali omekeguele oyi egholi lo. A ya la agho na we osoli agboagbo, no gbe no bi.

A ri eni e ghu-a gue ezò

¹¹ Igho mhi me ukpokpomhi ukpekhomhi oghie opfopfo ali oni o shito o. Abi o shito egho, eke ali ukhui e kele-a, ẹa ke me ashikhoghua la.

¹² Igho mhi me egbo ni e ghuloa, ghe eniemhi, ali enikeke, e migha odalo oni ukpekhomhi oghie. Igho a khueghie ebe ni e bu-a. A gbo khueghie ebe olese-a ni o khi ebe ni a keke eva oyi eni e ya mholi agbo na agboagbo shi. A gue eni e ghu-a ezò abi ikanya ni e gbe e li, abi a li keke we shi eni ebe.§

¹³ Okè o kpa egbo ni e ghuloa shi o ku lasale. Eghuli, ali ilimhi, e

khueghie unu-a kpa egbo ni e la el-emhi we ku lasale. A gue oghoghò nya ezò abi o li gbe.

¹⁴ Igho a pfi Eghuli, ali ilimhi lo uyele erali. Erali ilimhi iriere onana o khi eghuli onuzi-eva.

¹⁵ Onini eva oyoli ọa da la oni ebe ni a keke eva oyi eni e ya mholi agbo na agboagbo shi ne, eri a ya pfi ọli pfilo oni erali ilimhi iriere.

21

Ijerusalemu Onogbo

¹ Igho mhi li me iloghie onogbo ali eke agbo onogbo. Iloghie onodode ali eke agbo onodode e she kala-a, igho li khi okè oniemi.*

² Mhi me oni ọli ni o pfuase ikhi oni iJerusalemu onogbo khi o rọte idane e tiemhile rọte obò oyi Eshinegba, abi omueshi ni a khuese somhotse e ghi odò li.†

³ Igho mhi suo ukpokpomhi uruli khi o rọte oni eghiele e lie, “A ghe khe! Eshinegba o ri apfe oyoli tiemhile deba egbo, eri o ke ya nu egbo ngeli kugbe, eni egbo e ya khi egbo eyoli, Eshinegba o ya nu we la kugbe.‡

⁴ O ya shishi we amevie alo-a, eghuli ọa ke ya lao, wekhi eri a ke ke vie wekhi asha o ke ya ke to ogho, irari khi emini edio e she dose.”§

⁵ Oni o shito oni ukpekhomhi oghie o o li, “Ghe khe, Mhi ri emhikpa a mele enegbo-a!” Igho o o, “Keke emhi enana shi eke irari khi ingmemhi ni a ri egbe e da ni e khi igesikia e khi.”

⁶ O o mhe, “A she li ọli. Mhemhe mhi Aafa ali Omega, mhemhe mhi khi igbaekele ni mhi khi ozukhomhi. Oni okiamè o o gbe, mhi ya rọte okè ni o o chocho amè, ni o ri agbo a na ogho na li da afue.*

⁷ Oni o da mu o le ne, o ya mholi ikhivose ona, ni, Mhemhe mhi ya khi Eshinegba oyoli, loli o khi omimhe.†

⁸ Ama egbo ni e khi enulishi ali eni ẹa ya lama miesuo, ena angeli

‡ 20:8 Li ze Ezik 7.2; 38.2,9,15 § 20:12 Li ze iDan 7.9-10 * 21:1 Li ze Aza 65.17; 66.22; 2 iPit 3.13

† 21:2 Li ze Aza 52.1; 61.10; Iro 3.12 ‡ 21:3 Li ze Ezik 37.27; iLev 26.11,12 § 21:4 Li ze Aza 25.8;

35.10; 65.19 * 21:6 Li ze Aza 55.1 † 21:7 Li ze 2 iSam 7.14; Iwolo 89.26-27

ichimhi ali egbugbeli, ali ena itsebo eni e mu imhese ogbho ali eni ega ikhumhi, ali e lo egbholi nya, okiemhi oyewe o ya khi erali ilimhi iriere ni ofulu la to kua yala. Onana khi eghuli onuzi-eva.”

⁹ Ageni oghuo eni oshilua ni o mholi italabi ishilua ni e vo anasemhe ishilua ni e kpe ukhokho, o bhale ya lie mhe, “Bhale, mhi ya ri oni omueshi onogbo khase, ni o khi ughue oni Omi Osumha.”

¹⁰ Elemhi oni ayemhe, oni ageni o tsua mhe nga ukhomhi ute oniemhi ni o yagha, o remhe khase oni Eoli-No-pfuase ikhi iJerusalemu, khi o rote idane te obo oyi Eshinegba a tiemhile.‡

¹¹ O ri ufumhi oyi Eshinegba ge nyanyanya. Ugemhi oyoli o li abi echeli ni o somhi otse ni a lu ijasipa ni o li abi ughegbe.

¹² O mholi ukpokpomhi ugbe ni o yagha ni o mholi ode inuekpe igbeva. Eni ode inuekpe, igeni ogbava e la o. Eni ode inuekpe igbeva ena a keke eva eyi edeli igbeva eyi iZireni shi o.

¹³ Ode inuekpe esese e la obo-ugbe enenene oyi oni ugbe. Ese e la ukiekie obini ovo o te e ngale oyoli, ese e la ukiekie obita, ese e la ukiekie ogobo, ese e li la ukiekie obini ovo o te e lo eko.§

¹⁴ Oni ugbe ni o gaso oni eoli o mholi echegbe igbeva. Eni echegbe igbeva ena, a keke eva eyi ighi-somhi na keke ogbava eyi oni Omi Osumha shi o.

¹⁵ Oni o nu mhe e ngme, o mholi ukpokpo ni a roo mheso emhi ni o khi igolu ni o ro ya mheso oni eoli ali eni ode inuekpe ali igbe eyoli.*

¹⁶ Oni eoli o zo abo igbe ene, ni iyagha ali inuata ali uemhi eyoli e li abizize. O mheso oni eoli, o ya khi ikuku emhi ea la imali agbele ali egbhueshe ashi ishe (1,500), unuemhi ali uemhi eyi eni abo igbe ali iyagha eyoli e khi abizize.

¹⁷ Oni ageni o li mheso ugbe oyoli, e ya khi ete-awo egbhuegbe. Abi awa lie mheso eke.

¹⁸ Ugbe oyoli, echegbe ijasipa a ro mali, oni eoli o khi egbegbi igolu ni a te e me eke abi ughegbe.

¹⁹ Irogbekere oyi igbe ni a ma gaso oni eoli e ya khi echegbe ni e ghale ododa. Onodode o khi ijasipa, onuzi-eva o khi isafaya, onuzi-eso o khi ikalisodoni, onuzi-ene o khi emeradi,

²⁰ onuzi-ishe o khi isadonizi, onuzi-esesa o khi ikaneliani, onuzi-ishilua o khi ikirisolati, onuzi-elele o khi iberili, onuzi-itili o khi itopazi, onuzi-igbe o khi ikirisopirazi, onuzi-igbaghuo o khi ijasiti, onuzi-igbeva o khi ametisiti.

²¹ Eni ode inuekpe igbeva e ya khi ifefe. Ode unuekpe ogbogo a ri ufefe oyoli rielegbe. Ode agbala ni o la oni eoli, egbegbi igolu ni a te e me eke abi ughegbe a ro ku oli.†

²² Mhi aa me Owa ugamhi okhoghuo oni eoli, irari khi Eshinegba Onomhue Nofune nya ali Oni Omi Osumha wewe e khi Owa Ugamhi ni e la agho.

²³ Oni eoli o ke mholi emini o ri ugemhi oyi ovo wekhi oyi uki ya li. Irari khi ugemhi oyi Eshinegba loli o khi akpa ni o la agho, oni Omi Osumha o khi akpa ni o la agho.‡

²⁴ Egbogbe na agbo nya e ya ri oni akpa ke kia, ighie ni e la agbo e ya tsua epfue eyewe bhale agho.§

²⁵ Ogbogbe o ya tigbe khukhu ode inuekpe ni e lo oni eoli le ghue, itobo khi ogbo o ya me eliyoso agho.

²⁶ A ya tsua epfue ali ufumhi eyi ishishi lo oni eoli le.*

²⁷ Ama, emini e ri ichimhi e mu o ya tigbe lo agho le, wekhi ogbo ni oo gbe ikanya omama ali ni o rielegbe emhi egbhue, se khi ogbo ni eva oyewe o la ebe ni a keke eva oyi eni e ya mholi agbo na agbogbo shi oyi oni Omi Osumha.†

‡ 21:10 Li ze Ezik 40.2 § 21:13 Li ze Ezik 48.30-35 * 21:15 Li ze Ezik 40.3 † 21:21 Li ze Aza 54.11-12 ‡ 21:23 Li ze Aza 60.19-20 § 21:24 Li ze Aza 60.3 * 21:26 Li ze Aza 60.11 † 21:27 Li ze Aza 52.1; Ezik 44.9

22

Oke Ame Agbo

¹ Igho o ri oke ame ni o ri agbo o na ogbo khase mhe, oke ni o pfuase abi ughegbe, ni o rote ukpekhomhi Eghiele oyi Eshinegba ali oyi Omi Osumha tu u lasele.*

² Oni oke o rote iteva oyi oni ode agbala ni o la oni eoli. Ukiekie eve-eva oyi oni oke, oora ni o ri agbo o na ogbo e migha, ni o mo idumhi igbeva ododa, ni o mo idumhi uki kpa. Ebe oyi oni oora a ro ri ishishi e ze.†

³ Emhikhoghwo ni Eshinegba o pfi unu na o ke ya la agho. Ama ukpekhomhi oghie oyi Eshinegba ali oyi Omi Osumha oyoli e ya la agho, eni e ga eyoli e ya ke ga.‡

⁴ E ya me alo eyoli, ali eva oyoli o la we alukpo.

⁵ Eliyose o ke ya la o. E a mholi emini e ri ugemhi oyi akpa ali ugemhi oyi ovo ya li, irari khi Eshinegba Onomhue lolighwo o ya khi akpa oyewe, e ya ke mheshe abi ighie agboagbo.§

⁶ Oni ageni oo mhe, “Eni ingmemhi enana, eni a ri egbe e da e khi, e gbo khi igesikia. Eshinegba Onomhue ni o ri ayemhe oyoli na emekeguele, loli o ghie ageni oyoli o ka rokhase eni e ga eyoli, emini a ya me ni o ke ya tese.”

Ijesu o ya bhale

⁷ “A ghe ii, mhi kele ya bhale! Ikhivose o khi na ogbo ni o ri ingmemhi imeguele ni e la ebe onana gbe akanya.”

⁸ Mhemhe iJoni mhi suo, ni mhi gbo me emhi enana. Abi mhi ro suo, ni mhi ro gbo me na, mhi de ya wugha oni ageni ni o ri eni emhi enana khase mhe awe ni mhi ga li.

⁹ Ama o gueye mhe, “Khi li igho, oni oo ga nabi yeye ali onabi inyoghwo e emekeguele, ali eni e ri ingme ni a keke shi ebe onana gbe akanya mhi li khi. Ga Eshinegba!”

¹⁰ Oo mhe, “Khi khukhu ingmemhi imeguele ni e la ebe ona, irari khi oni egheghe o she ti ramhi.

¹¹ Oni oo riele onobe, o ke riele tsee, oni oo gbe ikanya ichimhi, o ke gbe tsee, oni o gue a ngeli, o gue ke ngeli tsee, oni o pfuase, o pfuase ke le tsee.”*

¹² “A ghe ii, mhi kele ya bhale, mhi tsua ifata eyemhe, mhi ya fali ogbogbo ota abi o li gbe.†

¹³ Mhemhe mhi khi Aafa ali Omega, Mhemhe mhi khi oni Odode ali Okpukhokho, ni mhi khi Igbaekele ali Ukpese.‡

¹⁴ “Ikhivose o khi na ogbo ni e pfe iwulu eyewe-a pfuase, ni e mhu obo shi oora ni o ri agbo a na ogbo, ali ini e ba me asha rote ode unuekpe ni o lo oni eoli, le lole.§

¹⁵ Ewa e la oolase oni eoli, ali eni e mu imheshe ogbho ali eni e li itsebo ali ogbo ugbeli ali eni e ga ikhumhi ali eni e da nono ingme egbho, ni e di ogbo.

¹⁶ “Mhemhe iJesu mhi she ghie ageni oyemhe o ri otsela ona ghi e eni igbaa nya eyi eni e mie iJesu iKirisiti suo. Mhemhe mhi khi Umhili ali Omioni iDefidi, Mhemhe mhi khi Ukpeta ni o ge eluzogbe.”*

¹⁷ Oni Ayemhe ali omueshi onogbo oo li, “Bhale!” Oni o suo ona o li lie, “Bhale!” Oni okiam o gbe o bhale, ali onini o ghole o bhale ka da ame ni o ri agbo a na ogbo, afue afue.†

¹⁸ Mhi tse agua ye ogbo ni o suo imeguele ni e la ebe ona. Ini ogbokhoghwo o khi ma o, Eshinegba o ya khi anasemhe ni a keke shi ebe ona ma li agbo.

¹⁹ Ini ogbokhoghwo o rote ingmemhi imeguele ni a keke shi ebe onana rue pfi-a, Eshinegba o ya mie oli okemhi ni o mholi shi oora ni o ri agbo a na ogbo, ali ashini a khi na li shi eoli ni o pfuase, ni a ngme ingme oyoli shi oni ebe onana.‡

* 22:1 Li ze Ezik 47.1; iZaka 14.8 † 22:2 Li ze Igbae 2.9; Ezik 47.12 ‡ 22:3 Li ze iZaka 14.11 § 22:5 Li ze Aza 60.19; iDan 7.18 * 22:11 Li ze iDan 12.10 † 22:12 Li ze Aza 40.10; 62.11; Iwolo 28.4; iJere 17.10 ‡ 22:13 Li ze Iro 1.8,17; 2.8; Aza 44.6; 48.12 § 22:14 Li ze Igbae 2.9; 3.22 * 22:16 Li ze Aza 11.1,10 † 22:17 Li ze Aza 55.1 ‡ 22:19 Li ze iDeut 4.2; 12.32

²⁰ Ọni ọ pfi ọtsẹlẹ shi ebe onana, ọọ,
“Iḡesikia lọ, mhi keḡe ya bhale.”
Atsẹ. IJesu Ọnọmhue bhale.

²¹ Okhale oyi iJesu Ọnọmhue o ka nu
eni miesuọ nya la, Atsẹ.